

釋宗金書



禪宗全書

語錄部七

(42)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓

- 一、無門慧開禪師語錄
- 二、虎丘紹隆禪師語錄
- 三、眞歇清了禪師語錄
- 四、自得慧暉禪師語錄
- 五、應菴曇華禪師語錄
- 六、大慧普覺禪師語錄
- 七、大慧禪師禪宗雜毒海
- 八、古尊宿語要

解題

編譯組

一、無門慧開禪師語錄：二卷。宋·無門慧開撰，普敬等編。宋·淳祐九（一一四九）年序刊。又名「無門開和尚語錄」。本書爲月林師觀法嗣無門慧開的語錄，主要輯錄師於湖州報因、天寧、黃龍崇恩、雲巖崇報、翠巖廣化等禪寺的上堂語、告香普說、小參、贊佛祖、偈頌、真贊等。

二、虎丘紹隆禪師語錄：一卷。宋·虎丘紹隆撰，嗣端等編。明·萬曆二十（一五九二）年刊行。又名「虎丘隆和尚語錄」。本書輯錄圓悟克勤法嗣虎丘禪師住和州開聖、宣州彰教、虎丘雲巖等禪寺之語錄、初祖贊。卷末附有徐林所撰之塔銘。

三、真歇清了禪師語錄：二卷。上卷「長蘆了和尚劫外錄」，又名「真歇和尚劫外錄」，宋·真歇清了撰，德初、義初編。主要輯錄清了禪師的上堂語、法要、機緣、偈頌、頌古、塔銘等。下卷「真歇和尚拈古」，宋·真歇清了著。明·崇禎四（一六三一）年刊行。輯錄清了禪師據三祖僧璨「信心銘」所作之拈古。

四、自得慧暉禪師語錄：六卷。宋·自得慧暉撰，簪谿了廣編。又名「靈竺淨慈自得禪師錄」。主要輯錄師之上堂語、小參、示衆、機緣問答、下火等。卷末並附紹興二九（一二五九）年洪

恭所撰之塔銘。

五、應菴曇華禪師語錄：十卷。宋·應菴曇華撰，守詮等編。南宋·乾道二（一一六六）年刊行。又名「應菴和尚語錄」。主要輯錄師於妙嚴、安國、光孝、薦福等禪院的語錄、小參、法語、書、頌古、佛事等。卷末附有塔銘、祭文、普說。

六、大慧普覺禪師語錄：三十卷。宋·大慧宗杲撰，雪峰蘊聞編。宋·乾道八（一一七二）年入藏刊行。主要輯錄師於能仁禪院、廣利禪寺、雲門菴、洋嶼菴的語錄及雲居首座寮秉拂、室中機緣、頌古、偈頌、讚佛祖、普說、法語、書等。附錄收有「大慧普覺禪師年譜」。

七、大慧禪師禪宗雜毒海：二卷。宋·大慧宗杲撰，法宏、道謙編。南宋·紹興元（一一三一）年祖慶跋刊。又名「禪宗雜毒海」、「大慧普覺禪師語錄」。本書收錄大慧於洋嶼菴所提唱的先德機緣法語、參禪居士追憶記、方外道友讚、佛祖讚等文。

八、古尊宿語要：四卷。宋·蹟藏主（僧挺守蹟）編。宋·紹興年間（一一三一—一一六二）刊行。本書輯錄唐、宋兩代二十位禪師的語錄。各卷卷首附有宋·淳熙五（一一七八）年鼓山德最所撰之祖師小傳。

解題

壹、無門慧開禪師語錄……………一

序……………二

卷上……………二

無門開和尚住湖州報因禪寺語錄——開山護國仁王禪寺語錄

卷下……………十七

告香普說——眞贊

末後記……………二九

貳、虎丘紹隆禪師語錄……………三一

原書目錄……………三三

住和州開聖禪院語錄……………三三

宣州彰教禪院語錄……………三五

平江府虎丘雲巖禪寺語錄……………三九

初祖贊……………四四

塔銘……………四四

叁、真歇清了禪師語錄……………四七

較正重刻劫外錄引……………四九

眞州長蘆了禪師劫外錄序……………四九

卷上：眞州長蘆了和尚劫外錄……………四九

崇先真歇了禪師塔銘……………六三

附錄……………六六

卷下：真歇和尚拈古……………六八

跋……………八五

肆、自得慧暉禪師語錄……………八七

敘……………八八

胡文狀書秘讀序、四十八章圖……………八八

卷一：上堂、小參語，附石霜明總禪師下語寄言……………八九

卷二：上堂語，附石霜明總禪師下語寄言……………一〇一

卷三：上堂語，附石霜明總禪師下語寄言……………一一〇

卷四：示衆……………一二〇

卷五：機緣問答……………一二四

卷六：下火	一二八
塔銘	一三一
伍、應菴曇華禪師語錄	一三三
序	一三四
原書目錄	一三四
卷一	一三五
初住處州妙嚴禪院語錄——蘄州德章安國禪院語錄	
卷二	一四三
饒州報恩光孝禪寺語錄——饒州東湖薦福禪院語錄	
卷三	一五一
饒州莞山寶應禪院語錄——廬山歸宗禪寺語錄	
卷四	一六〇
婺州寶林禪寺語錄——江州東林太平興龍禪寺語錄	
卷五	一六八
建康府蔣山太平興國禪寺語錄——平江府報恩光孝禪寺語錄	
卷六	一七八
明州天童山景德禪寺語錄——小參	
卷七	一八七

法語上

卷八……………一九七

法語中

卷九……………二〇七

法語下 書

卷十……………二一七

頌古 佛事

附：塔銘、祭文、普說……………二二四

陸、大慧普覺禪師語錄……………二二九

原書目錄……………二三一

進大慧禪師語錄奏劄……………二三二

卷一：住徑山能仁禪院語錄……………二三三

卷二：住徑山能仁禪院語錄……………二四一

卷三：住徑山能仁禪院語錄……………二四九

卷四：住徑山能仁禪院語錄……………二五六

卷五：住育王廣利禪寺語錄……………二六四

卷六：再住徑山能仁禪院語錄……………二七一

塔銘……………二七六

卷七：住江西雲門菴語錄·····	二七八
卷八：住福州洋嶼菴語錄·····	二八五
泉州小谿雲門菴語錄·····	二八七
卷九：雲居首座寮秉拂語錄·····	二九三
室中機緣·····	二九九
卷十：頌古·····	三〇一
卷十一：偈頌·····	三一一
卷十二：讀佛祖·····	三一六
秉炬入塔·····	三二三
卷十三：普說·····	三二四
卷十四：普說·····	三三〇
卷十五：普說·····	三四〇
卷十六：普說·····	三五〇
卷十七：普說·····	三五六
卷十八：普說·····	三六四
卷十九：法語·····	三七〇
卷二十：法語·····	三七七
卷二十一：法語·····	三八五

卷二十二：法語……………三九二

卷二十三：法語……………四〇〇

卷二十四：法語……………四〇八

卷二十五：書……………四一六

卷二十六：書……………四二三

卷二十七：書……………四三〇

卷二十八：書……………四三九

卷二十九：書……………四四六

卷三十：書……………四五五

附錄：大慧普覺禪師年譜……………四六三

柒、大慧禪師禪宗雜毒海……………四九七

序……………四九九

卷上……………四九九

卷下……………五二六

跋……………五五四

捌、古尊宿語要……………五五五

序……………五五七

原書目錄……………五五八

卷一：行狀……………五五八

池州南泉普願和尚語要……………五五九

投子和尙語錄……………五六六

睦州和尙語錄……………五七四

趙州眞際禪師語錄……………五八五

卷二：行狀……………六一三

汝州南院顒和尚語要……………六一五

汝州首山念和尚語錄……………六一九

汝州葉縣廣教省禪師語錄……………六三一

潭州神鼎山第一代禪師語錄……………六四四

并州承天嵩禪師語錄……………六五三

石門山慈照禪師鳳巖集……………六五九

卷三：行狀……………六七一

舒州法華山舉和尚語要……………六七二

筠州大愚芝和尚語錄……………六八一

雲峰悅禪師語錄……………六九一

袁州楊岐山普通禪院會和尚語錄……………七一五

潭州道吾眞禪師語要……………七二二

卷四·行狀·····七二九

大隋開山神照禪師語要·····七三〇

衢州子湖山定業禪院第一代神力禪師語錄·····七三九

甌閩鼓山先興聖國師和尚法堂玄要廣集·····七四三

襄州洞山第二代初禪師語錄·····七五七

智門祚禪師語錄·····七七十二

無門慧開禪師語錄

宋
•
普 無
敬 門
等 慧
編 開

無門老子早修杜多行繼參臨濟禪一十五處道場
隨緣赴感八萬四千偈頌信口入玄籠罩古今赫耀
緇白雄辯徹

九重之聽神機感三日之霖雖禪衲半涉於信疑然
朝紳競爲之稱替爭知這老漢一似太虛空兩忘是
非何有愠喜遊戲如幻三昧撈捋有緣衆生參徒口
傳侍者筆授未待涅槃時至已同結集功成不慕伊
化金地於竹林園不重伊掛草鞋於龍床角不賞伊
學牛頭融入定於石室不羨伊似法華言見禮於槐
庭巨耐四面關無門會使八風吹不動滄洲居士久
嚮聲價阻接笑談有來函書貽我方冊須知道信手
拈來的爲得人解黏釋縛麼十字街頭竿木隨身且
與逢場作戲三十年後珠玉同價會須有箇知音淳
祐己酉季春中巒 眉山程 公許序

無門開和尚語錄卷上

無門開和尚住湖州報因禪寺語錄 月林和尚
開山師爲
第二
代

侍者 普敬 錄

師於嘉定十一年五月初九日入院指三門云父子
不傳百無一有挾路相逢推門落臼

佛殿禮拜卽是不禮卽是黃面瞿曇在我腳底

底帖山巖仙瀾水邊佳城害中有響句下分明

法座一著高一著一步闕一步撥轉上頭關乾坤全

體露遂陞座拈香祝 聖罷次拈香云此香觀者則

眼睛枯嗅著則腦門裂分明拈出燕向爐中奉爲

兩住平江萬壽後住烏圓先師月林和尚非圖報德

酬恩且要還相鋪置遂跌座 問答 不錄 乃云昔年曾向山

中去千手大悲攔不住今朝又向山中來優曇華向

半天開一來一去歷歷分明今日昔年頭頭合轍所

以道只解舊時人不解舊時行履處正與麼時且道

不涉去來一句如何話會盤陀石上坐深夜一炷清

香散月林。復云茅菴艸舍住山深無奈檀那錯訪尋了却先師未了底惡聲從此滿叢林。

上堂舉僧問雲門樹凋葉落時如何門云體露金風師云者僧開口見膽雲門露出心肝山僧亦有一偈舉似諸人樹凋葉落體露金風更問如何眼瞎耳聾上堂靜中消息關中觀關中消息靜中看靜關掀翻行正令倚天長劍逼人寒。

上堂舉五祖演和尚示衆云秋雲秋水兩依依塞鴈聲聲度翠微多向洞庭青艸岸楚天空闊不知歸師云大衆演師祖怎麼說話意在於何且道今日報因與水雲相會豎聲相應一句又作麼生畢竟水須朝海去到頭雲定覓山歸。

隆興府天寧禪寺語錄

侍者 普通 錄

三門開市門頭有一句子攬手出漳江。全身在裏許。佛殿稽首老瞿曇。擔頭入關。藍炷香三拜了天上與人間。土地靈從何來聖從何起五通六通不是不是今日。

天寧如何指示燒香云齊之以禮

方丈拈拄杖云關市紅塵入。鴈垂手纔涉思惟劈脊便接。

拈帖夫子眼睛瞿曇巴鼻不是四六文章亦非仁義禮智普請大家齊側耳。

法座平沈大地高出虛空釋迦彌勒齊立下風遂陞座祝。聖罷。問答不錄乃云十字街頭三家村裏關中求。

靜忙裏偷閑列岫亭前翠竹引清風滕王閣下長江浸明月怎麼會得佛法世法盡在目前其或未然堪。

咲當年亮座主西山一去杳無聞。復舉侍郎吳狀元見示頌云手中拍板袖中槌贏得逢場弄一回寄。

語無門開道者挑包便好出山來山僧偈和一首眼如鼻孔口如槌業識忙忙喚不回南浦西山耕未遍。

披毛戴角又重來

上堂舉臨濟示衆云四大色身不解脫法聽法脾胃肝膽不解說法聽法虛空不解說法聽法師云臨濟和尚怎麼說話大似嚼飯餞嬰兒然雖如是且道是誰解說法聽法於斯薦得參學事畢其或未然直待。

當來問彌勒

中秋上堂靈山話月曹溪指月寒山比月從上佛祖
納盡敗闕天寧卽不然有箇頌子舉似大衆地黑天
昏見得親肯隨光影弄精魂老僧拏下死中活佛與
衆生一口吞

受黃龍請辭衆上堂休分鄺市與山間靜關閑忙著
眼看靜關二途俱泯絕如珠轉轉走金盤

隆興府黃龍崇恩禪寺語錄

侍者 普通 錄

三門一鏃破三關坐斷江西路佛祖到頭俱南措至
竟全憑這一步

佛殿殿裏底是什麼千百化身無處討禮拜燒香不
勸自破

拈帖狀元筆下鼓風雷未放游鱗久曝腮激起硯池
些子水洗光幕阜翠崔嵬

陞座祝

聖罷問答
不錄

乃云遇緣卽宗雲從龍隨處作

主風從虎大地撮來無寸土倒嶽傾秋與雲致雨直
得三艸二木同霑一雨正與麼時且道功歸何所一

氣不言含有象萬靈何處謝無私 復舉誌公和尚
令人傳語南嶽思大和尚何不下山教化衆生公案
師云思大被誌公一問直得分疎不下今日忽有人
問山僧何不下山教化衆生山僧拈拄杖劈脊便撻
且道與古人是同是別

謝兩班上堂有箇不施寸刃殺人遍野底大將軍向
黃龍山下割箇硬寨前頭把斷三關後面重開陷穽
差臨濟爲先鋒德山爲殿後祕魔爲左軍石鞮爲右
將既是前後左右得人說甚長蛇偃月休誇三路六
韜談笑間狂賊煙飛彈指頃魔軍殄滅然雖如是且
坐致太平一句又作麼生不須弓矢力斜漢月初生
上堂釋迦頂額一機達磨單傳一著崇恩不惜眉毛
只作一句道却

上堂今朝十月念五黃龍有一轉語分明更不震藏
直截當陽爲舉因甜瓜徹蒂甜苦瓠連根苦

上堂若人識得心大地無寸土古人怎麼道黃龍卽
不然若人識得心大地盡是土

建寧塔歸寺上堂舉唐肅宗問忠國師百年後所需

何物國師良久云會麼肅宗云不會國師云吾有付
法弟子耽源却諳此事可召問之國師遷化後肅宗
召問耽源源云湘之南潭之北中有黃金充一國無
影樹下合同船琉璃殿上無知識師云肅宗不忘付
囑國師付囑不忘耽源起模畫樣漏逗不少山僧効
顰輒成一頌湘南潭北影團圓面面簷檻風雨寒突
出虛空無縫罅從教千古與人看

建 聖節上堂金佛不度爐木佛不度火泥佛不度
水眞佛屋裏坐趙州和尚恁麼說話當頭道著美則
美矣要且未有末後句今日黃龍建 聖節且道末
後一句又作麼生大千沙界歸 皇化億萬斯年祝
聖躬

上堂舉佛性泰和尚道五日一番赴箇程限無道可
談無法可演寧可碎身如微塵莫教瞎却衆生眼師
云泰和尚恁麼說話大似作賊人心虛黃龍又且不
然五日一番赴箇程限有道可談有法可演不顧碎
身如微塵只要瞎却衆生眼
上堂舉乳源和尚示衆云西來的的意也不易舉唱

時有僧出云如何是西來的的意源便打云如今是
什麼時節你出頭來師云乳源和尚老婆心切只知
重賞之下必有勇夫殊不知將明珠作荳菜却若是
黃龍蒿枝也不到他喫何故千鈞之弩不爲鼯鼠而
發機

上堂日月循環成底事衲僧切忌眼麻迷直饒透徹
威音外也落儂家第二機急薦取莫遲疑坐看東君
行正令大鵬一舉到天池

上藍五湖長老到上堂獨弄單提向上機機前薦得
早遲疑相逢覲面憑誰委父子雖親各不知卓拄杖
云父子既親爲什麼不知又卓一下云鳳林吒枝
謝上藍長老煎點上堂格外一機萬靈莫測向上一
著千眼難窺青山白雲父白雲青山兒春風二三月
桃李自成蹊咲殺靈雲道不疑

上堂舉嵩山安國師因僧問如何是祖師西來意國
師云何不問取自己意僧曰如何是自己意國師云
當觀密作用僧曰如何是密作用國師以目開合示
之其僧有省師拈云大小國師引人落阱其僧有省

未夢見在今日忽有人問黃龍如何是祖師西來意
劈脊便棒說甚自己說甚作用

上堂掀翻大地打破虚空口吞佛祖凌蔑宗風莫咲
黃龍無伎倆熨斗煎茶銚不同

上堂參禪莫滯靜工夫闊處相逢在半途靜鬧兩關
俱不涉趙州東壁掛葫蘆

上堂叮嚀損君德無言真有功任從滄海變終不爲
君通古人恁麼道大似掩耳偷鈴黃龍不惜眉毛重
爲諸人下箇注脚便下座

謝兜率和尚上堂舉舍利弗問須菩提夢中說六波
羅蜜與覺時是同是別須菩提云此義幽深吾不能
說上方兜率宮有彌勒大士却諳此義汝往彼問師
云大眾今朝大士親從兜率而來黃龍遂舉前話問
之大士答曰三世諸佛說夢六代祖師說夢天下老
和尚說夢乃至塵沙諸佛四聖六凡盡在夢中說夢
又說偈言修習空華梵行宴坐水月道場降伏鏡裏
魔軍成就夢中佛事然雖如是黃龍却有一味白石
茶三世諸佛若得霑唇三世諸佛眼開六代祖師若

得霑唇六代祖師眼開乃至天下老和尚塵沙諸佛
四聖六凡若得霑唇悉皆眼開非但眼開迸却你髑
髏爛却你肚腸突出你眼睛豈不慶快

上堂目前無法意在目前目前薦得正好喫拳

結制上堂天下法窟叢林四月初一結制無門逐惡
隨邪要斃死心舊例普請諸人腦門著地

佛生日上堂兜率未離塵滿面王宮纔降垢通身兒
孫縱有滄浪水洗到驢年也不清

月林和尚忌拈香儂家沒與眼無筋錯中南方蠱毒
深一掬肝腸俱裂破年年此日痛傷心

謝新舊兩班上堂欲建大厦須假衆材欲駕巨舟必
資衆手衆材既辦大厦可成衆手能爲巨舟必濟山
野蓋尸祖席曲荷諸人相成老慈超法令如存南禪
師愿力猶在到這裏其進也癡龍得水其退也猛虎
靠山何親何疎無新無舊萬事頭頭合轍一門和氣
藹然前三後三日面月面然雖如是且道不動干戈
坐致太平一句又作麼生一朝權在手看取令行時
因事上堂是非長短耳邊風切莫於中覓異同要得

八風吹不動放教心地等虛空慈受老人只解順水張帆不能逆風把柁黃龍又且不是非都去了是非裏薦取何故響幾度黑風翻大浪未曾聞道釣舟傾

上堂舉雲門示衆云十五日已前即不問十五日已後道將一句來自代云日是好日師云這跛脚阿師始者與麼告報將謂將謂及乎末後露出尾巴元來元來黃龍即不然十五日已前即不問十五日已後道將一句來以拂子擊繩牀云劒去久矣

莊所行道上堂黃龍有一所莊曾到者未學先知落處未曾到者今朝說箇樣子也要大家委悉東至東弗于逮西至西瞿耶尼南至南瞻部洲北至北鬱單越於其中間有無價珠山堆嶽積春耕夏種秋收冬藏盡大地收拾歸來八字打開如法布施諸人各各滿足無令欠少然雖如是千粒萬粒萬萬粒皆從這一粒出若知這一粒出處不妨慶快平生其或未然也須親到地頭始得
重背藏經上堂瞿曇遺下葛藤窠翻覆看來脫處多

不是兒孫重檢點古今爭得絕諸訛

上堂參禪要真實直造無疑地聞非未必非說是未必是黃龍設三關曹洞列五位坐斷主人公且不落

第二

上堂循規守短無繩自縛縱橫無礙外道魔軍存心澄寂默照邪禪恣意忘緣解脫深坑惺惺不昧帶鎖擔枷思善思惡地獄天堂佛見法見二鐵圍山念起即覺弄精魂漢兀然習定鬼家活計進則迷理退則乖宗不進不退有氣死人且道畢竟如何履踐努力今生須了却莫教永劫受沈淪

平江府靈巖顯親崇報禪寺語錄

侍者 了心 錄

方丈烈焰亘天洪濤輓底貶上眉毛劒去久矣

陞座祝 聖罷問答不錄乃云諸佛出世見成公案祖師

西來無風起浪四七二三說黃道黑轉見沒交涉開

上座今日試與盡情掃除看良久云任大也須從地

起更高爭奈有天何 復舉法燈禪師示衆有先師

未了公案師云眼觀東南意在西北即不無法燈者

僧爛泥有棘恩返成冤未免二俱不了今日忽有人問靈巖先師有未了公案作麼生了只向他道無者閑工夫

上堂舉嵩山極禪師因僧問如何是大修行底人擔枷帶鎖如何是大作業底人修禪入定師云極禪師如是誇好手不覺陷重圍這僧白日飛昇不妨慶快今日忽有人問靈巖如何是大修行底人只向他道成人不自在如何是大作業底人自在不成人忽問去此二途如何話會只向他道蘇噓蘇噓

上堂舉僧問白兆如何是萬行兆云今年桃核也無說甚爛杏又問如何是妙覺兆云若是妙藥見示一服僧云不問這箇兆云你問什麼僧云妙覺兆云若是皂角分付浴頭師云且道白兆意在什麼處

上堂春山疊亂青春水漾虛碧春光漏泄盡誰識春消息多年枯木再抽枝撼動春風生八極卓杖一下上堂三分光陰二早過懷州牛喫禾靈臺一點不揩磨益州馬腹脹食生逐日區區去天下覓豎人喚不同頭爭奈何灸猪左膊上於斯薦得參學事畢其或

未然拈拄杖云請木上座與汝諸人說破卓拄杖一下

隆興府翠巖廣化禪寺語錄

侍者 普禮 錄

三門撥轉玄關一彈指頃看看平地起風雲門近洪崖千尺井

齊安王廟燒香云死心室內移身移步日日香燈朝朝話墮稽首齊安王鐵蛇橫大道

陞座祝 聖罷問答不錄 乃云心不是佛智不是道突兀

西山渺瀰南浦與麼與麼翠巖已是不惜眉毛不與麼不與麼莫來攔我毬門路拈拄杖看看亮座主只今在拄杖頭上說大法要卓一下云汝諸人還聞麼其或未然卓一下柳漂橫擔不顧人直入千峰萬峰去復舉大相國無盡居士張公一日到山問機道者云如何是翠巖境機云門近洪崖千尺井石橋分水遶松杉無盡居士遂成頌云野僧迎客下烟巒借問如何是翠巖門近洪崖千尺井石橋分水遶松杉師云機道者將境示人張相國作境話會千古之下

二俱不了今日忽有人問開道者如何是翠巖境只向他道門近洪崖千尺井石橋分水邊松杉具眼者辨取

上堂座斷千差勾賊破家壁立萬仞老婆心切山僧漏洩時太煞漏洩分曉處極是分曉大衆且道漏洩底是分曉底是心不負人面無慙色

上堂三分光陰二早過春水滿四澤靈臺一點不措磨夏雲多奇峰貪生逐日區區去秋月揚明輝喚不回頭爭奈何多嶺秀孤松大衆雪竇和尚三百六十骨節今日被翠巖一時抖出了也於斯明得山僧手中棒未到你喫在何故啼得血流無用處不如緘口過殘春

涅槃上堂諸行無常是生滅法生滅滅已寂滅爲樂黃面老子四十九年三百餘會末後供出死款後代兒孫隨邪逐惡無一箇與他出氣今日翠巖遠孫番欺去也卓拄杖一下吽吽

謝九溪和尚上堂春山疊亂青春水漾虛碧不知天地間更有誰相識師云大衆大小雪竇祖師孤陋寡

聞只知有已翠巖又且不然春山疊亂青春水漾虛碧寥寥天地間滿眼皆相識且道知心是什麼人堪唉九溪留不住却來洪井涌波濤

謝秉拂上堂一切佛世尊皆說一乘道今此一衆皆應除疑惑釋迦老子二千年前全機獨露可惜無人以至五千退席後代兒孫雖則不衆多是當面踉蹌過所以道要明恁麼事須是恁麼人大衆要明恁麼事麼問取堂中第一座

清明上堂三月清明節禁烟桃華帶雨倍鮮妍皆言當日靈雲悟咲破禪和口半邊衆中莫有爲靈雲作主底麼我且問你那裏是他不疑處

上堂今朝三月初十擊鼓禪徒畢集欲知時節因緣兩落塔頭便濕會即各自歸堂不會何勞久立上堂舉僧問風穴和尚語默涉離微如何通不犯穴云常憶江南三月裏鷓鴣啼處百華香師云大衆風穴和尚只知開口不覺話墮今日忽有人問翠巖語默涉離微如何通不犯卓拄杖一下

上堂百丈有三訣喫茶珍重歇翠巖不學百丈畫蛇

添足擊拂子

上堂舉資福示衆云隔江望見剎竿便回去脚跟下好與三十棒何況過江來纔有僧出衆福云不堪共語便歸方丈師云資福放處較危取來太速若是翠巖又且不然望見剎竿便回去有棒不打這般鈍漢縱然過江來者棒亦不打這般鈍漢衆中忽有人道望見剎竿便回去則且從過江來爲甚麼也不打這般鈍漢但向他道却許你具一隻眼

赴黃龍辭衆上堂舉大愚和尚示衆云翠巖路嶮嶮舉步涉階梯更有洪源水滔滔在嶺西師云大衆大小祖師坐在這裏無門即不然翠巖絕嶮嶮元不涉階梯去來無窒礙彼此更何疑珍重洪源湖海衆箇中不隔一毫釐

再住黃龍禪寺語錄

侍者 法孜 錄

三門無門爲法門三關何用立熟處既難忘又從這裏入

佛殿靈山一會泥團土塊問訊燒香和贖捉敗

方丈熱喝臘拳佛來也打臨濟德山一時擒下

拈帖不是護身符亦非斷貫索直饒鼻孔遶天也被這箇穿却無門老漢還免得麼却請維那下箇注脚拈疏讀嘆無門也是這箇罵罵無門也是這箇文彩未彰誰辨得却煩首座通消息

法座不動脚頭青雲獨步箇是尋常行履處須知更有通霄路遂陞座拈香祝 聖罷

問答不錄

乃云八字打

開十方坐斷去時無蹤來時無跡所以道法輪三轉於大千其輪本來常清淨豈拂云看看黃龍今日再轉法輪了也有般漢不識好惡便道再來不直半文錢黃龍却許他具一隻眼何故萬古碧潭空界月再三撈撈始應知 復云擊斷繩頭欲自由那知定業未容休再償拽杷拖犁債鼓得西江水流謝兩班上堂入兩還他是半斤陳年桃核舊時仁大家出手共提掇行看叢林氣象新

預結夏上堂黃龍結制沒規繩超過諸方半月程莫怪七頭并八倒大家日午打三更且道以何爲驗揭翻釋迦腦蓋揭瞎達磨眼睛

上堂薰風自南來殿閣生微涼百年渾似醉三萬六千場休擬議莫思量錦鱗一躍化龍去無限癡人屏夜塘

上堂歸來一月餘日內外人事已畢恣意飽飯睡說甚金圈栗棘分明告報諸禪直下便須委悉更若擬議躊躇照顧腦門霹靂

中夏上堂六月炎炎如火聚寂然不動於中住炎炎火聚却清涼清涼却是炎炎處等閑坐斷兩頭關撞牆撞壁通霄路

上堂舉僧問曹山清稅孤貧乞師賑濟山云稅闍梨僧應諾山云青原白家三盞酒喫了尤道未沾唇師云稅闍梨兵行詭道賴遇曹山具透關眼深辨來機要知稅闍梨落處麼向道莫行山下路果然猿叫斷腸聲

祈雨上堂石跟常有千年潤海眼曾無一日乾天下蒼生待霖雨不知龍向此間蟠卓拄杖一下霹靂一聲頭角露傾湫倒嶽鼓波瀾

謝雨上堂舉馬祖問僧甚處來僧云湖南來祖云東

湖水滿也未僧云未滿祖云許多時雨水尙未滿在後來道吾云滿也雲巖云湛湛地洞山云什麼劫中曾欠少師拈云馬祖好好借問這僧詣實供通可憐道吾雲巖洞山三大老納盡敗闕未免性命落在他人手裏今日忽有人問黃龍東湖水滿也未只向他道聊施一滴湫池水漲起江西十八灘

鎮江府焦山普濟禪寺語錄

侍者 普巖 錄

三門圖列千山開畫幃帶圍一水遶蓬瀛脚頭未舉已先入不用門前彈指聲

陞座祝 聖開者不錄乃云釋迦不前彌勒不後正當

此日佛法委在山僧手裏放行則十聖三賢通相慶賀把住則二三四七仰望無門八面玲瓏了無回互遇緣卽宗隨處作主然雖如是只如不放行不把住又作麼生四海五湖龍世界十洲三嶋鶴乾坤復舉南泉示衆云王老師自小牧一頭水牯牛公案師云王老師恁麼說話不是好心千古之下遭人檢點若是無門水牯牛向溪東放也得向溪西放也得何

故流水下山非有意，白雲出岫本無心。

上堂：『毫釐繫念三塗業，因督爾情生萬劫。』
『羅鎮怎麼說話？』因叮囑起。

端午上堂，學文殊令善財採藥，因緣師云：『善財能採文殊解用，雖然眼辨手親，檢點將來，漏逗不少。』
焦山：『今日終不効他先聖，只是各人喫一盃舊蒲茶，任是貪病、瞋病、癡病、身病、心病、佛病、祖病，一時頓愈。雖然如是，知恩者少，負恩者多。』

謝般若和尚上堂，舉僧問智門：『如何是般若體？』門云：『蚌含明月，又問如何是般若用？』門云：『兒子懷胎，師云：大衆智門美則美矣，善則未善。』今日忽有人問焦山：『如何是般若體？』只向他道：『烈焰且天。』又問：『如何是般若用？』向他道：『一味蠱毒。』近之者燎却面門，背之者喪却性命。大衆各自照顧。

上堂，舉趙州和尚示衆云：『南來者與他下，北來者與他上。』
『載大似世情看，冷暖人義逐高低。』又慈受和尚云：『南來者與他一面，北來者與他一面。』
『唉大似歡喜斷算，唉裏有刀。』若是焦山，又且不然。南來者以

平常待之，北來者以平常待之，也不噴也不唉也無下也，無高何故？清平世界不用干戈。

上堂：『人情濃厚，道情微。』道用人情，世豈知空有人情？無道用人情，能得幾多時？龍牙和尚怎麼告報太煞老婆心？切雖然如是，人情即不問，如何是道？用山僧口門，看煩木上座爲諸人說破卓拄杖一下。

平江府開元禪寺語錄

侍者 普覺 錄

隆座說 聖壽問答乃云：『大道只在目前，要且目前難覩。』欲識大道真體，不離聲色。言語拂子擊禪牀云：『這箇是聲，豈拂子云：這箇是色。喚什麼作大道？』長將日月爲天眼，指出須彌作壽山。復舉三聖道逢人，則出出則不爲人，與化道逢人，則不出出則便爲人。師云：『且道開元爲人，即是不爲人，即是大事。管你不得，小事各自擔當。』

上堂，勸絃州曲盡落知秋禾山，打鼓雪峰，輕毯睦州。擔板投子提油，趙州狗子爲山，牯牛青原垂足俱胝。指頭一敲，破落戶各自逞風流。若到開元門下，打教

棒折未休何故豈不見道重賞之下必有勇夫

解夏上堂布袋頭開今日始滿目江山秋色裏蕭然
踏斷艸鞋跟元來却是自家底

上堂信脚行去絕埃塵信手拈來用得親信口道出
驚天地信心悟入獨超羣直饒恁麼正好來山僧處
喫痛棒何故要識真金火裏看

冬至上堂陰極陽生日添一線拈拄杖獨有山僧拄
杖子不屬陰陽遷變卓杖一下

上堂舉僧問香林如何是衲衣下事林云臘月火燒
山今日忽有人問開元如何是衲衣下事只向他道
但得雪消去自然春到來

元正上堂昨日去年去今朝今歲來去年去不去今
歲來不來且道不涉去來一句又作麼生樓上已吹
新歲角堂前猶點舊年燈

觀音生日上堂現種種形說種種法形法皆非假名
菩薩更於諸相覓圓通當人正眼俱瞞瞞

四月八上堂咄這乾屎橛生來太妖孽堪笑老雲門
一棒打不殺開元雖是賊過後張弓要將惡水烹頭

澄

上堂禪僧今日路頭通拄杖生雲興已濃要探江湖
深與淺前途更有妙高峰

謝靈巖和尚上堂開爐半月火種全無冷灰豆爆驚
動江湖且道以何爲驗銅像大士低頭問訊智積菩
薩稽首擎拳

燕國夫人忌上堂燕國當年植福田身如水月印三
千渠無生死歸何處春早梅華放曉烟

建康府保寧禪寺語錄

侍者 光祖 錄

方丈是聖是凡過這邊立擬議不來青天霹靂
拈帖摧邪顯正一印印定盡大地人諦聽諦聽
府疏獨角之麟步驟九包之鳳翔翔未舉已前會得
十分文彩全彰

山門疏遇家裏人說家裏事一句無私龍翔鳳舞
諸山疏諸方浩浩學古明今送人上樹不是好心
陞座祝 聖罷問答 乃云逢人不出鳳凰不是凡間
物出便爲人不得梧桐誓不棲所以法隨法行法幢

隨處建立直得森羅萬象交相慶贊共樂昇平正恁麼時且道是何宗旨慣從五鳳樓前過手握金鞭賀太平復學僧問巖頭和尚浩浩塵中如何辨主巖云銅沙鑼裏滿盛油師云若向這裏薦得不妨慶快平生其或未然更聽一偈銅沙鑼裏滿盛油故國山河在眼頭試向鳳凰臺上望長江無日不東流小參問答乃云老來無日不思閑深隱西湖第一山無奈退菴賢制置遠移公帖入松關不免倒攜席帽飄著欄衫向金陵開市大開鋪席賣興買底卓拄杖云這裏薦得對九重至尊說第一義諦也只是這箇一十八處住山拈槌豎拂說有道無也只是者箇而今撒向諸人懷裏伶俐漢一提提得一生受用不盡其或未然黃金自有黃金價終不和沙賣與人復學昔日保寧勇禪師頌云鍊得通紅打一鎚週遭無限火星飛十成好箇金剛鑽攤向門前賣與誰山僧今日不惜眉毛與諸人下箇註脚鍊得通紅打一鎚費力不少週遭無限火星飛切忌眼華十成好箇金剛鑽喚鎚作甕攤向門前賣與誰分文不直

上堂天陰性地昏日出心光耀拄杖吟呵呵禪牀也踴跳管甚歲餘閑一任月大小涵酒幾春秋用處非常峭大衆且道拄杖吟箇什麼可憐五十三知識未曾夢見頂門竅謝癡絕和尚上堂靈山大法王末運希所遇聲名遍天下乾坤恣獨步艸鞋掛龍牀三宣渾不顧凌滅曹源生訓徒參活句宗門箇樣師熟不生戀慕天庭重降勅黃來凌霄峰頂施甘露孟少保請上堂威鎮戎夷掃清魔孽羣靈歸敬忠心如鐵破蔡滅金守黃勦賊雪百年二帝難雪之耻成中興四將未成之業直得天國地轉海水騰波艸木昆虫悉霑恩惠正恁麼時如何影弓已掛狼烟息萬國歌謠賀太平上堂三教聖人同歸一理理長則行理短則止虛空無心牆壁有耳不涉言詮單提直指卓拄杖云口縫纔開是不是上堂舉僧問古德如何是西來意古德云山前麥正黃師云山前麥熟已知雲覲面當機爲指陳薦地一

番梅雨過青山洗出畫圖新

開山護國仁王禪寺語錄

侍者 一見錄

上堂集芳園後開大爐韞建大法幢轉大法輪擊大法鼓煨堅鎔凡烹佛煉祖然雖如是自從達磨傳皮髓靈洞山前別是春

上堂舉瀉山一日問仰山云仲冬嚴寒年年事暑運推移事若何仰山近前叉手立瀉云情知你答這話不得却問香嚴你又作麼生嚴云某甲偏答得這話瀉云仲冬嚴寒年年事暑運推移事若何嚴近前叉手立瀉云賴遇寂子不會古德云不得不會泥團土塊一串穿却元無向背師拈云大眾還知瀉仰父子相見處麼大悲不拈出通身是眼睛

雪下上堂舉靈隱聿禪師因僧問如何是摩訶般若聿云雪落茫茫僧無語聿云會麼僧云不會聿隨口頌曰摩訶般若非取非捨若人不會風寒雪下若是護國又且不然江上晚來堪盡處漁人披得一簑歸元正上堂舉僧問鏡清新年頭還有佛法也無清云

有僧云如何是新年頭佛法清云元正啓祚萬物咸新師云元正啓祚萬物咸新祇僧拄杖黑黼黻不屬陰陽別是春

師於淳祐七年五月十一日門司太尉張允頤恭奉聖旨宣引入內起居奉

旨先於緝熙殿祈雨道場觀音前祝香次奉

聖旨索祈雨偈次奉

聖旨宣入選德殿對御陞座祝香云虛空包不

住大地載不起薰向爐中恭爲祝延

今上皇帝聖躬萬歲萬歲萬萬歲 皇帝陛下恭願

壽同天帝釋福等大梵王金輪統御三千界玉曆延

洪億萬春 九重天眷伏願壽同南高峰北高峰時

時添翠福若東海水西湖水日日增波 提綱以一

統萬居高聽卑顯大機用具大總持如日之照如斗

之垂如雷之震如風之吹大千沙界舉無一遺且護

國臣僧共樂昇平一句又作麼生高提祖印歸 皇

化紹續真燈助 聖明 復舉僧問乾峰曰十方薄

伽梵一路涅槃門未審路頭在甚麼處乾峰拈拄杖

劃一劃云在這裏其僧持此語又去問優禪師十方薄伽梵一路涅槃門未審路頭在甚麼處優禪師曰山僧扇子踴跳上三十三天壓著帝釋鼻孔東海鯉魚打一棒雨似盆傾師云乾峰坐在這裏寸步不移優禪師脚不點地全無定力今日佛法委付在臣僧之手把住則真金失色放行則瓦礫生光且道不把住不放行一句又作麼生一雨普霑沙界潤萬姓謳歌喜氣回久坐 聖期伏惟珍重

師自十一日申時辭禁中歸寺入後山靈祠默禱十四日早承直殿陳叔達傳

旨來問幾時雨通等候回奏師卽答曰寂然不動感而遂通同奏畢當時有兩十六日伏承 樞密吳相公惠頌曰黑山心歷歷金殿口巴巴不因漁父引怎得見波查師卽以偈答曰出洞昂頭角回山露尾巴恩承饒舌力累我受披查

上堂舉瀉山與仰山摘茶次瀉云終日祇聞子聲不見子形仰山撼茶樹瀉山云子只得其用不得其體仰山云某甲祇知是和尙作麼生瀉山據坐仰山云

和尙祇得其體不得其用瀉山云放子三十棒師頌云針芥相投體用俱全衲僧門下十萬人千

聖節上堂獅子叢林獅子圍繞旃檀叢林旃檀圍繞古人怎麼說話見處偏枯靈詞又且不然畢竟如何只向他道天高羣象正海闊百川朝

基宗二長老煎點上堂掀翻大地基方隱起家還是破家兒殺佛殺祖滅吾宗箇是瞎驢施妙用壁竊食母慈鴛返哺一放一收同歸異路老僧隨處設箇鑽龜打瓦底鋪子三十年後管取有人卜度

滿散聖節上堂舉太宗皇帝幸開寶寺塔院見僧問曰卿是何人僧曰塔主帝曰寡人之塔卿何作主僧無語後雪竇代云國威知山僧敬成一頌舉似諸人名高不用鑽頭石路上行人口是碑大宋正傳天子令直教諸國豎降旗

普賢生日上堂普賢行願等三千正是清明首夏天要見大人真境界月明常照御樓前

浴佛上堂悉達太子初生下時周行七步目顧四一手指天一手指地天上天下惟吾獨尊山僧聞知

甚是不甘後聞雲門大師道我當時若見一棒打殺與狗子喫實圖天下太平山僧甚是快意又得波旬逼令涅槃願合公論可憐四聖六凡皆被瞿曇誑惑獨有山僧不隨他轉且道山僧有甚長處龍蛇易辨衲子難瞞

開爐上堂爛柴頭火一團急著眼莫瞞肝卓柱杜星在秤分不在盤

無門開和尚語錄卷上

無門開和尚語錄卷下

告香普說

靈山密付黃葉止啼少室親傳望梅止渴乃至德山棒臨濟喝雪峰輓毬道吾舞笏祕魔擎叉禾山打鼓清原垂足天龍豎指盡是弄棚獼底閑家具到者裏總用不著雖然如是事無一向不免隨例開箇皂角生姜鋪子兄弟上門要買人參附子甘艸大黃決定

是無砒霜巴豆燈心發燭隨宜應副更有一爐熱鐵丸恐有心龜膽大底與他一丸教他通身腐爛求生不得求死不得諸方與人解粘去縛抽釘拔楔開上座只爲人添釘著楔用箇筏節盛却送你在大洋海裏教你自討條活路出得身方堪爲種艸這裏不與人過公案教壞人家男女若是平常相見四海皆兄弟若來入室便把你輩作刺客冤家防備我若不先下手脚便被汝害却我性命只如僧問趙州狗子還有佛性也無州云無諸方拈者甚多提撕者不少這一箇無字單提獨弄參這一箇無字成佛底如雨點信不及者虛度時光參禪別無華巧祇是通身要起箇疑團晝三夜三切莫間斷久久純熟自然內外打成一片便與虛空打成一片便與山河大地打成一片便與四維上下打成一片豈不見道盡大地是學人自己盡大地是箇解脫門盡大地是沙門一隻眼盡大地撮來如粟米粒心包太虛量周沙界空生大覺中如海一漚發東弗于逮西霍耶尼南瞻部洲北鬱單越上至非非想天下至風輪水際不消一箇咳

嗽罵座有餘若向箇裏見得無三界可出無涅槃可證情與無情同成正覺地獄天堂皆爲淨土智慧愚癡通爲般若諸戒定慧及淫怒癡俱是梵行靜關閉忙頭頭合轍從來喫飯未曾咬著一粒米從來著衣不曾掛著一縷絲從來說話不曾開口終日行未嘗擡脚而今兄弟不要効近代長老看他百丈黃檗臨濟德山自是英氣逼人豈不見臨濟和尚在黃檗會下前堂首座陳尊宿勉他請益方丈三問佛法的的大意三遭痛棒遂辭黃檗因緣不在此間望和尚指見什麼人檗遂指去見大愚愚纔見便問甚處來濟云黃檗來愚云黃檗有何言語濟遂舉前話不知某甲過在甚處愚云黃檗老婆心切爲汝得徹困濟云元來黃檗佛法無多子愚扭住云這尿牀鬼子適來問有過無過如今却道無多子畢竟有多少濟便於大愚肋下築三拳愚云汝師黃檗非干我事濟便回黃檗檗云來來去去有甚了期濟云只爲老婆心切檗云大愚饒舌待他來後與他一頓濟云即今不可放過遂打檗一拳檗云這風頭漢敢來這裏捋虎鬚

檗吟吟而唉喚侍者引這風頭漢參堂去大衆黃檗因何只教他去見大愚何也蓋緣大愚在歸宗會下多年一日辭歸宗宗云汝何處去愚云諸方學五味禪去宗云我這裏祇有一味禪愚云如何是和尙一味禪宗便打愚擬開口宗又打愚於此有省後來黃檗云馬祖會下出八十四員善知識問著箇箇漏洩洩地獨有歸宗較些子大衆黃檗指臨濟見大愚意旨如何不見道要知山下路須問去來人緣大愚在歸宗棒下打發而今兄弟家多作是非會我臨濟兒孫以棒喝爲佛事以無明三毒當慈悲把你兄弟到空中如生冤家相似不問是佛是祖是凡是聖須與你捩轉面皮換却你眼睛寧可以熱鐵纏身拌銅灌口終不以佛法當人情豈不見古人道任從滄海變終不爲君通巖頭云却物爲上逐物爲下箇中無肯路豈可妄許人昔茶陵郁山主常參百尺竿頭如何進步話一日騎驢過橋正舉話問驢子失脚郁遂有省作頌曰我有明珠一顆久被塵勞關鎖今朝塵盡光生照破山河梁遂遣徒弟端和尚你可去參楊

岐會和尚果是有禪否果是有悟門否端遂往見楊岐人事畢會問何處來茶陵來令師阿誰云郁山主楊岐云我聞你師有悟道頌是否端便舉前頌岐大咲歸方丈端莫曉其意次日又去請問昨日蒙和尚問某甲師長入道因緣是有悟由無悟由望和尚慈悲說破某實疑之岐云你會見作百戲底麼端應云見岐云他只要人咲你怕人咲端於此大悟你看他尊宿有殺有活手段一咲可以起他疑情一句可以破他疑情若無箇般殺活手段執拂柄將何爲人見人在高高山頂立便與推向萬丈懸崖下去見人在萬丈懸崖中可與他提向高高山頂上方有爲人處只如開善謙和尚同竹原菴主在大慧和尚會下只參箇無字四十日打發大慧請爲藏主他看話頭時被雨濯在欄干邊他亦不知人向他道原兄原兄雨打濕了身上拖他過來他亦不管兄弟家須是恁麼做將去無有不應者謙和尚隨大慧十四五年全無入處一日賣香請益藏主某甲全無入頭處望藏主慈悲指示做處藏主云書記書記你來採水作麼眞

◆ 疊疊歌

心參禪謙云某甲實爲生死事大豈可戲論主云書記若要做工夫可把從前著述文字如喫了巴豆相似盡底瀉出教肚裏空索索地且來相伴坐禪待你業識暫歇却與你說話遂同坐半月有餘心地安樂忽一日大慧令請書記賣書去見張丞相謙甚煩惱方有些子好處又被差使主云你但承受我件你去途中事我都替你只有五件事替你不得記云那五件事主云待同去路中說路間書記復問藏主說五件事替不得望開示云著衣喫飯屙屎送尿記云四件那更有一件是何事主云你馳箇死屍路上走我替你不得謙書記從此打發主云你如今自去下書藏主遂回謙書記見丞相便相投相云書記你這回相見說話與舊時不同復歸大慧一見便云且喜書記大事了畢未審大慧具何眼目便言大事了畢謙書記悟處還諦當也未得底人一見便見瞞他不得豈不見道識得自己能驗他人無用和尚未爲僧時請益大慧和尚令看起滅處未經兩月於行廊下聽奴子喝云看火燭忽然有省可謂策著南邊動北邊

也山僧昔日在先師會中只看一箇無字六年下語不得自發志剋實我若不明此話更去睡眠時爛却我身纔困時或廊下行道將頭去露柱上磕一日在法座邊立忽聞齋鼓聲便理會得這話次日入室欲通所得處先師一見便言見神見鬼了也先師震威一喝山僧亦喝先師又喝山僧又喝自此機鋒不讓先師圓寂後陳提刑諱實諱作喪主臨時令爲先師掛真不容辭避山僧捧起真云老賊一喝虚空迸裂儂家當下如桶底脫連伸三拜納盡敗缺這些怨恨怎生消滅而今高掛祖堂千古號令不絕這些子豈在記持學解如擊石火閃電光擬議不來白雲萬里而今箇裏一堂兄弟盡是江湖四海飽參龍象諸方呼喚不回頭牢籠不肯住底其間有一箇半箇如燒未過底炭頭相似被些子無明烟焰惱人古有賣油糞婆子見三箇秀才赴試遂買點心一人恬靜二人爭文章婆云先輩向甚處去二人應云赴科舉去婆云這二人秀才試未過那一入定試過二人遂罵詈而去及赴試回果應婆語此二人再來扣問婆子你

當時因何得知我二人試不過那一入過得有甚相法婆云我不會相法只因煎油糞便會驗得人才云何故婆云我煎得透底沈靜無聲煎未透者只管作聲大衆村婆子向乃會驗人況我舊僧家既識得自已分曉人來一見便見謂之目擊道存你諸人若真箇要理會此事山僧不免更舉一段因緣昔日有僧問雲門光明寂照遍河沙語聲未絕門却奪云豈不是張拙秀才語僧道是門云語墮也且道那裏是者僧話墮處遇掛牌時却來吐露參禪須透祖師關妙悟要窮心路絕祖關不透心路不絕盡是依神附本精靈所以山僧尋常教兄弟將三百六十骨節八萬四千毫髮通身起箇疑團參箇公案蓋要諸人透祖師關窮心路絕只如僧問趙州狗子還有佛性也無州云無且道古人意作麼生便好向者裏起箇疑團參箇無字不得向舉起處承當不得向意根下卜度不得作有無之無不得作無無之無但恁麼舉來舉去如咬生鐵橛相似但覺心頭熱悶不得放鬆求生不得求死不得眠不得坐不

得咬來咬去。嘉然齒折鐵碎。開口不在舌頭上。便見祖關不透。而自透。心路不絕。而自絕。便乃與古佛同一方便。共一舌頭。如獅子奮迅。誰敢當其威猛。似太阿在握。孰敢犯其鋒銳。我爲法王。於法自在。盡大地是解脫門。盡大地是自己。盡大地撮來。如粟米粒。盡大地是沙門。一隻眼無三界。可出無涅槃。可證上無攀仰。下絕已躬。亦無人亦無佛。大千沙界海中漚。一切聖賢如電拂。

參禪一著。要敵生死。不是說了便休。參禪一著。單明大道。朝聞夕死。可矣。參禪一著。推門落臼。切忌向外。馳求參禪一著。要起疑情。大疑必有大悟。參禪一著。英靈禱子。舉起便知。落處參禪一著。本來面目。經文語錄。難載參禪一著。直指人心。實要自肯。承當參禪一著。如敵萬人。怯戰喪身。失命參禪一著。如捕鼠。不許移睛。動眼參禪一著。大丈夫事。非將相所能爲。慧劍單提。日用中天然元。不犯磨。轉號鬼哭。喪魔膽。遍野橫屍。不露鋒。直下傾。略得去平。欺輝。迦下視彌勒。德山臨濟。倒退三千。歷代祖師。寒毛卓豎。發一

言出一令。如崖崩石裂。傍人祇得眨眼。我爲法王。於法自在。殺活自由。乾坤獨步。獅王哮吼。出窟來自。獸千邪皆恐怖。

小參

百尺竿頭坐底人。雖然得入。未爲真。百尺竿頭須進步。十方世界現全身。大衆須知。古人說處。便是今人行處。山僧不是隨人。差排其奈。理長則就。若論正令。當行豈拘小節。吹毛在握。殺活自由。這邊那邊。向上向下。明頭暗頭。佛界魔界。一時截斷。方具丈夫氣。槩即今莫有共相證明者麼。良久云。竿頭絲線。從君弄。不犯清波意。自殊。復舉玄沙示衆云。若論此事。譬如一片田地。四至界分。結契賣與人。了也。惟有中心樹子。猶屬老僧在。師拈云。大小玄沙。似放不下。既結契賣與人。了便休。更顧什麼中心樹子。何故不見道。幾度買來。還自賣。爲憐松竹引清風。

除夜四序循環。不暫已。饒爾年窮。新歲至。衲僧鼻孔。大頭垂地。覆天翻。無變異。與麼與麼。三世諸佛。不與麼。不與麼。六代祖師。與麼不與麼。天下老和尚。不與麼。

麼中却與麼總。老僧從上佛祖同一受用。同轉法輪。送舊迎新。橫說豎說。燈籠露柱。互換交參。現前大眾回避不及。雖然如是。莫有不甘底麼。來年更有新條在。惱亂春風卒未休。復舉北禪賢和尚除夜示衆云。烹一頭露地白牛。唱村田樂。燒拈拙火。與諸人分歲。免得倚他門戶。傍他牆壁。有僧出衆云。和尚門前有公人賢云。作什麼。僧云。追和尙納皮角賢。擲下頭袖。僧拾得。便行賢云。捉賊僧。回首云。今夜天寒。且還和尙帽子。北禪如虫禦木。偶爾成文。這僧放屁。合成大石。調若是黃龍。又且不然。也不烹露地白牛。也不向拈拙火。也不唱村田樂。忽有箇漢出來。道和尚畢竟將什麼與諸人分歲。只向他道。各人與一箇熟鐵丸。更問除鐵丸之外。別有什麼。向他道。猶嫌少。在結夏十方同聚會。一言引衆盲箇箇學。無爲相牽。入火坑。此是選佛場。阿鼻大地獄。心空及第。歸承劫失人身。於斯薦得平欺。釋迦下視彌勒。處處普光明殿。頭頭圓覺伽藍。時時無虛棄之功。著著有超羣之舉。要行便行。要住便住。飢來喫飯。困來打睡。說甚九旬。

禁足三月安居。憐鷄護雪。臘人如冰。正眼觀來。恰似無繩自縛。如蚕作蠶。雖然。雖如是。且道。獨脫一句。又作麼生。鑊湯爐炭。橫身入劍樹刀山。闊步行。復云。黃龍結制。不尋常。只用閻羅斷命方。生鐵一團紅。嚙下死中再活。獲清涼。

冬至欲識佛性義。當觀時節。因緣時節。若至其理。自彰。且道。卽今是什麼時節。莫是陰極陽生時節麼。莫是鐘鳴鼓響時節麼。莫是燈燭交光時節麼。莫是叢林喫冬菓時節麼。若恁麼理論。入地獄如箭射。不恁麼理論。亦入地獄如箭射。畢竟如何。不是一番寒徹。骨爭得梅華撲鼻香。

欲把生蛇化活龍。先將毒藥灌喉嚨。常教滿腹如針刺。拋向洪波大浪中。敢問諸人。喚什麼作毒藥。二六時中。你肚裏常如針刺麼。恁麼恁麼。德山臨濟。齊立下風。不恁麼。不恁麼。釋迦彌勒。眼瞎耳聾。恁麼。不恁麼。掀翻大地。粉碎虛空。不恁麼。却恁麼。昨夜南山虎咬大虫。恁麼。總不恁麼。指南爲北。喚西作東。不恁麼。中總恁麼。阿呵呵。熨斗煎茶。銚不同。復舉歷代宗。

師頌狗子佛性話師云老拙亦有一偈舉似諸人不
敢說道理若也信得及學得熟於生死岸頭得大自
在無無無無無無無無無無無無無無無無無無無

無
師退黃龍到虎丘衆請突出機先一著迅雷不及掩
耳德山臨濟茫然鈍根如何插觜便知蒼龍隱海眠
方穩老虎隈巖睡未醒藏牙伏爪如癡鈍動著依然
怕殺人所以雲從龍風從虎龍虎交參佛魔驚怖直
得天回地轉海竭山摧羣魔膽碎鬼哭神號然雖如
是於我稍僧分上了無交涉且道稍僧有甚長處豈
拂子云倚天長劍逼人寒

贊佛祖

無量壽佛

乾屎橛兮麻三斤當陽拈出少知音時人不識自家
佛却向丹青畫處尋

佛頭圓相

生怕雲門打殺伊韶光晦迹許多時而今再出頭來
也天上人間更有誰

圓通大士

足蹈雙蓮灑楊柳面目端嚴世希有梵音妙音海潮
音祇這而今誰動口

持二十五輪頂彌陀蹈蓮葉

機輪纔轉作者猶迷頂顙一著獨弄單提自從蹈得
這些子便向風波險處施

三十二應

現種種形說種種法形法皆非假名菩薩更於諸相
覓圓通當人正眼俱擲瞎

持珠坐石

手輪摩尼珠身坐盤陀石普請大地人念彼觀音力

達磨菴盧

脚下菴盧到岸也未隨流入流浮逼逼地

達磨大師

賊身未露罪全彰攪得西乾沸似湯頂上鐵枷無計
脫却來東土強攤臟

大祖禪師

三拜起來依位立普天匝地黑漫漫可憐隻臂空輪

却千古令人作笑端

鏡智禪師

彌天罪犯無門懺紅爛通身世莫醫已是四稜俱塌
地儘教後代亂針錐

大醫禪師

堅辭鳳闕柴泥詔玷辱宗風箇古雖坐斷雙峰無寸
艸愛松留得礙人枝

大滿禪師

再出頭來滿面塵那堪鼓舌與搖唇松枯石爛憑誰
委累及癡默蹈確人

大鑑禪師

菩提無樹鏡非臺臭口分明鬼孽開幸是賣柴無事
獠剛然惹得一身災

思大禪師

一生討頭不見二生骨露皮穿三生成地獄全身
活陷黃泉七十二峰俱坐斷口吞佛祖在機先

騎虎豐干

忙忙業識老豐干鼓舌搖唇總自瞞縱踞虎頭取虎

尾梢僧門下管窺斑

誌公和尚

杖頭絡索閑家具應識三朝經幾秋生向鷹窠來處
異面皮皴破十三頭因渠達磨枝條布懷亂春風
卒未休

白雲法師

南行勸導

偉哉大法師逢難轉堅牢不因登絕頂爭見白雲高

天台四睡

既是伏爪藏牙不用三頭六臂只圖夢裡惺惺任疑
大虫瞋睡

政黃牛

資福從來不識羞橋皮熟炙逞風流倚節懶赴賢侯
命又却騎牛更覓牛

郁山主

百尺竿頭話最親一交橋斷絕纖塵死中得活珠離
蚌甘作驢前馬後人

朝陽穿破衲

冷時急用之物趁暖著些針線忽然臘月到來免致

脚忙手亂

對月了殘經

始見些兒光影要了末後一段若是無門拳頭不打
這般鈍漢

傳大士

對御講經無本可據案上一揮誰知落處知落處拍
板與門槌總是閑家具

維摩居士

毗耶病虎寔難親觸著渠儀便喪身非但文殊遭毒
口吞盡靈山一會人

龐居士

平欺馬祖下視諸方生涯蕩却今古無雙不與萬法
爲侶一口吸盡西江

執紼呂洞賓

露刃單提行殺活令斬貪嗔癡羣魔乞命夫是之謂
純陽真人激濁揚清擺邪顯正

佛母周氏

室女生兒真福胎叢林執不起疑猜轉身術子能靈

驗再出頭來滿面埃

偈頌

謝佛眼師號

皇恩頒自九重城雨露纔霑脾木榮佛祖門庭增瑞
氣四海懽呼萬歲聲忠心護國成勳業君父開
臣佛眼睛壽山福海恩難報永日寥寥賀太平

謝宣賜金襴

不是鷄足流傳亦非黃梅分付九重天上降來千載
臣僧一遇中興佛祖宗風羣魔悉皆驚怖祝延聖
壽無疆志願皇圖永固

題壁間水波觀音

曹源正派喜流傳涓滴渾無浪拍天任是大悲千手
眼探渠深淺待驢年

賀吳丞相生日

大地春回是誕辰松篁難改四時青壽星不老福無
盡常在中天伴月明

趙資政號節齋

著鞭占得地頭寬高節心空立處端多向渭川烟外

望這邊風月少人看

吳尚書尊堂死以偈問師用韻以復

身分水月遍三千月落何曾離得天此是夫人行履處摩耶相對共談禪

退步

未曾移定時前脚讓後脚只這一步子誰人蹈得著

題黃龍中途眠松

當途偃蹇臥霜枝彷彿黃龍出洞時不是渠儂誇勁節看他來者放頭低

請行新橋

雲根架就咲談中凡聖如今一路通箇箇脚跟親蹈著人人足下起清風不似天台滑石半蠟半嶮勝如趙州略約度馬度驢雖然欲行千里要知一步爲初從茲不用頻題柱來往都乘驪馬車

吳履齋以脚踏日影索偈

圓陀陀光燦燦明眼人蹈不著蹈得著更買屐鞋去行脚

師在南高峰石室中出定作

靜處乾坤窄閑居日月忙虛空卽妙體獨露法中王

師六年學無字一日聞齋鼓有省

青天白日一聲雷大地羣生眼豁開萬象森羅齊稽首須彌跨鳳舞三臺

總軸羅漢

洞寇都盧十八頭千妖百怪逞風流人間天上稱尊漢總被無門一握取

圓覺會

十二默郎欲決疑星疊疊飯饒嬰兒若教知有酒僧事終不人前鼓口皮

石牛

須彌爲骨露纖軀頭角崢嶸塞太虛大地耕翻無寸土牧童鞭索豈能拘

懶牛

不經南陌與西阡犁杷年來怕上肩棄却欄中肥嫩紳絲楊堤畔飽風烟

無際

祖翁田地沒憑據爭許時人取次量但見寥寥成一

片不知何處是封疆

鐵壁

巍然一座黑金城縫罅全無及戶肩堪咲英雄難進
步聖凡到此絕途程

針筒

函蓋乾坤氣量周銅睛鐵眼一齊收幾多利腦尖鋒
者到此如何敢出頭

裁縫

剪斷萬絲頭工夫已成片針割不入處爲渠通一線

淨髮

鋒銳未露鬼神號能割羣牛項頸毛四海聳頭俱按
下豈容存著一纖毫

頭袖

四海英靈俱奪下銅頭鐵額總兜來莫恠無門施毒
手揭翻腦蓋頂門開

帳子

纔得當陽一線通全彰大用顯家風直饒鼻孔遼大
漢未免從頭被罩籠

薦蓆

亂艸窠中打成一片坐臥寂然真機頓現

枕頭

輪回根本莫著相好鐵脊梁漢因他放倒

捨鞋

駭脚跟長與短箇中寬窄已先知自從踏著這些

子左右逢原顯大機

牙藥

點著些兒妙不可述纔開臭口驗得骨出

醫眼

開黑暗門通向上竅內外障除神光獨耀

施湯

不是甘脾大黃亦非苦參半夏莫教一滴沾唇直得

通身汗下

接待

洋銅汁焚熱鐵丸飯滴粒纔沾通身腐爛

餽飽

寬著肚皮急叉手鑊湯裡面翻筋斗渾身糜爛轉餐

香那箇禪和不開口

眞贊

孟少保戎裝相

英雄蓋世上將軍洞寇聞風喪膽魂寸刃不施機莫測看渠談笑定乾坤

又道裝相

靈山付囑人示現威稜身在欲而無欲居塵不染塵等閑伸出擎天手撥轉如來正法輪

孟無菴與師同軸請

居士身比丘相蹉跎蹄跡牢牢壞壞然觀面相逢直是無門可向一拳一喝雙收雙放無菴居士眼無筋識得這般村和尚

履齋樞相鈞容

湘水之清崑玉之潔和氣如春忠心如鐵儲風月之精稟松篁之節貞廊廟楷模行佛祖途轍裴李蘇黃總不如柱石明堂渠迥別

月泉趙寺丞壽像

身爲皇族名著南宮孔孟屋裏做模打樣釋老室

內談玄說空似箇般伎倆半錢不直又說甚道理三教俱通從前學解掀翻盡却於無處立宗風天龍更爲重饒舌鬚斗煎茶鑊不同

孟少保繪師握拳缺指相請

爲人手段十分龜拳下搜尋一箇無咄這村僧難湊泊釋迦彌勒是他奴

牧菴簡菴師三人共軸

謾說降龍仗虎徒誇對御談禪莫恠無門擔板佛來也喫龜拳

法孫天龍長老思賢請

咄這村僧百拙千醜用處顛預舉止襟斗索惡毒錯錯碎情塵窠臼佛祖飲氣吞聲魔外望風拱手有時漢語胡言總當談玄說妙有時把拍板門槌唱雲門曲合胡筳調有時指圓覺場作牛欄有時喚普光殿爲馬廐如斯孟浪爲人鈍置月林之後

日本覺心長老請

用迷子訣飛紅爐雪一喝當鋒崖崩石裂化生蛇作活龍點黃金爲生鐵去縛解粘抽釘拔楔更將佛祖

不傳機此界他方俱漏泄

南劍州伏虎巖請師開山請

箇樣村僧也甚奇怪身如椰子膽似天大蟒蛇窟裡
安禪猛虎穴中割寨無端於微塵國裡轉大法輪擊
大法鼓却向刀山劍樹上成等正覺弄者一解因

徒弟普顯請

形如枯木倚巖隈不礙 天庭降蟄雷忽遇東君行
正令曇華獨顯一枝開

護國嗣源長老請

龍牀角畔建古招提一滴渾無嗣曹源正派寸絲不
掛付夜半伽黎成家喜見破家兒

徒弟普山請

頭髮鬆鬆耳輪卓朔踞坐當軒權衡在握任你德山
臨濟棒喝交馳到他面前一點用不著

護國嗣本長老請

法身無相徒更形容本來面目這塞虛空浩蕩十方
能變化行看九萬自搏風
無門開和尚語錄卷下終

參學比丘慧廣化到寶鈔伍兩

參學弟子程普覺丁 堅 願 覺通

女弟子朱氏妙慧共捨寶鈔伍兩

小師 嗣源 嗣本 募緣重新刊行

庶廣流通 至元己卯中秋日謹識

師於庚申年三月二十八日辭 履齋丞相及諸府
第朝士 履齋問師何日去師答云佛生日前去也
四月一日師命工砌塔至初六日晚問匠畢工也未
匠答云已畢工來早請禪師看塔師於初七日早看
塔回方丈案紙寫遺書自撰起龜語云地水火風夢
幻泡影七十八年一彈指頃孝子順孫休戀慕人臂
那吒攔不住寶所在近休戀化城起入塔語曰東西
十萬南北八千到處去來不如此此之描不成兮
畫不就贊不及兮休生受本來面目露堂堂外面風
頭稍硬歸來暖處商量法身遍界不曾藏毒惡聲名
播大唐辭世偈云虛空不生虛空不滅證得虛空虛
空不別書偈畢跏趺而逝 都知王太尉隨即敷

奏恭奉

理宗皇帝聖旨降賜錢三千貫

宣葬于護國靈洞山

碧巖集之後評唱公案甚多而不墮解路發明宗旨者獨無門開公乎予曾閱無門關四十八則知其然矣今又得此諸會語錄遮我睡餘之眼則眸子爲之活動巖電爲之閃爍蓋以其痛快破寂如雷驚蟄也而無味之談如砒霜如狼毒是故無人能下舌頭宜乎此錄久絕流行或云今也宗風日起不乏其人若下疏決手試令翻刻不但開公法身之設利羅重放不朽之大光明抑亦有知毒用者必能瘳瞑眩疾其久絕流行者原泉之盈科也既盈而後進今正其時也予聞緒言而喜乃乾竹絞汁瀝這些一滴擲一擲授印生以一任落乎江湖放乎四海若有人道千里烏騅追不得則幸也 皆

元祿五年壬申春日

寶陀峰白己山撰

虎丘紹隆禪師語錄

宋
•
嗣 虎丘紹隆
端
等 撰
編

虎丘隆和尚語錄

目錄

住和州開聖禪院語錄

宣州彰教禪院語錄

平江府虎丘雲巖禪寺語錄

初祖贊

塔銘

虎丘隆和尚語錄

參學 嗣端 等編

住明州天童十九世孫圓悟重刻

住和州開聖禪院語錄

師初住和州開聖禪院開堂日於知府手中接疏示衆云窮諸玄辯竭世樞機百千法門無量妙義總在箇裏不隔一絲頭若也薦得不用重說偈言其或未然切須分明聽取師陞座拈香云此一瓣香恭爲今上皇帝祝延聖躬萬歲萬歲次拈香云此一瓣香奉爲知府朝議通判大夫闔郡尊官伏願福深滄海壽等椿松末後拈香云此一瓣香大有人疑著三

十年出一叢林入一寶社遇賤則貴遇貴則賤末後撞著箇無面目老子向命脉上一割不覺從空放下如今不免對衆拈出奉爲見住潤州金山佛果園悟禪師大和尚用報法乳之恩上首白鵲云法筵龍象衆當觀第一義師云垂鈎四海祇釣鯨鰲離鈎三寸莫有道德底出來道看時有僧出問朝旆證明且爲國一句作麼生道師云一願皇帝萬歲二願羣臣千秋僧云只如生佛未興時一著落在什麼處師云吾常於此切僧云恁麼則擺手出長安也師云逢人不得錯舉僧云爭奈目前何師云識法者懼僧云官不容針私借一問時如何師云據虎頭收虎尾僧云中問事作麼生師云草繩自縛漢僧云豈不見毗婆尸佛早留心直至如今不得妙師云幾行岳下路不見白頭人僧禮拜師乃云大衆我本無心有所希求今此法王大寶自然而至敢問諸仁作麼生說箇法王大寶豎起拂子云還見麼若也於此辨得三世諸佛以此接物利生歷代祖師以此流通正脉天下老和尚以此揭示頂門正眼破塵破的萬古徽猷徧界

偏空眞風不墜如天普蓋似地普擎堪報不報之恩
用助無爲之化澄澄光彩瑩徹十虛堯日與佛日增
輝金輪共法輪並轉生凡育聖統三界以爲家自利
利人作四生之依怙隨緣赴感靡不絲他如鑑當臺
舉無遺照大中現小小中現大卷舒立方外乾坤縱
橫掛域中日月如斯舉唱猶落今時豈不見長沙道
三世諸佛共法界衆生盡是摩訶般若光光未發時
尙無佛無衆生消息只如光未發時諸人向甚處委
悉直饒向箇裏悟去未免平地喫交且安業樂業一
句作麼生道狼煙一掃盡萬方賀太平叙謝不錄
復舉阿育王問賓頭盧尊者承聞尊者親見佛來是
否尊者以兩手策開眉毛良久云會麼王云不會尊
者云阿耨達池龍王請佛齋吾亦預數師云賓頭盧
得大機顯大用不謾親見佛來雖然賴阿育王放過
若不放過泊合打失眉毛放過卽且置尊者策起眉
毛又作麼生還會麼當臺一鑑明如日萬古晴空絕
是非上首白槌云諦觀法王法法王法如是下座
上堂舉僧到金峯方參禮峯云我有一則因緣舉似

你只是不得錯會僧云請和尚舉峯豎起拂子僧作
聽勢峯云早錯會了也僧以目顧視使出峯云雪上
加霜師云金峯垂釣四海只釣得龍者僧雖然清波
有路未免貪他香餌敢問大衆畢竟作麼生是金峯
爲人處還會麼見月休觀指歸家罷問程
上堂僧問九旬禁足此意如何師云理長卽就僧云
只如六根不具底還禁得也無師云穿過鼻孔僧云
學人今日小出大遇也師云降將不斬僧云恁麼則
和尚放某甲逐便也師云停囚長智僧禮拜師乃云
朱明啓候九夏初臨四海高人罷搖金錫心猿頓歇
意馬休征戒潔滄海之珠性朗碧天之月纖塵莫染
帝網交光離相絕名眞機獨露正當恁麼時安居一
句作麼生道誰知驚嶺當年事一念迴光尙宛然
上堂僧問如何是截鐵之言師云滿口含霜僧云何
必如是師云闍黎又作麼生僧云痛領一問師云也
須吐却僧禮拜師乃云造化淵源情同止水天地同
根萬物一體統三界以爲家作四生之依倚全大用
顯大機擊碎驪龍明珠敲出鳳凰五色髓敢問諸

仁且作麼生是造化之淵源不得春風華不開華開
須藉春風力

上堂云豁開戶牖萬里不掛片雲杲日騰空四顧清
風滿座湖光浩渺野色澄明萬象森羅全彰海印直
得頭頭妙用物物真機心境一如纖塵不立正當恁
麼時萬機休罷千聖不攜坐斷毗盧頂不稟釋迦文
婢視聲聞奴呼菩薩德山臨濟直得目瞪口呆有棒
有喝一點也用不著且道忽遇其中人來時如何傾
蓋相逢元故舊何妨來喫趙州茶

請知事上堂拖室摩竭杜口毗耶面壁九年黃梅夜
渡點簡將來翻成計較殊不知日不待火而熱月不
待風而涼雲從龍風從虎作無作為無為恁麼會得
便能恢張法席毗贊叢林共建法幢流通正脉敢問
大眾據令一句作麼生道祇園今古饒春色朵朵渾
開薝蔔華

宣州彰教禪院語錄

上堂僧問以一重去一重時如何師云鈍鳥離巢僧
云不以一重去一重時如何師云劈箭急僧云只如

睦州道昨日栽茄子今日種冬瓜又作麼生師云眼
觀東南意在西北僧云謝師答話師云老僧今日失
利師乃云者僧恁麼問老僧恁麼答且道見睦州意
不見睦州意若道見睦州意且道睦州是什麼意若
道不見睦州意適來一問一答不可徒然彰教今日
更開一路與汝諸人東行西行驚拈拄杖卓一卓喝
一喝

上堂悠悠世事空浮沉自愛白雲歲月深舉眼盡非
凡草木剛然斷臂覓安心雖然如是事無一向拈拄
杖云達磨來也在山僧拄杖頭上為諸人說安心法
門還信得及麼若信得及當下便心安其或未然海
枯終見底人死不知心

上堂摩竭拖室毗耶杜詞斯皆理為神御故口以之
而默豈曰無辯辯所不能言也放出陝府鐵牛觸殺
嘉州大象撞透天關掀翻地軸看看磕破諸人髑髏
還有識痛痒者麼良久云萬山不隔今宵月一片清
光分外明

上堂僧問古人道盡乾坤大地撮來如粟米粒大撒

向諸人面前添桶不會打鼓普請看未審此意如何
師云一畝之地三蛇九鼠僧云未曉師意乞師再垂
指示師云海口難宣僧云盡大地既如粟米粒大只
如森羅萬象人畜草芥著在什麼處師云此問不惡
僧云豈無方便師云棒打不死僧禮拜師云救得一
半師乃云寰中天子勅塞外將軍令一句定乾坤一
劍平天下便見時康道泰四海晏清向我禱僧門下
又且不然拄杖子吞却乾坤了也綿綿不漏絲毫何
處更有一物與諸人爲緣爲對還會麼良久云各請
歸堂喫茶去

上堂牛頭沒馬頭迴渠無國土無位真人突出難辯
甚處逢渠擊石火閃電光得不得未免喪身失命且
風恬浪靜一句作麼生道善財別後誰相識樓閣門
開竟日閑

謝鑄鑊街坊上堂渠無面目底千聖不敢近方解入
林不動草入水不動波變大地作黃金攪長河爲酥
酪寸絲不掛通身無影像便能入荒田不揀信手拈
來頭頭上顯物物上明收放臨時更無滲漏所以道

諸方說禪浩浩地爭如我栽田博飯喫直饒居士深
懷樂施也未免剗肉成瘡簡點將來不忘取捨南泉
打破粥鍋雖則光前絕後因甚衆人之物將爲自己
受用如今要全舊日家風須是重新鑄造雖然一動
一靜一進一退總未有事在畢竟作麼生還會麼有
意氣時添意氣不風流處也風流

解夏上堂僧問雲門達磨九年面壁意作麼生門云
念七未審古人意旨如何師云還丹一粒點鐵成金
僧云學人爲什麼失却鼻孔師云與達磨雪屈師乃
云有佛處不得住上無攀仰無佛處急走過下絕已
躬從來無向背本自絕羅籠出門撞著須菩提寸草
不生千萬里自是長嘴鳥休言芳樹不棲謾自說禪
說道摩斯吒直饒心掛樹頭未免身沉海底莫動著
動著三十棒且置休夏自恣一句作麼生道青山綠
水元依舊明月清風共一家

上堂十方義聚互作主賓明眼知音同心相照秉智
慧刀握靈地珠光耀禪林揮戈佛日臨機顧揖格外
風規垂手人間隨方善應直得似地擎山不知山之

孤峻如石含玉不知玉之無瑕正當恁麼時忽遇其中人來如何通信還會麼泣露千般呻吟風一樣松上堂行不犯之令明古今風月靈機常獨耀萬象悉澄徹更說什麼正法眼藏瞎驢邊滅無計較中翻成計較無途轍中翻成途轍一時與你截斷秤鎚硬似鐵別別八月秋何處熱

謝知事上堂萬里浮雲捲碧天年年此夜十分圓令人轉憶寒山子說似吾心恰宛然所以道欲明恁麼事還他恁麼人若是恁麼人須明恁麼事便能以此心相照以此心相知扶持野老無盡家風成就叢林萬世基業其把定也離念絕塵更無滲漏其放行也光生瓦礫和氣霽然高低普應前後無差且道此人成得箇什麼邊事還委恁麼將此身心奉塵利是則名為報佛恩

上堂十五日已前且恁麼折合更不用絲者也十五日已後見成公案未曾動著正當十五日諸人作麼生通箇消息直饒向朕兆未萌文彩未彰時會去正落第二月且作麼生是第一月還會麼九年孤坐少

人識千古風光照天地

上堂僧問如何是大道真源師云和泥合水僧云便恁麼去時如何師云截斷草鞋跟師乃云大道只在目前要且目前難觀欲識大道真體不離聲色言語風吹不入處和泥合水和泥合水處風吹不入如今不免又向頭上安頭乃豎起拂子云還見麼者箇是色復呵呵大笑云者箇是聲大道真體在什麼處繡出鴛鴦無背面不知誰解覓金針

上堂眼裏不著沙耳裏不著水堪笑老俱胝無端豎一指諸禪德且道是誰解笑者還會麼鬧市拶出僧尸迦吃噉舌頭三千里

上堂大智圓明體無向背凝然湛寂彌滿太虛覆蓋乾坤常光獨露削蹤滅跡離相絕名正當恁麼時本地不動一句作麼生道一切水月一月攝

上堂僧問請師答話師云火雲燒空僧云且道虛空還有變易也無師云飽粥飽飯僧云恁麼則有變易去也師云客作漢有什麼變易師乃云炎暑蒸人汗似湯鹽官用底豈尋常輕搖休問犀牛在拈出清風

宇宙涼諸禪德向什麼處見鹽官老子若也見得恩大難酬其或未然汗流浹背會施力一到中秋便負心

上堂舉馬大師翫月次問西堂正當恁麼時如何堂云正好修行次問百丈丈云正好供養又問南泉泉抽身歸衆馬祖云經歸藏禪歸海惟有普願獨超物外師云奇怪諸禪德馬駒踏殺天下人一擲直須一掌血及乎三大士各展家風不覺翻成老婆心切叢林浩浩商量盡道翫月話奇特簡點將來克繇耐何故三人證龜成鳖

施主請陞座僧問如何是佛法的大意師云蛇頭生角僧云未審意旨如何師云會即便會僧云只如臨濟三度喫棒還甘也無師云若不甘爭得悟去僧云某甲因甚不悟師云汝皮下無血僧云和尚也不得壓良爲賤師云不勞再勸師乃云緣會而生如天忽雲乘彼願力現宰官身緣離則滅了妄金真入不二門超凡越聖一出沒一動一靜亘古亘今混去來絕對待不可以識識不可以智知乾坤不能蓋載

萬象無以覆藏一道清虛靈光湛寂如斯告報只要知歸若也情存限量落在見聞纔涉思量白雲萬里不落諸緣一句作麼生道還委悉麼大千沙界海中漚一切聖賢如電拂

上堂一滴水一滴凍喝下風雷彰大用棒頭點出眼睛來照了諸相悉空洞出門撞著須菩提搗破虛空全體露一片虛凝絕謂情萬里清光飛玉兔

上堂目前無法萬象森然意在目前突出難辨不是目前法觸處逢渠非耳目之所到不難見聞覺知雖然如是也須是躋著它向上關捩子始得所以道羅籠不肯住呼喚不同頭佛祖不安排至今無處所如是則不勞歛念樓閣門閉寸步不移百城俱到嘉拈拄杖劃一劃云路逢死蛇休打殺無底籃子盛將歸上堂僧問古人到者裏因甚不肯住師云老僧也恁麼僧云忽然一刀兩段時如何師云平地神僊師乃云離四句絕百非闔外風光誰得知牛頭沒馬頭同空生岳畔碧崔嵬一口吸西江一句該萬象一月普現一切水一切水月一月攝重重主伴歷歷交參品

彙茲彰人天正眼如斯告報只要知歸苟或未然便見生死交謝寒暑迭遷北里豪家昨日歌兮今日哭且作麼生是箇外風光還相委麼了了時無可了立立處亦須呵

平江府虎丘雲巖禪寺語錄

上堂舉深明二上座同行見一魚跳出網中明云俊哉恰似箇衲僧相似深云何似當時不入網好明云深兄你猶欠悟在深行數里方悟師云明上座鉤頭有餌深禪老一釣便上虎丘當時若見待他道深兄你猶欠悟在只對道今日網得一箇不獨塞斷明上座口且要千古之下免人怪笑山僧亦有箇縵大網子遂舉起拂子云還見麼山僧喚作拂子了也諸人且喚作什麼若喚作拂子未出山僧網子在若不喚作拂子行脚眼在什麼處是汝諸人還見虎丘爲人處麼三汲浪高轟霹靂一聲透過禹龍門上堂光非照境境亦非存光境俱忘復是何物百舛頭上罷却干戈則且置忽若嘉州大象倒騎陝府鐵牛把須彌山一搥百轉碎新羅國裏走馬南瞻部州

說禪又作麼生五臺山上雲蒸飯佛殿塔前狗尿天上堂日日東出日日西沒人命在呼吸百年輕倏忽驚地得逢渠掀翻生死窟放出遼天鵬萬重雲一突

聖節上堂示現天宮補處身堯風舜日耀乾坤今朝共祝南山壽萬國來朝萬乘尊

傳樞密請陞座僧問萬機休罷千聖不攜時如何師云未足觀光僧云還有奇特事也無師云獨坐大雄峯僧云恁麼則主山高案山低云也師云一切坐斷僧云爭奈目前何師云汝待換老僧舌頭那僧云今日被王老師捉敗也師云放汝一路僧云和尚容某甲問話去也師云死中得活師乃云佛語心爲宗一切卽一無門爲法門一卽一切是汝諸人高肩拄杖天下橫行還踏著此門也未若也踏著此門年年是好年月月是好月日日是好日時時是好時明如果日寬若太虛三世諸佛以此門生凡育聖廣利羣品歷代祖師以此門以心契心流通正續天下宗師以此門揭示人天眼目提持向上一路乾坤以此門爲

覆藏日月以此門爲照臨四時以此門爲寒暑國王以此門治天下百官以此門盡忠盡孝庶人以此門治生產業納僧以此門撥轉天關掀翻地軸失口說著佛之一字漱口三年雖然如此事無一向若或尙留門外不免露箇消息去也遂拈拄杖云還見麼復卓一卓云還聞麼已爲諸人八字打開了也直須無見而見是名真見無聞而聞是名真聞無說而說是名真說真見真聞真說是什麼熱碗鳴聲豈不見道從無住本流出萬端便知死故太夫人於無相中示現受生一切諸相悉皆真實於無滅中示現入滅一切生滅之相本來空寂凝然不動正體如如亘古亘今曾無變易正當恁麼時畢竟如何風恬波浪靜直下見青天

復舉陸亘大夫問黃檗和尚云弟子家中有一片石亦曾行亦曾坐欲鑄作佛得麼檗云得大夫云莫不得麼檗云不得師云黃檗雖似鏡之臨形胡來胡現漢來漢現只是不通箇點當時待他道弟子家中有一片石亦曾行亦曾坐欲鑄作佛得麼只對道莫惜

高名鑄石上維摩傾盡此時心

上堂大地撮來粟米粒一毛頭上現乾坤居家不離途中事常在途中不出門喝一喝

留首座上堂田地穩密鬼家活計從空放下坐井窺天虎丘門下不說老婆禪只要諸人眼橫鼻直三十年後免得敲頭打瓦何故物宜求新人宜求舊不起于座現諸威儀且道出格一句作麼生良久云落霞與孤鶩齊飛秋水共長天一色

滕樞密宅請陞座僧問雪峯示衆道盡大地是箇解脫門把手牽不入未審在門外者是什麼人師云胡張三黑李四僧云爲什麼不肯人師云他具行脚眼僧云恁麼則穿過從上祖師鼻孔去也師云闍黎還跳得出麼僧云若然者三步雖活五步須死師云猶欠一問在僧云和尚豈不是爲學人著灸師云錯認定盤星僧禮拜師乃云世尊出世爲一大事因緣祖師西來直指人心見性成佛所以道佛佛授手祖祖相傳便有教外別傳不立文字單提直截究本明宗令一切人離諸執著況此一事不以心思不以意想

思慮知解盡是鬼家活計若是向上人赤條條地直
向父母未生前承當却來者邊行履出生入死得大
解脫要識諸佛出世處麼現在諸人眉毛眼睫上轉
大法輪演說摩訶般若離四句絕百非要識祖師西
來意麼現在諸人六根門頭晝夜放大光明交光相
羅如寶絲網以至山河大地草木叢林盡在諸人大
光明中發現只如光未發時上無諸佛下無衆生消
息是汝諸人向甚麼處安身立命若也知得去處便
知故樞密相公落處苟或未然萬古碧潭空界月再
三撈摸始應知

上堂摩竭陁國親行此令薰拈拄杖卓一卓云大盡
三十日小盡二十九

任觀察請陞座顧視大眾云還會麼塵劫來事盡在
如今好不資一毫醜不減一毫謂之萬法根源千聖
窟宅空洞無像緣會卽彰所以道淨法界身本無出
沒大悲願力示現受生與無緣慈示殊勝相作不請
友開方便門明大機顯大用發大智自利利他生凡
育聖從無住本流出萬端於是應以宰官身得度者

卽現宰官身而爲說法應以長者居士等身得度者
卽現長者居士身而爲說法如天普蓋似地普擎出
沒卷舒得大解脫敢問大眾且道其中人畢竟作麼
生還會麼芥城有盡年無盡長在堯天日月傍
上堂凡有展拓盡落今時不展不拓墮坑落堦直饒
風吹不入水灑不著簡點將來自救不了豈不見道
直似寒潭月影靜夜鐘聲隨扣擊以無虧觸波瀾而
不散此猶是生死岸頭拈拄杖劃一劃云劃斷生法
師多年葛藤點頭石不覺撫掌呵呵大笑且道笑什
麼腦後見腮莫與往來

上堂當陽正體露堂堂休謂當年付飲光彼既丈夫
我亦爾莫將好肉更剝瘡

上堂舉陳操大夫到資福資福見來便畫一圓相尙
書云弟子怎麼來早是不著便更畫圓相福便拖却
門師云資福買鐵得金一場富貴是則是爭奈公案
未了今日諸大士入山相見山僧不畫圓相亦不拖
却方丈門且道與資福老人是一是一還知落處麼
竹院相逢無一事大家同喫趙州茶

上堂百鳥不來春又喧凭欄溢目水如天無心還似
今宵月照見三千及大千

上堂放一線道曲爲今時性地未明須憑指注還見
麼直得山從海湧塔從雲霄非風鈴鳴我心鳴耳不
勞歛念樓閣門開頭頭現彌勒家風歷歷顯文殊境
界還同按指海印發光萬象森羅纖塵不立如印印
空如印印泥如印印水起無前後迴絕見知覲面提
持更無回互還有當陽證據得底麼豈不見生公臺
畔空落雨華頭石點頭妄通消息雖然如是忽然撞
著德山臨濟老漢放過即不可若不放過著拈拄杖
卓一卓云填溝塞壑無人會千古萬古黑漫漫

上堂一二三四五梅雨炎蒸暑確觜也生花道芽知
幾許古佛與露柱交參猫兒咬殺猛虎下座

參假上堂病起雲山草木秋浮華世事謾悠悠從來
萬法不爲侶何似韶陽六不收喝一喝下座

請修造上堂如來三轉於大千趙州半藏亦如然其
輪本來常清淨一念承當誰後先雖然也是個英靈
漢始得便乃橫身擔荷紹續宗風立吾家萬世不朽

之功顯大丈夫特遠之志抱荊山玉握靈蛇珠光耀
叢林揮戈佛日直得龍吟霧起虎嘯風生象王行處
絕狐踪獅子窟中無異獸雖然如是且道應緣垂手
一句作麼牛道旃檀葉葉古風清吹落人間香馥郁
上堂葉落歸根來時無口不留朕跡騰身北斗火裏
唧唧吞却嘉州大象益州馬腹不覺膨脹燈籠露柱
大笑拾得寒山撫掌還會麼莫待是非來入耳從前
知已返爲讐

上堂靈機密運日月旋流四象推遷一陽來復化育
之本匝地普天草木昆蟲悉承恩力且作麼生是化
育之本良久云一氣不言含有象萬靈何處謝無私
復舉僧問南院日月交謝寒暑迭遷如何是不涉寒
暑者院云紫羅抹額繡裙腰僧云向上之機今已曉
中下之流如何解會院云炭庫裏藏身師云問既有
宗答亦驚羣雖然如是南院只解觀根逗器應病與
藥虎丘更資一路或有僧問日月交謝寒暑迭遷如
何是不涉寒暑者對它道前村深雪裏昨夜一枝開
待它又問向上之機今已曉中下之流如何解會對

它道買帽相頭

謝知事頭首上堂鋒芒未露如天普蓋古帆未掛似地普擎所以道天不言四時行焉地不言萬物生焉萬物生則遷謝不停四時行則寒暑流轉各居其位去寒時大家寒熱時大家熱是法住法位世間相常住無一法不爲妙用無一物不爲真如處處真無回互塵塵爾絕承當須是其中人方能恁麼去便能橫身擔荷羽翼叢林自利利他得大解脫其或未然好事不須煩話會留將和氣暖丹田

上堂脫身已曉南柯夢始覺人間萬事空吹起還鄉無孔笛夕陽斜照碧雲紅

上堂從來無相貌森羅萬象歷然超出威音王當機無向背所以道昭昭於心目之間而相不可觀晃晃於色塵之內而理不可分通古通今凝然湛寂蓋聲蓋色正體如如諸人若善參詳要且卽非外物盡是各各當仁屋裏事豈不見釋迦老子見明星悟道便云我覲一切衆生俱有如來智慧德相皆爲妄想執著而不證得如今只要諸人心空境寂內外無依方

有自緣分還恁麼證據得麼其或未然未明心地卽難過趙州關

爲圓悟和尚舉哀云釋迦已滅彌勒未生正當今日流通佛祖正脉委在我圓悟禪師大和尚直得七據寶刹統三界以爲家四海馳聲作羣生之眼目不謂法幢摧折佛日掩光後學無聞叢林失所雖然如是盡落今時何故豈不見道淨法界身本無出沒既無出沒師今不死我何疑惑大衆旣然不死還知圓悟老人落處麼若也知得落處不勞指注儻或未然仰師之道地久天長却請眞前大家燒香

復指眞云見麼拘尸城畔當時大事曾與濯錦江頭此時還循舊轍放光現瑞攝化歸眞法海珠沉人天眼滅雖然如是恁麼中有不恁麼不恁麼中却恁麼便見無生死中示有生死無去來而示有去來雖然要且無生死去來之相故我圓悟禪師大和尚禪河渺渺津濟無窮名動王尊道滿天下且能事已畢隻履西歸穩坐家堂末後一句作麼生道諸人若向者裏道得圓悟老人猶在若不然者與諸人道去也良

久却顧侍者云道什麼遂舉哀

初祖贊

闔國人難挽西攜隻履歸只應熊耳月千古冷光輝

塔銘

宋臨濟正傳虎丘隆和尚塔銘

左朝奉司農少卿 徐林 撰

菩提達磨壁觀少室丘相指心號曰禪宗五傳而至曹溪逮今幾五百年枝流繁衍異人間出得果得辯前後相踵如薪續火可謂盛矣平江虎丘禪師諱紹隆和州含山縣人生而岐嶷絕俗九歲謝父母去家依縣之佛慧院又六歲削髮堂具又五歲而束包曳杖飄然有四方之志首遇長蘆淨照禪師參扣之間景響有得因閱圓悟勤禪師語錄撫卷嘆曰想醉生液雖未能澆腸沃胃要且使人慶快第恨未親聆警欬爾於是欲訪之復至寶峯謁湛堂準禪師準曰如何是行脚事師露胸示之曰和尚驗看準即打師約住曰且莫盲加瞎棒準大笑因留年餘廼謁死心於黃龍心問曰是甚麼僧師曰行脚僧心曰是何村僧

行甚驢脚馬脚師曰廣南蠻道甚麼何不高聲道心喜曰却有衲僧氣息師乃喝退而參堂度一夏心甚器重之每嘆曰再來人也死心機鋒橫出諸方吞鐵非上上根莫能當而於師重稱賞衆皆側目已而趨來山見圓悟道龍牙山遇渤潭乾之法子密禪師相與甚厚每研推古今至投合處抵掌軒渠或若徉狂議者謂今之瀉仰寒拾也久之辭去遂至夾山會圓悟移道林師從焉一日入室圓悟引教云見見之時見非是見見猶離見見不能及豎拳曰還見麼師曰見圓悟曰頭上安頭師於此有省圓悟復曰見箇甚麼師曰竹密不妨流水過圓悟肯之自此與圓悟形影上下又二十年斧撻鑿索盡得圓悟之秘師以二親垂白歸寓鄉郡褒禪山蓋修摩耶忉利故事也繼受請住城西之開聖寺四衆翕然歸仰建炎之亂盜起淮上乃南渡宣城士庶素欽師名爲結廬銅峯下適彰教虛席郡守李尙書光延師居之道化益振四十年而遷虎丘時圓悟以時未平泛峽歸蜀囊之幅湊川奔一時後生望山而趨師每登座從容示露一味

平等隨根所應皆應其欲故圓悟之道復大播於東南諸方謂圓悟如在也居三年感微疾白衆曰當以第一座宗達承院事衆請於郡從之爭既索筆大書伽陀曰無法可說是名說法所以佛法無有剩語珍重擲筆坐逝實紹興六年丙辰歲五月甲午八日乙亥也建塔於山之陽凡住世六十年坐四十五夏度弟子復如等六十人嗚呼佛法有正派有旁枝曹溪之世衣止不傳雖曰法源入海汪洋大肆而西土般若多羅識記特在馬駒厥後五宗惟臨濟一門出馬祖後於今最盛圓悟近代尊宿宗眼超卓才辯縱橫若鱗角獨立而師又深入其室是可嘉也林謂道德之重不待家論戶曉而知言白雲即知爲端言東山即知爲演言虎丘即知爲師也真能壽楊岐光明盛大之傳而永臨濟於無窮者矣不銘何以詒其後銘曰

於穆初祖 一花東土 識至馬駒 益昭益著
派衍而繁 實惟圓悟 圓悟得師 以馬之聖
大坐虎丘 雷動雲驚 臨濟中興 楊岐再住

隻履忽西 韋巖龍臺 有神有天 來訶來護
咨爾後昆 展轉流布

虎丘隆和尚語錄終

眞歇清了禪師語錄

宋
•
眞歇清了
德初

撰
編

較正重刻劫外錄引

伏惟真歇祖之劫外錄曾播支那也當時有通玄淨禪師者造此錄判辨事職空谷集又采熟鐵丸語載佛法大明錄及俗書韻瑞等以稱了和尚劫外錄則可謂熾也日本寬永中所刊之本文字寫誤非但數十末載塔銘亦脫其序余閱之尙矣今秋有緣高惠日之良獄院偶得古寫本於靈冊堆讀之巨備焉是故重刊流布謹考塔銘之序則謂語錄兩集行於世也必定有廣錄在若有之則可與宏智廣錄分蘊立聯鳴呼不傳于日本也遠孫之遺憾也今采輯散逸以附者崑山之片玉而不忍棄也且如昔編此劫外錄亦略上之略而所謂千百之十一乎然而比之於他之百帙千套則不異孤月之在于衆星光明偏照有何邊際伏冀遠裔之麟角鳳毛稱提之以廣揚塵風則不負祖恩之須彌山高兮大分遺蔭之婆娑海深兮廣兮云爾

明和丁亥孟春初五第三十三世遠孫八十五翁
方面山豐齋拜題於洛東瑞龍山之金龍軒

眞州長蘆了禪師劫外錄序

長蘆了禪師芙蓉之孫丹霞之子得法於鉢孟峯上以無所得而得說法於一葦江邊以無所說而說雲行水止從而問法者常千七百人以無所聞而聞予嘗造其室竇然空然溫伯雪子之忘言淨名居士之杜口予莫能知且觀其抱美玉於空山混銀河之秋月視之不見言之莫及時時願堂上之嚴深憐尸外之曠滿於是萬金良藥滿腸易骨斯須之閒病者起走人人輕安得未曾病亦如雷雨既作草木萌動頃刻齊止了無痕迹天清物春雨已無用雖然豈直如是而已哉木鷄啼霜石虎嘯雲鳥鳴山幽蟬噪林寂世有望角知牛聞嘶知馬者其庶幾歷其藩乎
紹興二十八年正月旦 中橋居士 吳敏 序

眞州長蘆了和尚劫外錄

侍者 德初 義初等 編

上堂僧問三世諸佛向火焰裏轉大法輪還轉的也無師呵呵大笑云我却疑著僧云和尚爲什麼却疑

著師云野花香滿路幽鳥不知春僧禮拜云今日遭人毒手

師乃云柳眼爭芳風煙混秀未露處密移春色不萌時暗染溪光寒岩樵子歌謠野渡漁人鼓腹所以道正則龍銜異寶偏則鶴宿銀籠且道不落偏正作麼生相委其久萬機休罷處一曲韻無私

上堂僧問如經蠱毒之鄉水也不得帶他一滴未審此意如何師云及盡始通身僧云通身後如何師云方知撲不破

師乃云不假舌頭說熾然無開歇深密密處光彩顯生明歷歷時混融皎潔若也和身放倒隨流任真始信百般計較不成運用本無欠缺雖然恁麼金屑雖貴落眼成翳

上堂僧問百拜頭上罷却平生時如何師云亦無藏身處僧云恁麼則遍界露堂堂師云切忌作面目僧云不作面目又作麼生師云泥牛觸破嶺頭雲

師乃云卓錫無地甚處安身瞬目不通如何駐擬所以把定乾坤眼綿綿不漏絲毫融通造化機是的更

無滲漏正恁麼時打破畫餅一句作麼生相委其久雲散水流去寂然天地空

上堂傍參密旨妙會玄宗句在混沌前豈涉今時路無舌人解語無情者皆聞通途消耗不分時靈脈浩流無開處且道不借借底作麼生其久堆堆全體露祇麼不曾藏

上堂僧問不露風彩還許轉身也無師云石女行處不同功僧云向上事作麼生師云妙在一漚前豈容千聖眼僧禮拜師云只恐不恁麼

師乃云智不到處道著即頭角生心不泯時認著即影像現百匝千重都擺撥騰今照古本無虧木雞啼斷海雲昏石虎嘯開山色秀光境俱亡即且置不授手底是什麼人其久青松生古嶺白髮咲寒巖

上堂云機輪密處靈轉未生澄目不登揚眉自曉有時意到句不到白雲藏玉鳳有時句到意不到秋露滴銀河有時意句俱到妙盡不當今虛明不出戶且道意句俱不到又作麼生其久不傳千聖口莫向萬機求

上堂云暗裏抽橫骨彌天句已彰明中坐舌頭匝地無紋彩混不容其迹照不留其痕金烏子夜出乾坤濃雲停午生嶽面且道須彌那畔什麼人擔荷夏久云

莫行玄處路功盡合平常

上堂僧問如何是學不停午師云海底銀輪秀僧云如何是意不立玄師云無影樹頭春僧云怎麼則未露之機當鋒得妙師云亦須轉却僧云轉却後如何師云不墮混融機

師乃云窮微喪本體妙失宗一句截流淵源及盡是以金針密處不露光鈍玉線通時潛舒異彩雖然如是猶是交互雙明且道巧拙不到作麼生相委夏久云雲蘿秀處青陰合岩樹高時翠鎖深

上堂云轉功就位是向去底人玉輶荆山貴轉位就功是却來底人紅爐片雪春功位俱轉通身不滯撒手忘依石女夜登機密室無人掃正恁麼時絕氣息一句作麼生相委夏久云歸根風墮葉照盡月潭空

上堂云臘中辨細門裏出身石女不孤機峻暗泄細中辨纖身裏出門暖氣雖消岩上雪冰壺未破劫前

春六門活計冷飀然萬頃瑤瑤寒徹骨且道滴水滴凍一句作麼生相委夏久云歸堂問取聖僧

上堂云居動而常寂處暗而愈明不墮一邊機當頭誰敢觸正按傍提有據真慈妙應無窮雖然句在未萌前要且不離當處且道畢竟如何白雲留不住依舊出青霄

上堂僧問泥牛常運步為什麼不許觸波瀾師云虛空暗點頭僧云怎麼則子就父時猶有依倚師云更有一人未肯在僧云未審是什麼人師云紅爛通身火裏看

師乃云虛玄及盡見處偏枯明湛不搖想中滲漏是以千峰瀉翠萬谷流春靈苗秀而氣未萌瑞彩分而天欲曉光融水月影混空潭叶照忘痕如何辨異木龍吟子夜妙在未聞前

上堂云藏身處沒蹤跡浩意融時誰辨的沒蹤跡處莫藏身難移步處妙難尋枯根石裏花明秀劫外威光密密新所以道三十年在藥山只明此事諸仁者作麼生是此事夏久云白髮顏如玉靈然不墮今

上堂云無功妙旨不涉玄微一念潛通全機密運易
奏高山流水曲難傳虛空夜明符暗中靈句許誰知
化外威光須自看雖然怎麼不行青嶂路爭到白雲
根

上堂云妙化潛敷無中忽有漚紋纔擬失湛乖真九
霄淨處廓無疆四海清時明徹底若知有者箇消息
堪報不報之恩其或未然天水混時秋一色衆星攢
處紫微高

上堂云家音歷歷的要難通紹了非功忘其擔荷戶
外有雲從斷徑坐中無照勝燃燈既知活計現成便
合深沈消耗爲什麼更有途中事其久功齊超歷劫
運步不當陽

上堂僧問密密現成還得尊貴也無師云用在萬機
前不勞呈巧妙僧云怎麼則一句靈然通途絕朕師
云是阿那箇一句僧擬議師云過犯彌天

師乃云利塵一掃大小量空念劫兩融前後際斷不
離當處圓應無窮安住是中周施不怠正怎麼時木
童戴月戶六用虛明石筍暗抽條孤標秀密且道是

誰境界其久江岸風濤急蘆村景色幽

上堂云見聞不昧聲色純真動靜無虧去留本妙若
也盡底承當得去始信法法圓成便能隨處立宗返
常合道其或未然滿襟秋露濕一鑑冷無痕

上堂云未休休去未歇歇去豁然寶鏡當臺無限清
光滿戶所以道一句子當明不當照一句子當照不
當明若或當照當明又作麼生其久枯枝頭上雪不
待太陽春

上堂云莫怪石頭饒舌便道靈源明皎潔功成照不
失虛妙盡明無間歇如今果爾難藏靈逐秋光漏泄
爲報海內道人參取箇中時節

上堂僧問午燈非照燭夜炬滿天紅時如何師云猶
墮傍來路僧云如何是向上之機師云明暗盡時俱
不照

師乃云披毛遊火聚焰裏藏身戴角混塵泥光中轉
步靈珠絕點卞玉無瑕一念廓融千機秀發正怎麼
時坐却傍來路子更有道得底其久歷然超化表浩
劫體難分

上堂云明簾未捲祕殿舒光妙體潛彰眞機尙密直得龍吟碧海鳳舞丹青大地鋪祥長空布瑞正恁麼時借位誕生一句作麼生相委其久金印未開沙界靜玉輪轉處不當風

上堂云裏許明如日絲毫無隔礙一靈不假胞胎四大孰爲主宰如今徹底露堂堂運用隨緣常自在雖然如是猶是平常行履且道超宗越格如何相委虛空無面目不用巧粧眉

上堂云終日分別只是分別自心堪笑念彼觀音力畢竟還著於本人黃頭老衲有理難伸爲什麼有理難伸賊是家親

上堂僧問影草不施干途罷實未審其中事作麼生師云當堂不正坐僧云恁麼則全功轉去也師云轉向什麼處去僧云古渡月明秋色晚師云須是者驢漢

師乃云人迷曉徑戶掛洞林出沒混融凝流皎潔妙體靈然無影迹通身及盡不當陽水聲松韻一溪深月色波光全體妙正恁麼時落在誰人分上其久滿云

船空不夜穩密上鉤時

上堂云兩洗摩尼增秀色全身不昧一絲頭靈源傾瀉無間歇添得添山水逆流所以道眞慈妙應赴感隨緣大寂光中本無出沒雖然恁麼不因登絕頂爭見白雲高

上堂云鏡鏡相照光光相入猶是影像邊事頭頭上現物物上明呼爲了事底人直饒不涉緣不受位全機混密一念潛融猶有類在作麼生是異類其久門

門無隱的妙在未分時

上堂云密密親近去時時奉重他猶存孝養在不見親近孝養奉重始得尊貴雖然恁麼爲鬼任從更互照碧霄雲外不相干

上堂僧問不慕諸望不重已靈時如何師云古鏡臺前荒艸秀僧云便恁麼去時如何師云金烏銜片雲師乃云沿流無定止眞照不留礙千峯秀處鶴難栖萬水澄時魚自躍離人罷釣客迷巢古渡深雲同歌絕韻正恁麼時知着底在什麼處其久玉兔常當午白日不移輪

上堂云勝淨妙心本周沙界精真廓爾明白洞然靈
花密秀異前春風味混成塵外句直得寒林布彩野
水流芳寂爾不凝如何體異當陽不踏今時路得意
無私鳥道立

上堂云日月鎮長靈古今常不改如何特地新各要
施三拜及盡無依體自玄雙六盆中休喝彩作麼生
辨得失其久十語九中不如一默

上堂僧問古路不逢人時如何師云相隨來也僧云
恁麼則萬像光中全身出沒師云猶是往來人僧云
如何是非往來人師云古路覓不得

師乃云一牛飲水密混溪雲五馬不嘶暗彰風骨不
落曉機卽且置太綿密忒靈現作麼生回互其久白
頭靈婦纖歷歷夜鳴梭

上堂云機回明位妙盡轉身一夢青山滿船白月子
夜雲收碧漢中秋露混銀河蘆花深處鶯相逢談咲
飲茶無處避正恁麼時更須知有一人不合伴

上堂云靈鷲深機少林密旨山岳高低而共唱水雲
去住而自聞得之者頭角強生失之者功勳徒爾所

以道莫求悟本無迷日出東方夜沈西雖然恁麼且
道據箇什麼其久不勞澄九鼎流動百花新

上堂云離心意識達本忘情千聖頂額撥開萬象根
源徹透當明隱照入戶忘歸野老謳歌石人撫掌正
當恁麼時還有知落處底麼其久雪山香岬秀不見
白牛蹤

上堂云百億毛頭花開不犯春風三冬雪裏爭芳全
彰浩意雲凝谷曉滴水冰生活計現成憑誰受用其久
云頭上青灰三五斗明明不墮曉來機

上堂云祇恁麼休尋覓見成堂堂忘得失假使心通
無量時歷劫何曾異今日其久大聖僧堂裏坐金剛
門外立廣長舌相耀乾坤半夜烏飛白如漆

上堂僧問皮膚脫落盡唯有一真實未審其中事作
麼生師云戶掩春風不停宿客僧云恁麼則綠岩雲
抱處幽蘿翠成堆師喝云猶嫌少在

師乃云一念未生時萬里無寸艸通身紅爛處徧界
不曾藏鳥道忘依雲蹤有異直得恁麼猶是死妙失
宗所以道任你天下人樂忻獨我不肯且道據箇

甚麼_{其入}魚行沙暗動終不犯清波

上堂云默耀堂堂現成密密通途隱的回互難分家風孤寂妙明前活計荒虛玄路外若能撒手恁麼去絕後再甦橫身恁麼來當頭不犯始解隨變任化與物推移其或未然雲藏無影樹丹鳳不棲梧

上堂云鶴夢無依寒巢臥月雲容不掛野渡澄明功忘莫守玄微位轉須知向背所以道涓林迴秀靈棹密移一句截流如何辨異還知端的麼白牛耕盡寒岩雪禽鳥不鳴天地春

上堂云運步不當機關中無肯路明密浩難齊未前超佛祖及盡回途恁麼來撒手相逢無回互所以道一切處行履一切處不收一切處現成一切處莫覩山僧今日也太無端

上堂云旨外明宗玄中辨的古帆不掛洞水逆流黃蘗渡口奏陽春偃月城頭吹畫角豈止異苗繁茂須知別有圓音更休爛炒浮漚便請乘時撒手且道落在什麼人分上_{其入}錦繡溪邊去新豐路上分

上堂云風暖寒堤春回草綠雲迷古路家破人亡大

陽門下覓無蹤枯木岩前花自咲直得觸體吟處韻

韻難齊雪月混時功功不共諸仁者到者裏且作麼生措手_{其入}靈絲動處金鈎密不觸波瀾暗裏收

上堂云移身密處意句難通蕪路分時風雲過秀戶外野花開似錦造化不知岩前芳艸軟如絲隨根自發豈在忘機息息斷臂安心大施門開更無辜負雖然恁麼春力不到處空中夜泉

上堂云純清絕點似鏡長明照不失虛萬像體妙細中之細雪盡冰消功就之功任運現成諸仁者還知有不鑒照底_{其入}枯椿花爛慢青艸渡頭空

上堂云世尊有密語古渡春殘迴葉不覆藏落花流水見聞覺知絕四維上下通玉鳳舞中霄金輪舒半夜正恁麼時作麼生是不驚異_{其入}海底驪珠貫光分宇宙迷

上堂云不變異處未可安身無閒斷時更須放下直得羚羊掛角氣息都無猶帶化城未到寶所且道混不得類不齊合作麼生玉壺霜漏永天外翠峯高上堂云幻滅滅故非幻不滅光無不透明無不徹長

歌吹起棹頭風永夜恣眠蓬底月正恁麼時浮定有
無鈞機密泄三寸離鈞要知時節既知時節爲什麼
却容露柱多口饒舌其久却是長蘆倒一說

上堂云歇須歇得靈用須用得密丹霄步轉清曉風
迴野菊含金山川漱玉正恁麼時作麼生是一念萬
年其久六戶明如畫懸崖撒手看

上堂云舟移遠浦風度長淮秋露滿襟寒江澄目隱
顯以明不屬相逢兩刃無傷是須陌路到家休問沿
流時節雖然恁麼不遇古木暖爭辨石頭吟

上堂云大徹底人無徹可徹大歇底人無歇可歇非
但玉樹開花亦乃石人腦裂少林三拜强茶糊至今
有理難分雪

上堂云風光澄目翠色滿林香巖上樹之機夾嶺出
身之句直下道得堪報不報之恩其或未然祥雲籠
紫閣瑞雪點紅爐

上堂云朝晡飲啄無處藏身乃顧謂大眾曰祇今東
邊也著西邊也著還有迴避得麼其久一時勘破了
也

上堂云虛而靈寂而妙明密浩然猶落鑑照作麼生
是不落鑑照直饒玄會得猶是眼中塵

上堂云道得第一句不被拄杖子瞞識得拄杖子猶
是途中事作麼生是到地頭一句

上堂云處處覓不得只有一處不覓自得且道是那
箇一處其久賊心已露

上堂云口邊白醅去始得入門通身紅爛去更須知
有不出門底其久喚甚麼作門

法要

示衆云撒手便行向甚麼處去不與萬法爲侶見聞
覺知路子已斷明密密佛眼也覷不見大休大歇祇
是及得盡用得活見得徹明得透轉處純熟無毫髮
計滲漏口頭更無佛法氣味命脈自斷光影俱透如
萬仞懸崖放身廓忘依倚便能坐斷天下人舌頭機
機隱密觸處混融一念萬年眞常體露但行住坐臥
參到藏身不得處躲避不及處便乃全身擔荷孤明
歷歷無段無形萬象光中頭出頭沒更無欠少祇麼
見成箇點靈然元無斷續恁麼覷得內內外外圓陀

陀地養得爛骨堆地始得無過患然後一時掃却向乾坤那畔千聖萬聖望不及處去方知有向上事珍重

示衆云參得快活用得自在便知有休歇底路子觸體前鑑顧業識打得斷夢影銷落徹頂徹底明而無痕盡虛空大地一時脫落上下四維混混無把無捉坐斷佛祖言句不被天下老和尚熱瞞根底透漏絕消息盡却今時一味恁麼去忘蹤忘迹無方無所沒涯際絕畔岸揚眉瞬目千里萬里有甚麼開口處但隨分著此精彩風塵草動觸境遇緣盡底承當更無別法千變萬化自然打成一片常光現前任運不昧只箇一片常光亦須忘了喚作智不到處切忌道著道著卽頭角生珍重

示衆云命根斷底人雖然轉得來了日用全是本光逆順得失不見有一絲頭許出沒應機得大自在謂之隨順世緣無罣礙既能常不昧無間斷一念通身恁麼去猶恐落在背重未得十成更須轉取舊時光彩得到無辨處巧妙向背淨盡都忘方知不動步常

在屋裏但忘教似枯木石頭牆壁瓦礫絕知絕解自然虛明歷歷無一絲毫特地費心力處珍重

示衆云盡虛空大地甚麼處得來徹頂徹底元是箇一段光明彌滿洞耀不落意句互塵沙劫歷恒沙界廓無變易若一念窮得源底明透直截擔荷便與三世諸佛齊肩猶落階級未爲向上若掃却玄微階級智境法塵向未搖三寸已前澄想已俱盡照而無迹明而無痕混混密密千聖亦摸索不著只箇摸索不著亦非本有知落處底合作麼生珍重

示衆云情境不透見覺不圓高低偏枯便有向背蓋取捨揀擇過患未盡識相流注若一念混密淨盡承當任運現成不須管帶命脈自斷四大自脫明明歷歷照體廓然魔佛俱掃甚麼處更得迷悟生死一絲頭來出家兒灰念枯坐索性打教脫脫落落盡底劃斷將破皮袋穀漏子衣單下子細點檢不可開眼受瞞去也臘月三十日眼光落地紛然失路過在今時參究不徹

示衆云坐得脫歇得到凝想俱盡絕根株明歷歷無

可趣向也。須是箇徹底放下死一遍了。焉地甦息。箇些精彩。若明鏡臨臺。絲毫不昧。便怎麼橫身。猶恐墮在絕點。純清未透。眞常流注。何況爭鋒競銳。隨照失宗。認識情著。影響還出。得陰界麼。枯木生花。始與他合。是老人不識好惡底。語捨不得者。俱爲滲漏。直須淨盡灰歇。參教穩密。密地渾金璞玉去。那一人尙未肯在。

示衆云。但有言句。都無實義。千說萬說。試爲我拈一毛頭來看。從朝至暮。虛空裏喃喃地。苦哉飽喫飯了。開眼寐語。阿你分上。甚生次第。混耀烜赫。密露堂堂。沒根株。絕邊岸。現成大用。快活不徹。外有甚大活計。何不薦取。只管依他作解。認口頭聲色。還知道記箇元字脚。萬劫作野狐精。麼快須忘前失後。去家破人亡。去路斷忘歸去。垢盡明現去。久不合。怎麼道珍重。

示衆云。喚作如如。早是變了也。百轉頭上。不露面目。直截向那畔移步。轉身還更有撲不破底。眼麼類不。收混不去。百般伎倆。不成蓋妙。在體處。若失些子光。

彩明露天地。便爲日用所留。不能透塵墨劫前威音路外。若是大徹大悟。大闢提毀。佛謗法不入衆數。底漢咬釘咬鐵。坐斷歷劫來路子。靈然皎潔。浩脈不運。愈精愈明。愈休愈歇。混混沒蹤跡。不變易。無閒歇。脫造化。還有索性。便怎麼去者麼。珍重。

示衆云。盡十方世界。是一顆明珠。鑊湯爐炭。劍樹刀山。發大悲光。演微妙法。若具無礙智眼。歷歷不昧。猶是舊路相逢。未得穩坐。透玄關。出金鎖。妙盡到家。十成無辨。猶有氣息。在所以道。有一人無出入息。速道速道。則曰。不道爲什麼。不道則知。不將來只箇不將來。還有窮得根底。明足爲奇。若也已見未明。不知有向上事。要攆古人也太不容易。如今眼光落地。如生龜脫殼。似方木還圓。爲形軀所留。被風火所苦。蓋一生念念散亂。心識紛飛。臨終之時。暫欲澄心靜慮。閉眉合眼。不爲幻妄磨滅。豈易得耶。也須是硬鐵鑊壁。立千仞。一念怎麼去。萬事俱忘。去徹底。剝了去。氣息都無去。那邊了却去。直去。使行如鳥道。坐若虛空。空想亦無箇點靈然。明密密地。任運卓爾。恒無改變。豈

知有今時周由者也。如石室在杏山，踏確臺起脚了，忘却放下什麼處去來？先聖則曰：「親近來，又道擬親，即疎擬近，即遠要知此事。」大難，大難！如今還有明暗，盡處光景落時，不昧生死底麼？其久云五蘊身全，尚不知百骸散後何處覓。

示衆云：「平白地構得徹底人，直截向裏許擔荷放得停穩，養得純熟，坐却三寸舌頭，明如百千日月，便能截紋彩，斷機絲，一物不爲萬緣冥應，成現密密妙露。堂堂只麼如今，無能無伎倆，若猛著精彩，歷劫來路子只是當念不移，易一絲毫，照體虛凝，迴絕依向。古聖廓爾大悟了，被人逼著語帶玄，而無路心涉妙以難行，則曰：「乘舟者迷，登機者失。」當知尊貴不著意思，沒量大黃面老兒，尙只得一場懺懺。如今信彩開口還知無利益麼？也須是性燥都忘了，決定不流入第二念。歷然明徹去方知，不到衲僧口裏。」

示衆云：「悟得紙衣下用，只解怎麼去，明得一色邊事，未會先師意，自餘隱峯倒卓濯溪，駐步無業間，隨後之人，大顯說無聲三昧，或聞鼯鼠而便脫，或爲愚癡。」

而再來或豎指而休，或飄船而往，一一坐亡立化，箇箇逞神現通，其密也目擊正容，其混也忘蹤失迹，用得純熟，撒手自由，滿路光生，迴無依著。此雖衲僧平常轉身時節，也未有一機絲落行珍重。

機緣

師初見丹霞，問作麼生？是空劫已前，自己師擬對霞云：「爾開且去。」一日登鉢盂峯，豁然契悟，徑歸見丹霞，方侍立，霞劈耳便掌云：「將謂爾知有師，忻然禮拜來。」日霞上堂云：「日照孤峯翠，月臨溪水寒。祖師玄妙訣，莫向寸心安。便下座。」師云：「今日陞座，便瞞我不得也。」霞云：「爾試舉我今日陞座看。」師云：「霞云：將謂不覺地，師抽身便出。」霞一日在方丈後坐，師問訊霞見來不顧師云：「維摩道箇什麼？」文殊便生讚嘆，霞微笑。師禮拜霞云：「爾不待我爲爾說。」師云：「我又不是愚聾。」師見石門和尚，門問云：「終日勞勞，成得什麼邊事？」師云：「須知有不勞勞者。」門云：「作麼生是不勞勞者？」師云：「要且不敢安名立字。」門云：「爾是識來不敢不識來，不敢師云：總不恁麼。」門云：「畢竟如何？」師云：「門云：正是勞。」

勞者師拂袖便出

師在南陽再見丹霞侍立次霞云備爲我淨髮得麼師便安排水於霞前而立霞云備得恁麼純熟師云猶是奴兒婢子霞云那人在什麼處師不對霞云奴兒婢子

師過香山菴中見師叔山問近離什麼處師云丹霞山云還見丹霞麼師云久不離一步山云不虛參見丹霞師云也不得草草山云只如僧問思和尙佛法的大意廬陵米價作麼生師珍重便行

師見深州州問云甚麼處來師云丹霞來州云親見作家來師云且莫壓良爲賤州拽拄杖師捉住云和尚尋常大小便利教什麼人勾當州便喝師云勘破了也

師見保寧寧問云江河競注而不流豈不是遷中明不遷師拈火夾豎起云和尚喚者箇作什麼寧云老僧命根在手裏師便放下火夾便行

師到智海見佛鑑鑑見來駐步望師師近前方擬問訊鑑便歸方丈師隨後云且容轉身吐氣鑑回首師

云不審便回

師到法雲見佛照照從法堂出師云好箇阿師恁麼去也照顧師師便下法堂有僧云也須子細師云和尚尋常向備道什麼僧云拈却山河大地明暗色空向什麼處安身立命師云備且來我更問備一轉公案僧隨師至三門師云夢見法雲麼

師見雲蓋蓋問云女子出定話作麼生會師云合取皮袋蓋云不然我且入定備試出看遂斂足而坐師和身推倒便出

師見長蘆祖照照見來便問甚麼處僧師云川僧照云年多少師云二十六照云猶自亂走在師撼禪牀云只在者裏照便喝師便禮拜

祖照一日同師到延壽堂照問病僧云備作麼生僧云傷風頭疼照云傷左邊傷右邊僧無語師云者僧却安樂只是不肯參堂

佛眼到長蘆師詣知客寮問訊眼見來於書案上拈起鏡子便照師云者野狐精眼放下鏡子師便出至晚澡浴眼自攜浴具到廚門前見師來眼云如何如

何師云和尚莫要箇人隨後麼眼提起浴具復云已
在者裏師指云燒湯已辨眼便過師便行

佛果到長蘆西方丈師相見了相並而坐果便舉廊
侍者問德山公案以肘築師云因甚兩度不彩他師
亦築云莫謗人好果大笑師云者賊

佛果令僧馳書到師開見頌云宣化渡頭作別譬如
兩鏡相照何止千里同風全提向上一竅師問僧作
麼生是向上一竅僧擬分疎師云且莫辜負師復有
頌答云運用堂堂本妙徹底不落鑑照一言及盡鋒
銚只箇更無孔竅

師見超首座超舉參仰山偉和尚一日入室蜂子打
窻偉云爾還捉得麼超云捉得偉云爾試捉看超以
兩手佞偉頸叫云捉得也偉笑云爾只解騎虎頭超
云要虎尾也不難放手禮拜師云仰山可惜痛棒放
過了超視師入師云者漢猶自弄精魂

師問僧甚麼處來僧云天寧卓和尚處來師云向爾
道什麼僧云舉雪峯道望州亭與你相見了也更來
者裏作什麼師云天寧教你當面勘破僧云和尚也

不得瞞人師豎拂子云你喚者箇作什麼僧云拂子
師云却是你瞞我

師問僧近離甚麼處僧云雲居師其久見和尚麼僧
云見陞座舉洗鉢孟話了呵呵大笑云此箇公案甚
是穩密又呵呵大笑云此箇公案甚是穩密師云雲
居爲什麼脚跟不點地僧云什麼處是雲居脚跟不
點地師云隨我舌頭走僧擬議師打云你夢見麼
師問僧甚麼處來僧云佛果和尚處來師云室中向
你道什麼僧云觀面相呈不得蹉過師云苦哉作者
箇語話僧云未審和尚此問如何師云蹉過了也僧
擬議師便打

師問僧近離甚麼處僧云五祖師云五祖有何言句
示衆僧云法堂上有一牌牌上有字云五祖有三轉
語方來禪子道看師云我者裏一轉也無僧云問頭
何來師喝云喫五祖多少飯也僧擬議師云草賊大
敗

師問新到甚麼處僧云祥雲菴主師云菴中事作
麼生主云種田博飯喫師云喫多少辛苦作麼生主

云若不恁麼爭到者裏師便休一日來辭乞頌師云
前日公案未了畢竟菴中事作麼生主云舊時院主
今要遷移師喝云什麼處去來遂與頌云相逢相揖
眼如眉百鳥銜花尚未歸回首春風吹夢斷舊山雲
散月明時

師問僧枯木裏龍吟什麼人得聞僧云不墮凝然者
師云猶有朕迹在僧云作麼生是絕朕迹底師云半
夜不挑燈

偈頌十首

兀兀忘機巧灰來已得純虛明無間斷淨妙絕疎親
密戶寒燈曉靈花古洞春回途廣雪韻門裏綠苔新
湛寂凝然透孤明徹底空秋風生古韻曉月上寒松
量外千差泯機前六用通應緣成底事畢竟不留蹤
意句難分別風騷格外求提刀空四顧駐步失全牛
落眼情塵脫歸根景象幽萬緣俱不到佛祖莫能酬
微澄無凝礙情塵迴脫然全機忘照外一句未分前
枯木雲籠透寒潭月夜圓回頭開正眼芳艸破春烟
只麼堆堆地常光密露時玄途明絕朕妙體廓忘依

正去功中轉旁來曉路歸絲毫都及盡不覺口如眉
絕點純清處由來是半提虛空休照鏡混沌莫樞眉
隱隱忘兼帶寥寥罷曉機雪消寒谷暖花咲不萌枝
不犯清波句澄江涵一鉤棹頭風色靜蓬底夜明秋
雁影沈寒水蘆花隱白牛須知耕釣外穩密難收
路斷無依著空船載月歸力窮忘一色功盡喪全機
密混凝流處融通向背時古帆風靜夜任運應高低
密密校頭事機絲不掛時木鷄啼曉戶石女夜生兒
已發寒灰焰難埋古塚碑荒郊春艸綠風暖共依依
鳥道通身去迢迢劫外參隨流忘朕兆凝兀未曾開
瞬視成途轍揚眉落二三只應無見項子夜白雲漫

頌古

師一日晚參大眾圍遶法堂定立片時師令侍者報
云時寒各請歸堂大眾久而不散師遂出據坐片時
大眾定立望師起身便歸方丈示頌云
寒明一點墮空林朕兆依稀已觸今日擊正容成參
漏青天白日轉迷人
有時示衆云盡大地是箇熱鐵丸下得口也通身紅

爛下口不得也通身紅爛如何免得此過示頌云

乾坤那畔類難齊千聖從來不識伊家破人忘迷肯

重夜深寒塔影空垂

有時間僧命根不斷不到牢關命根斷后向什麼處

去僧無語示頌云

萬緣歇盡照無時撒手忘依有路歸劫外一壺春色

暖靈苗石上正芳菲

僧問如何是空劫已前事師云白馬入蘆花示頌云

線道難分處須知不是伊牛頭按尾上豈借太陽輝

宣和癸卯宴坐自讚

三十六年作怪撞入者箇皮袋一千七百衲僧被你

熱瞞忒煞如今坐斷舌頭直下大千俱壞劫外迢迢

曉未明休把虛空粧五彩

眞州長蘆了和尚劫外錄終

崇先真歇了禪師塔銘

夫道詣於大同性成手圓通無住而住不空而空東

西三十三傳默合符節信不私而公也佛吞三世經

破微塵發自己之光明得禪僧之機用根境平出行

履自然天地之默成陰陽之化光四時之氣備萬彙

之慈等祖龕燈活緇園律溫持法柄荷佛擔力抗魔

外身任艱難悟空禪師其人也師諱清了道號真歇

姓雍左綿安昌人兒時抱持入寺見佛喜動眉目人

咸異之十一歲依聖果寺清俊出家業法華經更七

年榮試得度具戒已之成都大慈寺聆圓覺金剛起

信等經論之講領略大意便登峨嵋禮普賢大士東

行出蜀道過瀘南郡建崇寧寺遮留之師曰鯢鵬時

節詎草草耶下瞿塘轉滄瀨出荆楚歷沔漢投鄧之

丹霞山淳禪師之席一日入室霞問如何是空劫以

前自己師擬進語霞與一掌師豁然開悟翌日霞示

妙密詰其證詣猶珠之影隨谷之響答也北遊五臺

禮文殊大士已而至京師禪講名席俱扣撫焉浮汴

而下時祖照禪師住儀眞長蘆龍象之衆蹴踏萬指

師授其中英俊相親駸駸殆半延爲侍者踰年而罷

以轉物寮待之舉分座入室師默遁去祖照以偈招

之復回秉拂叢林老成趨門折節命爲首座政和八年祖照退院夜夢人告曰蜀僧當代公既寤延曰佛果耶佛眼耶未幾再請主之宣和三年祖照病復命師爲第一座病甚退院四年秋七月經制使陳公請師補處五年夏至居雲堂千七百僧五月開堂嗣法淳和尚六月江風駕潮漫田殆無穫矣師陞堂告衆安坐勿憂八月祖照遷化師行喪以師禮十月躬行乞食六年二月告還搥鼓出所得供須有義問津指源燭幽汲深踰七載建炎二年六月退院八月絕錢塘如明之梅岑禮觀音大士海山七百餘家一聞教音俱棄漁業計日活千萬億命四年過我結制五月天台國清寺三請二辭八月爲鷹蕩之遊十月客天封寺受福唐雪峯請十一月入院雲水之僑復過長蘆之數檀信趨施歲用舒裕閩中佛刹自古禪居深林遠壑樓觀相望主盟之人悉舉江湖有道尊宿一洗故習紹興五年退居東菴六年七月四明阿育王山廣利席虛奉旨請師寺之曠敗未易料理齋鼓不伐晝突不黔逋負幾二十萬人悉爲憂師十月入寺

井邑林壁喜聞師來遠親近鄰扶老攜幼肩踵相摩舳艫相銜師入席始溫償通十之八九七年駐驛建康詔師住蔣山且行且辭疾七上乃允八年溫之龍翔興慶二院合額禪居詔師主之四月入院陞堂小參安集衆來衆東西兩址潮漲限之築堤坑護南北隆衍建三門大殿法堂方丈翼以故屋金穀竹木循乞得之一寺雙塔玉巧幻出屹然江上繪圖以進賜田千畝法食厭滿乃專佛祖職事十五年二月乞就閒四月詔師住臨安徑山五月入院僧踰千鉢常住素薄行可以供二十年二月以疾乞歸長蘆二十一年勅建崇先顯孝禪院成詔師主席六月入院暑行疾作九月壬子慈寧太后詣寺師力疾開堂垂箔聽法問答提唱一席光耀賜金襴袈裟銀絹等物癸亥疾弗廖甲子宣醫乃少間慈寧宮賜錢修建水陸法會丁卯十月初旦中使候問從容而別須臾呼首座曰吾今行矣瞑目跏趺而逝龜留八夕慈寧宮降香賜幣以備齋祭卜院西桃花塢建塔以瘞全身越壬午入塔送龜之人彌滿原野痛心隕涕皆有祖華洞零

禪林寒瘁之歎二十三年八月勅證悟空禪師靜照之塔師儀相頤長初癯後腴眉目疎秀神宇靜深舉動超遙雲行鶴立影響觸受鑑淨谷虛其量容機活警敏用神律身以嚴不苟於行己格言而簡不倦于誨人定慧圓明道德昭著一時賢士大夫樂與之遊諸方名德尊宿難伴其盛林儒社友川趨海受投爐鎚就刀尺方圓長短隨其宜也善人信士雲委山積望威儀聽教誨見聞薰習廣其動也以如幻三昧遊戲世間行平等慈得自然智導無前而遜無後有無外而空無中祖域之英標僧林之傑出嚴冬之日破夜之月洗寒之春濯熱之秋其慰人心也如此師爲僧四十五夏出世三十年六處度弟子普嵩等四百人嗣法出世者曰慧悟住貴州長蘆曰宗珏住明州雪竇曰傳卿住建康府移忠報慈曰得明住臨安府崇先顯孝總三十餘人語錄兩集行於世噫度世之因緣起家之事業光輝始卒照應古今姑得而敘之其於拔名象之先踏身世之表幾微剪拂心得神傳又烏可寄毫素而摸寫哉銘曰

佛祖之燈	東西繩繩	以悟爲則	惟證相應
心華自發	覺海元澄	蹴踏龍象	變化銀鵬
雪庭之可	春屋之能	無絲繫體	無縈聚繩
菩提印印	般若乘乘	月排夜色	山拭秋梭
宗傳曹洞	潛深凝重	敲唱双行	正偏互用
豹變霧披	龍驤雷送	的的無依	功功不共
元牝象成	靜樞機動	暗擲金梭	明窺錦縫
法法本然	門門變弄	影悟蛇疑	物齊蝶夢
道詣而唱	心聞而賞	方回萬夫	香醪一掌
丹山羽成	沂川波漲	鯨展潮翻	兔推月上
葦江東趨	雪峰南仰	玉線金鍼	鰲鉤鳳網
妙觸根塵	冲虛影響	風雨五湖	烟蓑一葉
理之所歸	水之趨低	輪心援引	出手提攜
石虎風嘯	木鷄夜啼	混之不得	類之不齊
七據緇海	正承紫泥	孤嶼月棹	双徑雲梯
門連少室	路接曹溪	花滋蟻蜜	桂魄通犀
慈遊普門	三昧塵塵	象王之步	獅子之聲
母陀羅臂	舜若多身	星圖魁斗	花氣陽春

微言以示 淵默而神 正因非字 絕學爲鄰
步轉空劫 舟膠要津 眞燈不夜 嗣光有人
紹興二十六年四月夏安居日

住明州天童山景德禪寺法弟比丘正覺撰

附錄

華藏無盡燈記出禪門諸祖集

東平打破鏡已三百餘年龍潭吹滅燈復四百餘歲
後代子孫迷於正眼以謂鏡破燈滅而不知行住坐
臥放大光明燈未嘗滅也見聞覺知虛臨萬像鏡未
嘗破也燈雖無影能照生死長夜鏡雖無臺能辨生
死魔惑鏡與燈光常寂明與鑑幻幻皆如照之無
窮則曰無盡燈鑑之無窮則曰無盡鑑日用不昧照
昭於心目之間但衆生迷而不知故有修多羅教開
如幻方便設如幻道場度如幻衆生作如幻佛事譬
東南西北上下四維中點一燈外安十鏡以十鏡喻
十法界將一燈況一眞心一眞心則理不可分十法
界則事有萬狀然則理外無事鏡外無燈雖鏡鏡中

有無盡燈惟一燈也事中有無盡理惟一理也以
一理能成差別事故則事事無礙由一燈全照差別
鏡故則鏡鏡交參一鏡不動而能變能容能攝能入
一事不壞而即彼即此即一即多主伴融通事事無
盡悲夫衆生居一切塵中而不知皆毗盧遮那無盡
刹海普賢示一毛孔而不知一一毛孔中含衆生三
昧色身然一切衆生日用在普賢毛孔中毗盧光明
內慈氏樓閣中出沒文殊劍刃上往來念念中與諸
佛同出世證菩提轉法輪入滅度如鏡與鏡如燈與
燈方一切一時薄融無礙誠謂不可思議解脫法門
非大心衆生無以臻于此鏡或曰即今日用見聞覺
知畢竟是燈耶非燈耶是鏡耶非鏡耶偈曰

鏡燈燈鏡本無差 大地山河眼裏花

黃葉飄飄滿庭際 一聲砧杵落誰家

戒殺文出歸元直指

堪歎世人大錯却將苦事爲樂迎賓待客安排殺害
生靈造作耳畔痛聲未絕便把沸湯淋淥不是鑊裏
烹炮便向火中炙烙堂上聚集親朋堂下喧喧鼓樂

恣其一世奢華。豈覺千生墮落。一朝壽盡。報終奪命。
冤家尋捉。直饒抵諱。分舒其奈。鬼神執縛。或上刀山。
劍樹。或入鑊爐。沸鑊。依次償他宿債。却被刀傷斧斫。
此時痛苦。自當人情。却使不著。縱然受苦。出期未免。
透入別殼。若非脚鐵負鞍。必定披毛戴角。奉勸諸善。
男女。各自回頭。相度何如。改悔身心。庶免沈淪三惡。
若教賺却路頭。萬劫難爲轉脚。但念阿彌陀佛。求生
西方極樂。

淨土宗要

出蓮宗
寶鑒

彌陀不離衆生心。是三無別極樂。偏在一切處。舉一
全收。如帝釋殿上。千珠寶網。千珠光影。咸入一珠。
一珠光影。偏入千珠。雖珠珠互偏。此珠不可爲彼珠。彼
珠不可爲此珠。參而不雜。離而不分。一一偏彰。亦無
方所。彌陀淨土。卽千珠之一十萬佛國。一佛國土。各
千珠之一聖人善巧方便。示人專念阿彌陀佛。乃千
珠直指一珠。見一佛。卽見十方佛。亦見九界衆生。微
塵利海。十際古今。頓圓了無餘法矣。

自贊

出大智
拈古鈔

信口胡說七差八錯。萬劫千生不妨快活。情願生死
輪回。有求諸聖。解脫誰言。遍界沒遮欄。雨過青山雲
一抹。

真歇了禪師

出正
宗贊

師諱清了。左縣人。俗姓雍。初見丹霞悟旨。後謁長蘆。
照照。一見器之。命爲侍者。踰年分座。未幾。照稱疾退。
閑命師繼席。學者如歸。拈香時。照付衣與師。望拈出。
及見爲霞。照令左右扯去衣。師預備布伽梨。於袖。遂
搭示衆。撼拄杖云。看看三千大千世界。一切動搖。雲
門大師卽得雪峰。門下卽不然。卓拄杖云。三千大千
世界。向什麼處去。還會麼。不得黃梅雨。秧苗爭得青。
竹菴珪禪師紹興間奉詔開山。雁湯能仁時真歇居
江心。聞師至。恐緣法未熟。特過江迎歸。方丈大展九
拜。以誘溫人。由是翕然歸敬。出續
傳燈

船子夾山話

出頭古
聯珠

離鉤三寸。如何道駐。擬還同眼裏。沙蓬底月明。載歸
去劫前風韻。落誰家。

惠超問佛

同前

問佛分明答惠超半斤八兩不相饒。叢林萬古爲殃。
禍惡語傷人恨不消。

真歇和尚拈古

示衆云截斷千差歧路已是平地喫交併却咽喉。
唇吻未免扶離摸壁若更開蝦蟆口說心說性說。
禪說道盡是誑說諸人滅胡種族從上來事合作。
麼生不涉廉纖試請舉看。

舉信心銘

拈云這野狐精喚作什麼說話不是心不是佛不是。
物信箇什麼淨裸裸赤洒洒勿可把更銘箇什麼三。
祖大師不識好惡道箇心字已是錯下名言汚却口。
了也直饒漱口三千年洗耳八萬劫已是藤蛇繞足。
露布纏身那堪更成羣作隊來這裏要人說破且喜。
沒交涉雖然如是舉一不得舉二放過一著有箇商。
量處試問諸人現今四大六根內外虛幻徹底空寂。
面前明明了了彌滿天地復是何物恁麼信得去便。

是自己本地風光本來面目晝夜放光動地常在面。
前出入若也思量擬議佇思停機且向禪牀角頭伏。
聽處分。

至道無難 唯嫌揀擇

拈云住住纔有語言是揀擇是明白三祖大師平生。
心肝五臟一提提起呈似諸人了也還擔得麼只這。
至道無難言端語端非但趙州五年分疎不下直得。
天下老和尚倒戈卸甲向這裏納敗闕如今欲得透。
頂透底徹骨徹髓地參透這一轉公案麼但割去從。
前依草附木千種萬般伎倆計較知見解會露布葛。
藤一時吐却向自己命脉上試點檢看若一覷覷得。
便請高掛鉢囊拗折主丈許你是箇無爲無事底閑。
道人若也意根未斷見解不忘向開口處卜度漿水。
錢草鞋錢大賁還人在寂菴凭麼告報也有三十棒。
過在什麼處父母所生口終不爲子說。

但莫憎愛 洞然明白

拈云是誰恁麼道良久云無人識得渠雖然如是不。
求諸聖不重已靈憎箇什麼愛箇什麼而今一般底。

將依師語相似語格則語合頭語口傳心授印板上次第排布參來參去參得一肚皮禪三年兩歲依前忘却到處爭勝負彼此人我無明且天作麼生得無憎愛去諸人者要會洞然明白麼豈起拂子云慚惶殺人

毫釐有差 天地懸隔

拈云不妨道著只是不知落處大小大法眼修山主尙似依本畫葫蘆何況你如今也隨例舉一偏便當此事禪和子須是悟始得有者道差之毫釐失之千里此是無心境界擬心即差動念即乖若恁麼注解將去只贏得一場口滑三祖大師肚裏無許多事只是觀面相呈兩手分付只如毫釐有差天地懸隔你畢竟道落在什麼處僧擬開口師便打

欲得現前 莫存順逆

拈云道什麼良久云一時著了也一隊漢更諱不得現前是什麼堆山積岳與我拈得一絲毫來豈不見嵩山二十年不參禪不學道只是養得一頭水牯牛常在目前露髒裸地若得凭麼逆也不見順也不見

頭頭物物一時坐斷喚作常光現前念念不昧若只單明自己不了目前此人亦只具一隻眼若只單了目前不明自己此人亦只具一隻眼諸人者如何相應去大地雪漫漫冬來依舊寒

違順相爭 是爲心病

拈云如今恁麼者多不恁麼者少成羣作隊如麻如粟沒量大人總作這箇見解不是憎便是愛不知憎愛是心違順是我你自虛妄顛倒自憎自愛自違自順互相毀謗各黨宗風說是說非誇玄誇妙這箇總是執法總是執心病參禪只要安樂你肚裏有許多病痛如何救得別人禪和子明明向你道或是或非人不識逆行順行天莫測還會麼莫將閑學解埋沒祖師心

不識玄旨 徒勞念靜

拈云機幾乎坐殺這漢只管無繩自縛作什麼者箇是大解脫門自在三昧步步活機機活圓轉無窮闊浩浩處識得方始八面玲瓏七穿八穴你却向黑山下死郎當地有什麼交涉饒你得到精明湛不搖處

猶未去它識陰在此是靜想不脫已見不明一向坐在無事界中喚作打淨潔毬子殊不知勞慮永斷得法界淨即彼淨解爲自障礙此乃得在於神靜失在於物虛錯認定盤星只管喚作無心境界且喜沒交涉正是業識茫茫外道見解西天九十六種最下一種也須勝你諸人要會玄旨麼良久云只有照壁月更無吹葉風

圓同大虛 無欠無餘

拈云即此物非它物無朕迹沒涯岸如羚羊掛角似鳥道虛玄五色不能染五音不能亂萬象不能雜森羅不能參圓陀陀孤迥迥圓滿無際在凡夫喚作凡夫法在聖人喚作聖人法本無欠少無餘剩在什麼處勘破了也

良由取捨 所以不如

拈云錯又云本無欠少取箇什麼本無餘剩捨箇什麼既是圓同大虛在在皆有不可更取在在皆無不可更捨古人也向你道前面明歷歷地沒形影者便是你一心之法你現今將法聽法以心覓心底現成

了也你更嫌箇什麼一般底參不透便道我今生不會捨却此事隨分看經持課且怎麼過日殊不知坐臥經行大小便利常隨你後看經持課禮拜燒香常隨你後作麼生捨直是取不得捨不得不可得中只麼得要見祖師麼應須怎麼會方始契如如

示衆云斬釘截鐵門前草深一丈破二作三平地穿八穴倒用橫拈衆手淘金誰是得者

莫逐有緣 勿住空忍

拈云瞎漢向什麼處去誰教你墮坑落堦你識得有緣麼者箇是你無量劫來生死業根顛倒識性如今昏昏地打入骨髓中皮袋裡晝夜攀緣不曾休歇你既識不破一向逐它貪愛取捨造業受報向輪回生死海裡頭出頭沒你如今要不逐有緣麼須是截斷意根淨裸裸地眼前萬境一時休歇自然有箇安樂處一般底聞著人說又一向背六塵境撥去萬象心住空寂坐空劫中守枯木岩前孤危死底喚作休歇處且喜沒交涉殊不知機不離位墮在毒海直饒人

萬劫大定只是箇魂不散底死人落空亡外道豈不見同安道這這空劫不能收豈與塵機作繫留須是塵勞不染淨妙不敗有緣空忍二俱透脫方知有向上事汝且作麼生是向上事暗裏抽橫骨明中坐舌頭

一種平懷 泯然自盡

拈云皮膚脫落盡唯有一真實輝古騰今明如杲日現今面前赤洒洒地邊見麼喚作平常心返常合道無汝計較處橫參豎參到佛祖道不得處如狸奴白牯李四張三空有二邊泯然自盡到得恁麼田地眼如眉毛口似鼻孔方解穩坐諸人者如何得相應去良久云羌笛數聲疎雨後宵烟吹過夕陽村

止動歸止 止更彌動

拈云話成兩橛汝只管業識茫茫迷頭認影作什麼動是何物靜是什麼物不可有兩箇此事唯一無二你要止其動歸其靜即沒交涉殊不知行住坐臥見聞覺知語默動靜當體即真無形無相無朕無迹此則動無動相全體是止止即靜也雖然無形無相無

朕無迹明明歷歷常在見聞覺知語默動用處光燦燦地纖毫不昧此則靜全是動也汝如今要止其動用一向歸其靜處殊不知靜轉動也禪和子靜即是動你止它作什麼是以聖人空洞智懷無識無知雖居動用之中常處無爲之境只如不涉動靜一句作麼生道拍禪床云百雜碎

唯滯兩邊 寧知一種

師打云只爲赤肉團要抵我棒不識痛痒死在棒下只管著動著靜迷已逐物被世間有相無相根塵流浪將去到幾時知有此事要會麼僧提議師云打得百千萬箇堪作什麼

一種不通 兩處失功

拈云果然扶籬摸壁脚忙手亂動全靜靜全動唯一無二汝這癡鈍漢既打不透向動處作工夫又認賊爲子向靜處作工夫又斬頭覓活只管墮坑落塹一不成二不是見解偏枯情境滲漏莫道兩處失功直是頭頭踉蹌過你若一處透千處萬處一時透且道是那箇一處良久云路上有花兼有酒一程分作兩程

行

還有沒有 從空背空

拈云有什麼教處且問你有什么什麼物從你這試與我拈一絲毫來看盡乾坤大地都處是箇主人公只是箇衲僧受用家事喚作妙用喚作妙有你有什麼生遣你若撥萬象去塵境遣却萬有即迷妙有落在斷見禪和子但子細思量看你既撥萬象去塵境墮在空劫中又却背其真空而不知萬法當鉢即是真空觸物本來無相橫拈倒用有什麼忌諱大都不明心地遣萬有即迷妙有從斷空即背真空但止其動便是遣有要歸其靜便是從空此中說有說空前來說動說止動即是止有即是空名異體同更無它法且道過在什麼處貪觀天上月失却手中珠

多言多慮 轉不相應

拈云且低聲你纔開口便沒交涉了也須是拈起無孔鐵鎚直教盡大地人喪身失命若不恁麼打在葛藤窠裏如跛驚盲龜入空谷相似幾時得出去禪和子此事若在言句中一大藏教豈是無言何必拈花

心者難著

微笑傳正法眼藏你要會麼合取皮袋直下擣取更莫思前算後擬議思量便打入鬼窟裡去所以情生智隔想變體殊要須語路處絕心行處滅畢竟成得什麼邊事一夜落花雨滿城流水香

絕言絕慮 無處不通

拈云什麼處得者消息來良久云寧可截舌不犯國諱復云萬機頓削千聖不携視自己尤若冤家以佛祖便為弟子德山臨濟有棒有喝開口瞪眼到這裡都使不著雖然如是莫守寒岩異草青坐看白雲宗不妙

歸根得旨 隨照失宗

拈云便怎麼去直得三世諸佛六代祖師天下老和尚口似匾擔已是落七落八何況明宗旨嘗得失論根本說照用幾時得休歇去禪和子你如今擬開口要話會隨在言句便是兜妙失宗機昧終始喚作語滲漏喚作隨照失宗只被口頭聲色見聞知解流轉將去只如古人道葉落歸根來時無口又作麼生說須彌頂上無根樹不犯春風花自開

須臾返照

勝却前空

拈云你待翻歇那前來道還有從空背空如今却道須臾返照勝却前空將謂你這漢不瞥地前頭不了萬法全真還有沒有如今會一切色法當體即真更不遺有既會萬法爲自己無一法可當情照徹千差直下便是須臾之頃返色歸真更不離而觀空即當體而無相喚作見色便見心所以勝却前空參到這箇田地關板子一轉日用之間阿鞞鞞地更無回避處直饒恁麼已是自理

前空轉變

皆由妄見

拈云自知即得前來只管背境觀空去生滅念澄湛身心絲毫不見唯覺上下四維空空地將謂奇特殊不知是你心想所現若離想心此空還滅此則識心雖不著有轉變著空空想當情亦是妄現所以莽莽蕩蕩撥無因果棄有著空避漏投火子細思量一狀傾過

不用求真

唯須息見

拈云現成公案你求它作麼見聞也真聲色也真動

靜也真語默也真即今日用見聞覺知純真直得亘大劫滿天地填溝塞壑千差萬化全無一真不動纖毫一時成現更無欠少應你有見空見佛見法見一切見解淨淨掃却這裏淨裸裸赤洒洒自然到穩密田地忽然釋迦老子道吾不見時何不見吾不見之處又作麼生良久云是何心行

一見不住

慎勿追尋

拈云猶掛唇吻在這裏要你有見空見一時打脫作箇大無事人更莫追念更不尋求轉轉轉親轉近轉遠轉轉棄捨轉轉隨後來直得灰頭土面一念玄去更不受食已隨在尊貴了也如何得不墮尊貴處一片月生海幾家人上樓

纔有是非

紛然失心

師和聲打復云什麼處去也良久云芳草渡頭尋不見夜來依舊宿芦花

示衆云高高峯頂立橫穿豎穿天下衲僧觸體坐斷主人爲千人萬人羅籠不住如今案牛頭喫草鼯上捉貓兒若也騎虎頭一俱成瞎漢還有不受

殘羹飯底麼

二由一有 一亦莫守

拈云你共誰說還會麼一切空有一切動靜一切得失一切取捨一切憎愛一切是非都虛只是主人翁無二無別古人不得已喚作一大事因緣一路涅槃門一乘方便法一言盡十方一句超萬象千句萬句只是一句千法萬法只是一法得到一處亦須轉却若也守住其一便是繫驢橛所以雲門大師道直得乾坤大地無纖毫過思猶是轉句不見一色始是半提更須知有全提時節禪和子不妨請訛你要會麼須向萬仞崖前打箇筋斗直下命根斷去方得少分相應

一心不生 萬法無咎

師良久云山是山水是水天是天地是地有什麼過著衣喫飯掃地煎茶東游西翫大小便利有什麼過但除其病不除其法不改舊時人只改舊時行履處作麼生是即今行履處掬水月在手弄花香滿衣

無咎無法

不生不心

拈云一串穿却一提提起八面玲瓏暗指無寶直得

三祖大師無隱身之地諸人者還知落處麼最好是

一條界破青山色

能隨境滅 境逐能沈

拈云光境俱忘復是何物還知麼能照是心所照是境境因心起心因境生心無念而境空境無相而心寂故得能隨境滅境逐能沈理智冥符人牛不見直得桃花零落盡何處見靈雲

境由能境 能由境能

拈云因誰致得心全是境則境由能境境全是心則能由境能由境能則奪境不奪人境由能境則奪人不奪境所以在境全境則不奪山青水碧天高地厚七縱八橫千變萬化在心全心則乾坤大地百雜碎

欲知兩段 元是一空

師連聲打云說什麼兩段三段只要喫棒我要與祖師相見你莫道人境俱奪聖凡坐斷亦無人亦無佛大千沙界海中漚一切聖賢如電掃你道得十成

未免喫棒

一空同兩

齊含萬象

拈云有利無利不離行市。恁麼不恁麼。他在裏許無相而相。無形而形。無爲而爲。無作而作。同能同所。同境同心。照用齊行。人境俱不奪。雖然如此。主丈子吞却乾坤了也。山河大地。甚處得來。劫火洞然。毫末盡青山。依舊白雲中。

不見精粗

寧有偏黨

拈云人平不語水平。不流主丈子平時如何。直饒境。酥酪醍醐爲一味。鎔瓶盤。釵釧作一金。天地同根。萬物一鉢。無黨無偏。無精無粗。也未爲奇特。諸人者作麼生。是奇特事。山花開似錦。澗水湛如藍。

示衆云奔流渡刃。啐啄同時。石火電光。殺活自在。直得雞寒上樹。鴨寒下水。已是喪身失命。還有不願生死底麼。試請出來。葛藤窠裏看。

大道跡寬

無易無難

拈云土曠人稀。相逢者少。良久云可煞寬大。十方虛空。生其中。譬如片雲點大。清裡欲識大道真跡。麼志

公去不離聲色言語。你如今箇箇能言解語。見色聞聲。大道真跡在什麼處。豈不見僧問趙州。如何是道。州云牆外底。僧云不問這箇。道州云你問什麼。道僧云大道州云大道。透長安。趙州老人言語太直。三祖大師開口見膽。志公和尚舌頭無骨。來說是非者。便是是非人。三箇草賊一時捉敗。作麼生。新還本州牢城。

小見狐疑

轉急轉遲

拈云自領出去。又云阿誰教你著忙。向你道直下無事。滿肚是疑。不肯退步承當。只管向前。勞形苦神。急要成辦。殊不知轉急轉遲。轉轉用心。轉轉勿交涉。直饒練磨經三無數。大劫只成得有爲功。行不知一念無心。便超三乘。權學不見趙州道。我見百千萬人。盡是覓作佛漢子。於中求無心底人。難得禪和子。如何得不疑去。良久云天共白雲。曉水和明月。流

執之失度

必入邪路

拈云瞎漢放下著。此事如大火聚。撥之即死。有什麼窠臼。途轍依稀。趨向你而今有依倚。途轍窠臼。趨向

已見不亡就著其事爭人我竟勝負鼻孔遼天不肯
天下人盡是邪見被些子禪道使得沒奈何担擲做
一團在這裡如何得不入邪路去年梅今歲柳顏色
馨香只依舊

放之自然 體無去住

拈云放箇什麼須是明眼人始得這裏禪道佛法奇
特玄妙一點也用不著只是打睡隨分普請擇菜喫
茶說話且恁麼過時天下老和尚拈槌豎拂盡是作
夢說禪說道總是寐語你道據什麼道理有道理堪
作什麼

任性合道 逍遙絕惱

拈云大無事境界須是大無事人方能荷擔古人養
來養去純純地如嬰兒相似東西不辯南北不分六
根門頭一時休歇自然虛明自照了了地無諸分別
念想任性隨緣佛法世法不相惱亂根塵四大動靜
語默一齊卸却更無絲毫繫絆終日只守虛閑閑地
且道成得什麼邊事良久云到頭霜夜月任運落前
溪

繫念乖真 昏沈不好

拈云瞎睡漢而今懶體中皮袋裡昏昏地念念流注
念念現前作麼生得不乖天真之道喚作飲無明酒
醉在聲色煩惱窟中昏昏沈沈地臥大法身於生死
長夜到幾時得醒悟去直到驢年也未夢見在

不好勞神 何用疎親

拈云迷頭認影作什麼擬心即差何況有疎親有揀
擇顛倒知見取捨解會心路搜求意根捏搦有什麼
交涉此事只要妄情體證向用心不得處冥加觀察
何必勞心神苦思慮終日昏昏地饒你參到彌勒下
生只是參得一肚妄想莫怪相賺只恐不是古人道
擬將心意學玄宗大似西行却向東

欲趣一乘 勿惡六塵

拈云嫌箇什麼十方佛土中唯有一乘法何處得六
塵境來你試與我拈一絲毫來看內身外境虛空大
地咸是妙明真心中所現之物塵塵爾念念爾無有
一法定有自牀什麼處得見聞聲色來但能外遣世
界內脫身心直下照了圓融無際自然得大解脫諸

人者要見祖師麼山虛風落石樓靜月侵門

示衆云道無定亂法離見知言句相投都無實儀
從上諸聖心如白月口似醉人以無味之談塞斷
人口握金剛寶劍截斷葛藤句句論當機要人觀
面擣取還有信得及底麼

六塵不惡 還同正覺

拈云一言道盡裂破古今外不見山河大地內不見
四大五蘊色不是色聲不是聲聞不是聞見不是見
豎拂子云還見這箇麼雪竇道主文子是塵有什麼
過過既無應合辯主所以糞掃堆頭丈六金身拈放
一邊赤肉團上壁立千仞放過一著直饒四方八面
正好連架打遂擲下拂子云我也不可言枷磨棒去
也

智者無爲 愚人自縛

拈云一狀傾過又云也不得草草色香味觸外六塵
境本無自跡盡是衲僧轉身處證明處成道處明眼
漢終日綿密受用無漏無爲有什麼過未知有者心
外見法被見聞聲色眼前萬境一時縛住而不知萬

法本無唯人自闢禪和子你但見凡見聖見女見男
盡是染污心中虛妄顛倒據實而論無一絲毫計爲
對爲緣自是你無事生事觸護前自家見鬼引得許
多事如蚕作蠶自纏自縛不見四祖問三祖求解脫
法門祖云誰縛汝禪和子作麼生會佗道誰縛汝良
久云領取鈎頭意莫認定盤星

法無異法 妄自愛著

拈云爭怪得別人你而今從生至死只是這箇干法
萬法只是一法更有什麼異來你只管愛這箇嫌那
箇著這箇棄那箇既有愛著即取一邊徒增夢境以
自性淘自性轉失真原盡是自家虛妄顛倒禪和子
作麼生會佗法無異法良久云一言盡十方絲毫未
舉揚

將心用心 豈非大錯

拈云爭怪得別人你四大解聽得法麼既是赤肉團
不解聽法聽法者復是何物現今以法聽法將心覓
心將禪覓禪擔一擔佛法更來這裏覓人說佛法豈
不是大錯怕你道不著還識羞麼騎一頭牛却來問

人牛在什麼處莫辜負人好

迷生寂亂 悟無好惡

拈云說迷說悟有什麼了期只這箇是人人分上有此一段空寂之牀微上徹下明皎皎地無定亂離見知超凡聖越情量若一念迷情忽背此空寂之體即被散亂心想一時隔礙不能現前若一念不生前後際斷悟此空寂之體裏許喚作實際理地不受一塵更有什麼好之與惡只如不涉迷悟又作麼生常憶江南三月裏鷓鴣啼處百花香

一切二邊 妄自斟酌

拈云誰教你亂走而今說聖說凡說迷說悟說好說惡說有說無說定說亂說心說境說得說失說是說非但是對待之法皆是二邊若將此二邊卜度胡亂斟酌盡是戲亂箇般若擬心已沒交涉何況更在開口處但有言句都無實儀還知麼巨鼃不在江湖裏堪笑時人把釣竿

夢幻空華 何勞把握

拈云放下著無一絲毫事你生許多計較作什麼一

切萬境是夢一切萬象作幻一切萬法是空花無纖毫可得只爲你業識茫茫妄執四大肉團上臭骨頭死觸體爲我自身引得許多勞攘終日逐眼前萬境只管作夢流轉將去禪和子如何得醒醒去良久云青天白日

得失是非 一時放却

拈云放到那裏若有一物便教你放下既如夢幻空花又作麼生禪和子而今要你放下得失是非直是費力須是悟一悟也不消你放下自然知是一場夢幻大都心若無事萬法一如你若心頭勞攘是非非得得失在眼前又作麼生會它道一時放却底道理良久云但得雪消去自然春到來

示衆云把定乾坤眼綿綿不漏絲毫離見起情純清絕點擬議即差開口即墮瞬目揚眉白雲萬里到這裏你作麼生轉身吐氣

眼若不睡 諸夢自除

拈云麻語作什麼三世諸佛說夢六代祖師說夢天下老和尚說夢揚眉瞬目拈槌豎拂盡是說夢且道

因誰致得只爲一切衆生無始劫來臥大法身於生死長夜夢受六道輪迴生死譬如世人睡眠困重五根五動第六意識虛妄偏許種種夢境此境實無但是識變正當夢時不可爲無及其醒悟心境消落空無所有所以道夢裡明明有六趣覺後空空無大千當知覺乃是夢若眼開不睡則無夢境若心不起則無生死六趣輪迴皆由心作三祖大師怎麼說寂菴怎麼說諸人與麼聽且道是夢是覺喝云惺惺著

心若不異 萬法一如

拈云一時道了也還會麼直得動靜一如語默一如見聞一如迷悟一如聖凡一如衆緣萬境全體一真更無心外法亦無法外心應須怎麼會方始契如如諸人者眼睡則有夢境心著便是輪迴眼不睡則夢境自除心不異則諸緣空寂本來既無一物花柳一任青紅燕語鶯吟盡是道人活計然雖如是大似春意在景噫

一如體玄 兀爾忘緣

拈云合取皮袋良久云直是視無禡袴無口頭上青

灰三五斗也未夢見在饒你東西不辯南北不分眼似眉毛口如鼻孔養得如嬰兒純純地也未夢見在還會麼風定花猶落鳥啼山更幽

萬法齊觀 歸復自然

拈云了了見無一物天地一指萬物一馬懷六合於胸中而靈鑑有餘鑑萬象於方寸而其神常虛不動纖毫一時成現孤明獨照歷劫坦然返本還源歸根復命到這裏方合自然天真之道若能如是是真出家

混其所以 不可方比

拈云若更開口堪作什麼所以道萬象既混全體露現正當怎麼時說似一物即不中喚作一物即不可類不齊不稱斷混不得亘古今如人飲水冷暖自知不可說示於人諸人者要會麼鷺鷥立雪非同色明月芦花不似它

止動無動 動止無止

拈云這箇些子如大火聚擬之即死你作麼生卜度要會麼止即是動且靜時全靜是動所以動無動相

動時全動是靜所以靜無靜相你而今動用見聞所作所爲千差萬別是箇什麼若覷得見當體無形狀無朕迹便是動無動相雖無形狀無朕迹又却常在動用中撐天拄地此則靜無靜相若言其動狀似鐵牛之機若言其靜應物現形不可以動靜言說二邊卜度是以從上古佛掩室杜詞不敢喘息若喘息之間白雲萬里

兩既不成 一何有尔

師云拈却了也動靜是二也勿交涉動靜是一也勿交涉修山主道二破不成一一法鎮長存若人一一會承劫受沈淪須知此事絕戲論無你下口處淨裸裸赤洒洒地赤肉團上壁立千仞還見麼良久云只在此山中雲深不知處

示衆云田地穩密底人如羚羊掛角朕迹不留神通遊戲底人似枯木開花別迎春色忽若布漫天網子施陷虎之機便見七花八裂還有透得荆棘林底麼

究竟窮極

莫存軌則

拈云百尺竿頭如何進步得到究竟處辭窮理極身疲力盡深窮之處不存一絲毫玄妙不存一絲毫奇特不存一絲毫佛法道理大用現前有什麼軌則掃地煎茶把針補衲隨分著衣喫飯堪報不報之恩更有什麼禪可參道可學雖然如此也須是實到此田地始得

契心平等 所作俱息

拈云水長船高泥多佛大什麼處是不平等還得遇見得徹運得此心平等受用無始劫來妄狂顛倒自然歇滅語默動靜綿綿無間念念在裏許念念常不昧所作所爲悉皆頓息萬境萬差一時坐斷一一轉歸盡是自己無作妙用力諸人者若點檢得出實不虧人倘不如此向後大費力在

孤疑淨盡 正信調直

拈云拶破面門識得麼明明向你說了也爲什麼不知落處只爲你肚裏有禪所以不快活你而今只管將古人言句玄妙公案築在肚皮裏將謂平生參學事畢殊不知盡是頑涎涕唾古人喚作運糞入汚汝

心田確實而論無一點墨若記箇元字脚萬劫作野狐精伶俐漢聞畢著一時吐却淨洗娘生口直教心地空蕩蕩地自然不疑開口便見膽你尋常也道我信得及只是主張不曾有悟不是正信要會麼江上晚來堪畫處漁人披得一蓑歸

一切不留 無可記憶

拈云直得堆山積岳爭可不留還知落處麼你但虛洞胃懷無識無知心如牆壁瓦礫大死底人相似一向絕想絕念無絲毫氣息直下命根斷去終日雖在動用之中自然常處無爲之境良久云不合恁麼道

虛明自照 不勞心力

拈云縮却舌頭別舉來看良久云這箇境界無人識得不是你暫時作箇道理便當此事它古人歇來歇去口如臘月扇子心似枯木寒灰十度發言九度休去諸人者不是強爲任運如此請訛在什麼處江月照松風吹永夜清霄何所爲

非思量處 識情難測

拈云隨後來也你道是什麼這箇喚作現成公案到

地頭語直是峭措直是奇特豈不見僧問雲門如何是非思量處門云識情難測雪竇道這僧下坡不走雲門快便難逢直得問處如函答處如蓋函蓋相應乾坤把定猶未夢見三祖在且道利害在什麼處影搖千尺龍蛇動聲撼半天風雨寒

示衆云隱密全該現成公案高低普應日用無窮徒誇假流掃影之機設說劍刃鋒鋦之辯結草乘道人之志影沙無鏤玉之談須是向上人方明向上事還有透關底麼

眞如法界 無自無它

拈云且莫茶胡這箇是什麼事教你恁麼道有者道無妄曰眞不變曰如一心是法隨緣差別是法界此一眞如牀不變是理法界隨緣差別事法界理無間事是理事無礙法界一一事法界融通無盡是事事無礙法界你若恁麼注解要見三祖大師耶年也未許你古人道青青翠竹盡是眞如又作麼生豈不見鹽官問座主講什麼經主云華嚴經官云華嚴有幾種法界主云略說有四種廣說重重無盡官豎起拂

子云者箇是第幾種主罔措官云思而知慮而解日下孤燈果然失照諸人者還知麼一著不到處滿盤空用心

要急相應

唯言不二

拈云猶嫌少在那纔落唇吻便是死門更無活路只是這句子千聖開口不得盡力要道亦道不出道不得不見文殊問維摩如何是不二法門維摩對它道什麼直得目瞪口呿四稜蹋地無邊法門無邊妙義不消一點一時明得雖然如是更須知有一人呵呵大笑若識得此人管取不著草鞋錢

不二皆同

無不包容

拈云一口吞盡更無滲漏任是河沙妙德普蘊其中百千道光皆從斯起法法平等佛佛道齊入不二法門聖凡同脉包納大虛含容萬象只在諸人現今立地不動纖毫一時成現恁麼承當去已是不著便過在什麼處禹力不到處河聲流向向

十方智者

皆入此宗

拈云天下諸僧跳不出三世諸佛也入此宗六代祖

師也入此宗天下老和尚皆入此宗現大神通作大佛事或下棒下喝作舞輓毬豎拂豎拳投石搬土一言一句一機一境盡從此宗出直饒一出一入應變無窮也是周婆道底

宗非促延

一念萬年

拈云萬里神光透頂透底促則只是一念延則豈止萬年空劫已前更已前也不離今時日用若能觀彼久遠猶如今日古今通始終同表裏情亡三世淨盡一條白練一念萬年只是箇無孔鐵鎚一色邊事須知雲外千峯上別有靈松帶露寒

無在不在

十方目前

拈云定動精神一時包裹縱是周偏十方心目前無法不在一切處意在目前若也一時坐斷無遠無近無在無不在乃至或取或放或縱或擒不由別人只是自己本有如是神通變化若能自證自用自擔自荷自作活計羅籠不住呼喚不回便能如是透網金鱗得大自在只如不是目前機亦非目前事又作麼生大衆擬議師云速禮三拜

示衆云異類中行方解無情說法命根斷去自然
不受人瞞要開空劫之門須掣無繩之鎖天曉不
露夜半正明無端打破畫餅便見許多狼籍還有
洗得脫底麼

極小同大 妄絕境界

拈云可煞奇特主丈子是小是大拈起則普天匝地
塞壑填溝豈不是極小同大一毫頭上虛空大地一
時總現豈不是極小同大坐微塵裏轉大法輪無邊
香水海寶王刹也只向一毫端一微塵上歷歷現前
豈不是極小同大等閑豎起一指逼塞虛空無涯無
岸豈不是極小同大又作麼生說妄絕境界底道理
良久云達磨不會大難大難

極大同小 不見邊表

拈云大地載不起虛空包不盡底一段大事只是在
諸人眼中見耳中聞豈不是極大同小眼根也
徧法界耳根也徧法界有什麼邊表據實而論盡十
方世界只是箇火爐只是箇主丈子只在諸人眉毛
眼睫上豈不是極大同小它古人向你道盡大地撮

來如粟米粒大拋向面前漆桶不會依前豎窮橫徧
恁麼去也還會麼過橋村酒美隔岸野花香

有卽是無 無卽是有

拈云一欸便招更莫思前慮後一般底便說言語性
空有無不可得又道有無只是名字皆是分別我口
裏舉處便是豈更有二來又道有之與無從什麼處
起只管認口頭聲色你恁麼會入地獄如箭只如僧
問趙州狗子還有佛性也無州云有僧云既有爲什
麼撞入這皮袋州云爲伊知而故犯又僧問狗子還
有佛性也無州云無僧云一切衆生皆有佛性狗子
爲什麼無州云爲伊有業識在而今兄弟皆道後面
是蓋覆語緊要只在有無處苦哉滅胡種族有什麼
交涉要見三祖趙州麼收取詩書歸舊院落花啼鳥
一般春

若不如是 必不須守

拈云猶較些子却許你具一隻眼又云恁麼恁麼無
位眞人常在面門出入無晝無夜無動無靜念念進
向念念現前念念相應念念守護有之與無自然一

串穿却你若狂狗逐塊隨語生解便是挽家散宅落
在今時不能與主人翁相應如何得不落今時良久
云月色靜中見松聲清夜聞

一卽一切 一切卽一

拈云舌頭無骨一任七穿八穴提起盡大地人性命
也只消一句子有者道一是一心一切是萬法萬法
唯一心一心全萬法且喜沒交涉若恁麼開講做座
主卽得於禪僧門下更參百千萬年未許你在且作
麼生是禪僧門下事踏著稱槌硬似鐵

但能如是 何慮不畢

拈云猶欠一著在畢竟事作麼生禪和子多道一卽
一切一切卽一法卽是心心卽是法但恁麼會參學
事無不了畢且莫錯會好它祖師是大無事底人肚
裏有許多葛藤堪作什麼諸人者你作麼生會它道
但能如是何慮不畢良久云三人證龜成鼈

信心不二 不二信心

拈云慚惶殺人又云識什麼好惡要你觸體前喃喃
地是什麼莫是信之與心更無有一麼且莫顛言倒

語恁麼恁麼珊瑚枝枝撐著月參得透見得徹只消
箇信心不二不二信心直得函蓋乾坤把定世界雖
然如是若不得流水還應過別山

言語道斷 非去來今

師囑一聲云三祖大師弓折箭盡雖然末後全提納
一場敗闕不同小小檢點得出語盡山雲海月情點
檢不出依前不會還飛去有般底便主張道言語道
斷非去來今便是至道無難唯嫌揀擇至道無難唯
嫌揀擇便是言語道斷非去來今最初是末後句末
後是最初句若恁麼依前打入鬼窟裏去諸人者應
是三世諸佛六代祖師天下老和尚無邊法門無量
妙義我今忍俊不禁只要一句子與你說破休休著
甚來由閑話古與今特地一場愁古人直得口邊白
醖眼開懶閉諸人被寂菴推東劉西強生分別且道
與古人如何雖然如是也要諸人知有非但三祖大
師弓折箭盡寂菴亦是鎗折力乏家破人亡畢竟如
何各請歸去休莫待雨霖頭
真歇和尚拈古終

當紹興間妙喜正統東山語嘗歎寂菴是舉可
謂入其室操其戈取其矛擊其盾覽者當自得之
義遠敬跋

自得慧暉禪師語錄

宋
•

自得慧暉
簪谿了廣

編撰

空一作足

畫明也白也
 別隔也飯也
 黃秋也極也
 春始也生也
 秋叔也愁也
 笑春也花也
 一專也多也
 九末也周也
 精極也清也
 迦佛也勝也

夜露也忘也
 青春也新也
 赤夏也熱也
 夏熱也長也
 冬藏也極也
 哭落也紅也
 二分也隔也
 十足也極也
 釋解也活也

下曰一作云

◆羽一作朋

見一作寬

畫一作話

靈竺淨慈自得禪師錄卷第一

并石霜明總禪師下語寄言

住萬壽小師比丘簪谿了廣編

歲旦上堂舉拂子曰天蓬水清海船遙浮山橈士高
 河澤窮妙正與麼尅具眼漢何處在良久日夜鷄夢
 清鯨臂冷畫桌氣動鷄羽稀且道新年頭還有消息
 也無掛拂子曰看看石花富貴草精神

石霜總曰見日月爲什麼天蓬水清海船遙浮九
 天爲蓬四海爲船露露堂堂山橈士高河澤窮妙
 萬山爲橈千河爲澤士高也一超直入窮妙也位
 裡了然正與麼尅君臣道合具眼漢何處在密處
 開豁眼見得麼良久曰從來無人會夜鷄夢清鯨
 臂冷正變成偏偏未偏畫桌氣動鷄羽稀理轉成
 事事未事雖然如是知音少且道新年頭還有消
 息麼否古事變色今事得新百花富貴草精神又
 如何這箇是活句

同小參曰山上欄外水下檻前夜兔光雪畫烏輝火
 黃頭出妙淨名入玄胡僧印心盧公傳衣張三野曲

李四樵歌船動碧波海浸孤天畢竟而有恁麼履踐者麼一喝曰三段不同

霜曰山上欄外水下檻前夜兔光雪晝鳥氣火以此四句曉一佛未出世一祖未出與前事矣黃頭出妙淨名入玄胡僧印心盧公傳衣以此四句曉諸佛出世諸祖西來底事矣張三野曲李四樵歌船動碧波海浸孤天以此四句曉備頭陀乘本船垂絲把釣竿三段不同本分衲僧須參究

正月十五日上堂曰臘月今朝三五風嶺頭雪氣縛寒松不知枯木得胡信含玉靈花春夢中瑞鳥飛來千萬峯祥魚行過二三衆紛然相見主人眼歷歷雙眸處處通

霜曰豁開千手眼得三三六通信手拈來無不可恁心辨取無不妙妙此上堂一落索應見今時偏正回互

同小參曰春風吹夜閣梅香滿衣襟是什麼人恩力
臘明夜渡月飄泊嶺峯猿是阿誰者活計絕却千差之岐路及盡一朝之風月是佛祖分上也無試請斷

絕却一作截

看

霜曰尋人不覺挹泥水向日方知接暖氣是什麼人恩力瑕生玉鋒露劍是阿誰者活計屈已徇人壓良成賤是佛祖分上也無天高而不仰地厚而不陷雖然不具此眼焉分真偽

二月朔日上堂曰如月今朝一日晨風光破玉百花新西來本祖再來也萬岳千峯皆是親正當恁麼時喚作祖師意也不可喚作春景意也不可且道喚作什麼意舉拂子曰點

霜曰春花依舊萬年春芳操著新一朶芳明明百草頭歷歷祖師意喚作草卽是喚作祖卽是末後一點無人會

同小參曰鞭子盜春野梅吐玉今時一路滿洲歷歷劫外奇道到者還稀幸著夜間踏過妙道別將深心來與你相見若不是什麼碗脫丘

霜曰最初以曉人人作用處處風塵是何用處意在那裡最末以曉人人真歸佛佛本源是什麼機用意在何處若於古今中間撥得轉幹得開天下

人人一作箇

人不奈何且於此又作麼生若不然是什麼碗脫
丘

二月望日佛涅槃上堂曰竺土之大仙今日告涅槃
鶴林之米子當下得枯偏且道是同是別四木有相
身如來丈六軀四木無相身如來一實見時人見滅
山僧見生時人見生山僧見死於此中間有不生不
滅理遂大覺對飲光自棺中出雙趺是什麼心印妙
文

霜曰大仙釋迦文曾不示寂滅獨於米子間以寂
滅爲樂蓋是弄米字是八木也如來以此八木雙
樹明成住壞空且道中間事如何心印妙文一點
用不得知有底人試驗看

同小參曰看看鸞嶺一會儼然而未散也看看淨慈
雲衆巍然而不亂且道因何當時如來入空穴因甚
山僧上虛堂畢竟而老倒不少諸人到涅槃堂裡如
何提撕記得新豐和尚臨末後問僧曰離此殼漏子
何處與吾相見僧無對空座乃新豐和尚示偈曰學
者恒沙無一悟過在乞討舌頭路欲得忘形泥蹤跡

努力慙慙空裡步如此語如何行李良久曰叱唯佛
與佛展開兩手曰乃能究竟盡

霜曰靈山一會何人得見南山雲幕幕淨慈雲衆
誰人得知北澗水淺淺山河大地甚處得來自得
老衲至末後不免一場快笑爭奈對衆揚家醜良
久曰展手是什麼心行莫原愁意新愁殺人

三月旦上堂曰花月今朝朝旭前桂輪普轉滿天邊
枝花馥郁清香在鳥鵲從來同夜蟾出世也慧日照
世間宣說也廣開甘露門卓主丈一下曰鳥机重重
縛鴛衣寸寸針

霜曰何故以明旭比夜蟾譬如人人雙眼天上日
月地下草木皆是法王作用也不見道森羅萬象
古佛家風碧落清霄道人活計

同小參曰妙明田地密密而絕待對靈源做處了了
而離色象衲僧作用歷歷而作活計迷趣三昧芸芸
而無了期畢竟而埋却一坑時向什麼處安身立命
去良久曰十年不得歸忘却來時路

霜曰如何是妙明明妙千聖也不携如何是靈源

源靈諸聖坐底堂如何是衲僧作用豎拂拈髓眼
如何是迷趣三昧好雨好晴意且道如何是埋却
一坑底事渡頭日暮客呼船江上天明人出屋畢
竟猶帶此風流在

三月望日上堂曰花落秦川流水香雨清荷玉妙珠
藏祇麼堂堂消息子見來一點不相當靜夜鐘聲樓
上冷殘春岑色付紅陽好是滿堂孤峻處不知人世
見金章

霜曰：「煮頭兩句應節花語也。」次兩句不落前頭花
語。次兩句靜夜鐘聲殘春岑色。這時節有誰會？次
兩句雖滿堂高峻，此景曾人不知。徒品句咬吟，且
道誰是得者？

同小參曰：「桃紅李白落空堦，天碧地青懸錦機。雲鶴
出籠過鳥道，飽參密旨不傳時。縱恁麼履踐去，未是
衲僧做處畢。竟歸家食時如何？酒肆人間世，金臺日
暮雲。」

霜曰：「桃紅李白落空堦，破色皈空去。天碧地青懸
錦機，朗空圓性時。雲鶴出籠過鳥道，月落澄潭空。」

一作風

飽參密旨不傳時，落處深幽處。且道皈家食時如
何？自位中出頭來，載天笠子，踏地草鞋，將謂新年
路本是破家夢。

四月一日上堂曰：「余月今朝初一日，滿山綠樹影青
青。異苗繁茂只斯是，大地全分畫不成。記得古德山
居偈曰：『學道先須學貧學，貧後道方親。貧道元無一
物，般般受用又新。』且道古人向何處容身？須知山河
大地，伊披毛戴角，遂舉拂子曰：『看看喚什麼？』為分外
霜曰：「山河大地受用三昧，自甚處得箇消息來？既
是無一物，為甚般般新？既是無分外，為甚道看故
曰一字不說懸河辯。」

同小參曰：「千山鬱密處涼飄，洗夏熱。今日正當眼利
劍是鐵，鐵誰道混底是妄執。山僧曰：『妄想是真境，故
經曰：『居一切時不起妄念，於諸妄心亦不息滅。』住妄
想境，不加了知，於無了知，不辨真實，如恁麼履踐，又
如何？良久曰：『性自平等，無平等者。』」

霜曰：「我聖師遊五天妙土，開一實知見，便引枝牽
蔓，若不出世爭解，有這箇消息，畢竟而如何？是法。」

住法位世間相常住

四月安居結夏上堂曰禁足護生曲直中安居收念
又機朽一爐香氣香滿室黃面老師弄拙巧雖然與
麼實到此田地始得今日與諸人說話看亂不生一
念卽是安居收念拙不行外路方是禁足護生外路
既不行天山地谷皆妙界一念纔不生心識意情悉
玄處縱透得此關也未慶快且道取什麼爲是便提
起坐具曰看看山河大地變作金毛獅子化成玉牙
象王乃擲下坐具而喝一喝曰用何建立法門

霜曰天地布祥山河鋪瑞不妨安居禁足既是一

坐具變作金獅子玉象王須是奇特就中末後一

喝擲下坐具意在何處一喝曰是什麼

同小參曰天橋橫海上石人走玉階玄源歌孰得唱

妙唱奇豈得知且道令誰識也鐵牛破夢閑田裡玉

馬著鞭渥洼表從斯出頭今時之用七通八達處處

分曉

霜曰天橋橫海上通古貫今之橋石人走玉階一

入真到之機玄源歌孰得唱位裡消息說向誰妙

作粉云云一

唱奇豈得知澄潭深處始看魚且道令誰識傍也
角毛完然矣鐵牛破夢時耕破劫空田地來玉馬
著鞭時走過滿洲幹生來七通八達時方是處處
分曉在彼同彼在此同此彼此混融而時時得妙
且道是誰分上事

五月初一日上堂曰皐月今朝初旭光玉輝破暗露
堂堂日日分明久遠事威音那畔是時祥或去天外
萬年之松下或來雲中千古之江上或芬芸而塵中
轉身或峭措而光裡運步畢竟而天上天下無不伊
三昧且道是承誰恩力

霜曰有時觀彼久遠猶如今日有時通身及盡去
全體忘性到依倚移步蘆江晚髣髴出機古岳前
須知二六時中全承他扶持全露自勢力

同小參曰孤山梅雨紛紛云云熟菓落地杜鵑啼枝
涼風吹來水晶簾動山僧對衆舉是閑言語道流如
何聞得若將耳自見聞終難話若以言思卜度自屈
已且道因甚如是縱是黃面瞿曇碧眼胡僧難辨別
具眼者自看

霜曰佛未出世早是有箇消息祖未西來從古有妙訣在佛祖未出以前猶有箇妙義何況出興出來又闕之耶且道是什麼道理現成公案大難大難

五月半蟾上堂曰君看五月半廳山上雪花滿地飛鳥鷄昨夜入雲外鷺鷥今朝出紫微木馬聲聲嘶北風金鵝口口啼南枝石翁氣瘦運步斷玉士情豐豎拳稀

霜曰作家若不具如是眼目何處辨來風之端的是用格外之機還他物表之人貧道重下注脚早是成利害且畢竟如何騎虎穿市過把火去盜豬同小參曰山僧今朝下八句語諸人各各如何會取今宵不免重添卑句且道與今朝是同是別拈主丈擲下階前曰他家自有通霄路何用從容求別路巍巍絕頂落潭底峭峭家風吹滿路是四句之語滿堂雲衆各請次後語若不然歸堂打睡看

霜曰用晨參喜請爲什麼句句道著更無分外雖然土上加泥玉上加珠等閑有四句以續尊頌諸

且下一有道字

一無二而字

人如何一仞鳥藤乾坤外千尺釣絲著魚路正偏回互又不要狂笛吹入樵子路

六月安居半夏上堂曰且月今朝半夏辰修行道者有疎親明頭合暗賓中主暗裡含明主中賓暗暗未明位裡眞明明不暗目前人畢竟會取又什物看看崢嶸一角麟記得宏智古佛陞座曰妙存湛湛而不有眞照靈靈而不無更於其間而退步而看白雲斷處青山瘦諸人者如何得恁麼行李去寂滅眞功元無體無功妙旨太深深同中有異異中細異中有同念裡心

霜曰光陰可惜日月如箭寸心莫忘佛祖似流去聖時遙來凶處盛也須發明此事佛法無異轍只隨人好處上根妙器者一發而便轉句句吐却向上之勝句妙句中根好機者麤中辨細細中分麤合取父母成生口開千聖示宣門下根志念者凡中知聖想裡收心單單屈膝時時盡妄畢竟會取又何物看看崢嶸一角麟

同小參曰夜間洗熱涼飄飄六月皎然滿天雪青林

日晚人歸宅紅谷天明客喚月一塵入正受皓皓而
向如幻三昧之中諸塵三昧起歷歷而得分身三昧
之事也百千法門萬億妙義與吾拈來一星事看若
不悉辨浪破鋪席漢

霜日最初兩句法身一位之樣子次一作到密處
底模範也次一結又歸半途寄宿蘆江謂之向如
幻三昧中從此相隨來而事事無碍謂之得分身
三昧事且道什麼物恁麼得自由與我道看若不
然浪破鋪席漢暫時作箇茶話聞即聞飄飄出岫
雲濯濯洗澗月

六月三五上堂曰玉機轉側金堂冷石室斜開鐵戶
明木雞喚月壺天曉泥牛吼花客游城正當恁麼時
青山無心隣白雲白馬無鞭出蘆花路不舊道人
忘家儼爾歸來便作水牯牛角毛頑然江上之律鋤
犁山下罷耕步須知真實是沙門行履處然後隨類
不墮隨色不礙今時衲僧當恁麼參究

霜日初下一銚位裡得妙纔轉身二下一作從此
渡線無鼻之針半路未得機三轉妙旨再著天明

客語一作格

一舞之字

鉄一作鐵

見一作說

又告胡信四範玄句寄宿於蘆江來又破蓬窓夢
暫時得機少音容是從淵源澄照之底能發光能
出應歷歷諸塵愕然而不遺若能如是體得將去
東家作馬西家作驢也不妨且道是孰分上事
同小參曰諸佛出身處東山水上行宸闔垂玉簾雲
榻擁天青三冬之白雪九夏之綠樹新見凉水重增
寒永安居同衆禁足護生早來晚去若知這箇消息
子橫行天下腳踏實地若未然東來西去漢

霜日五須彌山二鐵圍峯大鵬翔九天飛龍躍海
外記得僧問雲門如何是諸佛出身處門曰東山
水上行僧曰如何得會門打一拳曰是什麼此擺
問一答與這箇垂語宛如爺子阿母畢竟而如何
履踐蹋去貧道驚頭下四句語是正是偏衆中逸
角者試斷看

七月日出上堂曰相月今朝日氣旭梧桐一葉落金
風秋聲滿索黃文玉山上滿天愁殺中目前機用無
分外那裡妙章絕萬工破夢蝶魂飛大空失船釣客
鱗孤蓬胡文新送北來鴻鄉信始見他日功舊山山

轉月明後歸路悠悠玉環墮

霜曰大凡一篇始四句曉今時作用次四句曉位中宛轉旁參次數各含妙帶玄自異中忽同自同中忽混也難話處密通消息難透時潛舒異彩大槩參禪只要到恁麼歸處耳

題一作飲

同小參曰金氣黃楓半葉紅晚來漁客倚青松多多動夢夜涼路處處偷光午月峰長安萬里景大陽千里道大悲閣前是鼎州黃鶴樓前鸚鵡洲下座而曰超方者委

霜曰先師甚用箇話底四時所關機也無若於語上見取只是閑言語若也言外覓取又是非本心若於中間會取實是野狐精畢竟頭尾相應一句子有也未月冷空當午松寒露滿襟

老一作衆

七月安居解夏上堂曰殺氣到來黃葉秋梧桐老冷隨河流人間天上無分曉從古至今誰得耐恁麼辯得尙帶滯留別得一路正絕蹤由畢竟有與麼履踐者乎自撫掌曰來也來也坐臥經行東勝身洲便下座揖曰謝雲衆九旬久立珍重珍重

醒醒一作醒

霜曰前頭四句以出世之中不出世故洞山曰大陽門下日日三秋後頭四句以不出世之中出世故洞山曰明月堂前時時九夏且道來也來也又如何內外虛廓法界一如故曰坐臥經行東勝身洲是此大人之相矣

同小參曰天外氣寒家風自枯青山運步則石女生兒木人回氣則鐵漢破夢月影轉光則日輪正出輝欄外鬱密而香林在嶺上淒涼而月正清是箇好時節諸人還會麼能爲萬象主逐四時不凋

霜曰天外氣寒家風自枯唯獨自明了青山運步則石女生兒混沌生一氣而內轉功木人回氣則鐵漢破夢月影轉光則日輪出輝相隨來也不妨如是得來尙有氣息在何故嘯月窓吟風軒猶曰能爲萬象主逐四時不凋如山僧不然曾不露混融機正是飲茶談笑

八月吉日上堂曰佛未出世祖未西來早是妙法直是玄談何用出世爭論西來天邊之月醒醒而浸海底之波嶺上之松飄飄而驚澄潭之龍高山峻峻而

望雲外低谷深深而冷澤中這箇消息纔是靈山調
御定林種族提携不起山僧爲甚得恁麼良久曰恐
是平地之波濤付壯月

霜曰未審佛祖未生前有誰得恁麼見得恐是壓
良成賤依勢欺人既是靈山定林共不傳先請依
誰致得卽今不免兼身在內雖然與麼諸人者要
會麼皎玉無瑕影文喪德

同小參曰仲秋有月合浦生珠草芊有露陰兔懷胎
忽有箇漢出來以何試驗有棒有喝第二三有句有
言七顛倒拈杖豎拂成摸成揅十合曲躬作禮作儀
且道以何辨得有問便答開口見膽八通九達不露
針鋒

霜曰水以杖試玉以火試人世以語驗取禪僧以
何驗取打禪床曰夜間珍重

八月半旬上堂曰壯月今朝半月明上來禪子眼醒
醒難瞞衆眼病堂尅何用洞家兒子情雖然與麼誰
是活眼睛試與老僧開雙眸見若不然是什麼用處
霜曰參禪學悟漢如麻似粟作群作隊未審箇中

有久參上士麼出來豁開自己活眼睛照破四天
下去也雖然恁麼龍蛇易辨衲子難瞞心如冰雪
寒透骨寒若不然是什麼用處

同小參曰傳家清白字字廓脫玉袋金針鋒鋒通達
今夜一輪月千山萬派流不覺劫盡鐵巍然沒去留
正恁麼時是又得非又得好惡取捨共得畢竟如何
良久曰水天相混處萬里合同秋

霜曰傳家清白曰蓋是指雪曲僧問新豐如何是
雪曲豐曰清白十分處以吟不功時爲甚字字廓
脫褒讚先師妙語義也玉袋金針鋒鋒通達此四
句只是大功一色也今夜一輪月千山萬派流不
覺劫盡鐵巍然沒去留此四句正位前一色也正
當恁麼時是非好惡取捨俱得此四句今時一色
也畢竟三色俱得時如水天相混處萬里合同秋
九月初日上堂曰玄月今朝白菊辰含珠天草未開
金重陽九日初陽後吹起香烟風正新今日先兼後
重陽預話大衆是什麼用處若至九朝莫道不道無
數菩薩來老僧這裡開無量法門時人喚作菊花三

味三十棒喚作無數菩薩三十棒然後任你携去也
霜曰論前言後語爲什麼重陽菊花誰人不知玄
月朔辰何人不明且道朔辰晚尅不要中間喚什
麼爲是不落秋意道一句看

同小參曰一段宗要別無途轍依一如之本源當千
差之會要黑暗女在前合掌功德天在後問訊嬌梵
婆提吐舌舜若多神點頭畢竟如何天台五岳南岳
三峯

霜曰有權有實示偏示正有時把鐵作金有時把
石作玉就中最末一句無人識矣

九月十五日上堂曰鐵夫破夢五更前石人開眼一
壺天木馬過閭風化後玉虎振威楚渡邊主人穩坐
草堂前硬翁獨臥萬竿天三箇胡孫弄錢夜格外難
求宿鶴邊

霜曰一二以明那時之偏正三四以明自己之實
主五六以明今時之體用那時自己今時三段皆
是物表作略故曰三箇胡孫弄錢夜格外難求宿
鶴邊是七八兩句於中奇特更絕安排

同小參曰宗門中事古今不藏淒淒而風隣半空之
松明明而嶺侵高天之月若於此開開得感了了知
時以報諸聖無上法恩若於此寂寂不知寥寥不會
以何開向上關挨拶毗盧頂額且道衆中誰人是得者
霜曰宗門中事歷歷不昧山河大地全如來真實
知見古今不藏靈靈不彰天上人間正如來一如
本體何處得來分外底事喝一喝曰直下來也急
著眼看

十月開爐上堂曰鬼箭南山射石虎神鋒北岳刺驪
龍好是滿堂霜月夜寒冰出火舊家風

霜曰南山北岳是陰陽也於中間有射石虎刺驪
龍底手段即打禪床曰百雜碎霜月裡是功也舊
家風是位也是又於中間有出火底之眼即打禪
床曰玉關寒畢竟是可見破關透關

同小參曰陽月今朝初夜間霜風吹地過金關今宵
分曉開爐火仁者眉毛燒却寒記得僧問萬翁如何
是竈火神翁曰誰得近僧曰爲甚道竈火神無面皮
唯隨人好處生翁打一拳曰燒却眉毛也不知僧作

懼勢這僧以一竈火神欲燒萬霜面目萬霜潛漱水
脉防火畢竟主賓不覺共燒却眉毛去也

霜曰烹頭四句偈宗門一大事也即今有人問此
偈如何共燒却眉毛始應得親切若容擬議白雲

萬里自展兩掌撫而曰鑒

掌一作手

老一作死

十月安居結冬上堂曰小春霜刃大家雪機一堂禪
侶三世結制時光可惜歲花不留自晨至暮喫飯飲
茶道者一箇無得禪心從生至老著衣談笑道流半
箇莫知自心徒勞念情不識玄旨苦哉悲矣貧道孤
老走年難繫謹勸雲衆一生歸信遂擲下拄杖曰看
看又曰老僧有什麼伎倆

霜曰可銘骨髓應鏤肌膚何故生死事大無常迅
速時不待人光陰可惜雖然與麼至末擲下主丈
意在那裡烹打禪床曰看看有何伎倆

同小參曰彈指圓成八萬門掌中握却一乾坤鐵圍
倒入黃泉底一句截流萬水源畢竟而如何見大唐
打鼓新羅作舞

霜曰棲州馬喫稻福州牛腹飽語脉一列具格外

機可有物表作略矣

十一月朔旦上堂曰辜月今朝初一日正當冬至滿
霜月一陽佳節大家章字字含玄向白日展開兩手
而曰石走砂飛

霜曰正當今日一陽節冬至風光拭雪月霜刃劍
氣斬萬天人間是箇好時節於中展兩手是什麼
文章隨後曰石走砂飛又是什麼花言雪上加霜
同小參曰風吹松雪月當空一色功中轉步同別路
分時無雪月合同一色落功功到怎麼田地始知這
箇消息雖然怎麼也不因樵子路爭至葛洪家

霜曰時節冷寒松杉峭峻一色做處千山寒色箇
中縱有同中異只是半途三昧別得妙處異言分
明此時一色轉一色真功合真功是不因今日事
又爭謂昨旭文

十一月半望上堂曰青山密密而土難到這裡妙章
也絕趣向白雲幕幕而客不留裡許消息也離言道
南岳青青而水脉遠北溪寂寂而水骨寒西天日暮
夕陽斜斜東海天曉紅日漫漫畢竟如何會去

一無也字

霜日青山密密則古聖先賢又難詰白雲暮暮則
千聖萬賢共坐冷南岳西天北溪東海法法住自
位三段不同妙著眼看

同小參曰璞玉光寒冰雪氣松栢操彰湛水裡分明
消息砂中金丈夫自有冲天志弄水之鯉魚攀高隣
風之松雨洗玉夜午霜風晝行雪雨霽寒破夜晴旭
照暗畢竟如何舉拂子曰佛杖祖拂兔角龜毛

霜日寒冰似玉璞湛水如松栢是何消息丈夫王
姓小族鄙姓天上有日月星辰地上有草木叢林
畢竟是何消息安南明條塞北錦機嘉州有大家
威風陝府有鐵牛猛吼

十二月朔吉上堂曰除月今朝吉日朝寒雲斷路羅
天橋紛飛白雪象王窟騎底普賢在昨霄理事混然
體用融爾文殊昨夜入無差之峨帽普賢今朝出有
差之五臺帝釋天宮珠網重重釋迦倪座華藏堂堂
良久曰且道是誰境界

霜日事事圓融而不得理談理理廓通而不隔事
妙文殊境界普賢坐普賢境界文殊坐至這裡聖

凡一如佛祖道齊

同小參曰寒夜無炭衰老衣涼機透骨古堂微霜辛
雪苦寒先律兩宿風冷圓後奇各請歸堂安眠

霜日衣薄寒氣徹鐵骨身衰萬事懶相說接物利
生何尅休不如獨坐防天雪且道是什麼機用

十二月望辰上堂曰北面半窓陰已極南方全室陽
斜得不關陰氣與陽光嶺上雪寒白似黑

霜日南北陰陽宗枝禪根賓主相待不渡箇二處
向何處去四天以上天為極三界以無色為極人
世以百年為極四時以冬雪為極蓋是執極者乎
且道為甚嶺上雪寒白似黑試請辨看

同小參曰天寒而梅勒於花地冷而水浸於魚所以
道寒則普天普地寒熱則滿天滿地熱且道何處下
背記得問洞山和尚寒暑依然到來如何迴避山曰
何不去無寒暑處僧曰如何是無寒暑處山曰寒時
寒殺閻梨熱時熱殺閻梨先師宏智和尚拈之曰一
盤黑白互交羅生殺其中細琢磨樵人疑著當頭著
不覺腰間爛斧柯新豐答話八字打開老子拈起兩

昨一作朔

浸一作侵次

●得下一有
個字

全一作金
黑一作黑次

手分付且如山僧又作麼生寒涼徹骨時通身難去處其間有眼在新豐一曲子

霜曰驚頭兩句光前絕後天寒則梅梢勒清容之花地冷則澄水浸潛躍之魚是同是別子細著眼看

歲末上堂拈拄杖曰鐵樹風花物外春一陽未發不傳真自斯織出錦機夢江月布祥碧浪新靠烏藤而曰年來曾話自家禪子細相看說歲遷正當今日又何事八角磨盤走九天便下座曰謝雲衆久立珍重

霜曰前頭四句從古位來至佛階又從佛境來出凡境且道後頭四句自見非自見得爲甚恁恁麼就中佗有道八角磨盤走九天是何時節

同小參曰今霄分歲限陰陽賓主交和曾不藏寒雪苦辛霜後路明朝明旭露春芳記得僧問古德舊年已去新歲又來於箇中間如何是不遷德下禪床揖曰今夜雪寒來朝花信僧喝曰今夜來朝且致中間不遷之眼如何德曰謝你箇重問且道古德是慧光

普照這僧是無處不明諸人如何委悉去良久曰玉珠連采萬年松金鶴飛梢一樣桐三吉九祥當現座千銀七寶淨慈峯滿堂雲衆一時立作禮而去

霜曰妙玄所說金言所吐千祥萬吉三才分明七處高平最初一偈以曉不落今時古位新舊底時節故引古德問答而示之也最尾一偈變大地作黃金攪長河成酢酪且道是誰恩力淨慈老衲有長處山僧知之有分諸人又如何履踐得恁麼奇特去也

靈竺淨慈自得禪師錄卷第一

靈竺淨慈自得禪師錄卷第二

石霜明總禪師下語寄言

住萬壽小師比丘贊溪老人了廣編

上堂曰家音歷歷而運用堂堂矣緣岩雲幕而翠峯色尖也知有這箇消息以報不報之恩時有僧出衆問如何是不報恩師曰者箇是報恩底事僧曰此外

作麼生師曰天高東南地傾西北僧禮拜師曰只恐不恁麼承當師乃曰只箇玄妙訣從來無異轍撥開千嶂雲放出一天月建化門頭事山僧未曾說再來花木春佛祖也難決便下座

石霜曰佛未出世西天說法祖未西來此有妙訣良久曰點

上堂曰衲僧活眼睛見破四天明六門之活計處處而現成不借他相貌底漢有麼也未時有僧出問如何是衲僧活眼睛師曰鑑在機前僧曰見破四明時如何師曰誰解於論僧曰六門活計何人分上事師曰露露堂堂曾不藏僧曰處處現成底事如何商量師曰明明歷歷共難語師乃曰家風是自己自己是家風一如身心眼全體是玄翁汝等諸人還知之有分乎便下座

霜曰盡世界皆是沙門一隻眼悉是上妙道千聖心喚什麼爲自己喚什麼爲家風此語金玉高價千斤

上堂曰直把須彌鎚子正打虛空鼓子穩坐寥寥而

僧下一有出

師下一有乃

門一作同次
同○僧下有
出字

不妨全身寂寂而忘志正當恁麼時節誰人與吾出氣時有僧問何人直把鎚子師曰問取堂中聖僧僧曰和尚打鼓子否師曰覓得門外金剛僧曰穩坐不妨全身忘志時如何師曰尋討滿堂雲衆僧曰和尚爲什麼不道師曰你何不聞得僧曰是是師曰不是不是師曰有問有答成道成理有言有句作計作較畢竟非吾家具子便下座

霜曰拈起金鎚則直下打玉鼓聲響諍諍笑音塵紛紛也是什麼

上堂曰吾門廣大從古難入徒展兩脚不踏階級元非宮內豈得建立正當與麼時出門無及時有僧問不是解脫不思議門麼師曰出入從來不妨師資何用三展禮僧曰恁麼則爲甚麼道從古難入師曰門門歷歷步步明明何用出入僧曰未審有內外否師曰表裡元無分外僧曰若無分外爲甚麼出門難及師曰吾特謝此問師乃曰或說成住壞空或示苦集滅道又曰十如一實也宣三密四曼畢竟山僧有一句子要會麼天南北地東西

霜日若而有努力老而無勛骨朝帶於曉風晚見紅輝日

字
僧下一有出

上堂曰青山山上白雲雲下戶外水寒波心船點正當恁麼時有知音底人麼時有僧問青山山上時白雲雲下處和尚還有分也無師曰傍也僧曰正當恁麼時如何師曰眼在脚跟下僧便喝師曰倒屣爲什麼師乃曰妙處徹底妙玄處徹底玄獨知分外事誰見壺中天使下座

霜日參須實參悟須實悟驀頭莫滯留半途勿暫顧

上堂曰真到做處清虛妙體時時隨後步步在前諸禪德如何商量時有僧出問如何是真到做處師曰直下見電光驀頭欺石火僧曰於此如何領略師喝曰倒退三千僧曰清虛妙體又如何上和師曰上至有頂天下至阿鼻獄僧曰是何物師曰汝問吾贊師乃曰不思議一段要不可得三世心箇箇人人受用光恩照破古今

霜日過現未來事且致直下電光驀頭石火是什麼

◆補一作錄

麼時節若不然又被風吹別調中諸人者如何見上堂曰以大圓覺爲我伽藍山河大地日月星辰身心安居平等性智天上天下唯我獨尊至這裡諸禪德還有分疎也無時有僧出衆問既是山河大地圓覺伽藍以何爲驗師拈拄杖曰是什麼僧曰豈莫天上天下安居性智耶師擲下拄杖曰恁麼不可也僧曰畢竟作麼生師曰歸堂穩坐師乃曰惠日普上太虛天心月朗下紅綿地箇中何人是出頭者下語也不到奇語也不用便下座

霜曰野草芳菲紅錦地遊絲寥亂碧羅天安居性智是何物圓覺伽藍不聖賢此四句與古人如何有人辨得大好大好

上堂曰玉龍起雨上東天石虎出風下北山夜兔穿雲南海底畫鳥破暗西畔岩中間有物大衆如何看時有僧出衆問未審是何物師曰頭長三尺頸短二寸僧曰此是化幻之身真實是何物師曰眉間有眼胸間有口僧曰和尚還捉得伊麼師曰人人關伊一時不得僧禮拜師乃曰那吒屈膝而夜叉開眼也時

人喚作化幻不可且道喚作什麼七尺烏藤倒上天
八臂竹篴橫下地使下座

霜曰是箇時節佛祖也難出人天也難入雖然關
伊一時不得又如何普州人送賊

上堂曰家傳妙旨不言語洞上眞機絕外來若有人
云知父道孤然孫子笑哈哈時有僧出衆問密密閑
田不用機邊如何是妙旨師曰好箇消息子僧曰寥
寥作用不離人天如何是眞機師曰好箇消息子僧
曰子十成減父半德作麼生是父孃師曰者箇是兒
孫僧曰和尚作父孃也無師曰謝子箇孝養師乃曰
子歸就父猶存孝養了了而未爲是臣以朝君尙帶
凝然眞眞而不爲重便下座

霜曰轉步於位中移身於劫外玉龍退骨則雲幕
於跡金鷄移栖則桐冷於月畢竟去時有何消息

子

上堂曰路遮戶外家包雲中客游三月主居月宮時
有僧出衆問未審此箇什麼境界師曰夜渡有輝合
古月秋雲無雨袍青山僧曰還轉身也無師曰玉壺

●竟上一有
字

●竟上一有
字

中有轉身路僧曰全轉時如何師曰至這裡始得師
乃曰賓雖賓也主家之恩光也主雖主也賓家之佐
輔也主賓相合正偏相應便下座

霜曰果然如所說君雖君也無臣佐不可爲君臣
雖臣也無君勅不可爲臣君臣相融而天下方取
上堂曰風波滅盡而悔當時之事碧海澄明而恨十
分之恩潭水月落而帶清光之影壺天雲盡而存青
霄之晴畢竟如何時有僧出衆問風波滅盡時爲甚
悔當時之事師曰猶帶今時機僧曰碧海澄明處依
何恨十分之恩師曰尙存自己妙僧曰潭月沉時何
帶清光之影師曰太具殘月輝僧曰壺雲散處爭存
青霄之晴師曰且得尊貴路僧曰竟如何辨得師曰
傍也師乃曰盡色未空歸空未眞絕眞未妙除妙未
玄箇中有辨取得者麼便下座

霜曰用階級論途轍山僧不然直入深山曾未出
有人覓取百千里

上堂曰稜稜一氣未生淒淒一神未現默默風未起
波皎皎月未發光歷歷萬象未亂明明森羅未參還

● 雜一 作德

字道下一有得

體悉麼呵呵大笑曰贏得三千自損萬德時有僧出衆問一氣未生時和尚還知麼師曰慚愧僧曰風未起波處和尚如何道師曰罪過僧曰萬家未亂時和尚得見麼師曰報酬僧曰贏得三千自損萬德又如何師曰皎玉無瑕彫文喪德師乃曰示妙說玄都是建立宣法話佛悉是造次山僧怎麼說話又是拂塵生埃便下座

霜曰寒山拾得及第不得碧眼黃頭遂是難得

上堂曰佛日高懸祖月彌朗僧雲漫漫法雨浩浩禪林花發教風春迎正當恁麼時誰是出頭人時有僧出衆禮拜師曰你見景色風月那僧曰此是觀音三昧樣子師曰你道何處是普門僧曰勘破了也師曰恁麼則有二菩薩僧又禮拜師乃曰適來如上座子道春色千林花正開秋潭萬水月猶明夏熱綠楊影滿地冬寒白樹覆前庭便下座

霜曰妙音觀世音風聲雨露聲也梵音海潮音江浪碧灣波也

上堂曰少室胡僧履子留隻米樹應供趺子出雙新

兄一作先

吾一作五
評一作聖

得下一有者
字

豐老人問殺首座大陽兄者兼養青鶴諸人幸是吾家客何得不曾時有僧出衆問古聖怎麼作略得後風流學人如何會得師曰薰面家風不容擬議僧曰大疑大疑師曰道看僧拂袖而去師曰終始不錯師乃曰學悟之要是須真到之要參禪之路又宜妙契之路各請分半席便下座

霜曰用古今通貫眼論是非不及妙且道因孰致得

上堂曰一道恩光萬年難報千言學語三世易聞正於中當如何撥轉時有僧出衆問和尚恐是覓蹤由師打曰你道是什麼時節僧於此忽然大悟師乃曰吾十一歲問宣深示淺今朝始逢知音千祥多何故三年擲釣絲一夕得金鱗便下座

霜曰熟栗不堪枝劍氣不妨天這僧知痛痒老衲分機宜

上堂曰枯木雲籠秀雲中袍玉立寒潭月夜圓潭底侵魚入回頭開正眼頭上戴帽出芳草破春烟草芊拂天內衆中有道得麼時有僧出衆問諸聖出來作

林一作寒

何事師曰爲子不會取僧曰好箇消息某甲曾不會取師曰早知你落處僧禮拜師曰錯師乃曰若會得是靈山迦葉若不會也少林慧可使下座

霜曰鷺峰笑暖少林座寒劫前花一點戶外春猶

關

上堂曰綠岩枯木不落人間紅谷芳草不厭溫寒西南東北各不相關三段玄處正開眼看時有僧出衆問如何是綠岩枯木師曰刀斧斫不開僧曰如何是紅谷芳草師曰鐵鎗刈不盡如何刈得僧曰西南東北是什麼用處師曰目前分外不相妨師乃曰妙玄田地自可到靈性做處自可坐分明時節自可見務力問他不得悟自透頂到便下座

霜曰有時高有時低或露或明畢竟而可有自鑑

之照雖然恁麼實到此田地始得

上堂曰圓蟾出冷晶旭入暖惠光破暗才輝照明中間有一佛出世若人見得非有自己妙有又知有沙界周光時有僧出衆問妙有周光且致如何是一佛出世師曰照東方萬八千土僧曰恁麼則天上地下

何什麼一作

一無之字

地一作天○
你下有如字
妙作好

諸法實相師曰你何具龍樹智惠僧曰和尚何得馬鳴妙才師曰恁麼也不分耶僧乃作禮而去師送曰忌口三十年師乃曰無見頂相諸人不知楞嚴妙光沙界普照故曰世尊光射阿難肩便下座

霜曰朝旭夕陽初月殘照目前境域自猶可看眼

中青色誰敢得見開正眼睛須活心人

上堂曰運步堂堂通身歷歷東道西說南來北去全得寸心直用尺情拈拄杖曰自家方寸主人公直得掌中木上座舉拂子曰老僧八十年來要正承手裡毫長老具眼者看看時有僧出衆問畢竟相去多少師曰你是學人分上事僧曰師家分上事如何師澄然叉手師乃曰自家二六時中全承他恩力去起居動靜一如之體便下座

霜曰有水易接天上月無林難宿北來鴻

上堂曰古佛道場尙乘車子澄源潭水猶棹孤舟夜鶴穿潭底雲月落銀籠天龍無雨汗馬而無鞭也從此出生犢牛兒金吼銀聲滿蘆水微毛依舊正受之中玄角又帶漫雪草一回倒騎牧童夢數笛吹來樵

一無之字

子歌時有僧出衆問畢竟學人如何商量去也師曰微頂透底是須怎麼會僧便禮拜師曰吾家種草不求杜撰師乃曰玄談妙句一點不著金言華語一塵不用請試與我道看便下座

霜曰古佛道場不要坐著夜鶴雲月穿過落盡天龍汗馬絕雨離鞭方外誰敢論量自是妙底少得機又歸本途時犢牛生兒毛角完爾雖然如是未是耕破箇田地須醒半夢又吹狂笛箇時遍蹄混泥塵不露真機且道此猶是出世邊事畢竟不出世時如何吾家種草不求杜撰

上堂曰行脚大事一段宗要直拈起兔角佛杖正舉著龜毛祖拂若人拈起舉著時人盡有禮謝在時有僧出衆問堂中一會客悉是行脚漢未是見兔角龜毛請師垂示師拋下杖拂曰見之不執千載難逢僧擬議師喝曰且去也師乃曰來也龍蛇飛出去也象虎哮嘯見聞玄色妙聲卜度了思真量故曰如之外無智智之外無如如如皎潔智智清淨大凡般若之心耳便下座

此一無面字
也字之字下

日一作月

霜曰空空如如而寂寂真真也黃花爲般若翠竹爲眞如飲光密付阿難正知淨名默處文殊可聞畢竟而是什麼力學者不具此眼目焉辨皂白上堂曰心心通達而法法圓成也佛佛相授而祖祖付傳也雲衆之中喫茶之間還有信得及乎時有僧出衆問既是心法通圓處正是佛祖授傳時此外喚什麼爲外道師曰這箇道理爲外道僧曰無道理時如何師呵呵大笑曰奈何這道理也師乃曰銀河波淨曉星亂蜚日宮光冷暮涼拭晴兼葭風微欄外聲玉樹枝動檻前流老僧怎麼說話有何氣猷便下座霜曰貧道不及讚歎何故如此正正時正是偏偏偏時偏是正正偏和融高低普應畢竟悉窮麼江岸風濤暮蘆村景色靜

上堂曰深深而深入梅花之曲潛潛而潛合白雪之調石人之舞袖玉女之笙歌好一場曲調是何音響時有僧出衆問一種沒絃之琴妙手彈得甚希師曰你道是誰家曲子僧曰幸有主山點頭案山回顧也師曰早怎麼當些子師乃曰流水奏於沒絃之調夜

明彈於玉琴之曲鐵夫笑於芳草之莖石漢歎於春煙之夢便下座

霜曰也太奇也太奇露柱說法燈籠聽

上堂曰密密妙唱豈以舌相乎堂堂真歌寧以音聲乎千年老鶴夢醒後一箇小僧吟結前兩堦風景畢竟如何時有僧出衆問如何是那邊風景色師曰青山高聳雲袍跡僧曰如何是這邊風景色師曰流水遠流水變波僧曰畢竟如何師曰花露殘春一樣芳月餘潭底萬年光師乃曰水脉冷寒涼焰焰雲形虛幕露堂堂便下座

霜曰衲僧一樣子古者千家風弄高深碧霄用低

淺紅堦體用偏正一時新

上堂曰春夢朦朧秋月玲瓏夏涼寂寂冬寒空空時有僧出衆問逐四季不轉又何物師曰你聞耶僧曰指屋後喚塔前喚白猿打黑狗師曰且不許外人聞師乃曰吾門有回互不回互底時節我家有出世不出世底樣子回互時不可見回互出世時不可見出世意在那裡眼於何處便下座

耶下一言不聞耶三字

當一作的

霜曰浙之東西湖之南北便舉拳頭曰這箇是什麼消息子回互時意在不回互出世時眼於不出世

上堂曰梁土皇帝南天太子相見端的不識妙旨直下不入擬議驀頭廓然無聖時有僧出衆問對面無私端當偏公如何是不識師打曰好箇消息聞即聞僧曰大用現前不存軌則師曰三祖來也師乃曰廓然不識莫公私太子皇帝對面時一片檀香爐上火殘紅吹起發花枝便下座

霜曰上古七佛下生諸聖西天四七東土二三畢

竟至這裡如何識得又曰點

上堂曰靈劍刃輝在匣中清光所照侵虛空密通消息不傳句天上人間功不同焉時有僧出衆問未審是何章句師曰道得始會取僧曰和尚還知麼師曰汝是禪和子師乃曰是法非思量分別之所能解唯此一事實餘二則非真便下座

霜曰字字含妙言言咄真出林之猛虎入水之蒼龍是是可可不是不可

一語爲字

一本此上堂
見于卷終

上堂曰有時破關知落處有時透關習密旨有時妙容拜位裡有時光燭囑機頭箇中有體用賓主箇中有宛轉傍參焉時有僧出衆問如何是破關眼師便打僧曰落處又如何師曰蘆月江波相映紅僧曰透關機如何商略師便喝僧曰如何是密旨師曰君臣合道主賓同僧曰畢竟作麼生師曰長江水上波千走低谷溪邊草萬叢師乃曰朝說暮說出廣長舌坐臥經行萬里鑽鐵拈拄杖曰是什麼便下座

霜曰眞聞眞見妙至妙到玄思玄量幽密幽顯雖然與麼徹底自到

上堂曰向去位裡則雲袍跡山空却來機頭則火洗玉路工不去不來則石蛇臥草叢畢竟通會則海天普合同佛祖未與則消息難通人天未識則妙處無窮縱是恁麼端的不中且至這裏莫指西東時有僧出衆問如何是向去底眼師曰直入海底泥牛忘蹤僧曰如何是却來底眼師曰早出欄前玉馬嘶風僧曰作麼生是不去不來底眼師曰獨坐雲場自居太空僧曰畢竟通會時若當師曰三載金毛群裏絕同

◆語下一有
一句七字
如何是端的

僧曰佛祖未與前何人得去師曰日上綠樹月落水
中僧曰人天未識時且道以何爲是師曰魚行酒肆
來往無窮僧曰不用前言後語師喝曰點鐵爲金轉
蛇成龍僧曰一一蒙示誨格外玄機又如何師曰月
出句裡花入吟中師乃曰一段大事古今難通三乘
曲說去來易空禪僧眼目端的無工禪和信趣脫然
絕蹤雖然與麼會取始窮便下座

霜曰多虛不如少實三載金毛群裡絕同那人幻
人眞人皆智寂妄之三段也一時會取時正絕同
侶且道端的一句又如何鐵鎚擊碎黃金骨天地
之間是何物隨後一喝曰安排不少焉

上堂曰不夜眞燈破夜心月穿日玄談不日妙訣一
句了然不涉途轍試請道看時有僧出衆問如何是
破夜心月師曰不留暗裡僧曰如何是不日妙訣師
曰不居明中僧曰一句了然途轍難合正當恁麼時
如何師打曰蹉過也不知師乃曰一句截流萬派不
朝千差斷徑三身不妨有時暗裡出明有時明中入
暗諸人如何商量便下座

霜曰不涉明暗也不是眞明暗元不實以什麼爲是更參三十年

靈竺淨慈自得禪師錄卷第二

靈竺淨慈自得禪師錄卷第三

石霜明揔禪師下語寄言

住萬壽小師比丘簪髻老人了廣編

上堂因僧問記得達磨大師道外罷諸緣內無喘息心如牆壁以可入道此意作麼生師曰你還體得麼僧禮拜師曰眞實報恩者僧曰且道牆壁有何心師曰宛似鐵牛機僧曰恁麼則識得無分耶師曰速道速道僧曰和尚道得麼師曰你箇答勝佛祖之機用僧曰果然某甲罪過師曰老僧有過師乃有偈曰外罷諸緣絕言語內無喘息合幽玄心如牆壁忘功處以入道源空劫前

霜曰醉人之口邊白日之心玄了了勿蹤跡深深忘聖賢

獨一作僧

上堂因僧問記得孤山和尚道少林分雪後斷臂神光悟貧道滿霜床知音無一箇此意作麼生師曰分雪來而始得僧曰和尚還有分也無師曰老拙三十年前屢却了也僧曰卽今事如何師曰當座冷寒老骨瘦師乃有偈曰一回轉意光千里絕情方悟後夢醒後孤然坐古堂

霜曰慧可不傳心胡僧未得吟孤山自得老兩度情猶深

上堂因僧問記得曹溪大師道慧能無伎倆不斷百思想對境心數起菩提如何長此意作麼生師曰早是成伎倆僧曰學人如何會去師曰江水淺淺流不濁僧曰是什麼消息師曰江上青青草非枯僧曰柰學人疑著何師曰來說是非人便是是非人師乃有偈曰少而可努力老而可歇心都盧懶萬事雙眸淚濕襟

霜曰老少無窮歲寒之心貴賤有隔衫衣之襟伎倆無一點高價有千金蘆江浪激空藻海魚游深上堂因僧問記得雲門大師道學不顧便差互擬思

◆錄下一有
萬結二字

量何劫悟此意作麼生師喝曰此去一千年切忌頻
舉著僧曰然是大陽之兒孫何用恁麼之手段師曰
你看石火光中有出身路僧曰是何時節師打禪床
僧禮拜師曰千錯師乃有偈曰直下撥開木上座薰
端握却毫長老衲僧氣宇乾坤外一夜寒水通體到
霜曰句下承當去言端觸著來若於心切不疑處
道得不妨鐵嘴開

◆通一作事

上堂因僧問記得雲居和尚道你若會取則迦葉不
覆藏若不會取則世尊有密語此意作麼生師曰朝
聞孔道夕知老孝僧曰儒道卽不問釋迦如何師曰
夫子欲無詞世塵不得休僧曰會不會且致如何是
如來密語師曰昨夜玉人眠僧曰頭陀微笑又如何
師曰今朝石漢眼僧曰何人得知師曰錯錯師乃有
偈曰玉人深睡澄潭妙石漢眼開花岳笑不是今朝
新發悟三生大定了知少

霜曰日中之黑花夜午之青芭風骨夢清後月機
出碧蘿

上堂因僧問記得明安大師道莫守寒岩異草青坐

然一作鉢

◆光一作花

却白雲宗不妙賓主難分一段事君臣合道萬年笑
此意作麼生師曰穩坐位中不是落在功中不是僧
曰賓主難分時如何師曰老僧眉毛宛如上坐僧曰
君臣合道時如何師曰內外本混然正偏何不二僧
曰畢竟相去多少師曰清光隨處香幽鳥喚春忙師
乃有偈曰一回得妙二度忘妙急急歸雲堆堆白雲
別增眞照殊出月照芬芸百花馥郁紅花春窓暖笑
破家好笑

霜曰青山傾蓋白雲中白雲催春紅谷風紅葉告
秋黃閣下黃泉激水碧樓龍

上堂因僧問記得芙蓉和尚道春有百花夏有涼風
秋有紅葉冬有白雪若於一一之妙法心在不生念
在不滅何妨了了玄幽處便是人間好時節此意作
麼生師曰你還恁麼體悉麼僧曰某甲曾不會師曰
不會共難話會僧曰雖然如是和尚還悉窮麼師曰
兼身在內老僧不逃僧曰畢竟如何師曰分明
消息子江上沙鷗語師乃有偈曰人間無佛時早是
如來機世界無塵境新看深妙奇若具此眼使人天

師忽有這漢何用擬議

霜曰少年曾歷無塵境老去未知無佛時何事蒼松龍似曲始看班石虎如機

上堂因僧問記得梁山和尚道石室山高柴門路遠白轆天綽幽居人少箇中有人不在掌中其外無物不關心外外展廣長舌相內傳無盡燈光未審此意作麼生師曰湘之南潭之北中有黃金滿一國僧曰是什麼機用師曰無影樹下合同船僧曰何人得乘去師曰瑠璃殿上無知識僧曰畢竟而作麼生師曰南海波斯失舶時師乃有偈曰定林隻履天台柳標鉏斧住山橫擔鐵獨有雲床老胡僧徒見夜中天上月目前無極分外心少室花容是妙訣

霜曰水在碧沙白轆雪月回葉底芙蓉堂箇中瀟灑靈床主寒楊風流虛廓方

上堂因僧問記得曹山和尚道當頭無諱忌語路若何迴不是本分事一花五葉開此意作麼生師曰君臣合道四臣不通僧曰正與麼時如何師曰言思不及語量不至僧曰爲甚道不是本分事一華五葉開

金一作雲

金一作雲

金一作雲

師曰不迎枯木暖爭辨劫前春僧曰可謂中的難忘五位中師曰山僧又怎麼唯恐不與麼師乃有偈曰正偏融融而路斷於鳥道之表君臣堂堂而容儼於玉殿之中到底難說妙處絕同別得傍道見萬年松霜曰不回互之時是回互之時未出世之處正出世之機話盡山雲海月意此非面目又存師

上堂因僧問記得丹霞和尚道日照孤峰翠月臨溪水寒祖師玄妙訣莫向寸心安未審此意作麼生師曰佛祖不傳心人天不得金僧曰教誰識得師曰這漢未出家前僧曰爭解怎麼說話師曰好箇時節僧禮拜師曰似是而非壓良成賤師乃有偈曰皎皎而月澄嶺上之孤松淒淒而風渡半夜之空中深深也妙訣自坐少林之峯了了也真氣元居虛谷之功霜曰水流西畔而帶紅輝之斜陽雲出東海而殘曉星之夜光涼蟾秋冷寒旭冬藏

上堂因有僧出衆問記得吾門五位綱要還許學人請問也否師曰門門廓達處處靈通一一問取來句句答話去僧曰無中忽有處如何是正中偏師曰三

◆無一作忽
下同
新舊二字一
有爲下
無作有一無
以字次同○
有作無

年不改父之道應曰古今孝之始僧曰有中忽無處
如何是偏中正師曰一歲不須國之制新舊可爲嫡
之勝僧曰無中貴無處如何是正中來師曰君雖君
也不可臣以不爲臣僧曰有中貴有處如何是偏中
至師曰臣雖臣也不可君以不爲君僧曰有無及盡
處如何是兼中到師曰忍之乎執不可忍耶僧於此
作禮而去師送曰賓客因來柴石門再開老口話吾
風師乃有總頌曰一片天光三五風玉墀吹斷嶺頭
松巍然山上澄湛下忽爾雲同霜月中堆堆全體乾
坤裡密密滿心天地表碌碌仙仙通用眼驪珠擊碎
草芊忡

霜曰一片天光三五風三處五位一如家風玉墀
吹斷嶺頭松自己賓主同中之同巍然山上澄湛
下那時偏正異中之異忽爾雲同霜月中重寄宿
於鳳巢梧桐堆堆全體乾坤裡左撥右轉不在機
鋒密密滿心天地表破眼穿耳不關春冬碌碌仙
仙通用眼處處步步皆在其中驪珠擊碎草芊忡
連玉瓊葉宛似飛龍且道畢竟如何靈通良久曰

◆通一作透
◆深一作沈

◆一無日子
下同

寒雲一點涼月半空兼葭風靜河漢月中

上堂因有僧出衆問記得大陽和尚有三句還許學
人請問也無師曰舉龜拂拈兔杖答問無私出來僧
曰白雲覆青山青山頂不露如何是平常無生句師
曰蘆月混遍偏裡正僧曰寶殿無人處梧桐不植時
如何是妙玄無私句師曰深深金殿待猶空僧曰一
手指空時石馬出紗籠如何是體明無盡句師曰門
裡綠苔重又新僧曰畢竟作麼生師曰洗珠瑞雨梳
柳祥風僧曰引得黃鶯下柳條師送曰十年磨一劍
霜刃未曾試師乃有總頌曰路斷無依著滿船乘雪
月夜午不相關全體蹈金鐵唱出歸家歌恣吹還鄉
曲從斯野子夢徒爾難分節

霜曰路斷無依著一到不疑地滿船乘雪月蘆客
絕慮知夜午不相關別得壺天氣全體蹈金鐵丈
夫自忘志唱出歸家歌從來離角徵恣吹還鄉曲
脫本非道理從斯野子夢一任泥塵地徒爾難分
節泯然忘理事且道畢竟如何呈似良久曰寒梅
一點笑南枝

鈞一作鉤

上堂因有僧出衆問記得翠岩和尚有四句冀聞其眞要師曰何一一不通來僧曰猿呌嶺上聲入雲中如何是轉位就功句師曰銀河波一鈞僧曰鶴唳林頭翼出檻外如何是轉功就位句師曰月宮光萬潭僧曰天海一色殺氣到來如何是功位齊顯句師曰位裡出頭來僧曰花色破春千朵不留如何是功位俱隱句師曰此去北天高僧曰幸蒙和尚示誨瓦解冰消去師曰這箇是口傳信受底樣子師乃有總頌曰轉功就位獨看古風再通消息轉位就功功位齊顯千岳萬峯又轉春芳俱隱位功畢竟不用頻弄萬工

霜曰獨看古風萬里絕同再通消息潛來舊功千岳萬峯處處猛翁又轉春芳劫外花紅頻弄萬工所得偏空良久曰雲松侵月夜明瓏

上堂因有僧出衆問記得宏智祖翁有四借冀聽其妙要師曰花須連夜發不待曉風吹僧曰同中有異借功明位時如何師曰蘆花隱舶僧曰異中有同借位明功時如何師曰青山慕雲僧曰吳中同同中異

借借不借借時如何師曰澄潭月落澄水雲起僧曰不用異同異中異全超不借借時如何師曰方外誰敢爲度量僧曰混然事作麼生師曰超方者委焉師乃有總頌曰祖翁四借吾門事密密踈踈著眼視位裡有功隱裡顯功中有位弟中師功位不須功位外主賓不揀主賓機偏正回互沒分曉樵子笠穿戴月歸

霜曰密密踈踈著眼視踈細難分位裡有功隱裡顯功位潛分功中有位弟中師深淺密分功位不須功位外君臣道合賓家不揀主家機偏正相合偏正回互沒分曉佛祖不合樵子笠穿戴月歸千聖共合良久曰天明海暮清波合

上堂因有僧出衆問記得曹山和尚有四禁語學人如何商略師曰問在答處答在問處僧曰步步無分外心心沒異同不行心處路時如何師曰肯即是僧曰海深南北山上東西不掛本來衣時如何師曰落頭空僧曰月當松梢雲滿寒場何須正恁麼師曰坐黑瞎僧曰混沌未分半夜更深切忌未生前師曰著

鈞一作鉤

真空僧曰畢竟向什麼處安身立命師曰南岑風隣北山松西暮日昏東海空師乃有總頌曰不行心處不盡凡心若於心處見於凡心不妨箇箇了得心心不掛本衣不著元裳自求本衣再裝元裳不用人人會取堂堂何須正當何坐空床正當恁麼尙在虛旁切忌未生坐妙路方如起歸信更堪厚賞畢竟捨去一樹花香

霜曰不行心處路別求異心路若能如是見破家失本路不掛本來衣須令有悟路自求凡境心更無新到路何須正恁麼猶有不轉路若不離斯家獨坐頑空路切忌未生時父母不知路於斯不歸來終不得活路良久曰荷樵瀟灑歸家路

上堂因有僧出衆問記得投子和尙有三器學人未明請師甄別師曰試問看僧曰直以格調妙奏奇曲上正之器如何見師曰向上人而始得知僧曰以妙手將彈玉調中當之器如何見師曰與諸佛齊肩初會僧曰實以活眼見破天容下偏之器如何見師曰今時虛廓方通達僧曰學人分上事已知主家活計

釋一傳

以上一有
玄字

旨一作師

事又如何師曰碧眼胡僧曾未識黃頭老子又難諳僧便禮拜師曰且去師乃有總頌曰上正之器根密密而難言中當之器要了了而幽玄下偏之器見明明而滿天學人分上事紛紛而不玄主家活計事寂寂而不傳

霜曰千聖也不傳上正之妙器諸佛共授傳中當之真器人天普見取下偏之玄器禪子之三昧不出於三器宗旨之精要不在於孤器良久曰雲月出樓頭雨水回萬器

上堂因有僧出衆問記得疎山大師有三路未審其旨如何師曰吾望子也久僧曰端的難分如何是一路滑如苔師曰三世諸佛忙忙徒弄蹤僧曰學人如何會去師喝曰忘前失後漢僧曰步步踏雪如何是簇花簇錦路師曰一如本不如蘆雪混天水僧曰莫是法身邊之事耶師曰自己之真功是須徹底到僧曰深密難入如何是荊棘叢林路師曰山上萬天外到者未曾有僧曰和尚却到也否師曰賓主相忘處是須透頂到僧曰一一祇對既如此物表作略又如

何師曰山中一箇主人公不落正偏絕異同師乃有
總頌曰不覺踏過鐵關悠然穩坐月蘆寒別得妙
方更難到巍巍頂相若當看

霜曰不覺踏過鐵關滑如苔平絕居留悠然穩
坐月蘆寒簇花簇錦淨滿洲別得妙方更難到轉
身荆棘林頭外巍巍頂相若當看鐵眼正開盡報
酬良久曰花容散嶺上月色落潭底

二
下有不圖

上堂因有僧出衆問記得洞山和尚有三滲漏一一
祇對又如何師曰是是僧曰機不離位墮在毒海作
麼生是見滲漏師曰坐著後切忌滯留僧曰高處偏
枯情境滲漏作麼生是情滲漏師曰白雲功作切忌
坐僧曰體妙失宗機昧終始作麼生是語滲漏師曰
句句道著切忌用僧曰畢竟而何人分上事師曰
滲漏而始得師乃有總頌曰高高而獨坐便是見滲
漏寥寥而氣淨正是情滲漏明明而神露悉是語滲
漏畢竟同混處從古絕滲漏

霜曰高高而獨坐是通玄峰寥寥而氣淨便是自
已風明明而神露正處處通畢竟同混處悉是真

一
無便等
三字下同

空從古絕滲漏人眼主翁便良久

上堂因有僧出衆問記得九峯和尚有三句未審學
人聞得麼師曰幸是曹溪門下客僧曰先賢難道如
何是不傳之傳句師曰你是傳底漢僧曰果然和尚
也傳底師曰老拙知之有分僧曰古聖不携如何是
不妙之妙句師曰語是妙底之法僧曰果然說著也
妙底師曰貧道見之有眼僧曰祖佛不明如何是不
真之真句師曰見是真底之色僧曰果然視破真底
師曰野翁聞之有耳僧曰畢竟而不傳不妙不真時
如何師曰這箇是傳妙真樣子僧便禮拜師曰罪過
彌天師乃有總頌曰不傳之傳句先賢也不傳佛祖
未出興早是有付傳不妙之妙句古聖也難宣黃頭
碧眼老如何及言宣不真之真句人天未生前若以
言道趣只徒在目前不傳妙真句三世不變遷畢竟
道人眼萬歲絕易遷寥寥而本傳不傳之傳明明而
今妙不妙妙玄密密而深到不真真玄畢竟道人眼
億劫不異遷

霜曰不傳傳底眼不妙妙玄眼不真真處機畢竟

一
下有不

一
下有不

道人眼花開枯木眉風睡綠楊眼波穿天上星水
清月中眼不用人間風深深眠磨眼便良久

上堂因有僧出衆問記得香林和尚有五語未審學
人如何商量師曰何不問話僧曰舌上無言如何是
無說之說師曰舌頭談而不談僧曰青山破色如何
是無立之立師曰不守空王殿中僧曰深潭波生如
何是無顯之顯師曰澄潭深處見魚僧曰無出之出
白馬踏雪此意又如何師曰未與人天相見僧曰無
生之生眼未見色此意又如何師曰父母所生眼睛
僧曰畢竟如何見得師曰雲徑路遙風林竹吟僧曰
是什麼章句師曰龍躍萬年松虎來千古石師乃有
總頌曰參得五語功勳始成有時不說恣口說行有
時不立空失妙正有時不顯纔一氣生有時不出獨
來水清有時不生未開眼睛畢竟見得連天曉星
霜曰長安夜夜家家月幾處笙歌幾處愁不說不
生何物氣將來相見是都秋一一輪光千岳意數
數天旭萬龍流可知脫體儼然眼藻海波濤回十
洲良久曰銀浪如珠江上頭

上堂因曰記得靈山會上百億衆前當時世尊拈華
瞬目衆皆無措只有金色頭陀破顏微笑世尊曰吾
有正法眼藏涅槃妙心實相無相微妙法門教外別
傳不立文字分付摩訶迦葉至末世而莫令斷絕矣
此時便當法華以後涅槃以前迦葉受於世尊金襴
袈裟便歸舊容園諸禪德且道是因什麼道理豎起
拂子曰衆中還有迦葉也縱笑得只是相似底師乃
有頌曰黃面手中花一枝頭陀微笑識人希人天百
萬共尊貴何不打頭勘座師

霜曰金色波羅黃頭點花飲光笑暖當下呵呵
上堂因曰記得迦葉尊者一日自蹈泥子有沙彌來
致問尊者作什麼尊者曰蹈泥沙彌曰何得自容易
作尊者曰吾若不爲誰與我爲沙彌默然而退尊者
便蹈泥子諸禪德且道因什麼機用自撫掌而曰獨
掌不浪鳴天地無私曲自參自到處古今難密時雲
衆如何商量去師乃有頌曰蹈泥運土自參機取足
展掌自到奇箇箇須應會轉撥真燈破夜意光微
霜曰尊者蹈泥老衲撫掌畢竟作夢好笑一場

上堂因曰記得梁武帝皇朕太子問圓覺初祖曰朕卽位以來詰詔化國建寺度僧功德多少祖曰無功德帝曰以何無功德祖曰此是人天小果有漏之因如影隨形雖有非實帝曰然則如何是真功德祖示曰淨智妙圓體自空寂如此功德不以世求諸禪德畢竟如何履踐得去良久曰眞功德清淨本然乃有頌曰武帝功德人天果圓覺無功眞到心清淨本然誰會得碧蘿深鎖古山岑便下座

霜曰祖室光明廣劫圓成大唐天子眼目不清

上堂因曰記得曹溪大師道菩提本無樹明鏡亦非臺本來無一物何處惹塵埃青原和尚曰恐先師猶帶箇消息在石頭和尚問得方好不用消息禪室曰兩員古佛諸禪德如何領覽拈拄杖曰還見麼乃有頌曰曠劫無塵世界中恣吹野曲晚來風看看本來無一物滿山雲樹雪花紅

霜曰處處靈通獨付盧公傳衣夜月渡江曉風

上堂因曰記得雲巖和尚曰無情說法有情聞得海鳥樹林念佛念法洞山和尚曰也太奇也太奇無情

●青一作
清

說法不思議寂音尊者曰幸有燈籠露柱在諸禪德若將耳聽聲不現眼處聞聲方得知畢竟而作麼生乃有頌曰明明梵音海潮音青勝彼世間音雨則慧曰破諸闇日則名爲觀世音

霜曰箇箇觀音處處普門無情說法不在獨尊

上堂因曰記得大陽和尚曰可憐可悲今時師僧徒打睡夢更無悟入若要發明莫論年歲老僧數日偏求法器大眾又如何諸禪德實哉斯語眞可報恩且道悟入發明處諸人如何得乃有頌曰可憐多客滿堂僧打睡送時亂佛承悟入至今無一箇驚頭端的盡三乘

霜曰驚頭一轉你如何看三乘分別不是禪關

上堂因曰記得芙蓉和尚道妙唱不干舌死蛇驚出草解針枯骨吟鐵鋸舞三臺諸禪德這箇四轉語如何商量有時利利塵塵處處談不勞彈指善財參空生也解通消息花雨岩前鳥不含有時日炙風吹草裡埋觸佗毒氣又還乖暗地若教開死口長安依舊絕人來有時死中得活是非常密用佗家別有長半

夜燭骸吟一曲水河紅焰却清涼有時不落宮商調
誰人敢和一場伯牙何所措此曲舊來長此是芙蓉
語底老僧又有四偈乃有頌曰

妙唱不干舌 如如寂滅自無情一句從來本見成
舌運廣長元不間雪峯相見望州亭

死蛇驚出草 金鞭遙指玉堂寒驚起將軍夜出關

三尺鎮鐔清四海撻槍一掃絕癡頑

解針枯骨吟 宮漏沉沉夜色深燈殘火盡絕知音

木人位轉玉繩曉石女夢回霜滿襟

鐵鋸舞三臺 鐵牛無角臥山坡鞭起如飛見也麼

關市橫騎人不會擡頭鶴子過新羅

霜日妙唱不干舌通言語道中死蛇驚出草功盡

轉威風解針枯骨吟位裡開花容鐵鋸舞三臺物

表脫空空畢竟如何見萬水漾千峯

上堂因曰記得先師宏智和尚有五轉位匣裡青蛇

吼金針去復來秦宮照瞻寒五天銀燭輝深岩藏白

額諸禪德如何商量老僧便有五偈乃有頌曰

匣裡青蛇吼 寶劍橫斜天欲曉洗淨魔佛逼人寒

●陸陸一作
陸陸

●一作
一作

匣中陰陰光生處褫子徒將正眼看

金針去復來 清虛大道長安路往復何曾有間然

暗去明來鋒不露渠儂始不墮中邊

秦宮照瞻寒 岩房閨寂冷如水妙得冥符處處靈

轉側依忘功就位回頭失却楚王城

五天銀燭輝 五天皎皎玉輪孤一轉光分鑑五湖

闊步却來游幻海十方沙界大毗盧

深岩藏白額 白額藏岩烟霧昏冥中來也自驚群

草深直下無尋處觸著輕輕福到門

霜日匣裡青蛇吼一花開劫外金針去復來出入

無分外秦宮映瞻寒月落白雲外五天銀燭輝大

地全無外深岩藏白額鐵漢寄戶外畢竟是什麼

夢得風塵外

上堂因曰記得新豐禪師有五位正中偏偏中正正

中來兼中至兼中到諸禪德試辨看亂位次不得謬

言句不得老叟有卑頌大眾如何商量乃有頌曰

正中偏混沌初分半夜天轉側木人驚夢破雪蘆滿

眼不成眠

偏中正寶月團圓金殿冷當明不犯暗抽身回眸影
轉西山頂

正中來帝命旁分展化才杲日初昇沙界靜靈然曾
不帶纖埃

兼中至長安大道閑遊戲處處無私空合空法法同
歸水投水

兼中到白雲斷處家山妙撲碎驪龍明珠崑崙入
海無消耗

霜曰正中偏迴壺天偏中正入理轉正中來君位
實兼中至臣相儼兼中到不立賢混融處離妙立
吾門事付受氣冷海上碧波船

上堂因曰記得文殊問維摩大士如何是菩薩入不
二法門大士默然矣雪竇道維摩道什麼古德曰莫
道當時默然方知洪音如雷諸禪德且道是何事良
久曰三十年後有人聞不用以聲入耳中乃有頌曰
淨名大士口如盆一默無端擎雷雲十聖瘦然居足
下三賢了爾失全分飄飄而出溪風骨濯濯而清月
水紋天外孤松峯頂聳晚樓霜雪夢猶昏

晚一作曉

于一作示或
作子

霜曰天上有銀河池邊無鐵花維摩文殊老不奈
于渠何當時一默處別後千年訛惡水潑薦面寒
雲籠破家

靈竺淨慈自得禪師錄卷第三

靈竺淨慈自得禪師錄卷第四

示衆曰山僧這裡有一物看時有還覓時無是什麼
雖然恁麼也滿眼滿耳通身手眼故經曰父母所生
清淨肉眼眼見於三千大千世界拈起佛光普照之幡
纒盡凡見不明之陣還有人勝得者麼若是大丈夫
漢鐵輪旋頂上定慧圓明終不失若又未了漢須知
有別生涯山僧曲爲諸人有豎拂拈杖據實而論皆
是剃底法畢竟如何體悉去也昔委謬向途中覓今
日看來火裡冰

示衆云曠遠而無涯明淨而無垢這田地亘徹古今
透脫生死也所以道心王不動八方通清淨分身元

一無元字

不分了立而絕朕兆浩密而離色偏直到此處無無方不動惺惺皓皓如如密密還見麼若於此透徹許汝作活計若未然奈何目前生死故經曰若悟正法眼藏則是眞佛子未得謂得者可招地獄業須知多處不如少實吾又論實不論虛諸人又作麼生委悉去也欲得忘形泯蹤跡努力慙慙空裡步

在一作存

示衆曰衲子三昧眼視東南意在西北全非常情之所測學人著力心在深潭釣擲波底若能了得君子上龍床太平賀此辰獨發無師自然智正見無證一切智故經曰諸佛念衆生衆生不念佛方知佛度凡夫時凡夫度諸佛至這裡龍蛇混雜凡聖同居自入法界之性獨觀世間之相性相了然無有二諸禪德如何商量去也葉爲風多落花因露重傾

在一作聖

示衆曰一念及盡底漢千人萬箇中一人難得淵源透徹底漢萬箇千人中一箇難逢且道爲什麼恁麼只求枝葉爲不知根株過在什麼處從前未了此時意今日分明看取來若有箇漢出來與你相見直取乾坤七尺杖自旋天下任足行無一物也纏遶脚跟

一箇了事衲僧諸人還怎麼也未故經曰三界唯一心心外無別法心佛及衆生是三無差別如何得與麼透徹去也星拱北矣水朝東

示衆曰明明而無私曲皎皎而有眞照也縱徹底恁麼也只是獨在之照也未向上關板子風波滅盡心海如如心海盡底始見驪珠還會麼了了時無可了立立處直須呵此是山僧不知好惡底語明眼人前不免一場笑諸人如何體取經曰佛心不思議非凡情而妙若能如此見得有少分相應分還委悉麼月朗高天水寒曉潭

示衆曰山僧苟見今時師僧或豎拂拈杖說心說性或掩室杜詞絕是絕非或橫行天下掀倒禪床喝散大衆或覆藏朕迹罵辱諸方舉却他事畢竟是什麼道理至這裡一點用不得皆是杜撰漢雖然與麼也老僧又兼身在內正得人怪笑如何免此過去也海自深山自高

示衆曰一段宗要亘今照古曾無欠餘在天同天在地同地體用賓主處處自在入神通游戲三昧開大

脫空之法門到這裡見紫磨金色軀一智如一如
智智故經曰一切智智清淨無二無二分無別無斷
故諸人者如何見得去也恁麼也得恁麼也得恁
麼不恁麼總得畢竟如何委悉棒頭挑日月掌內握
乾坤

示衆曰稜稜而月冷皎皎而潭清縱恁麼行履也未
夢見在直絕功勳事正到隱密地正當與麼時通身
合大道君臣道合時令誰人識得吾家家法密密現
成浩浩相應還歸來辨取麼風月夜寒鶴夢孤

夏一作僧

示衆曰老叟見今時道人都盧無相應樣子何故如
此或接心令澄中或取念令入定皆是造作底漢子
也據實而論全非自家屋裡主人公若能要見取此
人須轉此無心境豈無相委分手故經曰初心菩薩
入三昧猶未除斯三昧事又經曰勞慮永斷得法界
淨卽彼淨解作自障礙須知別有深心大德如何恁
麼得履踐去及盡白雲功精到青山頂
示衆曰衲僧家自到自見正到自證之田地親見自
然之所處然後在彼同彼在此同此彼此相應而無

亦一作又

分響處淒淒屋後風颯颯寺前松無心而能作用作
用亦自然無心故經曰雲駛者月移船行者岸運以
何故岩雲輕弄谷響遠幽是誰境界子細點檢將來
皆是按排且道紙衣下衲僧如何行履雲晴月出光
水冷潭懷珠

示衆曰三句之外徹去六句之中會取直透萬重關
不住青霄中先了却那邊却須這邊行履何故不因
今日事爭話昨夜夢恁麼參到徹取而自由自在衲
僧若未然爭奈與鐵棒何還吾平生粥飯來故經曰
若不見佛知見未出凡夫境若悟入佛知見不出三
界出貪瞋痴一句了然道著分明許你作大活計畢
竟還恁麼也公私分曉長安道

示衆曰大乘妙法蓮華經字字含玄感應新舉起一
卷玉軸則瞿曇鼻孔人人皆取手裡拈取一經太意
則諸佛正眼箇箇悉在心中絲毫許無移易毛髮許
無滲漏故經曰一切治生產業皆與實相不相違背
若恁麼大地有情悉是同時成道作佛去且道誰人
如此頭長三尺頸短二寸

示衆曰教意親參祖意正到祖意親參教意正到祖教不二意句無別雖然與麼實到此田地始得若未到切忌舉教拈祖知趣能有幾人故經曰此衆無枝葉唯有諸貞實增上慢人退亦佳矣若然向上一路千聖不傳是向上人而應辨得初心未改還同後心則又何愁不會人人須是發悟諸佛中未了漢名衆生衆生中了義漢名諸佛所以達磨大師曰直指人心見性成佛如何是正當恁麼時教外別傳不立文字畢竟恁麼去時如何道著月落波心碧潭空

示衆曰左邊作群右邊成隊面前如麻後面似粟畢竟而這裡是什麼所在天上天下唯我獨尊誰道未太平正當獨尊時滿溝壑何處不太平時節故經曰性自平等無平等者所以祖師曰須彌山及鐵圍山皆是一法所印森羅及萬象悉是古佛身現如何得去月當松頂露沾襟

示衆曰須知佛國三千界祇在吾皇一化中四海烟塵淨六合一家昌故曰帝力山岳重君恩雨露深正當恁麼時曇花一朶再逢春宛如臘月蓮華相似諸

人若欲知佛性義須觀時節因緣時節若到其理自顯何各不進取所以經曰晨走夕步無處不到你諸人如何辨別去把須彌鎚打虛空鼓

示衆曰萬里長天無生無心浮雲消散太虛朗晴還見得耶若能見得許汝報佛恩此箇消息三世諸佛歷代祖師也全提不起爲什麼恁麼還會麼山僧也說不得何故山高不礙白雲飛竹密不妨流水過且道問諸人端的也未何不聞取至這裡達磨不會大難大難

示衆曰只箇相應時節如地擎山不知山之孤峻似石含玉不知玉之無瑕到這裡無辨白處無湊泊處絕蹤跡絕對待是衲僧自到處是學人自證處是三世諸佛底是六代祖師底各各分上曾不欠歇是箇什麼古德曰雁過長空影沈寒水雁無遺蹤之意水無沉影之心若能如此是真出家未然痛喫白棒始得少分相應還會麼荊谷清泉洗白玉太華杲日照清川

示衆曰山河大地日月星辰各磨一面之古鏡各洗

三餘之閑眠諸人與我相見還有磨古鏡底手段麼
大眾若有道得者出來我爲你證明苦哉自朝至夕
口喃喃地說是宜非更無休歇之時節是什麼用處
只管喫飯飲茶開眼寐語可憐打睡夢漢幾時得醒
醒去也謹申學道人光陰可惜歲華似流生死事大
無常迅速山崩成海淵變成瀨諸法各無常何不進
取去還會麼五蘊身全尙不識百骸散後何處求

示衆曰恁麼田地恁麼做處到得而妙至得而玄撥
得轉幹得開衲僧轉身處諸人悟入門還見麼要見
卽見更莫擬議若於此撥得許汝具正眼不恁麼處
不恁麼時三世諸佛也說著不得六代祖師也提起
不下至這裡如如玄玄深深密密透頂透底承當擔
荷若能如是是把握不住漢去在如何得恁麼不恁麼
底道理去却雲中千古處來却江上萬水邊還有知
音耶嘉頭一點莫道不道

示衆曰豁開向上一竅千聖齊立下風到得這箇田
地裂開也在我捏聚也在我天地同根萬物一體底
漢此時橫足佗方世界移身須彌頂上有时坐菩提

樹下開金剛眼有時向鐵圍山上側堅固耳且道此
人具何面目子細商量何故全身活卓卓通體明歷
歷畢竟如何釋迦在前彌勒在後

靈竺淨慈自得禪師錄卷第四

靈竺淨慈自得禪師錄卷第五

師初參見天童宏智禪師問曰如何是舌上妙味智
曰此是甘露門師曰還出入否智曰來往不遮師曰
爲甚在人口中智曰見聞之妙超彼聲色師便禮
拜智曰近日離何處師曰和尚不知乎智曰且在這
裡談話師便歸客位自此依止十七年從天童至長
蘆而請師主首座衆皆異之矣

師因到徑山見了和尚問曰井底蝦蟇吞却月三更
不借夜明簾意旨如何了曰你還體得麼師曰吾是
所生身爭怪得和尚了曰親見作家來師便作禮了
曰今日始逢人毒手

師因到大洪見顯和尚問從上諸聖未曾爲人說著和尚又作麼生顯曰老僧又恁麼師曰奈何這箇顯曰任嫌著師曰若如是學人見伊無分乎顯曰且坐而喫茶師曰什麼心行顯呵呵大笑師乃作禮

師因到石門見聰和尚問曰至一氣以後而機前承當時如何聰曰蹉過了也師曰和尚蹉過某甲蹉過乎聰曰老僧罪過師便禮拜聰曰他不受人禮師曰道什麼聰笑然矣

師因到雲居見西和尚問曰某甲兼聞和尚不會禪是也否居曰是師曰爲什麼不會居默然師乃歸知客寮西令侍者送偈曰雲居不會禪洗足上床眠不覺枕头落打破常住顛師開見乃有答偈曰和尚不知禪困來便打眠泥牛喫水草木馬咬瓦顛侍者持偈呈西西曰是什麼侍者擬開口西乃打侍者於此忽然大悟師聞得曰可惜痛棒放過

師因到蔣山見照和尚問曰了了無悟法爲什麼有付受山曰無悟法故師曰落在什麼處山曰喫茶去師曰猶不逃金鎖之難山乃休師乃作禮

師因到法雲見仙和尚仙曰何處來師曰自足下來仙曰足下多少人師作蹈勢仙曰蹉過也不知師曰果然果然

師因到夾山見勤和尚問曰和尚得臨濟佛法至今住此山如何是自家底眼勤和聲而便喝師曰某甲被和尚一喝勤曰見何人來師曰天童覺和尚勤曰恁麼不作家師又和聲乃喝勤曰真獅子兒能獅子吼師拂袖出去

師因到雪峯見如和尚如曰來往客何處來師曰自天童來如曰將得何物來師揖曰看如曰勘破了也師曰露露如打掌曰草賊大敗師曰是老賊如曰天童有何言句示徒師曰和尚又如何如曰賊心未除師曰果然果然如曰還吾一句子來師便作禮

師因到靈隱見性和和尚問曰如何是洞上家傳性曰偏正曾不離本位無生豈涉語因緣師曰此是傍參邊事如何是向上一句性曰不見異類中行耶師乃作禮性曰不是異類中行麼師乃微笑而去性曰且在這裡喫茶著

師因到育王見禪和尚禪曰近離何處師曰靈隱禪曰還見性禪師麼師舉前話禪曰回互宛轉則不無老僧常用箇手段別有人不肯師曰是何人禪擬開口師曰早是外人禪不覺吐舌師曰請和尚一兩則禪曰逢知音稀師曰忽有人問和尚如何祇對禪默然師乃禮拜

師因到金山見青和尚問曰如何是祖師西來意青曰此是祖師西來意師曰別有一句也青曰莫妄想師曰慚愧青曰少林妙訣何人受傳來師曰不墮教經者青曰你又如何師曰此是功行之事青曰是是師曰謝答話

師因到雲蓋見靈和尚靈曰何處僧師曰近離金山靈曰金山法道如何師展開兩手靈曰是什麼消息師揖曰和尚不知字靈曰謝你箇答話師曰謝即不無爭奈那箇何靈曰將得那箇來麼師澄然去靈曰不是不是師再不言

師因到開福見寧和尚問曰如何是父母未生前本來面目寧曰你是禪和子師曰是什麼用處寧曰堵

下有盤石一片師乃作禮寧曰侍者點茶來與尊賓師和聲乃喝寧曰用賊爲什麼須喫茶去師曰某甲罪過寧乃歸方丈

師因到大慈見翌和尚翌見師來面壁而坐師乃打侍者三掌侍者呵呵大笑師曰見與師齊減師半德智過師方堪傳授其問甚諦當侍者無語翌回首師曰龍頭蛇尾漢翌曰雖然與麼子細商量師曰一見更不用再見翌曰太廳生師曰和尚又如何翌良久師推倒出去翌曰三十年來未曾逢如是作家

師因到百丈見明和尚明曰此山嶮峻無人到子爲什麼得到師曰三千里外知有和尚故來而已明曰把茅蓋頭老僧用底師曰恐是和尚掛唇吻明曰錯師曰和尚慈悲許一句明曰錯師曰錯錯明乃歸方丈師乃出去明又令侍者曰今日稍晚矣且留一宿師曰還許一句也否乃出去

師因到天台見慈和尚慈曰何處來師曰百丈來慈曰謝你遠來師曰非遠近底事如何慈乃喝師曰落在什麼處慈又喝師乃喝慈曰甚是作家師曰慳良

莫成賤慈曰仰之彌高鑽之彌堅師曰謝和尚印可慈曰正是實語

師因到五臺禮文殊有院主問上坐爲禮他爲禮自手師乃禮文殊院生呵呵大笑師以坐具劈面擲院主吐舌驚師曰不丈夫院主乃作禮師曰不丈夫院主休去師乃去

師因到義嶺禮普賢有院主問何處來師曰五臺來院主曰太高生太高生師曰爭敢辭勞院主曰行脚多少時師曰五年院主曰不關往來是什麼物師以掌打院主面院主微笑師乃休

師因到補陀岩禮觀音有院主問近離何處師曰峨嵋往來之客院主曰峨嵋還有普賢麼師曰面目堂堂院主曰年多少師曰被院生一問通身汗流院主迎師歸院令宿師曰院主參見何人來院主曰吾曾見佛果和尚來師曰親參見作家院主曰如何是作家手段師乃打院主主乃作禮師又打院主曰一十二年住此山未曾逢正師今日始逢作家師因到一庵主庵主問曰來來去去作什麼師曰

著庵主鼻孔來主曰老僧鼻孔如何蹈著師乃與一掌主乃喝師曰瞎漢主曰慚愧師乃問訊

師因到峯庵主處主曰老僧夢見參洞下大尊宿正當昨夜子時也今朝見上座子甚奇怪師曰癡人面前莫原夢主曰原看原看師乃展開兩手主曰如是如是

師因到瑩庵主處問曰和尚何不出世主曰老僧不用出不出邊事師曰如何是向上玄路主曰千聖也道不得師乃作禮而去

師因到義庵主處問曰如何是庵中主人公主揖曰坐客位師曰今日始逢禪子主曰你作什麼來師曰一物不將來主曰這箇誓師乃休主曰喫茶去

師因到棲庵主處主曰淨慈雲衆久望師來未請主宰師曰何故如是主曰長蘆了和尚天童覺和尚兩員古佛共作證明故師曰吾五年間得二師授記行脚而已未曾疑著主曰和尚早歸天童若歸便得淨慈請主師曰到也只客邊事主曰主事又如何師良久主曰猶是兒孫邊師曰果然主乃作禮

靈竺淨慈自得禪師錄卷第六

育王萬庵和尚下火

師舉起火炬曰萬年一壽靈松下菴外玉欄人不到
這箇性空火裡水即今爲孰秋容好剝却身心向去
則識蛇撥草歸天上及盡功勳轉步則心馬著鞭超
萬象畢竟如何道著去赫爍火星飛妙相以火雲圖
相鄰曰盡大地中無達者寂光明土味真性

天童古泉和尚下火

師舉起火炬曰從古難言火裡清泉三世諸佛未曾
受傳趣向位則妙容儼然退步機則白日青天回互
宛轉期應衆緣這箇手段自遺古泉和尚即今臨行
一句作麼生道宜火曰十方無別三世莫遷

淨慈妙正和尚下火

師舉起火炬曰理妙一段亘古今正偏回互該深心
夢回石女鳴梭夜氣愕木人握印晨清磨鸞鑒石虎
出幽景林膠續斷絃玉龍上碧蘿岑這箇作略且置
即今妙正大和尚玉機撥轉一句子還有人道得底

真一作者

麼火其久日秋月連枝環玉金草露沾衣孤客襟

蕲山奇傳和尚下火

師舉起火炬曰奇特商量今古稀傳來派脉弄玄微
須知脫體卓然道佛祖未曾知此機且至這裡生也
不道死也不道諸人要知落處麼火曰火裡曇華
朶朶奇

芙蓉傑和尚下火

師舉起火炬曰奇哉一箇萬人傑庵內主翁是妙訣
君看秋風清夜天孤輪無垢雲中月正恁麼時玉氣
轉位功勳迥絕金針照夜線路方別還有即今一句
也未誰知火宅中火曰萬里一條鐵

立本首座下火

玄機密轉本位廓真妙明田地劫外之春靈照心處
本法之真且道是誰分上事立本首座平生作略即
今契親一句山僧如何道取去火曰三千里外絕
知音

了照首座下火

了然一句彌滿萬天本源真照不受傳也太奇兮不

可得太高生矣。不變遷到這裡道著不道著。曾不言宣且道了。照首座即今行履如何。委悉。火日木人。擡脚獨駕鐵船。

靈仙首座下火

靈山一會獨許迦葉。曹溪路上正得青原了了玄處。付在乾坤諸佛正眼。自隨脚跟且道這箇靈仙首座。臨行一句如何。道著去。神仙妙訣。父子不傳。火日風生於孤枕。香起於返魂。

祐密首座下火

華枯得年。開放春密。傳陽色絕疎親。羅機密用該功。位回互。傍參屬滿身。此是祐密首座從生。至老底。據子山僧有一句子。即今相送。火日身如冷水。心似松椿。

法眞首座下火

法法不隱藏。古今常顯露。眞絕比倫。歸劫外一路。是也不請到非也。不了悟。至這裡還有隱身處麼。威音未與前曾絕却。照順法眞首座得力一句如何。道著。火日山前日暮無來去。

總領一作知
如滅泊泊

慶實書記下火

慶實撰修多羅藏。如來滅後挑眞燈。定光古佛獨許。汝衆寶光。贊佛法僧。且至這裡如如了了。清清澄澄。燦燦煌煌。伯伯登登。還會麼。火日三世諸佛都難承。

妙用書記下火

妙用無窮。萬里絕同。河沙諸佛。你在口中拈一幅紙。則記得玄沙之家風。舉萬古經。則持著阿難之談空。一一清淨眼。一一眞如通。即今如何。道取。火日盡盡。萬谷水颯颯。億年松。

梵言藏主下火

十方婆伽梵。一路涅槃門。入得分明者。須是報佛恩。大經卷之外。無二便。獨尊字字。廓通處言言。付受論。且道梵言藏主。轉步底一句子。如何。道著。火日無限曉。潭月光分。萬里昏。

慧明藏主下火

智慧光明。照世界。亘古騰今。發清輝。摩尼藏裡得提。起四十九年說一機。此是慧明藏主平生行履。即今

轉身處曾有一句麼。火曰：寶劍霜刃逢知人稀。

宗仙菴主下火

宗旨之淵源仙道秘藥芝曾不得於父，都不傳於師。知之謂之聖，見之謂之知。這箇仙庵主六十七年裡，爲吾連理枝，卽今捨吾去劫外得逢伊，畢竟如何道。火曰：清秋露如玉，潭水月沉時。

法遵菴主下火

法從空處起，人向裡頭參。遵世之真，要覓菜之茹菴。且道豎拳之樣子，一問自清嵐。卽今庵中主何處在。火曰：前三三後三三。

洞真知客下火

幽洞無涯玄妙全，真通身活卓卓觀面故親親。獨題三昧之宅，自見劫外之春。這箇是洞真知客平生用底，臨行一句又如何。火曰：隨吾三五夏，日夜耕來賓。

宗麟侍者下火

宗說相通一氣契，同稀如麟角貴似鳳龍。直向三呼聲裡而正逢，三喚句中龍得國師真付囑。知南陽一

生一作常

真一作委

真一作委

禁一作樂

新一作觀

體委一作委

期風這箇宗麟侍者不用事，負不論笑容直去難識。直來難通畢竟如何。火曰：物外獨騎千里象，萬年松下擊金鐘。

清信監寺下火

清淨法身終勿垢，成心作識絕功動。從來處廓通方眼，夜子滿船騎白雲。正當恁麼廓通，尅清信監寺平生要又臨行一句子，畢竟如何。體委：以火臺圖相繼。日新送故國一開文。

理證典座下火

至理無名真證有，行白雲斷路青山色。清九度辨洞山之精，三回到投子之庭。雪峯手段後人範，靈且道理證典座。卽今履踐又如何，荆谷光分後石玉自瑩。瑩。火曰：木人半夜語不許外人聽。

臨安府王常侍玉田居士下火

王輪轉位田地幽深寒光照，徹月落波心運得淨名不二門之雷。卜著毗耶獅子窟之座，續於孔老百年之踵。知於學場三千之金，且道到這裡玉田居士四十二年令制似天日月行禁，如地雨霖畢竟臨行立。

機如何道著去。擲火曰：故人夢醒後愁意可難禁。

興陽府尙書敏聰林居士下火

聰明大士雙林法王。人世游事。獨守興陽。行令於四海。則無處不正。展力於十方。則無語不當。入三昧知應現契妙清光。分神通聽語信精理。靈方到這裡。聰林居士平穩一句。如何道。擲火曰：君臣合道處。寒月入池塘。

靈一作要

明州太守刑仙相國祐普居士下火

天理無私。公祐分明。普照不照。洞然醒。醒無邊出入。獨朗利名。無碍坐臥。自鑒經行。明州爲守。則橫按寶劍之一匣。穩收東天之亂。帝城宣勅。則每持尊言之三。閣嚴於北州之制。直入少林。一九室正出。天童千歲。京且道這箇是祐普居士五十二年作略。卽今臨行一句。如何提携還會麼。以火畫圓相曰：圓通無處。手眼了爾。全身清清。呵呵大笑而曰：天上人間見火星。

醒一作星

於一作放

坐一作雲

紹興二十九年己丑。晏坐自讚與石霜明總禪師其語曰：

身一作言

奇哉妙相。現神通尊矣。立容絕異。同位上青山。無處頂功清蘆水。有松風龍子生。龍湛水月。鳳兒孕鳳白雲中。分賓分主。七旬歲。明正。借偏十智。宗不是天童親密意。誰知劫外擊金鐘。

靈竺淨慈自得禪師錄卷第六終

塔銘曰

師諱慧暉。金州安城人也。俗姓王氏子也。幼歲而敏。點也七歲。而依理性寺法恩禪師爲了角童子矣。十一歲而出家。讀華嚴淨行品。自捫面門曰：諸佛心源。非老少得真者。必證佛果。法恩默而知異之。十六歲而恩遷化。一夕不言。師默然而坐。忽夢見恩。撫師之背曰：汝久不得住。此須依付雪峯契禪師矣。師夢醒自惟曰：契公是法眼之流裔也。我恩之因緣在彼。宗乃問同學曰：雪峯路遠多少。學曰：一百里餘箇中有嶮難。你欲到彼乎。若去須相送。師曰：是是。乃到契禪師處。契見師至而問曰：甚奇。恠老僧昨夜夢見一彌。

身一作沙

二作三

子來吾寔曰和尚是龍巢鳳也吾是鳳巢龍也須是
一種老僧不覺作禮矣今日見你甚是奇特也師從
此依止十九年後又契曰你因緣因事不在此且可
去天童今正覺和尚盛化衆已踰千數你若去乃可
居第一座師乃承契教而到天童其問答見前章手
師乃居第一座一衆皆貴之而已隨宏智禪師一十
七年徑山悟空禪師者是師之師叔也天童覺和尚者
是師之師尊也共作證明受二師之受印而行脚五
歲乃參見尊宿二十五人也後得歸天童而受淨慈
之請二月二十五日入院乃當紹興二十五年同二
十六年七月十九日退院師爲僧六十八年此中出
世一十二年七十歲即遷化十一歲時剃髮而以來
曾不到尼公寺庵其軀清淨宛如水中月師看閱經
論書籍一十二萬卷也人無知其所以玉田居士聰
林居士祐普居士等皆是大守輩也師出世時共作
佐贊法嗣之出世人一十三人也石霜總東谷光等
爲首會下雲衆七百餘員也諸方尊宿等雖多一天
下至師推轂曰內外全該其餘莫測是則摩訶大梵

清一作體
體一作清

也皇帝曠自得禪師乃敕號也混融管子記師大槩
其旨十之八九不能及者乎 銘曰

祖室光明挑少林之妙清宗旨派脉紹新豐之洞靈
佛照輝朗帶鶻嶺之精精禪林繁茂知天童之契情
麟角通氣賀賞一天太平鳳觜出象制開三段要誠
自得和尚紹宏智百歲踵家傳密用學大陽千年行
師游步七十年華後豈以言思細可形乎

住瑞嚴法弟比丘石窓洪恭謹撰

紹興二十九年除月十五日馳筆書

應菴曇華禪師語錄

宋
•
守 應菴曇華
詮
等 撰
編

應庵和尚語錄序

道不可以言傳。不可以情解。不可以識識。夫如是。則應庵語錄將何用哉。自昔古尊宿。未嘗有無言者。如以黃葉止小兒啼。坐斷中邊。超脫三際。謂之參活句。非學語之流所能解也。後世師法之。是之謂不朽。此應庵所以不得默默而但已。師頃掛錫天台護國。爲元布袋所稱賞。請爲第一座。軒然如野鶴之出雞林。自是諸方聲名籍甚。紹興丙子。余去郡三衢。乃遇諸途。少留于白鶴寺。夜話終夕。而論辯從橫。如大川東注。衮衮莫知窮極。如駕輕車就熟路。周遊四方而無留礙也。以是期此公必能振起楊岐一宗。後果遍住名山。所至雲袈歸重。最後天童法席。尤盛肩相摩袂。相屬隨其根器。聞其法者。咸有所得。顯忠詮又其嶄嶄出頭角者。旣住鳳山。卽編類師生平所說爲一帙。以傳後學。厥志可爲勤矣。所謂從苗辯地。因語識人。則不可無此錄。然以正眼觀之。借使如珠走盤。空花亂墜。猶未是見應庵道理。斯事實難商擢有志之士。宜著精彩。則師之話行也必矣。松窓居士錢端禮序。

應菴和尚語錄目錄

序文 嚴康朝撰

目錄

卷第一

住處州妙嚴禪院語錄

衢州桐山明果禪院語錄

衢州德章安國禪院語錄

卷第二

饒州報恩光孝禪寺語錄

饒州東湖薦福禪院語錄

卷第三

饒州莞山寶應禪院語錄

廬山歸宗禪寺語錄

卷第四

婺州寶林禪寺語錄

婺州報恩光孝禪寺語錄

再住歸宗禪寺語錄

江州東林太平興龍禪寺語錄

卷第五

建康府蔣山太平興國禪寺語錄

平江府報恩光孝禪寺語錄

卷第六

明州天童山景德禪寺語錄

小參

卷第七

法語上

卷第八

法語中

卷第九

法語下

卷第十

頌古

偈頌

塔銘祭文附

書

眞贊

佛事

應菴和尚語錄卷第一

初住處州妙嚴禪院語錄

住湖州顯忠資福禪寺門人守詮等編

師受請。判府左司度疏師拈示衆云。此是判府左司兩手分付。謂之無盡藏。頂王三昧。言見諦句句。朝宗若也。知得更。不重說。偈言若也。未知。輒煩僧官對衆宣讀。

陞座。僧問。一法若有毗盧。墮在凡夫。萬法若無普賢。失其境界。去此二途。請師速道。師云。天長地久。進云。親切已蒙師指示。一句無私利有情。師云。知恩方解報恩。進云。昨夜清風生八極。今朝流水漲前溪。師云。追風天馬戴麒麟。進云。非但左司承此善學人禮拜。謝師恩。師云。未放你在。僧禮拜。師云。脚跟下失却。師乃云。寶劍揮空。乾坤失色。掀翻是非窠窟。截斷生死根株。有佛處不得住。地久天長。無佛處急走過。河清海晏。三千里外一句全提。更無絲毫滲漏。堪與佛祖爲師。作箇人天榜樣。正恁麼時。轉凡成聖。一句作。

麼生道。委悉麼。萬古碧潭空界月。再三撈撈始應知。
入院上堂。僧問。遠離光孝來。起妙嚴。如何是不動尊。
師云。一別蓮城。五日程進。云竹密不妨流水。過山高。
豈礙白雲飛。師云。老僧不會動步。進云。今日得聞於。
未聞。師云。急須吐却。進云。昔日楊岐。今朝和尚。師云。
這裏著不得。進云。爭奈公案現成。師云。將謂你是箇。
漢僧。云。割師云。未在。師乃云。孤峰萬仞。鳥道虛玄。
名利杳忘。是非頓絕。直得猿吟古木。虎嘯幽巖。碧落。
青霄。道人活計。雖然。怎麼更須知有人境。俱奪向上。
一竅。乃豎拂云。天上有星。皆拱北。人間無水。不朝東。
上堂。大道只在目前。要且目前難覩。欲識大道真體。
不離聲色言語。言語動用了無交涉。且大道真體在。
什麼處。良久云。可憐傳大士。處處失樓閣。

出隊歸上堂。透過鐵壁銀山。紅塵鬧市。全彰古佛家。
風。經過酒肆茶坊。突出衲僧巴鼻。冷笑諸方寒灰枯。
木。坐在無魂必死之地。妙嚴有些子神通。爲汝諸人。
出氣。卓拄杖云。三十年弄馬騎。却被瞎驢受記。又卓。
一卓下座。

上堂。九年面壁。壞却東土兒孫。隻履西歸。鈍置黃面。
老子。以拄杖劃一劃云。石牛欄古路。一馬生三寅。
上堂。黃蘗老婆。大愚饒舌。佛法無多子。正眼瞎驢。滅。
驀拈拄杖云。妙嚴突出。拄杖三人證龜成鼈。以拄杖。
卓一卓云。拄杖子。善甄別。硬却脊梁。莫教漏泄。觀音。
菩薩。將錢買胡餅。放下却是一塊生鐵。遂擲下拄杖。
下座。

上堂。大丈夫須猛烈。打破從前伎倆。直下斬釘截鐵。
拈却佛祖機。撥却繫驢橛。豈不見睦州爲人太親切。
拶得雲門脚。折後來兒孫不辨端倪。却向推門處。辨。
別若也。怎麼參禪。驢年未得休歇。妙嚴不惜眉毛。與。
你當頭拈出。驀拈拄杖。擲下云。南瞻部洲人。常在北。
鬱單越。

上堂。舉僧問大隋。如何是和尙家風。隋云。赤土畫簸。
箕。僧云。如何是赤土畫簸箕。隋云。簸箕有唇。米跳不。
出。師云。諸人還知大隋落處麼。妙嚴更爲頌出。簸箕。
有唇。米跳不出。天下衲僧。赤體更須撥轉上頭關。
十方世界。黑似漆。以拂子擊禪床下座。

上堂前棘林中紅爛破驢吞上蒼蠅韓信臨朝底洞
山佛無光者一隊漢朝打三千暮打八百有什麼罪
過只如銅沙羅裏滿盛油汝諸人又作麼生良久云
大盡三十日小盡二十九

上堂舉玄沙問鏡清不見一法是大過患且道不見
什麼法清指露柱云莫不是者箇法麼沙云浙中清
水白米許你喫若是佛法未夢見在師云鏡清放頭
佛祖也不奈何若非玄沙深辯來風幾被露柱吞却
有人辯得出妙巖兩手分付

上堂百草頭上罷却干戈萬仞峰前縱橫遊戲暗嗟
魯祖面壁一味祇貪睡睡翻笑睦州見僧與我提一
桶水當恁麼時臨濟喝若雷奔也拈放一邊德山棒
如撒星亦置之一處妙巖有一條活路與汝諸人共
行遂畫一圓相云東山下左邊底

浴佛上堂僧問黃面老子二千年前有一段不了底
公案請和尚爲佗批判師云仰面不見天低頭不見
地進云祖禪不了殃及兒孫師云莫謗佗好進云既
是清淨法身本無出沒因甚年年將惡水漫佗師云

要佗知痛痒進云只如雲門大師道我當時若見一
棒打殺與狗子喫却未審具什麼眼目師云盡大地
人不知落處進云雲門大師雖則坐斷乾坤爭奈落
在釋迦老子圈續裏師云賊是賊捉師乃云德山拆
却佛殿雲門一棒打殺麻三斤殿裏底杖林山下竹
筋鞭三遭痛棒九到洞山若作佛法商量爛却舌頭
不作佛法商量墮坑落塹到這裏黑漆拄杖有屈無
叫處古廟香爐雖冷燒殺開梨正恁麼時如何武陵
春已老臺榭綠陰多

上堂拈拄杖云昔白雲端師翁道古人留下一言半
句未透時撞著鐵壁相似忽然一日觀透後方知自
已便是鐵壁且道如今作麼生透乃云鐵壁鐵壁師
以拄杖卓一卓云鐵壁鐵壁急急如律令勅下座

衢州桐山明果禪院語錄

嗣法門人 守詮 等編

入院開堂拈香云此一瓣香恭爲

今上皇帝祝延聖壽萬歲萬歲萬歲次拈香奉爲
判府中書舍人兩廳通判閩郡文武尊官伏願增崇

一 月 十 二 日 自 言 金 身 一
祿位又拈香云此一瓣香奉爲先住宣州彰教後住
平江虎丘山雲巖禪院隆和尚。蔡向爐中用酬法乳
之恩。一任天下衲僧敲。打瓦。遂歛衣就坐。烏巨山
雪堂和尚白槌竟。師云。證第一義諦。空名師子吼。師
子既吼。狐狸屏迹。異類潛蹤。莫有共相出手底麼。出
來相見。僧問。德山入門便棒。是箇金剛圈。臨濟入門
便喝。是箇金剛圈。只如睦州見僧便云。擔板漢。是箇
什麼師。云是箇鐵塊子。進云。忽有箇道是箇栗棘蓬。
又作麼生。師云。刺頭入膠盆。僧云。從前汗馬無人識。
只要重論。蓋代功。師云。九九八十一。師乃云。善言
言者言所不能言。善迹迹者迹所不能迹。言迹既盡。
猶是就理變通。向衲僧門下未足觀光。是故從上佛
祖提持正印。密付要旨。若不具別。縑素大眼目。如何
跂及。豈不見世尊在菩提樹下。明星現時。成等正覺。
爾時大地衆生。同得同證。於四十九年。曲盡老婆心。
末後向百萬大衆前拈花。獨有迦葉微笑。便云。吾有
正法眼藏。涅槃妙心。分付摩訶大迦葉。敢問諸人。且
道有分付無分付。若道有分付。則埋沒迦葉師兄。若

道無分付。則辜負釋迦老子。這裏若涇渭不分。則靈
山付囑。遂爲虛設。正當恁麼時。還有人道得麼。若也
道得。明果價增十倍。苟或未然。雪後始知松柏操事。
難方見丈夫心。復舉保壽開堂三聖。推出一僧。保壽
便打三聖云。與麼爲人。瞎却鎮州一城人眼去。在保
壽擲下拄杖。歸方丈。師云。叢林中商量。盡道保壽三
聖是作家。爐鞴本分。鉗鎚有什麼交涉。殊不知二老
被這僧一拶。直至而今扶不起。今日莫有爲二老雪
屈底麼。出來與明果相見。有麼。驀拈拄杖。擲下云。龍
蛇易辨。衲子難瞞。

上堂。舉米胡令僧問。仰山。今時人還假悟也。無山云。
悟則不無。爭奈落在第二頭。其僧回。學似米胡。胡深
肯之。師云。米胡提本分。鉗鎚。仰山展劒刃。上事二老。
於唱教門中。足可稱尊。若向衲僧門下。總是喫棒底。
漢
上堂。九九釋迦老子。不知有翻轉面皮。伸出毛手。
握金剛鎚。碎窠臼。突出無位真人。一一面南看北斗。
下座

浴佛上堂。釋迦老子初生下時。一手指天。一手指地。天上天下。唯我獨尊。後來雲門道我當時若見一棒打殺與狗子喫。貴圖天下太平。師云。雲門此話雖行。未免落佗陷阱。黃面老子末上賣峭。正是附草附木。二俱不了。以左手拍禪床。云。過這邊著。汝諸人還見。明果落處。麼。珊瑚枕上兩行淚。半是思君半恨君。上堂僧問。大慧禪師道無之一字。是斷生死。刀子還端的也。無師云。怎麼說話。未夢見趙州。在趙云。忽有人問和尚。狗子還有佛性也。無未審如何。師云。無僧禮拜。乃舉僧問雲門。不起一念。還有過也。無門云。須彌山師云。雲門道得不妨。諦當要且。落在第二頭。若時明果。即不然。忽有人問。不起一念。還有過也。無只對佗道。致將一問來。

聖節上堂。聖諦第一義。高而無上。廣不可極。淵而無下。深不可測。乾坤依此而覆載。日月依此而照臨。虛空依此而寬廣。萬靈依此而變通。故我林下道人。依此學。無爲法。悟無生忍。且道報恩一句作麼生。道一爐沉水。一聲佛。仰祝吾。

皇億萬年

韓太尉入山上堂。舉朱行軍入南際寺。齊僧執手爐行。香乃云。直下是直下。是時有僧云。直下是什麼。行軍便偈僧云。行軍是佛法中人。惡發作麼。行軍云。你作惡發。會那。僧便喝。行軍亦喝。云。鈞在不疑之地。遂呼左右。認取者。僧著。師云。行軍拈出倚天長劍者。僧披襟敢衝雪刃。雖然。兩不相傷。爭奈二俱弄險。今日承宣太尉入山。齋僧雖無如是問。答須知此話已行。此話既行。且道說箇什麼。臥龍纔奮迅。丹鳳亦翱翔。上堂三世諸佛。眼裏無筋。六代祖師。皮下無血。明果咬定牙關。踴跳也。出佗圈。續不得。何故。南泉斬猫兒。上堂。千溪水。冷萬壑。雲寒無位真人。乾屎橛。金剛寶劍。破牢關。多年曆日。最靈驗。百尺竿頭子。細看。瞎却眼。啞却口。無孔鐵鎚。成隊走。且腦後一句。是第幾機。喝一喝。云。耶舍塔中。敲鐵磬。天台鴈蕩。絕人行。復舉趙州訪茶。黃至法堂上。從東過。西從西過。東黃云。作什麼。州云。探水。黃云。我者裏一滴也。無探箇什麼。州以杖靠壁而出。師云。茶黃一滴也。無滔天白浪。趙州。

以杖靠壁不犯波瀾。雖然二老同死。同生。爭奈明果未肯放過在。

上堂舉南院示衆云。赤肉團上。壁立萬仞。有僧出云。赤肉團上。壁立萬仞。豈不是和尚語。院云。是僧便掀倒禪床。院云者。瞎漢便打師云。也是勾賊破家。若非者。僧敢持虎鬚。爭見南院汗馬功高。雖然明果更資一路赤肉團上。壁立萬仞。若有僧出劈脊。便打何故殺人。刀活人。劍具眼者看。

上堂。少室巖上。風吹石裂。大徹堂前。冷灰豆爆。大丈夫漢。一刀兩斷。驀拈拄杖云。汝諸人。還知明果拄杖麼。良久卓一卓云。龍得水時。添意氣。虎逢山色。長威獍。

上堂舉修山主頌云。二破不成。一一法鎖長存。若作一二會。永劫受沉淪。師云。坐殺修山主也。直饒不作一二會。不免入驢胎馬腹。是汝諸人。十二時中行住坐臥。還知放身命處麼。豈不見道。不是河南便河北。喝一喝下座。

上堂舉睦州問僧。近離甚處。僧便喝。州云。老僧被你

一喝。僧又喝。州云。三喝四喝後。如何。僧無語。州使打者。掠虛漢。師云。叢林中。商量道。待佗道。三喝四喝後。如何。便與掀倒禪床。不然。拽坐具。劈口。掀不然。拂袖便行。不然。更與一喝。怎麼說話。要稱爲遠。磨兒孫。大遠在。漆桶。參堂去下座。

上堂舉僧問雲門。殺父殺母。佛前懺悔。殺佛殺祖。向什麼處懺悔。雲門云。露師云。雲門露猛如虎。遠磨師不是。祖豈不見。鹽官老須彌爲槌。虛空爲鼓。又不見禾山老。解打鼓。休莽。鹵甜瓜。徹蒂甜。苦瓠連根苦。喝一喝下座。

烏巨山雪堂和尚到上堂云。臨濟三遭痛棒。高安灘上知歸。興化於大覺棒頭。深明黃蘗意旨。山中兄弟。雖然不多。各各病在膏肓。若非師叔和尚到來。明果豈敢妄通消息。少間下座。與諸知事頭首大眾同伸拜。請伏望慈悲。痛垂發藥。

上堂。萬里無寸草。青天轟霹靂。十字街頭。癡漢棒打不死。釣魚船上。謝三郎。一向賣峭。有句無句。如藤倚樹。樹倒藤枯。爲山呵呵大笑。且道。明什麼邊事。禹力

不到處河聲流向西

上堂僧問。虛空消殞時如何。師云。萬劫行處。浪滔天。復舉雪峰巖頭。欽山參德山。欽山問天皇也。潛麼道。龍潭也。潛麼道。未審和尚作麼生。道德山云。汝試舉。天皇龍潭底看。欽山擬議。德山便打。欽山被打。歸延壽堂云。是卽是打我。太煞巖頭云。你恁麼。佗後不得道。見德山。雪竇拈云。欽山置箇問。端甚是奇特。爭柰龍頭蛇尾。汝試舉。天皇龍潭底看。坐具便撼。大丈夫漢。持虎鬚也是不分。佗既不能德山。令行一半。若盡令行。雪峰巖頭總是涅槃堂裏漢。師云。宗師非具透關眼。有格外機。臨垂手之際。又焉能辨其緇素。只如德山。令行一半。雪竇還免得也。無既不能免。當時若從德山。山門下過。也是喫棒底漢。蕩拈拄杖云。還見德山麼。乃卓一卓云。賊是小人。

月旦上堂。召大眾云。二日前五日後。若不揮劍。漁父。栖巢。明果。有一轉語。也要諸人共知。犀因。翫月。紋生。角象。被雷。驚花。入牙下座。

新州德章安國禪院語錄

嗣法門人 守詮 等編

入院上堂。僧問。機不離位。用處停機。卽不問未審。萬機不到處。如何。通信師云。一舉四十九進云。坐斷十方去也。師云。你要啞却老僧口。那進云。和尚是什麼心。行師云。你也是什麼心。行進云。只這裏還著者。一句子得麼。師云。著得千句萬句。進云。只如萬機不到處。作麼生。行李師云。萬機不到處。七穿八穴。進云。爭柰淨裸裸。無依赤洒洒。全露師云。是上座得力處。進云。只如僧問香嚴。不慕諸聖。不重己靈。時如何。香嚴道。萬機休罷。千聖不携。疎山具什麼眼。腦不肯。香嚴師云。闊。梨納敗。愈甚。進云。肯諾不得。全還明得。香嚴意也。無師云。爛却你舌頭。進云。肯則肯。佗諸聖諾。卽諾自己。靈香嚴不肯。疎山又如何。話會師云。平地上喫交。進云。疎山後。問鏡清。肯諾不得。全道者。合作麼生。清云。全歸肯諾。此理如何。師云。失却拄杖子。僧提起坐具云。爭柰者箇何。師云。錯認定盤星。進云。疎山道不得。全又作麼生。清云。箇中無肯路。還得麼。頂。底也。無師云。腦後見。腮進云。學人肯不。存諾不立時。

如何師云。草裏觀進云。任從天上觀。不向地中埋。師云。却較些子。僧禮拜師云。得箇驢兒。便喜懽。

師乃拈拄杖云。三世諸佛也。與麼六代祖師也。與麼天下老和尚也。與麼章山更與諸人爲蛇畫足。卓一卓云。萬機俱寢。削一箭中紅心。復舉夾山會下。有一僧到高亭。纔禮拜。亭便劈脊打僧云。和尚莫打某甲。又禮拜亭又打趕出。其僧舉似夾山。山云。會麼。僧云。不會。山云。賴汝不會。汝若會。卽夾山口啞去。師云。高亭一期忍俊不禁。爭奈拄杖放行太速者。僧當時若是箇漢。莫道高亭夾山便是達磨出來也。斬爲三段。何故家肥生孝子。國霸有謀臣。

上堂云。少室峰前。漆桶話墮。曹溪路上。賺殺閻梨。是汝諸人。還曾夢見也。未豈不見道。千年田八百主。蠅螟蟲吞却虎。復舉臨濟問院主。什麼處去來。主云。州中糶黃米來。濟以拄杖劃一劃云。還糶得者。箇麼主便喝。濟使打次。典座至。濟舉似典座。座云。院主不會。和尚意。濟以拄杖劃一劃云。你又作麼。生座禮拜。濟又打黃龍南禪師。拈云。院主下喝。不可放過。典座禮

拜放過。不可臨濟令行。歸宗放過三十年後。有人說。破大滙詰和尚。拈云。院主下喝。典座禮拜。臨濟令行。古今獨遺師云。二老漢。雖力荷。綱宗檢點來。未免依草附木。殊不知大小臨濟被者。兩箇蕩破家。散宅。還會麼。殺人刀。活人劍。

上堂舉芙蓉和尚初參歸宗。問如何。是佛宗云。我向你道。你還信否。芙蓉云。和尚誠言焉。敢不信。宗云。卽汝是。曰。如何。保任。宗云。一翳在眼。空花亂墜。法眼拈云。歸宗若無後語。有什麼歸宗也。法眼與麼道。正是盲人摸象。乃拈拄杖云。汝等諸人要見章山爲人處麼。擲下云。三十年後。

上堂舉僧問仰山。法身還解說法否。山云。我說不得。別有一人說得。僧云。卽今在什麼處。山乃推出。枕子示之。滙山云。寂子用劍刃上事。師云。若是劍刃上事。仰山何曾會用。忽有箇衲僧出來問。章山法身還解說法否也。只向佗道。我說不得。別有一人說得。又問說得底人在什麼處。只對佗道。三生六十劫。上堂舉僧問百丈。如何是奇特事。丈云。獨坐大雄峯。

僧禮拜丈便打師云大小百丈答話不了

上堂舉六祖受道之後過法性寺坐廊廡間暮夜風颺利幡二僧對論一云風動一云幡動往復不已六祖曰可容俗流輒預高論否二僧曰願聞其義祖曰不是風動不是幡動仁者心動師拈云一盲引衆盲相牽入火坑

上堂德章老瞎禿從來沒滋味拈得口失却鼻三更二點唱巴歌無端驚起梵王睡喝一喝云我行荒草裏汝又入深村

應菴和尚語錄卷第一

應菴和尚語錄卷第二

饒州報恩光孝禪寺語錄

嗣法門人 守詮 等編

師入方丈據坐云現成公案坐斷諸訛錯下註脚提折你腰撩起便行必死之疾要須英俊別有生涯忽

遇衝雲俊鶻來時如何縵天網子百千重

上堂舉臨濟在黃蘗處三度喫棒底意旨你諸人還覷得透也未直饒一咬便斷也未是大丈夫漢二世諸佛口挂壁上天下老和尚將什麼喫飯

上堂舉鹽官示衆云虛空爲鼓須彌爲槌什麼人打得衆無對南泉云王老師不打者破鼓法眼云王老師不打師云二尊宿大似喫李子只向赤邊咬報恩今日與鹽官相見去也虛空爲鼓須彌爲槌要打便打莫問是誰驀拈拄杖卓一卓下座

上堂山河大地草木叢林盡是恒沙劫千佛數直饒信得及去大似掉棒打月東頭買貴西頭賣賤三十年後破草鞋向什麼處著漆桶參堂去

上堂舉僧問幽溪和尚大用現前不存軌則時如何溪起繞禪床一匝而坐僧擬進語溪與一踏僧歸位立溪云汝與麼我却與麼汝不與麼我却與麼僧擬進語溪又與一踏云三十年後吾道大行師云善射者箭不虛發若是箇漢何處更有幽溪雖然只如最初一踏何似末後一踏試檢點看

浴佛上堂。始從鹿野苑。終至跋提河。用盡自己心。笑破佗人口。至於拈花付囑。達磨安心。南北分宗。曹溪列派。向衲僧門下。正如掘地覓天。以拂子劃一劃云。正當今日。是我如來大師慶誕之辰。天下叢林。一年一度。謂之浴佛。若喚作浴佛。喫棒有分。若不喚作浴佛。辜恩負義。豈不見遵布衲。浴佛次。藥山遂問。汝只浴得者箇。要且浴那箇。不得布衲云。把將那箇來。藥山便休去。師云。遵布衲當時。若是箇漢。待佗道。浴那箇不得。便拈杓子。劈面擲。雖然也不得。屈藥山何故不入虎穴。爭得虎子。

上堂。舉慈明和尚。或時方丈內。以水一盆。上剗一口。劔下著一綳草鞋。膝上橫按拄杖。凡見僧入門。便指擬議。便棒師云。我當時若見。便去左耳邊低低地下。一轉語。待佗貪觀天上。却與一指。纔擬議。拔劔便斬。薰拈拄杖下座。大眾一時趕散。

結夏上堂。僧問。人皆畏炎熱。我愛夏日長。薰風自南來。殿角生微涼。時如何。師云。倒戈卸甲。師乃拈拄杖橫按云。住。山僧某甲。撥菩薩乘。修寂滅行。同入清淨。

實相住持。以大圓覺爲我伽藍。身心安居平等性智。老僧二千年前。與十二大士同在光明藏中。親聞如來金口丁寧付囑。向二千年後。爲末世衆生。廣演斯要。今正是時報恩。不敢囊藏被蓋。更爲諸人八字打開去也。以拄杖卓一卓云。先請文殊大士。向山僧拄杖頭上。爲諸人說安居偈。護生須是殺殺盡始安居。要會箇中意。鐵船水上浮。次當山僧重說偈言去也。文殊據虎頭。山僧收虎尾。中間諸菩薩。隨列生歡喜。復以拄杖卓一卓下座。

虎丘和尚忌日。師拈香云。平生沒興。撞著這無意智老和尚。做盡伎倆。湊泊不得。從此却却干戈。隨分著衣喫飯。二十年來。坐曲木懸羊頭。賣狗肉。知佗有甚憑據。雖然一年一度燒香。日千古令人恨轉深。嚴教授請上堂。僧問。凝然湛寂。有辱宗風。廓尔現前。猶辜自己。去此二途。如何。卽是。師云。一槌便透進云。風捲長空千里靜。日輪當午八方明。師云。未是上座。放身命處。進云。只如僧問楊岐和尚。如何是佛。答云。三脚驢子弄蹄行。此理如何。師云。癡人棒打不死進。

云未審那一脚落在什麼處。師云你父醉也。進云忽有人問和尚如何。是佛未審如何對他。師云劈脊便棒。僧便禮拜。師云不識痛痒。漢師乃云五百力士揭石義萬仞崖前撒手。行十方世界一團鐵。虛空背上白毛生。直饒拈却。臍脂帽子脫却。燈臭布衫向報恩門下正好喫棒。何故半夜起來屈膝坐。毛頭星現禪僧前。

上堂十五日。已前水長船高。十五日已後泥多佛大。正當十五日。東海鯉魚打一棒。雨似盆傾。直得三千大千世界一切衆生。悉皆懽喜。謂言打者一棒不妨。應時應節。報恩不覺通身踴躍。遂作詩一首。學似大衆蜻蜓許。是好蜻蜓飛來飛去。不曾停被我捉來。摘却兩邊翼。恰似一枚大鐵釘。

上堂謝維邪舉興化問克賓。維那汝不久爲唱道之師。賓云不入者。保社化云會了不入。不會不入。賓云總不與麼化。便打乃云克賓。維那法戰不勝。討錢伍貫。設饋飯一堂。至來日齋時。化自白槌云克賓。維那法戰不勝。不得喫飯。即便趕出。雪竇云克賓要承嗣。

興化罰錢出院。且置却須索取者。一頓棒始得。棒既喫了。作麼生。索得雪竇要斷不平之事。今夜與克賓維那雪屈。以拄杖一時打散。師云大小雪竇與克賓雪屈。要且無合殺下座。

解夏上堂。舉僧問雲門。初秋夏末。前程或有人問未審對他道什麼。門云大衆退後。僧云過在什麼處。門云還我九十日飯錢來。師云這僧有迎刃底謀略。雲門具殺活手段。雖然若在報恩門下。更須勸過始得下座。

上堂。舉大愚芝和尚示衆。大家相聚喫葢葢。若喚作一葢。葢入地獄。如箭射師云。好語要且無來處。有人辨得出。與你一兩金下座。

上堂。盡大地無一粟米。大十有九箇刺頭。入膠盆有般瞎漢。只管說照用同時。人境俱奪。蓋爲鑑輔之所。鈍鐵尤多。良醫之門。病者愈甚。報恩更作死馬醫。未免撞入漆桶隊裏。復舉金峰和尚。一日因僧問訊。乃把住云。輒不得道。我有一則因緣。舉似你。僧作聽勢。峰與一掌。僧云爲什麼打某甲。峰云我要者話。行師。

云者僧雖深入虎穴。要且未具師子爪牙。金峰雖有師子爪牙。爭奈有頭無尾。汝等諸人。還知報恩著力處麼。一點水墨。兩處成龍。

上堂。僧問。呈機舞棹。則不問。且道。婆婆手中兒子。甚處得來。巖頭扣船舷。三下。未審。意旨如何。師云。焦鰓打著。連底凍進。云。當時若問和尚。如何對佗。師云。一棒打殺。進云。老和尚大似買帽。相頭去也。師云。你向什麼處見巖頭僧。云。剗師云。杜撰禪和。進云。婆生。七子六箇。不遇知音。只者一箇。也不消得。便擲向水中。又且如何。師云。少賣弄。進云。巖頭當時不覺吐舌。意作麼生。師云。樂則同。權僧提起坐具。云。但議取者。箇師云。敬下。著。復舉趙州。一日雪中。倒叫云。柏。救相。救有僧。使去身邊。臥州便起。去師云。者僧如蟲禦木。要見趙州。天地懸殊。有一般瞎漢。便道。報恩扶強。不扶弱。殊不知我王庫內。無如是刀。喝一喝下座。

元正上堂。舉僧問鏡清。新年頭。還有佛法也。無。清云。有。僧云。如何是新年頭。佛法清云。元正啓。祚萬物咸新。僧云。謝師答話。清云。鏡清今日失利。僧又問。智門。

新年頭。還有佛法也。無。門云。無。僧云。年年是好年。爲什麼。却無門云。張公喫酒。李公醉。僧云。老老大大。龍頭蛇尾。門云。智門今日失利。師云。二尊宿一人。背長三尺。一人項短二寸。若檢點得出。報恩今日失利。

爲佛智師。伯雪堂師。叔舉哀上堂。舉大覺和尚。順世。謂衆云。我有一隻箭子。要付與人。時有僧出云。請和尚。箇大覺云。汝喚什麼。作箭。其僧便喝。大覺打數棒。歸方丈。次喚其僧來。問汝適來會麼。僧云。不會。又打數棒。擲下柱杖云。已後遇明眼人。分明舉似師云。大覺平生。用一隻箭子。穿天下。將僧鼻孔。因甚。到者僧面前。折却衆中。莫有爲大覺雪屈底出來。與報恩相見有麼。如無育王師。伯薦福師。叔亦未免喫報恩手中痛棒。何故有功者賞。

上堂。舉藥山。謂雲巖云。與我喚沙彌來。巖云。和尚喚佗作什麼。山云。我有箇折脚鑊子。要伊提上。罕下。巖云。怎麼則與和尚出隻手去也。師云。藥山道頭。雲巖知尾。雖然頭尾相稱。要且不知羞耻。

饒州東湖薦福禪院語錄并序

左宣教郎饒州州學教授嚴康朝撰

臨濟正宗九傳而至佛果虎丘嫡嗣當代唯其應庵
應庵以歷劫堅剛之心見此道光明之本天然師子
吼裂破野狐心栗棘金圈不容情解銅頭鐵額也斷
命根要識應庵宗綱莫向此紙上下度壬申六月日
日書

◆日子更動

嗣法門人 守詮 等編

入院僧問居妙嚴已傳道譽住大徹愈播嘉聲布栗
棘蓬於德章山中擲金剛圈於鄱君國內掃蕩盲禪
暗證建立直指單傳未審如何是直指單傳底事師
云無恁麼事進云有恁麼事師云坐斷舌頭進云瞎
却了也師云穿過觸轅進云和尚也須照顧面門師
云中進云端的瞎師云過這邊立僧問保壽開堂三
聖推出一僧保壽便打意旨如何師云正要恁麼問
進云三聖道和尚恁麼爲人瞎却鎮州一城人眼去
在是肯佗是不肯佗師云分身兩處看進云保壽擲
下拄杖臨方丈如何理論師云脚跟下黑漫漫地進
云恁麼則橫跨跛驢歸印土倒騎鐵馬上須彌師云

恁力亂神僧禮拜師乃云天清地寧時康道泰摩醯
正眼洞明肘後靈符光彩譬如善舞太阿終不自傷
其手又如壯士展臂不借佗力既爾水到渠成自然
風行草偃豈不見古德道緣不虛應似鏡臨形若能
於心無心於已無已於彼無彼於我無我塵塵壁立
萬仞蕩蕩通徹十虛如是則法隨法行法幢隨處建
立況饒城勝境伏虎道場因緣時節到來大家拗折
拄杖且到家據令一句作麼生道鍛烹佛祖大鉗鎚
要與楊岐作頭底

上堂現成公案百匝千重峻如峻崖平如鏡面便恁
麼去執之失度必入邪路放之自然體無去住豈不
見釋迦老子道譬如琴瑟笙篴雖有妙音若無妙指
終不能發驚拈拄杖卓云莫將閑學解埋沒祖師心
謝首坐書記藏主上堂有僧纔出禮拜師云靈利禪
僧僧云某甲不與和尚葛藤師云已被纏倒了也僧
云恰是師云一釣便上問十年謾與泛禪河今古誰
訛透不遇趙州喫茶卽不問德山托鉢意如何師云
一槌擊碎進云恁麼則天上天下去也師云仰望不

及進云和尚因什麼高豎降旗師云老僧從來怎麼進云學人亦與麼時如何師云笑殺傍觀進云鍾未鳴鼓未響老漢托鉢向什麼處去德山便歸方丈此理如何師云坐斷天下人舌頭進云只如德山歸方丈有諸訛沒諸訛師云也有諸訛也沒諸訛進云和尚怎麼答話莫不得麼師云也得也不得進云老漢未會末後句在巖頭怎麼道還端的也無師云脚跟下黑洞洞地僧云磔破面門也師云作麼生是末後句僧便喝師云更參三十年進云那裏是巖頭密啓其意處師云路入桃源深處行進云德山次日陞堂與尋常迥別巖頭道且喜老漢會末後句要且只得三年三年後果化去又作麼生師云一不成二不是進云又與麼去也師云爭恠得老僧進云只如德山陞堂迥別巖頭道只得三年爲復是父爲子隱子爲父隱師云總不與麼進云畢竟如何師云分身百草頭僧云掀倒禪床去也師云只恐不是玉僧禮拜師乃舉趙州會下有二僧相推不肯作第一座主事白趙州州云總教伊作第二座主事云教誰作第一

座州云裝香著云裝香了也州云戒香定香慧香解脫香

師云趙州下一槌不妨驚群動衆子細檢點將來也是泥裏洗土塊若是薦福門下不用相推第一座也有人第二座也有人第三座也有人雖然不免從頭注過第一座鐵眼銅睛覷不破第二座陽春白雪無人和第三座眞實身心同達磨且道與趙州是同是別若也會得許你具一隻眼若也不會也許你具一隻眼有箇訛僧出來道總不怎麼時如何對佗道切忌向鬼窟裏作活計

上堂舉僧問楊岐如何是佛岐云三脚驢子弄蹄行僧云不會岐云湖南長老師云大小楊岐話作兩擺且道薦福爲人眼在什麼處久立上堂舉臨濟問僧甚處來僧云定州來濟拈棒僧擬議濟便打僧不肯濟云你已後遇明眼人去在後到三聖遂舉前話三聖拈棒僧擬議聖便打師云臨濟三聖當時若有轉身句後代兒孫未至掃土薦拈拄杖云更有一箇什麼處去也卓一卓下座

上堂舉泉大道訪慈明。明遂問片雲橫谷口。游人何處來。泉左右顧視云。夜來何處火燒出古人墳。明云。未在。更道泉遂作虎聲。明以坐具打一下。泉遂推慈明就坐。明却作虎聲。泉云。某甲參七十餘員。善知識。今日始遇作家師云。二老漢當時若踏著臨濟向上底。我等今日飯也無喫。還知薦福落處麼。薦拈拄杖卓一卓。喝一喝。下座。

上堂僧問臨濟有四賓主話。如何是賓中賓。師云。滿眼是埃塵。進云。如何是主中賓。師云。腦後薦取。進云。如何是賓中主。師云。東行不見西行利。進云。如何是主中主。師云。脚下泥深三尺。師乃云。大通智勝佛十劫坐道場。佛法不現前。不得成佛道。禪僧門下却較些子。且和泥合水。一句作麼生。道一朝權在手。看取令行時。

上堂舉僧問玄沙。如何是學人自己。沙云。是你自己。雲門云。沒量大人向語脉裏轉。却時有僧問。如何是學人自己。門云。忽有人路上請老僧齋。你也隨例得飯喫。師云。玄沙只有殺人刀。且無活人劍。雲門雖有

活人劍。且無殺人刀。雖然二俱不了。落在薦福手裏。且如何折合。薦拈拄杖卓一卓云。輪賦王租了。鼓腹唱謳歌。

上堂舉僧問法眼。如何是曹源一滴水。法眼云。是曹源一滴水。師云。法眼怎麼說話。眼觀東南。南意在西北。忽有人問薦福。如何是曹源一滴水。只對佗道。死久立。

祈雪上堂夜來得一番雪。子細思量有五件奇特事。應時應節。災殃殄滅。能除惱熱。衆人定覺。又見老鴉頭白。且道。禪僧門下畢竟如何。文殊疾走無邊。普賢眼裏重添屑。

上堂舉德山一日有僧纔相看。便近前作相撲勢。山云。你怎麼無禮。合喫山僧手中棒。僧拂袖出去。山云。饒你與麼也。祇得一半。僧轉身便喝。山便打云。須是我打你始得。僧云。諸方有明眼人在。山云。汝天然有眼。僧以手擘開眼云。猫山云。黃河三千年一度清。師云。者僧是透關底漢。若非德山本分。錯錯幾乎死在。句下。只如德山道。黃河三千年一度清。又作麼生。嶺

梅殘雪後雲鬢未梳時

上堂舉龐居士問馬大師不與萬法爲侶者是什麼人馬師云待汝一口吸盡西江水卽向汝道東山師翁有頌云一口吸盡西江水洛陽牡丹新吐蕊獵土揚塵沒處尋擡頭撞著自家底師云潭州紙貴一狀領過

上堂平地上著衣喫飯十箇有五雙不知落處輕如鴻毛重如泰山不必較之達磨西來直指人心見性成佛知他是真是僞禪僧家口似血盆舌如利刀到者裏因什麼口似匾擔東湖借路經過薰拈拄杖云且道尋常在什麼處著到乃擲下云橫身當宇宙一句定綱宗

上堂舉昔日師子尊者因劉賓國王秉劍於前云師得蘊空否曰已得蘊空曰既得蘊空離生死否曰已離生死曰既離生死就師乞頭得否曰身非我有豈況於頭王便斬之白乳湧高數尺王臂自墮後來玄沙云大小師子尊者頭也不解得得主師云隨點點漢玄覺徵云且道斬著斬不著師云將蝦釣蠶汾陽

別云知師不悟師云將錯就錯雪竇云作家君王天然有在師云提水放水翠巖芝云當時祖引頭王舉劍與麼時有人諫得住麼至今無人斷得此公案如今禪僧作麼生斷師云莫要說夢芭蕉云寶實遇著瞎波斯師云誣人之罪琅琊云劉賓好一口劍爭奈劍上無眼尊者好箇師子且不解返颺師云賊過後張弓復云者一隊漢被山僧勸絕了也還見師子尊者麼薰拈拄杖卓一卓云修身練行恐辱先也

因雪上堂卽心卽佛非心非佛不是心不是佛不是物冷水浸冬瓜大家厮漏漏雖然漏漏中却有箇分曉處薰拈拄杖云山僧夜來吟得箇山偈舉似大眾雪子落紛紛烏盆變白盆忽然日頭出依舊是烏盆忽有箇禪僧出來道長老長老此是雪詩乃對佗道冬行春令便下座

上堂若作一句商量喫粥喫飯阿誰不會不作一句商量屎坑裏虫子笑殺闍梨薰拈拄杖云拄杖子罪犯彌天貶向二鐵圍山且道薦福還有過也無卓拄杖也遲一刻

上堂舉明招到泉州坦和尚處。坦上堂云。夫參學一人所在。亦須到半人所在。亦須到明招。便問一人所在。即不問如何。是半人所在。坦無語。後令小師問明招。明招云。汝欲識半人所在麼。也只是箇弄泥團漢。師云。我聞獨眼龍果然只具一隻眼。忽有衲僧出來問一人所在。即不問如何。是半人所在。劈脊便棒。更問如何。是一人所在。便與連夜趕出。何故。一不做。二不休。

應菴和尚語錄卷第二

應菴和尚語錄卷第三

饒州莞山寶應禪院語錄

嗣法門人 守 等 編

上堂。古釋迦不先新彌勒。不後正當恁麼時。盡乾坤大地。人性命總在應庵手裏。雖然。如是大丈夫漢。阿誰無一坐具。地直饒千佛出世。要使他底不得何故。

蓋緣祖父契書。四至分明。既過至鑑。難逃今日不免。圓却此話。乃豎起拂子云。九萬里鵬。纔展翼。一千年鶴。便翱翔。

上堂。明不見。暗暗不見。明明暗。雙忘無異。流俗阿師。野犴鳴。師子吼。師子吼。野犴鳴。三家村裏。臭糊。獐。價增十倍。驪龍領下明珠。分文不直。若作衲僧。巴鼻甚處。得來三十年後。換手。施青。未是苦在。

病起上堂。法身病。色身即是法身。色身病。法身即是色身。如是次第。自幼至老。病至膏肓。神醫拱手。處萬病脫然。直下正體。如如更轉。向那邊。然後法隨法行。法幢隨處建立。故能顯示。橫簇不得。底病。直教千聖。覓起處。不得。普入一切衆生身內。全衆生之病。入大解脫門。證無生法。忍始可津濟。四生梯航。九有若不。如是空病。何爲敢問。諸人只如山僧。許多時病。且道。與適來所說之病。是同是別。若道是同。未見老僧在。若道是別。亦未見老僧在。何故。海枯終見底。人死不知心。

上堂。盡大地不是自己。你諸人二六時中。向什麼處。

措足直饒滴水水生。要且事不相涉。豈不見大梅悟心於馬祖。言下臨濟契證於黃蘗。棒頭雖然。將僧門下。又且不然。何也。家無小使。不成君子。

上堂。舉子胡和尚。門下一立。牌牌上書云。子胡有一隻狗。上取人頭。中取人心。下取人足。擬議則喪身失命。僧問。如何。是子胡狗。胡云。嚕嚕臨濟下。二僧來。參方揭簾。胡云。看狗。二僧回顧。子胡便歸。方丈師云。二僧若親從臨濟來。子胡要歸。方丈未可。者老漢。雖慣得其便。爭奈咬者僧不殺。且道利害在什麼處。

上堂云。十五日已前。大底大小。底小。十五日已後。小底小。大底大。正當十五日。不大不小。且道是佛耶。是祖耶。是凡耶。是聖耶。是人耶。是非人。那擬議不來。劈脊剗。更嫌何處不風流。

上堂。舉僧問。南泉如何。是道。泉云。平常心是道。又僧問。趙州如何。是道。云。牆外底。又僧問。白雲如何。是道。云。始平郡如何。是道。中人云。赤心爲主師。云。且道這三句。是同是別。若道同。語又參差。若道別。佛法不到今日。還縈素得出麼。若縈素得出。莞山拄杖。兩手分。

◆一無言日
二字

付若縈素不出。它日它日。撞著整頭去在。

廬山歸宗禪寺語錄

嗣法門人 守證 等編

師入方丈。據坐云。凡爲善知識。居此室者。須行五無間業。然後示以鑊湯爐炭。刀山劍樹。確搗磨磨。謂之抽釘拔楔。解黏去縛。若是下劣種草。必定望崖而退。唯是法王眞子。始可親近。正恁麼時。如何喝。一喝便起。

上堂。僧問。昔年王右軍。捨宅爲寺。天下歸宗。道場直得三世諸佛。時時出現。歷代祖師。日日開堂。正恁麼時。截斷衆流。一句作麼。生道師云。渠儂得自由。進云。擬轉大地人。鼻孔忽遇知有底人。來如何。相見師云。列在下風。進云。善財別後。無消息。樓閣門開。竟日閑。師云。須是與麼。進云。盡乾坤大地。無纖毫過患。猶是轉句。不見一色。始是半提。須知更有全提時節。如何是全提時節。師云。賺殺閻梨師。乃云。一句子。銅頭鐵額。一句子。半合半開。一句子和泥合水。揭示拈花要旨。洞明少室家風。掀翻今古葛藤。坐斷明暗。暗途轍荷。

能直下承當。願見本來面目。不必覺城東際。始見文殊樓閣。門開。方參慈氏。一見一切見。一聞一切聞。一切明。一切明。一用一切用。豈不見昔日有僧辭歸宗。宗問向什麼處去。僧云。諸方學五味禪去。宗云。我這裏只有一味禪。僧問。如何是一味禪。宗便打僧。云。莫打某甲會也。宗云。你作麼生。僧擬開口。宗又打黃蘗。聞云。馬祖出八十四員善知識。箇箇肩輦輦地。唯有歸宗較些子。圓悟師翁道。若非黃蘗深辨端倪。泊乎勞而無功。師云。二尊宿只解扶強。不能扶弱。若作一味禪。入地獄如箭。其或別有生涯。何異鑊水作玉。且道節角在什麼處。驀拈拄杖卓一卓。喝一喝。下座。上堂。僧問。真淨和尚道。頭陀石被莓苔裏擲。筆峰遭薛荔纏羅。漢院一年度三箇行者。歸宗寺裏參退喫茶。未審明什麼邊事。師云。他是關西子。愛說川僧話。復舉三聖問雪峰。透網金鱗。以何爲食。峰云。待汝出網來。卽向汝道。聖云。一千五百人善知識。話頭也不識。峰云。老僧住持事繁。師云。若謂二俱作家。未具透關眼。在且道。歸宗怎麼說話。還見二老落處麼。諸人

若辨得出歸宗性命。在諸人手裏。若辨不出諸人性命。在歸宗手裏。珍重。

檀越裝佛上堂。云。正眼洞明。十虛無間。直下坐斷情塵。意想不落。立沙機關。只向生佛已前。識取本來面目。不是心。不是佛。不是物。怎麼中不怎麼。剗草除根。不怎麼中。却怎麼。同生同死。正如壯士展臂。不假他力。又如師子王游戲。得大自在。有時拈一莖草作丈六金身。有時將丈六金身作一莖草。亦能殺人。亦能活人。正怎麼時。歸宗如何折合。曰。寶裝嚴無相身。一超直入如來地。復舉昔毗藍園裏摩耶望母左手攀枝。釋迦老子右脇降誕。九龍吐水。沐金軀。四顧周行。各七步。作大師子吼。天上天下。唯我獨尊。後來雲門大師道。我當時若見一棒打殺與狗子喫。却貴圖天下太平。師云。達之居士。打開無盡寶藏。運出己家珍。裝嚴釋迦老子。且道與雲門是同是別。若道是同。一人打殺一人成就。若道是別。佛法豈有兩般。這裏觀得透去。堪爲如來種。草苟或未然。山僧有一頌。舉似諸人。跛脚雲門言打殺。達之居士示全身。當陽出

格無多子報佛深恩只兩人

化主請上堂法身無相而諸相顯然法眼無瑕而群機洞照所以一塵入正受諸塵三昧起德山入門便棒臨濟入門便喝至於歷代祖師撩鉤搭索路布葛藤無不精徹淵奧通證十虛塵塵爾利利爾念念爾時有西蜀比丘希慧從那伽大定安詳而起不離是定入諸塵勞門成就一切衆生行願海此心既辨克就今辰營備齋羞供養釋迦如來五百十六應真大阿羅漢且道釋迦老子還來也無若道來即今在什麼處若道不來又供養箇什麼諸人向這裏覷得透便與釋迦老子同一心知同一眼見同一受用其或未然歸宗更下箇註脚但願東風齊著力年年吹入我門來

復舉丹霞問僧從什麼處來僧云山下來霞云喫飯也未僧云喫飯了霞云將飯與汝喫底人還具眼麼僧無語後來長慶問保福將飯與人喫報恩有分因什麼却不具眼福云施者受者二俱瞎漢慶云盡其機來還成瞎否福云汝道我瞎得麼師云丹霞既已

龍頭蛇尾長慶保福只得將錯就錯雖然二三老宿要且不知這僧落處具擇法眼試請辨看

上堂舉雲門道若說菩提涅槃真如解脫是燒風香供養你若說佛說祖是燒黃熟香供養你若說超佛越祖之談是燒餅香供養你皈依佛法僧下去師云三百六十骨節八萬四千毛竅被雲門一棒打開了也還有爲衆竭力底麼出來爲雲門作主與歸宗相見

上堂舉僧問香林如何是衲衣下事林云膈月火燒山師云香林怎麼道老鼠入牛角忽有人問歸宗如何是衲衣下事只對佗道來年更有新條在惱亂春風卒未休

上元日上堂十五日已前提水放火十五日已後雀噪鷄鳴正當十五日風恬浪靜雨順風調民安國泰有一句子到你啞却我口無一句子到你瞎却你眼三文錢娶箇黑老婆頭不梳面不洗知佗是凡是聖鷲拍禪床一下云不入驚人浪難尋稱意魚

上堂見聞覺知無障礙馨香味觸常三昧眼見如言

口說如啞。蘇州人。歎常州人打爺。大宋國裏只有兩箇僧。川僧。浙僧。其它盡是子淮南子。江西子。廣南子。福建子。豈不見道。父慈子孝。道在其中矣。

靈濟王生日。上堂。大方無外。大道無門。大用全彰。大機普應。洞明向上。家風顯示。今時樞要。靈從何來。包法界。以無邊聖。從何起。置毫末而非隘。直靈無功。其功廣大。真聖無體。其體充滿。譬如虛空。具含衆象。於諸境界。無所分別。又如虛空。普通一切。於諸國土。平等隨入。在天同天。在地同地。在人同人。如是則小中現大。大中現小。於一毫端。現寶王刹。坐微塵裏。轉大法輪。耶舍開山。不見半邊鼻孔。拭眼革律。打失一雙耳朶。驀拈拄杖云。二老今日向山僧。拄杖頭上慶賀靈濟生辰。各與二十拄杖。何故。當觀法王法法王法。如是下座。

上堂。飯籬邊。漆桶裏。相唾饒你。潑水相罵饒你。接嘴。黃河三千年一度清。蟠桃五百年一次開。花鶴勒那咬定牙關。朱頂王呵呵大笑。歸宗五十年前有一則公案。今日舉似諸人。且道是什麼公案。王節級失却。

帖

上堂。釋迦老子道十方國土中。唯有一乘法。一動一靜。一出一入。是非窟裏。開布門。頭劒樹刀山。鑊湯爐炭。且道是一乘法。不是一乘法。觀漢不要妄想。山是山水。是水僧是僧。俗是俗。其間有一箇半箇。揀起便行。脚跟下好與二十拄杖。豈不見雲門道。直得盡乾坤大地。無纖毫過患。猶是轉句。不見一色。始是半提。更須知有全提時節。大小雲門。聽事不真。喚鍾作甕。上堂。舉歸宗。管與南泉同行。一日告別煎茶。次泉乃云。從前與師兄商量語句。彼此已知。向後忽有人問極則事作麼生。宗云。這一片地好卓庵。泉云。卓庵且置。畢竟事作麼生。宗踢倒茶鉢。便起。泉云。師兄喫茶了。某甲未喫。茶宗云。作這箇語。話滴水也消不得。泉休去。五祖戒拈云。南泉只解作主。師云。五祖只知其一。不知其二。殊不知南泉食杯太急。歸宗薄處先穿。二老雖共發明。馬祖正眼要且極則事未夢見在。何故。家住東州。新鑄鍾上堂。示衆有大智人。具大知見。啓大爐鞴。

大鉗鏃然後示大機顯大用於二百日中成此大法
器住大解脫門亘千萬億劫震大圓音空明暗相以
此津濟四生以此梯航九有以此祈祥懺罪以此息
苦停酸以此揭示頂門正眼以此流通佛祖慧命直
得星飛電捲山色凝光鳳舞鸞翔龍馳虎驟豈不見
玄沙和尚道直似秋潭月影靜夜鍾聲隨打擊以無
虧觸波瀾而不散猶是生死岸頭事苟能於此洞明
便見玄沙老子即今向紫霄峯下拭眼堂前騎聲蓋
色坐斷十方脫或未然塞却耳根分明聽取

元正日上堂僧問昔有僧問雲門如何是清淨法身
雲門云花藥欄此意如何師云深沙努眼睛師乃云
古今天地古今日月古今人倫古今山河釋迦彌勒
坐籌帷幄耶舍拭眼罷戰沙場且道功成名遂一句
作麼生道萬人退仰處紅日到中天

上堂舉唐朝因禪師微時嘗運槌擊塊次見一大塊
戲槌猛擊之應碎豁然大悟後有老宿聞云盡山河
大地被因禪師一擊百雜碎師云老宿恁麼道縱知
因禪師落處嘶鐵負鞍有日在這裏著得眼去也是

●頂峰一作
峰頂

徐六擔板

上堂舉龐居士一日問高峰云此去華頂有幾里峰
云什麼處去來士云可謂峻硬不得問著峰云是多
少士云一二三峰云四五六士云何不道七峰云纔
道七便有八士云得也得也峰云一任添取士云不
得堂堂道峰云還我恁麼時龐老主人公來士云少
神作麼峰云好箇問訊問不著人士云將爲將爲師
拈云發大機顯大用且非電光石火疾焰過鋒要須
平地上嶮崖孤峻處平坦看佗二老深入虎穴透徹
淵源至於結角羅絞游刃磅礴得大自在因甚麼頂
峰未曾到只如高峰云還我恁麼時龐老主人公來
士云少神作麼歸宗向這裏擬著箇眼也要諸人瞥
地良久云竹影掃塔塵不動月穿潭底水無痕
上堂舉龐居士訪長髭值上堂太衆集定士便出云
各請自檢好長髭便示衆士却於禪床右立時有僧
問不觸主人公請師答話髭云識龐公麼僧云不識
士便擣住其僧云苦哉苦哉僧無語士托開髭少問
却問士云適來這僧還喫棒否士云待伊甘始得髭

云居士只見錐頭利不見鑿頭方士云怎麼說話某甲卽得外人聞之要且不好云不好箇什麼士云阿師只見鑿頭方不見錐頭利師拈云風行草偃水到渠成觀面提持斬釘截鐵龐居士打開無盡寶藏運出自己家珍要且只解自家富貴安能富貴別人長髭久經陣敵慣戰作家至嶮至危處愈見八面玲瓏歸宗大衆集定其間設有一箇半箇善能自檢便與趕出何故家無白澤之圖豈有如是妖怪

退請再歸上堂釋迦老子道不著底句歸宗今日道著遶磨祖師拈不出底機歸宗今日拈出從上佛祖百孔千瘡一切與汝諸人塞却便好各各安家樂業照管祖父田園自然時清道泰雨順風調吹無孔笛唱太平歌不妨快活平生雖然以世諦推之則有利有害若以佛法商量則無固無心所以道動若行雲止猶谷神既無心於彼此豈有象於去來去來不以象動靜不以心如是則法隨法行法幢隨處建立不免高挂鉢囊拗折拄杖且坐斷金輪峰一句作麼生道如斯標志雖清拙大丈夫兒合自由復學南禪師

出城還山有頌示衆去時一溪流水送回來滿谷白雲迎一身去住非去住二物無情似有情師云南禪師好則好祇是愛便宜山僧也有一頌學似大衆去時冒雨連宵去回來帶水又拖泥自怪一生無定力尋常多被業風吹

塑佛開光明示衆云達之居士以無礙智力洞明吾佛相好以無礙辯才成就一切奇特殊勝不可思議解脫門設使虛空爲口江海爲舌盡塵沙劫讚歎而莫得其彷彿矣且道釋迦老子是有光明可開是無光明可開若道有光明可開歸宗當墮五無間獄若道無光明可開盡乾坤大地無一人發菩提心到箇裏苟非契證從上諸佛妙心又焉能觀瞻如來勝妙頂相正當恁麼時如何當陽拈出真消息豈教辜負釋迦文

上堂披毛戴角拽把牽犁耕荆棘林下地獄種開三毒華結無明果是故見者聞者悉起惡念惡念起時充塞虛空卽虛空體證魔王身正當恁麼時誰是施者誰是受者箇裏繩索得出許你諸人有出身路苟

或未然且道佛之與魔是一是二一二之義汝等諸人且莫瞋睡爲甚如此三十三天趨氣穩

上堂僧問驀開華嶽巨靈謾騎其威百步穿楊由基未爲中的祖師門下如何理論師云透頂透底進云未審向上還有事也無師云向上問將來進云相逢不拈出舉意便知有師云未是向上事在進云記得僧問濠溪和尚云不落凡響機請師別道溪鳴指三下此意如何師云傷鋒犯手進云巖巒峭峻如何趁途溪良久又作麼生師云莫向良久處會進云祇如濠溪怎麼答話還有爲人處也無師云有進云如何是濠溪爲人處師云敗也敗也進云祇如這僧道濠溪今日瓦解水消未審過在甚處師云看闍梨失却鼻孔進云溪擲下拂子僧拈起溪便喝僧呵呵大笑云事不孤起此意如何師云一點水墨兩處成龍進云恁僧會了怎麼道師云正好檢點進云祇如濠溪道暗中拚繩誰辨曲直僧云拘劒傷身是誰之咎又作麼生師云二俱瞎漢進云未審者兩轉語那一轉親師云總不親進云恁麼則歸宗今日出古人一頭

地也師云莫要埋沒老僧進云僧拂袖便行溪云難遇此子意作麼生師云笑破乞兒口進云祇如濠溪怎麼道爲復成人之美爲復陷虎之機師云坐斷咽喉進云不貪香餌味可謂碧潭龍師云一釣便上僧禮拜師云心自本來心本心非有法有法有本心非心非本法是汝諸人八萬四千毛竅三百六十骨節祖師一時打開了也歸宗更爲破慳卓拄杖一下下座

上堂舉龐居士訪洛浦士拜起云仲夏毒熱孟冬薄寒浦云莫錯士云龐公年老浦云何不寒時道寒熱時道熱士云患憂作麼浦云放你三十棒士云啞却我口瞎却你眼師云龐居士雖是煨了底金要且未經本分鉗鎚洛浦雖輕放過歸宗不免賊過後張弓當時待佗道仲夏毒熱孟冬薄寒便與趕出何故車不橫推理無曲斷

端午上堂五月五日端午節好事當陽難掩寒歸宗突出拄杖頭閑神野鬼俱消滅俱消滅砌下寒泉忽倒流嶺上白雲不敢白復舉文殊一日令善財採藥

云是藥者探將來善財遍探無不是藥却來白云無不是藥者文殊云是藥者探將來善財拈一莖草與文殊文殊提起示衆云此藥亦能殺人亦能活人師云大小文殊被善財換却眼睛下座

上堂僧問林泉曰永殿閣涼生時節因緣卽且置百丈捲席事如何師云毗婆尸佛早留心直至如今不得妙進云祇如馬祖歸方丈作麼生師云不是苦心人不知進云首山道龍袖拂開全體現又作麼生師云刺頭入膠盆進云汾陽道師意如何首山云象王行處絕狐蹤豈不是明百丈捲席意師云兩箇無孔鐵鎚進云汾陽於言下悟去還端的也無師云聽事不真喚鐘作甕進云汾陽如此悟去也合喫歸宗手中棒師云過在什麼處進云貪觀山色好忘却祖師禪師云闍梨棒教誰喫僧禮拜云謝師答話

師乃舉風穴示衆云若立一塵家國興盛野老聲感不立一塵家國喪亡野老安貼於此明得闍梨無分全是老僧於此不明老僧卽是闍梨闍梨與老僧亦能迷却天下人亦能悟却天下人欲識闍梨麼右邊

一拍云這裏是欲識老僧麼左邊一拍云這裏是師拈云大小風穴不會轉身句

上堂云從上佛祖道不得底拈不出底歸宗今日盡情與你諸人拈出有般漆桶見拄杖便喚作拄杖有般漆桶見拄杖不喚作拄杖似這般底向歸宗門下總是擔枷帶鎖漢五十年前一百年後拳趂相副箭鋒相拄且道爲什麼人發機毗婆尸佛早留心直至如今不得妙

上堂云參學人切忌錯用心悟明見性是錯用心成佛作祖是錯用心看教講教是錯用心行住坐臥語言三昧是錯用心喫粥喫飯屙屎送尿是錯用心一動一靜一往一來是錯用心更有一處錯用心歸宗不敢與諸人說破何故一字入公門九牛拽不出

應菴和尚語錄卷第三

應菴和尚語錄卷第四

婺州寶林禪寺語錄

嗣法門人 守詮 等編

師受請僧問三聖道我逢人則出出則不爲人意旨如何師云斬釘截鐵進云興化道我逢人則不出出則便爲人又作麼生師云隨邪逐惡進云恁麼則一點水墨兩處成龍師云不是恁麼師乃云孤峰頂上聳壑昂霄好不資一毫十字街頭和泥合水醜不資一毫如是則在彼在此同得同用所以道我此法印爲欲利益世間故說在所游方勿妄宣傳到箇裏推倒須彌飲乾大海於其中間出沒卷舒了無妨礙且應緣利物一句作麼生道雪後始知松栢操事難方見丈夫心

嘗晚小參僧問未離兜率已降王宮未出母胎度人已畢此意如何師云一人傳虛萬人傳實進云爲復是神通妙用法爾如然師云一刀兩段進云金鷄啄破琉璃殼玉兔挨開碧海門師云猶欠一半在問彌

勒真彌勒分身千百億時時示世人世人皆不識如何是彌勒師云是甚乾屎橛進云若然者頭頭垂示處子細好生觀師云你無佛性觀作什麼僧禮拜師乃云彌勒真彌勒分身千百億時時示人時人俱不識這老漢四稜塌地了也是汝諸人還識得也未若識得正是眼中添屑若不識寶林有過便下座上堂云達磨西來直指人心見性成佛者老臊胡當時若知有轉身句是你諸人未免橫屍露骨且道寶林恁麼告報還有地頭也無莫守寒巖異草青坐著白雲宗不妙

謝知事上堂一喝分賓主照用一時行要會箇中意日午打三更祇如一喝未施已前還有賓主也無既分之後那箇是賓那箇是主者裏纔索得出賓則始終賓主則始終主祇如賓不是賓主不是主且一喝落在什麼處橫按鎮鄒全正令太平寰宇斬癡頭上堂云佛祖正印衲僧蓋直有眼如盲有口如啞更問如何可知禮也上堂舉興化見同參來纔上法堂化便喝僧亦喝化

又喝僧復喝化近前拈棒僧又喝化云你看者瞎漢猶作主在僧擬議化直打出法堂侍僧問適來僧有何相觸忤化云是佗適來也有權也有實也有照也有用我將手向伊面前橫兩遭到這裏去不得似者般瞎漢不打更待何時師云與化門牆干個從來家法森嚴這僧暗透重關要看洞中春色好則好未免二俱失利祇如與化道我將手向伊面前橫兩遭又作麼生天堂未就地獄先成

上堂舉安國挺禪師因僧問五祖真性緣起其義云何祖默然時挺禪師侍次乃謂大德正與一念時是真性中緣起其僧言下大悟師云五祖不合默然好與二十棒挺禪師不合道大德正與一念時是真性中緣起也與二十棒其僧言下不合大悟也與二十棒且道寶林還有過也無也與二十棒

上堂舉龐居士一日賣簋籬撲倒在地靈照便去身邊臥土云作麼照云見爺倒地特來相扶師云居士倒地靈照扶起乞兒伎倆討甚巴鼻擊禪床下座上堂盡乾坤大地撮來無一絲毫許你諸人向甚處

安身立命直饒個儻分明去未免無繩自縛且道寶林恁麼還有著力處也無啼得血流無用處不如緘口過殘春

上堂僧問楊岐問慈明幽鳥語喃喃辭雲入亂峯時如何明云我行荒草裏汝又入深林此意如何師云兩箇漆桶失却鼻孔進云是什麼人取得師云是上座進云爭奈不亂拈出師云賊身已露進云祇如楊岐道官不容針更借一問慈明便喝還有爲人處也無師云無爲人處進云許多葛藤向甚麼處著師云虛空裏著進云虛空無壁落四面亦無門作麼生著師云恰好進云楊岐亦喝慈明又喝意作麼生師云平地喫交進云爭奈楊岐一拳還一拳一趂還一趂師云莫謗楊岐好進云見成公案師云何不拈出僧便喝師云有甚交涉師乃云心不是佛智不是道量才補職捨重從輕二百個衲僧一百九十九箇匙挑不上且道那一箇著在甚麼處瞎漢歸堂去冬至上堂君子道長小人道消衲僧活計不在兩頭有般癡漢便問未審在什麼處似者般底不打更待

何時且道寶林。恁麼道。還有過也。無試定當看。

上堂。舉僧問智門。如何是般若體門。云。蚌含明月。僧云。如何是般若用門。云。兔子懷胎死心。和尚拈云。如何是般若體。一堆屎。如何是般若用。屎堆裏虫。師云。兩箇漆桶。一時話墮了。更添一枚。如何是般若體。相見便無禮。如何是般若用。從來愛打。開且道。三箇漆桶。還有優劣也。無若檢點得出。許你具頂門眼。

退院上堂。祖師心印。狀似鐵牛之機。去卽印住。住卽印破。有般漆桶。便向不去不住處坐。地無異蚊。納以足欲探。滄溟之深淺。其可得乎。豈不見古人道。世人住處。我不住。世人行處。我不行。不是與人難共住。大都繇素要分明。祇如死心和尙。一日挾火示僧云。若喚作火燒殺你。不喚作火凍殺你。是你諸人還繇素得出麼。苟或未然。珍重。五湖雲水客。笑看千巖起風雷。

婺州報恩光孝禪寺語錄

嗣法門人 守詮 等編

入院上堂。僧問。祇者是埋沒自己。祇者不是。辜負先聖去此二途。和泥合水處。請師道。師云。玉筍撐虎口。

進云。一言金石譚來重。萬事鴻毛脫去輕。師云。莫瞞老僧。好進云。和尚得恁麼絮。那師云。你莫作絮會。進云。爭奈步步相隨。言言見諦。師云。却是你絮。師乃云。古佛家風。遇古佛然後拈出。大人境界。見大人乃可顯揚。今日朝旆臨筵。人天普集。古佛家風。既展大人境界。全彰揭示。摩醯正眼。洞明少室真機。願契佛祖。不傳妙心。開悟父母未生面目。直下斬釘截鐵。猶是把籠放船。苟若說心說性。未免和泥合水。這條通天活路。千聖共行。萬靈同轍。淨裸裸。沒虛空。赤洒洒。無空缺。雖居有爲界。示無爲法。而不滅壞有爲之相。雖居無爲界。示有爲法。而不分別無爲之相。如是則如鍾在虞扣之。則鳴。似鏡臨臺物來斯照。於其中間。應變萬差。出沒拳舒。得大自在。祇如應真。不借一句。又作麼生。雙溪源脉。深無底。濟物曾無有倦時。復舉王常侍與臨濟至僧堂。乃問。這一堂僧。還看經也。無濟云。不看經。還習禪也。無濟云。不習禪。侍云。經又不看。禪又不習。畢竟作什麼。濟云。總教成佛作祖去。侍云。金屑雖貴。落眼成翳。濟云。我將爲你是箇俗。

漢師云。風行草偃。葉落知秋。臨濟雖本分。錯認常侍。乃頂門具眼。祇如今日。判府殿撰正言入山。與老僧相見。雖無僧堂。可至亦無佛法商量。祇者便是。出佗一頭地處。且道以何爲驗。以此爲驗。

上堂。舉趙州和尚。一日見僧來。便面壁書梵字。僧展坐具。禮三拜。州轉身。僧収坐具。便行。州云。苦苦。僧撫掌呵呵大笑。師云。苦苦。苦中苦。樂中苦。誰道黃金如糞土。象骨老師曾現。秘魔杖下捉老鼠。

上堂。舉僧問雲門。殺父殺母。佛前懺悔。殺佛殺祖。向什麼處懺悔。門云。露師云。光孝著一轉語。不是老僧見處。亦非垂手爲人。何故。豈不見道。字經三寫。烏焉成馬。

上堂。舉灌溪初參臨濟。纔跨門。濟驚宵擒住溪。便云。領領。濟便托開。師云。灌溪氣宇如王。被臨濟活埋在鎮州十字街頭。當時若是光孝棒折也。未敢佗在。何故。家肥生孝子。國霸有謀臣。

上堂。舉龍牙和尚。道雲居師兄得第二句。我得第一句。西院云。祇如龍牙與麼道。還扶得也。無雲門云。須

禮拜雲居始得。西院云。傍觀者。晒師云。龍牙若非西院當頭坐。斷幾乎打破蔡州雲門。冷處著把火。義出豐年光孝。過犯彌天一任諸方檢點。

再住歸宗禪寺語錄

嗣法門人 守詮 等編

入寺上堂。僧問灌溪初參臨濟。纔跨門。濟驚宵擒住。未審是何宗旨。師云。無宗旨。進云。灌溪見箇什麼道理。便云。領領。師云。無道理。可見進云。爭奈眼似銅鈴。轉師云。你向什麼處見。二老宿僧便喝。師云。蝦跳不出斗。師乃云。大道無方所。從容寰海間。幾思歸隱處。安樂在廬山。如是也。周旋舊日家風。豈敢忘更途。轍再禮耶舍相。好重瞻拭眼。慈容祇要聲和響。順形直影端。所以道拈起也。天回地轉。應須拱手歸降。放下也。草偃風行。必合全身遠害。在彼在此。本無間然。一去一來。豈有二相。雖然。猶是業識茫茫。且風恬浪靜。一句作麼生。道雲靜日月正。雪晴天地春。上堂。寶劍未施。盡大地人喪身失命。古鏡未彰。盡十方世界。向其處出頭。這般野狐見解。是諸方普請會。

底汝等諸人作麼生。折合片雲歸洞。晚斜日去天低。入羅漢五臟示衆云。黃面老人乾屎橛。參隨一火爛泥團。心肝腸胃皆條直。蔬飯茶花照膽寒。佛法雖然未夢見。神通却許入雲端。應須痛念歸宗寺。時復持盂下翠巒。

上堂云。三十二相八十種好。從朝至暮。啾啾唧唧說黃道黑。不知那裏是二時。上堂喫粥喫飯。不覺嚼破舌頭。血濺梵天。四天之下。霈然有餘。玉皇大帝惡發。追東海龍王。向金輪峰頂。輪勘頃刻之間。追汝諸人作證見也。且各請依實供通。切忌回避。儻若不實。喪汝性命。

上堂舉僧問徑山掩息。如何。山云。猶是時人功幹。僧云。幹後如何。山云。耕人田不種。僧云。畢竟如何。山云。禾熟不臨場。師云。鳳閣香沉雪。巢夜冷半窻。明月和氣。蕩然正恁麼時。且道歸宗與徑山。還有相見分也。無見與不見。卽且置。祇如這僧問徑山。還具眼麼。苟或未然。雲藏無縫襖。鳥宿不萌枝。萬杉和尚到上堂。大底大小底。小長底長短底。短曲

底曲直底。直方底。方圓底。圓正底。正邪底。邪爲復是佛耶。是菩薩耶。是羅漢耶。是聖僧耶。是鬼神耶。是天仙耶。我昔聞是法。未嘗妄宣說。是義非義。是隨義隨非。是非義非非義。是隨句隨若。作佛法商量。達磨一宗掃土而盡。不作佛法商量。老僧活陷地獄。是你諸人還縞素得出麼。苟或未然。少間下座。同知事頭首。華請新萬杉和尚爲衆說破。

上堂舉僧問梁山和尚。家賊難防時如何。山云。識得後不爲冤。僧云。識得後如何。山云。貶向無生國。裏僧云。莫便是。佗放身立命處也。無山云。死水不藏龍。僧云。如何是活水。龍山云。興雲不吐霧。僧云。忽遇傾瀉。倒岳來時如何。山下禪床把住云。莫教濕却。老僧髮。染角師云。梁山和尚與賊相戰。兵刃交接。填然鼓之。雖不弄甲曳兵而走。要且祇解戰賊。不能殺賊。忽有人問歸宗家賊難防時如何。劈脊便棒。何故。豈不見道齊之以禮。

上堂舉百丈和尚示衆云。汝開田了。我與汝說大義。僧云。開田了。請和尚說大義。丈展兩手。白雲端和尚。

拈云百丈說大義祇於此當時再參馬祖底向什麼處去也。若言更有在未免與蛇畫足。且道作麼生得知百丈老人立地處。乃云客來無茶點。薑湯備禮儀。師云白雲要見百丈再參馬祖底道理。直是好笑笑。須三十年又道作麼生得知百丈立地處也。與笑三十年客來無茶點。薑湯備禮儀也。與笑三十年三笑而九十年爲復笑。白雲批判未當爲復別有道理。汝諸人若檢點得出。歸宗拄杖子兩手分付。苟或未然。幾度醉歸明月夜。笙歌引入畫堂前。

上堂舉。鷲山問雲巖云。承聞子在藥山。是否。巖云是。鷲云。藥山大人相作麼生。巖云。涅槃後有山云。如何是涅槃後有。巖云。水洒不著。雲巖却問未審百丈大人相作麼生。山云。巍巍堂堂。煒煒煌煌。聲前非聲。色後非色。蚊子上鐵牛。無你下。背處師云。二尊宿說大人相。何異指鹿爲馬。忽有人問歸宗。虎丘大人相作麼生。祇對佗道。九九百半。青半白。

上堂舉睦州示衆云。裂開也在我。捏聚也在我。有僧問云。如何是裂開。州云。三九二十七。菩提涅槃。眞如。

解脫卽心卽佛。我且與麼道。你又作麼生。僧云某甲。不與麼道。州云。蓋子落地。樓子成七片雲。峰悅云。相罵饒你接。背相唾饒你潑。水師云。我且問你。諸人雲峰恁麼拈提。爲復是見睦州意。耶。明睦州語。耶。歸宗因行不妨掉臂。不是禪。不是道。不是玄。不是妙。久立。伏惟珍重。

上堂。僧問藥山小參。不點燈。德山小參。不答話。未審意旨如何。師云。二俱瞎漢。僧云。可謂端居坐底人。意氣衝斗牛。師云。不是這箇道理。僧云。恩深轉無語。懷抱自分明。師云。切忌錯承當。僧又問。崇謙和尚道。識得橙子。周匝有餘。未審和尚還肯佗也。無師云。老僧深肯佗。僧云。雲門道。識得橙子。天地懸殊。又作麼生。師云。穿却鼻。孔僧云。澤廣藏山。理能伏豹。又作麼生。師云。君子懷義。僧云。還許學人露箇消息也。無師云。有何不可。僧云。犀因翫月紋生。角象被雷驚。花入牙。師云。猶帶文彩在。僧禮拜。師乃云。識得橙子。周匝有餘。識得橙子。天地懸殊。若向周匝有餘處會理上。偏枯。若向天地懸殊處會事上。偏枯。且道歸宗爲人。

在什麼處。犀因翫月。紋生角。象被雷驚。花入牙。

上堂舉丹霞訪忠國師。值國師睡。次乃問侍者。國師在否。云。在。則在。祇是不見客。霞云。太深遠。生者云。莫道上座。佛眼也。覲不見霞。云。龍生。龍子。鳳生。鳳兒。國師睡起。侍者舉似國師。師打侍者二十棒。趕出院。霞聞云。不謬。爲南陽國師。師云。侍者。喫棒出院。蓋千載一時。然歸宗竟免眼熱。丹霞故雖好手。奈落在國師網子裏。諸人還辨得麼。苟或未然。猶握金鞭問歸客。夜深誰共御街行。

上堂舉弘覺禪師。一日問僧。看者是什麼。經僧云。維摩經。弘覺云。我不問維摩。經看者是什麼。經其僧言。下知歸師。云。可憐者。僧被弘覺活埋。在荒草裏。諸人若定當得出。明窓下。安排苟或未然。一任敲。輒打瓦。上堂。三世諸佛。六代祖師。天下老和尚。三十三天二十八宿。盡在歸宗拄杖頭上。結夏。歸宗爲伊說一字法門。過去恒沙劫。有寶花王如來。分付老僧。向二千一百丹五載後。對衆顯示。我等比丘。今正是時。且道一字法門。作麼生說。嘉拈拄杖卓一卓云。噉薩哩嚩。

一無道字

昨曦吒婆訶。復有偈。舉似大眾。金錫罷游。留羣壁草鞋乾。曬待秋風。且那長夏深思。省看是平生有底功。眞實行藏。宜保惜。虛頭伎倆。疾消鎔。老僧豈是多饒舌。要與諸人氣味同。

上堂。召大眾云。不著佛求。不著法求。不著僧求。蓋子落地。樣子成。七片胡張。三黑李四。知他是。有耶。是無耶。歸宗若放過燈籠。露柱若草若木。盡欺你諸人去也。若不放過你諸人。如何湊泊。嘉拈拄杖卓一卓云。我見燈明佛。本光瑞如此。

請監收上堂。僧問三玄三要。卽不問時節。因緣事。若何。師云。狗咬枯骨。進云。臨濟示衆云。一人常在途中。不離家舍。一人常在家舍。不離途中。未審意旨。作麼生。師云。鐵蛇鑽不入。進云。忽若有人出來。掀倒禪床。又作麼生。師云。賊過後。張弓進云。未審此二人。那箇受得人天供養。師云。總受不得。進云。人人具足。箇箇圓成。爲什麼受道不得。師云。且緩緩。僧問。廣達。咨和尚。三通鼓罷。大眾雲臻。請師說法。師云。達進云。莫恁渠儂多意氣。佗家曾踏上頭關。師云。你被老僧達殺。

了也。進云和尚祇有殺人刀。且無活人劍。師云。如何是活人劍。進云。喝下已分泥水路。箇中消息有誰知。師云。如何是殺人刀。僧云。已在言前。師云。何曾道著。師乃云。古來爲法老尊宿。荷衆曾無有倦時。況是年來衰落甚。動爲多與行相違。應須痛念平生事。著意披襟善護持。顆粒果能無滲漏。少林初不隔毫釐。

江州東林太平興龍禪寺語錄

嗣法門人 守詮 等編

師入方丈。據坐云。西天四七唐土二三。盡向者裏釘椿搖櫓。新東林爲你諸人解纜放船。未說超宗異日。若得齊眉共闕。亦可明窓下安排。苟或如之若何。未免欄腮擲出。

上堂。舉安國問僧得之於心。伊蘭作旃檀之樹。失之於旨。甘露乃蒺藜之園。我要箇語具得失兩意。僧豎起拳頭云。不可喚作拳頭。國云。祇爲喚作拳頭。雪竇拈云。無繩自縛。漢拳頭也不識。師云。若見得雪竇。徹便見安國。龍頭蛇尾。若見不徹。伊蘭作旃檀之樹。甘露乃蒺藜之園。

上堂。舉丹霞因過一院。值凝寒。遂於殿中見木佛。乃取燒火向院主偶見呵責曰。何得燒我木佛。霞以杖撥灰云。吾燒取舍利主云。木佛何有舍利。霞云。旣無舍利。更請兩尊再取燒之。院主自後眉鬚墮落。師云。諸方商量道。院主忽起疑心。而致斯禍。又云。院主天寒不與丹霞火向。致令燒却木佛。遂乃眉鬚墮落。殊不知院主買鐵得金。一場富貴。

上堂。舉僧問興化。四方八面來時如何。興化云。打中間底僧。便禮拜化云。昨日赴箇村齋。中路值一陣狂風暴雨。向古廟裏避得過。師云。衆中商量。道向古廟裏避得過。是明空劫已前自己。又道便是佗安身立命處。殊不知興化腰纏十萬貫。騎鶴下揚州。上堂。鷲嶺拈花。少林直指。指空盡空。泥裏洗土如來。禪烈焰光中綻。白蓮祖師意。海底紅塵成陣起。透得過權實。照用一鎚打破。透不過葛藤窠裏。長年打坐。總不與麼喚取。瞎驢來拽磨。

上堂。舉教中道。心佛及衆生。是三無差別。師云。二十年前。聞恁麼道。笑而不已。二十年後。聞恁麼道。喜而

不寐是汝諸人聞東林怎麼道還縑素得出麼若縑素不出聽取一頌心佛及衆生笑而還復喜笑喜本無縑縑素誠有旨千古萬古人幾箇識道理道理深何處尋縑拈拄杖卓一卓云海枯終見底人死不知心上堂舉僧問雲門不離三德六味還有佛法也無門云祇怕你不問僧云請師道門云三德六味施佛及僧師云雲門不負者僧來問未免落在陷穽中是你諸人若向者裏會得許你高步毗盧頂

應菴和尚語錄卷第四

應菴和尚語錄卷第五

建康府蔣山太平興國禪寺語錄

嗣法門人 守證 等編

師入寺開堂拈香云此一瓣香恭爲

今上皇帝祝延 聖壽萬歲萬歲萬歲次拈香云此一瓣香奉爲 判府安撫留守端明尚書暨闔

府勳貴同資祿筭又拈香云奉爲前住平江府虎丘山隆和尚用酬法乳之恩遂歛衣就坐保寧和尚白槌云法筵龍象衆當觀第一義師云若論第一義如紅爐上一點雪相似若也聽不出聲見不超色何妨出衆決疑僧問古釋迦不先新彌勒不後正當今日佛法委付蔣山未審千聖不借底機如何舉唱師云直下薦取僧云怎麼則控佛祖大機廓人天正眼師云穿天下衲僧鼻孔僧云一句迥超今古格萬年仰祝 聖明君師云滿口道著僧云祇如不借底機如何分付師云腦後看僧云銅頭鐵額如龍虎看取金圈栗棘蓬師云正是老僧用底僧云靈山會上世尊拈花迦葉微笑未審此意如何師云一人傳虛萬人傳實僧云世尊道吾有正法眼藏分付摩訶大迦葉又作麼生師云聽事不真喚鍾作甕僧云靈山拈花分付正法眼藏蔣山今日開堂有何垂示師云還見麼僧云今日一會不異靈山師云更出佗一頭地僧云有意氣時添意氣不風流處也風流師云救得一半師乃云金剛正體融攝十虛透頂透底絕羅籠亘

古言今無向背不是心不是佛不是物當頭坐斷千
眼頓開天地以此和氣萬象以此發揮諸佛以此出
世祖師以此西來衲僧以此關選佛場啓大爐鞴拈
本分錯鎚碎邪師窠臼於其中間一箇半箇按下雲
頭一旦知非洞明生佛已前一段大事不在一刹那
間頓入不思議大解脫門所謂大丈夫成就大丈夫
事是故靈山會上廣額屠兒放下屠刀云我是千佛
一教大集會中大力魔王云待一切衆生悉皆成佛
了衆生界空然後發菩提心豈不是龍驤虎驟香象
渡河又如師子筋琴撫之則群音頓絕到這裏上無
攀仰下絕已躬常光現前壁立萬仞德山有棒無下
手處臨濟有喝無開口分至於天下老和尚據曲象
木鼓床豎拂瞬目揚眉指東劃西鼓唇搖舌亦未免
依草附木雖然一向怎麼去何止法堂草深一丈有
條攀條無條攀例豈不見天親菩薩從勸勒內宮下
無著菩薩問云人間四百年彼天爲一晝夜勸勒於
一時中成就五百億天子證無生法忍未審說什麼
法天親云說這箇法唯是梵音清雅令人樂聞看佗

過量人提持過量事於過量境界中發過量機顯過
量用不妨頭正尾正直得堯風蕩蕩舜日高明野老
嘯歌漁人鼓舞當此之時畢竟承誰恩力紫煙籠
帝闕瑞氣遶天津

上堂道不得底句不在天台定在南嶽拈拄杖云
是汝諸人還見蔣山拄杖麼卓一卓云人貧智短馬
瘦毛長

上堂舉僧問趙州夜升兜率晝降閻浮爲甚摩尼珠
不現州云道什麼僧擬進語州云毗婆尸佛早留心
直至如今不得妙師云這一則公案諸方未曾有批
判者蔣山今日爲諸人著一轉語洗脚上船

焚衆僧髮拈火把云一呼善來髮髮自落積累既多
無處安著普請大衆把火燒却且道燒却後如何不
用撥灰求舍利無邊頂相放毫光

開爐上堂三世諸佛吞却火焰火焰燒殺三世諸佛
一言引衆首相牽入火坑棒打不碎底壞溝寨堅刀
所不入底臥雪眠霜作世諦商量也得作佛法流布
也得渾崙吞却三十年後有人索飯錢在直饒爛嚼

白湯嚥下未免黏牙帶齒且道蔣山爲人在什麼處
爛研巴豆三千顆漏却諸方五味禪

元正上堂元正啓祥更無回互萬物咸新截鐵斬釘
應時納祐跳出窠臼孟春猶寒言端語端知事頭首
各各希有雲堂大衆雍容鄭重蔣山怎麼說話且道
在裏許不在裏許若在裏許未免是箇流俗阿師不
在裏許又著在什麼處所以道世人住處我不住世
人行處我不行不是與人難共住大都縈素要分明
上堂舉教中道從聞思修入三摩地師云思是聞之
本聞是思之用且道作麼生說箇入底道理青原白
家三盞酒喫了猶道未沾唇

上堂云道遠乎哉觸事而眞善因招惡果聖遠乎哉
體之卽神刻蕒作旃檀蔣山恁麼著語是汝諸人還
知落處麼良久云不因風撼庭前樹爭見山花入袖
香

長蘆到上堂風行草偃水到渠成夙世冤家同門出
入聞禪聞道似鴨聽雷見佛見祖如風過樹隔江見
刹竿便回去脚跟下好與三十棒未足覲光直須眉

毛斯結同生同死且道五逆聞雷一句作麼生道良
久云上大人丘乙巳

佛生日上堂云鐵壁鐵壁從來眞實號之曰佛常在
苦海中立風吹不入水灑不濕棒打不入是故以本
願力撈撿衆生不息雲門忍俊不禁打與狗喫此意
深密非語默可及四月八日是渠誕迹露柱燒香湯
已畢大家送至龕室泥人揩背一拶骨出忽然怒發
打瞎頂門一隻直至而今叫屈屈屈屈堪述休相憶
清風匝地有何極咄咄咄

上堂云趙州喫茶我也怕佗若非債主便是冤家倚
牆靠壁成群隊不知誰解辨龍蛇

聖節上堂云天上無雙日閻浮一至尊萬年松不老
聖壽等乾坤

普請栽松上堂舉臨濟在黃蘗栽松次蘗云深山裏
栽許多松作什麼濟云一與山門作境致二與後人
作標榜道了以鐮打地三下蘗云雖然如是子已喫
吾三十棒了也濟又打地三下作嘯嘯聲蘗云吾宗
到汝大興於世爲山問仰山黃蘗當時祇囑臨濟一

人別更有在仰云有祇是年代深遠不欲舉似和尚。
鴻云雖然如是吾也要知但舉看仰云有一人指南
吳越令行遇大風即止師云黃蘗道雖然如是子已
喫吾二十棒了也。養子之緣故當如是臨濟正令雖
行可惜向鐵頭邊甘自活埋。仰山見解未出常流豈
止遇大風即止當時何不道直待虛空界盡此話方
始大行豈不是頭正尾正。蔣山今日將下面皮要與
諸人相見去也。驀拈拄杖卓一卓云。驚群須是英靈
漢敵勝還佗師子兒。

上堂云十五日已前半暗半明十五日已後半明半
暗。正當十五日面如滿月日如蓮天上人間咸恭敬。
桑樹著箭柳樹汁出。若論佛法兩字。謝三銀賣銀。
徑山大慧禪師至上堂。僧問。昔日法華到琅邪。二俱
提向上機。顯奇特事。今日徑山象駕光臨。未審如何。
相見。師云。漆桶相揩。進云。通人分上。觸處相逢。師云。
切忌恁麼會。進云。非唯和尚親見。親聞。學人一來小
出。大遇師云。一切墮坑落堦。進云。直得古風來不絕。
仰觀佛日正高。師云。滿口道著。進云。心不是佛。智

不是道。又作麼生。師云。掘地深埋。進云。還有承當處
也。無師云。切忌承當。進云。棒打石人頭。剝判論實事。
師云。如何是實事。僧云。向下文。長師云。速禮三拜。僧
云。謝師答話。師乃云。我本無心有所希求。今此法
王大寶自然而至。法王大寶既至。汝等諸人急著精
彩。所謂見之不取。思之千里。豈不見大隋和尚道我
參七十餘員。善知識具大眼目。底祇有一二。其佗盡
具正知見。在天下具大眼目。真善知識。唯法叔老
師一人而已。黑漆竹篋。掀翻海嶽。從頭打過。雖是死
馬醫。就中要妙。黃蘗打臨濟。拄杖。蔣山豈是無耶。蓋
爲土曠人稀。雲門一曲。鴈月二十五。那在今朝十六
日。吹簫。驀拈拄杖卓一卓云。虛空可量。風可繫。無能
盡說佛功德。

復學頃在虎丘。聞先師舉佛眼叔祖初作無爲軍化
士。因道中著癩有箇省處。歸來學似師祖。後令充知
客。因夜半燈火忽然猛省。雖然如是。每至入室。未能
深入。聞與從容。請益。大師祖云。我爲你說箇。噉子正
如一人牽一頭牛。從窻欄中過。兩角出。諸悉皆過了。

唯尾巴過不得師云。這箇說話。多年在肚皮裏。信知在天下無人理會得。所以密之三寸。苟非法叔老師到來。小姪此生無因。拈出。敢問諸人。既是大底過。了如何。尾巴却過不得。且道。諸訛在什麼處。小姪今日對衆拈出。供養我法叔老師。大和尚。惟願壽與趙州同年。爲佛法作大主張。使天下衲僧。洞徹此一段奇特大事。下座。同知事頭首。大眾。殷勤拜請。伏望慈悲俯垂開示。

隆報覺長老受請上堂云。無上法王。有大陀羅尼門。名爲圓覺。流出一切清淨。眞如。菩提涅槃。鷲拈拄杖卓一卓云。普請向者裏。入聞聲悟道。見色明心。觀音菩薩。將錢買胡餅。放下元來。是個護頭。又拈拄杖卓一卓云。若向這裏入。瞎却人眼。不向這裏入。又向什麼處入。剎利漢。一撥便轉。更須知有出身一路。致問大眾。作麼生是出身一路。又卓一卓云。學頭天外看。誰是我般人。

上元日上堂。去年無此雪。今年有此雪。人皆怨此雪。不見元宵燈。與月莫怨雪。自是時人無辨別。堪辨別。

一片清光倚寥沈

上堂。舉僧問多福。如何是多福。一叢竹。福云。一莖兩莖斜。僧云。學人不會。福云。三莖四莖曲。師因成一頌。一莖兩莖斜。其意毒如蛇。三莖四莖曲。無疑入地獄。言下若知非心空。及第歸堪笑。蔣山老無端入荒草。聖節上堂云。時康道泰。天清地寧。一人端拱。無爲萬物各得其所。普天率土。無不承恩。航海梯山。均蒙雨露。釋迦彌勒。共樂昇平。文殊普賢。咸揚正化。塵塵刹刹。普現威光。物物頭頭。全彰正眼。且道。報恩一句作麼生道。祇將一味無求法。仰祝。

天申億萬年

端午上堂。一二三四五。四三二一。從頭點檢來。笑殺維摩詰。帶累李胡子。噴水髭鬚濕。灑淨已周圓。次念波羅蜜。蔣山恁麼道。千古誰人識。識不識何處覓。堪與叢林爲軌則。鷲拈拄杖卓一卓云。急急如律令勅。

上堂。泥多佛大水。長船高直饒說得道理分明也。須親到一遭。敢問諸人。且道。親到後如何。有理不在高。

聲便下座

上堂舉西堂正法和尙立僧云西天四七唐土二三天下老和尚無不以此頂額上一著流通正法眼藏顯示涅槃妙心是故雲夢之竹天下之勁也然而不矯揉不羽筭則不能以入聖堂溪之金天下之利也然而不鎔範不砥礪則不能以擊強矯揉羽筭鎔範砥礪既妙至人之用其赤手提持解黏去縛抽釘拔楔烹佛煨祖轉凡成聖亦不出此箇端由所謂善知識者是大因緣其斯之謂歟正當恁麼時如何好看汗血八駿駒何啻日馳三萬里

王機宜爲弟樞密相公散水陸請陞座師示衆云大人具大見大智得大用升大解脫堂演大解脫義是故留守樞密大資相公雖示世人有去有來極其本體不動不變所以羅籠不肯住呼喚不回頭佛祖不安排至今無處所塵塵刹刹普現威光物物頭頭全彰勝相殊勝中殊勝奇特中奇特他方此界全心淨土人間天上同一眞境正當恁麼時且道留守樞密大資相公卽今在什麼處手提殺活金剛劔誰敢當

頭正眼看

上堂云千說萬說不如親見把手共行略通一線打破漆桶何曾見面阿耨多羅三藐三菩提也是靈驗蔣山恁麼做頭驢年也未夢見便下座

上堂云金佛不度爐木佛不度火泥佛不度水眞佛屋裏坐萬牛挽不迴千箇與萬箇好事積如山祇緣輕放過不放過今日鍾山甘話墮

上堂舉遵布衲問韶山明鏡當臺請師一鑑韶云不鑑云爲什麼不鑑韶云破鏡不重照落花難上枝蓮無語韶便打死心和尙云這般漢打得百千萬箇有甚罪過當時若在黃龍手裏棒折也未住在師云死心和尙一期大驚小怖殊不知韶山自遭遵布衲毒手之後至今無人檢點得出且道諸訛在什麼處謝知事頭首上堂僧問法印咨和尚教中道譬如暗中寶無燈不能見佛法無人說雖慧不能了請師說法師云寶印當空妙重重錦縫開進云與麼則大衆露恩人天有賴師云墮坑落壑進云和尚慣用此機師云熟處難忘問記得翠巖夏末示衆云一夏與兄

弟東說西話看翠巖眉毛在麼未審意旨如何師云翠巖輸已算人進云保福道作賊人心虛還契乾翠巖意麼師云賊還賊捉進云長慶道生也又作麼生師云脚頭脚尾進云雲門云闢此意又作麼生師云喪身失命進云還許學人露箇消息也無師云又且何妨進云四老共栽無影樹乾坤大地作陰涼師云你祇道得一半僧禮拜師乃云大丈夫漢脊梁硬如鐵在乎進退之間初無喜難之色其退也古寺閑房焚香清坐究竟迺新報佛恩德其進也公於心明賞罰使紀綱不墜表帥得人各應其宜然後據虎頭取虎尾第一句下明宗旨蔣山雖然痛下毒手全身擔荷要在當人正恁麼時且道不失其序一句作麼生道玲瓏八面活潑潑千古萬古振嘉聲

上堂舉米胡問僧近離甚處僧云藥山米胡云藥山老人近日如何僧云大似一片頑石相似胡云得恁麼鄭重僧云也無提掇處胡云非但藥山老僧亦恁麼僧近前顧視而立胡云看看頑石動也其僧便出師云這僧豈是不具眼耐耐却將藥山一片頑石到

處賣弄苟非米胡深辨端倪幾遭惑亂是你諸人試辨看

上堂拈拄杖卓一卓喝一喝云德山臨濟來也是汝諸人且莫錯認定盤星所以道爐韞之所鈍鐵尤多良醫之門病者愈甚有般漢便道且莫壓良爲賤然當爐不避火迸忠言不避截舌且道蔣山到這裏如何風動心搖樹雲生性起塵以拄杖卓一卓下塵

上堂舉僧問長沙云如何轉得山河國土歸自己去沙云如何轉得自己成山河國土去僧云不會沙云湖南城裏好養民米賤柴多足四隣僧無語沙有頌云誰問山河轉山河轉向誰圓通無兩畔法性本無歸師云蔣山隨分判斷大小長沙勘這僧不破

上堂舉洞山問講維摩經座主云不可以智知不可以識識是什麼語主云是贊法身語山云法身是贊何用更贊主無語師云且道諸人向這裏下得什麼語蔣山今日也要出一隻手又恐諸人穿却鼻孔

上堂萬里長城不在一人之力千鈞之弩要爲群胡發機可謂寰中天子勅塞外將軍令一虎中千處萬

處一時中一處透千處萬處一時透一處明千處萬處一時明不消一彈指頃掃清魔壘獨步大方正當與麼時如何鵬弓已挂狼煙息萬里歌謠賀太平

平江府報恩光孝禪寺語錄

嗣法門人 守詮 等編

師入方丈據坐云大衆此室深廣晝夜常放金色光明是文殊大人境界又謂之縵天網子透得過底腦後也與一縫透不過底便好丹霄獨步何故殺人須見血爲人須爲徹

上堂云當頭坐斷千眼頓開一句投機十方通暢以無邊虚空爲正體以微塵刹海爲妙用以清淨莊嚴攝解怠以精進行願警昏迷雖然如是若也以爲究竟向禪僧門下天地懸殊若也把斷要津於勞生界中未爲好手祇如二途不涉如何通信諸人還會麼禪月尊者用盡神通毗耶老人願海尤大因緣時節既非偶然竹杖芒鞋今日親到殿堂修廣樓閣洞開百萬家和氣霽然恒河沙諸佛圍繞光孝堂前坐見鹽梅霖雨姑蘇臺上行看玉樹花開無量殊勝併集

解脫知見普熏且道恁麼時畢竟功歸何所良久云頂門正眼分縵素天上人間不可陪

復舉裴相國因入大安寺見壁間高僧畫像乃問主僧眞容可觀高僧何在主僧無語相國云此間真有禪僧麼主僧云近有僧至疑是禪僧相國召至乃理前話禪僧云請相公垂問相國云眞容可觀高僧何在禪僧召相公相國應喏僧云高僧何在相國言下大悟禪者乃黃蘗斷際禪師是也大衆黃蘗布縵天網要打衝浪錦鱗裴相國坐籌帷幄不妨決勝千里諸人若也於此見得個儻分明可謂今之古之苟或未然三尺龍泉光照膽萬人叢裏奪高標

小參僧問臨濟住院普化盡力扶持萬壽堂前學人單刀直入時如何師云正要恁麼人僧云旃檀林裏旃檀師子窟中師子師云汝試作師子吼看僧噓一聲師云正是野犴鳴僧又噓一聲師云見恁恁不恁僧云爭奈哮吼一聲名振天下師云大衆笑你僧云笑我者是我同參便禮拜師乃云師子吼無畏說百獸聞之皆腦裂香象奔波失却威龍天寂聽生欣悅若

喚作師子吼。未具精僧眼。在不喚作師子吼。精僧眼在什麼處。大丈夫漢。直下一刀兩段。更說什麼。祖師西來。直指人心。見性成佛。更說什麼。卽心卽佛。非心非佛。不是心。不是佛。不是物。光孝與麼大。似掉棒打月。諸人還見光孝撒手處麼。直饒見得。徹未入光孝門。在直饒入得光孝門。未陞光孝堂。在直饒陞得光孝堂。未入光孝室。在直饒入得光孝室。未見光孝在。設有恁麼人出來。便好痛與一頓。何故。識法者懼。復舉法燈和尚云。本欲深藏嚴壑。隱遁過時。奈緣清涼老人有未了底公案。出來爲它了却。時有僧出云。如何是未了底公案。法燈便打云。祖禪不了殃及兒孫。僧云。過在什麼處。燈云。過在汝辜負我師云。法燈是卽是。據虎頭收虎尾。檢點將來。忒煞毒。直老僧本志亦然。正緣虎丘先師有未了底公案。今日出來爲它了却。其間設有一箇半箇爲衆竭力。全身擔荷。光孝也不打汝。也不罵汝。也不趕汝。祇要汝漆桶子。罵地脫去。且道了不了。不見道了了。了時無可了。立立處亦須呵。

上堂舉雲門大師到乾峰云。請師答話。峰云。到老僧也未門云。怎麼那怎麼那。峰云。將謂猴白。更有猴黑。師云。二老宿一等相見。就中奇特。光孝今日爲諸人說道理。一遍將謂春歸無覓處。不知還入此中來。悲濟會水陸陞堂。僧問悲濟會。啓蓮社。薤開自利利。它冤親平等學人上來。擬伸一問。時如何。師云。老僧答你了也。進云。前三三後三三。是多少。師云。填溝塞壑。進云。今日一會果不虛設。師云。應時應節。僧云。謝師答話。師召大衆云。大智洞明。體無去住。明逾日月。寬若太虛。天地以此爲覆。載日月以此爲照。臨山嶽以此爲崔嵬。江河以此爲流注。賢聖以此爲威靈。凡夫以此爲安養。陣亡以此爲超昇。冤讎以此爲解脫。諸佛以此爲示現。祖師以此爲單傳。諸人以此爲悲濟。光孝以此爲方便。薰拈拄杖云。釋迦老子。祇今在山僧拄杖頭上。放大光明。其光清淨。無壞無雜。光光相羅。前後無別。塵塵普入。剎剎全彰。然後無量爲一一爲無量。大中現小小中現大。於一毫端現寶王剎。坐微塵裏轉大法輪。且道諸人向什麼處見釋迦。

老子若向拄杖頭上見未見在若向妙法蓮華中見亦未見在既不如是畢竟向什麼處見釋迦老子以拄杖卓一卓云願今得果成寶王還度如是恒沙衆上堂云靈雲見桃花悟道玄沙云諦當甚諦當敢保老兄未徹在雲峰云備頭陀何不遍參去玄沙云達磨不來東土二祖不往西天師云百鳥不來花又老不知誰是到庵人

上堂舉臨濟與普化一日同往施主家齋濟問毛吞巨海芥納須彌爲復神通妙用法爾如然化趺倒飯床濟云太蠢生化云這裏是什麼所在說蠢說細濟來日又同一施主家齋濟復問今日供養何似昨日化又趺倒飯床濟云太蠢生化云瞎漢佛法說什麼蠢細濟乃吐舌師云一出沒一往一來猛虎口裏奪食毒蛇頭上揩痒要且未稱大丈夫事在二老名喧寰宇價重當時光孝今日豈可謹密三寸二俱放過爲它弄假像真二俱不放過爲它極極太甚是汝諸人若作佛法商量達磨一宗掃土而盡上堂舉僧問興化四方八面來時如何化云打中間

底僧禮拜化云大衆興化昨日赴箇村齋回至中路值一陣狂風暴雨却去古廟裏避得過師云我見燈明佛本光瑞如此

上堂云千年田八百主甜瓜徹蒂甜苦瓠連根苦君不見禾山解打鼓又不見採菊東籬下千山萬山疊高門戶又不見光孝僧堂六七間日日普請搬泥土又不見臨濟主中賓賓中主二三四七面相覩報禪流莫莽鹵聞普請歡喜攪先去去實不去途中好善爲來來實不來路上莫虧危又不見主中主箇箇衲僧氣如虎光孝怎麼告報且道落在什麼處以拂子擊禪床下座

授天童請上堂去年十一月笑別下鍾阜今年九月中行見朝天路去住既無心動靜非取與平生安樂法此意同誰語四明昔嘗到諸刹皆可數山川氣象雄麟鳳棲遲處今思昔日遊歲月二紀許豈謂臨晚景侯伯重相顧開緘讀來書丁寧見毫楮姑蘇二十石眼高照天宇我昔昧平生今見開心膽欣然樂與行方鳴集衆鼓先師未了底今日應須去敢問諸人

如何是先師未了底。鶻拈拄杖卓一卓。喝一喝。下座。
應菴和尚語錄卷第五

應菴和尚語錄卷第六

明州天童山景德禪寺語錄

嗣法門人 守金 等編

入寺上堂云。風行草偃。水到渠成。正令既行。十方坐斷。若也向上。論去語默。不及處。棒喝未施。前總是依草附木。漢事不獲。已且作死馬醫。所以道。隨處作主。遇緣卽宗。法幢隨處建立。展臨濟三玄。戈甲曾曹洞五位君臣。敲倡雙行。殺活自在。拈一莖草。穿天下衲僧鼻孔。布漫天網。要打衝浪錦鱗。是則是。便與麼去。達磨一宗。掃土而蕞。鶻拈拄杖。劃一劃云。劍爲不平。離寶匣。藥因救病出。金瓶以拄杖卓一卓。謝詞不錄
復舉僧問。當山第一代啓禪師云。學人卓卓上來。請師的。啓云。我這裏一扇便了。有甚麼卓卓的。僧

云。和尚怎麼答話。更買草鞋行脚。始得。啓喚僧近前。僧乃近前。啓云。老僧怎麼道過在什麼處。其僧擬議。啓便打師云。啓禪師。故是本分鉗鎚。塞新天童口。未得在這僧。雖深入闢。奧要且未具透。關眼下座。
上堂舉僧問趙州。如何是毗盧圓相。州云。自小出家。不曾眼華。師云。趙州見處偏枯。若有人問天童。如何是毗盧圓相。祇對佗道。大底大小底小。且道與趙州還有優劣也。無具擇法眼。試檢點看。

上堂舉昔日崔郎中問趙州。和尚云。大善知識。還入地獄也。無州云。老僧末上。便入崔云。既是大善知識。爲甚却入地獄。州云。老僧若不入。爭救得郎中。師云。善知識者。是大因緣。臨垂手時。著著有出身之路。何故如此。不入虎穴。爭得虎子。
上堂云。禪禪更不相煎。坐底自坐。眠底自眠。大家安樂。無法可傳。禪曹洞五位臨濟三玄。大年三十夜。脚踏地頭頂天。禪禪不直半文錢。海枯終見底。人死脚皮穿。

施主請上堂。當機不昧。千眼頓開。智鑑洞明。十虛普

應直得如天普蓋似地普擎如日普照如風普吹無一絲毫許爲緣爲對爲死爲生爲去爲來所以道一切法不生一切法不滅若能如是解諸佛常現前又道未達境唯心起種種分別達境唯心已分別卽不生於分別不生法中識取不變動清淨本然周徧法界本來面目若了得去天地未分生佛未立已前乃至劫火洞然大千俱壞於中無一絲毫動搖無一絲毫起滅無一絲毫增減無一絲毫榮辱若能恁麼便知得亡者曠大劫來至于今日生死去來了不可得且道超然拔萃一句作麼生道九蓮開合處百寶自莊嚴

官客入山上堂云釋迦老子道吾有正法眼藏涅槃妙心分付摩訶大迦葉恁麼說話大似傍若無人豈不見陳操尙書一日訪資福福見來以手畫一圓相尙書云弟子恁麼來早是不著便那堪更畫圓相資福便歸方丈閉却門後來雪竇道尙書祇具一隻眼眞如結和尙云資福雖是本分錯錯爭奈尙書是煅了底精金師云雖然如是若到天童門下未放過在

當時待尙書道弟子恁麼來早是不著便那堪更畫圓相天童則大開東閣明窓下如法安排何故門內有君子門外君子至

上堂良久未出玉石不分巧治無人金沙混雜縱使無師自悟向天童門下何啻朝打三千暮打八百惹拈拄杖云喚作拄杖玉石不分不喚作拄杖金沙混雜其間一箇半箇善別端由管取平步青雲苟或未然以拄杖卓一卓云急著眼看

上堂舉慈明示衆云一切賢聖皆以無爲法而有差別前是案山後是主山且道無爲法在什麼處良久云向下文長付在來日師云天童也著一隻眼一切賢聖皆以無爲法而有差別東弗于逮西瞿耶尼南瞻部洲北鬱單越到處去來不如在此

劉氏請上堂云四月初八佛生日天下叢林皆浴佛佛身充滿太虛空何處更有虛空竟見前僧俗等金軀長短方圓皆顯赫放光動地二六時從本至今無間隔今有檀越女弟子劉氏同男王承直曠大劫來植善根所行眞實如菩薩當知功德福無涯回向癸

米誕生。日唯願歲君壽。此誠諸天星曜同昭格。資持劉氏從此去壽。同趙州百二十更。祈不盡大功。勳保男。察判官崇極。子子孫孫福祿昌。無量福田咸併集。此月十四往臨安龍天當護爲般。舉三江九堰聰明神稽首歸依。助英傑全家既達九重城。母子忻懽仰天力。

舉傑首座立僧上堂云。一棒一條痕。一摺一手血。臨濟老瞎驢。至今猶未瞥。須彌頂上浪。拍天大洋海。水無一滴偉哉。本色人頂門亞三隻。辨龍蛇百草頭。擒虎兇一毫力。穿大地人鼻孔。坐斷。請僧搖舌。雖然猶未撥動。向上一竅在。且作麼是。向上一竅。問取堂中首座傑。

上堂五月五日端午節。天童爲汝開真訣。驅釋迦還彌勒。佛病祖病。毛病頓清涼。魍魎邪神俱殄滅。相從唯喜本色人。非我同流誰與別。拄杖子。非列聖公心一字。更無說千古萬古休饒舌。

上堂舉懷禪師云。青蘿黃緣直上寒松之頂。白雲澹泞出沒太虛之中。南山起雲。北山下雨。會麼。甜瓜徹。

蒂甜苦瓠連根苦。師云天童也。下一箇青蘿黃緣直上寒松之頂。白雲澹泞出沒太虛之中。狗子尾巴巴書梵字野狐窟宅。梵王宮。

應庵和尚小參

住湖州顯忠資福禪寺門人守參等編

廣德軍趙中大施法衣。請小參。僧問。判府中大所施法衣。彌勒千尺之軀。披來不短。釋迦丈六金身。搭來不長。和尚用之。恰恰相稱。未審此意如何。師云。逼塞虛空。進云。怎麼則蓋覆大千去也。師云。天上天下。進云。直得豎窮三際。橫亘十方。師云。一句道著。進云者。一句甚處得來。師云者。一句也。無來處。進云。只如韓文公問大顛和尚。弟子公務事繁。佛法省要處。乞師一言。大顛默然。意旨如何。師云。斬釘截鐵。進云。只如侍者敲禪床三下。大顛云。作什麼者。云。先以定動。後以智拔。文公忽然大悟。又作麼生。師云。入地獄如箭。進云。和尚門風高峻。弟子向侍者邊得箇入處。還契大顛也。無師云。家醜莫外揚。進云。青山不鎖長飛勢。滄海合知來處高。師云。無錢沽酒。僧禮拜。師云。何。

不進語。師乃舉教中道。若以色見我。以音聲求我。是人行邪道。不能見如來。乃喝一喝云。諸人還聞麼。要且不是聲。提起袈裟角云。諸人還見麼。要且不是色。既不向聲色上辨。向什麼處見如來。若道二六時中一動一靜一語一默。折旋俯仰處見如來。即是認賊爲子。若道不向二六時中動靜語默折旋俯仰處辨。正是癡狂外邊。走到者裏。若是明眼漢。瞞它一點不得。豈不見本仁和尙道。尋常不欲向聲前句後鼓弄人家男女。要且聲不是。聲色不是。色時有僧出問。如何是聲。不是聲。仁云。喚作色得麼。曰。如何是色。不是色。仁云。喚作聲得麼。且道爲你說。答你話。若辨得出於佛法中。不妨有箇入處。雪竇拈云。本仁也甚奇。恁要且貪觀天上。既非聲前句後。從什麼處入。師拈云。雪竇到者裏。盡其神通。無插手處。只如道。既非聲前句後。從什麼處入。往往十箇有五雙。蹉過還知薦福落處。麼。一箭落雙。騙了智上人。遠自廣德。持判府中大回施。俸資特就今辰齋僧。營辦種種佛事。及捨法衣一頂。與山僧受用。乃命小參。舉揚正法眼藏。涅

槃妙心集。此無涯上善。並用祝陪台筭。并諸寶眷。福壽延綿。不盡功德。四恩總報。三有齊資。法界有情。同圓種智。判府中大雖未參識。竊聞深知。有此一段大事。雖相去千有餘里。而未嘗隔一絲毫。許正所謂千里同風也。既作宗門外護。而又於此道不倦。信知於過去無量塵沙劫中。熏習得熟。纔出頭來。一撥便轉。豈在切切也。然做工夫。別無佗術。只要有大信根具。大種智。知有此事。於二六時中行住坐臥。處處切切提撕。看是什麼道理。但怎麼推來推去。推到無依倚處。薦地撞著。更不費絲毫氣力。便是從娘肚裏出來。底未嘗別有一物與你也。與它從上佛祖同一受用。正如斬一綆絲。一斬一切。斬如染一綆絲。一染一切。染前後際。斷三祇劫空。竟其虛空了。不可得全體是箇金剛正體了。無出沒在諸佛分上。不曾添一絲毫在凡夫身中。不曾減一絲毫如水洗水。似金博金。有時拈一莖草作丈六金身。有時將丈六金身作一莖草。擒縱自在。殺活自由者。箇話頭乃從靈山會上。黃面老子處來。佛佛祖祖以心契心。至於今日。未嘗有一

絲毫許錯悞。謂之正法眼藏。涅槃妙心。未有天地。未有日月。未有人倫。已前此心亦遍塞虛空。逮乎天地既分。有日月人倫。此心亦遍塞虛空。所以道生也。怎麼死也。怎麼要且生死籠罩它不得。何故爲它著著有出身之路。不見教中道。若在長者。長者中尊。爲說勝法。若在居士。居士中尊。斷其貪著。若在刹利刹利中尊。教以忍辱。若在婆羅門。婆羅門中尊。除其我慢。若在大臣。大臣中尊。教以正法。若在王子。王子中尊。示以忠孝。若在內宮。內宮中尊。化正宮女。若在庶民。庶民中尊。令與福力。若在梵天。梵天中尊。誨以勝慧。若在帝釋。帝釋中尊。示現無常。若在護世。護世中尊。護諸衆生。此蓋從清淨微妙根本智中廣發。如是勝妙方便。大解脫門。又謂之金剛正體。又謂之頂王三昧。又謂之浮幢王剎海。又謂之第一義。至於楊岐和尚。以金剛圈栗棘蓬。揭示學者。洞明少室直指之由。其變通逸格超量。得大自在。與一切人抽釘拔楔。解粘去縛。令各各自證透頂透底。要且不可以心知。不可以識識。長沙和尚道。我若學揚宗教法堂前草深。

一丈事不獲已。所以向諸人道。盡十方世界是沙門眼。盡十方世界是沙門全身。盡十方世界是自己光明。盡十方世界在自己光明裏。盡十方世界無一人不是自己。我常向諸人道。三世諸佛共盡法界衆生。是摩訶般若光。光未發時。汝等諸人向什麼處委光未發時。向無佛無衆生消息。既無佛無衆生消息。且道大地山河日月星辰人畜草木。纖纖洪長短。從什麼處得來。還知落處麼。天上有星。皆拱北。人間無水。不朝東。

檀越散藏經。請小參。云。釋迦老子道始從鹿野苑。終至跋提河。於是二中間。未嘗說一字。祇如一大藏教。從甚處得來。這裏若覷得徹去。便知釋迦老子落處。既知落處。便具看經眼。目豈不見昔有一婆子。請趙州看經。州邊禪床一匝。婆云。此來請和尚看全藏。如何。祇轉半藏。如此看經。忒煞省力。更不用鎚錘擊磬。歌贊佛乘五千餘軸。不在彈指頃。一切了畢。須是怎麼看經。始得。若肚裏著箇元字脚。便被黑豆子換却眼睛了。也更隨人舌頭轉。一藏半藏。有甚了期。大丈夫。

夫漢直須一刀兩段方知一句一偈一文一義無不從自己胷中流出。蓋天蓋地至於折旋俯仰動作施爲皆是如來清淨妙輪轉轉地。所以道從無住本立一切法。昔有僧見老宿看經次。乃問如何是看經。眼老宿豎起拳頭看它。用處不妨嶮峻。且如何領會。若喚作看經眼。又是拳頭。若喚作拳頭。又失却看經眼。到這裏不假三寸舌。辨得出方信道。終日著衣未嘗挂一縷絲。終日喫飯未嘗咬破一粒米。終日看經不曾道著箇元字脚。如是則不唯看經眼目分明。至於所獲利益不可思議。其或未然。報恩更爲諸人下箇切脚。毗盧遮那清淨海充滿三千大千。廣七員外。請小參。僧問道。高龍虎伏德重鬼神。欽當年無此事。今夏有知音。正恁麼時。如何師云。知音知後更誰知。僧云。這知音還是王老師向上事也。無師云。喚作向上事也得。僧云。恁麼則向上向下總由和尚去也。師云。老僧從來不曾脫空。僧云。祇如大盡三十日。小盡二十九。豈不是脫空。師云。汝還脫得也未。僧云。從朝至暮不曾動著舌頭。師云。未見脫空在。又

僧問國清炙茄。光孝煎茄。是同是別。師云。飽便休。僧云。至道無難。唯嫌揀擇。師云。自領出去。師乃云。是真精進。是名眞法供養。如來爾時靈山一會。儼然未散。豈不是今日恁麼時節。雖然不言我家醋淡。蓋爲天人各有一坐具地。侵它一絲毫也不得。光孝怎麼提唱。須是箇人始得。還有獨脫底麼。出來與光孝相見。其或未然是法住。法位。世間相。常住。復云。老僧自到光孝。音荷七員外。令閣喜道人令國祖道昆仲。舉家學般若眷屬。無不勸力外護。自非夙昔有大因緣。安能若是。耶然而與人相聚。莫非身心眞實。心若眞實。至於動轉施爲。行住坐臥。一語一默。無不眞實。豈不見古人道。祇箇心心是佛。十方世界最靈物。縱橫妙用可憐生。一切不如心眞實。所以山河大地日月星辰人畜草芥。皆依眞實而現。相好然眞實之義。卽是從上佛祖清淨大解脫門。祇看當人各各所行。如何其間一生爲善者。至於多生爲善者。無量劫來爲善者。其殊勝果報。歷歷現前。苟爲不善者。其不善境界亦常歷歷現前。信之善惡報應毫髮無差。且如

衲僧家親近善知識。悠久辦一片真實身心。窮已窮大事。無有不成辦底道理。是故從上佛祖天下老和尚。無不以真實顯示。豈不見疎山矮師叔在瀉山會下。開示衆云。行脚高士。直須向聲色裏。睡眠聲色裏。坐臥始得。是時疎山出問云。如何是不落聲色。句。瀉山豎起拂子。疎山云。此是落聲色。句。瀉山便歸。万丈疎山不契。遂辭香巖。巖云。何不且住。疎云。某甲與和尚無緣。巖云。有何因緣。不契。試舉看。疎山遂舉前話。巖云。某甲有箇語。疎云。道什麼。巖云。言發非聲色。前不物。疎云。元來此中有人。乃囑香巖云。師兄向後有住處。某甲却來相見。諸人要識言發非聲色。前不物。麼。便是釋迦老子道。一人發真歸源。十方虛空。悉皆消殞。底螢火之光也。然疎山痒處。既被香巖抓著。豈止瀉山。檢點千古之下。具大眼目。尊宿皆不放過。瀉山至晚。乃問香巖。問聲色話底。矮團圓。在麼。巖云。已去也。瀉山云。向子道什麼。巖云。某甲亦曾對。佗來瀉云。試舉看。巖云。言發非聲色。前不物。瀉云。佗道什麼。巖云。佗深肯之。瀉山失笑云。我將謂這矮子有長處。

元來祇在這裏看瀉山下這一著。不妨驚天動地。惜乎土曠人稀。瀉山又云。此子向去。設有住處。近山無柴。燒近水無水。喫爛泥裏有刺。然古人之言。必不妄矣。在今天下。討一箇言發非聲色。前不物底。正如掘地覓天。何況要會瀉山說話。不言可知矣。雖然。切忌鑽龜打瓦。大底宗師。據曲承床。不是細事。山野自出世來。隨所住處。非不爲兄弟。激揚此事。然未嘗動著箇一著子。頃住薦福。偶然二三百衲子相聚。因而略露鋒鈍。遂惹起無限風波。自後一向。隨宜施設。終不將真珠作豌豆。羅却也。古人有見賢思齊之說。在今日去聖時遙。邪師過謬。非衆生咎。是佗本色道流。做工夫底。祇向脚跟下。推究推來。推去。豁然推徹。豈不是大力量人。苟推未徹。語意活脫。終不爲閑言市語。魍魎魍魎語。邪師印證語。有箇見處。語知是般事。語硬配在生滅斷常坑子裏。所謂善知識者。是大因緣。老僧行脚走遍江西湖南。及乎到圓悟師翁爐轡中。更開口不得。正如就地彈雀。相似是佗爲人。不妄下手。至下手時。峻峭無道理。與人湊泊。後到先師處。稍

知觸淨。方見圓悟師翁說話分曉。蓋尊宿爲人。古今難得其人。是佗本分手段。迥別比其和泥合水。阿師豈可同日而語。耶。昔高安白水仁禪師示衆云。尋常不欲向聲前句後。鼓弄人家男女何故。且聲不是聲。色不是色。時有僧問。如何是聲。不是聲。仁云。喚作色。得麼。僧云。如何是色。不是色。仁云。喚作聲。得麼。僧禮拜。仁云。且道爲你說。答你話。若向這裏見得。滿山道這矮子。將謂別有長處。元來祇在這裏箇些子。明白便見得。白水仁禪師道。且道爲你說。答你話。無不透頂透底。剎利漢。問怎麼。學豈止醍醐灌頂。苟或未然。參須實參。悟須實悟。閻羅大王不怕多語。久立檀越。張子明裝佛慶懺。請小參。示衆云。如來密語。初不覆藏。觀體無私。當陽顯示。祇如一大藏教。從甚處得來。非頂門具眼。肘後有符。又安能洞明這一著子。祇今坐立儼然。各各頂天立地。含齒戴髮。且作麼生說。箇初不覆藏底道理。莫是一動一靜。告往知來。是麼。莫是折旋俯仰。周備一切。處是麼。莫是一語一默。坐臥談笑。是麼。若把這箇作不覆藏底。無異吹毛覓。

縫撥火求溫。殊不知正是業識忙忙。無本可據。豈不見長沙和尚道。學道之人。不識真祇爲從前認識神。無量劫來生死本。癡人喚作本來人。是佗古人見得。如來密語徹底無疑。等閑拈一機示。一境無不透頂透底。終不向夢幻殼子裏顛倒肉團心識上捏怪也。又有僧問古德。學人有一問在。和尚處時如何。古德云。設有也。斬爲三段。看佗得底人。趯出來不妨。烜赫何嘗有一絲頭許。與學者作道理。直是乾曝曝地。如一座須彌山相似。世間一切逆順境界。搖撼不動。善惡因緣。籠罩無門。豈不是大丈夫格外道人。也。敢問諸人。祇如釋迦老子。未入母胎時。三十二相八十種好。又向什麼處塑裝。這裏見得徹去。便見得大心檀越。張子明同妻趙氏裝嚴。釋迦老子最初一念起處。祇如子明未起裝嚴。最初一念。釋迦老子又在甚處。切忌向夢幻殼子裏顛倒肉團心識上捏怪。到這裏莫問釋迦老子。如之若何。但直下了。却最初一念。此念若了。未入母胎底。也不是。入母胎後。也不是。從母胎出底。也不是。塑底。也不是。裝底。也不是。最初一念。

也不是了却最初一念也不是然後張子明與妻趙氏男宗朝舉家眷等却有與釋迦老子相見分既是從頭俱不是了又向什麼處相見還委麼將此身心奉塵刹是則名為報佛恩喝一喝下座

小參罷復舉茗溪示衆云吾有大病非世所醫看佗古人吐露箇消息不妨烜赫其實無它祇是踏著向上關捩子拈出來便該天括地近傍不得是佗往日有知音後來僧持問曹山未審是什麼病山知佗落處便道攢簇不得底病這箇便是知音也豈似而今無地頭恣意亂道纔見人間未審是什麼病便打入葛藤窠裏恰如拽鋸相似你拖去我又拽來幾時得歇於本參中有甚麼交涉這般病諸人皆有之祇是不會病灼然攢簇不得既不會病變成毛病去既成毛病祇是業識忙忙無本可據到年窮歲盡總無得力處豈不哀哉若踏著攢簇不得底病便有超生離死之由這僧又問一切衆生還有此病也無山云有僧云既有因什麼不病山云衆生若病卽非衆生者僧也會推勘又問曹山和尚還有此病也無山云老

僧正竟起處不得不妨嶮峻這一句子難道非曹山如何啓口雖然正竟起處不得諸方具正知正見者其護惜珍育爲出世妙訣不肯容易發露與人若向薦福門下正是大病謂之貼肉汗衫謂之解脫深坑又謂之死水又謂之墨汁又謂之明白你諸人若病到竟起處不得但來問薦福當爲顯示諸方奈何不得何故蓋正坐此病這僧又問一切諸佛還有此病也無山云有僧云爲什麼不病山云爲伊惺惺此老人是曹洞正傳有回互傍參不犯底手段臨機入面得大自在豈守窠臼瞎學者眼諸道流既來此間相聚二六時中急著精彩時不待人儒者尙云朝聞道夕死可矣況衲子乎

傳法寺智都僧正請鳴鍾

師示衆云頑銅鈍鐵美玉精金大冶紅爐一槩鑄就不假毗沙門天王神力豈從須彌頂額上持來器重千鈞樓高百尺啓圓通三昧發清淨妙音直須眼處承當莫向耳邊領略鑊湯爐炭不用吹而自滅刀山劒樹何待喝而後摧尋夢頓除沉迷了悟萬象森羅

俱作舞大千沙界。一時聞大眾且道末上一槌落在什麼處。劫石有消日。洪音無盡時。

應菴和尚語錄卷第六

應菴和尚語錄卷第七

嗣法門人 守 等編

法語上

示徵禪人

達磨西來直指人心見性成佛。不妨直截省要。正眼看來已是七錯八錯了。也事不獲已且作死馬醫。祇者直指底心便是黃面老子四十九年橫說豎說不著處。至精至妙罕有達此正脉者。此心傳授不得。唯自證自悟到無迷悟處。祇是平常著衣喫飯更無許多玄解義路。貫塞胃次蕩蕩地閑閑地。祖師道一種平懷泯然自盡。方得大受用。至於臨生死之際。湛然凝寂更無毫髮走作。祇恁麼地如一坐須彌山相似。豈不要哉。近年來參學兄弟雖號行脚。恰如冷水澆

石一般。到所在挂搭祇是妄想記憶。諍勝負以當平生。真可憐憫。若是正因行脚人終不恁麼地看。佗從上古聖挾褻子出叢林入保社。親近真正善知識。十年二十年退步就已寒灰枯木密密地究竟。根蒂下一些子要著實處。方可隨緣任運。名為了事。禪僧行脚高人若心地不洞明。如何歇得。十二時中起心動念。匝匝地如千波萬浪相似。如何消融得。去到這裏若無透脫處。祇是一箇無所知。盜常住飯。劫賊臨濟和尚謂之禿兵是也。劫來劫去。劫得渾身赤骨。聿地忽然緣謝。所有平生機智聰慧。向眼光落時一點也不用。不著設使累生作得恒沙功業。愈無超生死之期。祇得人天福報。報盡依舊無出頭處。若要窮虛空劫盡未來際受用。不盡須是直下心空。既未能徹證此道。當須稟大宿。誓澤本分宗師。放下複子。盡此一報身。窮究此公案。無有不契證者。第恐如存若亡口頭雖說參禪。肚裏全不肯做。若此不如歸一頭存誠看教。作白淨業。將來不失人。身古德云。說得一文不如行得一寸是也。且如今列剎相望。呼為善知識。傳直

指底心宗畢竟此心如何傳是何形狀近來出一等魔教中謂之惡友各說異解以爲利人或者指示教人休去歇去都莫思量纔起動念速爲除去或者教人一向無事香不燒拜不禮或者一向令人理會古今去恰如箇杜撰座主或者將從上老宿赤心提持處謂之建立門庭或者見學家來室中下得一轉語相似打半日又問一句學者又進語合得佗著便謂此兄弟有箇入頭處且道此幾等利人還契得直指心麼灼然是無星子交涉所以佛鑒和尚道今之善知識多是曲指人心說性成佛此之是也臨濟正脉自百丈於馬師喝下遞代至今非但契證諸大祖師命根亦乃徹證不可說不可說百千萬億阿僧祇佛祖命脉絲髮不差百丈得黃蘗黃蘗得臨濟臨濟付三聖乃云誰知吾正法眼藏向這瞎驢邊滅却祇這箇說話若見得徹去何更有臨濟宗耶德徽上人以道義相從頗追古風不僣窮究衲衣下事誠謂之不虛行脚也若要易會祇向十二時中起心動念處但卽此動念直下頓豁了不可得如大虛空亦無虛空

形段表裏一如智境雙泯玄解俱亡三際平等到此田地謂之絕學無爲閑道人也更須知有五祖道底始得上人既炷香誠懇因書以付其行紹興十一年八月望日

示希禪人

古來老知識發心行脚時爲生死二字不破動餘萬里尋真善知識決擇此事十年二十年廢却世間一切閑雜骨董念茲在茲未嘗片時不在裏許尙恐走作不得此事成辦長慶和尚在雪峯立沙往來二十年坐破蒲團六七箇豈不是大根器尙不能徹證蓋古人參學不肯小小了却直是今生參不得便休終不敢取次承當嗟呼深不容易也一日見卷簾豁然漆桶破命根曝地斷便說箇頌子也大差也大差卷起簾來見天下有人問我解何宗拈起拂子劈口打此便是達磨直指底心更無秋毫許領覽悟解方可爲佛種草也每見今時兄弟做工夫不在沉掉處便在惺惺處坐地中其沉掉則猶若醉酒之人行於長途也飲其惺

惺則聞見逸於心腑以爲究竟法也。但捨二岐而致之一處。常爾提撕豁然徹去。不是分外事。

近日叢林有一等參學者。不自去真實履踐。已躬堅愛宗師說禪病禪。又何嘗有病來祇爲胡亂領覽。強記爲諦實。於本參學中實無得力處。所以宗師家用一些子本分草料。謂之解黏去縛。令學者知非而反。食宗師說病之語。益於胃次以爲究竟法。深可憐憫也。如今若要此事易辦。但念念無雜純一。真實久久。自然徹法源底也。

示國清初化主

古來道流痛念死生未明。立大志如金石。放復著處所求真正善知識。決擇父母未生前一段大事。豈肯容易哉。動經二三十年。灰却攀緣。滅却意想。孜孜冷地裏。一朝豁然。漆桶墮喪。却眼前光影。應是從前祭鬼家具。依草附木神祇。一切冰消瓦解。全是自己本地風光。如倚天長劍。誰敢正眼覷著。觀著印睛。却所以臨濟入門便喝。德山入門便棒。魯祖見僧面壁。俱抵見僧豎指。至於從上若佛若祖。天下有眼底老和。

尙全以本分草料。覲面提持。如斷命刀子相似。若是識痛痒。漢便知落處。其如皮下無血。眼裏無珠。底且留待彌勒下生爲佗說破。

示湛禪人

明果門下無禪。可說無道。可傳祇有一口劍。不問佛來祖來。聖來凡來。拈起便斬。若解向劍刃下。翻得身底。一任出一叢林。入一保社。把禪床上老漢與一撈。若見口裏水漉漉地。腰包便行。豈不快哉。若也未能。徹證扶荷。也不得草草深宜子細。神鼎護和尙道。參須實參。悟須實悟。闍羅大王不怕多語也。

不負平生行脚初志。盡此報身。靠却本色人。一二十年間。忽然遭佗毒手。頂門裂。眼睛落。光影盡。伎倆除。活鑼鑼地。吒吒呀呀。如師子王去住自由。哮吼自在。豈不是大丈夫意氣。做大丈夫事業。方謂之出群英特之士也。

白雲端和尙道。悟了須遇人。始得若不遇人。祇是一箇無尾巴。胡獼纔弄出人便笑。深信此道者。箇中無一誠可憐憫。

示清禪人泊出隊兄弟

黃面老子未出母胎時。便用一條斷貫索穿天下人鼻孔。及乎出頭也。用者索子。四十九年口吧吧地也。祇用者索子。又道四十九年未嘗道著一字也。只用者索子。末後拈花迦葉微笑。以正法眼藏分付摩訶大迦葉也。祇用者索子。列派已來。迄至于今。烹佛煉祖也。祇用者索子。近日者索子。看看無人解拈動。設有解拈動。恰如深夜伸手捉物。雖執其物。知它是青黃赤白長短大小。初不分曉。何故。蓋爲來處不諳。當遂致瞞瞞預預。若來處諳。當便見三世諸佛說夢六代祖師說夢。天下老和尚說夢。夢見黃面老子。却斷貫索子。既失却了。且道汝諸人將什麼受用者。些子如縷天鐵網相似。透得過者。八面通途。透不過者。且向諸上人手中乞命。

示崇侍者開元和尙語錄

祖師西來。直指人心。見性成佛。向衲僧門下。恰似掘地活埋人。也事不獲已。且作死馬醫。說箇佛說箇祖。說箇心說箇性。如將蜜果換苦葫蘆之說也。若是大

丈夫漢。一刀兩段。退步就已向一念未生已前。豁然覷透本來面目。洞明十虛廓。徹無間。便與釋迦老子不別。謂之頂王三昧。謂之烈焰聚。謂之金剛王寶劍。謂之踞地師子。謂之塗毒鼓。謂之種種名。當恁麼時。誰爲生死。誰爲去來。誰爲善惡。誰爲逆順。誰爲是非。誰爲天堂地獄。誰爲四生六道。盡大地是箇解脫門。全體是箇無位真人。受用物。豈不見臨濟和尚道。赤肉團上。有一無位真人。常在汝等諸人面門出入。未證據者。看看時。有僧出。臨濟下禪床。欄臂擒住云。速道。速道。僧擬議。濟托開云。無位真人是什麼。乾屎橛。此便是達磨源流也。臨濟得此三昧。如大雲雨。如百千萬雷。變通逸格。其唱愈高。三聖得此三昧。其和愈峻。至於興化南院。首山風穴。汾陽慈明。楊岐白雲。東山圓悟。皆得臨濟正裔。見徹本心。妙其三昧。誠謂教外別傳。直指之要。不辜也。此庵老人。始發大志。游方首造。蔣山謁圓悟禪師契。此三昧深藏。衆底二十餘年。未有明辨得出者。蓋其平生徹證。超出過量。履踐穩密。未易一言半句。急於人知也。紹興四五年間。此

三昧敗露。光明燭世如大日輪昇太虛空。有眼者見其光明清淨無塵無雜。山河大地依此光明發生。萬物日月星辰依此光明炳曜凝昧。地獄天堂依此光明而住善惡一切群動依此光明頭出頭沒。衲僧依此光明啓大爐鞴提奔世鉗鎚碎聖凡窠窟。斷佛祖命根。命根若斷。竟其光明來處了。不可得。盤山和尚道。心月孤圓。光吞萬像。光非照境。境亦非存。光境俱亡。復是何物。雲門和尚道。盡大地是光。喚什麼作自己。若識得光去境。亦不可得。有什麼屎光境。光境既不可得。復是何物。學道流向箇裏如何支準。若是打破漆桶底。漢便知二老落處。既知二老落處。且道在光明裏不在光明裏。若道在光明裏。雲門又道。有什麼屎光境。若道不在光明裏。盤山又道。光吞萬像。所以道打破漆桶後。須是遇人始得。若不遇人到箇裏。失却透關眼。若是打破漆桶。曾經本色宗匠爐鞴中出來。如百煉真金。如猛虎捕翼。如金翅吞龍。方謂之眞法王種草也。

示通修造

昔大隋和尚參七十餘員。善知識具大眼目。祇一二而已。其他皆具正知見。香林見雲門十八年作侍者。凡一言半句。錄於紙衣下。舉此兩端。深知古人爲法誠切。到透處。烜赫迥出羅籠。機關裏情解之外。所謂師子王不妄哮吼也。近世宗門淡薄。病在於何。病在當人不自信處。且此病從何而起。蓋從因地不正而起。因地既不正。雖致身叢林。視叢林猶驛舍。雖說參禪。聞禪似鳴聽雷。舉此兩端。亦見今人與古人相違也。其間設有因邪打正。方知佛祖深恩難報。則知二大宗師不誣矣。

示璋供頭

本色道流。夙有般若種智。纔出頭來。其氣槩勁直於最初一步。卓然超絕。與泛泛者不同。蓋末上親近眞正宗匠。至於一言半句。終不妄誕。然此一段事。初非明悟知見可擬。又豈是世智辯聰而能彷彿者哉。是故羅山云上。士脚纔跨門。便知宗旨。猶怕繩床上老漢瞋睡。更回頭與一探。若是作家。暫挂瓶盂。亦恐繩床上老漢瞋睡。未醒口裏水漉漉地。不是泊船處。便

去俗人家寄宿去看。他透底人。露箇消息。直使天下。稍僧無絲頭許。湊泊亦不令守住。無湊泊。蹊徑所謂。驅耕奪食手段。誠問世而出。又安可與時輩和泥合水。瞎學者眼耶。

示圓鍾頭

釋迦老子已前。曹溪大鑒之後。諸大老宿已來的。的相承密密符契。亦不出乎當人二六時中一動一靜一語一默之間。果能不昧初志。於此直下。頓見本地風光。則與從上佛祖把手共行。同一受用。提持千聖近傍。不得底萬靈景仰。無門處。頂額上一著子。不獨與一切人解黏去縛。至於四生九有三途六趣。俾各徹證根本。箇箇洞明。正知正見。豈不是大丈夫成就大丈夫事。臨濟道我二十年前。在黃蘗先師處。三度問佛法的的大意。三度被打如蒿枝拂相似。如今更思一頓喫。誰爲下手。時有僧出云。某甲下手。臨濟拈拄杖度與。其僧擬接。臨濟便打看。他顯示此箇大法。不妨超宗異目。豈似而今依草附木之輩。恣縱無主。孤魂坐在第八識裏。團量他向上人大機大用。正如

螢火燒須彌山之說。歸宗年來寂寞太甚也。思得六十棒喫。誰爲下手。忽然圓上座出來。道法圓下手。祇向伊道。待你鑄鍾了。則分付拄杖子。

示章修造

佛眼叔祖初領淮右龍門。殘僧破屋而已。不逾年天下英特之士。屢滿矣。未及數稔。一寺鼎新。於是泉山之道大振。天下建炎末。紹興初。兵火民物糜滅。幾盡獨龍門存焉。蓋此老人般若智勝。行願宏博。而世數豈能動毫芒耶。昔嘗示徒云。你爲我修造。我爲你說禪。我將金彈子。博你泥彈子。好言語理上。也透事上也。透所謂理事融徹。會盡諸法。無生雖不同。佛眼叔祖佛祖安能迹其前。雖不行棒行喝。棒喝安敢措其用。當知佛眼叔祖之道。太虛空不可等量。玄妙泯默。豈可圖度哉。是故參學人若覓得泥彈子。透便知金彈子落處。若覓得金彈子。透便知泥彈子落處。者箇臨濟吹毛劒。若善操持。大功不宰。儻或躊躇。未免自傷已命。

示政化士

巖頭和尚道大凡唱教須從無欲中流出三句祇是理論咬去咬住欲去不去欲住不住或時一向不去或時一向不住誠哉是言也從上具大眼目宗師皆得箇些子說話所以掀天動地孤峻處湊泊它不得平實處捫摸它不著逆順中覷它不見謂之禪僧巴鼻圓悟師翁凡示學者曰我有一句到你老僧自書喫棒若無一句到你你便自陷地獄看它得箇些子說話底事分正如金翅摩海直取龍吞無異也又道夫爲善知識據曲象床若無擒虎兇辨龍蛇眼未免被覺者吞却已謂宗門祇如是也豈不見明招到泉州坦長老處坦云夫參學一人所在亦須到半人所在亦須到明招便問一人所在即不問如何是半人所在坦無語後却令小師問明招云你欲識半人所在麼也祇是箇弄泥團漢歸宗將謂明招曾見作家來必有驚人之句如何却作野杆鳴且道節角在什麼處

示茂先二化士

一大藏教且不是黃面老人說底直指人心且不是

達磨大師傳底祇者兩著殃害天下衲子求生不得生求死不得死正擬議間驚地被人推轉一刀兩段血濺梵天向歸宗門下猶是撥洗腳水底漢未曾夢見我先祖意旨豈不見臨濟在黃蘗問佛法的的大意三度被打六十拄杖與化久參臨濟末後見大覺至脫衲衣處忽然大悟親見臨濟在黃蘗喫棒底意旨欲紹此箇門風初無它術別沒聲訛一味硬却脊梁豎教透去則盡大地人性命祇把斷貫索穿却更無一箇漏網底豈不是大丈夫漢成大丈夫事也

示鑒化士

叢林英俊之士氣宇不群凡所至處終不妄通消息設吐露一言半句必有來由雖有未徹底領略却受人整頓蓋智識精明使其然也唯是拍盲者不問是不是祇信彩撒將去貴人說伊會祇對不知正是折本經紀也仰山在百丈時口吧吧地丈云汝它後遇人在後到潯山山云子在百丈問一答十是否仰云不敢山云佛法向上道將一句來仰山擬開口被喝出如是三問三擬答皆遭喝出仰山低頭垂淚云先

師向我道。他後遇人。今日便是也。從此發心入山。看牛三年。一日。瀉山入山。見在樹下坐禪。以拄杖點背一下。仰山回首。瀉山云。寂子道得也。未。仰云。雖道不得。要且。不借別人口。瀉山云。子會也。所謂動絃別曲。葉落知秋。至於臨濟。在黃蘗處。三遭痛棒。後來出世。示衆云。我當時在先師處。喫棒如蒿枝拂。相似。凡養子。要如二大老。始可起宗也。祇如臨濟。仰山悟去。成得什麼邊事。若檢點得出。許你入阿字法門。

示感化士

道人之心。其直如絃。在在處處。若倚天長劍。世間富貴。驕奢五欲。八風。入作無門。名利是非。四生九有。籠罩不住。得到這田地。便是取黃面老子命根時節也。豈祇一生兩生。堅勁行願所致。乃是積劫熏煉。種智純熟。至於歷諸勤苦。然後乃可引跂大方。超然獨步者也。古云。無一法從懈怠懶惰中生。又云。久受勤苦。乃可得成。此真實語。不誑語。不妄語也。果一旦透去。千人萬人。羅籠不住。呼喚不回。它時。吳日孤峯頂上。呵佛罵祖。則不忝矣。豈可飽食終日。成群作隊。說黃

道。黑略無少念。回光反照。我今此身四大。所謂髮毛爪齒。皮肉筋骨。髓腦垢色。皆歸於地。涕唾膿血津液。涎沫大小便利。皆歸於水。煖氣歸火。動轉歸風。四大各離。今者。妄身當在何處。箇裏。急著精彩。若作地水火風商量。釋迦老子。盡塵沙劫。無出頭分。不作地水火風商量。如將魚目。而比明珠。二途不涉。無異畫餅充饑。三十棒歸宗。自喫不干諸方事。

示禧莊主

頂門一機。千聖罔措。思而知第二頭。不思而知第三首。要在當人。直截荷負。卸却從前。學解明昧。兩岐到淨裸裸處。更須轉向那邊。見佛殺佛。見祖殺祖。向衲僧門下。猶是奴兒婢子邊事。大丈夫漢。莫向禪床角。老和尚口邊。覓禪覓道。覓玄覓妙。壓向臭皮袋裏。爲究竟法。不亦謬乎。睦州凡見僧云。見成公案。放你三十棒。俱胝見僧。豎指秘魔。見僧擎杓。至於立沙。未徹。從上諸宿德。無不的的痛處。提持如大火聚。孰敢近傍。近傍則燎却面門。又如金翅摩海。直取龍吞。更無回互。有如是氣。槩具如是英特。方可稱爲大丈夫事。

莫祇守老鼠見解弄三寸光巡門傍戶見人道好從之於好見人道惡從之於惡誠可憐憫麻谷一日持錫至章敬遶禪床一匝振錫一下卓然而立敬云是又持錫至南泉遶禪床一匝振錫一下卓然而立泉云是不是谷云章敬道是和尙爲什麼道不是南泉云章敬是是汝不是此是風力所轉終成敗壞參學人到此如何縹素若善參詳好惡自分耳

示嚴教授宣教

達磨大師未離西土已是七錯八錯既把不定遂航海游梁歷魏九年少林露箇消息謂之單傳直指其納敗愈甚事不獲已將錯就錯以心契心初無毫末許得底道理所證祇證自本法且如何說箇本法莫是以心契心爲本法耶以無所得心爲本法耶不是心不是佛不是物爲本法耶總怎麼爲本法耶總不怎麼爲本法耶若如此領略正如刻蕤作旃檀形盡未來際祇作屎臭氣縱饒辯似懸河機如掣電也是掉棒打月者些子須是悟底人方知落處而今說箇悟是治顛倒語從上若佛若祖觀一切衆爲從無明

流入顛倒從顛倒流入諸趣路頭既錯改頭換面造種種業謂之從迷背悟若夙植善根從善知識言下心地開通觀徹本來面目便謂之返迷入悟然而迷時又何嘗滅一絲頭悟時何嘗添一絲頭迷時則迷悟底悟時則悟迷底迷悟既徹生死根斷直下如紅爐上一點雪相似佛也祖也凡也聖也逆也順也好也惡也長也短也至於得失是非俱著不得於著不得處事事著得譬如虛空具含衆像於諸境界無所分別又如虛空普遍一切於諸國土平等隨入塵塵剎剎全是箇大解脫門佛法世法打成一片便是從前未舉意參禪時身心一般肚裏更無許多惡知惡解所謂悟了還同未悟時是也到此境界方謂之無疑之地亦嘗面論不疑有兩種見徹本法到究竟大安樂處故是不言尙恐坐著有一般拍盲不疑自謂從本無迷今亦無悟及乎徵詰無迷悟處又却去不得豈不是拍盲不疑此是焦穀敗芽斷佛命根出佛身血之輩烏可與語哉古來老尊宿窮究此一大事不是容易直是子細安似今時長老擔資得重何謂

如此有般底得箇見處了便休更不就人決擇被人拈起一件物頓在面前分疎不下便渾崙吞却口頭雖說不疑肚裏畢竟有塊物不能消化此便是生死根本也有一般底得箇見處坐著見處見地不脫一向說玄說妙廣陳陳蹊徑謂之爲人此便是喪達磨正宗魔子也有一般底做工夫到箇靜處身心稍稍輕安一向坐在無人之鄉見人說著好事便生煩惱返言禪道本無所說所以雲門道一切處不明面前有物者是也此病最苦有一般底得箇見處蕩蕩地無佛無祖無諸聖一向無將去行盜行淫飲酒食肉謂之無礙禪此是地獄種子也永嘉云豁達空撥因果莽莽蕩蕩招殃禍此之是也有一般底見處泯默無聞一味噓却常住飯了祇管死葛怛地守却被位等箇悟處此便是深山大澤中一間破屋下泥團謂之無轉智大王徒消信施耳其實本分參學者初無許多棲泊處渠自有趙宗異目生涯且如嚴陽尊者問趙州一物不將來時如何趙州云放下著趙州知佗病正在這裏便與放出毒手去貼肉汗衫非此手段

不可救也嚴陽尊者既不領略又問既是一物不將來放下箇什麼趙州又對佗道放不下擔取去者一句子更是辛辣過如喫痛棒從上古尊宿履踐此事直是透到無秋毫子過患處方敢據位爲人師範豈似今時銜聲利輩亂瞎人眼也面論爲人一著子須是自得之古云得之於心應之於手臨機初不費絲毫氣力別將出來活鑿鑿地左之右之皆在吾網中不可說這一箇公案是爲人處那箇公案不是爲人處切忌作此解殊不知當臺明鏡妍醜自分耳維山老漢道我這裏祇有一口劍劍下有分身之意亦有出身之路從上老宿弄將出來千差萬別無不從腳跟下流出變通逸格殺活自在巖頭道若論戰也箇箇力在轉處豈不綽綽然有餘裕哉

示達化士

德山未遇人時壑一肚皮葛藤流入八萬四千毛竅化爲精魅翹翹各各放無量神通及見龍潭一點也不用不著然後知非乃云從今日去更不延天下老和尚舌頭也信之此事初不在聰慧多聞處亦不在澄

澄湛湛處亦不在長坐不臥處亦不在寂寂惺惺處。若是其中人動絃別曲葉落知秋其如未能究竟當如德山見龍潭一番子方可入爐鞴受鉗鎚也。

應菴和尚語錄卷第七

應菴和尚語錄卷第八

法語中

示正首座往濠州幹修造

本色道流參問祇要敵生死終不向古今策子上討諸方舌頭邊覓唯是退步就已冷地裏根蒂下切切提撕忽然手蹉脚跌納敗一場便是生一參學事畢於孤燈獨照時始見有力如一座須彌山何處更有生死怕怖動搖去來底道理死心和尚問魯直聞說公會禪諸方皆許可是否魯直擬議死心云老僧有一問問你它時後日彼此燒作一堆灰時如何魯直忙然千千萬萬人向這裏蹣跳祇是踏不著且道諸

訛在什麼處報恩一日問正首座燒作一堆灰時如何正對曰惱亂春風卒未休佗如此祇對是會耶是不會耶頂門具眼底試辨這漢看

示範化士

西天四七唐土二三無不以頂額上一著直截顯示奈緣學者困於知解泥於見聞坐在必死之地不能洞明從上諸祖直截顯示之由所以古德道學道之人不識真祇爲從前認識神無量劫來生死本癡人喚作本來人看佗得底人等閑吐露一言半句不妨超宗越格便有直截荷負之量堪爲宗門苗裔豈不是大丈夫特立種草也南泉道王老師十八上便解做活計趙州道我十八上便解破家散宅叢林商量道念茲在茲謂之做活計無佛無祖謂之破家散宅若如此持論其利固無其害甚重欲明二大老之意待應庵三十年後換却骨頭了與你說破

示彭道清善友

治身之端正在己也千里之步貴在初也善此二者百千法門無量妙義畢矣故謂之無盡藏三昧又謂

之虛空正體。又謂之常住不滅。在衲僧門下。又且不然。眼觀東南。意在西北。不可以無心求。不可以有心會。不可以語言造。不可以寂默通。非大法洞達。豈能縱步千聖頂顙哉。

示寶道人

祖師巴鼻。無一針頭許。祇緣學道人親近太切。所以不見若要易明。但十二時中。一切處放教無心。去自然合道。道既合。則內外中間了。不可得直下虛凝。迥無依倚。古德所謂。心心不觸物。步步無處所。看它向上人行處。又何嘗有絲頭取捨意。路與人湊泊。祇如德山。凡見僧入門。劈脊便棒。臨濟見僧劈面便喝。每以此顯示學者。祇貴知歸此間。有等紕繆。強作主宰。無主孤魂。咸謂赤心片片。老婆心切。恩大難酬。且放過一著。將謂識痛痒。似此之類。故多不復盡舉。並不知二老得力處。祇一味搏量恣情卜度。師與弟子。互相印證。不惟沒溺自己。亦乃陵辱先宗。欲明二老人端倪。切忌狂狗趁塊。

示忠首座

鷲嶺拈花。少林直指。至曹溪之後。此道大振。天下皆英特俊流。克紹荷負。非劣根躁進者。而能操持也。大凡起宗之士。一動一靜。一語一默。迥然殊絕。終不肯沒溺死水中。為究竟計。近年此道凋落愈甚。設有一箇半箇。初詰之似彷彿。至下手時。全無巴鼻。蓋根本不脫。祇是學語之流也。看佗黃蘗臨濟。變化大覺。南院風穴。首山汾陽。諸大老說底話。豈止一機一境。為實法。繫綴來學。動是提向上鉗鎚。使從上佛祖按下雲頭。知有向上事。安似而今青黃赤白之輩。胡亂引人入草。瞎却佗眼。耶。是佗古人道悟了。須是遇人始得。這箇說話。須是大法明底。方知落處。若是徐六擔板。卒難湊泊。是故我輩沙門。合行事。非世間心術。而可擬量。又非寂然不動。而能洞達。所以道寂是誑語。是謗。向上更有事在。老僧口門窄。不能為汝說得。學道流若不遇人。如何有這箇說話。既透得這箇說話了。還識福州人吟雪詩麼。

示徐國寶

少室門風。無秋毫許。至承當時不道無。直是萬中無。

一設有一箇半箇多是栽培得底。臨撒手時恰似落湯螃蟹一般。何緣如此。蓋末上不遇人。明見自性不徹。遂致斯害也。萬一宿植般若。種智深厚。終不被邪師惑亂。而能親近真正宗匠。決擇死生大事。古德云。參須實參。悟須實悟。此之謂也。祇如六祖示明上座云。不思善。不思惡。正當恁麼時。那箇是明。上座本來面目。明言下領旨。却問六祖上來密語密意。外還別有意旨也。無六祖云。我今與你說者。却非密也。汝但返照自己本來面目。密密却在汝躬。看佗六祖揭示少室直指之要。何嘗有秋毫許禪道佛法。到人唯直下揮金剛王寶劍。不獨斷明上座命根。至天下人命根悉皆瓦解冰消。豈不是大丈夫漢成就大丈夫事也。然大凡參學道人。第一不得記箇元字脚子。此是入道要徑。又道如經。蠱毒之鄉水也。冥靈佗一滴。古人方便無出此也。從箇裏去。以透脫生死爲究竟。若別有道理。別有方便。則真西天九十六種之數無疑耳。

示機化士

古德山未行脚時。眼空四海。英特之氣。逼人及到南

方首謁龍潭。至吹紙燭處。漆桶子破。乃云。從今日去。更不疑天下人舌頭。跋步大方。無出此老性懷。向一槌下。便透箇透底。與迦文老漢見處。不別。豈不綽綽然有餘裕哉。如是三十年。祇一條白棒。佛來也打。祖來也打。要且不是吹滅紙燭處道理。直是鐵眼銅睛。覷佗不破。所謂大丈夫事。非將相之所能爲。此之是也。大底參學人。須具真正知見。然後可就爐。鑪煅煉。尙恐禁當不得。遂爲退志。而況拍盲不知有者。而可語乎。縱具正知見。不遇人。猶爲見刺所惑。不得自在。其病又莫大焉。大凡參學。有地頭人多。彼此患攪炒。脫不得。便爲滲漏。果有志與釋迦老子作苗裔。切不可輕結裏。決要洞達大法。則不墮邪師網中。乃第一人也。

示偉化士

真實參學。衲子二六時中。卓卓地六根門頭。裸裸地應世間。五欲八風。搖撼不動。而見聞覺知。籠罩不住。亦不舍見聞覺知。而求一法。亦不即見聞覺知。而求解脫。如是見徹。如是洞達。迥無依倚。超出聖凡情量。

亦不依住。迥無依倚。超出聖凡。情量去處。名為出格道人。然後提金剛王寶劍。隨所至處。見佛殺佛。見祖殺祖。見阿羅漢殺阿羅漢。所謂出佛身血。破和合僧。似這般漢。不必多止。得一箇半箇足可。紹續佛祖慧命。其臨濟正脉。不患掃土。誠不虛來。闍浮提打一遭。是故古德云。一等踏破草鞋。直須穿教透。去豈不是大丈夫漢。說底話。焉似而今有般猊郎。限限種種弄盡鬼怪。更據曲柔木床。妄自尊大。又將從上一言半句。妄行批判。誑惑後昆。造地獄業。是可憐憫。大凡參學末上。既非正因。至竟祇成廢人。設若親近宗師。亦是沽名譽利。其脚跟下太事。無因分曉。大事既不分曉。則惡業因緣。從而和之。是以智者改過而遷善。愚者耻過而遂非。遷善則其德日新。遂非則其惡彌積。聖賢之語。昭著明矣。儻不諄諄奉守。所誠則人天二路。泯絕。驢胎馬腹。無疑。豈不見汾陽云。一毫頭凡聖情量。未盡。不免入驢胎馬腹裏。白雲道。直饒凡聖情量俱盡。亦未免入驢胎馬腹裏。二老漢雖把手上高山。未免傍觀者有般瞎禿。便向者裏問誰是傍觀者。

則歸宗拄杖折也未放在

示儻供頭

摩竭掩室。自救不了。毗耶杜詞。却成切怛。更說箇上無攀仰。下絕已躬。壁立萬仞。也是賊過後張弓。其跡是甚麼破砂盆。一向與麼去。盡十方世界一切白蟻。却且放過了。與你和泥合水。祇據目前見處。畢竟以何為極。則灼然十箇五雙。是喫殘羹餒飯漢子。要箇獠虎頭。取虎尾底。恰如天上擇月。而今祇得將錯就錯。咬定牙關。向定盤星下。信彩秤。知它是什麼儻禪者。本分參學。道流相從。歲久誠不易得。法華舉和尚示徒云。行脚人不在觀州。旣府看山門。景致過時。爲什麼事。蓋爲生死事大。從上古人。凡到所在。見箇村院主也。須問過。如今晚學。往往蹉過。不肯遍相傳問。古尊宿語。極有深旨。若善提撕。紅塵堆裏。關市門頭。無非是上人出身截徑也。

示日化士

古之老宿。問道之由。不較得失。但是二尺之童。有長處。固扣之。此方謂之學道人。也。近世宗徒。雖云行脚。

專理究死生大事其模樣也似古人所存得欠甚重。既有此患於直指之源不可得而明矣。譬如善射者。初欲較得失。卽無精中之期。蓋從無得失中習之。悠久然後可中。其的學道亦然。若有一念得失居懷。卽被得失羈鎖得失之論無它辭。故得之爲喜失之爲怒。此皆不祥中起。此喜怒其喜怒則人我之根本若了。人我根本初無來處。卽是如來清淨大解脫門。所以道從無住本立一切法。修山主道法法不隱藏。古今常堂堂汝問是不是。我答當不堂。祇此便是截生死流底要。道佛祖頂門正眼也。

示證化士

洞明先生大事不是小緣。唯在常人宿植智本深厚。專誠參究。看是什麼道理。第一不得先立箇會處。亦不得作箇不會底道理。正如學射一般。久久到意盡情忘處。驚然中的。更須知有破的自得之妙也。雲蓋闍黎雙泉雅山主。令看芭蕉室中示偈云。你有拄杖子。我與你拄杖子。你無拄杖子。我奪你拄杖子。蓋經久看之未明。一日雅向火次雲蓋侍立。雅願示云。你

有拄杖子。我與你拄杖子。你無拄杖子。我奪你拄杖子。蓋擬開口。雅以火筴攔手。一撼雲蓋豁然大悟。凡爲善知識。若無此出格過量。逸群大機。往往四稜塌地。大家草裏。瞋瞋學者眼。則多矣。莫是雲蓋擬開口。被雅以火筴攔手。撼處是出格過量。逸群大機。麼。且喜沒交涉。參學人欲洞明其要。急著精彩。時不待人耳。

道友孫亨仲求法語

亨仲家居東林之右。去城七十里。營生南畝不多。而能辦心。延供十方雲水。往歲遇大旱。其心愈確。而不厭其來者。野有餓殍。獨其家有餘。信之願力洪廣。而動神物護助也。予頗報恩。院事皆聽其堂學家長。齋奉佛殿。肅真在家。懶子也。每入城首過其門。則隨衆請入室。不畏奮爭。渠喜從之。予移居東湖。亦來不倦。此皆過去有緣。種今生深信大法也。昔日甘行者家。接待凡有僧問。接待不易。行者甘云。譬如餓驢。馬看它打透底人。迥然殊絕。等閑拈起一莖草。便是倚天長劍。今時流從朝至暮。說盡道理。未嘗有一句正

常瑛耶覺和尚云。快把飯來。白雲端和尚云。瑛耶有不犯之手。且道這三箇老漢。病痛一般。爲復有異。參學人到箇裏。著精彩。薦地踏翻。乃和二三人。坦赫處。佛祖不可及耳。

示通化士

祖師開示直指之要。非講較。尚確持論。而能造詣。唯是具大根極。乃可洞達。是故從上老宿。親近決擇之。暇其履踐處。真實無片時虛。奔悠久自然。純靜。豈爲世間妄想塵勞。包裹也。果如此。做去。蓋地一念。回光觀透。本來面目。便見世間。塵勞妄想。山河大地。色空明暗。理性玄妙。所從來處。一一分曉。既得分曉。則不被世間。與出世間。法籠罩。直下打成一片。二六時更無第二頭。古人又道。喚作如如。早是變了。也者。裏急著精彩。此事不厭純熟。愈進愈明。愈明。至臨機大用。著著有出身之路。豈可使學者。平白地。死在句下。作佛法中。歷劫罪人也。祇如僧問弘覺。山河大地從何而得。弘覺云。從妄想得。僧云。學人想出一錠金時。如何覺休。去僧不肯雲門。開舉云。已是葛藤。不能

折合。待伊道。想出一錠金得麼。以拄杖。便是則是。雲門。血滴滴地。要且出他。弘覺。休去一些子。不得有般。瞎漢。便道。歸宗爲弘覺。作主。嗚呼。近年此類甚盛。不復忖怛也。

示章化士

衲僧家。出一叢林。入一保社。須具頂門。金剛正眼。不爲邪師。引入草窠裏。做瞞天罪過。乃真第一等人也。果如此行脚。何愁行脚事。不辦。是故古德。撥草瞻風。豈爲遊山。玩水。這邊好。堂廚那邊有。施利受用處。便唯單與死生。做頭底。要透。向上一段。奇特大事。到得十成。無滲漏處。更須轉向那邊。千聖捫摸不到。萬靈退仰無門。等閑蕩蕩地。似瓦如癡。輕輕撥著。便解水裏火發。方可纖臨濟兒孫也。苟專師門。格轍限量。則被人撈著。未免死在鬼窟裏。耳。限限也。二十四氣。一時現前。大丈夫事。何其在此。所以列祖出興。提持此要。無它。爲此等流也。終不隨搬搬。入野狐群隊中。看佗。上古德。山臨濟。乘一機。示一境。如揭貼肉汗衫。相似。纔見刺頭。入便與一刀兩段。尚未曉從上來。

事豈可拍盲妄自指注年來參學人咸謂臨濟下兒孫機鋒峻捷此說猶甚怪也蓋章禪人有志參學不憚數千里來此道集即透生死大事未肯端坐固効古爲衆持鉢繼洪州出隊目鉢袖袖求法語揮翰聊書大槩切忌作言語會亦不容作無言語會到箇裏大事爲你不得小事自家祇當

示衲禪人

有志衲子致身大叢林決定要脚跟下事透頂透底與從上佛祖雪屈豎上蝸角蠅頭而喪已身哉看佗臨濟德山興化南院風穴首山汾陽的紹續爲萬世衲子之師雖相去數百年其金聲玉振龍馳虎驟未嘗隔一絲毫許千人萬人仰望不及所謂羅籠不肯住呼喚不回頭古聖不安排至今無處所步步登玄不屬邪正破的手大針鐵非諸大老而孰敢當前手至慈明黃龍翠巖楊岐唱愈高和愈峻自圓悟已來天下九州兒孫遍地蓋源深而流長也是故今日此丘當痛念先祖門風峻接活業廣大豈敢癡坐日眠三覺古人有終身之覺無它覺道未達也道既達

卽無累生之患是可得而名狀耶便能顯示七佛已前威音那畔一箇大脫空五祖謂一切妄言綺語小脫空是也觀見本來面目大脫空是也且小脫空與大脫空是一義二義思之

示信禪人

學道人在乎猛利一咬便斷纒礙議卽鑽頭入知見網中起結角羅紋分別欲洞明少室單傳直指之要遠矣南泉示趙州云道不屬知不屬不知知是妄覺不知是無記若真達不疑之道猶若太虛廓然豈可強是非耶看佗古人一期刊示初似刀刀至折合處直使白衣拜相苟或未暗此脉不用敲磚打瓦祭鬼燒錢但向一念未生之際直下如桶箍脫撒一番其塵劫來事一時覷透既得這箇本柄入手切須牢把住未可輕放下何故前頭有事在正好上門上戶求真正宗師做冤家債主期透向上關穿天下衲僧鼻孔是爲難乎它時異日霜露果熟出來與德山臨濟把手共行點檢從上老宿未了底公案俾令後之學者親認祖父契書四至去處一一分曉決定無疑然

後承荷家業育子榮孫所謂我本無心所有希求今此寶藏自然而至豈不慶快平生祇如德山臨濟過去數百年如何却要與佗把手共行應庵下一轉語看

示原禪人

大凡行脚人蘊成佛作祖氣槩與流俗阿師迥然不同是佗二六時中卓卓地滴水滴凍不妨孤峻所謂先立乎其大者其小者弗能奪也大者既達小者則如大者大者則如小者然後大小雙泯圓融無際在今時猶是野狐窟宅更須一槌打破透向上大機大用放出焦尾大蟲作師子吼既是焦尾大蟲因甚却作師子吼三賢固未明斯旨十聖那能達此宗

示祚禪人

古來抱道之士如癡似兀豈有一言半句與人咬嚼人自知之思乎不鳴鳴則驚人年來此道荒涼尤甚設有留心叢林者例無正因縱依附善知識殊無道念初不異區區走山水活名要譽之徒也苟得把茆蓋頭略不知分而又狂悖欲竊如來大人境界比無似之身謂言傳佛心宗況如來大人境界而容妄竊

乎其從游者鑿頭鼠目蠶尾狼心傷敗風教比比皆是可不哀哉五湖大心衲子應須遠離所謂見不善如探湯是也

示法化士

祖師道心有所是必有所非者此說話非上根大智孰可洞明要須盡却今時始透向上關捩子臨濟黃蘗處三遭痛棒所謂攻乎異端斯害也已經大愚悟去其恠愈甚然予之言知音者少設鼻聽眼聞者則未與可臨濟出世後示衆老僧一生呵佛罵祖覓罪性如針鋒許了不可得且道黃蘗處喫棒底罪過向什麼處去也

凡見僧入門便喝快如倚天利劍鈍似無孔鐵鎚喚作一喝達磨家風一掃而盡不喚作一喝犯哭言羅罪

示琮侍者

本分參學道流末上爲生死不明正如囚禁之人未得決斷至於行住坐臥飲食之間不得少安若如此

做工夫其生死大事無有不徹底道理往年佛果園悟師翁遍扣諸方無有不可其所得者後見白雲演和尚被詰其由元來無本分事祇是一肚皮虎頭白雲向他道勸上座你參底是法座上禪團悟不肯拂袖而去至金山遭大病幾死思量從前參問並無一句得力纔得安樂復見白雲聞聲頻呼小玉之語驀地打破漆桶方始知非信之師資緣會決非等閑今時禪人亦在叢林中多年也去見有道宗師亦嘗遭重病心下安與不安皆自知得祇是不肯放下此不肯放下有兩種最初行脚不遇真正宗匠撞入外道邪師火裏中其毒藥便謂行脚事畢是一又有一種難致身叢林中名爲參禪其實無正因一味盜聽反急人知便自證據却但言祇是箇事是其二也此兩種謂之膏肓之病除是一旦知非將來却有放下時節且畢竟放下甚麼祇放下人我權子得失是非佛法玄妙纔如此放下便覺身心輕安表裏純淨二六時中胃次空勞勞地冷地警然脫去始可禁拳趨受烹煨若祇守饋覽爲究竟無異依草附木精靈是它

逸格道人迥然殊絕觸著便解生風起草世出世間得人憎無出者一著子謂之衲僧巴鼻是也

示通化士

昔黃蘗聞百丈大智示再見馬祖深旨不覺吐舌非生而知之孰能領略哉此道至臨濟大行天下若子若孫咸具殺人不眨眼手段覓一箇半箇作將來種草呵佛罵祖猶爲不啣啗漢豈況和泥合水撒土揚沙以當宗眼無異一牛迹之波擬比滔天之浪是可得耶有志之士果不昧最初一步長時放教冷湫湫地一旦桶底子脫歷劫來事頓然現前不爲邪師惑亂一向硬糾糾地風吹不入水灑不著它時異日何患不熏天炙地也不唯符契前百丈大智所示再見馬祖深旨亦將確然特立大方又何曾遇大風則止而已矣

示一化士

讓祖首起馬駒膏肓之病示以磨靨打車殺佛之要所謂差病不假驢蹄藥應平生堅執奉重渙然冰釋從容父子徵酬曾無毫髮滲漏皎然如千日並照臨

機八面超情離見到出生入死不疑之地了無生死
始終之患爾後以是傳之百丈百丈以是傳之黃蘗
黃蘗以是傳之臨濟臨濟以是傳之三聖三聖死且
喜太平豈謂興化忍俊不禁向大覺棒下見徹臨濟
在黃蘗處喫棒底意旨此老故是聽事不真喚鍾作
甕就中奇怪遠今天下老和尚無不以是褒揚殺人
刀活人劍乃上古之機鋒亦今人之樞要摧魔破執
不得不無其間一箇半箇灑灑落落終不肯坐死水
裏與蝦蟆蚯蚓長歌細吟也大底抽釘拔楔解黏去
縛手段以壽後世從今日去斷要箇撲跌不破底點
出來與臨濟作種草俾綿綿亘萬世爲祥爲瑞爲風
爲雷爲雲爲雨爲殃爲害又豈徒然者哉

示慈修造

大丈夫要截生死路頭應平昔珍蓄諸所有物併須
棄之則六根門頭自然淨裸裸地一旦瞥去不患生
死路頭不斷也苟不本真實履踐而欲多知多解爲
自得之妙返爲知解風所吹增寒壯熱常時現前鼻
塞頭昏無日不作蓋自取之禍非它咎也大抵少室

正傳直饒徹底悟去折合到十成絕滲漏處更禁得
惡拳趨受得沒滋味過這幾重關了亦未稱平生意
在當知先達拈一機示一境脫羅籠碎窠臼曾無一
針鋒許法與人作道理尙恐忙忙時異日妄生節目搖
動學者將爲少室正傳合有怎麼事殊不知快鷄不
打籬邊雀

示宗書記

從上佛祖言教如敲門瓦子事不獲已藉之以爲入
理之門年來學者不本宗猷反以佛祖言教爲極則
譬如澄清百千大海棄之唯認一浮漚是可憐憫者
有祖已來列派扶宗之士揭示直指之由初無秋毫
許與人領略其所示祇示當人本法果能向一念未
生時一刀兩段則到臘月三十日懸崖撒手時其五
欲八風搖撼無門九有四生取攝無分所謂真大丈
夫事豈可與數黑豆死漢輩同時而語耶

示感修造

學道人圖心要參禪但參取涅槃堂裏孤燈獨照時
禪切不可立限劑到幾時幾日什麼時辰決要悟道

便是好笑。此禪無病痛。祇貴退步深信得。及高挂鉢囊。拗折拄杖。硬却脊梁。內同木石。外同虛空。驀爾添桶一脫。五聚十八界。蕩然清淨。四生九有。類頓時解脫。既見這一條大路了。未是休歇處。直到大法洞明。方得真偽邪正。一一分曉。謂之無上。大自在。法王。然後或處山林。或居城市。初無二見。所謂一種平懷。泯然自盡。豈不是納僧門下本分草料。苟道眼不明。力量未充。至於逢緣遇境。切要牢捉。繩頭勿令犯人苗稼。應須如法弘持。不患已躬大事不明。白也。昔僧問巖頭路逢猛虎時。如何。巖頭云。撈巖頭好。一撈自不知落處。

示任化上

老南云。說妙談玄。乃太平之姦賊。行棒行喝。爲亂世之英雄。英雄姦賊。棒喝玄妙。皆是長物。誠哉是言也。大凡宗師居正位。揭示本法。當如是提持。謂之褒揚殺人。刀活人。劍爲臨濟種草。苟無箇些子。未免拍盲妄生異端。瞎人眼去。是故死心云。譬如死人手持利刃。截死人頭來呈吾。吾即肯汝。所謂善射者。未數已。

前中的。早不唧溜了也。伶利人。聊聞徹骨髓。何待曲肱床上。老比丘車疊打之。遶大抵參學。儻思前顧後。則墮坑落塹無疑矣。且如德山臨濟出世弄箇一著子。直是驚天動地。及到納僧門下。不滿一笑。正類學如牛毛。得如麟角耳。

應菴和尚語錄卷第八

應菴和尚語錄卷第九

法語下

示諒禪人

東林門下。無禪道佛法。無向上向下。無之乎者也。無得失勝負。雖聚禪子。唯以金剛圈栗棘蓬。跳者不可著力。跳吞者不可著力。吞但退步冷地裏。驀然體得。如畫錦還鄉。千人萬人中。一人半人而已。其間肚皮熱底。祇得仰仰羨羨。要且覓它從來處。不得。祇是人脚跟下。本分事。卽非強生節目。是故從上老作家。

非不以此本分事揭示來學。祇貴各各猛著精彩。直截荷負。深入先達。圖與臨濟。金剛王寶劍。德山末後。句藥。矯一句子。秘魔叉。俱脰指雪峰。毘毘趙州。勘破女子。出定靈雲。見桃花。玄沙未徹。此皆一致。爾荷有一絲頭及之。不露則禍生也。大底英特之士。不在忉怛巖頭道利根底。一咬便斷。知他多少省力。然後見佛殺佛。見祖殺祖。猶是衲僧門下。脫白沙彌。可中逸格。超量豈影響之流。而能近傍哉。祇如坐斷天下人舌頭底。還有出身處也。無試請諸方代一轉語看。

示潮上人

黃面老子四十九年說一藏之乎者也。其間是是非非。長長短短。故不勞餘力。泊至末後。看它無折合。却對百萬衆前。拈花付囑。其誣之罪。不輕至於達磨西來。直指人心。見性成佛。果然聽事不真。喚鍾作甕。設使具大丈夫氣。槩有潑天大生涯。二六時中。腳跟下放光動地。愈沒交涉。這些子。沒人情。痛下毒手。打翻從上佛祖。機關玄妙。理性師授子承口耳。傳習之弊。如紅爐上一點雪。且不是本地風光。亦非衲僧巴鼻。

更說百丈耳聾。臨濟三頓。興化脫下。青衣雲門。拶脚折雪峰。毘毘趙州。勘破狗子。無佛性。明眼人落井。以諸大老。敲轆打瓦。轉見狼藉。苟非明悟。此旨切忌。莽闖承當。蓋參學初。無他術。祇要放得下一味無心。去自然合道。近來有一種不通方。謬漢。或以壁立萬仞。爲尊貴。或以泯默無聞。爲極則。或以一切語言文字。爲變通。如此之類。實可哀哉。且道東林見處。如何。今年八月十八日。清光看壓海潮來。

示行者了無

出家乃大丈夫事。何待削髮。然後親近知識。盧祖微時。鬻薪於市。聞客誦經。激其本願。謁黃梅。大滿一見。投機隱於碓坊。因聞秀寫偈。略露鋒鈍。授衣南渡。至庾嶺。爲蒙山道人。以不思善惡。本初面目。歛念知歸。尋抵番禺。顯風幡不動。動自於心之語。聞了。駭然看它。祖師從微至著。揭示本法。蓋非它術。乃自心之達耳。豈待削髮而後見善知識是也。

示行者了心

割愛辭親。爲如來種。學出世法了世間相。卽是實相。

矣。所謂是法住法位。世間相常住。吾知之矣。汝知之乎。事佛之要。勞形苦骨。長年不倦。爲衆之念。臥草眠霜。至死不厭。能行是者。是真出家。

示檀越徐將仕

鷲嶺拈花。少林直指。黃梅夜半。大庾嶺頭。自爾曹溪之後。此道大振。無非是祇今當人頂額上。二六時中。受用底。一著子。或爲佛。或爲祖。或爲寶公。或爲十二面。或爲三十二應身。或爲千手。眼通其變。則虛空爲口。萬像爲舌。盡未來際。設甚隨類。示權應機。赴感卒莫能窮。詰其本。豈特寶公倒退三千里。便是黃面老子也。無安身立命處。雖然。怎麼也得。不怎麼也得。怎麼不恁麼。無不中的。至於天下老和尚。據曲柔木床。揭示本法。與一切人解黏去縛。抽釘拔楔。施向上。錯錯碎。裨僧窠臼。其間一箇半箇皮下有血。遇本色人。輕輕一刮。直下頓脫。從前學解。明昧兩歧。卓然挺特。觸目遇緣。曾無二致。以是願力。現殊勝相。或爲宰官。或爲居士。或爲長者。或爲比丘。各各契所得心。廓大解脫門。俾一切品類。已知有本。曾有悉皆洞明。超生

離死絕塵。絕迹一段奇特大事。到大休大歇。十成絕滲漏處。四生九有五欲八風。頓然清淨。使各各頂門金剛眼。正開大施門。濟所未濟。應所未應。豈不是大丈夫具超群逸格。點鐵成金。底大手段也。

示檀越鄭承務

上根大智。點著便知。落處又豈在搖唇鼓舌。然後謂之指南。誠發明眼人一笑耳。是故西天四七。唐土二三。唯以心契心。初無心可得。若向無心處。作道理。還同有心然心之說。易會難明。所以祖師道無心。無可得說。得不明法。若了心。非心。始解心。心法看。佗祖師揭示。從上佛祖所契心法。豈是和泥合水。未得謂得。耶。縱饒風吹不入。水漚不著。尚恐涉唇吻。落路布。則隨後與之痛上。錐剗。俾之脫去。所得所證之妙。到千人萬人羅籠不住處。亦未是好手。更須轉向那邊撥動。向上關捩。初不傷鋒。犯手。悉使盡大地人。各各活潑潑地。豈不是大丈夫具大丈夫事業。苟有絲頭許及之不盡。未免打入葛藤窠裏。成群作隊。造地獄業。將謂吾佛祖之道止此而已。大抵參學末上。須就有

道宗師禁得辣手段。受得惡拳超透。到休歇安隱之地。其逆順境界。喜怒哀樂。五欲八風。悉皆清淨。不可思議大解脫門。則何往而不利哉。

示珣禪人

東山演祖云。四來兄弟。各各呈見解。及乎徵問。子細有者。喚作禪道。實有者。不喚作禪道。會要且本分事。全無些些誠哉。此言臨濟正傳。無出此也。又道世人殺佛殺祖。造無間業。一念回心。却許懺悔。唯參問未達其由。畢竟成謗。般若永劫無由出。期學者當事斯語。以悟爲則。若是學解傳習口耳之流。此報難逃耳。白雲太師祖道直。須悟始得。悟後須遇人。始得你道。既悟了。便休。又何必須遇人。若悟了。遇人底。臨垂手方便之時。著著自有出身之路。不瞞學人眼。若是悟得箇乾羅蔔底。不唯瞞學人眼。兼自己動便傷鋒犯手了也。噯。昔年便有箇乾羅蔔底。却却牙齒東道西說。而今乾底也無濕底。又沒教緇素箇什麼。卽得有時冷地看來。恰如患癰箇直是好笑。其爲人手段固遠之遠矣。

示振禪人

少室生涯。若未踏著如履刀山。劒樹其艱難萬狀。禪人從此多退志。遂爲廢人耳。蓋乎平生操票不彌。確履踐若存亡。縱使親見釋迦老子。亦無奈你何。箇事須是具大丈夫意氣。把從前學解明昧兩歧。直下一刀兩段。祇向十二時中。紅塵堆裏。逆順界中。忽然信腳踏著。舊時活路通上徹下。全是自家出身。要徑豈不至哉。且如石鞏問西堂。汝還解捉得虛空麼。西堂云。捉得。鞏云。作麼生。捉西堂以手撮虛空。鞏云。你不解捉虛空。西堂云。師兄作麼生。捉石鞏把西堂鼻孔。披西堂作忍痛聲云。大殺披人鼻孔。直得脫去。鞏云。直須恁麼捉。始得看。佗古人得處。超量用時。勦絕等閑。壓著如火聚。豈有許多搖擡。雖然也是喚鍾作甕。

示鸞禪人

黃面老子初生下時。便道。天上天下。唯我獨尊。後來雲門道。我當時若見一棒打殺與狗子喫。却貴圖天下太平。此便是初生下帶來一星蟲毒子。雲門中之

便知落處拈來用得恰好。居常以此事告示學者。既作黃面老種草。須會祖翁說話。始得若不如。此盡是掠虛漢。一日雲門普請。般柴擲下云。一大藏教。祇說這箇看。佗古人顯示頂額上一著。如同電拂利根底。一觀便透。其或尙留觀聽。坐在見聞。向衲僧門下。何曾白雲萬里。

示如化士

昔水潦和尚問馬祖。如何是西來的的意。祖乃當胸踏倒。水潦忽然大悟。起來拊掌大笑云。也大奇。也大奇。百千妙義。無量法門。只向一毫端上。識得根元去也。看佗英特之士。一等踏破草鞋。見善知識。終不半前落後。直是操鐵石心。到大休歇處。驚地箭鋒相拄。如龍得水。似虎靠山。故是慶快。不妨孤峻。究竟論之。也祇是明見本來。自受用現成。金剛正體。亦不足爲之差也。此體未明時。謂之地水火風無明。妄想顛倒。近世有等尊宿。凡示學徒。但云地水火風無明。妄想顛倒。外別有一段事。此真可憐憫也。便是西天九十六種。亦不作此見解。本无色道流。或聞或見。得不寒心。

毛豎晚之學者。宜速遠離此患。乃可爲如來種草也。

示伸化士

衲僧家活計。最徑截。不用起一毫頭氣力。立地成佛。作祖蓋緣。近時學道人。探頭太過。將謂別有道理。一味向意根下。妄通消息。被情識機關。流入生滅法中。執生滅法爲安樂究竟處。其錯之甚。所以道無以生滅心。說實相法。譬如有人妄號帝王。自取誅滅。況復法王如何妄竊。信之上祖門風峻絕。豈容依倚棲泊者哉。唯是有力大人。方能臨危不悚。直下頓徹本法。如大火聚。誰敢當頭觀著。

臻上人爲百丈持鉢求語

佛祖緊要處。毫髮不容驚地。踏著此脉。却有共語分。近時參問道流。多是執我見爲究竟法。略不信有好事。纔入本色。爐鞴中。則討頭不見也。蓋緣末上。不遇人承當。處茶園坐在得失窠子裏。怕人動著。忍輸却禪。或者云。我見處一切足了。長老家却言不是。此祇是用心行要。羅籠我。我轉我。但自把得定。便休。此膏肓之疾。固不足發藥。參學人切忌此耳。

示疊禪人

少室家風祇要當人端的。喪却本來面目。然後方可入作。若不如是。盡是依草附木。精靈德山道吾三十年提持此事。未嘗見有一箇獨脫出來。底間鑑和尚道直饒獨脫出來。也是依草附木。精靈看二老揭示直指之要。豈有一絲頭許與人領覽。至於自得之妙。向衲僧門下。猶是貼肉衫子。除非大達之士。乃可翳翳耳。

靈源不昧。萬古微猷。入此門來。莫存知解。又道若有一毫頭。凡聖情念未盡。未免入驢胎馬腹裏。去古人懸塗毒鼓。祇要求箇會墜底人。儻善學之。少室家風一任擎展。

示茂化士

見性周遍。聞性亦然。洞徹十方。無內無外。所以道隨緣無作動。寂常真如是。施爲全真智用是。故巖頭初參德山。執坐具上法堂。瞻視德山云。作什麼。巖頭便喝。德山云。老僧過在什麼處。巖頭云。兩重公案。德山云。者箇師僧。相似行脚人。然則父慈子孝。其奈來處。

未諦當參學人。若裏檢點得出。便知二老人如是施爲。全真智用。少室高風。未至寂寥哉。祇如巖頭便喝。爲復理合如是。爲復別有生涯。近世禪者。被人拈來詰著。多是渾崙吞箇棗。死在得失窠裏。白雲太師祖道須是具。縑素眼始得。若不具縑素眼。未免瞞頂佛性。儻侗真如。且作麼生。是縑素眼。破木杓。

示璣化士

學道人莫空依草附木。過生打辨精神。透教徹去。老黃龍未見慈明時。一肚皮禪口。似紡車。及其見之。挺然超詣。大哉此老。有是起必死之疾手段也。

長慶參雪峰。玄沙往來三十年。非不精究。此道然未登太山。豈敢小天下也。一日見卷簾。猛省有頌云。也大差也大差。卷起簾來見天下。有人問我解何宗。拈起拂子劈口打。是謂登太山耶。錯。

示琚化士

祖師西來特唱此事。祇貴言外領略。直下透頂透底。何待禪床角頭朝呪暮呪。然後爲佛法禪道。正是瞎人眼。又不可舍師承而自求。自求而得真。九十六種。

眷屬也。長慶拈拄杖云。識得這箇參學事畢。雲門道。識得這箇爲什麼不住。二老漢優則同。優劣則同。劣垂手處足可稱尊。若是入理深談。猶欠悟在。

示照知殿

大道坦然。本無迷悟。良由衆生顛倒。從妄而興。背覺合塵。起諸差別。遂有四生六趣。九有致。使流浪三界。無有休息。如汲井輪。互有高下。皆謂之迷。儻能於其間。聞一善言。見一善行。一念知非。直下頓至。如來不動之地。此謂之悟也。然迷悟之由。且初自何而起。謂從心起。心不自心。謂從妄起。妄不自妄。則心之與妄。其安在哉。當知十方虛空。生汝心內。如片雲點太清。裏如是見徹。卽知十方虛空。不可得。故虛空旣不可得。山高海深。纖洪長短。目前縱然。又如何消遣。箇是萬仞崖前一涉子。纔入顧藉。衲衣下事。無緣究竟也。思之。

示一化士

東寺和尚道。心不是佛。智不是道。劍去久矣。爾方刻舟。此正如善射者。不問中與不中。蓋妙在意前。發必

中矣。參學人亦復如是。欲期洞明大法。須辦鐵石身心。悠久自然。諦徹透到大休大歇處。亦不問生之與死也。聞菩提涅槃。眞如佛性。如風過樹耳。箇些子。若打不脫。直是礙塞人。從朝至暮。恰如打殺人了。未曾還命。在此是做工夫。到好處。也不久。漆桶破也。捉獲白拈賊也。自納敗闕也。取捨不上也。破家散宅也。沒著死屍處也。衲僧家。到得箇田地。後是則是。快活無憂。若不就本色。宗匠鉗鎚。便打入穽。無因果隊裏去。卒率挽不回。永嘉云。豁達空撥。因果莽蕩。蕩招殃。禍於宗門。所害非輕。豈不見僧問古德云。上無攀仰。下絕已躬。時如何。古德云。放下著。起膏肓之疾。無出此也。

示淳化士

從上佛祖。無一念心。要做大漢生死大事。方得成辦。然後大漢自然而至。始謂之釋迦種草也。若有一念馳求成佛作祖底心。此謂之焦芽敗種。無復發生也。年來學道人。凡見尊宿。不問如之若何。祇要人道。忙有箇見處。便歡喜。殊不知歡喜底。便是討箇羅王鐵

棒打鬼骨臂。欺子也。若是箇漢。祇要人道你未。在却堪持論。

示延壽雲長老

從上宗師是第一等放下底人。纔出頭來。掀天括地。至竟緣何如此。祇是末上一念。正當其邪。師魔外。籠罩不住。便有超宗越格氣宇。不亂親近。至世間起滅了。然無寄。唯以生死作頭底。正作頭底時。不見有死。及不死底。此是古人做工夫處。向這裏斷要徹底明白。擴而充之。然後禁得辣手段。到千變萬化處。尙恐討頭腦不見。何況半陰半陽半晴半雨。而欲獨步大方。無復得也。箇一著子。自古自今。一箇半箇透得底。如鷹掣鷲。雀似鶻捉鳩。有甚費氣力處。回視從前。參得底。悟得底。學得底。淹沒得底。直是慚惶殺人。始知從上宗師是第一等放下底人。方得這箇柄。欄入手。便有掀天括地分。所謂間世英特之士。無出此也。近世道流。不務本。但責肚皮裏。記持多口。裏有可說。祇對士大夫資談柄。快神思。謂之禪道。此大妄語。所招重報。千佛出世。不通懺悔。是佗古人初無道理。一

味。古朴百醜。千拙。要是肚裏非常惺惺。蓋渠專於道。故也。一旦驀地咬斷五色索子。跳出解脫深坑。透過悟迷兩字。不妨慶快乎。昔忠國師示學者云。身心一如。身外無餘。雲門云。山河大地。何處有耶。看佗下箇註脚。迥然超絕。一鎚下。便要平步青霄。雖然直饒恁麼。也是依草附木。

示覺禪人

菩提離言說。從來無得人。德山道我。宗無語句。亦無一法與人。趙州道。佛之一字。吾不喜聞。看佗恁麼。吹沙走石。早是瞎人眼。了更向棒頭上討活路。一喝下。覓出身。句無異。捕鼠口。求象牙也。所以從上護惜箇一著子。二六時中。直是無絲頭子。虛裏做到無捫摸處。湊泊無門時。却須放下。令教虛靜澄湛。應于從前。知解道理。惡知惡見。悉皆入作不得。便是入道要徑也。一旦洞明。脚跟下事。徹底透脫去。亦不辜負釋迦老子。苦口丁寧。所謂師子兒。衆隨後。三歲便能大哮吼。若是野干逐法。王百年妖。性虛開口。

示達禪人

本分衲子。蘊超今越古底氣宇。抱成佛作祖底英槩。直下斷與生死做頭底。到詞窮理盡處。死生關脫。如萬仞崖頭撒手。豈肯顧藉。至絕氣息時。全體活潑。纖觀透從上大眼目。宗師放手。脚弄出驚群動衆底餘態。如珠走盤。如盤走珠。顯示佛祖拈不出。生機一路。如龍得水。似虎靠山。向棒喝未施前。坐斷電光石火。在機用普應。問不妨。風行草偃。雖萬化千變。其實湛然凝寂。初無依倚。一味單提。接最上機。不立階梯。豈居陰界。謂之宗乘。教外別行。撥轉關捩。不容擬議。至於拈花驚嶺。直指少林。曹溪脫印。子亦不出最初一念。又曰。頂額上一著。是化得底。二六時不露鋒銑等。閑趣出十有五雙。蹉過古德云。此事唯我能知。是也。

示臺禪人

上古老衲。心眼未明。火急就有道而正之一旦。心眼洞明。以本願力。晦迹山林。辦累生計。揩磨心識。使及之淨盡。無纖毫過患。至過境逢緣。視之如牆壁瓦礫。絕無一念世間心。若太虛空湛然凝寂。謂之金剛正體。淨裸裸地。圓陀陀地。然後以無功用行。雖無心應。

世而應世之心。常而無間。雖無心濟物。而濟物之心。霽然無窮。當知上古老衲。就有道而正之契證之妙。皎如十日並照。豈造次承荷者哉。

示徐伯壽道友

佛祖闡域深奧無際。蓋古今固難其人。苟非上根大智。孰可造詣者哉。要在頓信誠確。然後乃見覷捕至覷捕之時。不可以有心求。切勿以無心會。又不可離有無而別作勝解。也亦不可卽有無而求出離也。學道人但能於此著精彩。唯是所示之要。久之不患不徹證也。龐居士問馬大師云。不與萬法爲侶者。是什麼人。馬祖云。待汝一口吸盡西江水。卽向汝道。龐公言下大悟。使云。十方同聚會。箇箇學無爲。此是選佛場。心空及第歸。此豈不是透生死。截徑打破牢關底意氣。儻涉道理。卽打入野狐隊裏去也。大抵斷要洞明此事。須是決烈之志。向二六時中。六根門頭。常時放教淨裸裸地。雖處紅塵鬧市。酒肆茶坊。如在清淨大解脫門。無爲境界。湛然凝寂。如一座須彌山相似。五欲八風。搖撼不動。千魔萬難。籠罩無門。祇者便是。

得力做工夫入道之蹊徑也。直下從脚跟下推究。將去至成佛地方。見得不願作佛之元由也。從上老宿。喧天動地。祇用箇些子在。佛祖謂之頂王三昧。在諸僧謂之祖師巴鼻。在平江人謂之頑賴。須知頑之一字。是衆妙之門。入得此門。千足萬足耳。

令人胡氏求法語

向上一路。非男女等相。但直下著精彩。二六時中。覷捕。燕地穿透。即是令人無量劫來受用底事。今日現行。不曾移易一絲頭。又豈可別有道理也。既信得此段大事。因緣及便徹底放下。趁康健直教生死兩字。洞然明白。豈不快哉。大底人生到老稀之年。是時節至矣。應家務事。掉與人荷負者。貴得脚跟下輕便。臨時去住自由。

胡六七娘求法語

祖師道心自本來心。本心非有法。有法有本心。非心非本法。胡氏六七娘。要見祖師妙心。至容易事。但祇退步。向行住坐臥處。喫茶喫飯處。語言三昧處。觀世煩惱處。猛著力一捉捉取。便是祖師所契之心。與自

所證之心。無二無二分。無別無斷。故威光烜赫。得大自由。豈不是出格真道人也。

胡令人宅瓦二小娘子求法語

世尊有密語。迦葉不覆藏。箇是從上佛祖得力處。善知識劈頭拈出。不問是男是女。纔宿有靈種底。一見便知落處。豈在忉怛。然後知歸耶。古之凌行婆。鄭十三娘。皆見諸大老宿。悉證無生法。忍吳氏千一娘。有信佛之心。但將此心朝夕推究。蓋徹去。當知世尊密語。不覆藏之句。祇是自己無盡寶藏也。

書

答翔鳳山顯忠實福詮長老法嗣書

老僧自幼出家。正因也。万袍圓頂。正因也。念死生未明。撥草瞻風。親近真善知識。正因也。至於出世願衆。今三十餘年。未嘗毫髮厚己也。万文之務。未嘗少怠也。晝夜精勤。未嘗敢懈也。念衆之心。未嘗斯須忘也。護惜常住之念。未嘗敢私也。行解雖未及古人。隨自力量行之。亦不負愧也。痛心佛祖慧命。懸危甚於割身肉也。念報佛祖深恩。寢食不遑安處也。念方來爲

道稱子心地未明。不啻倒懸也。雖未能盡古人之萬一。然此心不欺也。長老隨時吾三四載。凜然卓卓。可喜。去年夏末。命悅衆是吾知長老也。吾謝鍾山。寓宣城昭亭。未幾赴姑蘇。光孝方兩月。長老受鳳山之請。道由姑蘇。首來相見。道義不忘如此也。別後。杳不聞耗。正思念間。懷淨上人來承書并信物。方知入院之初。開堂爲吾燒香。乃知不負之心。昭廓也。今旣爲人天眼目。與前來事體不同也。果能如吾自幼出家爲僧行脚。親近真善知識。以至出世。住持其正因行藏。如此行之。則吾不妄付授也。又何患宗門寂寥哉。至祝無以表信。拂子一枝。法衣一頂。幸取之。紹興壬午七月初七日。住平江光孝應庵老僧 某書復

應菴和尚語錄卷第九

應菴和尚語錄卷第十

嗣法門人 守 證 等編

頌古

世尊初生。一手指天。一手指地。云。天上天下。唯我獨尊。

草木無端。拈出來。更加註脚。放癡默。西天此土。誰知。已夜半。優曇火裏開。

世尊拈花

金色頭陀。忽破顏。看來也是管窺斑。當時若得回頭。早免兒兒孫。墮黑山。

女子出定

出得出不得。滿面是埃塵。愁人莫向愁人說。說向愁人愁殺人。

疎山造塔

鑿開荒徑造浮圖。往復商量價不孤。無限落華隨水去。夕陽春色滿江湖。

漸源與道吾弔慰

急水灘頭下釣時。錦鱗紅尾尙遲疑。驚然跳出洪波

裏。曉霧擎雲。宇宙低。

風幡

大海波濤湧。千江水逆流。龍王宮殿裏。不見一人遊。

喫油糍

背衆喫油糍。對人誇好手。潦倒不識羞。抵死揚家醜。

香巖上樹

故園春色在枝頭。惱亂春風卒未休。無事晚來江上

望。三三兩兩釣魚舟。

丹霞燒木佛

丹霞寒燒木佛院。主因禍得福。可憐杜撰巡官。祇管

胡卜亂卜。

學定山夾山同行。定山云。生死中無佛。則無

生死夾山云。生死中有佛。則不迷。生死二人

各謂已語親切。往大梅舉。而質之。梅云。一親

一疎。二人下去。次日夾山往問那箇。親。梅云。

親者不問問者不親。夾山住院後舉此。謂衆

云。我當時失却一隻眼。

苦瓠連根苦。甜瓜徹蒂甜。兩般滋味惡。中後入黃泉。

眞贊

贊睦州和尚

稽首金容賴狗師。一生快活沒人知。平田淺草翻身處。合水和泥換步時。垂手未施三寸刃。破關先下頂門槌。寥寥萬古誰堪對。唯有嘉禾跛脚兒。

嚴教授畫臨濟請贊

喝下忽雷驚。聲前休領略。當鋒嚼鐵時。蹉過第一著。不在壁立處。豈向平地泊。野水白連天。秋空飛一鶚。

滿禪人畫臨濟像請贊

臨濟禿無眼。目討便宜兮。不知足高懸。羊頭賣狗肉。秤頭斤兩惜。如玉臂中更。有一般毒。天下無人敢輕觸。

卞禪人畫布袋和尚求贊

人謂是彌勒。且喜沒交涉。拖箇破布袋。到處納敗闕。祇有一味長。子細爲君說。是什麼乾屎橛。

贊三將軍

家在歸宗寺後山。洞中春色異人間。祇因親受靈山記。長與歸宗把要關。

贊大慧禪師

人天之師佛祖勝樣頂顙一著。逃挑不上。俾臨濟價增十倍。起圓悟更無伎倆。小姪如此。贊揚老胡。決定有望。三十年後脫空話行。也是一番性懷。起謗。

贊虎丘先師

老漢從來無禪一味。心中含毒。此毒時復現。前渾家大小不穆。異口同音。呪詛至今。活陷地獄。一名臨濟正宗。一名叢林瞎禿。

贊佛眼叔祖雪堂和尚侍立老禪贊在前

正法眼藏瞎驢邊滅父行子。隨了無途。噉老禪已是錯針。雖添得應庵亂饒舌。

贊此庵元和尚二

佛祖生冤家人。天不喜見。忒殺聲頭。却通一線。劈胃拳下。破牢關。大用機輪。轉轉。

十分畫得相似。祇有一處。諸訛佛祖。檢點不出。從教平地干戈。

贊李知府朝議

人言公死。我言公在。在在在何處。清風動天籟。

贊程宗古承務

龐居士悟心於馬駒。言下裴相國得大用。於黃蘗棒頭。雖相去數百年間。具金鑿玉振聯環。不斷彼時有此。二大老光明烜赫。此時有宗古先生。仁義禮信。根於心。而能以此心。確然履踐佛祖大解脫門。誠不讓耳。白雲山月未足爲齊。寒檜青松堪同大節。

烏巨山達長老命立首座持師頂相請贊

煙林風委山岳氣。宇坐看春回行無伴侶。不圖成佛。豈欲作祖。一句掀翻。萬機罔措。更提拄杖。擊塗毒鼓。立禪持歸。分付烏巨。

積善普長老請贊

天台南石橋北觀音寺裏有彌勒。頂門瞎却。摩醯眼肘後風雷轟霹靂。

表微首座請贊

左捺膝右握拳。提瞎正法眼。打破葛藤禪。奮迅西河爪距。踢出楊歧金圈。祇憑箇一著。今古有人傳。

禪人寫真請贊

形枯豈是持齋叟。兒古還非入定僧。馬又不成驢不是。當頭一著得人憎。

法中之魔僧中之賊盜佛祖寶刀斷袈僧命脉貧窮者示之無價寶珠富貴者令之破家散宅不是平地上千戈且非孤峻處標格

者漢初無罪過祇是頭匾眼大雖然肚裏醒醒開口便先話墮如斯出世爲人恰似大蟲看水磨

豎拂挂拂全機出沒一喝耳聾三日叢林至今狼藉屈屈且道是馬祖屈百丈屈歸宗屈宗一侍者但恁麼拈出

魯祖偏工面壁秘魔動使擎杈唯有歸宗長老一味撒土撒沙三箇上牢漆桶不知那箇堪誇諸方檢點得出也是勾賊破家

波濤千尺冷颼颼誰向滄溟泛逆流唯有渠儂諳水脉卷舒出沒任遨遊

九年面壁成迂曲三頓親承愈見賒併蕩那伽大機手不知誰可繼生涯

拭眼堂前臨濟正令且行一半拈佛祖病

江上青山千萬疊水邊茆屋兩三間朝來無限扁舟過何似渠儂把釣竿

茆屋紫霄下良田石鏡邊此生隨分過不用買山錢這般惡比丘何人敢近傍恣焚三毒火力起無根謗破除少室窠巢併蕩禪僧見障聞者見者攢眉應是無人瞻仰

身心一如身外無餘不願成佛亦非凡夫甘作上牢漆桶無心計較鎔銖萬古銀山鐵壁更沒者也之乎是則活埋老僧不是則打殺曇慧暗透兩重牢關烈焰不礙蚊蚋

元是黃梅村裏僧生來自笑百無能一瓶一鉢隨緣住孰謂而今繼祖燈

平江虞祖道寫頂相求贊

枯松下盤陀上獨坐大方橫按拄杖謂是應庵無恁相狀謂非應庵誰肯歸向分付祖道試自定當

徐伯壽求贊

大海波濤闊千峰氣像雄當頭俱坐斷直下展家風一喝分賓主三玄辨正宗其餘都莫問今古有盲聾如道人求贊

江上青山疊疊來屋頭松竹手親栽柴門盡日無人

到時見意前雲作堆

蓮道人自寫像求贊

夜行婆蓮道者一箇患癡一箇患啞。聖者善聽啞者能話。堪笑堪悲可知禮也。

吉彬老二姪女繡普賢菩薩求贊

吳門吉彬老壽年可及百骨目清且癯。施爲有標格。行步快如風。談笑氣不乏。窮之無他術。一味好佛法。每親善知識。言下究生殺。家有二姪女。貞姿迥超拔。自幼不茹葷。晨昏常燕默。從容定中起。痛念十使結。顯塵劫大願。運針發五色。幻普賢妙身。應現四菩薩。等十方虛空。皎若揭日月。大哉白象王。群狐悉彌滅。當知妙殊勝。豈在別處設。若從自己求。猶如病作熱。如是名正觀。不爾是邪說。

偈頌

和 宮使李侍郎頌送入茱山庵

此山已是勝天台。峰頂寥寥正眼開。無限水雲難湊泊。却容掃地相公來。

題 陳參議中大大隱圖

荷鋤居士隱雲莊。竹屋茆堂瞰小江。祇這逍遙是知己。人間天上更無雙。

和 李參政頌永鑒禪者

清源居士頂門著。從本已來自寥廓。更透吾家向上關。活鱗鱗地難收。捉風塵草動鑒來端。臨機八面初無作。纔起分毫取與心。卽被邪師籠罩却。

贈別俗兄

此行安忍泛輕舟。無奈官差不自由。痛望老人修淨業。莫教容易度春秋。

題劉民用居士藏六庵

西溪縛屋稱幽居。坐對松窓與世疎。到眼青山千萬疊。此生安樂更無如。虛空正體沒涯藏。六如何蓋覆伊。要聽少林無孔笛。從來多是逆風吹。

辭此庵和尚塔

道韻如山重水懷。有紀綱一掌成活業。千古更無雙。松竹森森老雲山。疊疊長洛陽無限意。對此一爐香。

示智道者

少室門庭冷似灰。長年不見一人來。汝今若解知慚愧。那取工夫到一回。

贈成主簿

同是崇寧癸未生。公爲官長我爲僧。大家履踐通天路。共踏毗盧頂上行。

禪人之梅陽

此行不憚三千里。況是江天欲雪時。問道身心如不昧。梅陽老子已先知。

與鑄鍾道者

野店小橋外。黃昏欲雪時。一聲誰側耳。千古喚愚癡。德彬修雙陽塔求頌

九層塔。聳青霄。外七佛靈蹤在上方。山冷雲寒當午夜。唯聞仙樂散天香。

送僧化席

窮心何必在三椽。直透歸宗一味禪。翻憶當年曾卷起。無端又展與人眠。

吳必東請小參後說偈

百草頭邊千聖眼。一毫端上萬重關。更無佛法并玄

妙。堪與知音共往還。

送六人禪者隨宏長老住大智

大智荒涼久。中興六上人。機前施遠略。句下要通津。事理無兼帶。偏圓有主賓。風雲今際會。彈指一番新。

贈悟上人造華嚴塔

山前馬廐普光殿。門外牛欄正覺場。五十三人同日葬。善財走得腳生瘡。

術人求頌

造化付誰手。君來聊解頤。欲游天上路。先破鬼門關。禍福行藏內。高低方寸間。毫芒差錯處。過犯重如山。

行者求頌

了身不若了心休。了得心時身不愁。若也身心俱了。了神仙何必更封侯。

觀道人求頌

學佛從來境界多。不能降伏便成魔。降魔能用無心法。六賊傾城盡倒戈。

題仲逸宣教三境圖

太清之雲鏡中之塵。從無住本廓應如春。妙立不動。

示現無垠三世普入。孰妄孰真。現成公案。豈費精神。
當頭一著。坐斷要津。

莞山淨明庵小參示衆

三十三州七十僧。驢腮馬額得人憎。諸方若具羅籠手。今日無因到淨明。

題永寧小軒

我行重到清涼地。小室軒窗分外明。不是山家占春色。大都物理自舒情。

贈晦叔秀才二首

處世從教眼似眉。自然心地絕支離。翻身更透龍門浪。頭角崢嶸宇宙低。

少室巖前路不遙。毫芒纔擬便迢迢。西湖湖上晚來看。小艇輕風落畫桡。

西蜀祖正道者還鄉求頌

西川五十四軍州。幾箇男兒會點頭。透得劒門關子過。不風流處也風流。

夜宿解田偶成

夜宿西山居士家。圍爐相對話生涯。從來無一絲頭。

許自是勞生眼裏花。

送宏監寺開海田

軒昂氣宇要爭先。及早乘時痛著鞭。翻轉江皐千頃浪。靈苗從此秀桑田。

送珣禪還鄉

極目澄澄水照空。白蘋紅蓼戰西風。三千里外深深意。鐵券誰將累祖翁。

送祥禪人二首

子是慈明家畔人。直須超卓要驚群。騰身快入洪波裏。始見曹源正脉分。

濁港江頭送別時。碧雲秋水淡依依。莫嫌老拙疎慵甚。它日重來扣竹扉。

謝楊善才道友惠數珠

南詢初不失程途。收得金剛腦後珠。兩手持來親獻我。光明爛爛破昏衢。

胡氏妙圓求頌

八年伏枕今安樂。安樂常思病苦時。苦樂本來真實義。要須猛省力扶持。

送傑侍者還鄉辛未上元日

大徹投機句。當陽廊頂門。相從今四載。微詰詞無痕。
雖未付鉢袋。氣宇吞乾坤。却把正法眼。喚作破沙盆。
此行將省覲。切忌便塚根。吾有末後著。待歸要汝遵。
佛事

爲此庵和尚入塔

摩醯三眼洞。徹無私末後。全提今之是也。故我此庵。
和尚平生擔板不受差。排會盡物我一如。透過生死。
窠臼。履刀山劍樹如步紅蓮。入鑊湯爐炭。似登寶所。
全體是箇大解脫門。更無一絲毫許外物。化緣既畢。
借路經過火光三昧。自焚驅烈焰。亘天誰著眼。黃金。
靈骨五色璨然。不昧高蹤。斬新光彩。今日安藏。牢堵。
坐斷溪山萬木生。風千江照月真燈。烈焰少室增輝。
正恁麼時。且移身換步。一句作麼生。道還知落處麼。
寶印當空。妙重重錦縫。開喝一喝。

爲留守樞密大資拖土

天高地厚海闊山遙。發最上機。示真實相。故我留守。
樞密相公。廊頂門正眼。顯肘後靈符。以此爲國爲民。

以此至忠至孝。可謂大功不宰。果見作家末後。全提。
十虛坐斷。無生田地。有種有收。般若舟航。有津有濟。
直得高超。物表獨蹈。大方正恁麼時。且全身奉重。一。
句作麼生。道好須雲外看。一劔倚天寒。

爲南書記下火

東湖芟嶺及歸宗。燁燁騰輝爐。鑪中鐵眼銅睛。烹不。
破。衲僧巴鼻。好流通。

應庵和尚語錄卷第十終

塔銘附

左承議郎太常丞兼權尚書吏部郎官李浩撰
隆興改元癸未六月十三日。住持天童山應庵禪師。
曇華遷寂。塔全身於院之西。龕其侍者。與會持遺書。
副以趙州之頂相來。且需文以銘余。曰銘余宜爲歲。
在庚午。始識師於番禺。十四年于今。念有所至。雖千。
里命車。忽焉去之。亦不爲少頃留。以是爲常。家居官。
居。其門弟子以化事往還。蓋未嘗絕也。知師之所歷。
至。詳銘余宜爲示之。信入導以進步。既久而本然之。

法軒豁呈露。靡所逃遁。考觀其極。與吾儒所謂一貫兩端。宗廟之美。百官之富。無得踰之。日月不可階。之天。無或少戾。知師之所造。至悲銘余。宜爲負二宜爲最後。又以古佛相貌。寄意銘余。責也。其可辭。師江氏子。斬之黃梅。人生而奇傑。骨目。俊秀。童穉便厭。世故具。決定志津濟。羣品年十七出家。於邑之東禪明年爲大僧。又明年杖錫參訪。首謁隨州水南遂和尚。染指法味。歡喜踴躍。遂徧歷湖南北江東西。所至與諸老宿激揚。無不投契。然師根器遠大。不肯得少爲足。要求向上。錯鎚透頂。透底。諸佛列祖。羅籠不住。一著以厭。初願迺上雲居禮圓悟禪師。一見。指勞痛與提策。以爲法之故。服勞難事。趨走惟恐。居後會圓悟入蜀。指似往見彰教。隆于宜隆其子也。隆移虎丘。師實爲先馳。未半載間。通徹大法。頓明圓悟爲人處。機關深固。運用恢廓。言句之出。皆越格超量。人天罔測。道聲藹然。洽於叢林。未幾禮辭游戲諸方。初分座於處之連雲處。守遂以妙嚴請師出世。繼住衢之明果。新之德章。饒之報恩。薦福婺之寶林。報恩江之東林。

建康之蔣山平江之萬壽兩住南康歸宗末乃住今天童皆緇白歆慕同辭公舉處處開大施門垂手未悟遠近奔湊如水赴壑師於普說小參問答勘辯之屬皆從容暇豫曲盡善巧而室中機辨慘澹殺活尤號明妙飽參宿學一近槌拂亦汗下心死恨見之晚先意出力辦所難集以申報効舊管領徒典刹者皆晦匿名跡以得寓巾鉢於下陳爲幸嗚呼道亦宏矣師既大振宗風爲世眼目至於行業高潔咸可稱述師初有發明卽與此庵禪師時號元布袋者同行反覆博約日益深奧及從此庵於護國相得歡甚此庵之亡意於師不無所屬而開堂嗣法訖不忘虎丘與近世眩於名聞牽於利養燒香不原所得者異矣矩範嚴峻或有過失往往面質無所寬假言既脫口亦釋然無間以是學者畏而仰之每於住持泛應虛受雖料理建置小物細故動爲無窮計未嘗苟且至纖毫不可於意卽翩然徑去莫能回奪嘗自言衲僧家著草鞋住院何啻如蛇虺戀窟勉顧徒衆不許放逸事事必身率之其將示疾也猶掛牌入室至夜分他

日多類是將終或以辭世。偶爲請師曰。吾嘗笑諸方所爲。而自爲之耶。區處院事。纖悉不遺。奄然跌坐而化。春秋六十一。夏。薦四十二。偈頌語錄甚富。未及詮次。已盛傳於世矣。徑山妙喜禪師。聲價隆重。方其顯赫時。爭屈之下。師執常禮。無加損。及其在梅陽。有僧傳師垂示語者。妙喜見之。極口稱歎。後以偈寄歸宗云。坐斷金輪第一峯。千妖百怪盡潛蹤。年來又得真消息。報道楊歧正脉通。其歸重如此。逮妙喜還徑山。退居明月庵。師演化于明叔姪相望。往來憧憧。必至二大士之門。咸曰。妙喜應庵無異辭。師寂後。未踰月。妙喜亦化去。祖道其遂陵夷矣。乎後生可畏。菴必將有紹之者。銘曰。

臨際一宗	支派分布	大於楊歧	盛於五祖
善美具并	厥惟園悟	生子若孫	益振門戶
師固後出	氣雄諸方	發端水南	徧參湖江
所至皆靡	陳旣堂堂	師視缺然	高義遠驤
窮法頂底	迺梯迺航	槌拂巾瓶	一十三刹
示無緣慈	縱無畏說	魔族萬千	我殺我活

驅耕奪饑 定動智拔 還其本然 同此大達
太白峯之前玲瓏巖之下有窰堵波 靈骨是舍
三十年後話行 猶是閉眼作夜

李侍郎祭文附

維隆興元年六月十三日左承議郎太常丞兼權尙書吏部郎官李浩謹以香茶之奠致祭于故天童山應庵禪師和尚。嗚呼。師遂遷寂矣。夫抑世諦流布也。弗祭其弗來矣。夫祭之果亦至也。力其彷彿於水南。周旋於江東。西湖南。北困頓於雲居。章教之久。如求亡子。如喪考妣。茲其未悟矣。夫抑未嘗不巍巍堂堂。煒煒煌煌也。已而獨踞道場。一十有五說法。如雷如風。奔走衲僧。如鳳如麟。茲其既悟矣。夫亦未嘗不跛跛挈挈。百醜千拙也。烹鍛諸佛。其無功矣。夫抑最上上之功也。呵咄列祖。是無德矣。夫亦無等等之德也。走之於師。爰自相視而笑。授受兩忘。昔不爲初學。今不爲宿習。淮江異出。不爲阻。儒釋異容。不爲間。時從杖屨。日瞻槌拂。不爲親。曠紀彌年。元字脚

不通不爲疎生而咨叩不爲敬死不哭臨不爲慢善觀走於師者於一奠焉而觀之無餘蘊矣尙享

參政大資相國錢公序于前太傅和義郡王楊公施財鏤其板是皆牆壘宗門爲濫擅度傾滄溟之量溢般若之海俾見聞獲益迷悟超情一念含虛空三際悉平等所謂成佛作祖大居士誠哉是言乾道丙戌正月吉旦住山苾芻 守詮 謹識

松源和尚普說

應庵師祖初行脚時在一尊宿會下住多教學者過公案時師祖同一僧在佛殿裏過一則公案怎麼過也過不得又怎麼過也過不得二人商榷不覺鷄唱雞聲散去後來一一過得了只是依前肚裏黑漫漫地遂冷地思量道若怎麼參禪如何敬得生死間隨州水南遂和尚道行乃洞下尊宿法嗣恩官人徑往參禮使得歸堂有一連單兄弟長時坐禪不與人交師祖一日問佗還少睡麼其僧厲聲道老兄而今

是什麼時節更有工夫打睡師祖直得面熱汗下遂發志不捨晝夜以悟爲則不過一月連單先有發明師祖亦有發明自此每每入室得路便擇將去遂和尚並不奈佗何一日入室次喚華兄你也好只是公案未明師祖抗聲道盡大地是一箇公案和尚作麼生明遂和尚便低頭師祖道這老漢了我不得束包裹方丈禮三拜便行聞得圓悟住雲居直造會下凡遇入室機機相副得數時圓悟提起向上巴鼻竟不能開口圓悟每向人說這箇蘄州子得即得只是腦後少一錐在圓悟歸蜀師祖也要隨佗去圓悟道你不須隨我去有杲首座元侍者彰教隆藏主見處共老僧一般但去見佗必爲汝了却大事遂依教特去宣州彰教參隆和尚門庭孤峻直是不容湊泊未經數時遷虎丘亦參隨去續請充維那一日室中舉五祖牽牛過窻話擬祇對次被佗劈臂一拳自此打斷命根是時隆和尚欲命首衆會中有圓悟耆舊云華維那嫩在師祖間得遂書偈於壁間云江上青山殊未老屋頭春色放教遲人言洞裏桃花嫩未必人間

有此技不辭便行。此菴元和尙時住處州連雲師祖道我舊在雲居時。每喫這漢無滋味。如今看來未必佗到我田地。且去驗佗看如何。纔到便上方丈侍者通報。此菴聞得。即忙出來一見。便云。華兄此番且喜大事了畢。師祖道我未曾開口。佗已知了。信知得底人相見不在形言。便知落處。這箇便是參禪底榜樣。豈似今時一般長老與學者相見。一句來一句去。末後多一句。便爲贏得禪。究竟不知深淺。蓋佗不曾踏著正脉。只在言句裏作活計云云。

應安庚戌佛生日。天龍東堂比丘妙葩命二雕之。

應庵禪師振唱楊岐一宗。提起虎丘正脉。得他話於掌中。欲弘通於遐代。仍打施長財。刊行流通。伏願開拓人天祝延聖朝矣。

正應元年九月下旬八日

三聖寺住持沙門洪照謹記

奉行維那師元

大慧普覺禪師語錄

宋
•
雪峯蘊聞 大慧宗杲

編撰

大慧普覺禪師語錄目錄



卷第一之四

住徑山能仁禪院語錄

卷第五

住育王廣利禪寺語錄

卷第六

再住徑山能仁禪院語錄

塔銘

卷第七

二六 大慧語錄目錄

住江西雲門菴語錄

卷第八

住福州洋嶼菴語錄

泉州小谿雲門菴語錄

卷第九

雲居首座寮秉拂

室中機緣

卷第十

頌古

卷第十一

偈頌

卷第十二

讚佛祖 附秉炬入塔

卷第十三之十五

普說

卷第十六之十八

普說

卷第十九之二十

法語

二六 大慧語錄目錄

卷第二十一之二十四

法語

卷第二十五

書

卷第二十六之三十

書



大慧語錄卷一

進大慧禪師語錄奏劄

說一

臣僧蘊聞竊以佛祖之道雖非文字語言所及而發揚流布必有所假而後明譬如以手指月手之與月初不相干然知手之所指則知月之所在是以一大藏教為世標準于今賴之臣山野微賤遭值聖明屢獲瞻望清光稟承音旨聖言高遠非凡所及斯道慶幸有待而興竊欣希闊之逢敢陳誠切之懇伏念臣先師前住徑山大慧禪師宗杲敏悟英發直受正傳善巧方便開悟後學其平日提唱語要臣隨處記錄皆已成書既為廣錄三十卷又為語錄十卷謹繕寫詣闕上進伏望萬機之暇俯垂省覽臣又伏見真宗

皇帝景德年中以僧道原所集傳燈錄頒降入藏今臣所進先師語錄十卷欲乞聖慈依上件體例特賜指揮亦令入藏用廣流通使後學皆得預聞在先師益為不朽臣無任戰灼俟命之至取進止乾道七年三月日徑山能仁禪院住持慧日禪師臣蘊聞奏劄

大慧語錄卷一

二

福州東禪報恩光孝禪寺本寺承知府安撫大觀文公文備准御批降大慧禪師語錄十冊今寘之名山大藏中以永其傳住持臣僧德潛謹刊為經板計三十卷入于毗盧大藏用廣流通以此功德恭為今上皇帝祝延聖壽無疆仰願皇圖鞏固鳳曆長新佛日增輝法輪常轉乾道八年正月日住持臣僧德潛謹題

大慧普覺禪師住徑山能仁禪院語錄卷第一

徑山能仁禪院住持嗣法慧日禪師臣蘊聞上進

師紹興七年七月二十一日於臨安府明慶院開堂拈疏示衆云留守相公入善知衆藝三昧向毛錐子上放大光明不動舌頭演說四十二般若波羅蜜門已竟還信得及麼若信不及却請表白重新拈出令未聞者聞未信者信宣疏了指法座召大衆云還見麼坐斷古佛路頭潛竄千妖百怪任是須彌燈王也須速禮三拜喝一喝遂陞座拈香云此一瓣香恭爲北闕之至尊上祝南山之萬壽次拈香云此一瓣香奉爲留守大丞相洎文武官僚常居祿位又拈香云

大慧語錄卷一

三

此一瓣香觀著則眼睛枯槁著則腦門裂遇貴則價重娑婆遇賤則分文不直今日對人天衆前藝向爐中奉爲成都府昭覺禪寺先園悟禪師和尚用酬法乳之恩乃就座上首白槌云法筵龍象衆當觀第一義師云諸方舊例今古常儀直饒千佛世尊次第出世陞于此座末上也少這一杓惡水不得莫有回避得底麼出來證據時有僧出方禮拜師云雪上加霜次有一僧攙前便問人天普集選佛場開祖今當機如何舉唱師云鈍鳥逆風飛進云徧界且無尋覓處分明一點座中圓師云人間無水不朝東進云可謂三春果滿菩提樹一夜華開世界香師云築著磕

著進云紛紛香氣爐中發颼颼清風座上生師云開

言語進云爭奈千枝少室華方盛一派曹源水更清師舉起拂子云這箇是第幾枝進云知音不在頻頻舉達者須知暗裏驚師云靈利衲僧問一問一客辜負已靈舉古舉今埋沒先祖去此二途如何即是師云分身兩處看進云唐土二三齊歛衽西天四七亦開眉師云天無私蓋地無私載進云如斯問答已涉功勳祝聖一句請師速道師云長將日月爲天眼指出須彌作壽山進云社稷山河增勝氣乾坤草木盡霑恩師云重說偈言進云還許學人別露箇消息也無師云不許進云却請和尚道師云既不許更道甚

大慧語錄卷一

四

麼進云願施折檻朱雲手來作爲霖傳說人師云口欠這一句在復有數偈競出師乃約住云假使大地草木盡末爲塵一一塵有一口一一口具無礙廣長舌相一一舌相出無量差別音聲一一音聲發無量差別言詞一一言詞有無量差別妙義如上塵數衲僧各各具如是口如是舌如是音聲如是言詞如是妙義同時致百千問難問問各別不消徑山長老咳嗽一聲一時答了乘時於其中間作無量無邊廣大佛事一一佛事周徧法界所謂一毛現神變一切佛同說經於無量劫不得其邊際便恁麼去開熱門庭卽得若以正眼觀之正是業識茫茫無本可據祖師

門下一點也用不著况復鉤章棘句展露言鋒非唯埋沒從上宗乘亦乃笑破衲僧鼻孔所以道毫釐繫念三塗業因督爾情生萬劫羈鎖聖名凡號盡是虛聲殊相劣形皆為幻色汝欲求之得無累乎及其厭之又成大患看他先德恁麼告報如國家兵器不得已而用之本分事上亦無這箇消息山僧今日如斯舉唱大似無夢說夢好肉剜瘡檢點將來合喫拄杖只今莫有下得毒手者麼若有堪報不報之恩共助無為之化如無倒行此今去也驀拈拄杖云橫按鎮錫全正今太平寰宇斬癡頑卓一下喝一喝謝詞復舉王常侍一日訪臨濟回到僧堂內常侍曰這一堂

大慧語錄卷一

五

僧還看經否臨濟曰不看經常侍曰學禪否臨濟曰不學禪常侍曰經又不看禪又不學畢竟作甚麼臨濟曰總教伊成佛作祖去常侍曰金屑雖貴落眼成翳又作麼生臨濟曰我將謂你是箇俗漢師云臨濟老漢握一柄金剛王寶劍氣衝宇宙天下橫行等閑被這官人輕輕一拶便見冰銷瓦解且道這官人有甚長處聽取一頌世出世間希有事顯發須憑過量人只將補衲調羹手撥轉如來正法輪久立眾慈伏惟珍重上首再白槌云諦觀法王法法王法如是入院上堂山僧未離泉州時已與諸人相見了也臨安府亦與諸人相見了也及乎來到山中擊動法鼓

坐立儼然眼眼相覷為甚麼却不相識只為分明極翻今所得遲

當晚小叅大道只在目前要且目前難覩欲識大道真體不離聲色言語舉起拂子云這箇是色擊禪牀云這箇是聲山僧只今口吧吧地是言語那箇是大道真體喝一喝云卽此見聞非見聞無餘聲色可呈君箇中若了全無事體用無妨分不分若也分去兩下地上濕天晴日頭出小盡二十九大盡三十日若也不分金剛與土地揩背一擦骨出復云古者道末後一句始到牢關把斷要津不通凡聖作麼生是末後一句良久云且莫說夢拍禪牀下座

大慧語錄卷一

六

上堂昔日楊岐老祖翁牽犁拽耙逞神通兒孫帶水拖泥甚熨斗煎茶銚不同

上堂舉僧問利山衆色歸空空歸何所山云舌頭不出口僧云為甚麼如此山云內外一如故師云事存函蓋合理應箭鋒挂須還利山始得若是徑山卽不然或問衆色歸空空歸何所為藥華開菩薩面樓欄葉散夜叉頭為甚麼如此但辦肯心必不相賺

上堂舉南泉云江西馬祖說卽心卽佛王老師不恁麼道不是心不是佛不是物恁麼道還有過麼趙州禮拜而出時有僧隨問趙州云上座禮拜了便出意作麼生州云汝却問取和尚僧上問云適來論上座

意作麼生泉云佗却領得老僧意旨師云兩箇老漢雖善轉裏動指頭殊不知傍觀者醜

圓悟和尚大祥拈香指真云這箇川葛真自來好打開開處便入頭惡靜而喜動前年今日始歸家今日前年路不差乃顧示大眾云作麼生是不差底路要會麼一回飲水一回噎一瓣栴檀一盞茶便燒香上堂拈拄杖卓一下喝一喝云幸自可憐生特地胡打亂喝作甚麼擲下云冷處著把火

上堂今朝八月十有五顧兔天邊誰不覩若非東土小釋迦放過長沙這老虎

上堂祖師道一心不生萬法無咎無咎無法不生不

大慧普覺禪師語錄

七

心能隨境滅境逐能沉境能由境能大小祖師却作座主見解徑山即不然眼不自見刀不自割喫飯濟飢飲水定渴臨濟德山特地迷枉費精神施棒喝除却棒拈却喝孟八郎漢如何止過

上堂舉須菩提巖中宴坐諸天雨華讚歎尊者曰空中雨華讚歎者是何人曰我是梵天尊者曰汝云何讚歎天曰我重尊者善說般若尊者曰我於般若未曾說一字云何言善說師喝一喝云當時若下得這一喝非但塞却梵天口亦乃二千年後免被徑山檢點天曰尊者無說我乃無聞無說無聞是真說般若師又喝一喝云當時若下得這一喝非但塞却須菩

提口亦乃二千年後免被徑山檢點且道徑山還遭人檢點處也無自云有甚麼處是遭人檢點處不

合多口

上堂水底泥牛嚼生鐵憍梵鉢提咬著古海神怒把珊瑚鞭須彌山王痛不徹拍禪牀下座

上堂衝開碧落松千尺截斷紅塵水一谿不識本來真面目將謂人題德嶠詩

臨安縣請就海會寺開堂師拈疏示衆云文彩未彰消息已露文彩既彰難爲蓋覆既不通蓋覆却煩表白朗宣一徧宣疏了師顧視大眾云知縣學士已爲諸人敷揚第一義諦了也還有眼開心悟底麼若有

大慧普覺禪師語錄

八

便請即今散去其或未然徑山却向曲录牀上說脫空去也遂陞座拈香祝聖罷又拈香云此一瓣香諸佛不知鬼神莫測非天地之所生亦非自然而得前日城中已嘗拈出今日人天普集四衆咸臻其間恐有未知氣息者不免重新說破便燒乃就座僧問堯風未扇菩薩現宰官之身佛日高明盧老唱少林之曲祝聖開堂願聞法要師云驚天動地進云憑師一滴曹谿水四海爲霖報我皇師云一鴈初歸四海秋進云金輪統御三千界王曆延鴻百萬春師云阿誰不願問三聖道我逢人即出出則不爲人意旨如何師云殺人不用刀進云興化道我逢人即不出出則

便爲人又作麼生師云活人何必劬進云正當出與未出時如何師云無鬚鎖子兩頭搖進云專爲流通去也師云徑山今日失利乃云佛法至當不在問答處直饒問似普慧雲興答如普賢瓶瀉若不識其要妙只成戲劇之談於道有何所益據實而論盡是癡狂外邊走所以大覺世尊爲一大事因緣故出現於世以種種微密善巧方便成就衆生開示悟入佛之知見起道樹詣鹿苑先爲憍陳如等轉四諦法輪四十九年三百六十餘會隨衆生根器所宜次第開演令其各各聞法解悟出離生死末後臨般涅槃於人天百萬衆前拈華普示唯金色頭陀破顏微笑遂云

大慧普覺錄

九

吾有正法眼藏涅槃妙心分付於汝自是西天四七東土二三天下老和尚各各以心傳心相續不斷若不識其要妙一向溺於知見馳騁言詞正法眼藏流布豈到今日到這裏須是箇不求諸聖不重已靈底出格道人方能荷擔此箇大事且那箇是出格道人不見昔日江西爲大師遣西堂智藏馳書上徑山國一禪師國一開緘見一圓相遂索筆對智藏於圓相中點一點智藏罔措這箇豈不是格外消息若作格外商量又却不是諸人且作麼生辯明時中如何受用適來知縣學士疏中有言馬師圓相遠緘千里之清規欽老機鋒點破一時之群惑群惑既破則人人

脚根下大事洞明大事既明則十二時中折旋俯仰彈指警欬無非佛之妙用既是佛之妙用則不從人得既不從人得亦不在已躬既不在已躬則內不放出外不放入既外不放入則外息諸緣內不放出則內心無喘既內心無喘外息諸緣則一切智通無障礙既無障礙則一切智智清淨無二無二分無別無斷故正當恁麼時不是世間法亦非出世間法搜取占波國與新羅國鬪額豈是分外雖然如是更有事在敢問諸人只如忠國師爲甚麼却道欽師猶被馬師惑卽今莫有定當得出底麼若定當得出許你諸人盡是出格道人其或未然徑山據欵結案去也良

大慧普覺錄

十

久云在舍只言爲客易臨筌方覺取魚難上堂僧問靈山會上迦葉親聞少室峯前神光得髓卽今座下誰是知音師云裂破舌頭進云可謂下氏場中多巨璞孟嘗門下足高賓師云瓦礫不勞拈出進云爭奈鋒前有異句裏無私師云誰是知音者進云少室巖前金鳳舞徑山峯頂王雞啼師云兩重公案問達磨西來單傳心心印直指人心見性成佛只如德山入門便棒臨濟入門便喝未審是同是別師噓噓進云恁麼則不離當處常湛然覓卽知君不可見師云魚行水濁進云爭奈踢著秤鎚硬似鐵師云引不著進云頭頭垂示處子細好生觀師云放你三十

棒乃云不用安排切莫造作造作安排無繩自縛不安排不造作善財彈指登樓閣秘魔放下手中叉普化入市搖鈴鐸

上堂舉盤山云心月孤圓光吞萬象光非照境境亦非存光境俱亡復是何物洞山云光境未亡復是何物師云白鷺下田千點雪黃鸝上樹一枝華

上堂僧問為仰當時相見處插鉞叉手意如何師云兩眼對兩眼進云沒絃琴上知音少父子彈來格調高師云你且道在插鉞處在叉手處進云竿頭絲線從師弄不犯清波意自殊師云又却恁麼去也乃云有句無句如藤倚樹碧眼胡兒不知落處且道落在

大慧語錄卷一

十一

甚麼處薦拈拄杖召大眾云看看直下來也急著眼觀擲下拄杖

出鄉歸上堂舉五祖師翁出隊歸示衆云出隊半箇月眼不見鼻孔失却祖師禪拾得箇骨董且道向甚處著一分奉釋迦牟尼佛一分奉多寶佛塔徑山法孫出隊八十餘日鼻孔常與眼睛相見亦無祖師禪可失亦不曾拾得骨董既無骨董則無以奉釋迦牟尼佛亦無以奉多寶佛塔畢竟得箇甚麼夜靜水寒魚不食滿船空載月明歸

上堂去年臘月二十五有恁麼消息今年臘月二十五無恁麼消息有恁麼消息是諸人分上事徑山不

預無恁麼消息是徑山分上事諸人無分或有人問徑山未審是甚麼消息薦拈拄杖云不得動著動著打折你驢腰擲拄杖下座

歲旦上堂拈拄杖空中作書字勢云正朝把筆萬事皆吉應時納祐慶無不宜若作世諦流布平地喫交更在佛法商量眉鬚墮落卓拄杖下座

上堂買鐵得真金求雨得瑞雪五峯玉琢成千樹銀華結龍王降吉祥普賢呈醜拙三世如來秘密門今日一時都漏泄雖然如是這裏有一處可疑且道疑箇甚麼恐日出後一場漏逗

大慧語錄卷一

十二

勝熱面夜神忽患冷頭疼參

上堂舉僧問長沙如何轉得山河大地歸自己去沙云如何轉得自己歸山河大地去師云轉山河大地歸自己則易轉自己歸山河大地則難有人道得不得難不易句却來徑山手裏請棒喫

上堂二月仲春久雨不晴雲門一劄德非有鄰乃顧視大眾云劄復云慚惶殺人

不動居士至上堂僧問徑山布龍蛇陣居士足馬單槍當恁麼時如何相見師云老僧打退鼓進云一箇老大蟲撞著重牙虎師云你還聞雷聲麼進云只爲學人聞得慣師云且莫詐明頭進云却請和尚道師

云我若道你須百雜碎進云慶快平生去也師噓噓乃云眼空宇宙渾無物大坐當軒孰敢窺選佛選官俱已了同途把手不同歸敢問大衆既同途又把手爲甚麼不同歸莫將鶴喚誤作鸞啼復舉陸亘大夫問南泉云肇法師也甚奇怪解道天地與我同根萬物與我一體南泉遂指庭前華謂大夫曰時人見此一株華如夢相似師云這一則公案流布叢林近三百載中間有無數善知識出世只是未嘗有一人與伊分明判斷徑山今日與伊斷却若向理上看非但南泉謾他陸亘一點不得亦未摸著佗脚下一莖毛在若向事上看非但陸亘謾佗南泉一點不得亦未

大慧普覺禪師語錄

三

夢見佗汗臭氣在或有人出來道大小徑山說理說事卽向佗道但向理事上會取

上堂一不成隻兩不成雙喝一喝云是甚麼劒號巨闕珠稱夜光

上堂僧問老東山也怎麼舉老園悟也怎麼舉未審和尚如何舉師云一手不獨拍兩手鳴擗擗進云金不博金水不洗水師云蹉過了也不知進云上是天下是地蹉過箇甚麼師云金不博金水不洗水聲進云直下來也急著眼看師云依舊跳不出乃舉僧問投子一大藏教還有奇特事也無投子云演出大藏教又一老宿云演入大藏教師云演出演入則不無

二老若是奇特事三生六十劫也未夢見在無上禪師忌日上堂適來未擊鼓已前無上禪師已爲諸人入泥入水葛藤不少徑山不可更向土上加泥便下座

上堂舉永嘉云江月照松風吹來夜清宵何所爲佛性成珠心地印霧露雲霞體上衣師云這箇阿師好與三十棒且道過在甚麼處不合偷常住物入衣鉢下上堂舉教云應如是知如是見如是信解不生法相師舉起拂子云這箇是徑山拂子喚甚麼作法相法和既不可得又知箇甚麼見箇甚麼信箇甚麼解箇甚麼復舉起云這箇是法相却喚甚麼作拂子拂子

大慧普覺禪師語錄

四

既不可得如是知如是見如是信解又有甚麼過正當怎麼時轉身一句作麼生道千重百市無回互大家靜處薩婆訶

上堂今朝又是四月一那事全然沒消息衲僧皮草久不乾且喜日頭東畔出參

浴佛上堂今朝正是四月八爭飯王宮生悉達吐水九龍天外來捧足七蓮從地發點齋點助獨稱尊大口開張自矜伐都盧住世七旬餘四十九年恣怛怛賴有雲門老跛師一棒當時要打殺人盡道報佛恩將此深心奉塵刹獨有徑山卽不然既不然合作麼生下座同到殿上爲諸人說破

上堂拈拄杖卓一下召大眾云還聞麼復舉起云觀世音菩薩來也在徑山拄杖頭上口喃喃地道諸行無常是生滅法生滅既滅寂滅現前拈須彌盧於掌上向針眼裏打鞦韆直饒便恁麼見得徹去猶較拄杖子十萬八千且道徑山拄杖子有甚麼奇特擲下云不直半分錢

上堂徑山無寸土莊田今夏隨宜結衆緣懽論道嬾談禪拄杖挑來箇箇圓不用息心除妄想大家喫飯了噉眠噉眠則不無或若夢中有人索飯錢又作麼生依稀似曲纔堪聽又被風吹別調中

上堂僧問法身有三種病二種光光卽不問未審法

大慧語錄卷一

十五

身還具四大也無師云具進云如何是法身師云地水火風進云如何是四大師云漆桶不快進云法身向上還更有事也無師云但向下會取乃舉僧問趙州如何是出來底人州云諸佛菩薩師云大小趙州元來膽小或有人問徑山如何是出來底人向他道泥猪疥狗佗若道徑山舌頭得恁麼自在我也知你是箇漆桶

上堂僧問萬機休罷獨坐大方猶是向下事如何是向上事師云癡人面前不得說夢進云老和尚三寸甚密師云衆眼難謾進云只如僧問洞山如何是佛云麻三斤又作麼生師云大鵬展翅蓋十洲籬邊之

物空啾啾乃云昨日晴今日雨時分不相應三日後看取拍禪牀下座

上堂僧問情生智隔想變體殊情未生時隔從何得師云元來是箇飯袋子進云未審意旨如何師云隔乃拈拄杖舉三聖云我逢人卽出出則不爲人卓一下云賊身已露放過不可興化聞云我逢人卽不出出則便爲人又卓一下云已露賊身不可放過大凡宗師決斷是非要得開人眼目不可一向盲枷瞎棒且道這兩箇老漢有甚麼過擲下云龍蛇易辨衲子難謾

大慧語錄卷一

十六

上堂舉僧問洞山寒暑到來如何回避山云何不向無寒暑處去僧云如何是無寒暑處山云寒時寒殺闍黎熱時熱殺闍黎又僧問一老宿時節恁麼熱向甚處回避宿云向鑊湯爐炭裏回避僧云鑊湯爐炭裏如何回避宿云衆苦不能到師云二老宿一人在寒暑裏垂手一人在寒暑外垂手寒暑裏垂手者不見有寒暑之相寒暑外垂手者通身是寒暑徑山恁麼道諸人還辯明得麼若辯明得南天台北五臺若辯明不得今日熱如昨日

上堂僧問教中道塵塵說刹刹說無間歇未審以何爲舌師拍禪牀右角一下進云世尊不說說迦葉不問問也師拍禪牀左角一下進云也知今日今不虛

上堂舉興化謂克賓維那曰汝不久爲唱導之師賓云不入這保社化云汝會了不入不會不入賓云總不恁麼化便打云克賓維那法戰不勝罰錢五貫設饋飯一堂來日興化自白槌云克賓維那法戰不勝罰錢五貫設饋飯一堂仍須出院雲居舜和尚云大冶精金鹿無變色其奈興化今行太嚴不是克賓維

十七

上堂僧問臨濟云吾滅後不得滅却吾正法眼藏三
聖出云誰敢滅却和尚正法眼藏如何是正法眼藏
師云彥詵賊漢又爭會正法眼藏進云臨濟道或有
人問你又作麼生三聖便喝濟云誰知吾正法眼藏
向這瞎驢邊滅却意旨如何師云利動君子乃舉
竈竈國王仗劍問師子尊者曰師得蘊空否尊者曰已
得蘊空王曰脫生死否尊者曰已脫生死王曰可施
我頭尊者曰身非我有豈况於頭王遂斬之白乳高

大慧普覺禪師住徑山能仁禪院語錄卷第一

音釋

窳七亂切覷七慮切覲許救切鼻石風切
分勿切壬衣襟也釐呂支切十警普減切羈居宜切
小風也歡切藹莫白切授子括切拽耙拽羊列切
製刻也猶忽也

十八

[illegible]

大慧普覺禪師住徑山能仁禪院語錄卷第二

徑山能仁禪院住持嗣法慧日禪師臣蘊聞上進

上堂舉白雲端師翁道若端的得一回汗出也便向一莖草上現瓊樓玉殿若未端的得一回汗出縱有瓊樓玉殿却被一莖草蓋却師云一莖草上現瓊樓玉殿決定可信瓊樓玉殿被一莖草蓋却莫被佗熱謾徑山恁麼道爲已得一回汗出者說若未得一回汗出者切不得疑著

天申節上堂稽首能度諸世間無量殊勝福德聚金輪統御四天下普施羣生安隱樂還有知恩報恩底麼良久云一年三百六十日唯有今日最吉祥

大慧語錄卷二

十九

上堂舉百靈問龐居士石頭得力底句還曾舉似人否士云亦曾舉似人靈云舉似阿誰士自點臂云龐公靈云直是妙德空生也讚歎不及居士却問百靈阿師石頭得力底句還曾舉似人否靈云亦曾舉似人士云舉似阿誰靈戴笠子便行師云這箇話端若不是龐公幾乎錯舉似人雖然如是百靈輪佗龐公一著何故當時若不得箇破笠遮却髑髏有甚面目見佗龐公

上堂顛倒想生生死續顛倒想滅生死絕生死絕處涅槃空涅槃空處眼中屑涅槃既空喚甚麼作眼中屑白雲乍可來青嶂明月難教下碧天

上堂舉無著往臺山禮文殊殊問大德從何方而來著云南方殊云南方佛法如何住持著云末法比丘少奉戒律殊云多少衆著云或三百或五百無著却問和尚此間佛法如何住持殊云凡聖同居龍蛇混雜著云多少衆殊云前三三後三三師云徑山當時若見卽向佗道和尚如此住持極是不易

大慧語錄卷三

二十

上堂僧問雪峯三上投子九到洞山爲甚麼向鼇山成道師云屋裏販揚州進云後來住菴有僧敲門雪峯放身出云是甚麼僧亦云是甚麼還有優劣也無師云優則總優劣則總劣進云爲甚麼雪峯低頭歸菴師云疑殺天下人進云僧舉似巖頭頭云我當時若向伊道末後句天下人不奈雪老何作麼生是末後句師云若不同牀睡焉知被底穿進云巖頭道雪峯與我同條生不與我同條死要識末後句只這意思古如何師云殺人須是殺人刀活人須是活人劍乃云古德道青蘿黃綠直上寒松之頂白雲淡泞出沒太虛之中萬法本閑唯人自開又教中道凡夫見

諸法但隨於相轉不了法無相以是不見佛遂舉起拂子云這箇是相那箇是無相現今目前森羅萬象眼見耳聞悉皆是法又何曾聞來既不曾聞教甚麼物隨相轉又舉拂子云這箇是無相又作麼生了既無可了却向甚麼處見佛且道古德底是教中底是是又是箇甚麼若向這裏分割得出釋迦不先彌勒不後雖然如是未免被山僧拂子穿却鼻孔復舉拂子云隨相轉也被拂子穿却鼻孔不隨相轉也被拂子穿却鼻孔見佛也被拂子穿却鼻孔不見佛也被拂子穿却鼻孔乃顧視大眾云且作麼生免得此過畢竟水須潮海去到頭雲定覓山歸擊禪牀下座

大慧語錄卷二

三

上堂舉僧問米胡自古上賢還達真正理也無胡云達僧云只如真正理作麼生達胡云當時霍光責假銀城與單于契書是甚麼人做僧無語師云徑山當時若作這僧卽下一轉語塞却這老漢口且道下甚麼語良久云若教容易得便作等閑看

上堂山僧今日設粥供養大眾粥罷同到龍王殿念誦念誦罷普請送彥化主茶毗如此事多若是祖師西來意未有工夫說得

上堂舉園悟先師在夾山日示衆云通身是眼見不到通身是耳聞不及通身是口說不著通身是心鑑不出通身卽且置或若無眼作麼生見無耳作麼生

聞無口作麼生說無心作麼生鑑若向這裏撥得一線路便與古佛同參且道參甚麼人師云惜乎徑山當時不在若在點一把火照看這老漢面皮厚多少卽今或有傍不甘底出來道和尚也是普州人又作麼生卽向他道西天斬頭截臂這裏自領出去上堂十五日已前諸人道得著徑山道不著十五日已後徑山道得著諸人道不著正當十五日又作麼生良久云普

大慧語錄卷二

三

上堂僧問逼塞虛空時如何師便喝進云文殊普賢來也師云逼塞虛空甚處與徑山相見僧亦喝師云文殊普賢爲甚麼在你脚跟下過僧擬議師便打乃舉永嘉道了了見無一物亦無人亦無佛大千沙界海中漚一切聖賢如電拂有老宿拈云旣無一物了見底是箇甚麼師云且道這老宿恁麼道還具眼也無

上堂月生一鐵輪天子冢中勅月生二豐干騎虎入開市月生三蟬螳眼裏巨鼇翻驀拈拄杖云莫有同生同死底麼出來與徑山拄杖子相見良久云見義不爲何勇之有擲下拄杖

上堂心生法滅性起情亡這裏悟去捏怪有甚麼難舉起拂子云看看觀音彌勒普賢文殊盡向徑山拂子頭上聚頭打葛藤若也放開從教口勞舌沸若也

把住不消一擊以拂子擊禪牀下座

上堂舉睦州問僧正云講得唯識論麼正云不敢小年曾讀文字來州拈起糖餅擘作兩片云你作麼生正無語州云喚作糖餅是不喚作糖餅是正云不可不喚作糖餅州却喚沙彌來來你喚作甚麼彌云糖餅州云你也講得唯識論師云僧正與沙彌實講得唯識論只是不知糖餅來處睦州老人雖是一方善知識若是三界唯心萬法唯識畢竟理會不得

大慧普覺禪師語錄卷二

二十三

庫內無如是刀又卓一下

上堂舉佛昔勅五百尊者降一毒龍尊者各運神通皆降不得忽有異方一尊者到佛勅令降尊者於龍面前彈指一聲其龍便伏師云五百尊者神通既與異方尊者一般爲甚麼降龍不得異方尊者神通既與五百尊者一般爲甚麼却降得乃舉拂子云還會麼鴛鴦繡出從君看不把金針度與人擊禪牀下座陳勝眼至上堂舉教中道吾不見時何不見吾不見之處若見不見自然非彼不見之相若不見吾不見之地自然非物云何非汝白雲師翁頌云堂前露柱久懷胎長下孩兒頗俊哉未解語言先作賦一操便

取狀元來師云改問諸人還知師翁落處麼若知落處便識得狀元若也未知徑山爲你指出有利無利不離行市放過一著落在第二

上堂僧問翠巖示衆云一夏與兄弟東說西話看翠巖眉毛在麼意旨如何師云自首者原其罪進云保福道作賊人心虛又作麼生師云驢揀濕處尿進云長慶道生也雲門云關又且如何師云一箇破簷箕對箇禿者帝進云後有老宿云翠巖無風起浪作麼生見得師云作麼見不得乃云廓然無聖不用躊躇蓋色騎聲全承渠力諸佛以此度生衲僧以此爲命露保保亦灑灑沒可把行但行坐但坐饑來喫飯寒

大慧普覺禪師語錄卷二

二十四

來向火直饒恁麼未稱衲僧不見白雲師翁有言有時碓甯生華有時佛面百醜李公醉倒街頭自是張公喫酒燈籠皺斷眉頭露柱呵呵拍手且道露柱拍手成得箇甚麼道事參

上堂超然居士設粥供養一堂龍象喫了掛起鉢盂好箇西來榜樣

圓悟和尚忌日師拈香云這箇尊慈平昔強項氣壓諸方逞過頭底顛預用格外底儻侗自言我能以木樵子換天下人眼睛殊不知被不孝之子將斷貫索穿却鼻孔鼻孔索頭既在徑山手裏要教伊生也由徑山要教伊死也由徑山且道以何爲驗遂燒香云

以此爲驗

上堂去年人看中秋月今年人看中秋月今年人是去年人去年月是今年月還有人向這裏著得一隻眼麼若也著得徑山分半院與伊住其或未然歸堂喫茶

上堂古者道了得一萬事畢今朝是九月一諸人作麼生了焉拈拄杖云不得喚作拄杖子便了取好既不喚作拄杖子作麼生了擲下云差之毫釐失之千里

上堂舉雲門道既知來處且道甚麼劫中無祖師自代云某甲今日不著便師云雲門也是作賊人心虛

大慧語錄卷三

三十五

徑山卽不然既知來處且道甚麼劫中無祖師不圖打草且要蛇驚

上堂今朝九月初五天色半晴半雨衲僧鼻孔眼睛切忌和泥合土乃顧視大眾云惺惺直是惺惺靈利不妨靈利等閑問著十人五雙不知落處既惺惺又靈利爲甚麼不知落處不見道事因叮囑起

上堂拈拄杖示衆云迷底人喚這箇作拄杖子悟底人亦喚這箇作拄杖子雖迷悟之有殊蓋所見而無異見既無異則迷者從教迷悟者從教悟總不干這箇事又舉起云卽今舉起在諸人眼睛上是迷耶是悟耶是見耶是不見耶是異耶是不異耶喝一喝卓

一下云又是從頭起

劉參政請就天竺陞座僧問高揖釋迦不拜彌勒時如何師云夢裏惺惺進云將謂和尚忘却師云你記得試道看進云雖道不得要且不失師云元來不會進云從上來事分付阿誰師云分付瞎漢進云臨濟一宗全憑渠力師云且喜不干你事問昔日七賢女遊屍陀林一女云屍在這裏人向甚麼處去一女云作麼作麼當時齊悟無生法忍如何是無生法忍師云拈却髑髏裏底進云輝騰今古燦破乾坤師云這田庫奴進云只如四生簿卽今在甚麼處師舉起拂子云在這裏進云唯憑這箇力念念更無差師云摩

大慧語錄卷三

三十六

竭令行傳萬古乃云拈提要妙掘地覓天就理明真望空啓告直得心心不觸物念念絕攀緣觀法界於一微塵之中見一微塵徧法界之內塵塵爾念念爾法法爾猶是教乘極則未是衲僧放身命處若識得衲僧放身命處則出生入死得大自在以生死爲游戲之場而不被生死之所留礙其或不然未免葛藤妙性圓明離諸名相本來無有世界衆生因妄有生因生有滅生滅名妄滅妄名真乃顧視大眾云今日參政相公爲亡男主簿盡七之晨命山僧陞于此座爲衆舉揚僧俗交參同臨斯會又是箇甚麼若言是妄現今說法聽法歷歷孤明復是何物眼若是妄將

甚麼觀色耳若是妄將甚麼聽聲鼻若是妄將甚麼
嗅香舌若是妄將甚麼了味身若是妄將甚麼覺觸
意若是妄將甚麼分別眼耳鼻舌身意色聲香味觸
法既不屬妄一真何依其既無依一道平等到這裏
方知主簿昔日雖生本不曾生今日雖滅本不曾滅
既不生又不滅更喚甚麼作圓明妙性真妄名相何
處安著還委悉麼騰身一擲太虛外鼻孔依前搭上
唇下座

上堂佛真法身猶若虛空以拂子擊禪牀一下云應
物現形如水中月復舉起云釋迦老子來也還見麼
若道不見有眼如盲若道見且道在拂子內拂子外

大慧錄卷三

五七

拂子中間直饒你道不在內不在外不在中間怎麼
見得分明徑山門下正好喫棒擊禪牀下座

上堂盤山道向上一路千聖不傳慈明道向上一路
千聖不然徑山道向上一路熱煞鳴聲下座

出鄉歸上堂舉肇法師道動若行雲止猶谷神既無
心於彼此豈有象於去來修山主道去去實不去途
中好善爲來來實不來路上莫虧危師云這二老漢
惜乎不與徑山同時若也同時便與縛作一束送在
錢塘江裏何故古今山河古今日月古今人倫寒則
普天普地寒熱則普天普地熱去去來來動動靜靜
又有甚麼過或有箇衲僧出來道徑山恁麼說話也

好縛作一束送在錢塘江裏山僧却熱炙釜子點茶

與伊喫爲甚麼如此大丈夫兒捋虎鬚豈是分外

上堂千說萬說讚說毀說安立說隨俗說顯了說蓋
覆說盡是筌蹄丘拈起拄杖云爭如直下識取這箇
不被生死之所轉不被寒暑之所遷或有箇衲僧出
來道也只是箇拄杖子用識作甚麼今時有一種杜
撰禪和多作這般見解擲拄杖下座

上堂臘月十五天降雪爲瑞爲祥無空闕文殊露出
廣長舌普賢大士得一槩如何是那一個看銅鑪著
生鐵

上堂舉僧問趙州毫釐有差時如何州云天地懸隔

大慧錄卷三

五八

僧云毫釐無差時如何州云天地懸隔師云諸人要
識趙州麼慣從五鳳樓前過手握金鞭賀太平

上堂拈拄杖云今朝臘月二十五諸方盡唱雲門曲
徑山隨例和一聲乃卓一下云還聞麼莫言楚石不
當玉

開山忌日上堂今日一會是當山國一大覺祖師爲
諸人向一切處轉無上法輪全提底時節直得大地
六種十八相震動出大音聲諸天音樂不鼓自鳴梵
唄誦歌自然敷奏諸天寶華同時而雨正當恁麼時
塵沙諸佛諸大菩薩諸阿羅漢天龍八部諸鬼神等
各從他方而來集會咸生歡喜踊躍稱慶同時發聲

而作是言善哉希有大覺祖師快說此法我等悉來共作證明證明即不無如何是此法良久云雲有出山勢水無投澗聲

歲旦上堂去年今日也只是這箇前年今日也只是這箇先年今日也只是這箇外前年今日也只是這箇明年今日也只是這箇後年今日也只是這箇外後年今日也只是這箇更外後年今日也只是這箇且道這箇是甚麼元正啓祚萬物咸新應時納祐慶無不宜喝一喝云俗氣不除

陳知縣請陞座祖師道通達本法心無法無非法悟了同未悟無心亦無法既無心又無法却喚甚麼作

六六 金語錄卷三

二九

本法本法又作麼生通達黃面老子云心不妄取過去法亦不貪著未來事不於現在有所住了達三世悉空寂諸人還委悉麼若未委悉分明爲諸人註破不住現在此名爲定不著未來此名爲慧不取過去此名爲智亦謂之如來禪亦謂之祖師禪苟能於日用二六時中如是通達如是了悟則此定此慧此智一一如空無有邊際定慧智既無邊際則當人日用神通光明亦無邊際神通光明既無邊際諸波羅蜜諸解脫門亦無邊際波羅蜜解脫門既無邊際此無住心亦無邊際無住心既無邊際徑山今日以此無邊際心說此無邊際法奉爲臣子陳亞卿祝吾君壽

地又天長亦無邊際正當恁麼時依時及節一句作麼生道舉起拂子云將此深心奉塵刹是則名爲報我皇下座

上堂正月十四十五雙徑椎鐺打鼓要識祖意西來看取村歌社舞

徽宗皇帝大祥上堂拈香罷乃就座云身從無相中受生猶如幻出諸形像幻人心識本來無罪福皆空無所住從上諸聖莫不皆從無所住處成就衆生於無所住處示現降神處胎十月於無所住處示現誕生於無所住處示現行七步於無所住處示現處王宮於無所住處示現出家於無所住處示現行苦行

六六 金語錄卷三

三十

於無所住處示現坐菩提樹下成等正覺於無所住處示現降伏魔軍於無所住處示現坐道場轉法輪度有情於無所住處示現授諸菩薩阿耨多羅三藐三菩提記於無所住處作佛事已示現入般涅槃召大衆云從上諸聖既如是示現今今日臣僧宗杲亦如是說法只將如是之法恭爲徽宗聖文仁德顯孝皇帝顯肅皇后用嚴仙駕伏願不守自性普現塵中堅密身同彼上人住不思議解脫海下座

上堂卽心是佛佛不遠人無心是道道非物外三世諸佛只以此心說法只以此道度生以此道度生無生可度以此心說法無法可說無法可說是真說法

無生可度是真度生當知三世諸佛亦如是現前大衆亦如是乃舉拂子云還委悉麼復擊禪牀云如是如是

上堂僧問不與萬法爲侶者是甚麼人師云是箇天上天下奈何不得底人進云爲甚麼却在徑山座下師云家無小使不成君子乃云塵塵刹刹沒一絲毫日用堂堂現成活計三世諸佛立在下風諸代祖師魂飛膽喪且道據箇甚麼道理便得恁麼奇特還委悉麼若委悉去一念萬年萬年一念如未委悉東者東邊坐西者西邊坐

上堂纔方改歲賀新年今朝又是二月一入所證處

金鑑錄卷三

三

沒商量摩訶般若波羅蜜

上堂金佛不度鑪木佛不度火泥佛不度水真佛屋裏坐趙州和尚吐心吐膽恁麼告報了也還有知恩報恩者麼便下座

上堂以拂子擊禪牀一下云摩竭提國親行此令三世諸佛眼似鼻孔衲僧分上成得箇甚麼邊事莫有道得底麼若有四楞塌地道將一句來若道不得徑山自道去也便下座

上堂僧問懷州牛喫禾益州馬腹脹天下覓醫人灸猪左膊上爲復神通妙用爲復法爾如然師云也不是神通妙用也不是法爾如然進云畢竟如何師云

八尺眉毛領下生乃云大道只在目前要目目前難覩欲識大道真體不離聲色言語若即聲色言語求道真體正是撥火覓浮漚若離聲色言語求道真體大似舍元殿裏更覓長安總不恁麼畢竟如何翡翠

踢翻荷葉雨鷺鷥衝破竹林煙

浴佛上堂毗藍園裏不曾生雙林樹下何曾滅不生不滅見瞿曇眼中又是重添脣

結夏上堂此日諸方叢林莫不踞菩薩乘修寂滅行以大圓覺爲我伽藍身心安住平等性智徑山又且不然從今日去九十日內與諸衲子共喫無米飯咬優曇根飲不濕水說睡夢語且道恁麼修行與諸方

金鑑錄卷三

三

結制相去多少良久云將此深心奉塵刹是則名爲報佛恩下座

上堂身口意清淨是名佛出世身口意不淨是名佛滅度我今爲汝保任此事終不虛也且作麼生是此事又作麼生保任豈不見僧問歸宗如何是佛宗云我向汝道汝還信否僧云和尚誠言安敢不信宗云卽汝便是僧云如何保任宗云一翳在眼空華亂墜師云歸宗放去太危收來太速這僧當時若拍手呵大笑一巡歸宗老漢向甚處著這面目敢問諸人而今合作麼生一氣不言含有象萬靈何處謝無私上堂四月二十五又晴忽爾雨竺土大僊心東西密

大慧普覺禪師住徑山能仁禪院語錄卷第三

徑山能仁禪院住持嗣法慧日禪師臣蘊聞上進

上堂舉僧問睦州以一重去一重卽不問不以一重去一重時如何州云昨日栽茄子今朝種冬瓜師云高高處觀之不足低低處平之有餘茄子明日堂中一任諸人橫咬豎咬還有人向冬瓜上道得一句子麼若道得一句子若僧若俗有情無情盡皆飽餉餉地若道不得還我飯錢來

上堂法是常法道是常道拶破面門點卽不到喝一喝

上堂舉僧問睦州如何是展演之言州云量才補職

入法藏錄卷三

三六

如何是不展演之言州云伏惟尚饗師云睦州古佛善應來機雖然如是只得八成或有人問徑山如何是展演之言卽向佗道問十答百有甚麼難如何是不展演之言喝一喝云且莫屎窖沸

魏侍郎請陞座寄居衢州常山縣持服魏缸謹施淨財入山修設仍命山野陞于此座舉揚般若以此功德資薦先考致政宣教往生安養諸人還知麼這老居士便是和州三世接待底魏公也山僧大觀初行脚時亦曾到佗家時侍郎尚幼今日作從官爲國家宣力皆乃翁陰德所致此翁平生極修學喜讀佛書從方外老衲游精修梵行常以王梵志土饅頭頌作

佛事以警悟流俗比見潘舍人所作行狀詳書其實

聞疾已革有來問訊者亦以慈悲攝化不及世間一言啓手足時談笑自若跏趺而逝淨名所謂設身有苦念惡趣衆生起大悲心我旣調伏亦當調伏一切衆生但除其病而不除法遂召大衆云魏公疾已革而能忍苦爲諸來者隨宜說法足見學佛之驗今日幸遇在會諸人同此證明不免借渠鼻孔出氣要識法麼真如佛性菩提涅槃是要識病麼妄想顛倒貪瞋邪見是雖然如是離妄想顛倒無真如佛性離貪瞋邪見無菩提涅槃且道分卽是不分卽是若分存一去一其病益深若不分正是顛預佛性儻個真如

入法藏錄卷三

三六

畢竟作麼生說箇除病不除法底道理有般漢聞恁麼說便道卽法是病卽病是法但有言說都無實義順真如則顛倒妄想貪瞋邪見悉皆是法隨顛倒則真如佛性菩提涅槃悉皆是病恁麼見解莫道我披衲衣便是作佗座主奴也未得在何故須知平地上死人無數灼然過得荆棘林者是好手不見古人云設有一法過於涅槃吾說亦如夢幻苟能於夢幻中如實而證如實而解如實而修如實而行以如實之法能自調伏起大悲心作種種方便復能調伏一切衆生而於衆生不作調伏不調伏想亦復不作顛倒想不作貪瞋邪見想不作真如佛性菩提涅槃想不

作除病不除法想不作存一去一分不分想既無如是之想則一道清淨平等解脫徑山今日說此清淨平等解脫之法奉為持服魏弘追薦先考致政宣教伏願了唯心之淨上見自性之彌陀此界佗方隨處快樂復召大眾云今既借渠鼻孔出氣已了而今徑山却將鼻孔為渠出氣去也喝一喝

解夏上堂四月十五這公案七月十五方結絕即今這裏許多人人有理難分雪眾中莫有辯口利詞底麼試出來分雪看直饒分雪得去也須腦門著地始得

上堂舉雲門道直得觸目無滯達得名身句身一切

衣蓋集卷三

三

法空山河大地是名名亦不可得喚作三昧性海俱備猶是無風市市之波直得亡知於覺覺即佛性矣真作無事人更須知有向上一竅在師云潑油救火

澤開事雪上加霜愁殺人

上堂拆去東籬補起西壁徑山門下全無準的有準的誰委悉僧堂觀破香積厨鷄咬殺佛殿脊

上堂僧問翠微供養羅漢丹霞燒却木佛未審這二尊宿阿那箇是師云阿那箇不是進云中間底分付阿誰師云且儘摸索進云為甚麼都在拄杖頭上橫來豎去師云眼華作甚麼進云只這便是和尚為人處也無師云是乃云丹霞燒木佛不順人情翠微供

羅漢隨方毗尼若到徑山門下總用不著且道徑山門下用箇甚麼秋江清淺時白露和煙島良哉觀世音全身入荒草

上堂山僧未出鄉八十日已前早為諸人道破今日事了也作麼生是今日事喝一喝

上堂僧問千聖不到處萬法用無虧如何是徑山機師云偃蹇真龍寧藏困水進云蕩蕩而法界全彰歷而祖機獨耀師云天左旋地右轉進云全體恁麼來全體恁麼去師云走殺闍黎乃云真心無住真照獨存真性絕攀緣真見不由境真智無礙真慧無邊上合諸佛本源下契羣生心地所以道處處真處處

衣蓋集卷三

三

真塵塵盡是本來人真實說時聲不現正體堂堂沒却身乃顧視大眾云如何是堂堂底正體臨崖看潄眼特地一場愁

上堂智不到處切忌道著道著即頭角生舉起拂子云頭角生也是驢是馬還識得麼若識得不妨向異類中行若識未得未劫沉淪

上堂舉僧問投子月未圓時如何子云吞却三箇四箇僧云圓後如何子云吐却七箇八箇師云三箇與四箇七箇與八箇數目甚分明無人數得過既是數目分明為甚麼無人數得過良久云道士著白欄且非真措大

上堂僧禮拜起便喝師亦喝僧歸衆師云猶欠一著
在乃云一喝分賓主照用一時行要會箇中意日午
打三更且道適來這僧一喝與山僧一喝那箇是賓
那箇是主那箇是照那箇是用於此辯得許你大千
獨步其或未然鉢盂裏切忌失却是箸復喝一喝
新靴法鼓歲旦上堂新歲擊新鼓普施新法雨萬物
盡從新一一就規矩普賢大士欣歡乘時打開門戶
放出白象王徧地無尋處拈起拄杖云唯有這箇不
屬故新等閑開口吞却法身擲下云是甚麼千年桃
核裏元是舊時仁

上堂舉僧問趙州學人乍入叢林乞師指示州云你

《六菩薩錄卷三

三九

喫粥了也未僧云喫粥了州云洗鉢盂去僧忽然大
悟師云還端的也無雲門云且道有指示無指示若
道有向渠道甚麼若道無這僧爲甚悟去師復云趙
州與這僧若不得雲門一生受屈而今諸方有一種
瞎漢往往盡作洗鉢盂話會了

上堂今朝正月半有則舊公案點起數盞燈打鼓普
請看看卽不無忽爾油盡燈滅時暗地裏切忌撞著
露柱

上堂竺土大仙心東西密相付作麼生是相付底心
喝一喝拍禪牀一下云是何言歟

張汪二狀元至上堂舉僧問雲門如何是和尚家風

門云有讀書人來報師云讀書人已在這裏且作麼
生與伊相見乃顧視左右云不是冤家不聚頭

上堂舉僧問投子如何是十身調御投子下繩牀立
又問凡聖相去多少投子亦下繩牀立師云投子下
繩牀今朝爲舉揚驢前馬後漢切忌亂承當

上堂僧問大修行底人還落因果也無前百丈云不
落因果爲甚麼墮野狐身師云逢人但恁麼舉進云
只如後百丈道不昧因果爲甚麼脫野狐身師云逢
人但恁麼舉進云或有人問徑山大修行底人還落
因果也無未審和尚向佗道甚麼師云向佗道逢人
但恁麼舉乃云大修行人落因果以拂子擊禪牀一

《六菩薩錄卷三

四一

下云也不離這箇消息大修行人不落因果又擊禪
牀一下云也不離這箇消息落與不落一筆勾下却
喚甚麼作因果復擊禪牀一下云也不離這箇消息
乃舉起拂子召大衆云五百生前消息在不須意下
別搜求

上堂祖師道眼若不睡諸夢自除心若不異萬法一
如那箇是不睡底眼那箇是不異底心山華開似錦
潤水湛如藍

上堂有情之本依智海以爲源含識之流總法身而
爲體且那箇是智海之源那箇是法身之體若識得
此源千源萬源只是一源若識得此體千體萬體只

是一體所以道無邊刹境自佗不隔於毫端十世古今始終不離於當念雖然如是丈夫自有衝天志休向如來行處行

上堂法無定相建立由人驀拈拄杖卓一下云是法非思量分別之所能解且道不分別不思量時是箇甚麼分別思量時又是箇甚麼復卓一下喝一喝舉本頌二首座立僧上堂驅耕夫之牛奪饑人之食趯翻大海水拳倒須彌盧生擒虎兇活捉獰龍猶未是衲僧本分事作麼生是衲僧本分事問取堂中二首座

上堂拈拄杖卓一下云觀音妙智力能救世間苦百

大慧語錄卷三

聖

華開爛熳覩見沒可親遂擲下云今朝三月五

上堂卽心是佛更無別佛卽佛是心更無別心如拳作掌似水成波波卽是水掌卽是拳此心不屬內外中間此佛不屬過未現在既在既不屬內外中間又不屬過未現在此心此佛悉是假名既是假名一大藏教所說者豈是真耶既不是真不可釋迦老子空開兩片皮掉三寸舌去也畢竟如何但知行好事休要問前程

上堂舉臨濟一日侍立德山次德山顧謂曰老僧今日困臨濟曰這老漢寐語作甚麼山擬拈棒濟便掀倒繩牀雲峯云二負作家一拶一捺略露風規大似

把手上高山雖然如是未免傍觀者哂師云雲峯老人恁麼批判大似普州人徑山若見縛作一束送在河裏何故不見道蚌鷸相持俱落漁人之手

浴佛上堂云大家潑一杓惡水洗滌如來淨邊垢垢盡衆生煩惱除狐狸便作師子吼

上堂舉雲門問曹山如何是沙門行山云喫常住苗稼者門云便恁麼去時如何山云你還畜得麼門云學人畜得山云作麼生畜門云著衣喫飯有甚麼難山云何不道披毛戴角門禮拜師云二尊宿恁麼問答未免在驢胎馬腹裏作活計雖然如是狗銜赦書諸侯避道

大慧語錄卷三

四

上堂僧問明頭來時如何師云頭大尾顯纖進云暗頭來時如何師云野馬嘶風蹄撥刺進云明日大悲院裏有齋又作麼生師云雪峯道底乃云明頭來明頭打開眼著暗頭來暗頭打開眼著四方八面來旋風打漏逗不少虚空裏來連架打著甚來由總不恁麼來却較些子明日大悲院裏有齋特地一場愁復云古人恁麼道今人恁麼提於宗乘中成得甚麼邊事喝一喝

上堂僧問過去心不可得現在心不可得未來心不可得時如何師云親言出親口進云未審如何受持師云但恁麼受持決不相賺僧禮拜師乃云過去諸

如來斯門已成就現在諸菩薩今各入圓明未來修學人當依如是法既依如是法只如過去心不可得現在心不可得未來心不可得三世既不可得作麼生依若向這裏知歸出息不涉萬緣入息不居陰界常轉如是經百千萬億卷只如今日檀越請徑山一千七百大衆所轉者還在百千萬億卷中也無若在其中卽取法相若不在其中卽取非法相故經云若取法相卽著我人衆生壽者若取非法相卽著我人衆生壽者正當恁麼時還有定奪得出者麼若定奪不出明日來向汝道

上堂舉僧問風穴古曲無音韻如何和得齊穴云木

△金鑑錄卷三

四三

雞啼子夜芻狗吠天明師云這黃面浙子恁麼答話也做佗臨濟兒孫未得在今日或有人問徑山古曲無音韻如何和得齊只向佗道木雞啼子夜芻狗吠天明

上堂舉慧超問法眼如何是佛眼云汝是慧超雪竇云江國春風吹不起鷓鴣啼在深華裏三級浪高魚化龍癡人猶岸夜塘水白雲師翁云一文大光錢買得箇油糍喫向肚裏了當下便不饑師云二尊宿一人許伊會聽鷓鴣啼一人會買油糍喫若是慧超佛話未會在

上堂聞聲悟道見色明心驀拈拄杖云這箇是色卓

一下云這箇是聲諸人總見總聞且那箇是明底心那箇是悟底道喝一喝云貪佗一粒米失却半年糧復卓一下

上堂舉僧問臨濟如何是三眼國土濟云我共汝入淨妙國土中著清淨衣說法身佛又入無差別國土中著無差別衣說報身佛又入解脫國土中著光明衣說化身佛師顧視大衆云還見臨濟老漢麼若也未見徑山爲你指出法身報身化身咄哉題題妖精三眼國中逢著笑殺無位真人

上堂舉鎮府大王問趙州和尚年尊有幾箇牙齒在州云只有一箇王云爭喫得物州云雖然一箇下下

△金鑑錄卷三

四四

咬著師喝一喝云少賣弄

上堂舉僧問趙州如何是不錯路州云識心見性是不錯路師云棒打石人頭曝曝論實事不用作禪會不用作道會若要不錯路須是識心見性始得且那箇是識底心那箇是見底性有般底聞恁麼道便道有水皆含月無山不帶雲恁麼見解正是鄭州出曹門

上堂舉僧問南泉牛頭未見四祖時爲甚麼百鳥銜華獻泉云步步蹋佛階梯僧云見後爲甚麼不銜華獻泉云直饒不來猶較王老師一線道雲門道南泉只解步步登高不解從空放下師云雲門雖有鍼膏

育起廢疾之能未免治聾作啞步步登高從空放下甚麼處得這消息來有僧請益雲門如何是步步登高門云香積世界僧云如何是從空放下門云填溝塞壑師云且救得一半

上堂舉雲門問直歲今日作甚來歲云刈茅來門云刈得幾箇祖師歲云三百箇門云朝打三千暮打八百東家杓柄長西家杓柄短作麼生歲無語門拈拄杖便打師云直歲無語自有三百箇祖師證明雲門令雖行要且棒頭無眼

上堂舉雲門道釋迦老子與天帝釋在中庭裏相爭佛法甚闊師云這老漢好與三十拄杖且道過在甚

麼處誣人之罪以罪加之

大慧語錄卷三

聖

上堂舉三聖問雪峯透網金鱗以何爲食峯云待汝出網來向汝道三聖云一千五百人善知識話頭也不識峯云老僧住持事繁師云二尊宿一人麤似丘山一人細如米末雖然麤細不同稱來輕重恰好徑山今日真實告報汝等諸人切忌鑽龜打瓦

上堂舉世尊與阿難一日行次見一塔廟世尊作禮阿難問云此是何人塔廟世尊云是過去諸佛塔廟阿難云是何人弟子世尊云是吾弟子阿難云應當如是師云阿難好箇應當如是爭奈中間欠了一著若要話圓待世尊道是吾弟子便向道更須禮某甲

三拜始得世尊若問因甚教吾禮汝却向道應當如是

上堂色心不二彼我無差驀拈拄杖云若喚這箇作拄杖子捏目生華若不喚作拄杖子破家散宅畢竟如何擲下云青山只解磨今古流水何曾洗是非

上堂舉念法華與真園頭侍立風穴次穴問真云作麼生是世尊不說說迦葉不聞聞真云鶻鵠樹頭啼意在麻畚裏穴云你作麼生念云動容揚古路不墮悄悄又問念云你作麼生念云動容揚古路不墮悄悄然機穴云你何不看念法華下語師云山僧當時若見這老漢恁麼道深掘一坑一時埋却更牽牛從上

大慧語錄卷三

四六

踢過却須放真公出一頭始得山僧恁麼道且不是抑強扶弱亦不是杜撰差排你若識得鶻鵠樹頭啼意在麻畚裏便識得動容揚古路不墮悄悄然機這兩轉語畢竟是一耶是二耶若道是一爲甚麼風穴只肯念法華却不肯真園頭若道是二爭奈落霞與孤鶻齊飛秋水共長天一色參

上堂舉趙州示衆云不得閑過念佛念法念僧便問如何是學人自己念州云念者是誰僧云無伴州叱云這驢師云這僧雖然無伴成羣作隊聒擾殺人趙州雖好一頭驢只是不會喫草

五祖師翁忌日上堂山前一片閑田地元來記得在

叉手叮嚀問祖翁只爲契券不分明幾度賣來還自買難爲牙保人爲憐松竹引清風喝一喝云乞兒見小利

上堂舉金峯示衆云老僧二十年前有老婆心二十年後無老婆心時有僧出問如何是二十年前有老婆心峯云問凡答凡問聖答聖僧云如何是二十年後無老婆心峯云問凡不答凡問聖不答聖師云徑山當時若見只將五祖師翁底對他遂舉手作鵝鳩紫云谷谷呱

上堂卽念離念覺與非覺有心無心若善若惡攪成一塊將錯就錯舉起拂子云拂子頭上一串穿却便

怎麼去業識茫茫無本可據且道業識茫茫底與釋迦老子相去多少喝一喝云泊合錯下註脚

上堂舉玄沙示衆云諸方老宿盡道接物利生或遇三種病人來作麼生接患盲者拈椎豎拂佗又不見患韓者語言三昧佗又不聞患啞者教伊說又說不得且作麼生接若接此人不得佛法無靈驗有僧請益雲門門云你禮拜著僧禮拜起門以拄杖拄僧退後門云你不是患盲復喚近前僧近前門云你不是患聾乃豎起拄杖云還會麼僧云不會門云你不是患啞其僧於此悟去師云這僧雖然悟去只悟得雲門禪若是玄沙禪更買草鞋始得

上堂舉瀉山與仰山行次瀉山指一丘田謂仰山云這頭得怎麼高那頭得怎麼低仰山云却是那頭高這頭低瀉山云你若不信但向田中立看兩頭仰山云不必中間立亦莫往兩頭瀉山云若如是著水看水能平物仰山云水亦無定但高處高平低處低平瀉山便休師云顯諸仁藏諸用鼓萬物而不與聖人同憂盛德大業至矣哉喝一喝

上堂僧問釋迦掩室於摩竭淨名杜口於毗耶爲復計較未成爲復伎倆俱盡師云計較未成伎倆俱盡問有問有答一切處風流無問無答還有佛法也無師云是何言歟進云未審向甚麼處行履師云向無

佛法處行履乃云有問有答有放有收有主有賓有殺有活活時無殺時道理殺時無活時道理賓家無主家道理主家無賓家道理賓則始終賓主則始終主賓主交參當門按劍不見過來禪客問釋迦掩室於摩竭淨名杜口於毗耶爲復計較未成爲復伎倆俱盡山僧答佗道計較未成伎倆俱盡諸人作麼生會若也會得全賓卽主全主卽賓全收卽放全放卽收全殺卽活全活卽殺乃喝一喝云這裏是甚麼所在作這箇語話自云但有路可上更高人也行

校訛

第三

四十五打南俱
葉六行作行

音釋

齣火侯切 窖居效切 缸古雙切 饅謨官切 疾華訖切 革華訖切 兒序切
 吻武處切 蚌步項切 鵲烏以切 庫火故切 曝必角切
 也諸深切 刈院祭切 畚詩遮切 火火故切 驚莫十切 券序切
 區願切 呱攻呼切 挫步栗切 契也 啼聲也 撞也

大慧普覺禪師住徑山能仁禪院語錄卷第四

徑山能仁禪院住持嗣法慧日禪師臣蘊聞上進

上堂僧問壁立萬仞還許商量也無師云壁立萬仞
 不許商量進云也知和尚赤心片片師云既知更問
 箇甚麼進云恁麼則真箇壁立萬仞去也師云喫飯
 咬著一粒沙進云若然者却許學人進前三步也師
 云你不曾却退後三步始得乃云摩竭提國猶在半
 途少室峯前全無已鼻談玄說妙好肉剜瘡舉古明
 今拋沙撒土爭似饑餐渴飲閑坐困眠從教四序推
 移都不干預我事雖然如是也須實到這箇田地始
 得只如實到這箇田地底如何親近喝一喝云炎瘡

癰上不可更著艾炷去也

上堂舉南泉示衆云文殊普賢昨夜三更相打每人
 與二十棒趙出院也趙州出衆云和尚棒教誰喫泉
 云王老師過在其處州乃作禮師云南泉無過口能
 招禍趙州禮拜草賊大敗徑山不管結案據款文殊
 普賢且過一邊

上堂僧問今佛放光明助發實相義如何是放底光
 明師云你喫粥來麼進云學人已喫粥了也師云還
 見麼進云未審還當得也無師云元來不見乃云今
 佛放光明助發實相義拈起拄杖云過去諸佛現在
 諸佛未來諸佛盡在徑山拄杖頭上同時放大光明

照十方法界直得山河大地萬象森羅一時稽首作
 麼生是實相義卓一下云向下文長付在來日

上堂舉僧問同安如何是和尚家風安云金雞抱子
 歸霄漢玉兔懷胎向紫微僧云忽遇客來將何祇待
 安云金果早朝猿摘去玉華晚後鳳銜來師云同安
 家風不妨奇怪徑山家風又且不然或有人問如何
 是和尚家風卽向佗道齋時一鉢和羅飯禪道是非
 都不知忽遇客來將何祇待蒸餅不托
 解夏上堂拈拄杖云百二十日夏日無空缺露柱
 逞神通燈籠呈醜拙徹不徹却來棒頭爲汝決卓一
 下

上堂僧問心佛俱亡時如何師云賣扇老婆手遮日乃云心佛不二物我一如若實得一如則不見有物我之名若實得不二則不見有心佛之相既不見有心佛之相則全心即佛全佛即心既不見有物我之名則全物即我全我即物苟於日用二六時中如是證入則若心若佛若我若物七顛八倒悉得受用便能拈一莖草作丈六金身將丈六金身却作一莖草直饒如是切忌向徑山門下過樵折你腰莫言不道上堂舉教云更以異方便助顯第一義師拈拄杖卓一下云這箇是異方便那箇是第一義擲下云大蟲裹紙帽好笑又驚人

大慧錄卷四

五

上堂舉鏡清問玄沙學人乍入叢林乞師指箇入路沙云還聞偃谿水聲麼清云聞沙云從這裏入鏡清於此得箇入處五祖師翁云果是得入一任四方八面若也未然輒不得離却這裏師云若要真箇得入直須離却這裏下座

雙槐居士鄭禹功爲佛燈禪師入塔請陞座沿流不止問如何真照無邊說似佗離相離名人不稟吹毛用了急須磨佛燈法兄禪師二十年持此吹毛活人天眼離相離名權邪顯正橫拈倒用不犯鋒鋦一周佛事已圓直是光前絕後乃顧視大眾云今日一會正是佛燈禪師再秉吹毛爲諸人入泥入水全提時

節還有知恩者麼若有功不浪施其或未然徑山不免葛藤更舉一箇古話昔日疎山和尚造壽塔了監院來白疎山山問你將多少錢與匠人監院云一切在和尚疎山云爲將三錢與佗爲將兩錢與佗爲將一錢與佗若道得與吾親造塔監院無對時羅山和尚在大嶺住菴監院到彼羅山問甚處來監院云疎山來羅山云近日有何言句監院遂舉前話山云還有人道得麼院云未有人道得山云你却回舉似疎山道大嶺聞舉云若將三文錢與匠人和尚此生決定不得塔若將兩文錢與匠人和尚與匠人共出一隻手若將一文錢與匠人帶累匠人眉鬚墮落監院

大慧錄卷四

五

回舉似疎山山便具威儀望大嶺禮拜歎云將爲無人大嶺有古佛放光射我此間却謂監院曰汝去向大嶺道猶如臘月蓮華監院復持此語舉似羅山山曰早已龜毛長數丈師云諸人還知二老落處麼其或未然徑山今日將古人今人攪成一塊去也疎山一文兩文三文雙槐居士湊成二百千已爲佛燈陳謝匠人了也免致溢監院走來走去問佗別人臘月蓮華一朵甚是希奇佛燈禪師收歸窠堦波中要作叢林標格龜毛數丈分付天并禪師隨時受用敢問大眾且道徑山還在裏許也無良久云數聲清磬是非外一箇閑人天地間

上堂僧問有佛處不得住時如何師云住則捺根進云無佛處急走過時如何師云起動闍黎進云教學人向甚麼處行履師云脫却籠頭卸却角駄進云三千里外逢人不得錯舉時如何師云錯錯問一百二十日夏已滿出門或有人問如何是徑山道底且作麼生答佗師云徑山曾道甚麼來進云爭奈喚作竹篋則觸不喚作竹篋則背師云你作麼生會僧喝一喝云三十年後大人笑在師云何必三十年後即今大有人笑你乃云尋常向你諸人道喚作竹篋則觸不喚作竹篋則背不得向舉起處承當不得向意根下卜度不得下語不得良久或有人問畢竟如何

大慧普覺禪師語錄

五

向佗道也無畢竟也無如何正當恁麼時四楞塌地掇在諸人面前眼辦手親底一連連得便能羅籠三界提拔四生其或未然自是你諸人根性遲鈍且莫錯怪徑山好

上堂舉肇法師云諸法不異者豈曰續鳧截鶴夷嶽盈壑然後爲無異者哉雲門大師道長者天然長短者天然短又云是法住法位世間相常住乃拈起拄杖云拄杖不是常住法師遂拈起拄杖召大衆云剎出眼裏睛甚麼處見肇法師不異底法敲出骨中髓甚麼處見雲門大師常住底法擲下云分身兩處看下座

上堂僧問我宗無語句實無一法與人時如何師云五味齎秤鎚進云何故外揚家醜師云你爲甚麼舌頭挂地進云却被和尚引著師便打問乾峯示衆云舉一不得舉二放過一著落在第二意旨如何師云駱駝尾上釣冬瓜進云還許學人轉身吐氣也無師云許你轉身你如何吐氣僧進前噓一聲師云這弄泥團漢進云只如雲門道人從天台來却往徑山去又作麼生師云老鼠喫鹽進云恁麼則知佗滋味師云速禮三拜乃云久雨不曾晴豁然天地清祖師門下事何用更施呈

大慧普覺禪師語錄

五

上堂舉僧問雲門如何是正法眼門云普又僧問風穴如何是正法眼穴云瞎師云二尊宿答一轉話還有優劣也無若道有優劣真箇瞎若道無優劣真箇普畢竟如何雲在嶺頭閑不徹水流澗底太忙生張侍郎至上堂僧問大顛爲韓文公趣却首座意旨如何師云鮎魚上竹竿一日一千里進云學人未了乞師垂慈師云更要第二杓惡水在進云只如首座也扣齒三下過在甚麼處師云過在扣齒處進云莫謗佗首座好師云你見箇甚麼道理便恁麼道進云誰知遠煙浪別有好思量師云你莫謗徑山好進云今日侍郎或問和尚春秋多少又且如何師云向佗道百十二歲進云喚作謗徑山得麼師云你又謗侍

郎也乃云古人道我宗無語句實無一法與人恁麼道早是通身浸在屎窖裏了也那堪更踢步向前如之若何問向上向下三要三玄銀盤裏盛雪北斗裏藏身意旨如何豈不是屎窖傍邊更掘屎窖雖然如是若於屎窖中知些氣息方知三世諸佛歷代祖師天下老和尚古往今來一切知識盡在屎窖裏轉大法輪其或未然切忌向屎窖裏著到

上堂舉馬祖與西堂南泉百丈中秋說月次祖指月云正當恁麼時如何西堂云正好修行百丈云正好供養南泉拂袖便行祖云經入藏禪歸海唯有普願獨超物外師云還知四大老落處麼若也未知聽取

大慧語錄卷四

五

一頌國清才子貴家富小兒嬌大家出隻手彼此不相饒

上堂僧問具足凡夫法凡夫不知時如何師云好箇消息進云具足聖人法聖人不會時如何師云也好箇消息進云未審是甚麼消息師云見人空解笑弄物不知名進云若不得流水還應過別山師云修山主來也問一人在孤峯頂上無出身之路時如何師云好箇消息進云和尚爲甚麼一向壁立萬仞師云你試向壁立萬仞處道一句看進云攬長河爲酥酪變大地作黃金師云且緩緩乃云一人在孤峯頂上無出身路一人在十字街頭亦無向背不是釋迦文

亦非維摩詰若向這裏識得渠面目方識得修山主道具足凡夫法凡夫不知具足聖人法聖人不會聖人若會卽是凡夫凡夫若知卽是聖人還有識得者麼若識得去凡夫聖人孤峯頂上十字街頭只在這裏若未識得放待冷來看

上堂舉僧問五祖師翁牛頭未見四祖時爲甚麼百鳥銜華獻祖云富與貴是人之所欲見後爲甚麼不銜華獻祖云貧與賤是人之所惡師云師翁恁麼答話雖則善赴來機爭奈語驚時聽徑山亦有兩轉語要與師翁相見牛頭未見四祖時爲甚麼百鳥銜華獻茅屋上安鴟吻見後爲甚麼不銜華獻佛殿裏掘

大慧語錄卷四

五

東司

上堂僧問語默動靜總不干涉非語默動靜亦不干涉時如何師云自作自受師云直饒恁麼也不干涉師便打乃云佛與衆生本無異相只因迷悟遂有殊途雖曰殊途且迷時此箇不曾迷悟時此箇不曾悟所以道譬如虛空體非羣相而不拒彼諸相發揮苟能如是見得方信道未離兜率已降王宮未出母胎度人已畢是真實語是不誑語若信得及受用無窮若信不及亦在裏許

上堂舉一不得舉二放過一著落在第二若是箇喫飯知飽飲水知渴底衲僧不消雲門出來打箇之遶

既不許雲門打箇之遶只今還有喫飯知飽飲水知渴底麼直饒有也是黃龍精

上堂僧問空手把鋤頭步行騎水牛時如何師云鯨魚走入油甕裏進云將謂胡鬚赤更有赤鬚胡師云人從橋上過橋流水不流進云只如傅大士向魚行酒肆裏接人未審和尚向甚麼處接人師云向一切處接人進云未審接得幾箇師云只你一箇漆桶不會乃云空手把鋤頭飯裏有巴豆步行騎水牛蹴著脚指頭人從橋上過賺殺多少人橋流水不流却較些子若恁麼提得去方信道彌勒真彌勒分身千百億時時示時人時人俱不識拍禪牀下座

大慧語錄卷四

五

上堂僧問總不恁麼來時如何師云動容揚古路不墮悄然機進云如斬一綖絲一斬一切斷師云家富小兒嬌進云機輪轉處作者猶迷師云機輪向甚麼處轉進云鷓鴣啼處百華香師云引不著進云和尚向甚麼處見普化師云普化在甚麼處教我見進云箭穿紅日影方是射鵬人師云也則引不著乃云箭穿紅日影方是射鵬人且道箭未離弦紅日影邊還有這箇消息也無箭既離弦這箇消息落在甚麼處若也知得落處一鏃破三關分明箭後路其或未然且歸弩下避

上堂舉僧問芭蕉不落諸緣請師直指蕉云有問有

答師云芭蕉雖善用劔刃上事子細檢點將來大似日中逃影辜負這僧今日或有人問徑山不落諸緣請師直指只向佗道猩猩雖能言畢竟是畜類

上堂僧問祖師心印狀似鐵牛之機則且置只如九年面壁明甚麼邊事師云橫身當宇宙誰是出頭人進云隻履西歸還端的也無師云不端的進云也知和尚慣用此機師云是僧便喝師亦喝乃云適來善修一喝驚天動地徑山隨後一喝全無巴鼻若向無巴鼻處會得便解將一條斷貫索穿却天下人鼻孔若向驚天動地處承當自己鼻孔却被別人將一條斷貫索穿却正當恁麼時如何免得此過咄咄咄沒

大慧語錄卷四

五

處去沒處去

上堂僧問舉一不得舉二放過一著落在第二學人上來請師舉一師云六六依前三十六進云未審還真實也無師云唯此一事實餘二則非真僧禮拜師乃云舉一不得舉二放過一著落在第二只如鎮州蘿蔔頭未審靈照籃中還著得也無若向這裏下一轉語昨日有人從天台來却往南嶽去若下不得雪峯道底

上堂舉僧問六祖黃梅意旨甚麼人得祖云會佛法人得僧云和尚還得否祖云我不得僧云和尚為甚麼不得祖云我不會佛法師召大眾云還見祖師麼

若也不見徑山爲你指出蕉芭蕉芭有葉無了忽然一陣狂風起恰似東京大相國寺裏三十六院東廊下北角頭王和尚破袈裟畢竟如何歸堂喫茶

上堂僧問古人道如人上樹口銜樹枝手不攀枝脚不蹋樹未審還有答話分也無師云答話了也進云學人問樹上話和尚爲甚麼向樹下答師云只爲你在樹下問進云謾得大衆眼麼師云灼然謾不得進云只如樹子未生消息未動香嚴向甚麼處得這箇話頭來師云向你漆桶裏得來進云只如和尚道喚作竹篋則觸不喚作竹篋則背還有爲人處也無師云無進云恁麼則却成虛設師云虛設乃云如人上

六念語卷四

五九

樹口銜樹枝手不攀枝脚不蹋樹樹下有人問西來意答他則喪身失命不答他又違他所問是時香嚴纔恁麼道便有箇傍不肯底喚作虎頭上座出衆云樹上卽不問樹下道將一句來師云險香嚴呵呵大笑師云險徑山這兩險有一險如天普蓋似地普擎有一險料掉沒交涉還有揀得出者麼若揀得出非唯親見香嚴亦使虎頭上座無安身立命處如無徑山將現成公案爲你諸人下箇註脚喚作竹篋則觸不喚作竹篋則背

上堂僧問教中道是真精進是名真法供養如來狗子旣無佛性喚甚麼作真法師云只這無佛性便是

真法進云據學人見處又且不然師云你試杜撰看僧禮拜師云只這禮拜便是杜撰乃云是真精進是名真法供養如來狗子旣無佛性喚甚麼作真法山僧道只這無佛性便是真法諸人還信得及麼若信得及靈山一會儼然未散若信不及直待當來問彌勒

上堂舉僧問趙州承聞和尚親見南泉是否州云鎮州出大蘿蔔頭又僧問萬法歸一一歸何處州云我在青州作一領布衫重七斤雲居舜老夫道鎮州蘿蔔大青州布衫重要會箇中意雞向五更啼師云雲居恁麼道大似熟處難忘若是徑山卽不然鎮州蘿蔔

六念語卷四

六

從來大青州布衫斤兩明衲子聚頭求的旨却似蚊蟲咬鐵釘

上堂僧問仰山道神通遊戲卽不無尊者佛法須還老僧始得未審他據箇甚麼道理師云只知開口笑不覺舌頭長進云恁麼則今日却被和尚笑也師云揚聲止響作麼進云神通遊戲則不無尊者佛法須還徑山始得師云還見徑山麼進云少賣弄師云有眼如盲乃云神通遊戲仰山灼然不會佛法要妙羅漢灼然不知雖然彼此不相知要且各各無欠少旣無欠少長者長法身短者短法身圖者圖法身方者方法身便恁麼悟去方知長者不是長短者不是短

圓者不是圓方者不是方既總不是却喚甚麼作法身喝一喝云泊合停囚長智

聖節上堂拈香罷忽雷震驟雨遂云震法雷擊法鼓布慈雲今灑甘露即今法雷已震法鼓已擊慈雲已布甘露已灑事上也合理上也合事理既合且作麼生話會下座與大眾到大佛殿啟建乾龍聖節上堂舉洞山問三峯菴主汝名甚麼主云道膺山云何不向上道主云若向上道則不名道膺洞山深肯之師云道膺向上道則不名道膺既不名道膺喚作向上道則不可既不是向上道且作麼生契得洞山意良久云智者聊聞猛提莫待須臾失却頭

大慧普覺語錄

卷四

雪竇持和尚至上堂僧問仰山道東寺師叔若在慧寂不受寂寞只如今日雪竇和尚得到來未審如何祇待師云古之今之進云若恁麼非唯徑山不受寂寞亦乃一千七百大眾有賴師云你見箇甚麼道理進云如兩鏡相照洞無瑕翳師云打破鏡來與你相見進云只如兩口一無舌即是吾宗旨又作麼商量師云抱橋柱澡洗把纜放船進云若是臨濟宗旨又作麼生師云合取狗口乃云仰山道東寺師叔若在慧寂不受寂寞仰山只知有已不知有人徑山即不然雪竇師叔若在天下衲僧不受寂寞何故不見古雪竇有言寒木在握今全機可笑秋水橫按兮半

提可減使八極頂目者不自爭衡見斯人兮駕御昇

上堂今朝四月初一衲僧放下柳栗雖然不許默照須要人人面壁既不許默照為甚麼却須面壁不見白雲師翁有言多處添些子少處減些子

浴佛上堂芭蕉無耳聞雷開葵華無眼隨日轉釋迦老子亦無生每歲今朝浴一徧既無生又浴箇甚麼有條攀條無條攀例

上堂僧問道無方所明之在人法離見聞斷之在智不起一念還有佛法也無師云無佛法進云為甚麼無佛法師云為你住在那一念中進云和尚向甚麼

大慧普覺語錄

卷四

處見學人那一念師云起也乃云不起一念未是諸人放身命處一念纔生如龍得水似虎靠山全體恁麼來全體如是住便恁麼領得去更買百二十兩重鞦行脚始得為甚麼如此我王庫內無如是刀張侍郎請墜座僧問十方同聚會箇箇學無為此是選佛場心空及第歸時如何師云題目道甚麼進云分明在目前師云杜撰禪和如麻似粟進云爭奈一等共攀仙桂樹要折蟾宮第一枝師云這漢今日挖白進云雖然如是今夏定作禪狀元便禮拜問侍郎見處何似去年師云今年去年只隔三百六十日進云莫謗侍郎好侍郎無這箇消息師云既無這箇消

息了因又亂道作甚麼進云借人口說一兩句又且何妨便禮拜師乃云借人口說得底不干自己事自己曾襟流出底傍觀者有眼如盲有口如啞便恁麼領略得作禪狀元也不難直饒如是始入得徑山門未入得徑山室若入得徑山室禪狀元始用得著禪狀元纔用得著儒狀元便用不著敢問大衆前面爲甚麼用得著後面爲甚麼却用不著乃顧視左右云還知徑山落處麼若知徑山落處禪狀元卽是儒狀元儒狀元卽是禪狀元卽今拈却禪與儒且道當面一句作麼生道要知死底張宣教便是活底狀元爺結夏上堂文殊三處安居誌公不是閑和尚迦葉欲

大慧語錄卷四

空

行正令未免眼前見鬼且道徑山門下今日事作麼生下座後大家觸禮三拜

上堂舉僧問雲門如何是透法身句門云北斗裏藏身師云雲門老人恁麼道只答得法身句未答得透法身句今日或有人問徑山如何是透法身句卽向

佗道螻蛄眼裏放夜市大蟲舌上打鞦韆

上堂今朝又是端午節文殊善財忙不徹殺人活人

藥不靈自添腦後三斤鐵鷃拈拄杖卓一下云觀音

妙智力能救世間苦遂擲下云是甚麼鐵蛇鑽入土

上堂舉馬祖令智藏馳書上當山國一祖師祖師開

緘見一圓相卽時索筆於中點一點南陽忠國師開

云欽師猶被馬師惑師云馬師仲冬嚴寒國一王孟夏漸熱雖然寒熱不同彼此不失時節忠國師爲甚麼却道欽師猶被馬師惑還委悉麼無風荷葉動決定有魚行下座

上堂舉國師道語漸也返常合道論頓也不留朕迹雲門云拈槌豎拂彈指時節若檢點將來也未是無朕迹師喝一喝云寐語作甚麼遂舉起拂子復彈指云徑山卽今舉拂彈指若向這裏覓朕迹入地獄如箭射

上堂舉道吾示衆云高不在絕頂富不在福嚴樂不在天堂苦不在地獄相識滿天下知心能幾人師云

大慧語錄卷四

空

徑山卽不然高在絕頂富在福嚴樂在天堂苦在地獄誰知席帽下元是昔愁人

上堂舉睦州問秀才先輩治甚經云云治易州云易中道百姓日用而不知不知箇甚麼才云不知其道州云作麼生是道才無語州云果然不知師云秀才雖然無語默契睦州只是少末後一著徑山當時若見睦州道果然不知但撫掌呵呵大笑管取睦州不相虧

大慧普覺禪師住徑山能仁禪院語錄卷第四

校訛

第五十五葉屎誤作來從第六行南改正

音釋

窄堵波梵語也此云方卸司夜切連數角切
趺丑月切占奴兼切魚與同切躡于六切綖切綖結也
也綖言獸也丁叔也

大慧普覺禪師住育王廣利禪寺語錄卷第五

五

大慧普覺禪師住育王廣利禪寺語錄卷第五

徑山能仁禪院住持嗣法慧日禪師臣蘊聞上進

師紹興二十六年十一月二十三日於明州報恩光
孝禪寺開堂宣疏拈香祝聖罷乃就座天童和尚白
槌云法筵龍象衆當觀第一義師云第一義諦天童
和尚一槌打就莫有知恩報恩底麼僧問保壽開堂
三聖橫身贊助學人上來願聞祝聖師云牛皮靴露
柱進云天高地厚無窮極佛功德海實難量師云千
聖共傳無底鉢進云正當恁麼時如何鵠啄師云你
看卽有分進云莫便是知恩報恩底事也無師云一
任鑽龜打瓦進云無計上酬天子德唯憑此日一爐

大慧普覺禪師語錄卷第五

五

香師云猶較些子問世尊拈華迦葉微笑世尊道吾
有正法眼藏涅槃妙心付囑摩訶大迦葉如何是正
法眼藏師云拔却眼中釘進云如何是涅槃妙心師
云速禮三拜進云若不上來仰此問焉知全露法王
機師云知進云只如今日一會何異靈山師云普進
云恁麼則從此佛日增輝道風永翳去也師云又是
惡水潑人僧禮拜師乃云佛法要妙離言說相離文
字相離心緣相不可以有心求不可以無心得不可
以語言造不可以寂默通如塗毒鼓聞者則腦門百
裂似猛火聚近之則燎却面門實謂壁立萬仞勦絕
聖凡假使智如鶩子辯若維摩與三世諸佛同時出
來也須入地三尺有如是自在有如是威神只許老
胡知不許老胡會到這裏如何答口然官不容針私
通車馬放一線道却有商量驀拈拄杖卓一下云還
聞麼一切障礙卽究竟覺得念失念無非解脫成法
破法皆名涅槃智慧愚癡通爲般若又卓一下云太
陽溢目萬里不掛片雲古佛與露柱相交新羅共占
波闍額卽不問汝諸人只如馬祖道卽心是佛作麼
生商量還委悉麼太平本是將軍致却許將軍見太
平復卓一下謝辭復舉西天國王問波羅提尊者曰
我欲作佛不知何者是佛尊者曰見性是佛王曰師
見性否尊者曰我見佛性王曰性在何處尊者曰性

在作用王曰是何作用我今不見尊者曰今現作用王自不見王曰於我有否尊者曰王若作用無有不是王若不用體亦難見王曰若當用時幾處出現尊者曰若出現時當有其八王曰八處佛性當爲我說尊者曰在胎曰身處世名人在眼曰見在耳曰聞在鼻辨香在舌談論在手執提在足運奔徧現俱該沙界收攝在一微塵識者知是佛性不識喚作精魂王問是言心卽開悟師云敢問法筵大眾且道西天國王悟得佛性耶悟得精魂耶若道在八處悟得只是精魂若離八處却喚甚麼作佛性於斯薦得皇恩佛恩一時報足若薦不得育王今日爲諸人下箇註脚

金華錄卷五

老

良久云驚驚麒麟俱是瑞栴檀薈蔔一般香天童和尚再白槌云諦觀法王法法王法如是師召大眾云記取天童和尚語便下座

入院指方丈召大眾云這裏是烹佛烹祖大鑪鑪鍛生鍛死惡鉗鎚莫怪主人無面目法如是故非彊爲法既如是又非彊爲且道最初一句又作麼生還委悉麼釣竿斫盡重栽竹不計功程得便休

次上堂僧問當頭裂破眼睛突出四方八面東涌西沒只如楊岐三脚驢子弄蹄行意旨如何師云無意旨進云莫只這便是楊岐受用處也無師云便是楊岐受用處進云恁麼則坐斷玉几峯時人皆拱手師

云序品第一進云未審這一著落在甚麼處師云你

且道落在甚麼處進云師爲法王於法自在問云朝到西天暮歸東土時如何師云掛起草鞋進云謝和尚指示師云你得箇甚麼進云今日親見大禪師師舉拂子云汝在拂子前見拂子後見進云前後一時收師云穿却你鼻孔換却你眼睛進云和尚實力作甚麼師便喝乃舉南泉和尚新入院知事頭首請入方丈有僧便問師歸文室將何指示於人泉云昨夜三更失却牛天明起來失却火師云妙喜初住育王亦不曾失却牛亦不曾失却火或有人問師歸文室將何指示於人只向佗道饑餐渴飲閑坐困眠且道

金華錄卷五

老

與南泉是同是別若也道得許你是箇衲僧若道不得三十年後却來方丈裏向你道便下座

上堂僧問大梅卽心是佛馬祖非心非佛阿那箇是師云兩箇俱是兩箇俱不是進云金不博金水不洗水師云你作麼生會進云千古垂芳孰共知清風匝地有何極師云又被風吹別調中問教中道離言說相離文字相離心緣相畢竟平等無有變易請和尚離言說相師云你只今在甚麼處安身立命進云與和尚眉毛厮結問答俱備師云大好離言說相進云側側平平題不著切切怛怛語還空師云刹竿頭上仰蓮心乃云今朝臘月初一一年此月將訖過去現

在未來彈指一時頓入乃舉拂子云只有這箇不入這保社爲甚麼如此不見道能爲萬象主不逐四時

到天童請上堂僧問暫借一問以爲影草時如何師云沒這閑工夫進云莫便是和尚答話也無師云是進云恁麼則今日得聞於未聞師云聞底事作麼生云也知和尚有時恁麼有時不恁麼師云錯下註脚問趙州訪一菴主云有麼有麼主豎起拳頭州云水淺不是泊船處此意如何師云拳頭進云又訪一菴主主亦豎起拳頭趙州爲甚麼却道有縱有奪師云

大慧語錄卷五

五

也只是箇拳頭進云既只是箇拳頭爲甚麼兩處勘辯師云你但兩處看進云未審和尚今日與天童大衆相見還有爲人處也無師云有進云思大難酬便禮拜師乃云垂萬里鉤駐千里馬驩布漫天網打衝浪鯤鯨此是天童老人尋常用底育王今日得得入山瞻禮客聽主裁令陞此座到這裏說箇甚麼即得莫是說心說性得麼說玄說妙說理說事得麼既總不得不可只恁麼休去既不可休去又不可說心說性說玄說妙說理說事莫是世諦流布得麼若恁麼喚作順水張帆未是衲僧用處雖然如是略借主人威光與大衆赴箇時節且道卽今是甚麼時節尺蠖

之屈乃欲求伸擊碎蟠桃核得見箇中仁箇中仁既見此道出常情且道出常情一句作麼生道還委麼麼眼光燦破四天下主盟此道是渠僕復云適來蒙堂頭老人舉僧問香林如何是衲衣下事林云臘月火燒山師云此是香林語堂頭今日舉育王隨樓撒也未敢相許因甚麼未敢相許選佛若無如是眼假饒千載又奚爲

上堂相逢不拈出舉意便知有巍巍不動尊脚不離地走既是不動尊爲甚麼却走喝一喝云依稀似曲纔堪聽又被風吹別調中

上堂丹霞燒木佛院主眉鬚落鳥飛毛墜魚行水濁

大慧語錄卷五

五

喝一喝云是甚麼要識真麒麟只有一隻角參歲旦上堂一年三百六十日今朝又是從頭起人人有箇主人公水牛銜却老鼠尾深沙歡那吒喜佛殿走出三門去僧堂撞入厨庫裏敢問大衆還有不遷義也無自云有作麼生是不遷義東君行正令華發樹南枝

到資福請上堂舉香城順和尚頌黃龍三關云黃龍老和尚有箇三關語山僧承嗣伊今日爲君舉爲君舉猶兒偏解捉老鼠廣鑑英禪師因見此頌乃曰好則好第恐學者作無事會去師云誠哉是言山僧今日也有箇頌子黃龍此語蓋天地從來緝密不通風

後昆隨例承其響總道猶兒解捉蟲資福乃廣鑑法孫

到雪竇請上堂平常無生句妙玄無私句體明無盡句一鏃破三關佗家有本據作麼生是佗家本據莫怪從前多意氣佗家曾踞上頭關復舉僧問明覺禪師如何是諸佛本源明覺云千峯寒色僧云未審向上還有事也無明覺云雨滴巖華師云千峯寒色雨滴巖華今日不妨應時應節若是諸佛本源不得動著為甚麼不得動著自有雪竇主人在

到啓霞請上堂適來蒙堂頭法叔禪師舉臨濟訪龍光因緣客聽主哉敢不依嚴命略與諸人下箇註脚龍光據坐雖然無語其聲如雷臨濟云這老漢今日

大慧語錄卷五

七

敗闕堂頭法叔禪師道那裏是佗敗闕處妙喜道路遠夜長休把火大家吹殺暗中行

上堂舉仰山一日與嬾安看雨次安云好雨寂閣黎山云好在甚麼處安無語山云某甲却道得安云好在甚麼處山以手指雨安便休去師云一人只知看雨一人只知指雨子細檢點將來大似釘椿搖撼育王當時待佗道好在甚麼處只向佗道滴穿眼睛浸爛鼻孔或有箇衲僧出來道育王也是釘椿搖撼却許佗具眼

上堂舉五祖師翁舉僧問趙州如何是祖師西來意州云庭前栢樹子恁麼會便不是了也如何是祖師

西來意庭前栢樹子恁麼會方始是師云要識五祖師翁麼腦後見腮莫與往來

上堂僧問參禪要透塵勞網學道還期出死生鐵壁銀山無向背金圈栗棘不多爭這箇是學人尋常用底未審和尚見處作麼生師云春日晴黃鸝鳴進云今日小出大遇師云更聽落崖流水聲進云從上諸聖畢竟將何等法為何等人師云將何等法為何等人進云恁麼則喚作竹筴則觸不喚作竹筴則背師云信受奉行速禮三拜僧禮拜師乃云今朝二月二十又是清明寒食靈雲不見桃華爭信曲中有直遂拈拄杖卓一下云是曲耶是直耶擲下云多虛不如

大慧語錄卷五

七

少實參

上堂舉修山主云是柱不見柱非柱不見柱是非已去了是非裏薦取師召大眾云是非既去了各各照顧且道照顧箇甚麼良久云莫教撞著露柱上堂僧問有麼有麼庵主豎起拳頭還端的也無師便下座

上堂古人道侍者燒香已成多事大眾問訊轉見病深恁麼說話大似無病著灸捏目生華若是育王即不然侍者燒香不為分外大眾問訊理合如然若作佛法商量生身入地獄下座

浴佛上堂未離兜率已降王宮未出母胎度人已畢

這箇是題目摩耶夫人毗藍園裏攀無憂樹右脅而生悉達太子直得九龍吐水沐浴金軀地湧金蓮以承其足這箇是片分以手指天地作大師子吼上下及四維無能尊我者這箇是正宗育王今日專爲流通去也遂拈拄杖卓一下云釋迦老子來也舉起云淨法界身本無出沒大悲願力示現受生已上四段不同收歸上科擲下云下座與大眾同到殿上再講經首嘔啊

朱舍人請陞座僧問三世諸佛說了也和尚作麼生師云摩竭提國親行此令進云要且只今事不恁麼師云劔去久矣爾方刻舟進云也和尚截斷天下

大慧普覺

五

人舌頭師云果然不恁麼進云道端白日青天開眼落人圈橫便禮拜問釋迦彌勒猶是佗奴未審佗是阿誰師云你是一枚村夫進云切忌爲佗安名立字師云村夫有甚麼名字進云前言何在師云你道佗畢竟是阿誰進云家無小使不成君子師云未免隨人脚跟轉問如何是佛法的大意師云老僧無的大意亦無如何進云既是無和尚甚麼處得這消息師云育王亦無這消息乃云只這消息三世諸佛說不及六代祖師傳不到既說不及又傳不到則釋迦彌勒亦是空名釋迦彌勒既是空名喚甚麼作奴喚甚麼作主喚甚麼作生喚甚麼作死喚甚麼作古喚甚麼作

甚麼作今既無生又無死既無古亦無今淨保保絕承當赤灑灑沒窠窟如是則盡十方世界無內無外是箇淨妙佛土是箇無上佛土是箇無等佛土是箇不可思議佛土是箇不可量佛土是箇不可說佛土既有如是佛上只如宮使舍人今請妙喜舉揚此段大事因緣追薦先妣太夫人俞氏且道在那箇佛上中良久云一塵一佛刹一葉一釋迦

上堂結夏方得五日露柱却知端的勃跳撞入燈籠普爲諸人入室還有知慚識愧者麼良久云白雲乍可來青嶂明月難教下碧天

大慧普覺

五

邊際不可得吾君壽量亦如是理則如是事又作麼生下座與大眾同到無量壽如來前五體投地啓建天申聖節道場謹白

上堂舉睦州纔見僧云現成公案放汝三十棒僧云某甲如是州云三門頭金剛爲甚麼豎起拳頭僧云金剛尚乃如是州便打師云雖然無孔笛撞著豈拍板直是五音調暢六律諧和子細檢點將來未免傍觀者哂且道誰是傍觀者良久云不得動者動著打折你驢腰

上堂今朝五月五天降沛然雨艾人與門神聚頭相耳語且道說箇甚麼雪竇禪師來一口吞佛祖

上堂舉普化一日在臨濟僧堂前喫生菜濟見云大似一頭驢化便作驢鳴濟云這賊化云賊賊便出去師云一箇驢鳴兩箇賊堪與諸方爲軌則正賊草賊不須論大施門開無雜塞

上堂云已著槽廠將錯就錯騎却聖僧不妨快樂龍象蹴蹋非驢所作堪笑諸方妄生穿鑿休穿鑿祥麟只有一隻角

上堂今朝七月五打鼓普請看萬里無片雲猶欠一大半且作麼生是那一半良久云無人過價打與一貫

榮侍郎生日請陞座僧問楊岐一頭驢爲甚麼只有

六六慧語錄卷五

圭

三隻脚師云你少喫水草進云恁麼則覷面相呈更無回互師云且莫詐明頭進云既是潘閬倒騎歸爲甚麼顛殺黃番綽師云非汝境界進云爭奈即今何師云且莫辜負老僧進云恩大難酬便禮拜師乃云楊岐一頭驢只有三隻脚潘閬倒騎歸顛殺黃番綽妙喜三十年前底註脚今日被這僧對人天衆前華聲一上不同小小直得楊岐和尚拍手呵呵大笑山河大地萬象森羅一時起舞當恁麼時且道是甚麼人證明所以道處處真處處真塵塵盡是本來人真實說時聲不現正體堂堂沒却身作麼生是堂堂正體未離兜率已降王宮未出母胎度人已畢豈不足

堂堂正體若作堂堂正體會則辜負釋迦老子若不作堂堂正體會則辜負自己自己既辜負將甚麼與釋迦老子相見若向這裏撥得一線路方知釋迦老子在兜率天乘日輪香象降摩耶夫人胎只是示現箇生底時節以至一手指天一手指地云天上天下唯吾獨尊也只是與一切人作箇示現生相底樣子若向這裏見得不獨爲釋迦老子出氣亦乃與生身父母出氣不獨爲生身父母出氣亦乃與一切有情出氣正當恁麼時且道承誰恩力良久云揮劍所開人我易推山塞斷是非難

六六慧語錄卷五

圭

云我在天龍處得一指頭禪一生受用不盡後來琅瑯有頌云俱胝一指報君知朝生鷄子搏天飛若無舉鼎拔山力千里烏騅不易騎師云俱胝和尚若不得琅瑯爲伊出氣幾乎埋沒了這一指頭禪妙喜既恁麼舉不免隨後也有箇註脚俱胝一指頭喫飯飽方休腰纏十萬貫騎鶴上揚州
上堂久雨不晴纔晴又雨天道變化萬物得所割久雨不晴良久復召大衆云雲門老漢不在裏許參中秋上堂舉仰山與長沙說月欠山以手拈月云人人盡有這箇只是用不得沙云恰是請汝用山云作麼生用沙近前一蹋蹋倒仰山山起來云直下似箇



大慧普覺禪師再住徑山能仁禪院語錄卷第六

大慧普覺禪師再住徑山能仁禪院語錄卷第六

徑山能仁禪院住持嗣法慧日禪師臣龜聞上進

師紹興二十八年正月十日於明州阿育王山廣利禪寺受請望闕謝恩訖拈勅黃示眾云達磨不來東土二祖不往西天人人常光現前箇箇壁立萬仞且道這箇從甚麼處得來若知來處受用無窮其或未然却請維那分明宣過也要大家知有宣了拈香祝聖罷乃就座云善法堂前瑞氣新天書來自九重城唯憑一句無私語上祝吾皇億萬春

二月二十八日於臨安府景德靈隱禪寺開堂拈疏示眾云此是釋迦老子四十九年三百六十餘會說

不盡底盡在裏許安撫數文兩手分付徑山山僧分明把呈其中妙義如何敷演若敷演得皇恩佛恩一時報足其或未然却請表白對眾拈出宣疏了指法座云毗盧頂額人人有志上頭行問著路頭十箇有五雙不知去處諸人要識路頭麼良久云看這座拈香祝聖罷又拈香云此一箇香有光乎大則曰仙陀婆在善變化天則曰奪意在阿那婆達多池邊則曰蓮華藏且道在徑山手中喚作甚麼良久云非但國悟老人看即有分便是三世諸佛出來也不敢正眼覷著便燒乃就座靈隱和尚白槌云法筵龍象眾當觀第一義師云若論第一義五日莫觀二聽難

大慧普覺禪師語錄卷六

聞要得諦當分明當須直截自觀作是觀者名為正觀若他觀者名為邪觀邪正未分有疑請問僧問調御出世三轉法輪於大千達磨西來九年面壁於少室和尚今日為國開堂未審超佛越祖一句作麼生道師云空裏忙忙書田字進云直得四眾瞻仰萬姓歌謠去也師云却被上座道著進云直饒道著也只得一半未審向上和尚還更道得也無師云八角磨盤空裏走進云記得肅宗帝問忠國師如何是十身調御國師云槐越躡毗盧頂上行未審意旨如何師云今古歷然進云頂門具眼爭謾得耀古騰今作者知師云收問靈山一會與今日是同是別師云如是

我聞進云恁麼則靈山親見舉今日又重聞師云聞底事作麼生進云兩頭俱坐斷八面起清風師云吃噉舌頭三千里僧禮拜復有僧出師云問話且止縱饒問處如百川競注答處似巨海吞流直得維摩結舌驚子無言於本分事上了無交涉且道本分事上合作麼生提持乃舉拂子云還見麼又擊禪牀云還聞麼聞見分明是箇甚麼當今聖主於此得之以妙明心印印十方華藏世界海只在一塵中於一塵中垂衣治化演出無量無邊廣大如虛空不可思議殊勝功德利益法界一切有情所謂聖壽廣大如虛空不可思議聖量廣大如虛空不可思議聖德廣大如

大慧普覺錄卷六

三

虛空不可思議聖學廣大如虛空不可思議乃至聖智聖慧聖慈聖聰皆悉廣大如虛空不可思議只這不可思議底亦不可思議都盧只在一塵中皆聖心之常分非假於佗術滿朝文武諸貴官得之以妙明心印向各各當人脚跟下一印印定更無秋毫以為透漏所謂王事民事一一明了一一無差然後卷舒自在縱奪臨時皆吾心之常分非假於佗術今日一會若僧若俗若男若女若貴若賤得之各以妙明心印印之則隨其根性悉得受用一一明了一一無差皆吾心之常分非假於佗術且道徑山長老得之又作麼生還相委恁麼唯憑一滴曹谿水徧界為霖報

我皇卽將上來舉揚般若所有一毫之善祝延今上皇帝聖壽無疆恭願堯仁廣被齊日月之盛明湯德彌新並乾坤之久固皇太后中宮皇后大內天眷伏願同明般若正因悉獲金剛種智復舉波斯匿王問佛勝義諦中還有世俗諦否若言其有智不應一若言其無智不應二一二之義其義云何佛言大王汝於過去龍光佛所曾問此義我今無說汝亦無問無說無聞是名一義二義師召大眾云明明向道尚自不會豈况蓋覆將來今日或有人問徑山勝義諦中還有世俗諦否若言其有智不應一若言其無智不應二一二之義其義云何只向佗道元首明哉股肱

大慧普覺錄卷六

四

良哉是名一義亦名二義正當恁麼時還有向上事也無良久云任大也須從地起更高爭奈有天何又立衆慈伏惟珍重靈隱和尚再白槌云諦觀法王法法王法如是下座

入院上堂古人道去去實不去途中好善爲來來實不來路上莫虧危敢問大眾既不去善爲箇甚麼既不來有甚麼虧危妙喜離徑山十八年今日歸來亦不見有善爲亦不見有虧危三門依舊向南開爲甚麼如此良久云而今四海清如鏡行人莫與路爲難上堂今朝三月十五已得如膏之雨農夫鼓腹歌謠萬象森羅起舞敢問大眾農夫鼓腹理合如是萬象

森羅因甚麼起舞還委悉麼不見道一家有好事引得百家忙

上堂佛子住此地則是佛受用常在於其中經行及坐卧以拂子擊禪牀云一切智通無障礙釋迦老子來也說道昨日有人從廬山來却得江西信鉢孟口向天燈籠掛露柱四方八面一時來直是無你迴避處既無迴避處且作麼生商量還委悉麼回而更相涉不爾依位住

浴佛上堂九十七種大人相莊嚴微妙淨法身示現誕生出母胎為衆生故作佛事且作麼生是作底佛事良久云下座與首座大眾同入如來香水海助這

老子轉大法輪

大慧錄卷六

五

上堂舉僧問趙州學人乍入叢林乞師指示州云你喫粥了也未僧云喫粥了州云洗鉢盂去其僧於言下有省師云諸方拈掇甚多下注脚亦不少未曾有一人分明說破妙喜今日為諸人分明說破喫粥了便洗鉢盂且道還曾指示無黑豆從來好合醬比丘尼定是師姑

上堂舉趙州一日與文遠侍者論義關方不關勝勝者輸餠餅遠云請和尚立義州云我是一頭驢遠云某是驢胃州云我是驢糞遠云某是糞中蟲州云汝在彼中作甚麼遠云某在彼中過夏州云把將餠餅

來師云文遠在驢糞中過夏面赤不如語直趙州食佗小利贏得箇餠餅檢點將來也是普州人送賊且道畢竟如何良久云鵝王擇乳素非鴨類

上堂正說知見時知見即是心當心即知見知見即如今如今即置古佛與露柱相交占波共新羅關額萬里圓光頂後相雲門北斗裏藏身睦州擔板趙州喫茶又作麼生商量遂喝一喝云若不喝住幾乎亂却六十甲子下座

上堂舉洞山和尚夏末示衆云初秋夏末兄弟東去西去直須向萬里無寸草處去前後下語者皆不契有僧傳此語到石霜霜云何不道出門便是草洞山

大慧錄卷六

六

聞得深肯之謂瀏陽有古佛出世師云萬里無寸草但請恁麼去出門便是草各自有公據有公據何拘束清風月下守株人凉兔漸遙春草綠

中秋上堂人有心想月月無心照人有無成一片方始得惺惺驀拈拄杖卓一下云這箇不可不惺惺擲下云若知撲落非佗物始信縱橫不是塵

上堂纔及八月中秋又是九月十五拈起拄杖卓一下云唯有這箇不遷擲下云一衆耳聞目觀

上堂一二三四五五四三二一返覆數千回總不出今日且道今日事作麼生良久云霜風刮地來法身赤骨骯

上堂舉盤山道向上一路千聖不傳慈明道向上一路千聖不然師云不傳不然海口難宣須彌頂上駕起鐵船

上堂舉僧問雪峯古澗寒泉時如何峯云瞪目不見底飲者如何峯云不從口入趙州聞舉呵呵大笑云不可從鼻孔入僧却問古澗寒泉時如何州云苦飲者如何州云死雪峯得聞乃云趙州古佛遂遙作禮云從此不答話師云雪峯不答話疑殺多少人趙州道苦面赤不如語直若是妙喜即不然古澗寒泉時如何到江扶柁棹出嶽濟民田飲者如何清涼肺腑此語有兩負門若人辯得許你具參學眼

六本慧鑑卷六

七

退院再歸上堂去是住時因住是去時果去住與果因無可無不可喝一喝云這裏是甚麼所在說去說住說因說果說可說不可雖然如是這裏却有箇好處且道好在甚麼處良久云再理舊詞連韻唱村歌社舞又重新

聖節上堂心同虛空界示等虛空法證得虛空時無是無非法既無是法又無非法謂之無上佛果菩提亦謂之真如佛性亦謂之摩訶般若波羅蜜多所以道般若波羅蜜多能出生一切諸佛法能成就一切菩薩解脫法能成就國王無上法能成就衆生所作法譬如摩尼寶珠體具衆德能鎮毒龍諸惡鬼神能

遂人心所求如意且作麼生是如意底事下座與大衆同詣大佛殿啓建天申聖節謹白

上堂舉法眼問修山主毫釐有差天地懸隔你作麼生會修云毫釐有差天地懸隔眼云怎麼會又爭得修云某甲只恁麼未審和尚作麼生眼云毫釐有差天地懸隔修禮拜師云法眼與修山上絲來線去綿綿密密扶豎地藏門風可謂滿日光生若是德山臨濟門下更買草鞋行脚始得爲甚如此毫釐有差天地懸隔甚處得這箇消息來

六本慧鑑卷六

八

上堂今朝又是五月五大鬼拍手小鬼舞驀然撞著桃符神兩手推智叶冤苦艾人云休叶苦遂拈拄杖卓一下云只有一處堪回互回互不回互回互而更相涉擲下云不爾依位住參

上堂今朝又是六月半記得一則舊公案拈拄杖卓一下云拄杖子吞却法身露柱在傍偷眼看看不看拈起秦時轆轤鑽雖然如是這一則舊公案妙喜與他重剗判擲下云萬別與千差吾道一以貫

解夏上堂一百二十日禁足三十五日在外足屢十煎茶鉢不同泥牛解作師子吼今朝法歲已周圍拈得鼻孔失却口以大圓覺爲伽藍七七依前四十九上堂秋江清淺時白露和煙島良哉觀世音全身入荒草在荒草不須討爲甚麼如此不識大哥妻元來

是嫂嫂

上堂門外春將半山房總不知可憐拄杖子暗裏自抽枝遂拈起拄杖云這箇是拄杖子那箇是抽底枝擲下云直下來也休眼鼓瞞

上堂舉乾峯示衆云舉一不得舉二放過一著落在第二雲門出衆云昨日有人從天台來却往徑山去乾峯遂喚維那云來日不得普請師云乾峯洗面摸著鼻雲門喫飯咬著沙二人驀地相逢著元來却是舊雙家雖然如是只許老胡知不許老胡會

上堂撲落非他物縱橫不是塵山河及大地全露法王身驀拈拄杖卓一下云這箇是拄杖子那箇是法

六義錄卷六

九

王身又舉起云這箇是法王身那箇是拄杖子遂擲下云既已撲落又非他物却是箇甚麼已是頭上安頭喝一喝云更是箇甚麼

上堂今朝十月旦爲君重衍算兩箇五百文元來是一貫頂門具眼人記取這公案

今上皇帝在建邸遣內知客入山供養羅漢祝聖請陞座僧問當來下生彌勒佛一毛頭上現乾坤現在無量壽世尊大光普照河沙界天台五百阿羅漢隨緣赴感靡不周雙徑峯頭老作家超諸方便如何說師云現在未來佛皆同一名號進云怎麼則人間天上無不歸依師云師子窟中師子旃檀林裏旃檀進

云可謂是法住法位世間相常住師云刹竿頭上

仰蓮心進云正當怎麼時未審是誰家風月師云是

法住法位世間相常住進云和尚分上又作麼生師

云天人羣生類皆承此恩力進云如是則一身有賴

乾坤開萬事無憂日月高師云龍得水時添意氣虎

逢山色長威憐進云道端到這裏只得兵隨印轉將

逐符行去也師云靈利衲僧一撥便轉進云人歸大

國方知貴水到瀟湘一樣清師云點進云只如教中

道天人得道此爲證三寶於是現世間以斯妙法濟

羣生一受不退常寂然如何是妙法師云生鐵鑄成

渾鋼打就進云只憑此箇真消息玉葉金枝萬萬春

六義錄卷六

十

師云天上有星皆拱北人間無水不朝東僧禮拜云誰不怎麼道師乃云欲識佛性義當觀時節因緣時節若至其理自彰敢問大衆作麼生是自彰底理舉起拂子云還是麼又擊禪牀云還聞麼聞見分明是箇甚麼若向這裏提得去皇恩佛恩一時報足其或未然徑山打葛藤去也復舉起拂子云看看無量壽世尊在徑山拂子頭上放大光明照不可說不可說又不可說佛剎微塵數世界於諸世界中轉大法輪作無量無邊廣大佛事其中若凡若聖若正若邪若草若木有情無情遇斯光者皆獲無上正等菩提所以諸佛於此得之具一切種智諸大菩薩於此得之

成就諸波羅蜜辟支獨覺於此得之出無佛世現神通光明諸聲聞衆泊夜來迎請五百阿羅漢於此得之得八解脫具六神通天人於此得之增長十善修羅於此得之除其憍慢地獄於此得之頓超十地餓鬼傍生及四生九類一切有情於此得之隨其根性各得受用無量壽世尊放大光明作諸佛事已竟然後以四大海水灌彌勒世尊頂與授阿耨多羅三藐三菩提記當於補處作大佛事無量壽世尊有如是神通有如是自在有如是威神到這裏還有知恩報恩者麼若有出來與徑山相見爲汝證明如無聽取一頌十方法界至人口法界所有卽其舌只憑此口

大慧普覺禪師語錄卷六

十一

與舌頭祝吾君壽無間歇億萬斯年注福源如海湜漾永不竭師子窟內產後猊驚驚定出丹山穴爲瑞爲祥徧九垓草木昆蟲盡歡悅稽首不可思議事喻若衆星拱明月故今宣暢妙伽陀第一義中真實說俞御幹請上堂一別二十年驀地又相見如百煉精金始終色不變請我轉法輪增長菩提頭直下絕狐疑便悟本來面

上堂舉圓通秀和尚示衆云少林九年冷坐剛被神光覷破如今玉石難分只得麻纏紙裹這一箇那一箇更一箇若是明眼人何須重說破師云徑山今日不免狗尾續貂也有些子老胡九年話墮可惜當時

放過致令默照之徒鬼窟長年打坐這一箇那一箇更一箇雖然苦口叮嚀却似樹頭風過結夏上堂一年一度解一年一度結只是這箇事何須更多說不多說踴著秤鎚硬似鐵

大慧普覺禪師再住徑山能仁禪院語錄卷第六

大慧普覺禪師語錄卷六

十一

大慧普覺禪師塔銘

少師保信軍節度使文醴泉觀使魏國公張浚撰

隆興元年八月十日大慧禪師宗杲示寂于徑山明月堂皇帝聞之嗟惜詔以明月堂爲妙喜菴賜謚普覺塔曰寶光用寵賁之其徒以師全身葬於菴之後使了賢來請銘先是上爲普安郡王時聞師名嘗遣內都監至徑山謁師師作偈以獻上上甚嘉之及在建邸復遣內知客請師山中爲衆說法親書妙喜菴大字及製真讚寄師又二年而上卽位始賜號大慧禪師明年復取向所賜宸翰以御寶識之恩寵加厚而師亡矣仰惟主上神聖英武資不世出而惠顧一

方外之士如此蓋師於釋氏所謂卓然傑出於當世者忠誠感格得之天理是以上動宸心眷知特異吁其盛哉自昔聖賢以傳心爲學誠明合體變化興焉西方之教指心空爲解脫究竟蓋得一而不見諸用而悟入要處或幾於盡性者所爲後世三宗並行臨濟正傳號爲得人超出聲塵不立一法根源直截以證爲極熒耀震動卷舒無礙如師子兒游戲自在獲大無畏此固不可以智知識識也臨濟六傳至楊岐楊岐再世而園悟禪師克勤得法于五祖演被遇兩朝其道蓋盛行矣師實嗣園悟益光明焉師諱宗杲宣州寧國人姓奚氏年十七爲浮圖不欲居鄉里從

大慧語錄卷六

七

經論師卽出行四方始從曹洞諸老宿游旣得其說歎曰是果佛祖意耶去之謁準湛堂準識師眉睫間久謂之曰子談說皆通暢特未可以敵生死吾今疾革佗日見川勤當能辦子事勤卽園悟師也湛堂死師謁丞相張公無盡求準塔銘無盡門庭高於天下士亦少許可見師一言而契卽下榻朝夕與語名其菴曰妙喜字之曰曇晦且謂子必見園悟師吾助子往遂津致行李來京師見勤于天寧一日勤陞堂師豁然神悟以語勤勤曰未也子雖有得矣而大法故未明又一日勤舉演和尚有句無句語師言下得大安樂法勤拊掌曰始知吾不汝欺耶自是縱橫踔厲

無所疑於心大肆其說如蘇張之雄辯孫吳之用兵如建瓴水轉圓石於千仞之阪諸老歛衽莫當其鋒于時賢士大夫往往爭與之游雅爲右丞呂公弇使所重奏賜紫衣號佛日大師會女真之變其酋欲取禪僧十輩師在選中已而得免蓋若有相之者渡江而南園悟方主雲居席命師居第一座爲衆授道譽望蔚然已而去入雲居山居古雲門學者雲集復避亂走湖南轉江右入閩築菴長樂洋嶼時從之者纔五十有三人未五十日得法者十三輩前此蓋未始有也後皆角立始應給事江公少明之請住小谿雲門菴而浚在蜀時勤親以師屬謂真得法髓浚造朝

大慧語錄卷六

十四

遂以臨安徑山延之道法之盛冠于一時百舍重趺往赴惟恐後拜其門惟恐不得見至無所容敵千僧大閣以居之凡二千餘衆所交皆俊艾當時名卿如侍郎張公子韶爲莫逆友而師亦竟以此遇禍蓋當軸者恐其議已惡之也毀衣焚牒屏居衡州凡十年徙梅州梅州瘴癘寂寞之地其徒裹糧從之雖死不悔噫是非有以真服其心而然耶又五年太上皇帝特恩放還明年復僧服四方虛席以邀率不就最後以朝命住育王聚衆多食或不繼築涂田凡數千頃詔賜其莊名般若又二年移徑山師之再住此山道俗歆慕如見其所親雖老接引後進不少倦居明月

大慧語錄卷六

主

死生爲一 非想非說 證徹了悟 一息千劫
嗟師何爲 拳拳忠孝 欲迪羣迷 俾趨正教
嘻笑怒罵 佛事熾然 情生智隔 疑謗興焉
天目巍巍 終古莫移 師今道德 此山與齊

音釋

[illegible]

大慧普覺禪師住江西雲門菴語錄卷第七

大慧語錄卷七

十六

徑山能仁禪院住持嗣法慧日禪師臣蘊聞上進

結夏示衆有句無句如藤倚樹孟八郎漢便恁麼去
機不到語不副眼裏著得百千萬億須彌山耳裏著
得無量無邊香水海機副語語投機眼裏著沙不得
耳裏著水不得有般漢聞恁麼道便道見月休觀指
歸家罷問程不知垂萬里鉤駐千里烏騅布漫天網
打衝浪鯢鯨若是蝦蟆蚯蚓跛鼈盲龜徒勞上鉤徒
勞入網須是恁麼人方知恁麼事所以道殺人自有
殺人刀活人自有活人劍有殺人刀無活人劍一切
死人活不得有活人劍無殺人刀一切活人死不得

死得活人活得死人便能刮龜毛於鐵牛背上截兇
角於石女腰邊不作奇特商量不作玄妙解會何須
九旬禁足三月護生謹守蠟人無繩自縛須知盡十
方徧法界無有如針鋒許不是各各當人安居之處
便恁麼去更有事在敢問諸人只如不死不活底人
出來且作麼生殺作麼生活若殺不得活不得佛法
無靈驗直饒殺得活得也未是作家於衲僧分上了
無交涉且道衲僧有甚麼長處良久云雖有一雙窮
相手未曾低損等閑人喝一喝

示衆恁麼恁麼針劄不入不恁麼不恁麼匙挑不上
恁麼中不恁麼鬼面神頭不恁麼中却恁麼披毛戴

大慧錄卷七

七

角呵呵呵且道笑箇甚麼我笑昔日雲門大師有時
云聞聲悟道見色明心觀世音菩薩將錢買餠餅放
下手云元來只是饅頭乃喝一喝云人無遠慮必有
近憂

示衆舉雲門一日拈拄杖云凡夫實謂之有二乘析
謂之無緣覺謂之幻有菩薩當體卽空衲僧見拄杖
但喚作拄杖行但行坐但坐總不得動著師云我不
似雲門老人將虛空刻寫籠驀拈拄杖云拄杖子不
屬有不屬無不屬幻不屬空卓一下云凡夫二乘緣
覺菩薩盡向這裏各隨根性悉得受用唯於衲僧分
上爲害爲冤要行不得行要坐不得坐進一步則被

拄杖子迷却路頭退一步則被拄杖子穿却鼻孔只
今莫有不甘底麼試出來與拄杖子相見如無來年
更有新條在惱亂春風卒未休

示衆過去諸如來斯門已成就拈拄杖左邊卓一下
云且拈向左邊現在諸菩薩今各入圓明右邊卓一
下云且拈向右邊未來修學人當依如是法中間卓
一下云且拈向中間二邊渾莫立中道不須安一切
智智清淨無二無二分無別無斷故昨日有人從淮
南來不得江西信報道下江盜賊已平雲門山頭種
田博飯喫問著禪道佛法口似磑盤乃喝一喝云適
來許多葛藤向甚麼處去也又卓一下云有利無利

大慧錄卷七

七

不離行市

示衆自從胡亂後三十年不少鹽醬頂門具眼衲僧
到此如何趣向然究有頭債有主雲門今日和泥合
水向灸瘡癰上更著艾炷要與馬師相見遂以拂子
面前畫一畫云還見麼拆東籬補西壁眼見則親手
攬不及釋迦彌勒換手椎背文殊普賢連聲叫屈喝
一喝云馬面夜叉纔稽首牛頭獄卒便擎拳

示衆永嘉道非不非是不是差之毫釐失千里是則
龍女頓成佛非則善星生陷墜永嘉親見六祖來要
且只在是非裏雲門卽不然非不非是不是非面看
天低頭颯地惺惺時直是惺惺瞌睡時一向瞌睡也

無佛法可商量亦無塵勞可回避有時睡裏驚覺來元是貓兒捉老鼠

示衆古人道佗人住處我不住佗人行處我不行不是與人難共聚大都縑素要分明喝一喝云猶有這箇在雲門卽不然佗人住處我亦住佗人行處我亦行督喜督瞋無理會新羅夜半日頭明且道與古人相去多少試定當看

示衆心不是佛智不是道南泉老人和身故倒至今數百年來其間無數善知識出世未曾有一人爲佗扶起雲門今日擬將燈心挂須彌山試爲扶起看遂拈拄杖云南泉放倒雲門扶起放倒扶起有賓有主

△金華錄卷七

九

明眼衲僧商量切忌別作道理既許商量爲甚麼不許作道理良久云相罵饒汝接嘴相唾饒汝潑水卓一下

示衆諸法本來絕待觸目且無拘礙只因斷臂覓心便有人求懺罪無文印子旣成付法傳衣廝賴致令盧老黃梅墜石腰間春碓將謂有法與人問著却言不會引得後代兒孫盡作韓獪逐塊雖欲扶豎宗乘奈何東倒西僂子細檢點將來直是令人叵耐若也盡令而下一擊須教粉碎有時靜坐思量就中也有可愛且道有甚麼可愛深沙共脩羅結親金剛與土地揩背喝一喝

示衆拈拄杖卓一下云細不通風大通車馬突出當陽孰辨真假虛空有欄柵無手人能把跛驢踢倒摘茶輪草菴卸下瑠璃瓦又卓一下

解夏示衆洞山萬里一條鐵瀏陽一擊百雜碎雲門關字常現前翠巖眉毛在不在乃舉拂子云雲門大師來也還見麼擊禪牀云一彩兩賽

示衆法法本來法無法無法何於一法中有法有不法拈起拄杖云這箇是拄杖子那箇是本來法又云這箇是本來法那箇是拄杖子只今莫有斷得出底麼若斷得出非唯自有出身之路亦乃不受人護若斷不出雲門饒舌去也開口卽失開口卽喪如是

△金華錄卷七

三

如是遂卓一下云一椎兩當復舉起云看看寒山拾得掃地倒轉蒼帚柄把露柱一撼勃跳上兜率陀天觸破非非想天人鼻孔毗盧遮那如來忍痛不禁走入雲門拄杖子裏藏身雲門一衆呵呵大笑云料掉沒交涉正當恁麼時露柱與燈籠畫眉又增得多少光彩良久云有意氣時添意氣不風流處也風流示衆豁開正眼千聖罔測其由一句全提萬別千差路絕識不可識智莫能知非聖非凡非心非法全體恁麼來全體如是住不見毗耶示疾文殊問言居士所疾爲何等相維摩詰曰我病無形不可見又問此病身合耶心合耶曰非身合身相離故亦非心合心

如幻故師云身相既離心亦如幻誰是示疾者誰是問疾者還證明得麼若證明得則諸人身病心病俱銷佛病法病齊遣便能回三毒為三聚淨戒回六識為六神通回煩惱為菩提回無明為大智便怎麼去猶是止啼之說未為究竟且究竟一句作麼生道良久云幻人心識本來無罪福皆空無所住喝一喝示眾或是或非人不識逆行順行天莫測隔山人唱鷓鴣詞錯認胡笳十八拍遂舉拂子云這箇只是聲牛尾拂子不得作是非逆順商量作麼生識作麼生測良久云無人過價打與三百擊禪牀一下示眾入水不避蛟龍漁父之勇也陸行不避虎兇獵

二六集卷七

主

夫之勇也白刃臨前視死若生者將軍之勇也作麼生是衲僧之勇良久云大膽駕頭衝突過小膽哀鳴告所由喝一喝

示眾有一人一生為善有一人一生造惡為善者一旦犯不與取戒造惡者一念了悟自心善人犯不與取戒即名為賊惡人了悟自心即名為佛二人同到雲門者那一人即是著善人而却惡人則是著賊而却佛著惡人而却善人則是怕惡而欺善若二人俱著則佛賊不分若二人俱不著則善惡不明若決定指佛是惡人則招謗佛之愆入地獄如箭射若指賊是善人未有善人而做賊者當人未具智眼在到這

裏還有斷得者麼若斷不得雲門為諸人斷却賊是善人為佛是惡人做佛賊善惡人不出這兩箇還會麼驀拈拄杖面前畫一畫云建昌紙貴一狀領過示眾荆棘林中善卷舒更於驪嶺探神珠南山鼈鼻活拈得乘興猶來將虎鬚如斯標致未是作家若到雲門不勞拈出直須入林不動草入水不動波坐籌帷幄之中決勝千里之外方有少分相應正當恁麼時不傷物義一句作麼生道良久云但將飯向無心盃自有人提折脚鎚示眾拈拄杖云休誇棒下無生忍撥置當陽掣電機未局已前驀提得遂卓一下云一擊自然亡所知喝

二六集卷七

主

一喝示眾纔涉唇吻便落言詮不落言詮即沉寂默沉寂默然則成誑滯言詮則成謗不語不謗不默不誑須知向上別有一路子明眼底知有只是難近傍遂拈拄杖云拄杖子却近傍得只是不知有敢問大眾近傍得底不知有知有底近傍不得正恁麼時那箇在前那箇在後只今眾中莫有不受人謾底麼試出來定當看良久云若不藍田射石虎幾乎誤殺李將軍卓一下示眾多時不說禪口邊生白醭大眾苦相煎便登曲录木匪論五家宗不引傳燈錄纔開兩片皮業因招

薄福釋迦乾屎橛達磨老臭禿一人曲說直一人直說曲彼此大丈夫肯受你涕屎罵佛謗祖師定入拔舌獄佛祖生冤家魔王真眷屬心地黑漫漫口裏水漉漉似恁出家兒定滅瞿曇族臘月三十朝大笑却成哭召大眾云還識雲門村叟麼曾聞一飽忘百饑今日山僧身便是喝一喝

示衆舉僧問香嚴如何是道嚴云枯木裏龍吟僧云如何是道中人嚴云觸體裏眼睛僧又問石霜如何是枯木裏龍吟霜云猶帶喜在如何是觸體裏眼睛霜云猶帶識在又問曹山如何是枯木裏龍吟山云血脈不斷如何是觸體裏眼睛山云乾不盡遂有頌

二六集錄卷上

主

云枯木龍吟真見道觸體無識眼初明喜識盡時消息盡當人那辯濁中清圓悟老人云一人透語滲漏一人透情滲漏一人透見滲漏師云諸人還揀得出麼若揀不出不惜眉毛爲諸人說破香嚴透語滲漏被語言縛殺石霜透情滲漏被情識使殺曹山透見滲漏被見聞覺知惑殺分明說了具眼者辭取

示衆舉提婆達多在地獄中世尊令阿難傳問云汝在地獄中可忍受否云我雖在地獄中如三禪天樂世尊又令阿難傳問你還求出否云待世尊入地獄我卽出阿難云世尊是三界大師豈有入地獄分云世尊既無入地獄分我豈有出地獄分師云既無出

分又無入分喚甚麼作釋迦老子喚甚麼作提婆達多喚甚麼作地獄還委悉麼自攜餅去沽村酒却著衫來作主人

示衆舉招慶問羅山有人問巖頭塵中如何辯主頭云銅沙鑼裏滿盛油意作麼生山召大師慶應諾山云獼猴入道場山却問明招或有人問你作麼生招云箭穿紅日影師云還會麼獼猴入道場箭穿紅日影兩箇老古錘擔雪共填井喝一喝

示衆舉招慶普請擔泥次中路按拄杖問僧云上窟泥下窟泥僧云上窟泥慶打一棒又問一僧上窟泥下窟泥僧云下窟泥慶亦打一棒又問明招招放下

二六集錄卷七

主

泥擔叉手云請師鑑招慶便休師云招慶雖然休去爭奈明招不甘雲門當時若見他放下泥擔云請師鑑劈脊也與一棒看他如何折合

示衆舉睦州問僧近離甚處僧云河北州云河北有箇趙州和尚上座曾到彼麼僧云某甲近離彼中州云趙州有何言句示徒僧遂舉喫茶話睦州乃云慚愧却問僧趙州意作麼生僧云只是一期方便睦州云苦哉趙州被你將一杓屎潑了也便打後來雪竇云這僧克由匠耐將一杓屎潑他二負古佛師云雪竇只知一杓屎潑他趙睦二州殊不知這僧末上被趙州將一杓屎潑了却到睦州又遭一杓只是不知

氣息若知氣息甚麼處有二負古佛

示衆舉僧問雲門如何是超佛越祖之談門云餬餅師云雲門直是好一枚餬餅要且無超佛越祖底道理

示衆舉洞山云須知有佛向上事僧問如何是佛向上事山云非佛雲門云名不得狀不得所以言非師云二尊宿恁麼提持佛向上事且緩緩這裏卽不然如何是佛向上事拽拄杖劈脊便打免教伊在佛向上探根

示衆舉石門聰和尚云十五日已前諸佛生十五日已後諸佛滅十五日已前諸佛生你不得離我這裏

六金剛經卷七

五

若離我這裏我有鉤鉤你十五日已後諸佛滅你不得住我這裏若住我這裏我有錐錐你且道正當十五日用鉤卽是用錐卽是遂有頌云正當十五日鉤錐一時息更擬問如何回頭日又出師云恢張三玄三要扶豎臨濟正宗須是恁麼人始得雖然如是雲門卽不然十五日已前諸佛本不曾生十五日已後諸佛本不曾滅十五日已前你若離我這裏我也不用鉤鉤你一任橫擔拄杖緊峭草屨十五日已後你若住我這裏我也不用錐錐你一任拗折拄杖高掛鉢囊且道正當十五日合作麼生乃云十五日前後鉤錐徒爾爲今朝是十五正好用鉤錐且作麼生用

路逢死蛇莫打殺無底籃子盛將歸

示衆舉白雲祥和尚問僧不壞假名而談實相作麼生僧云這箇是椅子白雲以手撥云將鞵袋來僧無對白雲云這虛頭漢雲門聞云須是祥兄始得師云雲門扶彊不扶弱爭奈憐兒不覺醜這僧當時若是箇漢待佗道將鞵袋來便與掀倒禪牀直饒白雲牙如劒樹口似血盆也分疎不下

示衆舉石頭問長髭甚處來髭云嶺南來頭云大庾嶺頭一鋪功德成就也未髭云成就久矣只欠點眼在頭云莫要點眼麼髭云便請頭垂下一足髭便禮拜頭云子見箇甚麼便禮拜髭云如紅鑪上一點雪

六金剛經卷七

五

師云衆中商量甚多或云無眼功德有甚點處或云莫要點眼麼待佗道便請好劈脊便打若恁麼未免穢汙這功德雲門卽不然待這老漢垂下一足但道起動和尚

示衆舉王大王向雪峯會裏請晏監寺住鼓山雪峯與孚止座送出門回至法堂上乃曰一隻聖前直射入九重城裏去也孚云和尚是伊未在峯曰渠是徹底人孚云若不信待某甲去勘過遂往路中把住云師兄向甚麼處去鼓山云九重城裏去孚云忽遇三軍圍閉時如何山云佗家自有通霄路孚云恁麼則離宮失殿去也山云何處不稱尊孚便回謂雪峯曰

好一隻聖箭折却也遂舉前話峯云渠語在乎云這老凍膿畢竟有鄉情在師云衆中商量道甚麼處是聖箭折處云鼓山不合答他話是聖箭折處鼓山不冷說道理是聖箭折處恁麼批判非唯不識鼓山亦乃不識乎老殊不知乎上座正是一枚賊漢於鼓山面前納一場敗闕懣懣而歸却來雪峯處拔本大似屋裏販揚州若非雪峯有大人相這賊向甚處容身當時可惜放過却成不了底公案只今莫有爲古人出氣底麼試出來我要問你甚麼處是聖箭折處示衆舉明招向火次僧忽問目前無法意在目前不是目前法非耳目之所到未審此四句那句是賓那

大慧普覺語錄卷七

五

句是主明招撥開火云你向這裏與我拈出一莖眉毛看僧云非但某甲盡大地人喪身失命招云何故自把髻投衙師云這僧有頭無尾明招有尾無頭若人道得頭尾圓全句雲門與你拄杖子

示衆舉南泉坐次一僧問訊叉手而立泉云太俗生僧合掌泉云太僧生僧無語師云合掌太僧生叉手又俗氣終不恁麼時尊體無頓處無頓處有巴鼻庵蘇嚕蘇嚕悉喇悉喇喝一喝云是甚麼近來王令稍嚴不許攙行奪市

示衆三十年來弄馬騎今朝却被驢兒擲就地拾得麗水金拈起却是新羅鐵報諸人別不別夜來雪壓

雲門凍得烏龜成鼈

除夜示衆今夜喚明朝作來年明朝喚今夜作去歲既稱來年今夜合來既號去歲明朝合去來年今夜不見來去歲明朝定不去既來又不去業識茫茫無本據大圓鏡裏絕纖塵箇中豈著閑家具是則是別又別爍迦晃破秋天月龐公不昧本來身大似飛龍成跛鼈你諸人瞥不瞥靈利漢須看時節五九盡處又逢春衲僧腦後三斤鐵喝一喝

示衆夜來兔子趕大蟲天明走入無何有月下珊瑚長數枝萬象森羅齊稽首驀拈拄杖云拄杖子不啻啍渠儂却善分妍醜李公爛醉絕倒時元是張公喫

大慧普覺語錄卷七

五

村酒報諸人急回首切忌癡狂外邊走

示衆舉麻谷持錫到章敬遶禪牀三匝振錫一下卓然而立師云純鋼打就生鐵鑄成敬云是是師云錦上鋪華三五重谷又持錫到南泉遶禪牀三匝振錫一下卓然而立師云已納敗闕了也泉云不是不是師云枷上更著粗谷云章敬道是和尚爲甚麼道不是是師云愁人莫向愁人說泉云章敬則是是汝不是此是風力所轉終成敗壞師云試把火照看南泉面皮厚多少復召大衆云雲門恁麼批判且道肯佗不肯佗

示衆舉南嶽和尚遣僧問馬祖云作麼生祖云自從

胡亂後三十年不曾少鹽醬師云雲門卽不然夜夢不祥書門大吉

示衆俊鷄不打籬邊兔猛虎終不食伏肉毛頭星現此斗前把斷天關并地軸

示衆舉僧問雲峯如何是心地法門峯云不從人得僧云不從人得時如何峯云此去衡陽不遠師云雲門卽不然如何是心地法門不從人得不從人得時如何看脚下

大慧普覺禪師住江西雲門菴語錄卷第七

音釋

枰先擊切寵力董切礫蕭剛切獐落胡切獐後犬也

功遂色窄聲莫交切長養普木尿冬毒滲所禁

也憊憊憊忙果切憊憊來趕古早啣啣資

救力

大慧普覺禪師住福州洋嶼菴語錄卷第八

徑山能仁禪院住持嗣法慧日禪師臣繼聞上進

入菴示衆恁麼恁麼理隨事變不恁麼不恁麼事得理融恁麼中不恁麼寬廓非外不恁麼中却恁麼寂寥非內寂寥非內也觀法界於一塵之中寬廓非外也見一塵徧法界之內無始無終無前無後無古無今一時清淨便恁麼去止宿草菴且在門外何故猶是教乘極則未是衲僧本分事直須恁麼中不恁麼不恁麼中却恁麼直下便捏到這裏直得三世諸佛諸代祖師天下老和尚無摸捺處更說甚麼內說甚麼外說甚麼理說甚麼事說甚麼法界說甚麼一塵

以拂子擊禪牀一下云若向這裏證得去在內不寂

在外不常在無不滅在有不增不住兩頭不居中位乾峯舉一不得舉二放過一著落在第二睦州蓋子落地櫟子成七片有甚麼過良久喝一喝云任大也須從地起更高爭奈有天何復舉僧問巖頭三界競起時如何頭云坐却著僧云未審師意如何頭云移取廬山來卽向汝道師云巖頭古佛向萬仞崖頭垂手鑊湯鑪炭裏橫身蓋爲慈悲之故有落草之談今日若有人問雲門三界競起時如何只向他道快便難逢未審師意如何移取雲門山來卽向汝道

荆菴林司法爲考大祥請示衆福城東有大長者居

福城東海嶼上於不思議塵劫中承事供養無數佛善哉長者世希有如優曇華時一現發啓廣大真實心初無佛處阿蘭若若昔智人建梵刹折草挿地卽成就此心堅固等須彌或讚或毀不搖動魔王軍衆數甚多觀茲殊勝自摧伏長者視身如浮雲變滅須臾不長久當生佛國時節來撒手便行不回顧有子導義起其家志願身心俱及第仁者則壽語不誣當知今亦未嘗死我來居是阿蘭若不見長者生遺恨故說此偈聊發揚同住如來寂滅海

示衆以字不成八字非樂迦羅眼不能窺一毛頭上重拈出忿怒那吒失却威

二六集錄卷八

三

示衆一句中具三玄門一玄門有二要路臨濟小兒只具一隻眼四方八面來只打中間底卒風暴雨時向古廟裏彈得過興化老凍膿全未夢見在至道無難唯嫌揀擇是時人窠窟趙州古佛直得五年分疎不下灼然鵝王擇乳素非鴨類有佛處不得住無佛處急走過三千里外逢人不得錯舉揭却腦蓋換却眼睛汝等諸人不用鑽龜打瓦百丈被馬祖一喝直得三日耳聾作麼生圖度切忌停囚長智恁麼也不得不恁麼也不得恁麼不恁麼總不得舍元殿裏休問長安莫認驢鞍橋作阿爺下頷既然如是向這裏說高高峯頂立深深海底行得麼香象渡河截流

而過得麼如金翅擘海直取龍吞得麼既不許恁麼如今不免且作死馬醫驀拈拄杖卓一下云太陽溢目萬里不掛片雲超佛越祖之談已爲掃來填溝塞壑了也且道清平木杓笠籬井索錢貫雪峯輓毬木山打鼓畢竟向衲僧分上成得箇甚麼邊事還委恁麼莫待是非來入耳從前知己反爲讎復卓一下喝

善友請示衆心空及第無階級直下忘懷罪性空一念廓然三際斷千差萬別盡圓通

示衆針鋒頭上透天關著意忘懷兩不堪直下早踰千萬劫卽今成佛未同叅所以雪峯道望州亭與汝

二六集錄卷八

三

相見了也烏石嶺與汝相見了也僧堂前與汝相見了也若是靈利漢聊聞舉著剔起便行更不周由者也還委恁麼出頭天外看誰是我般人

陳氏爲考妣懺塔請示衆普賢身相無有二八萬四千毛孔剎一一毛孔一如來一如來一塔廟舍利堅固金剛身虛空可壞此不朽女子陳氏報劬勞一塔廟一瞻禮滿足八萬四千拜盡諸毛孔無有遺所獲功德不可量正與普賢行願等用嚴慈父及慈母徧及法界諸有情永離苦海證菩提悉得心空起彼岸

福州洋嶼菴語錄終

泉州小谿雲門菴語錄

入菴示衆舉波斯匿王問世尊勝義諦中還有世俗諦不若言其有智不應一若言其無智不應二二之義其義云何世尊答曰汝於過去龍光佛所曾問此義我今無說汝亦無聞無說無聞是名一義二義師云大小釋迦老子被箇俗漢等閑拽轉鼻孔直得分疎不下今日或有人問雲門勝義諦中還有世俗諦否若言其有智不應一若言其無智不應二二之義其義云何且作麼生支遣良久云插一枝草建梵剎破妄想塵出經卷饒益廣大諸有情成就無邊希有事驀拈拄杖卓一下云梵剎已建妄想塵已破

大經卷六

五

大經卷已出頓漸偏圓權實半滿一一分明種種法門種種方便種種智慧種種因果種種殊勝種種行願種種莊嚴只在檀越給事一毛端上以妙明心印一印印定還信得及麼若信得及卽今成佛不假修治非但檀越給事如是乃至過現未來微塵諸佛諸代祖師古往今來一切知識天下老和尚古頭亦以此印印定無異無同一一妙明一一具足修如是行成如是事滿如是願獲如是福無古無今無終無始無成無壞無悟無迷如是了達如是證入如是究竟亦只在檀越給事一毛端上不異善財入彌勒樓閣塵沙法門一時頓證無量功德徧處莊嚴如帝網交

光互相融通互相攝入互爲主伴一一周匝一一徧普今無數善心不善心衆生覩諸殊勝皆發無上正等菩提之心生希有想非但檀越給事如是雲門今日亦如是非但雲門與給事如是現前僧俗大眾一一平等一一無差一一如是正當恁麼時且道是勝義諦耶是世俗諦耶是有耶是無耶是一義耶是二義耶是說耶是無說耶是智耶是無智耶是聞耶是無聞耶試斷看若斷得出檀越給事建大寶坊作大佛事功不唐捐若斷不出雲門爲蛇畫足去也擲下拄杖拍禪牀云透過鐵圍山北斗面南看浴佛示衆末後一句子聲前露保保蓋天蓋地蓋聲

大經卷六

五

蓋色黃面老子得箇一著子便道未離兜率已降王宮未出母胎度人已畢及至初生則震動一切世界網便一手指天一手指地作大師子吼道天上天下惟我獨尊爲一大事因緣故開佛知見示佛知見悟佛知見入佛知見殊不知數千年後被箇跛脚阿師要一棒打殺與狗子喫貴圖天下太平且道釋迦老子過在甚麼處莫是指天指地開口麼莫是不合鼓弄人家男女麼莫是開佛知見示佛知見悟佛知見入佛知見麼若恁麼商量不唯謗佗釋迦老子亦乃辜負雲門大師到這裏若知雲門落處卽知自己落處且道落在甚麼處良久云萬古碧潭空界月再

三撈撈始應知復舉僧問五祖如何是佛祖云露臂跣足如何是法云大赦不放如何是僧云釣漁船上謝三郎師云此三轉語一轉具三玄三要四料揀四賓主洞山五位雲門三句百千法門無量妙義若人揀得許你具一隻眼

結夏示衆今日是衆僧結制之辰雲門菴比丘宗杲與赤肉團上無位真人現前清淨大衆以法界爲伽藍同諸菩薩九十日内安居其中跳金剛圈吞栗棘蓬作夢中佛事降鏡裏魔軍三業清淨六根明潔身四威儀無諸過患懸契如來一百四十大願紹三寶種永不斷絕苟能如是修證如是安居是大丈夫漢

大慈普覺禪師語錄

五

是真出家兒不須謹守蠟人如鵝護雪其或未然趙州東壁掛葫蘆莫道不疑好拍禪牀下座

示衆雲門昨日晝寢夢乘一葉輕舟泛東大洋海騎新修佛殿入蟻蟻穴中迤邐行到十字街頭萬人叢裏見一隊彊項衲僧口裏談玄演妙舉古明今說靈雲見桃華悟道香嚴聞擊竹明心雪峯連年輓毬禾山長時打鼓事存函蓋合理應箭鋒拄方作此夢忽然被人驚覺元來却是喜通聚三上座屢履作聲雲門雖然眼開猶在夢中未惺三上座近前作禮曰請和尚來日爲衆說禪雲門夢裏應渠曰諾今日擊動法鼓大衆上來且道說箇甚麼卽得昨日夢說禪如

今禪說夢夢時夢如今說底說時說昨日夢底昨日合眼夢如今開眼夢諸人終在夢中聽雲門復說夢中夢良久云驢唇先生開口笑阿脩羅王打勃跳海神失却夜明珠擘破彌盧穿七竅三人上座請談禪平地無風浪拍天禪禪不用思量卜度非千文字語言仰之彌高鑽之彌堅巖頭剗之則曰是句非句臨濟用之則曰三要三玄禪禪吞却栗棘蓬透出金剛圈休論趙州老漢庭前柏樹子莫問首山新婦騎驢阿家牽但請一時放下著當人本體自周圓召大衆云且作麼生說箇周圓底道理夢裏明明有六趣覺後空空無大千喝一喝

大慈普覺禪師語錄

五

解夏示衆衲僧相見莫疑猜布袋結頭今日開露柱著衫南嶽去燈籠脫帽上天台臺拈拄杖云只有雲門木上座終年無去亦無來有時獨靠古屏畔覷破門前下馬臺擲下拄杖下座

示衆舉一不得舉二放過一著落在第二遇貴則賤遇賤則貴築著磕著沒處回避南嶽天台去路通君向西兮我向東風從虎兮雲從龍喝一喝云拈起簸箕別處春熨斗煎茶銚不同

示衆舉僧問雲門如何是道門云透出一字師云透出一字却不相似急轉頭來張三李四下座示衆舉教中道生滅滅已寂滅現前師云真生無可

生真滅無可滅寂滅忽現前蝦蟇吞却月

示衆舉僧問趙州百骸俱潰散一物鎮長靈時如何
州云今朝又風起師云今朝又風起鬧處莫挿觜觸
著閻羅王帶累陰司鬼

示衆舉法眼問覺鐵背近離甚處覺云趙州眼云承
聞趙州有栢樹子話是否覺云無眼云往來皆謂僧
問如何是祖師西來意州云庭前栢樹子上座何得
道無覺云先師實無此語和尚莫謗先師好師云若
道有此語蹉過覺鐵背若道無此語又蹉過法眼若
道兩邊都不涉又蹉過趙州直饒總不恁麼別有透
脫一路入地獄如箭射畢竟如何舉起拂子云還見

六集錄卷八

三

古人麼喝一喝

示衆舉青原思和尚問六祖當何所務卽不落階級
祖云汝曾作甚麼來思云聖諦亦不爲祖云落何階
級思云聖諦尚不爲何階級之有祖深器之師云莫
將閑話爲閑話往往事從閑話生

示衆舉龐居士問靈照女明明百草頭明明祖師意
作麼生會照云這老漢頭白齒黃作這箇見解居士
云你作麼生照云明明百草頭明明祖師意師云龐
居士先行不到靈照女宋後太過直饒齊行齊到若
到雲門一坑埋却且道過在甚麼處明明百草頭明
明祖師意

示衆舉雲門云百草頭上道將一句來衆無語自代
云俱園悟老師云劄師云普復云俱劄普日輪午李

將軍射石虎雖然透過那邊枉發千鈞之弩

示衆舉僧問趙州四山相逼時如何州云無路是趙
州師云無路是趙州老將足機籌關南并塞北當下
一時收

李參政請示衆舉裴相國入寺見壁間畫像問院主
云壁間是甚麼主云高僧裴云形儀可觀高僧在甚
麼處主無語裴云這裏莫有禪僧麼時黃檗在衆院
主云有一希運上座頗似禪僧裴遂召黃檗舉前話
似之檗云但請問來裴云形儀可觀高僧在甚麼處

六集錄卷八

三

裴召相公公應諾檗云在甚麼處裴於言下領旨師
云裴公將錯就錯脫盡根塵黃檗信口垂慈不費心
力似地擎山不知山之孤峻如石含玉不知玉之無
瑕雖然如是黃檗只有殺人刀且無活人劍今日大
資相公或問雲門形儀可觀高僧在甚麼處雲門亦
召云相公相公若應諾雲門卽向道今日堂中特謝
供養

示衆舉僧問趙州如何是祖師西來意州云庭前栢
樹子僧云和尚莫將境示人州云我不將境示人僧
問如何是祖師西來意州云庭前栢樹子師云庭前
栢樹子今日重新舉打破趙州關特地尋言語既是

打破關爲甚麼却尋言語當初將謂茅長短燒了元來地不平

蔡郎中請示衆聊聞舉著便承當好肉無端已剗瘡著眼機輪上頭看方知兩兩不成雙驀拈拄杖云見之不取千載難忘三世諸佛諸代祖師天下老和尚被雲門拄杖子一口吞盡一大藏教填溝塞壑正當恁麼時設使德山棒如雨點臨濟喝似雷奔還如甕上翻筋斗鞦韆裏動指頭有甚麼用處恁麼說話太殺壓良爲賤不識好惡或被一箇不惜性命底衲僧出來掀倒禪牀喝散大衆也怪佗不得卽今還有麼如無雲門據款結案去也卓拄杖一下復舉裴相國捧

永嘉集卷八

手

一尊像胡跪於黃檗前云請師安名檗云裴休裴應諾檗云與汝安名竟裴作禮云謝師安名师云裴公黃檗可謂如水入水似金博金雖然如是檢點將來不無滲漏今日蔡郎中或捧一尊像請雲門安名卽向道清淨法身毗盧遮那佛若云謝師安名卽向道下坡不走快便難逢

儲大夫請示衆徹骨徹髓道一句三要三玄絕遮護竺乾四七例皆迷震旦二三渾未悟我說是言非正邪當機覲面休回互慙慙爲報雲臺公俊鷹不打籬邊兔

俊上座請示衆拈拄杖卓一下云文殊普賢觀音彌

勒又卓一下云迦葉阿難寒山拾得又卓一下云只恁麼全是中全非又卓一下云不恁麼全非中全是如來說一合相卽非一合相是名一合相放過一著文俊上座好與三十棒且道是賞佗是罰佗擲下云具眼衲僧試定當看

示衆舉外道問佛不問有言不問無言世尊良久外道讚歎云世尊大慈大悲開我迷雲令我得入外道去後阿難問佛外道有何所證而言得入世尊云如世良馬見鞭影而行雪竇云邪正不分過由鞭影師云邪正兩分正由鞭影

示衆卽心卽佛莫妄求非心非佛休別討紅爐焰上

永嘉集卷八

罕

雪華飛一點清涼除熱惱

示衆行不到處說不難說不到處行不難行說難到不難到拈却門前大案山所以道靈鋒寶劍常露現前亦能殺人亦能活人進前則喪身失命退後則瓦解冰銷不進不退上無衝天之計下無入地之謀正當恁麼時作麼生是衲僧轉身一路還委悉麼好手中呈好手紅心心裏中紅心

示衆舉僧問趙州如何是趙州州云東門南門西門北門僧云不問這箇州云你問趙州聲師云這僧問趙州趙州答趙州得人一馬還人一牛人平不語水平不流會麼受恩深處宜先退得意濃時便好休

爲國悟和尚舉袂拈香指真云這老和尚一生多口攪擾叢林近聞已在蜀中遷化了也且喜天下太平雲門昔年雖曾親近要且不開他說著箇元字脚所以今日作一分供養點一盞茶燒此一炷香熏他鼻孔卽非報德酬恩只要辱他則箇召大衆云既不聞他說箇元字脚又無恩德可報何故特地作這一場笑具還委悉麼寃有頭債有主偶因失脚倒地至今怨入骨髓遂燒香

當晚小叅舉僧問長沙南泉遷化向甚麼處去沙云東家作驢西家作馬僧云未審意旨如何沙云要騎便騎要下便下師云今日或有人問雲門園悟老師

六齋錄卷八

四

遷化向甚麼處去卽向他道入阿鼻大地獄去也未審意旨如何飲洋銅汁吞熱鐵圓或問還救得也無云救不得爲甚麼救不得是這老漢家常茶飯

善友請示衆安心顛倒造諸業回趣真乘卽懺摩真妄兩頭俱透脫海南東畔是新羅

示衆舉百丈凡叅次有一老人常隨衆聽法衆人退老人亦退忽一日不退丈遂問面前立者復是何人老人云某甲非人也於過去迦葉佛時曾住此山因學人問大修行底人還落因果也無對云不落因果五百生墮野狐身今請和尚代一轉語貴脫野狐身老人遂問大修行底人還落因果也無丈云不昧因

果老人於言下大悟便脫野狐身師云不落與不昧半明兼半晦不昧與不落兩頭空索索五百生前箇野狐而今冷地謾追呼喝一喝云座中既有江南客休向鐔前唱鷓鴣

示衆舉道吾與漸源至一家吊慰源拊棺云生耶死耶吾云生也不道死也不道源云爲甚麼不道吾云不道不道回至中路源云和尚快與某甲道若不道打和尚去吾云打卽任打道卽不道師云生也不道死也不道公案兩重一狀領到露刃吹毛截斷綱要脫却鶻鼻衫拈了炙脂帽大坐當軒氣浩浩喝一喝下座

六齋錄卷八

四

施主供養羅漢示衆丹霞燒却木佛翠微供養羅漢一人左手握一人右手按賓主旣歷然吾道一以貫師子獨游行豈復求侶伴團圓壁不開打鼓普請看雖不直分文傾國不肯換遂鳴指三下云蘇盧噫哩薩婆訶

端午示衆拈拄杖舉雲門大師道從上諸聖爲甚麼不到這裏蓮華峯菴主道古人到這裏爲甚麼不肯住師云二尊宿折東籬補西壁抱橋柱澡洗把纜放船卽不無要且無爲人底道理雲門卽不然未到這裏教伊到已到這裏教伊頭破腦裂且道還有爲人處也無良久云一二三四五虛空闕處補五四三二

一當門書大吉好手揮斤去鼻泥衲僧機妙安能識
驀然識百草頭邊露消息且作麼生是露底消息
部臨庵齒臨急急如律令卓一下

示衆舉僧問睦州一言道盡時如何州云老僧在你
鉢裏裏又問雲門一言道盡時如何門云裂破師云

或有人問山僧一言道盡時如何這漆桶

示衆舉僧問雲門達磨九年面壁意旨如何門云念
七師云念七念七全無消息背看分明正觀難識既
是正觀爲甚麼難識可知禮也

示衆舉龐居士問馬大師不昧本來身請師高著眼
大師直下覲士云一種沒絃琴唯師彈得妙大師直

示衆舉

上

上觀居士禮拜大師歸方丈居士隨後至方丈云適
來弄巧成拙師云且道是馬大師弄巧成拙龐居士
弄巧成拙還有縑素得出者麼若縑素不出賴馬繫
枯椿直饒縑素得出也是蝦蟆口裏一粒椒

示衆舉龐居士云心如境亦如無實亦無虛有亦不
管無亦不拘不是聖賢了事凡夫師云白的的清寥
寥水不能濡火不能燒是箇甚麼切不得問著問著
則瞎却你眼以拄杖擊香臺一下

示衆舉古德云佛法也大有只是舌頭短師云向道
莫行山下路果聞猿叫斷腸聲

蔡春卿薦考請示衆舉洛浦示衆云孫臏收鋪去也

有卜者出來時有僧出曰請和尚一卜浦云汝家爺
死僧無語法眼代拈掌三下師云這僧沒興死却爺
又被佗人拈掌信知禍不單行福無雙至然洛浦善
卜法眼善斷若子細思量又象吉凶二老一時漏逗
既占得火風鼎卦何故斷作地火明夷雲門卽不然
驚拈拄杖云孫臏門下死却卽罷連卓三下云會麼
內屬良宮再求外象又卓三下云千靈萬聖萬聖千

靈莫順人情復卓一下云吉凶上卦

屏山居士劉寶學請示衆大根大器大丈夫不越一
念了大事三世諸佛立下風此人堪作如來使三世
諸佛既立下風爲甚麼却作如來使良久云鐵輪天

示衆舉

子囊中勅須信官差不自由

江給事請開佛光明師執筆云教中道清淨慈門刹
塵數共生如來一妙相一一諸相莫不然是故見者
無厭足又道如來眼有大人相名自在普見雲以衆
妙寶而爲莊嚴摩尼寶光清淨瑩徹普見一切皆無
障礙既然如是爲甚麼却要佗人點眼還有道得底
麼若也道得非獨爲黃面老子出氣亦使徧法界衆
生悉沾利益若道不得聽取一頌舉頭忽覩明星現
因茲眼病見空華遂以筆點云今日還渠舊光彩碧
眸炯炯照塵沙

泉州小谿雲門菴語錄卷第八

音釋

襟徒協切 初楚亮切 驛正作驛 臘奴冬切 笊籬側切 剗籬側切

離古本切 跣息淺切 迤紙移切 邐胡對切 剗籬側切

初限猜倉才切 磕觀地切 迤邐紙移切 邐胡對切 剗籬側切

博陌許戈切 國虛官切 椿林江切 臍毗忍切 罷蒲閉切

人呼父曰郎罷

大慧普覺禪師雲居首座寮秉拂語錄卷第九

徑山能仁禪院住持嗣法慧日禪師臣繙聞上進

秉拂僧問萬鍛爐中鐵蒺藜當塗佛祖不容伊而今信手拈來用未審如何話此機師云沒這閑家具進云只如廣敷此座是閑不開師云髑髏粉碎不知痛進云可謂鐵鞭指出胡人路拗曲由來為後人師云鐵蒺藜在甚麼處進云撥師云笑殺衲僧乃云夷門昔日呈家醜拈出無邊栗棘蓬今日甌峯孤頂上幸然無事又相逢相逢即且置其中事作麼生若有人道得一句便請各自歸堂若道不得打葛藤謾諸人去也諸佛未出世時有即今已鼻一人人頂門上輝

大寶光出世後消息全無一箇箇脚跟下縱橫十字

有佛處不得住無佛處急急走過撥者不來三千里外

穿却鼻孔到這裏直饒置無造利境於一毛頭上只

這一毛頭從甚麼處得來納百億須彌盧於一粒粟

中只這一粒粟又向甚麼處安著如是則易不如是

則難休於言上覓莫向意中求如是則難不如是則

易識取鉤頭意莫認定盤星衲僧拄杖子拈得便行

切忌向平地上釘椿搖撼所以道神光不昧萬古微

猷入此門來莫存知解只如一大藏教說權說實說

頓說漸說有說無乃至西天此土諸代祖師古往今

來一切知識種種言語種種作用且道是知解耶非

知解耶若定奪得出秉拂上座一場敗闕若定奪不

出潑第二杓惡水去也喝一喝云是甚麼有照用無

向肯只許老胡知不許老胡會睦州一向擔板趙州

貴賈賤賣獨有三聖瞎驢至今遭人笑怪須彌山突

出諸人額角邊大海水灌入諸人鼻孔裏即且置馬

大師道自從胡亂後三十年不曾少鹽醬又作麼生

商量還委悉麼多年曆日無人問舊地拈來愁殺人

喝一喝復舉巖頭叅德山纔跨門便問是凡是聖山

便喝頭便禮拜後有僧舉似洞山山云若不是齋公

也大難承當巖頭問云洞山老漢不識好惡錯下名

言我當時一手擡一手搥師云猛虎不識穿窬中身

死蛟龍不怖劍劍下身亡巖頭雖於虎穿中有透脫
一路向劍刀上有出身之機若子細檢點將來猶欠
悟在只今還有為巖頭作主底麼出來與果上座相
見良久喝一喝拍一拍云泊合停囚長智

冬至秉拂豁開戶牖妙手畫難成當軒者誰擡眸已
蹉過不是心不是佛不是物不是禪不是道三世諸
佛說不及六代祖師傳不到便怎麼去只是箇無孔
鐵鎚直饒出得荆棘林未免死於平地上所以道言
無展事語不投機承言者喪滯句者迷可中有箇出
情塵超物外不承言不滯句百草頭上薦得祖師開
布裏識得自已直下如龍得水似虎靠山脚跟下正

大慧普覺禪師語錄

里

好朝打三千暮打八百何故我王庫內無如是刀若
是出格道流必不作這般去就雖然如是盡法無民
今夜放一線道與諸人相見舉起拂子云君子道長
畫一畫云小人道消滴水一滴凍節令不相饒狸奴
白牯鼻繩斷水底藏身被火燒擊禪牀一下復舉本
仁示衆云尋常不欲向聲前句後鼓弄人家男女何
故且聲不是聲色不是色有僧問如何是聲不是聲
仁云喚作色得麼僧云如何是色不是色仁云喚作
聲得麼僧禮拜仁云且道爲你說答你話若人辯得
許你有箇入處師云本仁將一穿雲居子換却天下
人眼睛却被這僧將一條斷貫索不動干戈穿却鼻

孔後來舜老夫拈云本仁既已入草這僧又落深村
然則陽春雪曲時人難和村歌社舞到處與人合得
著師云舜老夫是則也是未免隨樓撇撇拂上座不
惜眉毛爲諸人說破聲不是聲色不是色馬後驢前
神出鬼沒雪曲陽春和不齊村歌社舞且濕漚以拂
子擊禪牀云這箇決定不是聲復舉起云這箇決定
不是色且畢竟是箇甚麼喝一喝云此時若不究根
源直待當來問彌勒

韓德全朝議請秉拂僧問達磨西來將何傳授師云
不可總作野狐精見解進云如何是麤入細師云香
水海裏一毛孔進云如何是細入麤師云一毛孔裏

大慧普覺禪師語錄

里

香水海進云和尚爲甚麼却顛倒師云從來有此子
問三脚驢子弄蹄行時如何師云蹋斷趙州略約子
乃云作麼作麼擊開無盡藏如是如是抹過太虛空
恁麼不恁麼直下便透猶是扶籠摸壁立地死人更
擬進步向前如何若何正是外道邪魔滅胡種族卽
今莫有吾家種草麼有則出來爲衆出氣如無更看
塗灰抹土一上妙性圓明離諸名相本來無有世界
衆生因妄有生因生有滅生滅名妄滅妄名真喝一
喝云釋家老子當時若下得這一喝免得漏逗何故
既是圓明離相畢竟妄從何起真從何生從何來
滅從何去若也見得徹去山河大地萬象森羅四聖

六凡情與無情不消一捏便見冰銷瓦解到這裏也無禪也無道也無心也無性也無玄也無妙露保保赤麗麗沒可把便怎麼去更買草鞋行脚三十年也未夢見衲僧氣息在且道衲僧有甚麼長處良久云激電爍開頂門眼隔谿猿叫一聲寒復舉雪峯問僧近離甚處僧云覆船峯云生死海未渡爲甚麼覆却船僧無語歸舉似覆船船云何不道渠無生死僧再至雪峯峯再舉前話問僧僧云渠無生死峯云此不是汝語僧云是覆船怎麼道峯云我有二十棒寄與覆船二十棒老僧自喫要且不干闍黎事師云作家宗師天然猶在雖然如是也是作賊人心虛是則不

大慧語錄卷九

四九

干這僧事二十棒何須自喫但更添二十棒只打覆船便了且道渠過在甚麼處老大大不合與人代語

歲節秉拂僧問舊歲已去新歲到來還有不涉新舊者也無師云有進云那箇是不涉新舊者師云諸佛菩薩畜生驢馬進云今夜小出大過去也師云我已無端入荒草你又跳入屎坑裏進云彼此不著便師云果然隨我來乃云百尺竿頭進一步甚麼處得這消息來萬仞峯前露一機墮在時人窠窟裏莫妄想放下著絕伎倆處便肯承當鼻孔索頭在我手裏所以南泉道牽牛向谿東放不免食他國王水草牽牛

向谿西放亦不免食他國王水草不如隨分納些些總不見得果上座隨分納些些去也良久云釋迦掩室於摩竭耕地種蒺藜淨名杜口於毗耶銅鑪著生鐵須菩提唱無說以顯道餽飯祭開神釋梵絕聽而兩華果有領受者直饒向上一路千聖不傳硬糾糾活鱖鰍棒下無生忍臨機不見師也是隔靴抓痒終不恁麼落在無事界中且作麼生通得箇機關應得箇時節去驀拈拄杖卓一下云還委恁麼差之毫釐失之千里孟春猶寒終而復始釋迦老子是繫驢橛一大藏教是破故紙如我按指海印發光汝暫舉心塵勞先起超佛越祖之談未語已前向諸人腳跟下

大慧語錄卷九

手

蹉過了也畢竟如何毗婆尸佛早留心直至如今不得妙又卓一下復舉僧問鏡清新年頭還有佛法也無清云有僧云如何是新年頭佛法清云元正啓祚萬物咸新僧云謝師答話清云山僧今日失利又僧問明教新年頭還有佛法也無教云無僧云年年是好年日日是好日爲甚麼却無教云張公喫酒李公醉僧云老大大龍頭蛇尾教云山僧今日失利師云二尊宿一人向高高峯頂立不露頂一人向深深海底行不濕脚是則也是未免有些諸訛今夜或有人問果上座新年頭還有佛法也無只向佗道今日一隊奴僕在茶堂裏村歌社舞弄些神鬼直得點管

尊者惡發把鉢盂峯一擲擲過恒河沙世界之外驚得憍陳如怕怖悼惶倒騎露柱跳入擔板禪和鼻孔裏撞倒舒州天柱峯安樂山神忍俊不禁出來攔阻擲住云尊者你既稱阿羅漢出三界二十五有塵勞超分段生死因甚麼有許多無明被這一問不勝慙懣懣却回佛殿裏第三位打坐依舊點點助道天上天下唯我獨尊自云住住杲上座佗問新年頭佛法為甚麼一向虛空裏打筋斗說脫空謾人良久云杲上座今夜失利

熊伯莊請秉拂諸法寂滅相不可以言宣釋迦老子在摩竭提國三七日內啓口無由達磨大師對梁武

大慧語錄卷九

五

帝盡力提持只道得箇不識若也一向坐却去盡大地更無一人發真歸源先聖幸有第二義門何妨於中通一線路所以道真如淨境界一泯未嘗存能隨染淨緣遂成十法界乃舉起拂子云這箇拂子與過去諸佛未來諸佛現在諸佛同一悲智同一行願同一慈力同一眼觀同一耳聽同一鼻嗅同一舌嘗同一身觸同一意思隨宜說法為諸大菩薩說六波羅蜜令其各證無生法忍為聲聞緣覺說十二緣生四諦真理令其各得八解六通證寂滅樂為諸天衆說一切諸行皆悉無常一切樂具悉皆衰謝令其各得出離三界為諸人衆說不昧因果法令其各各修十

善道永淨三業為阿脩羅衆說無我法令其捨離憍慢放逸安住忍地為諸地獄極苦衆生說罪性不在內外中間令其一念頓超十地為諸餓鬼傍生說永斷根本無明法令其捨離饑渴熱惱生人天中拂子如是隨宜說如是法一大藏教也不增一字也不減一字諸人還信得及麼若信不及却聽拂子重說偈言遂擊禪牀一下云是聖是凡俱解脫巍巍三界獨稱尊復舉僧問睦州經頭以字不成八字不是未審是其麼字州彈指一下云會麼僧云不會州云上來講讚無限勝因蝦蟇勃跳上天蚯蚓墓過東海師云這僧只問經頭一字睦州盡將善知衆藝差別字輪

大慧語錄卷九

五二

以龍龕手鑑唐韻玉篇從頭註解撒在這僧懷裏這僧也不妨奇特直下便肯承當且道甚麼處是佗承當處聽取箇註脚以字不成八字不是彈指未終普天市地擊開四十二般若波羅蜜門參透華嚴會中善知衆藝教內教外一時收世出世間皆周備無邊罪咎如火銷冰無量勝義如恒沙聚更有箇末後句堅牢庫藏永收藏總屬山前熊伯莊

秉拂欲識佛性義當觀時節因緣時節若至其理自彰且道卽今是甚麼時節莫是坐底坐立底立麼莫是春雨如膏春雲如鶴麼莫是香煙勾引燈燭熒煌麼莫是僧俗交叅同會一處麼若恁麼只見一邊須

知微塵諸佛出世降王宮坐道場轉法輪降魔軍度衆生入涅槃總不出這箇時節諸人若信得及無邊刹境自他不隔於毫端十世古今始終不離於當念若信不及說老婆禪去也佛不遠人卽心而證彌猴弄繡膠法無所著觸境皆如枯椿繫驢馬不是心不是佛不是物渾家送上渡頭船恁麼也不得不恁麼也不得恁麼不恁麼總不得吐出野狐涎再服平胃散可中有箇漢向未扃已前驀跳得出高高處觀之不足低低處平之有餘可以高超三界獨步大方可以截生死流據佛祖位便恁麼去止宿草菴且居門外何故不見古人道善言言者言所不能言善迹迹

公案錄

五

者迹所不能迹迹所不能迹無迹言所不能言無言既無言又無迹雲門手中扇子勃跳上三十三天築着帝釋鼻孔東海鯉魚打一棒雨似盆傾畢竟是何宗旨喝云山斷疑休去峯高又起來復舉龍牙頌云一切名山到因脚辛苦年深與轆著而今年老不能行手裏把箇破木杓白雲端和尚云龍牙老人可謂熟處難忘師雲端和尚恁麼道大似以已方人果上座卽不然家貧難辦素食事忙不及草書結夏東拂聲前迥迥一路子黃面瞿曇不知一句明明百草頭碧眼胡兒罔措開浩浩處靜悄悄靜悄悄處開浩浩直下如王寶劍誰敢當頭擬犯鋒鎗橫屍

萬里更說甚麼似地擎山不知山之孤峻如石含玉不知玉之無瑕更說甚麼香象渡河徹底截流而過更說甚麼全明全暗雙放雙收須知恁麼來者寸絲不掛恁麼去者堆山積嶽將錯就錯以大圓覺爲我伽藍身心安居平等性智九十日內和泥脫墜到這裏若有轉身一路則不守自家活計豈遵先聖軌儀所以道金鋒敵聖罕遇知音同死同生萬中無一且道同死同生底是甚面目驀拈拄杖云趙州和尚來也金佛不度鑪木佛不度火泥佛不度水卓一下云百雜碎沒縫罅明眼衲僧盲聾瘖啞金剛水際藏身非非想天走馬一卽一切一切卽一盡大地是箇解

公案錄

五

脫門是人知有且道石室行者踢碓因甚麼忘却移脚良久喝一喝復舉三聖道我逢人卽出出則不爲人興化道我逢人卽不出出則便爲人真淨和尚云這兩箇老古錐竊得臨濟些子活計各自分疆別界氣衝宇宙使明眼人只得好笑師云真淨老人太似欺誣亡沒果上座卽不然豁開三要三玄路坐斷須彌第一峯且道在三聖分上耶在興化分上耶具眼者辯取

秉拂僧問古鏡未磨時如何師云火不待日而熱進云磨後如何師云風不待月而涼進云磨與未磨時如何師云交問不與萬法爲侶者是甚麼人待汝一

口吸盡西江水卽向汝道意作麼生師云釘釘膠黏乃云諸祖要妙非競辯而求激揚鏗鏘以摧異見所以德山入門便棒石火迸青天臨濟入門便喝早雷轟宇宙不是目前法亦非向上機恁麼不恁麼便跳得出正在葛藤窠裏合作麼生評議合作麼生話會不可說大機大用大解脫淨保保赤灑灑沒可把了便休還得也無不見風穴和尚道設使言前薦得猶是滯殼迷封縱饒句下精通未免觸塗狂見若是本色衲僧當下領略便能向聲色頭上坐聲色頭上卧文殊自文殊解脫自解脫泥我甚麼益良久云驚羣須是英靈漢敵聖還他師子兒選佛若無如是眼假

大慧普覺禪師語錄卷九

五五

饒千載又奚爲以拂子擊禪牀一下復舉百丈再叅馬祖侍立次祖豎起拂子丈云卽此用離此用祖掛拂子於舊處良久云你佗後開兩片皮將何爲人丈取拂子豎起祖云卽此用離此用丈亦掛拂子於舊處祖便喝後黃檗到百丈一日辭欲禮拜馬祖去丈云馬祖已遷化也檗云未審馬祖有何言句丈遂舉再叅因緣云我當時被馬祖一喝直得三日耳聾黃檗聞舉不覺吐舌百丈云子已後莫承嗣馬祖否檗云不然今日因師舉得見馬祖大機之用且不識馬祖若嗣馬祖已後喪我兒孫師云百丈被喝直得三日耳聾黃檗聞舉不覺吐舌百丈疑其承嗣馬祖後

大慧普覺禪師語錄卷九

五六

因臨濟三度問佛法大意三度打六十棒便與三日耳聾出氣臨濟始覺如蒿枝拂相似跋問大衆既是師承有據因甚麼用處不同會麼曹谿波浪如相似無限平人被陸沉施主看藏經請秉拂佛真法身猶若虛空應物現形如水月中拈起拄杖云釋迦老子來也在呆上座拄杖頭上現妙色身普告大衆云毗盧藏中有大經卷量等三千大千世界書寫三千大千世界中事悉盡無餘我以清淨天眼觀彼大經卷在一微塵內今夜對人天衆前設大方便破彼一塵出此經卷饒益有情去也卓一下召大衆云一塵已破大經卷已出有頓有漸有權有實有半有滿有中有邊有理有事有果有因有百千法門無量妙義世出世間一切諸法盡在裏許諸人還信得及麼若信得及出三界越苦海盡未來際悉得受用若信不及釋迦老子却入拄杖裏去也乃舉起云若喚作釋迦老子又是拄杖若喚作拄杖又是釋迦老子釋迦老子穿過拄杖拄杖穿過釋迦老子正當恁麼時是頓耶是漸耶是權耶是實耶是半耶是滿耶是中耶是邊耶是理耶是事耶是因耶是果耶是釋迦老子耶是拄杖耶喝一喝云頓也不可得漸也不可得權也不可得實也不可得半也不可得滿也不可得中也不可得邊也不可得

理也不可得事也不可得因也不可得果也不可得
釋迦老子也不可得拄杖也不可得一塵亦不可得
大經卷亦不可得現今說法者亦不可得聽法者亦
不可得只這不可得亦不可得遂以拄杖畫一畫云
畫斷葛藤復舉起云正當恁麼時作麼生是各各當
人鼻孔良久云千聖不知何處去倚天長劍逼人寒
復卓一下復舉昔有一婆子施財請趙州和尚轉大
藏經趙州下禪牀遶一市云轉藏已畢人回舉似婆
子婆云比來請轉一藏如何和尚只轉半藏師云衆
中商量道如何是那半藏或云再遶一市或彈指一
下或咳嗽一聲或喝一喝或拍一拍恁麼見解只是

六集卷九

五

不識蓋若是那半藏莫道趙州更遶一市直饒百千
萬億市於婆子分上只得半藏設使更遶須彌山百
千萬億市於婆子分上亦只得半藏假饒天下老和
尚亦如是遶百千萬億市於婆子分上也只得半藏
設使山河大地森羅萬象若草若木各具廣長舌相
異口同音從今日轉到盡未來際於婆子分上亦只
得半藏諸人莫識婆子麼良久云鴛鴦綉出從君看
不把金針度與人

爲高菴悟和尚掛真拈真幷示衆云蓮華峯頂真實
說三塔歸來重泄機兩處路頭俱剔脫剎塵無不盡
光輝光輝則是人知有且道高菴老人本來面目何

在還委恁麼生佛未具世界未形直是眉目分明十
分顯露有人向這裏識得便與此老把手共行不向
檯子上搏量名貌其或未然雲門不免隨例顛倒去
也遂展開云還見麼這箇若是則有兩箇這箇若非
當面踉蹌過不踉蹌過沒兩箇祖堂無位次安排癡兀軒
中且閑坐

雲居首座寮裏拂終

室中機緣

六集卷九

五

師問僧巖頭纔跨德山門便問是凡是聖德山便喝
巖頭禮拜意作麼生僧云好箇消息師云那裏是好
處僧便喝師云你這一喝未有主在出去 問僧不
是心不是佛不是物你作麼生會僧云領師云領你
屋裏七代先靈僧便喝師云適來領而今喝千他不
是心不是佛不是物甚麼事僧無語師便打出 問
僧路逢達道人將語默對時如何僧珍重便行師
呵呵大笑次一僧入師云我適來問這僧路逢達道
人不將語默對時如何僧珍重便行你道他會不會
僧擬問訊師便打出 問僧不與萬法爲侶者是甚

麼人僧云無面目漢師云適來有箇師僧如此道了打出去也僧擬議師便打 問僧國師三喚侍者意旨如何僧云魚行水濁師云莫尿弗僧無語師便打 問僧馬大師道自從胡亂後三十年不曾少鹽醬意作麼生僧云隨家豐儉師云好箇隨家豐儉只是你不會僧擬議師便喝出 僧請益云不知某甲死後向甚麼處去師云你只今是生是死僧云生也不道死也不道師云這漸源奴僧擬議師便打出復問一僧適來這僧納一場敗闕你還知麼僧云知師亦打出 問僧香巖上樹話你作麼生會僧云好對春風唱鷓鴣師云虎頭上座出衆云樹上卽不問未上

大慧普覺禪師語錄

卷九

出去僧便出師云沒量大人被語脈裏轉却次一僧入師亦云不是出去僧却近前師云向你道不是更近前覓箇甚麼便打出復一僧入云適來兩僧不會和尚意師低頭噓一聲僧因措師便打云却是你會老僧意 問僧一切智智清淨無二無二分無別無斷故你作麼生會僧云一切智智清淨無二無二分無別無斷故某甲只恁麼會師高聲云抱取貓兒來僧無語師便喝出 問僧我前日有一問在你處你先前日答我了也卽今因甚麼瞌睡僧云如是如是師云道甚麼僧云不是不是師連打兩棒云一棒打你如是一棒打你不是 師纔見僧入便云諸佛菩薩畜生驢馬庭前栢樹子麻三斤乾屎橛你是一枚無狀賊漢僧云久知和尚有此機要師云我已無端入荒草是你屎臭氣也不知僧拂袖便出師云苦哉佛陀耶 師纔見僧入便云你不會出去僧便出次一僧入師亦云你不會出去僧亦出復一僧入師云適來兩箇上座一人解收不解放一人解放不解收你還辯得麼僧云一狀領過師云領過後別有甚麼好消息僧拍手一下便出師云三十年後悟去在 問僧你名甚麼僧云法如師云僧堂佛殿如否僧云如師云老僧被你勘破僧擬議師便打 問僧還記得話頭麼僧云不記得師云你來這裏管甚麼事便

大慧普覺禪師語錄

卷九

打問僧五祖道趙州狗子無佛性也勝猫兒十萬倍如何僧云風行草偃師云你也不亂說却作麼生會僧無語師云學語之流便打出師纔見僧入便云釋迦老子來也僧近前師云元來不是便打次一僧入師亦云釋迦老子來也僧當面問訊便出師云却似真箇問侍者云許多人入室幾人道得著幾人道不著侍者云某甲只管看師展手云我手何似佛手侍者云天寒且請和尚通袖便行師隨後打一竹篦云且道是賞你是罰你

室中機緣卷第九

金鑑卷九

空

校訛

五十七葉象誤作像從十六行南改正

音釋

齋呼括切擲女角切涵骨切湑骨切正作快約楚鳩切涉木渡水也餽所鳩切擲楚鳩切助骨切則切黍居知切黏也鐺呼稼切金切鑄羊切玉聲也蟲呼宏切聲也轆猪孟切開也旬古納切周而切

大慧普覺禪師語錄卷第十

徑山融仁禪院住持嗣法慧日禪師臣蘊聞上進

頌古

世尊未離兜率已降王宮未出母胎度人已畢頌云利刃有蜜不須舐蝨毒之家水莫嘗不舐不嘗俱不犯端然衣錦自還鄉

世尊初生一手指天一手指地云天上天下唯我獨尊頌云

老漢纔生便著忙周行七步似顛狂賺佗無限癡男

女開眼堂堂入鑊湯

金鑑卷十

空

拈起一枝華風流出當家若言付心法天下事如麻

外道問佛頌云兩處牢關擊不通纖塵不動自乖宗忽然業鏡百難

碎黃面瞿曇失却蹤

達磨面壁頌云金鰲一掣滄溟竭徒自悠悠泛小舟今日煙波無可

釣不須新月更爲鉤

二祖安心頌云

覓心無處更何安嚼碎通紅鐵一團縱使眼開張意

氣爭如不受老胡謾

女子出定頌云

出得出不得是定非正定罔明與文殊喪却窮性命
馬祖三十年不少鹽醬頌云

見得分明識得親舉來猶自涉塗程直饒不犯毫芒
者也是拈餛飩指人

百丈再參馬祖頌云

馬駒喝下喪家風四海從茲信息通烈火燄中撈得

月巍巍獨坐大雄峯

國師三喚侍者頌云

啞子得夢與誰說起來相對眼麻彌已向人前輸肺

腑從教佗自覓便宜

瀉山有句無句頌云

△金鑑卷十

奎

若將此語定綱宗孤負明招獨眼龍笑裏忽分泥水

路方知千里共同風

明招虎生七子頌云

第七菸菟沒尾巴食牛之氣已堪誇叢林悱悱爭唇

吻幾箇行人得到家

南泉不是心不是佛不是物頌云

倒腹傾腸說向君不知何故尚沉吟而今便好猛提

取付與世間無事人

南泉心不是佛智不是道頌云

雨散雲收後崔嵬數十峯倚欄頻顧望回首與誰同

黃檗汝等諸人盡是噎酒糟漢頌云

身上著衣方免寒口邊說食終不飽大唐國裏老婆
禪今日爲君注破了

臨濟凡見僧入門便喝頌云

入門便喝全無巴鼻引得兒孫弄粥飯氣

麻谷問臨濟十二面觀音頌云

昧却當陽箇一著牽來拽去互施呈不知除却王維

手更有何人畫得成

臨濟問僧甚麼處來僧便喝濟便揖坐僧擬議濟便

打又一僧來濟豎起拂子僧禮拜濟便打復見僧來

亦豎起拂子僧不顧濟亦打頌云

五月五日午時書赤口毒舌盡消除更饒急急如律

△金鑑卷十

十四

令不須門上畫蜘蛛

臨濟無位真人頌云

腦後見腮村僧大開眼了作夢雖然趁得老鼠一棒

打破油甕

趙州訪臨濟頌云

一人眼似鼓槌一人頭如木杓兩箇老不識羞至今

無處安著

南泉平常心是道頌云

勸君不用苦勞神喚作平常轉不親冷淡全然沒滋

味一回舉起一回新

趙州使得十二時頌云

使得十二時辰呼來却教且去倚官挾勢欺人茫茫無本可據

趙州訪茱萸頌云

深淺聊將拄杖探忽然平地起波瀾傾瀉倒嶽驚天地到海方知徹底乾

趙州一日從殿上過乃喚侍者一聲侍者應諾州云好一殿功德侍者無對頌云

好一殿功德總是過去佛百福相嚴身不使桮檀刻日日香煙夜夜燈看來當甚乾蘿蔔

趙州問投子大死底人却活時如何投子云不許夜行投明須到頌云

金語錄卷十

五

禾黍不陽豔競栽桃李春飢冷力耕者半作賣華人

趙州勘婆頌云

天下禪和說勘破爭知趙州已話墮引得兒孫不丈夫人人點過冷地卧

趙州問南泉知有底人向甚麼處去泉云山前檀越家作一頭水牯牛去州云謝師答話泉云昨夜三更

月到窓頌云

度體裁衣量水打碓毫髮不差且居門外

趙州一日在方丈內聞沙彌喝叅州向侍者云教伊去侍者纔教去沙彌便珍重州向傍僧云沙彌得入

門侍者在門外頌云

颺颺風松蕭蕭雨檜師子咬人韓獹逐塊

趙州一日在東司上見文遠過遂喚云文遠遠應諾州云東司上不可與你說佛法頌云

趙州有密語文遠不覆藏演出大藏教功德實難量趙州一日共文遠行次忽指面前地云這裏好造箇

巡鋪遠便迎前展兩手云把將公驗來州與一掌遠云公驗分明過頌云

一正一邪一倒一起文遠趙州韓裏動指趙州一日在佛殿上見文遠禮佛以拄杖打一下遠

云禮佛也是好事州云好事不如無頌云文遠修行不落空時時瞻禮紫金容趙州拄杖雖然

金語錄卷十

五

短腦後圓光又一重

趙州狗子無佛性頌云

有問狗佛性趙州答曰無言下滅胡族猶爲不丈夫趙州云金佛不度鑪木佛不度火泥佛不度水真佛

內裏坐頌云

九十七種妙相顧陸筆端難狀趙州眼目精明觀見心肝五藏

青州布衫頌云

青州七斤衫盡力提不起打破趙州關總是自家底鎮州蘿蔔頌云

叅見南泉王老師鎮州蘿蔔更無私拈來塞斷是非

口雪曲陽春非楚詞

趙州有佛處不得住頌云

有佛處不得住生鐵稱錘被蟲蛀無佛處急走過撞著嵩山破竈墮三千里外莫錯舉兩箇石人相耳語恁麼則不去也此語已行徧天下摘楊華摘楊華噉摩呢噠哩吽發吒

趙州問僧甚麼處來僧云雪峯來州云雪峯有何言句示人僧云雪峯尋常道盡大地是沙門一隻眼汝等諸人向甚麼處倚州云上座若回寄箇鐵子去頌云

塗路波吒數十州傳言送語當風流不知脚下泥生

六義錄卷十

五七

刺踢著錐人脚指頭

保壽問胡釘鉸頌云

直饒釘得遮一縫點檢將來非好手可憐兩箇老禪

翁却向俗人說家醜

疎山造壽塔頌云

鑿壞十方常住地三錢使盡露屍骸羅山古佛雖靈

驗未免將身一處埋

羅山在禾山送同行矩長老出門次山把拄杖面前

一攏矩無對山云石牛攔古路一馬勿雙駒後有僧

舉似疎山山云石牛攔古路一馬生三寅頌云

出門握手話分攜古路迢迢去莫追却笑波心遺劍

者區區空記刻舟時

德山托鉢頌云

一搥塗毒聞皆喪身在其中總不知八十翁翁入場屋真誠不是小兒嬉

雲門云世界恁麼廣闊爲甚聞鐘聲披七條頌云

鐘聲披起鬱多羅碧眼胡兒不奈何一箭雙鵰隨手

落拈來元是柵中鵝

德山見僧入門便棒頌云

入門便棒郎當不少依而行之胡麻厮繳

百丈野狐頌云

不落不昧石頭土塊驀路相逢銀山粉碎拍手呵呵

六義錄卷十

五八

笑一場明州有箇憨布袋

深明二上座同行見魚跳出網頌云

俊哉一躍透重淵霹靂追之去不還却笑龍門燒尾

者依前點額在波瀾

南泉打破粥鍋頌云

南泉打破閑家具浩浩諸方作話看今日爲君重舉

過明明歷歷不顛顛

首山竹篋頌云

背觸非遮護明明直舉揚吹毛雖不動徧地是刀槍

瑞巖喚主人公頌云

瑞巖家風喚主人公昨夜南山虎咬大蟲

興化同叅相見頌云

鏤鏤在握天魔瞻落明眼衲僧休更卜度

興化打克賓頌云

丹山生鸞鶯師子產後猊棒下摩醯眼徒誇第一機
興化紫羅帳裏撒真珠頌云

對衆全提摩竭令豈是閑閑兩片皮喝下瞎驢成隊
走夢中推倒五須彌

興化上堂云今日不用如何若何便請單刀直入興
化爲你證據時有旻德長老出衆禮拜起來便喝化
亦喝德又喝化又喝德禮拜歸衆化云適來若是別
人三十棒一棒也較不得何故爲佗旻德會一喝不

作一喝用頌云

大慧錄卷下

光

暗中攜手上高山及至天明各自行無限中途未歸
客明明開眼墮深坑

三聖云我逢人卽出出則不爲人興化云我逢人卽
不出出則便爲人頌云

陽燄何曾能止渴畫餅幾時充得饑勸君不用裁荆
棘後代兒孫惹著衣

南泉見鄧隱峯來指淨餅云淨餅是境你不得動著
境與我將水來峯將淨餅傾水於南泉面前泉便休
歸宗云鄧隱峯也是亂寫頌云

眼中無翳休挑刮鏡上無塵不用磨信脚出門行大

路橫擔拄杖唱山歌

石頭云恁麼也不得不恁麼也不得恁麼不恁麼總
不得頌云

好箇話端阿誰解舉舉得十分未敢相許

三聖問雪峯透網金鱗頌云

全死中全活全活中全死一箇訝郎當一箇福建子
夾山境頌云

境話會來雖未是却問如今作麼生清涼元本鼻頭
直夾山依舊兩眉橫

睦州擔板頌云

睦州擔板那容眨眼闊狹短長不須增減

大慧錄卷下

三

僧問睦州一氣還轉得一大藏經也無州云有甚餌

饌飽子快下將來頌云

一氣轉一大藏教頓漸偏圓權與實無邊妙義炳然

彰元來一字也不識

臨濟會中兩堂首座齊下喝僧問還有賓主也無濟

云賓主歷然頌云

以平報不平王法本無親臨濟雖明眼也是黃龍精

普化明頭來明頭打頌云

先師會裏呈真處臨濟堂前喫菜時連此三回露挂
索咄這綠臺盤乞兒

明招一日天寒上堂大眾纔集招云風頭稍硬不是

你安身立命處且歸煖室商量便歸方丈大衆隨至
立定招云纔到煖室便見瞌睡以拄杖一時趁下頌
云

夜半明星當午現愚夫猶待曉雞鳴可憐自屎不知
臭又欲重新拈似人

保壽開堂頌云

提起須彌第一槌電光石火太遲遲象王行處狐蹤
絕師子咆哮百獸危

古德莊上喫油糞頌云

和尚不赴堂莊主謝臨屈一字入公門九牛撒不出
玄沙云若論此事喻一片田地四至界分結契賣與

△大慧普覺禪師語錄

主

諸人了也只有中心樹子猶屬老僧在頌云

祖父田園都賣了四邊界至不曾留奈何猶有中心
樹惱亂春風卒未休

首山新婦騎驢阿家牽頌云

新婦騎驢阿家牽步步相隨不著鞭歸到畫堂人不
識從今懶更出門前

烏臼見玄紹二上座來遂問二禪伯近離甚麼處僧

云江西白便打僧云久嚮和尚有此機要曰云你既
不會第二箇近前來僧擬議曰亦打云同坑無異土
參堂去頌云

猛鯢不容蚊蚋泊大海那能宿死屍任是三頭并六

臂望風無不豎降旗

雲門乾屎橛頌云

雲門乾屎橛全超法報化無事出山游百錢杖頭掛
雲門須彌山頌云

巍巍一座大彌盧荷負非干氣力羸縱使不隨言語
會却來當面受塗糊

大愚鋸解稱鎚頌云

問佛如何是宗師即便酬稱鎚將鋸解言外度迷流
僧問興化四方八面來時如何化云打中間底僧便
禮拜化云興化今日赴箇村齋回來中路撞著一陣
卒風暴雨却向古廟裏閃避得過頌云

△大慧普覺禪師語錄

主

古廟裏頭回避得紙錢堆畔暗嗟吁閑神野鬼皆驚
怕只爲渠儂識梵書

雪峯望州亭相見頌云

望州烏石與僧堂業識茫茫不可當提起納僧拄杖
子五湖四海沸如湯

夾山目前無法意在目前不是目前法非耳目之所
到頌云

癡人面前休說夢生鐵團上須尋縫明明說與却伴
聾只管外邊閑打鬧

無業國師云若一毫頭凡聖情念未盡不免入驢胎
馬腹裏去白雲端和尚云設使一毫頭凡聖情念淨

盡亦未免入驢胎馬腹裏去頌云

移身不移步移步不移身走却金師子捉得玉麒麟
靈雲見桃華頌云

總道見桃華悟道此語不知還是無茫茫宇宙人無
數那箇男兒是丈夫

玄沙云諦當甚諦當敢保老兄未徹在頌云

打破鬼門關日輪正當午一箭中紅心大地無寸土

洞山云言無展事語不投機承言者喪滯句者迷頌
云

言無展事語不投機承言者喪滯句者迷逢人不得
錯舉

永嘉集卷下

圭

舉道者訪琅琊頌云

奪得驪珠即便回小根魔子盡疑猜拈來拋向洪波
裏撒手大家空去來

僧問風穴語默涉離微如何通不犯穴云常憶江南
三月裏鷓鴣啼處百華香頌云

忽爾出門先見路纔方洗脚便登船神仙秘訣真堪
惜父子雖親不可傳

趙州訪道吾吾見來著豹皮襯把吉捺棒在三門前
等候纔見州來便高聲唱喏而立州云小心祇候著
吾又唱喏一聲而去頌云

有禮有樂有唱有酬人平不語水平不流

臨濟遷化時示衆云吾滅後不得滅却吾正法眼藏

三聖出云爭敢滅却和尚正法眼藏濟云已後有人
問你向他道甚麼三聖便喝濟云誰知吾正法眼藏
向遮瞎驢邊滅却頌云

瞎驢一跳衆皆驚正法那堪付與人三要三玄俱喪

盡堂堂擺手出重城

僧問乾峯十方薄伽梵一路涅槃門頌云

捲破雲門一柄扇拗折乾峯一條棒二三千處管絃
樓四五百條華柳巷

雲門大師云聞聲悟道見色明心作麼生是聞聲悟
道見色明心乃云觀世音菩薩將錢來買餬餅放下

永嘉集卷下

圭

手云元來只是饅頭頌云

見色明心事已差聞聲悟道更交加觀音妙智慈悲
力荆棘林生優鉢華

雲門大師拈起拄杖舉教云凡夫實謂之有二乘析
謂之無緣覺謂之幻有菩薩當體卽空乃云衲僧見

拄杖但喚作拄杖行但行坐但坐總不得動著頌云
剔開金殿鎖撞動玉樓鐘泣露千般草吟風一樣松

陸亘大夫問南泉肇法師也甚奇怪解道天地與我
同根萬物與我一體泉指庭前華召大夫云時人見
此一株華如夢相似頌云

天地同根伸一問未曾擡步已亡家無陰陽處華重

發王本無瑕却有瑕

玄沙三種病人頌云

玄沙三種病人話透出雲門六不收莫待是非來入耳從前知已返為讎

玄沙見新到纔禮拜沙云因我得禮你頌云

夫子不識字達磨不會禪玄沙無此語切莫妄流傳南院上堂云赤肉團上壁立千仞時有僧問赤肉團上壁立千仞豈不是和尚道院云是僧便掀倒禪牀院云你看這瞎漢亂做僧擬議院便打趂出院頌云赤肉團邊用得親主賓有理各難伸兩箇駝子相逢著世上如今無直人

玄沙三種病人

圭

百丈侍馬祖游山歸忽然哭同事問云憶父母耶丈云無同事云被人罵耶丈云無同事云哭作甚麼丈云問取和尚同事往問馬祖祖云你去問取佗同事回至寮中見百丈呵呵大笑同事云適來為甚麼哭如今為甚麼笑丈云適來哭而今笑同事罔然頌云有時笑兮有時哭悲喜交并暗催促此理如何舉向人斷絃須得驚膠續

楊岐和尚問僧栗棘蓬你作麼生吞金剛圈你作麼生跳頌云

金剛圈栗棘蓬玄沙三種病石鞮一張弓直截為君說新羅在海東

僧問楊岐如何是佛岐云三脚驢子弄蹄行僧云便恁麼去時如何岐云湖南長老頌云

楊岐一頭驢只有三隻脚潘園倒騎歸顛殺黃鶯綰僧問青原思和尚如何是佛法大意原云廬陵米作麼價頌云

老青原沒縫罅問佛法酬米價差毫釐成話櫛無面目得人怕

僧問巖頭古帆未掛時如何頭云後園驢喫草頌云後園驢喫草一老一不老驀地撞出來鬬湊得恰好僧問巖頭古帆未掛時如何頭云小魚吞大魚頌云小魚吞大魚直路太繁紆古帆休更問處處得逢渠

玄沙三種病人

圭

僧問五祖演和尚如何是臨濟下事祖云五逆聞雷頌云

五逆聞雷曾參顏回一粒豆子爆出冷灰僧問圓悟和尚如何是佛悟云口是禍門頌云

口是禍門電激雷奔娑竭出海震動乾坤佛眼和尚讀靈源十二時歌有偈云一日日一時時龍門老心自知頌云

日日日時時時時違時失候箇老古錘南禪師云鐘樓上念讚牀脚下種菜時如何黃檗勝禪師云猛虎當路坐頌云

直出直入當面不識更擬如何著甚死急

二十四祖尊者因罽賓國王秉劍於前曰師得蘊空否曰已得曰既得蘊空離生死否曰已離曰既離生死可施我頭否曰身非我有豈況於頭王便斬之白乳湧高數尺王臂自墮頌云

殺人須是殺人漢當下一刀成兩段頭臂雖虧劒刃鋒何似秦時轆轤鑽

芭蕉拄杖頌云

十字街頭現成行貨擬欲商量漆桶蹉過汾陽十智同真頌云

兔角龜毛眼裏栽鐵山當面勢崔嵬東西南北無門入曠劫無明當下灰

大慧覺禪師語錄

主

雲門抽顧頌鑒嘆頌云

雲門鑒嘆少有人知咄無孔鐵鎚

龐居士問馬大師不與萬法爲侶者是甚麼人大師云待汝一口吸盡西江水卽向汝道頌云

一口吸盡西江水甲乙丙丁庚戌已咄咄咄囉囉哩法華經云大通智勝佛十劫坐道場佛法不現前不得成佛道頌云

燕坐道場經十劫一一從頭俱漏泄世間多少守株人掉棒擬打天邊月

維摩經云其施汝者不名福田供養汝者墮三惡道頌云

獨坐許誰知青山對落暉華須連夜發莫待曉風吹

圓覺經云居一切時不起妄念於諸妄心亦不息滅住妄想境不加了知於無了知不辯真實頌云

荷葉團團團似鏡菱角尖尖尖似錐風吹柳絮毛毳走雨打梨花蛺蝶飛

楞嚴經云見見之時見非是見見猶離見見不能及頌云

春至自開華秋來還落葉黃面老瞿曇休搗三寸舌文殊菩薩所說般若經云清淨行者不入涅槃破戒比丘不入地獄頌云

壁上安燈盞堂前置酒臺悶來打三盞何處得愁來

大慧覺禪師語錄

主

楞伽經云五法三自性二種無我頌云

陝府鐵牛白癩嘉州大像耳聾兩箇病痛一般咄哉漆桶不快

殃崛摩羅尊者於一長者家持鉢適值其家婦人產難長者遂白尊者曰尊者是佛弟子如何救得我家產難尊者云我乍入道未能相救當去問佛尊者往見佛具陳斯事佛言汝但去說我自從賢聖法來未曾殺生尊者依佛所說往告長者婦人聞之當時分曉頌云

華陰山前百尺井中有寒泉徹骨冷誰家女子來照影不照其餘照斜領

浮盃和尚因凌行婆問盡力道不得底句分付阿誰
盃云浮盃無刺語婆云未到浮盃不妨疑著盃云別
有長處不妨拈出婆歛手哭云蒼天中更添冤苦盃
無語婆云語不識偏正理不知倒邪爲人卽禍生頌
云

掌內摩尼曾不顧誰能護惜孃生袴浮盃不會老婆
禪直至如今遭點汗

後有僧舉似南泉泉云苦哉浮盃被這老婆摧折一
上婆聞笑云王老師猶少機關在時有幽州澄一禪
客乃問婆南泉爲甚少機關婆哭云可悲可痛澄一
問措婆乃問會麼澄一合掌而立婆云猗死禪和如

大慧語錄卷十

五

麻似粟後澄一舉似趙州州云我若見這臭婆問教
口啞澄一云未審和尚怎生問佗州便打澄一云爲
甚却打某甲州云似這猗死禪和不打更待何時頌
云

電光石火尚猶遲猗死禪和那得知轉面回頭擬尋
討夕陽已過綠梢西

婆聞却云趙州合喫婆手中棒州聞哭云可悲可痛
婆聞乃歎云趙州眼光爍破四天下州聞令人去問
云如何是趙州眼婆乃豎起拳州聞乃作頌送云當
機覲面提覲面當機疾報爾凌行婆哭聲何得失婆
答云哭聲師已曉已曉復誰知當時摩竭令幾喪自

前機頌云

眼光爍破四天下婆子拳頭沒縫罅當機覲面事如
何猛虎春梁誰解跨

南泉云三世諸佛不知有狸奴白牯却知有頌云

三世諸佛不知有老大大外邊走眼皮蓋盡五須
彌大洋海裏翻筋斗一狸奴白牯却知有瀑布不溜
青山走堪笑無端王老師錯認簸箕作熨斗二

臨濟問寺主甚麼處去來云州中糶黃米去來濟以
拄杖畫一畫云還糶得這箇麼主便喝濟便打次典
座至濟乃舉似典座座云寺主不會和尚意濟云你
又作麼生座禮拜濟亦打頌云

大慧語錄卷十

六

一堆紅燄亘晴空不問金鑰鐵錫銅入裏盡教成水
去那容蚊蚋泊其中

五祖和尚舉僧問趙州如何是祖師西來意州云庭
前栢樹子恁麼會便不是了也如何是祖師西來意
庭前栢樹子恁麼會方始是頌云

崎嶇嶇嶇平坦平坦坦坦處甚崎嶇驀地跛驢能蹴
蹋林過追風天馬駒

師室中常舉竹篋問學者曰喚作竹篋則觸不喚作
竹篋則背衆下語皆不契因僧請益復成五頌示之
頌云

雲門舉起竹篋開口知君話墮上方香積不餐甘伏

食人涕唾 雲門舉起竹篋禪和切忌針錐鸞鳳不
棲荆棘鷓鴣偏守空池 二雲門舉起竹篋通身帶水
拖泥奉報參玄上士撒手懸崖勿遲 三雲門舉起竹
篋擬議知君亂統直饒救得眼睛當下失却鼻孔 四
雲門舉起竹篋露出心肝五臟可憐倚死禪和猶自
魂飛膽喪 五

大慧普覺禪師語錄卷第十

校訛

第七十一葉 撤南作 ○七十三葉空南作
第十行


音釋

舐 神紙切舌 疊 公戶切 餒 丁回切 菸菟 菸注胡切
取物也 疊 毒也 餒 餅也 菸菟 菟同都切

大慧普覺禪師語錄卷第十

全

虎排數尾切口排 噎 直雙 魘 風聲切 擯 取官切 揭
也排 欲言也 噎 火含切 魘 目動也 擯 切 揭 交
學也 切 餒 疾茲切 棍 他切 崎 崎切 嶇 崎切 嶇 崎切
聲也 切 餒 餅也 棍 棍切 崎 崎切 嶇 崎切 嶇 崎切
贖 胡對切 剌 實證 糶 他切 崎 崎切 嶇 崎切 嶇 崎切
贖 正作 贖 音咸



大慧普覺禪師偈頌卷第十二

徑山能仁禪院住持嗣法慧日禪師臣蘊閣上進

皇帝在建邸請陞堂偈

豁開頂門眼照徹大千界既作法中王於法得自在

又作偈

大根大器大力量荷擔大事不尋常一毛頭上通消

息徧界明明不覆藏

御賜真讚師演成四偈

生滅不滅如水中月不可攬觸妙在甄別

常住不住是真實義一幅丹青輝天鑑地

圓覺空明胡來漢現一點靈光萬化千變

隨物現處廓清寰宇不動神情氣吞項羽

泉州惠安縣迎藏經請小叅偈

稽首十力大導師三界獨尊無比況示現成佛轉法輪廣演無邊契經海衆生心想念念殊所轉法輪亦差別法輪功德不可量盡思竭力無能測有大經卷在一塵量等三千大千界世有聰慧明達人具足天眼悉知見破塵出經作佛事不作實與非實想又以無邊法界空納在佛身一毛孔須彌鐵圍及大海一包容無迫隘一毛既爾餘悉然導師方便亦如是念念普徧諸毛孔念念克證金剛慧念念成就佛菩提念念滿足普賢願而不生於戲論心亦不住於深

永嘉集卷十一

二

境界如夢如幻如水月如優曇華出世間如是常轉大經卷了無能轉所轉者三世諸佛諸菩薩聲聞獨覺及天人地獄修羅鬼畜等一一皆承此經力我今復與諸佛子各生殊勝難遇心還攝此經歸一塵安住毗盧法寶藏

莊泉伯檢察爲先安撫請陞堂偈

近來學佛人少見不顛倒唯務資談柄素大而就小昧却直截事外邊打之遶畢竟那一著何曾得分曉獨有莊居士真實沒虛矯斷除煩惱根烈火燒乾草心地既安然魔境豈能擾任你開浩浩我常靜悄悄末後示真歸如脫破布襖加趺入禪定皓月臨清沼

透過生死關擊碎無價寶剛正大丈夫一了一切方敷文請陞堂舉那吒太子因緣

骨肉都還父母了不知那箇是那吒一毛頭上翻身轉一一毛頭渾不差

趙提宮請陞堂偈

言前薦得已天涯句後承當路轉賒一擊鐵關如粉碎水天空闊鴈行斜

李參政轉物菴

并引
泰發

江月老人勝所居之室曰轉物蓋取首楞嚴若能轉物卽同如來之義書來索銘妙喜宗杲爲之銘

曰

永嘉集卷十一

三

若能轉物卽同如來出哉瞿曇誑說癡獸物無自性我亦非有轉者爲誰徒勞心手知無自性復是何物瞥起情塵捫空揣骨此菴無作住者何人具頂門眼試辨疎親

富樞密妙高堂

并引
季申

樞密富公閱華嚴大教娛戲毗盧性海隨所寓揭名曰妙高堂蓋取法界勝樂妙高之義作自受用佛事書來索銘妙喜其爲之銘曰

妙高堂隨所至勝未懸落第二似猛焰藏蚊蚋擬承當生妄計德雲師安有作在別峯亦寬廓住佛地何所託我作銘任圖度

魏侍郎淨心閣達邦

偉哉廣大寂滅心譬如虛空不分別擬心求淨卽染汗况復比倫諸佛土又如夢中所見物所見雖有不可取如是通達無有疑淨心之義炳然現是義現矣難測量超諸色相離言說過去未來現在世佛及菩薩與聲聞一切含識有情類平等於義如實了善哉奇特過量人只以此閣演是義演已便息隨所緣亦與夢中無差別我以父母所生口說此無上妙伽陀莊嚴廣大寂滅心爲諸來者作饒益

向侍郎無熱軒并引伯恭

薌林居士於所居園臨池作無熱軒將於北埭起

公集卷十一

四

連輝觀取華嚴無熱大龍王宮流出四河華林寶樹接影連輝之義樂谷韓公司諫爲之記居士來

索鄙語乃說是偈

勇猛精進過量人號曰薌林大居士住無變易眞實處而常順行諸佛法不作世間顛倒業成辦出世勝方便而能於此方便中幻出難思諸境界復於難思境界中而現種種殊勝事華林寶樹咸放光接影連輝相鑒徹光色清淨如金剛世間無有能壞者又如無熱大寶池四面分流入於海是海廣大無邊際不出居士一毛孔於一毛孔放光明八萬四千同時發不勞居士轉舌相只以此光宣妙法是法卽是此光

明不離是光說此法大海毛孔亦復爾此是薌林無熱義是義如空不可量一一包羅世間相我今以此無義語略爲居士出隻手佛子來登無熱軒衆賢妙沙開戶牖

蔡知縣小菴并引

快活居士結菴於南嶽之陽以小名之蓋取石頭和尚菴雖小含法界之義居士欲予書其勝因說是偈

此菴非小亦非大堪笑石頭空捏怪不知法界卽此菴彊謂此菴含法界而今欲識住菴人萬象之中獨露身妙喜爲寫此菴勝要與太虛爲近鄰

公集卷十一

五

汪狀元燕坐軒聖錫

不於三界現身意掉舉何如憤憤時寄語軒中燕坐者好看新月下前谿

韓司諫樂谷

人言至樂在此谷孰信樂爲谷所移以樂均施不樂者方名眞樂丈夫兒

六湛堂

非湛非搖此法源當機莫厭假名存直須過量英靈漢方入無邊廣大門萬境交羅元不二六窓晝夜未嘗昏鑱思龐老事無別擲劍揮空豈有痕同塵菴

塵無自性攬真成立擬和其光同亦俱失外既匪寬
內亦不窒是義非虛亦復非實菴中主人如玉處石
作如是觀千載一息

喻郎中觀我菴才于

萬物備於我我觀卒未休智者返觀我縱橫得自由
黃智通居士善住菴

善住菴中人從來無所住只這無住心便是安身處

謝紫巖居士張侍郎

紫巖分惠建谿茗妙喜答以青州衫得人一牛還一

馬前三三與後三三

答劉安撫明方

大慧普覺禪師語錄卷二

六

毛錐子上通消息爭似亡言絕見知後夜一輪空界

月清光千里共依依

寄無垢居士張侍郎

上苑玉池方解凍人間楊柳又垂春山堂盡日焚香

坐長憶毗耶多口人

示汪居士南史

一毛頭上無邊刹決定識情難測量直下不生邪險

見壺中日月自然長

示周子充寫華嚴經

總別同異成壞行布圓融無礙塵入衆刹非寬刹入

衆塵非隘居士筆端宣暢果海因源自在我今說偈

讚揚同證一真法界

示了然居士舉之

長樂沙坑鄭了然不依本分要參禪自言已到無參

處哥羅管你米疆年

示韓令人子蒼宅

說不到處著一句風前截斷千差路超佛越祖只如

今壁立萬仞無回互

示大悲長老

一棒打破生死窟當時凡聖絕行蹤返笑趙州心不

歇老來猶自走西東

示祥雲懿長老

大慧普覺禪師語錄卷二

七

奪却衲僧拄杖當下便無伎倆喝下鐵眼忽開直據

千峯頂上

示鼎需禪人

面門豎亞摩醯眼肘後斜懸奪命符瞎却眼解却符

趙州東壁掛葫蘆

示彌光禪人

龜毛拈得笑哈哈一擊萬重關鑊開慶快平生在今

日孰云千里賺吾來

示祖元禪人

萬仞崖頭解放身起來依舊却惺惺飢餐渴飲渾無

事邪論昔人非昔人

大慧普覺禪師讚佛祖卷第十二

徑山欽仁禪院住持嗣法慧日禪師臣蘊聞上進

釋迦出山相

正覺山前折却本三七日內心頭悶却來鹿苑討便宜好與拽繯椎一頓

文殊問疾

居士何曾病是病因問有兩眼對兩眼世醫咸拱手觀音大士

過去正法明現前觀自在眼觀諸音聲耳聽衆妙色二義俱寂滅誰受此說者是說亦寂滅誰爲此說者能觀及所觀能聽洎所聽返觀觀聽者是亦無所有

大慧普覺禪師語錄卷十二

十一

大哉觀世音快說如是法是法不思議聽者亦希有我今以一毛徧量法界空作此如幻言讚是真實相入定觀音

世間種種音聲相衆以耳聽非目覩唯此大士眼能觀眼目諦觀爲佛事於眼境界無所取耳鼻舌身意亦然善哉心洞十方空六根互顯如是義眼色耳聲鼻嗅香身觸意思無差別當以此觀如是觀取此爲實成妄想若離妄想取實法展轉惑亂失本心本心既失隨顛倒不見大士妙色身無眼耳鼻舌身意互顯之義亦寂滅亦無大士妙色身亦無種種音聲相佛子能作如是觀永離世間生死苦

維摩居士

冷坐毗耶城百病一時發不得文殊來幾乎無合殺九祖伏默密多尊者

默坐半百春無喜亦無瞋東西行七步抖擻舊精神初祖達磨大師

來時已沒當門齒去時唯一隻履葱嶺那邊逢宋雲十分彰露醜舉止

傅大士

天上無彌勒地下無彌勒拍版與門槌畢竟是何物六祖大鑑禪師

大慧普覺禪師語錄卷十二

十二

口却能平地起風波李長者

以一毛端智徧量法界空智空無自性空智在其中龐居士

男女不婚嫁隨緣賣炭離這般滋味子豈與外人知趙州和尚

庭栢無根虛空有骨十分魯鈍似遼天鵲熱至乘涼寒燒楮樁夫是之謂趙州古佛

船子和尚

鷺口一橈玄路絕藥山之道始流傳離鉤三寸無消息覺海方乘般若船

臨濟和尚

稱鎚上捏出汁枯骨裏敲出髓全無些子蘊藉一味
賣弄口嘴更說甚麼三要三玄四種料揀大似青天
白日十字街頭見神見鬼咄

雲門和尚

開雪峯口出睦州氣袖手儼然眈眈虎視我說是言
有語無義石火電光咄哉鈍滯伽梨勃率知是誰有
人續得末後句許你親見渠儂

布袋和尚

三千威儀都不修八萬細行渾不顧只因鬧市等箇
人被人喚作破落戶兜率內院久拋離縱歸迷却來

六義集上

主一

時路稽首彌勒世尊得恁寬腸大肚

肩擔一條吉撩棒棒頭挂雙破木履盡力撮却布袋
口不知裏許有甚底落落魄魄鬧市行磊磊直直沒

羞恥龍華會上若逢渠定與椎落當門齒

金華聖者

金華聖者誰識撞著猪頭便喫雖然無愛無憎其奈
有損有益使得破落僧徒也道逆行順行天莫測若
無末後一著至今有口難分析

南安巖主

贈以之中語咸云秘密言誰知此老子非妙亦非玄
直截不藏覆當機火裏蓮誰人明此意端坐自擎拳

言法華

旋陀羅尼三昧語默元無罣礙攬衣著屐走街剛被
時人笑怪問伊住止何處向道我儂弗會進前擬議
思量咄哉漆桶不快

雪竇明覺禪師

太湖三萬六千頃之渺茫卽師之口也洞庭七十一
二朶之巍峭卽師之舌也不動口不搖舌已說現說
當說無少無剩也回狂瀾起既倒活必死之疾於膏
肓卽師荷擔大法而主盟此道也至於飛鯤鵬於藕
絲竅中置須彌盧於螻螟睫上而無寬曠迫隘之量
也我生師之後而不識師今覩師之遺像而作是言

六義集上

主一

者蓋欲一類闡提毛道凡夫與夫敗善根非器衆生
使其知有吾門單傳直指之妙而已也

楊岐和尚

異類中行拖犁拽杷栗棘金圈是何言語

白雲端和尚

少處更減多處又添達磨不會却反西天
飢餐渴飲閑坐困眠赤手殺人血濺梵天

五祖演和尚

赤骨力地有棍無袴敢與海神爭先鬪富
說大脫空荷擔佛祖七八圓全不成三五村歌社舞
可憐生引得兒孫弄泥土

西余端和尚

被底禮寅朝去住隨風掃名呼章相公侮嫚圓照老
不托和尚兩拳打翻回頭妖僧一句罵倒只看這幾
著子不必問佗禪道箇是金毛師子兒狐狸野干徒
叫譟

慧日雅和尚

嵌嵌枯枯磊磊落落暗鳴叱咤萬人氣索宴坐胡牀
傾湫倒嶽秉殺活劒解生死縛不墮緣寧居寂寞
豁開濟北三要三玄提持關西末後一著慧日之影
沈姑谿泥牛觸折祥麟角

寂音尊者覺範

頭如杓面如櫟口無舌說無竭是而非同而別種空
華抽暗楔死木蛇活如蝎擊塗毒腦門裂走阿誰甘
露戒

草堂清和尚

凜凜孤風世所稀碧眸炯炯電光輝貧兒示與衣中
寶富者教伊赤體歸毒手慣曾烹佛祖洪鑪常用大
鉗鎚小根魔子還知否此是吾家真白眉

圓悟和尚三

道大德備之詞讚師之真此處無金二兩俗人酤酒
三升超佛越祖之談讚師之禪削圓方竹杖輓却紫
茸氈無可論無可說正是守著繫驢橛那堪更言七

坐道場三奉詔旨大似鄭州出曹門且喜沒交涉降
此之外畢竟如何江南兩浙春寒秋熱寄語諸方不
要饒舌

風雷爲舌虛空爲口應羣生機作師子吼眼光爍破
四天下驚起法身藏北斗箇是楊岐嫡孫喝下須彌
倒走

這老漢無置錐之地而不貧有無價之寶而不富觀
衆善而不欣遇諸惡而不怖一著當陽全提要且秋
毫不露有時石火裏藏身却向電影中回互塞却臨
濟三玄門截斷巖頭末後句

普融平和尚

示無作相擊塗毒鼓行無緣慈誅佛誅祖如是見得
普融妙喜未敢相許直下來也如龍似虎一槌打破
太虛空至今一缺無人補

長靈卓和尚

厚重如山嚴冷似鐵破毗盧印坐衲僧舌派出靈源
源清流徹指曜靈寒呼顧兔熱謂此是長靈眼中重
著骨謂此非長靈知君猶未瞥是耶非耶俱爲刺說
真耶妄耶水中捉月而今要見這老人剔起眉毛須
辨別嘉州大像喫一槌陝府鐵牛流出血

佛性泰和尚

憤說五家宗派禪不將玄妙與人傳晚年一處真奇

特食罷長伸兩脚眠

佛燈珣和尚

天姿出格蕭灑冒次過人惺惺臨濟頂中隨楊岐眼裏睛棒頭明殺活喝下顯疎親孤鸞無伴侶師子不同羣鍾山佛鑑之嫡子雙徑山僧之法兄

竹菴珪和尚

讚歎竹菴也是妙喜罵詈竹菴也是妙喜讚之罵之各有所以讚之者爲渠具衲僧正眼罵之者爲渠浸在醋甕裏或曰如竹菴之爲宗師也不可讚不可罵精金美玉自有定價讚之罵之徒增話櫛妙喜聞之笑而不答但拊掌叩齒三下從教渠鑽龜打瓦

天童覺和尚

六

烹佛烹祖大鑪鑄鍛凡鍛聖惡鉗起曹洞於已墜之際針膏肓於必死之時善說法要罔涉離微不起于座而變荆棘林爲梵釋龍天之宮而無作無爲神澄定靈雪頂眉良工幻出今不許僧繇知虛堂張挂今梁寶公猶迷箇是天童老古錐妙喜知音更有誰

普明琳和尚

觸處無礙得大自在達磨春梁釋迦腦蓋夫是之謂普明老人敢與諸塵作對者也

大慧普覺禪師讚佛祖終

大慧普覺禪師自讚

李參政請讚

漢老

這漢沒量罪過不合引惹措大被渠笑裏藏刀殺却吾祖達磨不知有底冤讐一向興災作禍果上座諾惺惺著莫教話墮

吳提刑請讚

元昭

這箇村和尚少人能近傍黑漆麤竹篋佛來也一棒沒秋毫人情有萬千無狀慈悲時觀音菩薩之所不如瞋恚時阿脩羅王亦難比況世上可憎可惡者是這般底阿師如何也有人畫渠供養

鄭學士請讚

明尚

天童覺和尚

七

叅得圓悟禪擔起睦州版透過祖師關暗却頂門眼肚裏黑漫漫心中平坦坦性氣得人憎發時渾不管鞏縣茶餅喫一槌擊碎饒州白瓷盃

蔡郎中請讚

應子

賦性暴舉止傲說甚禪談甚道有箇沒意智歎郎隨例妄想顛倒蔡郎中還見麼若也當面諱却便是監主自盜

蔡宣教請讚

正卿

手裏指東畫西口中胡說亂道生慣打葛藤天真不屬做造有箇蔡正卿時時來著到水流濕火就燥馬面團圓隨人所好

蔡宣教請讚春卿

咄哉無知半憨半癡黑豆換人眼睛十分愛討便宜
一朝死入地獄定墮饒湯泥犁佛也救你不得任你
鳳林吒之

諸大夫請讚倫彦

雲門妙喜真雲臺居士畫利鈍不相資展向虛堂挂
妙喜利中鈍鈍得顚顚雲臺鈍中利利得脫灑如今
利鈍都挂壁師子躡身絕蹤跡蹤跡無便塗糊一時
分付諸大夫唵摩尼達里悉利蘇盧

趙通判請讚禮邦

謂汝是善人耶嫉惡之太甚謂汝是惡人耶好賢而

大慧普覺禪師語錄卷十二

大

樂善而於善惡兩塗之間了無遺恨 好箇自是漢

高談無畔岸成佛作祖且緩緩這一則公案分付趙

通判

許司理請讚壽源長老代請

湛不搖處正好著力欲識吾真出陰界入一毛端頭
師子返擲赤肉團上萬仞壁立冲密湛然知不知鐵

牛生得玉猫兒

廖知縣請讚李

我讚我真孰能委悉火風煥動地水堅濕俱屬現量
擬心則失就而明之是妄非實背而捐之土木瓦石
吾說是言如箭射的離此別求幻惑無識

朱主簿請讚

龐老曾升馬祖堂西江吸盡更無雙而今妙喜朱居
士覷面分明不覆藏

聞監務請讚清子

謂汝太惺惺時復放濕漚謂汝太樞急間或又容物
既作人天師開口便輕忽莊嚴賢劫中且無如此佛
寄語聞子清莫信這箇賊

唐道人請讚

這尊慈無摸捺忽地喜忽地惡喜也和氣如春百華
開萼怒也雷電風雲一時俱作似恁麼做處若非阿
脩羅王卽是金僊大覺唐道人緊收却逢人不用展

大慧普覺禪師語錄卷十二

大

開卷來送在壁角

江令人請讚少明宅

渠本宣州人生緣在寧國前不尊釋迦後不敬彌勒
家貧無飯噉出家去投佛行脚走諸方江南徧江北
纔叅臨濟禪便作白拈賊眼裏有腫人肚中無點墨
還如跛阿師說得行不行

無著道人請讚

汝求吾之讚復讚吾之真大海絕涓滴須彌無一塵
以訐爲直而非直以察爲明而非明象王回旋師子
嘯呻性不可會瞥喜瞥瞋與佛祖爲冤敵與魔外爲
親姻自是其是而人不汝是自神其神而人不汝神

如此爲人善知識少喫酸醋三五升

超宗道人請讚

一條白棒佛祖俱打超宗禪人大膽不怕晝我來乞讚鬼門上帖卦三十年後此話大行任一切人鑽龜打瓦

舟峯長老求讚

蕭蕭灑灑有取有捨磊磊直直無真無假客來須看賊來須打一條竹篋天上天下背觸當鋒任人酬價咄哉村僧少說大話龜年收取挂高堂從佗讚歎從佗罵

鼎需禪人求讚

身心一如身外無餘咄這瞎驢付與鼎需

蘊聞禪人請讚

蘊聞聞自性自性離聞蘊吾真亦復然迥超千聖頂用宣禪人請讚

宣傳吾真吾爲宣說眨上眉毛大巧若拙

思岳禪人求讚

兩耳卓朔口門窄兩眼皮薄鼻露竅一生舌本謾瀾翻何曾唱得胡家調

悟本禪人求讚

一千七百癡衲子圍遶這箇無明叟細膩渾沒一星兒纔慥却有七八斗未嘗寂寂入禪定終日波波流

下走爲人巴鼻亦好笑更不容人謾開口盲伽瞎棒

當慈悲是與不是劈脊婆如斯上法作宗師狂續

牟尼子孫後本禪千萬莫學伊學伊和你不啾啾

法寶禪人求讚

這無狀世間稀住佛屋著佛衣噯佛飯說佛非多忿怒少慈悲盡得似差毫釐寶禪者應自知

守淨禪人求讚

瞋恚癡未除意識顛倒談禪信口開舌頭胡亂掃其施汝者不名福田供養汝者墮三惡道箇是雲門村僧卽非杜撰長老

遵璞禪人求讚

臨濟燒黃檗禪版香嚴哭瀉山拄杖雲門村叟效顰也作這般伎倆作麼生是這般伎倆咄傳來鐵鉢盛

貓飯磨衲袈裟入墨盆祖翁活計都壞了不知將底付兒孫

僧鷄禪人求讚

這漢一生空倔彊偏向人前放輓頑涅槃路上栽荆

棘解脫門前緊著關不別法身三種病豈識楞嚴義

八還謾把少林無孔笛等閑吹過汨羅灣

正言禪人求讚

虛空裏揣出骨閃電中作窟窿有問妙喜家風此外更無別物

祖傳禪人求讚

磊苴全似川僧蕭灑渾如浙客偏向情未生時拈出
報慈一隔專性不定莫可窺測見小時嫌熾螟眼太
寬見大時謂太虛空忒窄似這般底阿師如何受人
天供養好與劈腮一捆

妙道禪人求讚

這村僧無明大小柔和多褊隘愛罵人舌頭快受佛
蔭破佛戒不精進常懈怠謗般若彌天罪入地獄未
不悔聞者憎見者怪攪叢林尤巨耐虛銷信施三十
年異世出頭償夙債就中只有一處長解道雞嶼洋
無蓋

不密禪人求讚

至

冲密禪人求讚

佛祖有密語有說卽不密密禪畫吾真密意已漏泄
如析梅檀香片片體非別密意在其中密亦如是說
文俊禪人求讚

咄這擔版漢從來無所知曾經一頓飽忘却累年飢
動便觸人諱拍盲不識時平生及活計赤手討便宜
如本禪人求讚

真芳妄芳兩孤作對待芳偏枯水凌虛而風靜芳月
非無卽妄卽真芳毒藥與醍醐到此誰人識得渠
法宏禪人求讚

不曾動著舌頭葛藤已徧天下等閑一擊虛空隨手

便成縫罅法宏貌得吾真彷彿鎮州普化我今寫讚
上頭要作叢林佳話

德光禪人求讚

有德必有光其光無間隔名實要相稱非青黃赤白
參徹佛祖頂顙禪不是等閑相誑嚇我所參得底只
要涅槃堂裏用且不聽杜撰禪師三千八百畫吾爲
作證明佗年將作軌格

若懷首座求讚歸洋嶼菴

吾於閩有大因緣夜夢畫思無間然佗日定歸洋嶼
去楞伽室內作終焉

雪峯空長老求讚

不密禪人求讚

至

慧空抓著吾痒處吾嘗割著伊痛處痛處痒處痛
不與千聖同途豈與衲僧共用莫言掃帚竹裏無錢
筒蒿枝叢林無梁棟雖然家醜不可外揚也要諸方
眼目定動而今各自不得已一任畫出這般不啣留
底老凍驢但將懸向壁角落頭使來者瞻之仰之晝
夜六時燒炷樓婆畢力迦沈水栴檀之香作七代祖
翁之供

師昭長老求讚

畫得百千本都盧抵這是師昭好承當揚岐第七世
禪人求讚

咄哉滅胡種面目真可惡過橋便拆橋得路便塞路

雖欲溫柔和畢竟觸人怒萬事類如此誰敢相親附
乞兒囊本空常誇敵國富聞說閻羅王未免生怕怖
休更放大言嫌佛不肯做

鄒搜欽似天丞棄輕輕觸著便煩惱身著如來三事
衣口中誇佛法僧寶從來纖芥不與人一毫不就佗
人討驀然合眼入黃泉定須聒譟閻羅老

上無片瓦蓋頭下無卓錫之地赤骨髑髏渾身與人
爭甚閑氣些子無明不奈何說甚祖師西來意
鐵蛇在握毒氣爍爍擬議不來劈口便著

秉炬入塔

爲彥維那下火

金鑑卷上

五

這箇上座了五蘊性空悟諸法無我纔覺四大乖違
知是收因結果預於三兩日前洗浴剃頭親寫遺言
問我乞一把火不顧頂後萬里神光豈戀目前玄關
金鎖無明業識凝團一一從頭點過如此了事衲僧
世間能有幾箇彥維那既恁麼更有一事須說破若
到天台鴈蕩遊傳語嵩山破竈墮

爲充禪人下火

充平日唯頂一大笠

人人皆有四大充禪獨有五大地水火風之餘更有一
枚笠大此笠內空外空內外空包含欲界色界無
色界說甚須彌鐵圍江河大海萬象森羅總在裏許
無迫無隘而今四大已乖張唯有笠大鎮長在這笠

大甚奇怪一唱兩唱三唱貴亦不賣賤亦不賣畢竟
如何打與充禪同人火光三昧

爲法燈監寺下火

以火炬指龕云這箇是已滅底法燈復舉起火炬云
這箇是無漏底智火無漏智火法燈然也滅也無
不可燈監寺還知麼灰飛煙滅後優曇華一朵

爲超禪人下火

山下麥黃蠶已斷一隊死人送活漢活人身似鐵金
剛卽今再入紅鑪鍛

爲月禪人入塔

捧起骨云靈山話月曹谿指月妙喜今朝捧月子細

金鑑卷上

五

窮究將來一時未得勦絕何以故却被這箇阿師盡
把機關漏泄既漏泄看看又是中秋節無物堪比倫
教渠自家說

爲益照二禪人入塔

呈起左手骨云這箇是眉州益呈起右手骨云這箇
是饒州照一人會禪一人會教雖然各自行畢竟同
時到且道同時到底事作麼生誰家別館池塘裏一
對鴛鴦畫不成

師臨示寂親書遺奏畢侍僧乞留頌師厲聲曰無頌
便死不得也乃大書云

生也只恁麼死也只恁麼有偈與無偈是甚麼熱大

大慧普覺禪師讚佛祖卷第十一
音釋

[illegible]

大慧普覺禪師普說卷第十三

徑山能仁禪院住持嗣法慧日禪師臣蘊聞上進

師到雪峯值建菩提會請普說問話畢乃云菩提宿
將坐重圍劫外時聞木馬嘶寸刃不施魔膽碎望風
先已豎降旗雪峯法窟真歇場中人人懷報佛報祖
之心箇箇抱安國安家之略智如鷺子辯若滿慈雲
門今日到來只得結舌有分然官不容針私通車馬
旣到這裏不可徒然略借主人威光與大衆赴箇時
節遂拈起拄杖云還委悉麼天高羣象正海闊百川
朝卓一下復云大凡參學之士須遇本分人始得若
不遇本分人只是箇掠虛漢只如適來上座問芭蕉

拄杖子諱本分答佗却理會不得如今諸方多少錯
商量學家既眼不明出來伸一問禪牀上瞎漢將合
頭語祇對便道扶過斷橋水伴歸明月村一句來一
句去道我答得玄答得妙學者不識好惡望向皮袋
裏將去到處合合得著則倒來印可宗師合不著便
將這般不村不淨蘊在胃襟輕薄好人作地獄業你
看佗真歇說禪都不計較據學人問處信口便說更
無滯礙自然如風吹水只爲佗實見實說如普賢菩
薩從佛華莊嚴三昧起普慧菩薩如雲興致二百問
普賢菩薩如鉅瀉以二千酬又何曾思量計較來蓋
得法自在稱法性說如今人不曾親證親悟只管百

大慈論針卷十三

1144

般計較明日要陞座一夜睡不著這箇冊子上記得兩句那箇冊子上記得兩句闢闢湊湊說得一片如華似錦被明眼人冷地覷見只成一場笑具奉勸諸人明眼宗師難逢難遇旣得遭逢如靠一座須彌山相似直須退步放下許多人我無明從前冊子上記持學得底換置一邊不要彊作主宰佗時異日閻羅老子打鬼骨臀便是打這般彊作主宰底不是雲門謾你諸人這話有分付處而前頓却一千五百人善知識爲你作證不向這裏說更向何處說所以此事決定不在言語上若在言語上一大藏教諸子百家徧天徧地豈是無言更要達磨西來直指作麼畢竟

甚麼處是直指處你擬心早曲了也如僧問趙州如何是祖師西來意州云庭前柏樹子這箇忒殺直又僧問洞山如何是佛山云麻三斤又僧問雲門如何是佛門云乾屎橛這箇忒殺直你擬將心湊泊佗轉曲也法本無曲只爲學者將曲心學縱學得玄中又玄妙中又妙終不能敵佗生死只成學語之流本是箇無事人却返被這些惡毒在心識中作障作礙不得自在所以教中道法不可見聞覺知若行見聞覺知是則見聞覺知非求法也喻似有人問城中路從甚麼處去指云從這裏去聞說便行早曲了也這箇如何將知見解會計較得失玄妙是非底心去學得

大慧普覺禪師語錄卷十三

无

你要真箇參但一切放下如大死人相似百不知百不會驀地向不知不會處得這一念子破佛也不奈你何不見古人道懸崖撒手自肯承當絕後再蘇欺君不得諸人既來雪峯參禪切不可容易此是明眼宗師可以依附堪爲法式或者見真歇勸人發菩提心生謗議云既稱禪師自有宗門本分事只管勞攘却如箇座主相似我且問你那箇是本分事苦哉自既不能爲善返笑佗人爲善這般底人我生戒嫉妬不除自是其是善知識既不勸人發菩提心不可教人殺人放火去這箇曲录木牀上不是你討名討利嫉妬生戒之處以道眼觀之如鑊湯鑪炭劍樹刀山

一般擊動法鼓諸天龍神齊集道眼不明諸天龍神見你口吐黑煙寧不怖畏豈不見教中道未得謂得者是增上慢謗大般若人不通懺悔譬如窮人妄號帝王自取誅滅况復法王如何妄竊因地不真果招紆曲須是真實始得夫稱善知識者引導一切衆生令見佛性當須觀根設教應病與藥不可對三家村裏人說拄杖子朝到西天暮歸東土扇子趂跳上三十三天築著帝釋鼻孔東海鯉魚打一棒雨似盆傾去也雖是本分說話教佗如何理會這老漢你禪和子尚自覓佗縫罅不得况佗俗人處身塵網現行無明若無善巧方便接引令其純熟如何便領會得此

大慧普覺禪師語錄卷十三

无

會盡是一二十程拋家遠來一人入社發心轉化多人爲善寧無利益這箇是善知識本分合做底事豈是彊爲雲門今夏在廣因開箇燈心皂角鋪子隨家豐儉說些禪室中問學者一句子如不思量計較天真自然道得一句更與一拶擬議不來劈脊一棒別無細膩忽然打發一箇半箇却教上來雪峯就大鑪鑪事同一家早來真歇舉世尊入舍衛大城乞食飯食訖收衣鉢洗足已敷座而坐須菩提出衆作禮曰希有世尊真歇云釋迦老子幸自可憐生被須菩提提出來道箇希有當下冰銷瓦解解好大衆釋迦老子未曾說一字須菩提見箇甚麼便道希有諸人要會

麼但向真歇冰銷瓦解處看忽然看得破一生叅學事畢只如真歇尋常見學者多認目前鑑覺求知見覓解會無有歇時不得已教人向劫外承當據實而論這一句已是多了此是一期方便如指月示人當須看月莫認指頭如今人理會不得將謂實有恁麼事祖師所謂錯認何曾解方便既不識方便語便向燃燈佛肚裏坐黑山下鬼窟裏不動坐得骨臂生胝口裏水漉漉地肚裏依前黑漫漫地驢年夢見麼雲門今夜對人天衆前合諸聖說話各自記取言多去道轉遠適來真歇有一段公案未了雲門爲佗結絕却昔有一老宿訪臨濟纔相見提起坐具云禮拜卽

大慧普覺卷三

三

是不禮拜卽是臨濟喝宿便禮拜濟云這賊宿云賊賊便出濟云莫道無事好首座侍立次濟云還有過也無座云有濟云賓家有過主家有過座云二俱有過濟云過在甚麼處座便出濟云莫道無事好師云臨濟暗中輸了一籌却向明中贏得一著雖然有輸有贏有明有暗爭奈傍觀者醜且道誰是傍觀者良久云若到諸方不得錯舉

定光大師請普說僧問一法若有毗盧墮在凡夫萬法若無普賢失其境界去此二塗請師速道師云脫殼烏龜飛上天進云親切已蒙師指示一句無私利有情師云作麼生是親切處進云昨夜清風生八極

今朝流水漲前谿師云洎不問過乃云諸佛本不曾出世亦復無有般涅槃以本自在大願力示現無邊希有法是法不可以思惟究竟非心所行處既非心所行卽非希有法既非希有法此法無實亦無虛既無虛實喚作有亦不得喚作無亦不得喚作亦有亦無亦不得喚作非有非無亦不得喚作非非有非非夫萬法若無普賢失其境界去此二塗請師速道雲門答佗道脫殼烏龜飛上天諸人且作麼生辨明爲是有耶是無耶是虛耶是實耶試出來道看如無更引些葛藤所以先聖道有時先照後用有時先用後

大慧普覺卷三

三

照有時照用同時有時照用不同時若也先照後用則瞎一切人眼若也先用後照則開一切人眼若也照用同時則半瞎半開若也照用不同時則全開全瞎此四則語有一則有賓無主有一則有主無賓有一則賓主俱無有一則全具賓主卽今衆中或有箇不受人謾底漢也來道這裏是甚麼所在說有說無說虛說實說照說用說賓說主攔胃擗住拽下禪林爛樵一頓也怪佗不得還有恁麼人麼如無杓柄却在雲門手裏放行把住說有說無說虛說實說照說用說賓說主總由這裏且道卽今放行好把住好良久云開人眼瞎人眼一手推一手挽不是三要二玄

亦非四種料揀畢竟是箇甚麼舉拂子云雪峯親毬
睦州擔板復云諸人總道來這裏叅禪我且問你禪
作麼生叅既爲無常迅速生死事大已事未明求師
決擇要得自己明白心地安樂不是兒戲而今人箇
箇道我怕死叅禪來叅去日久月深打入葛藤窠
裏只贏得一場口滑於自己分上添得些兒狼藉返
不如未入衆時却無許多事此蓋未上一錯不遇好
人遞相沿襲以致如此近來佛法可傷魔彊法弱禪
和家每人有一肚皮禪到處鬪百草相似驢年得休
歇麼尋常向你諸人道祖師西來只是作得箇證明
底人亦無禪道傳與人若有禪道可傳則各自傳與

大慧普覺禪師語錄

主

父母傳與六親眷屬去也既無可傳須是當人自悟
始得你擬心求悟早錯了也豈况多知多解恣意亂
統不見香嚴和尚在百丈會裏直是聰明靈利數年
叅禪不得只爲多知多解百丈遷化後到潞山山云
我聞汝在百丈先師處問一答十問十答百此是汝
聰明靈利意解識想生死根本父母未生時試道一
句看香嚴被潞山一問直得茫然却歸寮中將平日
看過底文字從頭檢過要尋一句可將酬對竟不能
得乃自歎曰畫餅不可充飢屢上堂頭乞潞山說破
山云我若說似汝汝已後罵我去我說底是我底終
不干汝事香嚴奈何不得肚裏只管悶又怪潞山不

爲佗說破遂將平昔所集文字以火焚却曰休休此
生不學佛法也且作箇長行粥飯僧免役心神從此
一時放下禪也不思量道也不思量善也不思量惡
也不思量父母未生時底也不思量即今底也不思
量四楞著地一切放下便辭潞山直過南陽觀忠國
師遺跡遂憩止卓菴一日芟除草木因礙瓦礫然
擊著一竿竹作聲不覺打著父母未生時鼻孔當時
如病得醫如暗得燈如貧得寶如子得母歡喜無量
遂沐浴焚香遙禮潞山歎曰和尚大悲恩逾父母當
時若爲我說破豈有今日事乃有頌曰一擊亡所知
你看佗得底人發言自是不同初聞擊竹作聲忽然

大慧普覺禪師語錄

主

大悟所悟底心便絕消息如彌勒彈指樓閣門開命
善財入善財心喜入已還開便是這箇道理香嚴悟
處既絕消息父母未生時事頓爾現前纔作箇頌子
便有爲人底方便下面註曰更不假修治動容揚古
路不墮悄然機處處無蹤跡聲色外威儀諸方達道
者咸言上上機多見禪和子愛去到處問長老老
家無著口處便爲佗解說你怕佗香嚴說得未分曉
在更要註解又有一般人也道因擊物作聲有箇悟
處或問佗你試說看便擊物作聲曰多少分明有甚
麼交涉大似隔鞞使拳頭爬痒如何得快活去又不
見昔日俱胝和尚住菴時因一尼戴箇笠子直來遶

佗繩牀一布云道得卽放下笠子俱胝當時道不得
尼拂袖便行俱胝云何不且住尼云道得卽住俱胝
又無語尼去後俱胝自歎云我雖是箇丈夫漢却不
如箇婦人便要燒菴下山忽夜夢神人曰和尚不須
下山且候當有肉身大士來爲和尚說法也過數日
果見天龍和尚到來俱胝遂舉前語似之天龍曰你
問我我與你道俱胝曰道得卽放下笠子天龍遂豎
起一指俱胝忽然大悟後凡有所問只豎一指每曰
我得天龍一指頭禪一生受用不盡瑯琊覺和尚嘗
有頌曰俱胝一指教君知朝生鷄子搏天飛若無舉
鼎拔山力千里烏騅不易騎你看這一頌便是會得

六六
大慧普覺禪師語錄卷一三

三五

這一指頭禪分曉也這箇如何學得俱胝身畔有一
供過童子每見人問佗事也學豎指祇對有人謂俱
胝曰和尚這童子也不可得亦會佛法凡有人問佗
皆如和尚豎指俱胝聞得一日潛將一柄刀在袖中
喚童子近前來聞你也會佛法是否云是俱胝曰如
何是佛童子便豎起指頭被俱胝捉住以刀斫斷童
子叫喚走出俱胝遂喚童子童子回頭俱胝曰如何
是佛童子不覺將手起不見指頭忽然大悟奇哉信
知佛法不可傳不可學俱胝得處不在指頭上香嚴
悟處不在擊竹邊且道在甚麼處一時說了也諸人
還會麼此事非難非易差之毫釐失之千里奉勸諸

人退步自看一切現成便請直下承當不用費力你
擬動一毫毛地便是千里萬里沒交涉也諸人旣在
這裏須生慚愧不得容易過時若不存誠般若中將
甚麼銷佗信施不見分陽無業禪師曰看佗古德道
人得意之後茅茨石室向折脚鐺中煮飯喫過三二
十年名利不干懷財寶不爲念大忘人世隨跡嚴叢
君王命而不來諸侯請而不赴豈同我輩貪名愛利
汨沒世塗如短販人有少希求而忘大果灼然兄弟
那時早有如此說話也更教佗見我輩如今做處也
好慚惶殺人兄弟光陰可惜時不待人各自打辦精
神打教徹去亦不虛受佛蔭亦不辜負平生學道之

三六
大慧普覺禪師語錄卷一三

三五

志近日道上座自雪峯來再三求入室云直爲無常
迅速生死事大已事未明欲乞開示因舉馬祖不是
心不是佛不是物教渠看更與佗註解一徧不得作
道理會不得作無事會不得作擊石火閃電光會不
得向意根下卜度不得向舉起處承當不是心不是
佛不是物合作麼生渠遂疑著更不敢開口今日却
來燒香禮拜曰妙道學般般多有魔障欲請今晚爲
對人天衆前舉揚般般若以憑懺悔願法界一切有情
皆得頓悟甚深般若同報佛恩雲門曰古聖有言怖
心難生善心難發自未得度先度人者菩薩發心旣
知怖罪回心向道此亦希有遂從其請爲渠懺悔且

罪性不在內外中間將甚麼懺然無有有罪底聖人亦無無罪底凡夫凡夫造罪皆自妄想心起都無實體雖無實體受報時亦須妄受如影隨形不可逃避雖妄受報亦無實體所以道若罪性有體則盡虛空界不能容受何故爲凡夫造罪者多今道上座發一念心欲直取無上佛果菩提此心一發所作之罪如積乾草高須彌山所發之心如芥子許火悉能燒盡無有遺餘還信得及麼此一念心既發當時成佛已竟盡未來際永不退失以何爲驗不見教中天帝釋白法慧菩薩曰佛子菩薩初發菩提之心所得功德其量幾何法慧菩薩曰此義甚深難說難知難分別

法華經卷十三

法華經卷十三

難信解難證難行難通達難思惟難度量難趣入雖然我當承佛威神之力而爲汝說假使有人以一切樂具供養東方阿僧祇世界所有衆生經於一劫然後教令盡持五戒南西北方四維上下亦復如是於意云何此人功德寧爲多不天帝釋言此人功德唯佛能知其餘一切無能量者法慧曰此人功德比菩薩初發心功德百分不及一一分不及一百千分不及一如是億分百億分千億分百千億分乃至阿僧祇分無數無量無邊不可說分不可說不可說分亦不及一次第引衆生欲樂邊際諸根差別從十至百從百至千從千至萬從萬至億從億至不可說不可

說阿僧祇數衆生盡令持五戒十善乃至第二人復倍前人之數展轉至百人一人倍一人之數盡令證須陀洹斯陀含阿那含阿羅漢辟支佛果所得功德比菩薩初發心功德百分不及一乃至不可說諸數譬喻亦不能及盡其譬喻無較量處何故此一念心與三世諸佛平等無二無別故梵語懺摩此云悔過謂之斷相續心一懺永不復造此心一發永不退失若能直下無心去初發心功德比無心功德百分千分百千分百千萬億分乃至算數譬喻不可說不可說阿僧祇分亦不及一何故初發心時與三世諸佛平等故此心尚無三世諸佛向甚處摸捺所以一念

法華經卷十三

法華經卷十三

無心功德又無較量處若爾則亦無生亦無死亦無聖亦無凡亦無人亦無我亦無佛亦無法若能如是見得是真懺悔道上座既具大丈夫志氣決定要參禪但恁麼參須是豁然大悟去直下無心方得安樂若不悟只是口頭道得幾箇無無更引些古人說無處錯證據了便道我得休歇我且問你還歇得也未乃是將心無心若將心去無心心却成有如何硬無得古聖詞爲落空亡底外道魂不散底死人誇大般若不通懺悔雖是善因而招惡果這般見解如稱麻竹葦打殺百千萬箇有甚罪過這般底智取有一肚皮疑在若自無疑始有方便爲他人決疑若自有疑如

何為人除得疑擬欲除佗疑再與佗添得一重疑所

謂我眼本正因師故邪諸人要知自無疑能與人除

疑者麼昔世尊在靈山會上說法有五百比丘得四

禪定具五神通未得法忍以宿命智通各各自見過

去世時殺父害母及諸重罪於自心內各各懷疑於

甚深法不能證入是時又殊知衆疑怖承佛神力遂

手握利劍持逼如來世尊乃謂文殊曰住住不應作

逆勿得害吾吾必被害爲善被害文殊師利爾從本

已來無有我人但以內心見有我人內心起時我必

被害卽名爲害於是五百比丘自悟本心如夢如幻

大慧普覺禪師語錄卷十三

三六

比丘同聲說偈讚文殊曰文殊大智士深達法源底

自手握利劍持逼如來身如劍佛亦爾一相無有二

無相無所生是中云何殺大衆文殊雖然爲衆決疑

費力不少雲門今日爲道上座決疑且不用利劍只

有箇不是心不是佛不是物若向這裏疑情脫去天

下橫行若不然者聽取箇註脚一刀截斷生死路摩

醯正眼頂門開無邊業障俱銷殞畢竟如何寒山拾

得在天台以拂子擊禪牀一下喝一喝下座

大慧普覺禪師普說卷第十三

校訛
二十七葉 明南作 ○三十四葉 又誤作人從
第三行 無 第三行 南改正

音釋

聖測六切 臂枕渾切 踣跳滿切 跳跳滿切 鑪鉅古切 鑪鉅古切 鑪鉅古切

也輔蒲拜切 踣跳滿切 跳跳滿切 跳跳滿切 跳跳滿切 跳跳滿切

爬蒲巴切 馬馬黑切 馬馬黑切 馬馬黑切 馬馬黑切 馬馬黑切

大慧普覺禪師普說卷第十四

大慧普覺禪師語錄卷十四

三九

徑山能仁禪院住持嗣法慧日禪師臣蘊聞上進

黃德用請普說師云邵武高士黃端夫信向佛乘知

有此事捐家財起菴一所以圓悟揭名屢有書來乞

分楊岐一枝佛法去彼爲衆生作大利益雲門不敢

容易諾之又託吳元昭學士再三懇禱亦未敢輕許

不幸端夫忽爾化去聞啓手足時呼其二子再三囑

之曰若爲吾於雲門請得一本分住菴人則死無遺

恨矣言訖長往二子不忘遺訓求元昭學士撰疏遣

專使請彌光禪人作菴主見其至誠遂令應命今德

用昆仲特詣當菴揮金辦供命山僧普說舉揚宗旨

以答諸聖加被之恩且與甚麼作宗旨又如何
舉揚近代佛法可傷邪師說法如恒河沙各立門風
各說奇特逐旋捏合疑誤後昆不可勝數參禪者既
不具擇法眼爲師者又道眼不明以至如是雲門初
與元昭不相識頃在江西見渠跋所施華嚴梵行品
自言於梵行品有悟入處不疑天下老師占頭那時
已得其要領卽與兄弟說此人只悟得箇無梵行而
已已被邪師印破面門了也雲門若見須盡力救他
及乎在長樂相見便來咨問入室卽時將渠悟入處
只兩句斷了曰公所悟者未嘉所謂豁達空撥因果
莽莽蕩蕩招殃禍耳更爲渠引梵行品中錯證據處

六慧覺禪師語錄卷十四

單

曰於身無所取於修無所著於法無所住過去已滅
未來未至現在空寂無作業者無受報者此世不移
動彼世不改變此中何法名爲梵行梵行從何處來
誰之所有體爲是誰由誰而作爲是有爲是無爲是
色爲非色爲是受爲非受爲是想爲非想爲是行爲
非行爲是識爲非識如是觀察梵行法不可得故若
依此引證謂無梵行是真梵行則是謗大般若入地
獄如箭射更爲渠說而今諸方邪師輩各自言得
無上菩提各說異端欺胡謾漢將古人入道因緣妄
生穿鑿或者以無言無說良久默然爲空劫已前事
教人休去歇去歇教如土木瓦石相似去又怕人道

坐在黑山下鬼窟裏隨後便引祖師語證據云了
常知故言之不可及歇得如土木瓦石相似時不是
冥然無知直是惺惺歷歷行住坐卧時時管帶但只
如此修行久久自契本心矣或者以脫去情塵不立
窠臼爲門戶凡古人公案舉了早會了也或師家問
不是心不是佛不是物你作麼生會便云和尚不妨
惺惺或云和尚甚麼處去來或云不可矢上更加尖
或云謾却多少人或再舉一徧云不是心不是佛不
是物凡問佗古人因緣皆向舉起處承當擊石火閃
電光處會舉了便會了凡有所問皆不受喚作脫灑
自在得大快樂或者以三界唯心萬法唯識爲主宰

六慧覺禪師語錄卷十四

單

引一類古人相似處作證明以眼見耳聞爲得力處
凡通入處未有不由見物而悟者未有不由聞聲而
悟者凡有施設倣效古人相似處有人問話只黏定
學家問頭便答謂之言下令無生正如福州人聯麻
相似喚作綿密不落情塵如僧問古德如何出得三
界去云把將三界來爲你出或云喚甚麼作三界或
云會得這僧問頭出三界也不難如僧問法眼如何
是曹源一滴水答云是曹源一滴水慧超咨和尚如
何是佛答云汝是慧超引如此之類作證乃全是全
不是又如論藥山夜間示衆云我有一句子待特牛
生兒卽向汝道有僧出衆云特牛已生兒也自是和

尚不道藥山云點燈來其僧便歸衆後來法燈出語云且道生底是牯牛是特牛自代云雙生也商量時亦作言下作無生會藥山云我有一句子待特牛生兒便是道了也所以這僧領得便出來道特牛已生兒也自是和尚不道直是綿密不露鋒鋷法燈微云且道生底是牯牛是特牛又自代云雙生也亦只作言下合無生會云佗自問牯牛特牛乃自代云雙生也更無少剩佛眼也覷不見將此等語作以的破的不露鋒鋷不費氣力會又如古人指一片石問學者云此一片石在内心在心的外答云在心的内古德云你著甚死急内心著一片石衆中商量云不合以内外

大慧普覺禪師語錄

聖

答佗若以内外答則法有少剩矣出語云大好一片石或云痛領一問或云喚甚麼作一片石或云諾諾或云在法堂前或云謝師指示或云和尚還識甚麼或云鈍置殺人凡答如此話只以一句包却謂之綿密謂之不走作如此之見叢林甚多或者謂一切語言總不干事凡舉覺時先大瞠却眼如小兒患天平等見神見鬼一般只於瞠眉努眼處領略更錯引古人言句證據曰舉不顧即差互擬思量何劫悟舉時須要以眼顧視只是以古人言句提撕一徧喚作不在言句上如栢樹子洗鉢孟麻三斤之類若過得一箇時餘者撥牌子過更不費力如此之類比擊石火閃

常光底只添得箇瞠眉努眼而已亦各自謂得祖師巴鼻莫謗佗古人好如舉僧問雲門如何是透法身句門云北斗裏藏身你作麼生會學者即大瞠却眼云北斗裏藏身師家或權爲沮抑學者又連叫數聲云北斗裏藏身北斗裏藏身以謂把得定作得主不受轉喚師家奈何不下亦喚作實頭方始問其意旨如何遂下語云佛眼也覷不見或云舉頭天外看或問如何是祖師西來意庭前栢樹子即下語云一枝南一枝北或云能爲萬象主不逐四時凋已上盡在瞠眉努眼提撕處然後下合頭語以爲奇特凝漢不可瞠眉努眼時便有禪不瞠眉努眼時便無禪也

大慧普覺禪師語錄

聖

不可提撕時便有禪不提撕時便無禪也或者見雲門如此說便又錯會云提撕時也是不提撕時也是更無兩般似這般底更是救不得或者都不理會纔說著佛法說著悟處便是發狂更錯引古人言句云本無迷悟人只要今日了凡古人因緣謂之設權亦謂之建立實頭底只在不作佛法商量處凡有問答一據實祇對平常無事天是天地是地露柱是木頭金剛是泥塑飢來喫飯困來打眠更有何事豈不見真淨和尚云莫將無事會無事困人心往往中無事毒者却以此言爲非或者見古人公案不可以理路商量處便著一轉沒交涉底語一應應過謂之玄

妙亦謂之不涉義路亦謂之當機透脫如僧問趙州萬法歸一一歸何所州云我在青州作一領布衫重七斤之類多少人錯商量云這僧致得箇問頭奇特不是趙州有出身之路便奈何不得云萬法歸一一更無所歸若有所歸卽有實法所以趙州識得破當機妙用一應應過云我在青州作一領布衫重七斤多少奇特或者商量道萬法歸一一歸何所一若無所歸卽落空去所以趙州道我在青州作一領布衫重七斤趙州這一轉語直是奇特不落有無答得甚妙或者謂雲門如此說只是怕人執著若不執著便是祖師心要只要得是事不著自由自在非離真而

金鑑卷十四

四

立處立處卽真更有甚麼事或問佗父母未生時如何是你本來面目便云無侍者祇對和尚將箇業識作本命元辰如此之流盡是癡狂外邊走又有一般底自知道眼不明禪不取信於人無以開示學者自來又不曾聽教旋於座主處作短販連得一言半句狐媚聲俗臨濟和尚曰有一般瞎禿兵向教乘中取意度商量成於句義如將屎塊子口中含了却吐與別人直是叵耐元昭初見如此說心中雖疑口頭甚硬尚對山僧冷笑當晚來室中只問渠箇狗子無佛性話便去不得方始知道衆禪要悟在長樂住十日二十徧到室中呈盡伎倆奈何不得方始著忙山僧

實向渠道不須呈伎倆直須啐地折瀑地斷方敵得生死呈伎倆有甚了期仍向渠道不須著忙今生參不得後世參遂乃相信便辭去隔十餘日忽然寄書來并頌古十首皆山僧室中問渠底因緣書中云在延平路上驀然有省某終不敢自謾方信此事不從人得其中一首曰不是心不是佛不是物通身一串金鎖骨趙州參見老南泉解道鎮州出蘿蔔山僧甚是疑著時光禪便問據此頌還了得生死否雲門向渠道了得了不得却請問取元昭去比得光禪書云學士相見盡如和尚所說大衆且道說箇甚麼喫疑殺天下人具服者辨取今時參禪者不問了得生死

金鑑卷十四

四

了不得生死只求速效且要會禪無有一箇不說道理如檀越給事見其愛說道理遂將箇沒道理底因緣與渠看僧問雲門如何是佛門云乾屎橛又恐渠作道理會先與渠說不得云道在屎溺道在穉穉道在瓦礫卽色明心附物顯理不得道處處真塵塵盡是本來人之類渠看此話奈何不下用盡氣力去看終看不破忽然一日省得此事不可以道理通便道我有箇悟處遂連作數頌來呈見解一曰大虛寥廓疆爲名任是僧繇畫不成何用尋源問端的都無一法可當情又曰到家豈復說塗程萬木春來自向榮若遇上流相借問扶桑東畔日輪生又曰羶羊過後

絕追尋妙訣空傳在少林開把無弦彈一曲清風明月兩知音又曰撒手懸崖信不虛根塵頓盡更無餘始知佛法無多子向外馳求轉見疎山僧向渠道作得頌也好說得道理也只是去道轉遠渠不甘又作一頌曰切忌談玄說妙那堪隨聲逐色和這一概掃除大家都無見識又有書來云看此話直得言語道斷心行處滅無言可說無理可伸不起纖毫修學心百不知百不會不涉思惟不入理路直是安樂山僧又向渠道這箇是出格底道理若是乾屎橛話如此說得落時如鋸解秤鎚麻三斤狗子無佛性一口吸盡西江水不是心不是佛不是物有句無句如藤

大慧普覺禪師語錄卷十四

五

倚樹卽心卽佛話皆可如此說得也既不可如此須是悟始得悟則事同一家不悟則萬別千差差之毫釐失之千里切須子細從教人道雲門待檀越無禮但心不負人面無慚色果見山僧如此至誠相告方知佛法無人情乃相信既相信只教看如何是佛乾屎橛亦只要得渠啐地折曝地斷若以渠作從官捨財糊菴置莊田供衆乃至供養山僧之故便以爲是則盡大地窮漢更無參禪分也非但失却善知識辨人眼亦乃賺佗百劫千生不是小事今夏更有數人衲子不肯向省力處做工夫只管熱忙亦來呈見解作頌古雲門向佗道不是這箇道理便道把定佗不

肯放過我且問你你還自放得過也未趙州云諸方難見易識我這裏易見難識雲門尋常問學者喚作竹篋則觸不喚作竹篋則背不得下語不得無語十箇有五雙眼鼓瞋地縱有作聰明呈見解者盡力道得箇領字或來手中奪却竹篋或拂袖便行自餘邪解不可勝數更無一箇皮下有血古德云此事如八十翁翁入場屋不是小兒戲若可捏合得時捏合千千萬萬了也既不可捏合須是悟始得此外別無道理若你實有悟處師家故言不是亦招因果不小今日因齋慶讚舉似大眾蓋黃端夫知有雲門始因元昭光禪往彼住菴亦因元昭端夫二子今日設齋請

大慧普覺禪師語錄卷十四

五

山僧普說亦因元昭雲門打這一場葛藤亦因元昭既然如是且道元昭畢竟事作麼生良久云待渠冬間親到雲門那時始與諸人說破拍禪牀下座秦國太夫人請普說僧問圓覺經道譬如清淨摩尼寶珠映於五色色未現時珠在甚麼處師云圓覺經何曾恁麼道進云未審作麼生會師云圓覺經不曾恁麼道更會甚麼進云畢竟如何師云靜處薩婆訶問胡張三黑李四卽不問嘉州大像鼻孔長多少師云長二百來丈進云得恁麼郎當師云你川僧自合知進云爲甚麼被陝府鐵牛吞却師云誰恁麼道進云高高處觀之不足低低處平之有餘師云你試向

不高不低處道看進云險師云這箇猶是高低處底進云有意氣時添意氣師云草賊大敗乃云今日是秦國太夫人計氏法真慶誕之辰謹施淨財遠詣當山修設清淨禪衆香齋仍命山野陞于此座爲衆普說舉揚般若所願進道無魔色身安樂此是秦國太夫人意旨這婆子平生行履處川僧無有不知者唯魯子僧未知今日因齊慶讚舉似大眾見說這婆子三十左右歲時先太師捐館微猷與相公尚幼卓卓立身凜然有不可犯之色東隣西舍望風知畏極力教二子讀書處事極有家法尋常微猷與相公左右侍奉不教坐亦不敢坐其嚴毅如此相公常說今日

大慧語錄卷十四

四九

做官皆是老母平昔教育所致所得俸資除逐日家常菜飯外老母盡將布施齋僧用祝吾君之壽常有無功受祿之嫌聞先師歸蜀受渠供養不少只是未知參禪微猷與相公却於先師處各有發明向謙禪在佗家微猷與相公親向謙道老母修行四十年只欠這一著公久侍徑山和尚多所聞見且留公早晚相伴說話蓋某兄弟子母分上難爲開口見說每日與謙相聚只一味激揚此事一日問謙徑山和尚尋常如何爲人謙云和尚只教人看狗子無佛性話竹篋子話只是不得下語不得思量不得向舉起處會不得去開口處承當狗子還有佛性也無無只恁麼

教人看渠遂諦信日夜體究每常愛看經禮佛謙云和尚尋常道要辦此事須是輟去看經禮佛誦呪之類且息心參究莫使工夫間斷若一向執著看經禮佛希求功德便是障道候一念相應了依舊看經禮佛乃至一香一華一瞻一禮種種作用皆無虛棄盡是佛之妙用亦是把本修行但相聽信決不相誤渠聞謙言便一時放下專專只是坐禪看狗子無佛性話聞去冬忽一夜睡中驚覺乘興起來坐禪舉話甚然有箇歡喜處近日謙歸秦國有親書并作數頌來呈山僧其間一頌云逐日看經文如逢舊識人勿言頻有礙一舉一回新山僧常常爲兄弟說參得禪了

大慧語錄卷十四

四九

凡讀看經文字如去自家屋裏行一遭相似又如與舊時相識底人相見一般今秦國此頌乃暗合孫吳你看他是箇女流宛有丈夫之作能了大丈夫之事謙禪昨日上來告山僧子細說些禪病且與秦國結大衆般若緣山僧向他道禪有甚麼病可說禪又不曾患頭疼又不曾患脚痛又不曾患耳聾又不曾患眼暗只是參禪底人參得差別證得差別用心差別依師差別因此差別故說名爲病非謂禪有病也如何是佛卽心是佛有甚麼病狗子還有佛性也無無有甚麼病喚作竹篋則觸不喚作竹篋則背有甚麼病如何是佛麻三斤有甚麼病如何是佛乾屎橛有

甚麼病你不透了纔作道理要透便千里萬里沒交涉也擬心湊泊他擬心思量他向舉起處領略擊石火閃電光處會遮箇方始是病世醫拱手然究竟不干禪事趙州云要與空王爲弟子莫教心病最難醫記得舍利弗問月上女曰汝於今者行何乘也爲行聲聞乘爲行辟支佛乘爲行大乘月上女答曰舍利弗汝既問我行何乘者我今還問舍利弗惟願隨意答我如舍利弗所證法者爲行聲聞乘爲行辟支佛乘爲行大乘舍利弗言非也月上女所以者何然彼法者無可分別亦無言說非別非一亦非衆多月上女曰舍利弗是故不應分別諸法一相異相無別異

大慧普覺禪師語錄卷十四

手

相於諸相中無有可住師云舍利弗怎麼問月上女恁麼答且道與秦國太夫人所證之法相去幾何還有人斷得麼試出來斷看如無且向葛藤裏薦取所以道夫叅學者須叅活句莫叅死句活句下薦得永劫不忘死句下薦得自救不了你諸人每日上來下去寮舍裏喫茶喫湯莊上搬鹽搬麵僧堂裏行益長廊下擇菜後園裏擔糞磨坊下推磨當恁麼時佛眼也覷你不見且道是死句是活句是不死不活句試定當看直饒定當得出也未免在三句裏豈不見僧問南泉和尚卽心是佛又不得非心非佛又不得師意如何泉云你但信卽心是佛便了更說甚麼得與

不得只如大德喫飯了從東廊上西廊下不可總問人得與不得也遮裏若識得南泉方不被三句所使便能使得三句既使得三句始與南泉同一眼見同一耳聞同一鼻嗅同一舌嘗同一身觸同一意思更無差別只爲你執藥爲病舊病未除新病復作却被死句活句使得來七顛八倒將他古人徑截處一時紆曲了且那箇是古人徑截處我更爲你舉一兩則只如南泉道牽牛向谿東放不免食仁國王水草牽牛向谿西放不免食他國王水草不如隨分納些些總不見得這箇公案有多少人錯斷如何是納些些底道理便道著衣喫飯有甚麼難向驢前馬後作活

大慧普覺禪師語錄卷十四

五

計且莫謗他南泉好你既錯會這箇定又錯會黃檗道汝等諸人盡是噇酒糟漢恁麼行脚何處有今日還知大唐國裏無禪師麼時有僧出云只如諸方匡徒領衆又作麼生檠云不道無禪只是無師這箇話頭便是箇禍胎莫道未悟者錯會直饒悟得徹頭徹尾大法不明也覷他黃檠不見只如黃檠道不道無禪只是無師你如何理會衆中商量道人分上誰不丈夫豈假師承噇酒糟便是咬言語言語乃古人糟粕也且喜沒交涉欲得不招無間業莫謗如來正法輪豈不見馮山舉此話問仰山云黃檠意作麼生仰山云鵝王擇乳素非鴨類馮山云此實難辨只如

滿山仰山恁麼問答又作麼生商量到這裏須是箇人始得既不會這箇便將庭前柏樹子麻三斤乾屎橛解秤鎚之類盡爲糟粕既錯會這箇定又錯會洞山問蟾首座佛真法身猶若虛空應物現形如水月中月作麼生說箇應底道理蟾云如驢覷井山云道則大殺道只道得八成蟾云和尚作麼生山云如井覷驢諸方商量道如驢覷井是有迹如井覷驢是無迹又喚作亡情拂迹且喜沒交涉要且不是這箇道理既錯會這箇定又錯會南嶽和尚道譬牛駕車車若不行打車卽是打牛卽是馬祖聞舉忽然大悟而今禪和家理會道牛喻心車喻法但只明心法自明

大慧普覺禪師語錄卷十四

至

矣但只打牛車自行矣且喜沒交涉若恁麼馬祖驢年也不能得悟去這老漢始初將謂佛可以坐得成禪可以坐得悟一向坐地等南嶽和尚知其不凡故將覷去他庵前磨祖云和尚磨覷作甚麼南嶽云磨作鏡祖云磨覷豈得成鏡南嶽云磨覷既不成鏡坐禪豈得成佛馬祖被他動一動心中熱忙便問如何卽是只這裏鼻孔索頭便在南嶽和尚手裏了也所以道欲識佛性義當觀時節因緣南嶽和尚知他時節已至卽向佗道汝學坐禪爲學坐佛若學坐禪禪非坐卧若學坐佛佛非定相於無住法不應取捨汝若坐佛卽是殺佛若執坐相非達其理一時籍沒了

大慧普覺禪師語錄卷十四

至

他家計却更要佗納物事教佗無所從出始肯捨命討箇死處命既捨了便解問如何用心卽合無相三昧南嶽云汝學心地法門如下種子我說法要譬彼天澤汝緣合故當見其道又問道非色相云何能見南嶽云心地法眼能見乎道無相三昧亦復然矣祖云有成壞否南嶽云若以成壞聚散而見道者非也馬祖於是泮然無疑所謂不入虎穴不得虎子悟了若不遇人十箇有五雙杜撰決定爲人不得諸人要識悟了遇人者麼只這馬祖便是樣子也馬祖既得法直往江西建立宗旨一日南嶽和尚曰道一在江西說法總不見持箇消息來遂囑一僧云汝去待他上堂便問作麼生看他道甚麼記取來其僧依教去見上堂便出問作麼生祖云自從胡亂後三十年不曾少鹽醬師召大眾云祖師門下穿人鼻孔底盡從這一句子來你道這一句子從甚麼處來從打牛打車處來你若會得這箇便會得臺山路上婆子每有僧問臺山路向甚麼處去婆云驀直去僧纔行婆云好箇阿師却恁麼去趙州聞得云待我去勸過這婆子趙州去見婆子亦如是問婆子亦如是答歸來謂衆云臺山路上婆子被老僧勘破了也諸人還會麼裏中天子勅塞外將軍令但恁麼看取山僧昔年理會不得曾請益一杜撰長老爲山僧註解云這僧纔

問臺山路向甚麼處去便被婆子勘破了也婆云甚直去僧便行正是隨聲逐色如何不被勘破又道纔開口便勘破了也今日思量直是叵耐山僧爲你說破若會得趙州道臺山路上婆子被老僧勘破了也便會婆子道好箇阿師却恁麼去山僧嘗頌云天下禪和說勘破爭知趙州已話墮引得兒孫不丈夫夫人點過冷地卧此頌甚分明切不得錯會既錯會這箇定又錯會睦州喚僧大德僧回首州云擔版漢曾有箇禪頭舉這話問僧你作麼生會纔見僧開口便云果然擔版且喜沒交涉雪竇拈云睦州只具一隻眼這僧喚既回頭因甚却成擔版晦堂云雪竇亦只

金華錄卷十四

手

具一隻眼這僧一喚便回爲甚不成擔版這兩箇老漢可與睦州把手共行若是箇靈利漢纔聞舉着眼似銅鈴終不向這裏打之遠既不會這箇定又錯會百丈野狐話便道不落也是不昧也是只是當時答此話不合帶疑所以墮野狐謂野狐性多疑故且喜沒交涉既錯會這箇定又錯會祖師云不是風動不是旛動仁者心動山僧亦曾請益一箇長老意旨如何長老將衫袖搖作風動勢云是甚麼苦哉苦哉慚惶殺人鈍置殺人有者道不是風動不是旛動定是心動山僧尋常問學者不是風動不是旛動不是心動作麼生這裏豈容眨眼既錯會這箇定又錯會文

殊是七佛之師爲甚麼出女子定不得罔明菩薩爲甚麼出得女子定衆中商量道杓柄在女子手裏且喜沒交涉既錯會這箇定又錯會雪峯道望州亭與汝相見了也烏石嶺與汝相見了也僧堂前與汝相見了也如今諸方商量道作麼生是望州亭相見處便道南頭買賤北頭賣貴烏石嶺相見意旨如何便道石頭大底大小底小僧堂前相見又作麼生便道歸堂喫茶去且喜沒交涉自餘邪解不可勝數山僧尋常亦問學者望州亭與汝相見了也烏石嶺與汝相見了也僧堂前與汝相見了也作麼生這箇便是金剛圈栗棘蓬你如何吞如何透你要識能吞能透

金華錄卷十四

五五

者麼豈不見保福問鵝湖僧堂前且置望州亭烏石嶺甚麼處相見鵝湖驟步歸方丈保福便入僧堂汾陽和尚頌曰望州烏石與堂前相見相知幾萬千淮有鵝湖并保福此時相見解推遷此頌分明爲你說也既不會這箇定又錯會玄沙道諸方總道接物利生或遇三種病人來合作麼生接患者拈鈍豎拂佗又不見患聾者語言三昧佗又不聞患啞者教伊說又說不得若接此人不得佛法無靈驗師顧視大衆云要識玄沙麼平生心膽向人傾相識還如不相識當時地藏和尚在座下便出來道某甲有口不啞有眼不盲有耳不聾和尚作麼生接師云非父不

生其子玄沙呵呵大笑師云笑裏有刀山僧有時舉此話問學者有來依樣畫葫蘆也道某甲有口有耳有眼和尚作麼生接山僧向佗道咬人屎橛不是好狗又却去不得既錯會這箇定又錯會香嚴道如人上樹口銜樹枝手不攀枝脚不蹋樹樹下有人問西來意不對則違他所問若對又喪身失命師云好與玄沙一坑埋却山僧昔年曾請益一箇尊宿未審香嚴意旨如何遂以拂子柄銜在口中緊閉却眼便作銜樹枝勢揺手擺脚祇對山僧師乃彈指云如此者亦是當年馳聲走譽底尚作這般去就其餘作怪不在言也你要會麼但只作一句看我先爲你說莫見

大慧集古

五

道作一句看便向舉起處會舉了便會了且不是這箇道理是甚麼道理如人上樹口銜樹枝手不攀枝脚不蹋樹樹下有人問西來意不對則違佗所問若對又喪身失命如何這裏間不容髮當時香嚴會中只有箇虎頭上座領得香嚴意便出來爲香嚴出氣云上樹卽不問未上樹請和尚道師云雖得一場榮別却一雙足香嚴呵呵大笑師云鐵作面皮又云回天輪轉地軸後來雪竇拈云樹上道卽易樹下道卽難老僧上樹也致將一問來雪竇雖爲虎頭上座出氣爭奈蹉過香嚴今時有般謬漢聞雪竇恁麼道便引洞山語云但能莫觸當今諱也勝前朝斷舌才謂

香嚴立此箇悶頭喻如一團火相似不可觸雖然如此不可斷却言句有問如何是佛麻三斤如何是祖師西來意庭前栢樹子又且何妨你不妨會得好不見汾陽和尚頌曰香嚴銜樹示多人要引同袍達本真師云依實供通擬議却從言下覓喪身失命數如塵師云不是苦心人不知汾陽爲你開天路雲散長空月色新師云閑言語雖然如是若向這裏提得一生參學事畢旣提不得定又錯會百丈問潞山五峯雲巖云併却咽喉脣吻作麼生道潞山云却請和尚道百丈云我不辭向汝道恐已後喪我兒孫五峯云和尚也須併却百丈云無人處所願望汝雲巖云和

大慧集古

五

尚有也未百丈云喪我兒孫衆中商量道百丈大似抱賊叫屈掩耳偷鈴三子恁麼祇對大家走入荒草裏且喜沒交涉向你道此事決定不在言語上旣不在言語上當恁麼時合作麼生我早是與你說了也旣錯會這箇定又錯會德山道今夜不答話問話者三十棒時有僧出禮拜德山便打僧云某甲話也未問爲甚打某甲山云你是甚處人僧云新羅人山云未蹋船舷好與三十棒後來法眼云大小德山話作兩橛圓明云大小德山龍頭蛇尾雪竇拈云一老宿雖善裁長補短捨重從輕要見德山亦未可何故德山大似握閫外威權有當斷不斷不招其亂底劍要

識新羅僧麼只是撞著露柱底箇瞎漢衆中商量道
某甲話也未問便好打德山不打却問你是甚處人
這裏便是話作兩極龍頭蛇尾處且喜沒交涉又道
這僧若是作家纔見他問你是甚處人便好掀倒禪
牀他既不能却被德山道未蹋船舷好與三十棒這
裏是當斷不斷不招其亂底劍所以雪竇云要識新
羅僧麼只是撞著露柱底箇瞎漢且喜沒交涉禪若
是恁麼地會得時更不消悟也聰明靈利底一時隨
語生解解註將去便了我且問你恁麼解註得一時
有下落了生死到來却如何支遣而今分明向你道
應此閑言長語便是出生死底徑路你莫去徑路上
栽荆棘掘屎窖或有箇衲僧出來道和尚現在這
裏栽荆棘掘屎窖也不是却作麼生祇對山僧有箇
推托處且如何推托聽取一偈女流中有大丈夫示
現其身化其類以戒定慧解脫法攝彼貪欲瞋恚癡
雖處於中作佛事如風行空無所依過去未來及現
在塵沙諸佛及菩薩異口同音發是言善哉奇特世
希有心源清淨無憂喜不作無喜無憂想逢場作戲
隨世緣而於世緣無所著六月火雲燒碧空雷聲忽
震三千界銷除熱惱獲清涼是彼丈夫誕時節我說
此偈助光明普施法界諸女人喝一喝

大慧普覺禪師普說卷第十四

校訛

四十四葉 遑誤作連從

音釋

牯公戶切 犛疾二切 鋒鋒數容切 瞠丑庚切 遑丑庚切 啐

子律切 曝必角切 稊稊蒲切 糠胡田切 鼓鼓蔽都合切 瞠丑庚切 啐

也目汁炭也 刖斷足也 舩胡田切 屎屎詩止切 窖害古孝切

地地處也

大慧普覺禪師普說卷第十五

徑山能仁禪院住持嗣法慧日禪師臣蘊聞上進

錢計議請普說僧問昔日僧問楊岐和尚如何是佛
答云三脚驢子弄蹄行未審意旨如何師云天上天
下沒蹤跡進云只如威音王已前是甚麼人騎師云
威音王已後是甚麼人騎僧擬議師便喝云威音
王已前三脚驢兒蹕跳威音王已後楊岐老人絕消
息既絕消息却因甚麼三脚驢兒蹕跳若也於斯明
得方知威音王已前三脚驢兒果然蹕跳若明不得
楊岐老人一生受屈正當恁麼時如何是雪屈一句
喝一喝云泊合弄險復云蘊聞上座今日代子虛來

請爲衆普說老漢曰說箇甚麼卽得聞曰請和尚拈出楊岐金剛圈栗棘蓬布施大眾又曰如忠國師大珠和尚說法諸方大有疑其拖泥帶水不徑截說義理禪願和尚疏決真僞解大眾疑惑此亦是請普說檀越之意老漢曰諾所以大覺世尊初悟此事在摩竭提國三七日內無下口處自云我寧不說法疾入於涅槃信知說法之難豈同容易尋念過去佛所行方便力然後起道樹詣鹿苑隨衆生根器說一大藏教末後收因結果却云始從鹿野苑終至跋提河於是二中間未曾說一字只這便是楊岐所謂金剛圈栗棘蓬也直是難吞難透到這裏直下承當得了大

金剛經卷十五

本

法未明亦奈何不得敢問諸人何者名爲大法金剛圈却如何透栗棘蓬却如何吞不見巖頭道若將實法繫綴人土亦銷不得况十方信施耶諸佛出世祖師西來無非只爲你諸人作箇證明底主宰而已若有法可傳可授則諸佛慧命豈到今日故祖師云心地隨時說菩提亦只寧事理俱無礙當生卽不生若會得此四句卽透得金剛圈吞得栗棘蓬不須要明大法大法自明矣以至古人差別異旨因緣心性玄妙大法若明纔舉起時便會得恰如磁石見鐵相似輕輕一引便動須是舉一明三目機鋒兩點著南邊動北邊舉起時便明得而今諸方有數種邪禪大法

若明只這邪禪便是目已受用家具好擊石火閃電光一棒一喝底定不愛說心說性者只愛機鋒俊快謂之大機大用好說心說性底定不愛擊石火閃電光一棒一喝者只愛絲來線去謂之綿綿密密亦謂之根脚下事殊不知正是箇沒用處弄泥團底漢看他前輩大法明底尊宿用處轉轉地如南陽忠國師大珠和尚是也唯楊文公具眼修傳燈錄時將忠國師大珠和尚列在馬祖下諸尊宿之右將廣語所有言句盡入其中六祖下收忠國師語最多爲他家活大門戶大法性寬波瀾闊難湊泊遮般法難說他禪備衆體如三喚侍者話喚作說老婆禪拖泥帶水

金剛經卷十五

本

得麼一日喚侍者侍者應諾如是三喚侍者三應師云國師三喚侍者何曾有辜負侍者三應甚麼處是辜負處國師曰將謂吾辜負汝誰知汝辜負吾師云平地起骨堆復云叢林中喚作國師三喚侍者話自便有一絡索唯雪竇見透古人骨髓云國師三喚侍者點卽不到師云灼然侍者三應到卽不點師云却不恁麼將謂吾辜負汝誰知汝辜負吾謾雪竇不得師云誰道復召大眾云好箇謾雪竇不得雖然如是雪竇亦謾妙喜不得妙喜亦謾諸人不得諸人亦謾露柱不得玄沙云侍者却會雪竇云停囚長智師云兩彩一賽雲門道作麼生是國師辜負侍者處會

得也是無端雪竇云元來不會師云雪峯道底雲門又云作麼生是侍者辜負國師處粉骨碎身未報得雪竇云無端無端師云垛生招箭法眼云且去別時來雪竇云謾我不得師云却是法眼會興化云一盲引衆盲雪竇云端的瞎師云親言出親口弘覺徵問僧云甚處是侍者會處僧云若不會爭解恁麼應覺云汝少會在又云若於此見得去便識玄沙師云慚惶殺人翠巖芝云國師侍者總欠會在師云猶較些子投子云抑逼人作麼雪竇云垛根漢師云理長郎就復云唯有趙州多口阿師下得箇註脚令人疑著僧問國師三喚侍者意旨如何州云如人暗中書字

六書錄卷五

奎一

字雖不成文彩已彰雪竇便喝師云且道遮一喝在國師侍者分上在趙州分上隨後喝一喝復云若不命根五色索子斷如何透得這裏過雪竇云若有人問雪竇雪竇便打也要諸方檢點師云作賊人心虛雪竇復有一頌云師資會遇意非輕師云此語有兩負門無事相將草裏行師云普州人送賊負汝負吾人莫問師云放待冷來看任從天下競頭爭師云卽今休去便休去若覓了時無了時復云你要求玄妙解會只管理會國師三喚侍者話那裏是國師辜負侍者處那裏是侍者辜負國師處有甚麼交涉鵝王擇乳素非鴨類這箇便是國師用劒刃上事爲復

只這些子爲復別更有在一日問紫璘供奉甚麼處來奉曰城南來國師曰城南草作何色奉曰作黃色國師乃問童子城南草作何色童子曰作黃色國師曰只這童子亦可簾前賜紫對御談玄你道國師說老婆禪拖泥帶水得麼爲復只這些子爲復別更有在一日肅宗帝請看戲國師曰檀越有甚心情看戲法雲圓通禪師曰且道國師在甚處著到妙喜敢問諸人且道圓通禪師在甚處著到於斯見得三老相去不遠肅宗帝又問如何是十身調御國師直拔向他道檀越踢毗盧頂上行更問甚麼十身調御諸人要見忠國師麼只在你眼睛裏開眼也蹉過合眼也

六書錄卷五

奎三

蹉過既在眼睛裏爲甚麼却蹉過妙喜恁麼道亦蹉過不少你更看他有箇無情說法話老漢尋常不會說今日已是不識好惡不避口業盡情爲諸人抖擻爲他雪屈且不得作義理會僧問如何是古佛心國師曰牆壁瓦礫是師云恁麼答話若玄妙解路心不絕命根不斷大法不明決定不敢如此四楞塌地一棒一喝一挨一拶擊石火閃電光却易這般說話却難入作前所謂家活大門戶大法性寬波瀾闊命根斷方能如是僧曰牆壁瓦礫豈不是無情國師曰是僧曰無情還說法否國師曰常說熾然說無間歇僧曰某甲爲甚麼不聞國師曰汝自不聞不可妨他

聞者也僧曰未審甚麼人得聞國師曰諸聖得聞僧曰和尚還聞否國師曰我不聞僧曰和尚既不聞爭知無情解說法國師曰賴我不聞我若聞則齊於諸聖汝即不聞我說法僧曰怎麼則眾生無分也國師曰我爲衆生說不爲諸聖說僧曰衆生聞後如何國師曰即非衆生師云奇哉你看他轉轉轉地不滯在一隅不負他來問賴我不聞我若聞則齊於諸聖汝即不聞我說法你喚作郎當得麼不是得諸佛諸祖心髓如何轉得你莫喚作無得失這箇是無得失中有得失有得失中無得失喚作入泥入水騎賊馬趕賊隊借婆裟子拜婆年難奈何又僧問發心出家本

大慧普覺禪師語錄卷五

五

擬求佛未審如何用心即得成佛國師曰無心可用即得成佛師云這僧難容恰如箇鼠黏子相似這箇老子輒頑又撞著這僧輒頑黏住便問無心可用阿誰成佛國師曰無心自成佛成佛亦無心僧曰佛有大不可思議爲能度衆生若也無心阿誰度衆生國師曰無心是真度生若見有生可度者即是有心宛然生滅僧曰今既無心能仁出世說許多教跡豈可虛言國師曰佛說教亦無心僧曰說法無心應是無說國師曰說即無無即說僧曰說法無心造業有心否國師曰無心即無業今既有業心即生滅何得無心僧曰無心即成佛和尚即今成佛未國師曰心尚

自無誰言成佛若有佛可成還是有心有心即有漏何處得無心僧曰既無佛可成和尚還得佛用否國師曰心尚自無用從何有僧曰茫然都無莫落斷見否國師曰本來無見阿誰道斷僧曰本來無見莫落空否國師曰無空可落僧曰有可墮否國師曰空既無墮從何立僧曰能所俱無忽有人持刀來取命爲是有是無國師曰是無僧曰痛否國師曰痛亦無僧曰痛既無死後生何道國師曰無死無生亦無道僧曰既得無物自在飢寒所逼若爲用心國師曰飢即喫飯寒即著衣僧曰知飢知寒應是有心國師曰我問汝有心心作何體段僧遲疑良久覓心與飢寒

大慧普覺禪師語錄卷五

五

體段了不可得遂依實供通曰心無體段國師曰汝既知無體段即是本來無心何得言有僧曰山中逢見虎狼如何用心國師曰見如不見來如不來彼即無心惡獸不能加害僧曰寂然無事獨脫無心名爲何物國師曰名金剛大士師喝一喝云好人不肯做却要屎裏卧僧曰金剛大士有何體段國師曰本無形段師云何不早恁麼道僧曰既無形段喚何物作金剛大士國師曰喚作無形段金剛大士僧曰金剛大士有何功德國師曰一念與金剛相應能滅殘伽沙劫生死重罪得見殘伽沙諸佛其金剛大士功德無量非口所說非意所陳假使殘伽沙劫住世說亦

不可得盡這僧當下大悟如睡夢覺如蓮華開似這般底便是金剛圈栗棘蓬你若吞不得透不得不見古人行履處定起謗無疑透得這裏方能作大舟航不著此岸不著彼岸不住中流善知識下得這般脚手入得這般窠窟方始爲得人師家若不具許多差別眼目如心性解路上得箇入處底定不愛擊石火閃電光却愛這般說話又却錯做實法會了如一機一境一棒一喝上得箇入處底定不愛這般說話又是錯會了真所謂所見不同互有得失教中所謂菩薩見水如甘露天人見水如瑠璃凡夫見水是水餓鬼見水如膿血是也或有箇愛高禪底衲子出來道

大慧普覺禪師語錄卷一五

五

妙喜有如是等見耶卽向他道逢人但恁麼舉所以正法眼藏中收僧問忠國師古德云青青翠竹盡是法身鬱鬱黃華無非般若有人不許云是邪說亦有信者云不思議不知若爲國師曰此蓋普賢文殊境界非諸凡小而能信受皆與大乘了義經意合故華嚴經云佛身充滿於法界普現一切群生前隨緣赴感靡不周而恒處此菩提座翠竹既不出於法界豈非法身乎又般若經云色無邊故般若亦無邊黃華既不越於色豈非般若乎深遠之言不省者難爲措意又華嚴座主問大珠和尚曰禪師何故不許青青翠竹盡是法身鬱鬱黃華無非般若珠曰法身無像

應翠竹以成形般若無知對黃華而顯相非彼黃華翠竹而有般若法身故經云佛真法身猶若虛空應物現形如水中月黃華若是般若般若卽同無情翠竹若是法身翠竹還能應用座主會麼座主曰不了此意珠曰若見性人道是亦得道不是亦得隨用而說不滯是非若不見性人說翠竹著翠竹說黃華著黃華說法身滯法身說般若若不識般若所以皆成評論師云國師主張青青翠竹盡是法身直主張到底大珠破青青翠竹不是法身直破到底老漢將一箇主張底將一箇破底收作一處更無拈提不敢動着他一絲毫要你學者具眼透國師底金剛圈又吞大珠

大慧普覺禪師語錄卷一五

五

底栗棘蓬具眼者辨得出不具眼者未必不笑宗杲雖參圓悟和尚打失鼻孔元初與我安鼻孔者却得湛堂和尚只是爲人時下刃不緊若是說禪病無人過得嘗思教中有一段因緣殃崛摩羅要千手指頭作華冠然後登王位已得九百九十九指唯少一指要斷其母指填數佛知其緣熟故往化之殃崛纔舉意欲下刀取母指時忽聞低喝聲遂捨其母指而問佛教化一指曰既是瞿曇在此望施我一指頭滿我所願纔舉刀世尊拽腕便去世尊徐行殃崛急趕不上乃高聲叫曰住住世尊曰我住久矣是汝不住殃崛忽然感悟投佛出家佛却令持鉢至一長者門其

家婦人正值產難長者曰瞿曇弟子汝爲至聖當有何法能免產難殃崛曰我乍入道未知此法待我回問世尊却來相報及返具事白佛佛告殃崛汝速去報言我自從賢聖法來未曾殺生殃崛當便奉佛語往彼告之其婦得聞卽免產難師云這裏使棒使喝掀倒禪牀引經教說理事擊石火閃電光夜半捉烏雞得麼因請益湛堂和尚纔舉起此話湛堂曰你爬著我痒處這話是金屎法不會如金會得如屎曰豈無方便湛堂曰我有箇方便只是你刻地不會曰望和尚慈悲湛堂曰殃崛云我乍入道未知此法待問世尊未到佛座下他家生下兒子時如何我自從賢

大慧錄卷五

五

聖法來未曾殺生殃崛持此語未至他家已生下兒子時如何老漢當時理會不得後因在虎丘看華嚴經至菩薩登第七地證無生法忍云佛子菩薩成就此忍卽時得入菩薩第八不動地爲深行菩薩難可知無差別離一切相一切想一切執著無量無邊一切聲聞辟支佛所不能及離諸諍寂滅現前譬如比丘具足神通得心自在次第乃至入滅盡定一切動心憶想分別悉皆止息此菩薩摩訶薩亦復如是住不動地卽捨一切功用行得無功用法身口意業念務皆息住於報行譬如有人夢中見身墮在大河爲欲度故發大勇猛施大方便以大勇猛施方便故

卽便寤寤既寤寤已所作皆息菩薩亦爾見衆生身在四流中爲救度故發大勇猛起大精進以勇猛精進故至此不動地既至此以一切功用靡不皆息二行相行皆不現前此菩薩摩訶薩菩薩心佛心菩提心涅槃心尚不現起况復起於世間之心師云到這裏打失布袋湛堂爲我說底方便忽然現前方知真善知識不欺我真箇是金剛圈須是藏識明方能透得又有箇尊宿喚作洛浦和尚久爲臨濟侍者濟每稱美之謂之臨濟門下一隻箭子便是欺負人游歷罷直往夾山頂卓庵經年夾山知乃修書遣僧馳到洛浦接得便坐却再展手索僧無對浦便打曰歸去

大慧錄卷五

五

舉似和尚僧回舉似夾山山曰這僧看書三日內必來若不看書此人救不得師云古人喚作撈摠人不知書中有甚閑言長語洛浦却吞他鈎線三日內果來夾山預令人伺其出庵便燒其居師云只這便是金剛圈浦不顧師云成佛作祖須是這般漢直造夾山方丈不禮拜乃當面叉手而立山曰雞棲鳳巢非其同類出去浦曰自遠趨風乞師一接山曰目前無閹梨此間無一僧浦便喝山曰住住且莫草草忽忽雲月是同谿山各異截斷天下人舌頭卽不無閹梨爭教無舌人解語師云洛浦却低頭思量這一道真言理會不得被夾山劈脊便打穿了鼻孔遂承嗣夾

山後來示衆道末後一句始到牢關把斷要津不通凡聖須知上流之士不將佛祖見解貼在額頭上如靈龜負圖自取喪身之本師云他悟後便解明他這一道真言這些子藥頭不問雲門下臨濟下曹洞下法眼下瀉仰下大法若不明各宗其宗各師其師各父其父各子其子只管理會宗旨熱大不緊老漢在衆中時嘗請益一尊宿禪門中說有語中無語無語中有語尊宿爲我引證云有語中無語路逢死蛇莫打殺無底籃子盛將歸喚這箇作有語中無語又喚作無語中有語如何是有語中無語路逢死蛇莫打殺如何是無語中有語無底籃子盛將歸只這一句

金鑑卷五

壬

便具此兩義路逢死蛇莫打殺是無語中有語無底籃子盛將歸乃是有語中無語謂既是死蛇更不消打殺又云如何是同中有異驚鷺立雪非同色如何是異中有同明月蘆華不似他我如此說時你便會得了却濟得甚麼事似這般底莫要學大法明後舉一絲毫便一時會得恰似殃崛摩羅因緣湛堂說底方便我乍入道也使不著佛有神通也使不著既使不著因甚麼生下兒子若向這裏見得釋迦老子卽是殃崛摩羅殃崛摩羅卽是釋迦老子若也不會釋迦自釋迦殃崛自殃崛不干產難人家事乃合掌云卽將上來舉揚般若所有一言一句契佛契祖底功

德奉爲計議錢公薰室安人呂氏伏願出此沒彼常爲般若之親姻捨身受身求作菩提之眷屬召大衆云還委悉麼若欲直下便休去莫記我今說底喝一喝下座

傳菴主請普說師云傳菴主入堂挂搭就今日設供仍請雲門爲衆普說且道說箇甚麼卽得若是全鋒敵勝同死同生正按旁提橫來豎去蟠根錯節結角羅紋於諸人分上正是小孩兒則劇家事不勞拈出既不許恁麼各請解下腰間多年曆日聽取雲門說箇古話記得二祖問達磨曰弟子心未寧請師與安達磨曰將心來與汝安二祖良久曰內外中間覓心

金鑑卷五

壬

了不可得達磨曰與汝安心竟二祖當時便休歇去又三祖問二祖曰弟子身纏風恙請師懺罪二祖曰將罪來與汝懺三祖良久曰內外中間覓罪了不可得二祖曰與汝懺罪竟三祖當時便休歇去這兩則語叢林舉唱者如麻如栗錯會者如稻似穀若不作心性會便作玄妙會不作玄妙會便作理事會不作理事會便作直截會不作直截會便作奇特會不作奇特會便向擊石火閃電光處會不向擊石火閃電光處會便向無事甲裏不向無事甲裏便向作古人兩則公案向三條椽下七尺單前閉目合眼坐在黑山下鬼窟裏思量卜度若作這一絡索道理欲

明此事大似鄭州出曹門且喜沒交涉既不許恁麼又如何理會雲門已是面皮厚三寸分明爲諸人說破第一不得錯會我說底達磨從西天將得箇無文印子來把二祖面門一印印破二祖得此印不移易一絲頭把三祖面門印破自後一人傳虛萬人傳實遞相印授直至江西馬祖馬祖得此印於南嶽和尚便道自從胡亂後三十年不曾少鹽醬師喝一喝云印文生也百丈大智禪師得此印於馬祖翻身跳入五百生前野狐窠裏頭出頭沒直至如今不肯回黃檗和尚得此印於百丈便道汝等諸人盡是噎酒糟漢恁麼行脚何處有今日還知大唐國裏無禪師麼

△金鑑卷五

三

臨濟和尚得此印於黃檗便解到處作白拈賊至今累及兒孫興化和尚得此印於臨濟便解向雲居處權借一問以爲影草南院和尚得此印於興化直得赤肉團上壁立千仞有僧問古殿重興時如何曰明堂瓦插簷僧曰恁麼則莊嚴畢備也曰斬草蛇頭落風穴和尚得此印於南院則曰夫叅學眼目直須大用現前勿自拘於小節設使言前薦得猶是滯殼迷封縱然句下精通未免觸塗狂見汝等諸人應是從前學解明昧兩岐如今爲汝一時掃却直須箇箇如師子兒吒吒地哮吼一聲壁立千仞誰敢正眼覷著覷著則瞎却渠眼有問語默涉離微如何通不犯則

曰長憶江南三月裏鷓鴣啼處百華香首山和尚得此印於風穴便拈起竹篋問學人曰喚作竹篋則觸不喚作竹篋則背有問如何是佛則曰新婦騎驢阿家牽汾陽和尚得此印於首山則曰汾陽門下有西河師子當門踞坐但有來者即便咬殺作何方便入得汾陽門見得汾陽人慈明和尚得此印於汾陽把臨濟金剛王寶劒折作兩段只用釣絲絞水楊歧和尚得此印於慈明便向無煙火於死柴頭畔白雲和尚得此印於楊歧便向多處添些子少處減些子五祖和尚得此印於白雲賤賣擔版漢貼稱府三斤百千年滯貨無處著渾身圓悟老師得此印於五祖將

△金鑑卷五

三

三百六十骨節八萬四千毛竅一時撒向諸人懷裏師驀拈拄杖面前畫一畫云不得過界復舉起云這一隊不唧溜老漢性命盡在雲門手裏卽今對衆將這印子爲他打破欲使後代兒孫各各別有生涯免得承虛接響遞相鈍置遂卓一下云印子百雜碎了也且道這一隊老漢在甚麼處安身立命還見麼良久云眼睫眉毛都落盡轉使傍觀笑不休復卓一下喝一喝

劉侍郎親書華嚴經施師仍請普說僧問擲大千於方外納須彌於芥中是甚麼人分上事師云是沒量大人分上事進云因甚麼被學人踢在脚下師云你

見箇甚麼道理便開許大口僧便喝師云好一喝未
有主在進云須知五十三人善知識到這裏也摸捺
不著師云你分上事作麼生進云今日逢彊則弱師
云何不禮拜僧便禮拜師乃云五十三人善知識摸
捺不著處卽是諸人日用消息諸人摸捺不著處卽
是五十三人善知識日用消息諸人日用消息五十
三人善知識決定摸捺不著五十三人善知識日用
消息諸人決定摸捺不著所以道諸法無作用亦無
有體性是故彼一切各各不相知亦如大火聚猛燄
同時發各各不相知諸法亦如是便怎麼去擲大千
於方外納須彌於芥中豈是分外雖然如是第一不

大慈普覺禪師語錄卷五

主四

得向祖師門下過若向祖師門下過定打折你驢腰
以拂子擊禪牀一下復云村山居士劉公以手寫大
方廣佛華嚴經一部施妙喜道人受持仍揮金辦供
以伸慶懺妙喜今日登曲录木爲居士發揚且要大
家知有佛言一切世界諸群生少有欲求聲聞乘求
獨覺者轉復少趣大乘者甚難遇趣大乘者猶爲易
能信此法倍更難今有信此法者手寫是經黑底是
墨白底是紙喚甚麼作此法此法又如何舉揚卽今
還有能信此法者麼出來爲村山居士證明若證明
得居士功不唐捐若證明不得妙喜乘便下坡爲諸
人說箇影子黃面瞿曇始成正覺時在摩竭提國阿

蘭若法菩提場中於一塵內破此一塵演說如來廣
大境界妙音遐暢無處不及豈不是此法不離一切
菩提樹下而上升須彌向天帝釋妙勝殿普光明藏
師子座上說十住品豈不是此法不離一切菩提樹
下及須彌山頂而向夜摩天宮寶莊嚴殿寶蓮華藏
師子座上入菩薩善思惟三昧說十行品豈不是此
法不離於此菩提樹下及須彌頂夜摩天宮而往詣
兜率陀天一切妙寶所莊嚴殿摩尼藏師子座上說
十回向品豈不是此法不離兜率陀天而往詣他化
自在天宮摩尼寶藏殿住一切菩薩智所住境入一
切如來智所入處說十地品豈不是此法不離他化

大慈普覺禪師語錄卷五

主五

自在天宮復至摩竭提國普光明殿入佛華莊嚴三
昧說離世間品豈不是此法不離摩竭提國向室羅
筏國逝多林給孤獨園大莊嚴重閣入不可說佛刹
微塵數神變海及種種三昧門說入法界品豈不是
此法毘盧遮那及諸大菩薩七處九會咸集其所互
爲主伴一一交參現大神變乃至善財不離自所住
處入普賢毛孔刹中行一步過不可說不可說佛刹
微塵數世界如是而行盡未來劫猶不能知一毛孔
中刹海次第刹海藏刹海差別刹海普入刹海成刹
海壞刹海莊嚴所有邊際乃至念念周徧無邊刹海
教化衆生令向阿耨多羅三藐三菩提當是之時善

美

音釋

疾

卷之三

落款

切

卷之六

卷一五



大慧普覺禪師普說卷第十六

徑山能仁禪院住持嗣法慧日禪師臣蘊聞上進

傳經幹請普說師云經幹道友妙喜初不相識去歲經由衡陽特來相訪一見便如故人蓋為信得此段大事因緣及何以故豈不見華嚴會上智首菩薩問文殊師利菩薩言佛子菩薩云何得無過失身語意業等事文殊答以善用其心則獲一切勝妙功德為說行住坐卧四威儀中一百四十願謂之無濁亂清淨行大功德此功德皆從信地而發故文殊普為已發信心者作不請友以偈問賢首菩薩曰我今已為諸菩薩說佛住修清淨行仁亦當於此會中演暢

大慧普覺卷十六

修行勝功德賢首菩薩以偈答之其中曰以法威力現世間則獲十地十自在亦是說初發心從信地起之義末後善財到毘盧樓閣前彌勒為說一百二十種菩提心亦是此義其中有一種喻曰如師子王哮吼師子兒聞皆增勇健餘獸聞之即皆竄伏佛師子王菩提心吼應知亦爾諸菩薩聞增長功德有所得者聞皆退散亦是此義既有信根即是成佛基本忽地與現行相應便證阿耨多羅三藐三菩提如釋迦老子初在正覺山前舉頭見明星出現忽然悟道遂乃歎曰奇哉一切衆生具有如來智慧德相但以妄想執著而不證得謂上至十方諸佛下至六道四生含蠢蠕動於我悟處以平等印一印印定更無差別你看黃面老子纔悟了便見得如此廣大然後興慈運悲於生死海不著此岸不著彼岸不住中流而能運載此岸衆生到於彼岸不住生死中流這箇道理亦不出自家信種所以無盡居士注海眼經題說佛成就云始覺合本之謂佛他雖是箇俗人然却見得徹識得根本謂始覺時從明星上起信忽然覺悟自性本來是佛大地有情更無差別無盡喚作始覺合本覺方始成佛參禪人能恁麼辨白得了然後休歇身心識取本來面目不要羸心古聖得了便於得處滅却生滅心亦不住在寂滅地謂之寂滅現前於寂

滅地獲二殊勝一者上合十方諸佛與佛如來同一慈力二者下合六道衆生與諸衆生同一悲仰前所云與慈運悲救拔惡道是也衆生爲不覺故輪轉生死先覺之士若無慈悲如何得衆生界空信知佛恩難報今日經幹道友請妙喜普說不獨爲先方承事追修而已要與現前一衆說些禪病故柳子厚以天台教爲司南言禪病最多誠哉是言天台智者之教以空假中三觀攝一切法教人把本修行禪無文字須是悟始得妙喜自十七歲便疑著此事恰恰無十七年方得休歇未得已前常自思惟我今已幾歲不知我未託生來南閭浮提時從甚麼處來心頭黑似

六卷清集卷六

三

漆並不知來處既不知來處卽是生大我百年後死時却向甚麼處去心頭依舊黑漫漫地不知去處既不知去處卽是死大謂之無常迅速生死事大你諸人還曾恁麼疑著麼現今坐立儼然孤明歷歷地說法聽法賓主交叅妙喜簸兩片皮牙齒敲磕臍輪下鼓起粥飯氣口裏怛怛在遮裏說說者是聲此聲普在諸人髑髏裏諸人髑髏同在妙喜聲中這箇境界他日死了却向甚麼處安著既不知安著處則撞入驢胎馬腹亦不知生快樂天宮亦不知禪和子尋常於經論上收拾得底問著無有不知者士大夫向九經十七史上學得底問著亦無有不知者離却文

字絕却思惟問他自家屋裏事十箇有五雙不知他人事事却知得如此分曉如是則空來世上打一遭將來隨業受報畢竟不知自家本命元辰落著處可不悲哉所以古人到這裏如救頭然尋師決擇要得心地開通不疑生死然有學而知之者有生而知之者那箇是學而知之者如僧問趙州學人乍入叢林乞師指示州云你喫粥了也未僧云喫粥了州云洗鉢盂去僧於言下忽然大悟當下休歇便知生死去處妙喜常說不易這僧有力量趙州將一百二十斤擔子一送送在他肩上這僧荷得一氣走一百二十里更不回頭如將梵位直授凡庸心裏便怙怙地與得慈力運得悲願此是學而知之者那箇是生而知之者如趙州作沙彌時同本師行脚到南泉值南泉卧次本師禮拜了趙州方禮拜南泉問云近離甚處州云近離瑞像泉云還見瑞像麼州云瑞像則不見面前只見卧如來南泉遂起問你是有主沙彌無主沙彌州云是有主沙彌泉云那箇是你主若是如今禪和家便近前彈指打箇圓相喝一喝拍一拍拂袖便行放出這般惡氣息你看他趙州緩緩地近前道孟春猶寒伏惟和尚尊候萬福泉乃喚維那云此沙彌別處安排次日却來問如何是道南泉也不行棒也不下喝也不談玄也不說妙也不牽經也不引論

六卷清集卷六

四

也不舉古人公案亦不說事亦不說理只實頭向他道平常心是道爲他趙州已理會得平常心了便却問還假趣向也無泉云擬向卽乖州云不擬爭知是道泉云道不屬知不屬不知知是妄覺不知是無記若真達不疑之道猶如太虛廓然蕩豁豈可於中疆是非耶趙州於言下千了百當南泉道道不屬知不屬不知圭峯謂之靈知荷澤謂之知之一字衆妙之門黃龍死心云知之一字衆禍之門要見圭峯荷澤則易要見死心則難到這裏須是具超方眼說似人不得傳與人不得所以園悟先師說趙州禪只在口唇皮上難奈他何如善用兵者不齎糧行就你水草

禾黍錄卷十六

五

糧食又殺了你有一秀才問佛不達衆生願是否州云是才云弟子欲就和尚手中乞取拄杖得否州云君子不奪人所好才云某甲不是君子州云老僧亦不是佛又一僧問如何是祖師意州乃敲禪牀脚僧云莫只這便是否州云是則脫取去又一僧問諸方盡向口裏道和尚如何示人州以脚跟打火爐示之僧云莫便是也無州云恰認得老僧脚跟又僧問如何是趙州州云東門南門西門北門僧云某甲不問這箇州云你問我趙州聲又僧問如何是道州云牆外底僧云某甲不問這箇道州云你問那箇道僧云某甲問大道州云大道通長安你不得作無事會不

得作玄妙會不得作奇特會不得作平常會趙州不在無事上不在玄妙上不在奇特上不在平常上畢竟在甚麼處具眼者辨取這老漢有時云未出家被菩提使出家後使得菩提汝諸人被十二時使老僧使得十二時又云佛之一字吾不喜聞佛之一字尚不喜聞達磨灼然是甚老臊胡十地菩薩是擔糞漢等妙二覺是破凡夫菩提涅槃是繫驢橛十二分教是鬼神簿拭瘡膿紙四果三賢初心十地是守古塚鬼你既不到這箇田地是事理會不得也學人麤走大步便把一句子禪要祇對人且不是這箇道理所以妙喜室中常問禪和子喚作竹篋則觸不喚作竹

禾黍錄卷十六

六

篋則背不得下語不得無語不得思量不得卜度不得拂袖便行一切總不得你便奪却竹篋我且許你奪却我喚作拳頭則觸不喚作拳頭則背你又如何奪更饒你道箇請和尚放下著我且放下著我喚作露柱則觸不喚作露柱則背你又如何奪我喚作山河大地則觸不喚作山河大地則背你又如何奪有箇舟峯長老云某看和尚竹篋子話如籍沒却人家財產了更要人納物事妙喜曰你譬喻得極妙我真箇要你納物事你無從所出便須討死路去也或投河赴火拚得命方始死得死了却緩緩地再活起來喚你作菩薩便歡喜喚你作賊漢便惡發依前只是

舊時人所以古人道懸崖撒手自肯承當絕後再甦欺君不得到這裏始契得竹篦子話復說偈云

佛之一字尚不喜 有何生死可相關

當機覲面難回互 說甚楞嚴義八還

悅禪人請普說僧問臨濟示衆云有時奪人不奪境有時奪境不奪人有時人境兩俱奪有時人境俱不奪如何是奪人不奪境師云三千里外絕諸說進云如何是奪境不奪人師云拔出眼中楔進云臨濟道煦日發生鋪地錦嬰孩垂髮白如絲未審與和尚答底是同是別師云咬人屎橛不是好狗進云王令已行天下徧將軍塞外絕煙塵時如何師云適來猶自

大慧語錄卷十六

七

可而今更郎當問十方薄伽梵一路涅槃門未審王氏今日是生耶是死耶師云生耶死耶進云今古應無墜分明在目前師云抽却腦後箭進云只如十二時中不依倚一物人來師還接否師云喚甚麼作一物進云不可重說偈言師云礙塞殺人乃云生耶死耶非得非失不道不道有理有事若向有理有事處得箇入處只在教乘裏頭出頭沒若於非得非失處得箇入處敢保諸人十二時中未有安身立命處既未有安身立命處則不知王氏落處若知得王氏落處卽知自己安身立命處且道王氏卽今是生耶是死耶是不生耶是不死耶若道不生爭奈死何若道

大慧語錄卷十六

八

不死爭奈生何若道亦生亦死又是戲論說若道非生非死又是相違說直饒離四句絕百非直下如明鏡當臺明珠在掌胡來現胡漢來現漢當人各各脚跟下淨保保明歷歷生死如夢幻空華去來如浮雲水月猶未是徹頭處縱饒如實見得昔日之生本不曾生今日之滅本不曾滅亦是無夢說夢何以故生而不生鏡裏之形滅而不滅水中之月正當恁麼時那裏是王氏出身處若委悉得去王氏只今與諸人把手共行同入如來太寂滅海其或未然有寒暑兮促君壽有鬼神兮妬君福復云這箇是近悅上座爲母王氏請妙喜老漢說法底意旨且法作麼生說不見道法不可見聞覺知若行見聞覺知是則見聞覺知非求法也見聞覺知既不可以入道莫是不見不聞不覺不知便是麼良久高聲云更是箇甚麼妙喜盡力說只說得到這裏此事決定不在言語上所以從上諸聖次第出世各各以善巧方便切切怛怛唯恐人泥在言語上若在言語上一大藏教五千四百八卷說權說實說有說無說頓說漸說無言說因甚麼達磨西來却言單傳心印不立文字語言直指人心見性成佛因何不說傳玄傳妙傳言傳語只要當人各各直下明自本心見自本性事不獲已說箇心說箇性已大段狼藉了也若要拔得生死根株盡

切不得記我說底縱饒念得一大藏教如餅瀉水喚作運糞入不名運糞出却被這些子障却自己正知見不得現前自己神通不能發現只管弄目前光影理會禪理會道理會心理會性理會奇特理會玄妙大似掉棒打月枉費心神如來說爲可憐愍者古人凡有一言半句設一箇金剛圈栗棘蓬教伊吞教伊透若是箇英靈獨脫出情塵超理性者金剛圈栗棘蓬是甚麼弄猢猻家具祭鬼神茶飯蓋你不能一念緣起無生只管一向在心意識邊作活計纔見宗師動口便向宗師口裏討玄討妙却被宗師倒翻筋斗自家本命元辰依舊不知落處脚跟下黑漫漫依前

六六六

九

只是箇漆桶只如適來上座問奪人不奪境一段話只知冊子上念將來如法答他又理會不得問一段未了又問一段恰如村人打傳口令相似我今不惜口業爲你諸人葛藤註解一徧臨濟一日示衆云有時奪人不奪境有時奪境不奪人有時人境兩俱奪有時人境俱不奪會麼良久左右顧視便下座遮箇便是金剛王寶劔我昨日說底將蜈蚣毒蛇蝎子并諸雜毒貯在一甕裏你試將手就中拈一箇不毒底出來看若拈得出不妨於此事有少分相應若拈不出自是你根性遲鈍風無靈骨也怪妙喜不得臨濟當時道這幾句閑言長語面目現在自是你不會看

得出你若領得此意自從胡亂後三十年不少鹽醬鐘樓上念讚牀脚下種菜之類不著問人一一自知下落古人垂箇方便豈是閒開口須知爛泥裏有刺當時有箇克符道者理會得臨濟意便出來問如何是奪人不奪境臨濟當時不知那裏得許多閑言長語闢湊得恰好便道煦日發生鋪地錦是境嬰孩垂髮白如絲諸人還會麼煦日發生鋪地錦是境嬰孩垂髮白如絲是人此兩句一句存境一句奪人克符又作頌曰奪人不奪境緣自帶聲訛師云有甚麼聲訛擬欲求玄旨思量及貴麼師云誣人之罪驪珠光燦爛蟾桂影婆娑師云何不早恁麼道靚面無差互還應

六六六

十

滯網羅師云依稀似曲纔堪聽又被風吹別調中此頌大槩在驪珠光燦爛蟾桂影婆娑之上蓋此兩句是境學者問不奪境擬欲求玄旨思量及貴麼大意只是不可思量擬議思量擬議者人也蹉却靚面相呈一著子卽被語言網羅矣克符此頌專明煦日發生鋪地錦所以有驪珠光燦爛蟾桂影婆娑之句乃是存境而奪人故曰靚面無差互還應滯網羅奪人之義醍醐毒藥一道而行具眼者方能辨別又問如何是奪境不奪人答云王令已行天下徧將軍塞外絕煙塵師云王令已行天下徧是奪了境將軍塞外絕煙塵是存人而不奪頌曰奪境不奪人尋言何處

真師云也須閑處作提防問禪禪是妄究理理非親
師云好事不如無日照寒光澹山遙翠色新師云貧
兒思舊債直饒玄會得也是眼中塵師云自起自倒
你要會日照寒光澹山遙翠色新麼此兩句是境直
饒玄會得也是眼中塵便奪了也其餘人境兩俱奪
人境俱不奪盡是依語就學家問處答又問如何是
人境兩俱奪答云并汾絕信獨處一方便有人境兩
俱奪面目頌曰人境兩俱奪從來正令行師云已落
第二不論佛與□那說聖凡情師云買石得雲饒擬
犯吹毛劍還如值木盲師云識法者懼進前求妙會
特地斬精靈師云前箭猶輕後箭深正令既行不留

金華錄卷六

土

佛祖到這裏進之退之性命都在師家手裏如吹毛
劍不可犯其鋒又問如何是人境俱不奪答云王登
寶殿野老謳歌頌曰人境俱不奪思量意不偏師云
會麼是法住法位主賓言不異師云世間相常住問
答理俱全師云添一毫不得減一毫不得蹋破澄潭
月師云猶有這箇在穿開碧落天師云勞而無功不
能明妙用師云動著卽錯淪溺在無緣師云却依舊
處著這箇是適來上座請益底公案謂之四料揀你
若要分明理會得臨濟意但向他當時垂示處看如
何看山僧有時奪人不奪境有時奪境不奪人有時
人境兩俱奪有時人境俱不奪若怎麼便是你若作

山僧有時奪人不奪境有時奪境不奪人有時人境
兩俱奪有時人境俱不奪便不是了也所以五祖師
翁有言如何是祖師西來意庭前柏樹子怎麼會便
不是了也如何是祖師西來意庭前柏樹子怎麼會
方始是你諸人還會麼這般說話莫道你諸人理會
不得妙喜也自理會不得我此門中無理會得理會
不得蚊子上鐵牛無你下嘴處須信古人垂慈則有
法無法不垂慈道眼未開大法未明豈免向他人口
裏覓禪覓道覓玄覓妙覓得了唯恐人知及至說時
又恐說盡了末後無可說這箇是無限量底法你以
有限量心擬窮他落處且莫錯只如世尊在靈山會

金華錄卷六

土

上百萬衆前拈華普示獨迦葉破顏微笑何曾怕人
知又何曾密室裏傳授來我這裏禪許你衆人聞不
許你衆人會如上所解註者四料揀你諸人齊聞齊
會了臨濟之意果如是乎若只如是臨濟宗旨豈到
今日你諸人聞妙喜說得落將謂止如此我實向你
道此是第一等惡口若記著一箇元字脚便是生死
根本也你諸人諸方學得底玄中又玄妙中又妙是
甚麼屎禪一向壅在皮袋裏將謂實有恁麼事莫錯
諸上座你真箇要參妙喜禪盡將諸方學得底掃向
他方世界百不知百不會虛却心來共你理會復說
偈云無諸比丘名近悅爲母王氏請普說妙喜便登

以手送在你口邊只是你不解吞渠聞之不覺失笑曰和尚吞著卽禍事過得幾時又問他前日吞了底荔枝只是你不知滋味渠曰若知滋味轉見禍事我愛他這兩轉語所謂從門入者不是家珍信知宗師家無實法與人且如世間工巧技藝有樣子便做得若是這一解須是自悟始得得之於心應之於手若未得箇安樂處一向求知見覓解會這般雜毒繞入心如油入麪求取不出縱取得出亦費料理此事如青天白日元無障礙却被這些雜毒障却所以於法不得自在老漢常愛真淨和尚道如今人多的是得箇身心寂滅前後際斷休去歇去一念萬年去似古廟

六六 慧覺禪師語錄卷十七

十五

裏香爐去冷湫湫地去便爲究竟殊不知却被此勝妙境界障蔽自己正知見不能現前神通光明不能發露或又執箇一切平常心是道以爲極則天是天地是地山是山水是水僧是僧俗是俗大盡三十日小盡二十九凡百施爲須要平常一路子以爲穩當定將去合將去更不敢別移一步怕墮坑落塹長時一似雙盲人□路一條拄杖子寸步拋不得緊把著憑將去步步依倚一日若道眼豁開頓覺前非拋却杖子撒開兩手十方蕩蕩七縱八橫東西南北無不可不到這裏方得自在如今人能有幾箇放得杖撒得子昔因真淨和尚新開語錄其時我老和尚在五

祖堂中作首座五祖一日廊下見僧把一冊文字祖曰你手中是甚文字僧曰是其淨和尚語錄祖遂取讀卽讚歎曰慚愧末世中有恁地尊宿乃喚首座我老和尚時在後架洗戰間呼很忙走出來祖曰我得一本文字不可思議所謂善說法要你試看休去歇去一念萬年前後際斷諸方如今有幾箇得到這田地他却喚作勝妙境界舊時寶峯有箇廣道者便是這般人一箇渾身都不理會都不見有世間事世間塵勞昧他不得雖然恁麼却被這勝妙境界障却道眼須知到一念不生前後際斷處正要尊宿如水潦和尚因採藤次問馬祖曰如何是祖師西來意祖曰

六六 慧覺禪師語錄卷十七

十六

近前來向你道水潦纔近前馬祖當曾一踢踢倒水潦忽然大悟不覺起來呵呵大笑祖曰你見箇甚麼道理潦曰百千法門無量妙義只向一毛頭上便識得根源去這箇教中謂之入流亡所入既寂動靜二相了然不生纔得箇入處便亡了定相定相既亡不墮有爲不墮無爲動靜二相了然不生便是觀音入理之門他既悟了便打開自己庫藏運出自己家珍乃曰百千法門無量妙義只向一毛頭上便識得根源去呵呵大笑馬祖知他已到這箇田地更不承他亦無後語後來住水潦菴禪和家來衆他有百十衆纔舉揚便賣弄這一踢云自從一喫馬師踢直

至而今笑不休渠又何曾有峯巒疊翠澗水潺湲岸柳含煙庭華笑日鶯啼喬木蝶舞芳叢底說話來只道自從一喫馬師蹋直至而今笑不休這箇便是第一箇入流亡所動靜二相了然不生底樣子又不見雲門問洞山近離甚處山曰查渡門曰夏在甚處山曰湖南報慈門曰幾時離彼山曰八月二十五門曰放你三頓棒古人淳樸據實祇對自言我此回實從查渡來有甚麼過便道放我三頓棒大丈夫漢須共這老漢理會始得至明日便去問曰昨日蒙和尚放三頓棒未審過在甚麼處門曰飯袋子江西湖南便恁麼去洞山忽然大悟更無消息可通亦無道理可

大慧語錄卷十七

十七

拈出只禮拜而已既悟了便打開自己庫藏運出自已家珍乃曰他後向無人煙處住箇草菴不蓄一粒米不種一莖菜接待十方往來盡與伊出却釘拔却楔拈却炙脂帽子脫却鶻臭布衫教伊灑灑地作箇衲僧豈不俊哉雲門曰你身如椰子大開得許大口這箇是第二箇入流亡所動靜二相了然不生底樣子又鼓山晏國師在雪峯多年一日雪峯知其緣熟忽起搗住曰是甚麼晏釋然了悟唯舉手搖曳而已峯曰子作道理耶晏曰何道理之有後來楊大年收在傳燈錄中謂之亡其了心此是第三箇入流亡所動靜二相了然不生底樣子又灌谿和尚一日見臨

濟濟下繩牀繞擒住谿便云領領這箇是第四箇入流亡所動靜二相了然不生底樣子這箇說似人不得傳授人不得老漢十七年參也曾零零碎碎悟來雲門下也理會得些子曹洞下也理會得些子只是不能得前後際斷後來在京師天寧見老和尚陞堂舉僧問雲門如何是諸佛出身處門曰東山水上行若是天寧卽不然如何是諸佛出身處薰風自南來殿閣生微涼向這裏忽然前後際斷譬如一線亂絲將刀一截截斷相似當時通身汗出雖然動相不生却坐在淨俚俚處得一日去入室老和尚曰也不易你到這箇田地可惜你死了不能活不疑言句是爲

大慧語錄卷十七

大

大病不見道懸崖撒手自肯承當絕後再甦欺君不得須信有這箇道理老漢自言我只據如今得處已是快活更不能理會得也老和尚却令我在擇木寮作不釐務侍者每日同士大夫須得三四回入室只舉有句無句如藤倚樹纔開口便道不是如是半年間只管參一日同諸官員在方丈藥石次我只把箸在手都忘了喫食老和尚曰這漢參得黃楊木禪却倒縮去我遂說箇譬喻曰和尚這箇道理恰如狗看著熱油鐺相似要舐又舐不得要捨又捨不得老和尚曰你喻得極好只這箇便是金剛圈栗棘蓬一日因問老和尚見說和尚當時在五祖曾問這箇話不

知五祖和尚如何答和尚不肯說老漢曰和尚當時不可獨自問須對大衆前問如今說又何妨老和尚乃曰我問有句無句如藤倚樹時如何祖曰描也描不成畫也畫不就又問忽遇樹倒藤枯時如何祖曰相隨來也老漢纔聞舉便理會得乃曰某會也老和尚曰只恐你透公案未得老漢曰請和尚舉老和尚遂連舉一絡索誚訛公案被我三轉兩轉截斷如箇太平無事時得路便行更無滯礙老和尚曰如今方知道我不謾你我既會了却倒疑著幾箇禪頭乃問老和尚老和尚曰我箇禪如大海相似是你將得箇大海來傾取去始得若只將得鉢盂來盛得些子去

六本參寥錄卷十七

九

便休是你器量只如此教我怎奈何能有幾箇得到你田地舊時只有一箇塲上座與你一般只是死了過得幾時便舉我立僧後來在雲居首座寮夜間常與兄弟入室老和尚愛來聽有時入室了却上方丈見老和尚同在火爐頭坐老和尚曰或有箇禪和子得似老僧你又如何支遣老漢曰何幸如之正如東坡說作劊子得一箇肥漢剛我却倒與老和尚入室被我拶得上壁老和尚呵呵大笑思量這老和尚粉骨碎身亦未能報得因禮上座聞老漢舉福州人喫荔枝有箇營地處所以說到這裏這兄弟在叢林中規行矩步無衲子之過可惜尺頭短然打箇筋斗出

來決定昧他不得有一則古話舉似大衆教中道吾不見時何不見吾不見之處若見不見自然非彼不見之相若不見吾不見之地自然非物云何非汝後來湛堂和尚頌曰老胡徹底老婆心爲阿難陀意轉深韓幹馬嘶青草渡戴嵩牛卧綠楊陰妙喜亦有箇須子雖不甚文彩却不在湛堂之下荒田無人耕耕著有人爭無風荷葉動決定有魚行

師紹興二十六年三月十一日於臨江軍新淦縣東山寺被旨還僧謝恩罷拈香祝聖畢乃就座云青蓮本是吾家物今日重還舊日僧珍重聖恩何以報萬年松上一枝藤遂拈起拄杖云一枝藤在這裏且報恩一句作麼生道若也道得粉骨碎身未足酬一句了然超百億其或未然山僧不免爲諸人道破長將日月爲天眼指出須彌作壽山

六本參寥錄卷十七

十

新淦縣衆官請普說僧問聖恩已受僧相再圓學人上來乞師指示重新底佛法師云雨過谿光澹雲開嶽色新進云恁麼則龍圖增久固佛日轉光輝師云一道舊行路高下自分明進云只如大顛叩齒韓文公直下知歸黃檗安名裴相國便知落處未審和尚今日與知縣朝議相見有何指示師云兩眼對兩眼進云莫便是指示也無師云一任鑽龜打瓦僧禮拜師乃云問得亦好不問更親何故聲前一路千聖不

傳學者勞形如猿捉影可中有箇英靈漢恁麼不恁麼聊聞舉著剔起便行猶在葛藤窠裏直得內無所證外無所修似地擎山如石含玉亦未是衲僧放身命處若也知得塵塵念念皆無空闕折旋俯仰盡在其中正當恁麼時畢竟是誰家風月還委恁麼千聖不知何處去倚天長劍逼人寒復云這箇是知縣朝議今日率諸同官泊寄居賢士大夫同來隨喜宗果披荆請說法底意旨此一段因緣問佛有因况宗果自居衡梅首尾十七年今日不覺不知一來新淦同此法會豈非前報世中曾在靈山會上同爲聽法之人元來說法自有時處若時節因緣未會說法不成

六本義錄卷七

主

所以釋迦老子說法三百六十餘會皆立時處何謂時處豈不見圓覺經末上云如是我聞一時婆伽婆入於神通大光明藏三昧正受只這箇便是今日說法底時節所以道欲識佛性義當觀時節因緣時節若至其理自彰不見天台智者大師因讀法華經至藥王菩薩焚身處云是真精進是真法供養如來於此豁然前後際斷便證法華三昧於三昧中見靈山會上釋迦老子與百萬大衆儼然未散如今說與人若是不曾入得這般境界剗地不信何故智者自是陳隋時人與釋迦老子相去二千年如何因是真精進是真法供養如來便於法華三昧中見靈山

六本義錄卷七

主

一會儼然未散爲復是謾人耶是假說耶此事唯證乃知難可測須知妙喜今日說法與釋迦老子在靈山會上說法無異與智者大師在南嶽說得是真精進是真法供養如來亦無異真實證者必不相欺未證者一似說夢所以道過去一切劫安置未來今未來現在劫回置過去世以海印三昧一印印定更無透漏無去無來無前無後非但妙喜一人如是判府郎中亦如是非但判府郎中如是判縣朝議與諸同官寄居賢士大夫亦如是非但判縣朝議與諸同官寄居賢士大夫如是乃至現前若僧若俗若貴若賤亦如是如是之法在天同天在人同人應以佛身得度者卽現佛身而爲說法應以宰官身乃至婆羅門婦女身得度者悉現其身而爲說法此是一味清淨平等法門若向這裏明得各人本地風光本來面目方知一大藏教五千四十八卷句句不說別事無常迅速莫作等閑所以道努力今生須了却莫教求劫受餘殃人身難得爲貴人復難不見釋迦老子說四十二章經裏面有二十難謂貧窮布施難豪貴學道難有勢不臨難就中有箇拚命不死難你諸人還會麼若拚得命無有不死者如何說不死底道理若會得這箇方始把二十難一翻翻轉來總是易底事拚命不死也易貧窮布施也易豪貴學道也易有勢

不臨也易若悟卽易不悟卽難然難易兩字亦不干本地風光本來面目事何故此箇法門本無難本無易若能向不難不易處急著眼看外息諸緣內心無喘方知本無難易底法如今聰明靈利底人不能便悟病在於何却爲心意識先行被心意識障却自己光明塞却行路進步不得所以這裏使聰明靈利不著要須內不放出外不放入內不放出則是內心無喘外不放入卽是外息諸緣內心既定則諸緣亦定故曰那伽常在定無有不定時這一段大事因緣大底如是若能如是信如是解如是修如是證則三世諸佛卽是汝諸人汝諸人卽是二世諸佛無古無今

六六集卷七

三

同一解脫世間有如此殊勝之事可惜百姓日用而不知然今日一會亦非小緣又承諸山禪師洎諸善男信女同此聽法伏願一聞千悟得大總持一歷耳根永爲道種久立伏惟珍重

錢計議請普說師云法不可見聞覺知若行見聞覺知是則見聞覺知非求法也旣離見聞覺知外却喚甚麼作法到這裏如人飲水冷暖自知除非親證親悟方可見得若實曾證悟底人拈起一絲毫頭盡大地一時明得今時不但禪和子便是士大夫聰明靈利博極群書底人箇箇有兩般病若不著意便是忘懷忘懷則墮在黑山下鬼窟裏教中謂之昏沉著意

則心識紛飛一念續一念前念未止後念相續教中謂之掉舉不知有人人脚跟下不沉不掉底一段大事因緣如天普蓋似地普擎未有世界早有此段大事因緣世界壞時此段大事因緣不曾動著一絲毫頭往往士大夫多是掉舉而今諸方有一般默照邪禪見士大夫爲塵勞所障方寸不寧怙便教他寒灰枯木去一條白練去古廟香爐去冷湫湫地去將這箇休歇人你道還休歇得麼殊不知這箇猶獅子不死如何休歇得來爲先鋒去爲殿後底不死如何休歇得此風往年福建路極盛妙喜紹興初入閩住菴時便力排之謂之斷佛慧命千佛出世不通懺悔彼

六六集卷七

三四

中有箇士人鄭尚明極聰明教乘也理會得道藏也理會得儒教則故是也一日持一片香來妙喜室中怒氣可掬聲色俱厲曰昂有一片香未燒在欲與和尚理會一件事只如默然無言是法門中第一等休歇處和尚肆意詆訶昂心疑和尚不到這田地所以信不及且如釋迦老子在摩竭提國三七日中掩室不作聲豈不是佛默然毗耶離城三十二菩薩各說不二法門末後維摩詰無語文殊讚善豈不是菩薩默然須菩提在巖中宴坐無言無說豈不是聲聞默然天帝釋見須菩提在巖中宴坐乃而華供養亦無言說豈不是凡夫默然達磨游梁歷魏少林冷坐九

年豈不是祖師默然。祖見僧便面壁。豈不是宗師默然。和尚因甚麼却力排然。照以爲邪。非妙喜曰。尚明你問得我。也是待我與你說。我若說不行。却燒一炷香。禮你三拜。我若說得行。却受你燒香。禮拜我也。不與你說。釋迦老子及先德言句。我卽就你屋裏說。所謂借婆。帔子。拜婆年。乃問你曾讀莊子麼。曰。是何不讀。妙喜曰。莊子云言而足。終日言而盡。道言而不足。終日言而盡。物道物之極。言默不足以載。非言非默。義有所極。我也不曾看郭象解。并諸家註解。只據我杜撰說。破你這默然。豈不見孔夫子一日大驚小怪。曰。參乎。吾道一以貫之。曾子曰。唯。你措大家纔聞。

云云

云云

箇唯字便來這裏惡口。却云這一唯與天地同根。萬物一體。致君於堯舜之上。成家立國。出將入相。以至啓手足時。不出這一唯。且喜沒交涉。殊不知這箇道理。便是曾子言而足。孔子言而足。其徒不會。却問曰。何謂也。曾子見他理會不得。却向第二頭答他話。謂夫子之道不可無言。所以云夫子之道忠恕而已矣。要之道與物至極處。不在言語上。不在默然處。言也載不得。默也載不得。公之所說。尚不契莊子意。何況要契釋迦老子達磨大師意。耶。你要理會得莊子非言非默。義有所極。麼便是雲門大師拈起扇子云。扇子踴跳上三十三天。築著帝釋鼻。孔東海鯉魚打一。

棒雨似傾盆。你若會得雲門這箇說話。便是莊子說底。曾子說底。孔子說底。一般渠遂不作聲。妙喜曰。你雖不語心。未伏在然。古人決定不在默然處。坐地明矣。你適來舉釋迦掩室維摩默然。且有舊時有箇座主喚作擎法師。把那無言說處說出來。與人云。釋迦掩室於摩竭。淨名杜口於毗耶。須菩提唱無說以顯道。釋梵絕聽。而雨華斯皆理爲神御。故口以之而默。豈曰無辯。辯所不能言也。這箇是理與神忽然相撞。著不覺到說不得處。雖然不語其聲。如雷故云。豈曰無辯。蓋辯所不能言也。這裏世間聰明辯才。用一點不得。到得恁麼田地。方始是放身捨命處。這般境界。

云云

云云

須是當人自證自悟。始得所以華嚴經云。如來宮殿無有邊。自然覺者處。其中此是從上諸聖大解脫法門。無邊無量。無得無失。無默無語。無去無來。塵塵爾刹刹。爾爾念念。爾爾法爾。只爲衆生根性狹劣。不到三教聖人境界。所以分彼分此。殊不知境界如此廣大。却向黑山下鬼窟裏。默然坐地。故先聖訶爲解脫深坑。是可怖畏之處。以神通道眼觀之。則是刀山劍樹。鑊湯鑪炭。裏坐地一般。座主家尚不滯在默然處。況祖師門下客。却道纔開口。便落今時且喜沒交涉。尚明不覺作禮。妙喜曰。公雖作禮。然更有事在。至晚間來入室。乃問他今年幾歲。曰。六十四。又問你六十四。

年前從甚麼處來渠開口不得被我將竹篦劈脊打出去次日又來室中曰六十四年前尚未有昂在如何和尚却問昂從甚麼處來妙喜曰你六十四年前不可元在福州鄭家只今這聽法說法一段歷歷孤明底未生已前畢竟在甚麼處曰不知妙喜曰你若不知便是生大今生且限百歲百歲後你待飛出三千大千世界外去須是與他入棺材始得當爾之時四大五蘊一時解散有眼不見物有耳不聞聲有箇肉團心分別不行有箇身火燒刀斫都不覺痛到這裏歷歷孤明底却向甚麼處去曰昂也不知妙喜曰你既不知便是死大故曰無常迅速生死事大便是

六人集卷七

主

這箇道理這裏使聰明也不得記持也不得我更問你平生做許多之乎者也臘月三十日將那一句敵他生死須是知得生來死去處分曉始得若不知卽是愚人渠方心伏從此遂救他不坐在無言無說處肯來這下做工夫今日一會同此聽法須知人人有此一段大事因緣亘古亘今不變不動也不著忘懷也不著著意但自時時提撕妄念起時亦不得將心止遏止動歸止止更彌動只就動止處看箇話頭便是釋迦老子達磨大師出來也只是這箇僧問趙州狗子還有佛性也無州云無你拈大家多愛穿鑿說道這箇不是有無之無乃是真無之無不屬世間虛

豁之無恁麼說時還敵得他生死也無既敵他生死不得則未是在既然未是須是行也提撕坐也提撕喜怒哀樂時應用酬酢時總是提撕時節提撕來提撕去沒滋味心頭恰如頓一團熱鐵相似那時便是好處不得放捨忽然心華發明照十方刹便能於一毛端現寶王刹坐微塵裏轉大法輪汝等諸人聞恁麼說話往往心裏道妙喜老漢搖唇鼓舌說得也相似不知他肚裏如何須知妙喜說得底便是行得底更無兩般所以西天第十三祖迦毘摩羅尊者欲求一弟子繼紹祖位謂深山窮谷中必有高人居止因往求之故知非但弟子求師切師求弟子亦切遂入

六人集卷七

天

山果見一人出迎曰深山孤寂龍蟒所居大德至尊何枉神足祖曰吾非至尊來訪賢者彼默念曰此師得決定性明道眼否是大聖繼真乘否祖曰汝雖心語吾已意知但辦出家何慮吾之不聖彼聞已悔謝於是投祖出家卽第十四祖龍樹是也今時學道者多不自疑却疑他人所以道大疑之下必有大悟且道悟得箇甚麼良久云我不敢輕於汝等汝等皆當作佛下座

大慧普覺禪師普說卷第十七

校訛

十六行口誤作一從南改正

荔枝郎

計切荔湫正作惟七
小切靜也
潯
潯潯山切
潯潯水
潯潯流

萬骨鳥
全切胡

椰以遮綖練切結結鐙初耕切有足至也環居取切會古外切

十
金

[illegible]

天竺寺詩錄卷八

羌

徑山能仁禪院住持嗣法慧日禪師臣蘊聞上進

鄭成忠誦普說師云平江信士鄭偲知有此段大事因緣得得來見妙喜要聞般若所將供養真身舍利寶塔洎齋雲堂清淨禪衆請普說功德不爲別事專用回向無上佛果菩提觀其發心亦已廣大只這一念廣大之心能變大地作黃金攪長河爲酥酪有者不信這般說話多執事難理如富樓那執相難性問世尊曰若地性徧云何容水水性周徧火則不生復云何明水火二性俱徧虛空不相陵滅世尊地性障礙空性虛通云何二俱周徧法界去這裏執相生疑

是故釋迦老子先爲阿難說性水真空性空真水乃至地水火風一一周徧法界隨衆生心循業發現當記得山僧往年行脚將入京師到鄧州天寧有蔡州道士忘其姓名以醫來南陽一日見他教人來藏司借寶積華嚴二經山僧竊知其爲佳士翌日相見與之說話果然契合因問所以借經之意曰某粗聽好人說話來若要埋會本命元辰下落須還釋迦老子始得話間忽問山僧佛具正徧知世界上事一一說盡何故不曾見說金木水火土之所緣起吾師有所聞見無惜開示方是時自家漆桶未破未暇理會這般底只向他道藏經中莫須說著某尚居學地方要

大妻生錄卷八

三十一

見人二俱懷懼而休逮到夷門打發此事了因讀楞嚴經元來裏面說得極分曉佛謂富樓那曰同異擾亂相待生勞勞久發塵自相渾濁由是引起塵勞煩惱起爲世界靜成虛空虛空爲同世界爲異彼無同異真有爲法覺明空昧相待成搖故有風輪執持世界由是而知世界成就因風輪所持蓋風性動搖動搖不息忽生堅礙故曰因空生搖堅明立礙波金寶者明覺立堅故有金輪保持國土蓋風與金二物相觸於中生火故曰堅覺寶成搖明風出風金相摩故有火光爲變化性寶明生潤火光上蒸故有水輪合十方界火騰水降交發立堅濕爲巨海乾爲洲渾以

是義故彼大海中火光常起彼洲渾中江河常注水勢劣火結為高山是故山石擊則成燄融則成水土勢劣水抽為草木是故林藪遇燒成土因絞成水交妄發生遞相為種以是因緣世界相續看他釋迦老子怎麼說金木水火上可殺分曉惜乎不復見此道士待點似他元來看教乘文字也要大法明後自然不費力自家參得禪了一把來看便得富樓那執相難性人見如來為阿難就性上說地水火風一清淨本然周徧法界胷中了無凝滯如今心地未明底不免疑道世界從甚麼處起將來却向甚麼處滅為復先有世界為復先有人若道先有世界古德不

六八

主

應云三界唯心所現萬法唯識所變若道先有人既未有世界人却在甚麼處安頓這些子不妨被他窒礙說先有世界也不是先有人也不是大法一明不著排遣自然分曉適來所謂變大地作黃金攪長河為酥酪不是差事以至芥子納須彌須彌納芥子之類亦非假於他術只如須彌納芥子則故是芥子裏面如何著得一座須彌山到這裏也須親見一回始得這一段事人人本有各各天真只為無始時來無明業識所覆所以不能現前却去外頭別覓家舍尋常室中問兄弟不是心不是佛不是物是甚麼未問時幸自在家裏坐纔問他是甚麼便離却本位走出

門前譬如問人你在那裏云在家裏却問他屋裏家兒事子便忘却家去外面討言語來祇對所謂差之毫釐失之千里若要真實理會此事決定不在言語上今時學者出這幾路不得向他道不在言語上便去機境上作解會又向道不在機境上便去舉起處承當不是心不是佛不是物舉了便會了因悟先師常說近來諸方盡成窠窟五祖下我與佛鑑佛眼三人結社參禪如今早見漏逗出來也佛鑑下有一種作狗子叶鶻鴒鳴取笑人佛眼下有一種觀燈籠露柱指東畫西如眼見鬼一般我這裏且無這般病痛山僧曰人好無病痛先師曰何謂山僧曰擊石火閃

六八

主

電光引得無限人弄業識舉了便會了豈不是佛法大窠窟先師不覺吐舌乃曰莫管他我只以契證為期若不契證斷定不放過山僧曰說契證即得第恐後來只怎麼傳將去舉了便會了硬主張擊石火閃電光業識茫茫未有了日先師深以為然更有一般底說靜是根本悟是枝葉靜得久自然悟去山僧敢道他亂道又引淨極光通達為證曰莫錯會好先聖不奈何說箇淨極光通達寂照含虛空譬如良醫應病與藥如今不信有妙悟底返道悟是建立豈非以藥為病乎世間文章技藝尚要悟門然後得其精妙見出世間法只怎麼了得這裏一千二百衲子箇箇

有一知半解每來室中道得諦當者甚衆跳得兩跳後更與一撈便去不得蓋卒未能拚身捨命所以道懸崖撒手自肯承當絕後再甦欺君不得莫道無恁麼事嘗記得張無盡有言先佛所說於一毛端現寶王刹坐微塵裏轉大法輪是真實義法華會上多寶如來在寶塔中分半座與釋迦文佛過去佛現在佛同坐一處實有如是事非謂表法天台智者大師讀法華經至是真精進是名真法供養如來悟得法華三昧見靈山一會儼然未散山僧常愛老果和尚每提唱及此未嘗不歡喜踊躍以手搖曳曰真箇有恁麼事不是表法你輩冬瓜瓠子那裏得知蓋他根本

六六六六六六

三

下明但拙於語言三昧發其要妙爾此所謂唯證乃知難可測今日鄭成忠請山僧普說之意要聞禪和子做工夫底道理不見雲門道不可說時便有不說時便無思量時便有不思量時便無只如不思量時又是箇甚麼怕你不曾又隨後道更是箇甚麼這般專宿慈悲之故爲人痛的的地山僧在衆日爲仰曹洞雲門法眼下都去做工夫來臨濟下則故是後來方知道悟則事同一家不悟則萬別千差既同一箇達磨祖師又何處有許多般差別來如何是佛乾屎橛這裏有甚麼差別德山見僧入門便棒僧問措後云不得作棒會臨濟見僧入門便喝已是兩手分付

擬欲覷捕則眼睛落地了也况復說理說事絲來線去正是師子咬人狂狗趁塊無常迅速生死事大彈指便是來生到來但虛却心子細推窮窮來窮去善念既相續惡念自然不生但如實修行時節因緣到來自然悟去若不悟說到彌勒佛下生只是說底且作麼生修行聽取一頌惡念既不生善念常相續諸波羅密門一切自具足

孫通判請普說師云說法不應時總是非時語所以道未離兜率已降王宮未出母胎度人已畢李長者著華嚴論乃云此經決定是佛成道十日後說初於正覺山前從定而起因見明星忽然悟道便見自己

六六六六六六

三

本來面目信知時節若至其理自彰妙喜常思無盡居士這一箇人不知幾百生中學般若來今生如此得大受用所註清淨海眼經說八成就謂如是我聞一時佛在云理無不如之謂是事無不是之謂如自來不曾有人如此說蓋爲他見徹釋迦老子骨髓所以取之左右逢其原佛初生下一手指天一手指地云天上天下唯我獨尊所以云三界獨尊之謂我所謂我者非人我之我如孟子所謂萬物皆備於我也心洞十方之謂聞蓋世間人皆以耳聞一切音聲唯普賢菩薩乃以心聞故經云心聞洞十方生于大因力多之所宗之謂一旦如現前一千大衆從首座數

起自一而之百自百而之千所以言一者多之所宗也一之所起之謂時這箇時便是妙心居士請妙喜爲大衆說法之時也當知此時能該括十方三世乃至塵沙諸佛六道四生若凡若聖若草若木若有情若無情乃以拂子擊禪牀一下云盡向這裏成正覺無出此時也又云始覺合本之謂佛言以如今始覺合於本覺往往邪師輩以無言默然爲始覺以威音王那畔爲本覺固非此理既非此理何者是覺若全是覺豈更有迷若謂無迷爭奈釋迦老子於明星現時忽然便覺知得自家本命元辰元來在這裏所以言因始覺而合本覺如禪和家忽然摸著鼻孔便

永嘉集卷八

三

是這箇道理然此事人人分上無不具足昨日因與妙心居士說令叔尚書文章學問可謂儒林宗工但聞於此道自以爲難往往士大夫只知所謂佛者千劫學威儀萬劫修相好乃至三大阿僧祇劫修而後成云何博地凡夫現行無明爲富貴所折困何時與道相應纔作是念便是於心意識中推出一座須彌山一障障了道眼不能明見本地風光本來面目正所謂所知不是障是障障所知近世士大夫多作此見如韓子蒼與某在臨川鼻孔厮挂著半年亦不自信每言此一段事吾輩但知歸向則可如何便要入手亦是自作障難或者更錯會先佛所言大通智勝

佛十劫坐道場佛法不現前不得成佛道謂佛道之難成如此殊不知一念普觀無量劫無去無來亦無住如是了知三世事超諸方便成十力釋迦老子纔瞥地後便言奇哉一切衆生具有如來智慧德相但以妄想執著而不證得所謂妄想執著者正說著今時士大夫病痛先德所以指示一切人脚踏下無不圓成無不具足故有父不可以傳子臣不可以獻君之說蓋使自證自悟匪從人得所以不壞假名而談實相肇法師云寂兮寥兮寬兮廓兮分兮別兮上則有君下則有臣父子親其居尊卑異其位起教叙其因然後國分其界人部其家各守其位豈非是法住

永嘉集卷八

三

法位世間相常住者耶佛不云乎應以佛身得度者卽現佛身而爲說法應以宰官身乃至長者居士婆羅門比丘比丘尼身得度者悉現其身而爲說法又曰應眼時若千日萬象不能逃影質應耳時若幽谷大小音聲無不足法門既如此殊勝奈何學者多不向此時節領覽乃爾自生退屈正是不信自殊勝甘爲下劣人若是靈利漢便向這裏提得去方知道一塵纔起大地全收一毛頭師子百億毛頭現千頭萬頭但識取一頭且那箇是一頭不見南臺和尚開版聲有頌云善哉三下版知識盡來參旣善知時節吾今不再三復以拂子擊禪牀一下云適來所謂盡向

這裏成等正覺是真實義所以韶國師云如來於一切處成等正覺於刀山劒樹上成等正覺於鑊湯鑪炭裏成等正覺於棒下成等正覺於喝下成等正覺然雖如是如人飲水冷暖自知豈不見善財童子至毘盧遮那大樓閣前舉體投地從地而起作是念言此大樓閣是解空無相無願者之所住處是於一切法無分別者之所住處是以一劫入一切劫以一切劫入一劫而不壞其相者之所住處是以一佛入一切佛以一切佛入一佛而不壞其相者之所住處乃至不著一切世間窟宅者之所住處何謂世間窟宅便是於無上道自作障礙者若執一切世間窟宅不

大慧錄卷六

三七

能捨離則吾輩所謂長老者亦莫住院一向杜絕世故乃可得行此道如此則是壞世間相而談實相何道之有常愛東坡爲文章庶幾達道者也縱使未至於道而語言三昧實近之矣人謂是五祖戒和尚後身而不知以何因緣中忘此意第亦暫時不著便者觀其作維摩畫像讚從始至終不死在言下其詞曰我觀衆工工一師人持一藥療一病風勞欲寒氣欲暖肺肝胃腎更相剋挾方儲藥如丘山卒無一藥堪施用有大醫王拊掌笑謝遣衆工病隨愈言其醫王遣去衆醫曰爾輩用藥都無是處衆工既去其病隨愈或問醫王君以何藥而病損乎曰不出衆工之所

用者但彼不善用耳故曰問大醫王以何藥還是工所用者我觀三十二菩薩各以意談不二門而維摩詰默無語三十二義一時墮我觀此義亦不墮維摩初不離是說這箇雖是死蛇解弄却活若彼三十二人所謂真箇負墮時卽是無言勝有言情知古人之意決不如此所以立箇喻云譬如油蠟作燈燭不以火點終不明忽見默然無語處三十二說皆光燄佛子若讀維摩經當作是念爲正念我觀維摩方丈室能受九百萬菩薩三萬二千師子座皆悉容受不迫窄經中所載此是維摩居士不思議大解脫神通之力所以借座燈王取飯香積斷取妙喜世界如陶

大慧錄卷六

三八

家輪如持鍼鋒舉一棗葉蓋真實之理不可以智知不可以識識故曰又能分布一鉢飯饜飽十方無量衆斷取妙喜佛世界如持鍼鋒一棗葉云是菩薩不思議住大解脫神通力我觀石子一處士麻鞞破帽露兩肘能使筆端出維摩神力又過維摩詰若言此畫無實相毗耶城中亦非實佛子若見維摩像應作是觀爲正觀此是東坡說底禪豈不是言語到若非前世熏習得來爭解怎麼道所以妙喜之意亦欲尚書公於此事信得及妙心居士請持此語歸舉似令叔恐因妙喜之旨直下信得及異日忽然噴地一發便乃截生死流據祖佛位做箇出世間沒量大人始

不負妙喜相期之意妙心居士近川畫得入定觀音
且以妙喜昔年所作讀題其上蓋在衡陽時因道友
蘭庭彥所請當時信意一筆寫成與維摩讚言語雖
不同大意相似曰世間種種音聲相衆以耳聽非目
觀一切音聲須以耳聽觀音却以眼觀故曰唯此大
士眼能觀如何見得曰眼目諦觀爲佛事到這裏便
轉了曰於眼境界無所取眼境界既取不得卽眼界
寂滅眼界既寂滅不可耳界不寂滅所以云耳鼻舌
身意亦然善哉心洞十方空六根互顯如是義觀音
菩薩以眼聞而普賢菩薩以心聞卽此是互顯之義
所謂互顯者眼處作耳處佛事耳處作鼻處佛事鼻

六義卷六

三九

處作舌處佛事舌處作身處佛事身處作意處佛事
於意界中作無量無邊廣大佛事得恁麼受用自在
了眼依舊觀色耳依舊聽聲乃至鼻舌身意一一依
本分故曰眼色耳聲鼻嗅香身觸意思無差別適來
所謂是法住法位世間相常住是也當以此觀如是
觀取此爲實成妄想到這裏又轉了曰若離妄想取
實法展轉惑亂失本心本心既失隨顛倒不見大士
妙色身云何顛倒眼見色隨色轉耳聞聲隨聲轉是
謂衆生顛倒迷已逐物以逐物故不見大士妙色身
無眼耳鼻舌身意此乃教有明文眼耳鼻等既無其
體互顯之義依何而立故曰互顯之義亦寂滅亦無

大士妙色身亦無種種音聲和佛子能作如是觀永
離世間生死苦大凡文字須教說得行若說不行不
成文章適來因論時節因緣所以說善財方立于樓
閣之前早已讚歎許多殊勝之事然未能得入乃白
彌勒菩薩言唯願大聖開樓閣門令我得入時彌勒
菩薩前詣樓閣彈指出聲其門卽開命善財入善財
心喜入已還閉門時如何便是觀音入流亡所底消
息然後善財於樓閣中見百億四天下百億兜率陀
天一皆有彌勒菩薩降神誕生遊行七步觀察十
方現爲童子居處宮殿爲一切智出家苦行降伏諸
魔成等正覺梵王勸請轉正法輪升天宮殿而演說

六義卷六

四

法劫數壽量衆會莊嚴所淨國土所修行願住持教
法皆悉不同善財非但見彌勒菩薩一周佛事又白
見其身在此一切諸如來所亦見於彼一切衆會一
切佛事以海印三昧一印印定更無秋毫以爲透漏
既見如是無量殊勝一切莊嚴自在境界已彌勒菩
薩卽攝神力入樓閣中又彈指作聲告善財言善男
子起法性如是此是菩薩知諸法智因緣聚集所現
之相如是自性如幻如夢如影如像悉不成就爾時
善財聞彈指聲從三昧起於此時節忽然打失布袋
然後彌勒示以如上境界無有去處亦無住處非寂
非常遠離一切師召大衆云既是來無所從去無所

至則雲門大師手中扇子踣跳上三十三天築著帝釋鼻孔東海鯉魚打一棒兩似盆傾又有甚麼過當知這箇時節具無量廣大智慧門無量神通門無量言詞門無量不可說又不可說一切佛菩薩自在受用門諸人若能如是信如是入方知先聖道過去一切劫安置未來今未來現在劫回置過去世及喝喝云若不喝住打葛藤直到明朝擊禪牀下座

大慧普覺禪師普說卷第十八

音釋

偈

切與

渾

與

難

同

鵲

鳩

鵲

鳩

鳩

鳩

鳩

鳩

鳩

鳩

鳩

鳩

大慧普覺禪師法語卷第十九

徑山能仁禪院住持嗣法慧日禪師臣蘊聞上進

示清淨居士

李邦舉

佛言若有欲知佛境界當淨其意如虛空遠離妄想及諸取令心所向皆無礙佛境界非是外境界有相佛乃自覺聖智之境界也決欲知此境界不假莊嚴修證而得當淨意根下無始時來客塵煩惱之染如虛空之寬曠遠離意識中諸取虛偽不實妄想亦如虛空則此無功用妙心所向自然無滯礙矣佛又言不應於一法一事一身一國土一衆生見於如來應徧於一切處見於如來佛者覺義謂於一切

處常徧覺故所謂徧見者見自己本源自性天真佛無一時一處一法一事一身一國上一衆生界中而不徧故也衆生迷此而輪轉三界受種種苦諸佛悟此而超諸有海受殊勝妙樂然苦樂皆無實體但迷悟差別而苦樂異途耳故杜順云法身流轉五道名曰衆生衆生現時法身不現是也諸荷此段大事因緣須是有決定志若半信半疑則沒交涉矣古德云學道如鑽火逢煙且莫休直待金星現歸家始到頭欲知到頭處自境界他境界一如是也

既學此道十二時中遇物應緣處不得令惡念相續或照顧不著起一惡念當急著精彩拽轉頭來若一

向隨他去相續不斷非獨障道亦謂之無智慧人昔

為山問嬾安汝十二時中當何所務安云牧牛山云

汝作麼生牧安云一回入草去驀鼻拽將回山云子

真牧牛也學道人制惡念當如嬾安之牧牛則又久

自純熟矣

他弓莫把他馬莫騎他人之事莫知此雖常言亦可

為入道之資糧但常自檢察從旦至暮有甚利人自

利之事稍覺徧枯當須自警不可忽也

昔道林禪師居秦望山長松之上時人謂之鳥窠和

尚白居易侍郎鎮錢塘特入山謁之乃問禪師坐處

甚危險師曰老僧有甚危險侍郎險尤甚曰弟子位

鎮江山何險之有師曰薪火相交識性不停得非險乎又問如何是佛法大意師曰諸惡莫作衆善奉行曰三歲孩兒也解恁麼道師曰三歲孩兒雖道得八十老人行不得白遂作禮而去今欲省心力莫管他三歲孩兒道得道不得八十老人行得行不得但諸惡莫作便了此語信也著不信也著請思之

世人現行無明矯而爲善善雖未至豈不勝寡廉鮮恥託善而爲惡者教中謂之因地不真果招紆曲苟能直心直行直取無上菩提可謂真大丈夫之所爲矣塵劫來事只在如今如今會得塵劫來事卽時瓦解冰銷如今不會更經塵劫亦只如是如是之法亘

六本集卷五

三

古恒然未嘗移易一絲毫許

此事許聰明靈利漢擔荷若使聰明靈利則無擔荷分聰明靈利者雖易入而難保任蓋入處不甚深而力弱故也聰明靈利者纔聞善知識說著箇中事便眼目定動早將心意識領解了也似此者自作障礙末劫無有悟時外鬼作殃猶可治此乃家親作祟不可禳禱也永嘉云損法財滅功德莫不由茲心意識此之謂也

士人博覽群書本以資益性識而返以記持古人言語蘊在胷中作事業資談柄殊不知聖人設教之意所謂終日數他寶白無半錢分看讀佛教亦然當須

見月亡指不可依語生解古德云佛說一切法爲度一切心我無一切心何用一切法有志之士讀書看教能如是方體聖人之意少分也

昔李文和都尉叅石門慈照聰禪師悟臨濟宗旨有一偈曰學道須是鐵漢著手心頭便判直取無上菩提一切是非莫管妙哉斯言可以爲光明種子發機之助也

世間塵勞之事如鈎鎖連環相續不斷得省處便省爲無始時來習得熟若不力與之爭日久月深不知不覺入得頭深臘月三十日卒著手脚不辦要得臨命終時不顛錯便從如今作事處莫教顛錯如今作

六本集卷五

四

事處顛錯欲臨命終時不顛錯無有是處

古德有言尋牛須訪跡學道訪無心跡在牛還在無心道易尋所謂無心者非如土木瓦石頑然無知謂觸境遇緣心定不動不取著諸法一切處蕩然無障無礙無所染汙亦不住在無染汙處觀身觀心如夢如幻亦不住在夢幻虛無之境到得如此境界方始謂之真無心且非口頭說底無心若未得真無心只據說底與默照那禪何以異哉

佛是衆生藥衆生病除藥亦無用或病去藥存入佛境界而不能入魔境界其病與衆生未除之病等病瘥藥除佛魔俱掃始於此段大事因緣有少分相應

耳

歸宗斬蛇南泉斬猫兒學語之流多謂之當機妙用亦謂之大用現前不存軌則殊不知總不是這般道理具超方眼舉起便知落處若大法不明打瓦鑽龜何時是了

欲空萬法先淨自心自心清淨諸緣息矣諸緣既息體用皆如體卽自心清淨之本源用卽自心變化之妙用入淨入穢無所染著若大海之無風如太虛之雲散得到如是田地方可謂之學佛人未得如是請快著精彩

近日叢林以古人奇言妙語問答爲差別因緣狐媚

六六語錄卷九

五

學者殊不本其實諸佛說法唯恐人不曾縱有隱覆之說則旁引譬喻令衆生悟入而已如僧問馬祖如何是佛祖云卽心是佛於此悟入又有何差別於此不悟卽此卽心是佛便是差別因緣

凡看經教及古德入道因緣心未明了覺得迷悶沒滋味如咬鐵橛相似時正好著力第一不得放捨乃是意識不行思想不到絕分別滅理路處尋常可以說得道理分別得行處盡是情識邊事往往多認賊爲子不可不知也

有一種人早晨看經念佛懺悔晚間縱口業罵詈人次日依前禮佛懺悔卒歲窮年以爲日課此乃愚之

甚也殊不知梵語懺摩此云悔過謂之斷相續心一斷永不復續一懺永不復造此吾佛懺悔之意學道之士不可不知也

學道人十二時中心意識常要寂靜無事亦須靜坐令心不放逸身不動搖久久習熟自然身心寧帖於道有趣向分寂靜波羅蜜定衆生散亂妄覺耳若執寂靜處便爲究竟則被默照邪禪之所攝持矣

趙州和尚云老僧十二時中除二時粥飯是雜用心餘無雜用心處此是這老和尚真實行履處不用作佛法禪道會

六六語錄卷九

五

善惡皆從自心起且道離却舉足動步思量分別外喚甚麼作自心自心却從甚麼處起若識得自心起處無邊業障一時清淨種種殊勝不求而自至矣生從何處來死向何處去知得來去處方名學佛人知生死底是阿誰受生死底復是阿誰不知來去處底又是阿誰忽然知得來去處底又是阿誰看此話眼眨眨地理會不得肚裏七上八下方寸中如頓却一團火相似底又是阿誰若要識但向理會不得處識取若便識得方知生死決定不相干涉

學道人逐日但將檢點他人底工夫常自檢點道業無有不辦或喜或怒或靜或鬧皆是檢點時節趙州狗子無佛性話喜怒哀靜鬧處亦須提撕第一不

得用意等悟若用意等悟則自謂我卽今迷執迷待
悟縱經塵劫亦不能得悟但舉話頭時畧抖擻精神
看是箇甚麼道理

趙州云佛之一字吾不喜聞佛字尚不喜聞想無開
工夫管閑事逐日波波地檢點他人也

古人提持此事或就理或就事或據時節或向上提
持俱無定準教中所謂佛以一音演說法衆生隨類
各得解是也

獻臣道友在富貴中不爲富貴所迷知有此一段
大事因緣決定透脫生死予得譴來衡陽與之相
聚首尾四年只同一日守官政事不苟簡凡百從

六家集卷十九

四七

寬廉謹重厚未嘗談人過惡此真佛菩薩所行之
行也因以此軸求指示故書此二十六段似之亦
以其純誠向道甚力故欲贊成之庶幾依此做工
夫將來發明大事如楊大年張無盡諸大老作吾
家內外護菩薩則予之言不虛發耳

示東峯居士

陳通判
次仲

欲學此道當於自己脚跟下理會纔涉秋毫知見卽
蹉過脚跟下消息脚跟下消息通了種種知見無非
盡是脚跟下事故祖師云正說知見時知見卽是心
當心卽知見知見卽如今若如今不越一念向脚跟
下頓亡知見便與祖師把手共行未能如是切忌向

知見上著到士大夫學道利根者蹉過鈍根者難入
難入則自生退屈蹉過則起謗無疑若要著中但將
蹉過底移在難入處却將難入底移在蹉過處自然
怙怙地不作難入蹉過之解矣得如此了却好向這
裏全身放下放下時亦不得作放下道理古德所謂
放蕩長如癡兀人他家自有通人愛又清凉云放曠
任其去住靜鑑覺其源流語證則不可示人說理則
非證不了而今人纔聞恁麼說話將爲實有恁麼事
便道我證我悟將出呈似人不得一向說高禪七縱
八橫胡說亂道謾神詭將謂祖師門下事只如此
殊不知親證親悟底唯親證親悟底人不假言詞自

六家集卷十九

四八

然與之默默相契矣相契處亦不著作意和會如水
入水似金博金舉一明三目機鋒兩到這箇田地方
可說離言說相離文字相離心緣相不是疆爲法如
是故近世叢林邪法橫生瞎衆生眼者不可勝數若
不以古人公案舉覺提撕便如盲人放却手中杖子
一步也行不得將古德入道因緣各分門類云這幾
則是道眼因緣這幾則是透聲色因緣這幾則是亡
情因緣從頭依次第逐則搏量卜度下語商量縱有
識得此病者將謂佛法禪道不在文字語言上卽一
切撥置噉却現成粥飯了堆堆地坐在黑山下鬼窟
裏喚作默而常照又喚作如大死底人又喚作父母

未生時事又喚作空劫已前事又喚作威音那畔消息坐來坐去坐得骨臂生胝都不敢轉動喚作工夫相次純熟却將許多閑言長語從頭作道理商量傳授一徧謂之宗旨方寸中依舊黑漫漫地本要除人我人我愈高本要滅無明無明愈大殊不知此事唯親證親悟始是究竟纔有一言半句作奇特解玄妙解祕密解可傳可授便不是正法正法無傳無授唯我證你證眼眼相對以心傳心令佛祖慧命相續不斷然後推已之餘爲物作則故達磨云吾本來茲土傳法救迷情一華開五葉結果自然成是也所謂傳法者乃心法也心法無形段所傳者前所云我證你證底是也若彼此不證向心外取證則有宗旨玄妙奇特可傳可授便有我會你不會生輕薄想增長我見如來說爲可憐愍者妙喜禪無難參易參之異只要參禪人向未病已前坐斷生死路頭直下不疑佛不疑祖不疑生不疑死難參易參差別在人不干禪事往往聰明靈利漢多是求速效要口裏有可得說面前有可得憑仗殊不知此事得者如生師子返擲在當人日用二六時中如水銀落地大底大圓小底小圓不用安排不假造作自然活鱗鱗地常露現前正當恁麼時方始契得一宿覺所謂不見一法卽如來方得名爲觀自在苟未能如是且暫將這作聰明

六六集卷七

四九

說道理底置在一邊却向沒撈摸處沒滋味處試撈摸咬嚼看撈摸來撈摸去咬嚼來咬嚼去忽然向沒滋味處咬著舌頭沒撈摸處打失鼻孔方知趙州老人道未出家時被菩提提出家後使得菩提有時拈一莖草作丈六金身有時將丈六金身却作一莖草用建立亦在我掃蕩亦在我說道理亦在我不說道理亦在我我爲法王於法自在說卽有若干不說卽無若干得如是自在何適而不自得梵語般若此云智慧未有明般若而有貪欲瞋恚癡者未有明般若而毒害衆生者作如此等事底與般若背馳焉得謂之有智慧妙喜尋常爲箇中人說邊覺日用應緣處省力時便是當人得力處得力處省無限量力處得無限量力往往見說得多了却似泗州人見大聖殊不知妙喜恁麼說正是平昔行履處恐有信不及者不免再四提撕舉覺掇泥帶水蓋曾爲浪子偏怪客爾

六六集卷七

五

示智通居士

黃提官

從上諸聖無言語傳授只說以心傳心而已今時多是師承學解背却此心以語言傳授謂之宗旨爲人師者眼既不正而學者又無決定志急欲會禪門口不空有可說耳欲得心地開通到究竟安樂之處不亦難乎

古德云句能刻意能刻句意句交馳是爲可畏又云意中不停句句中不停意如招慶問羅山云巖頭和尚道恁麼恁麼不恁麼不恁麼意旨如何羅山遂喚大師招慶應諾山云雙明亦雙暗慶便作禮而去三日後復來問前日和尚意旨如何山云我盡情向汝道了也慶云大師是把火行山云若如是據你疑處問將來慶云如何是雙明亦雙暗山云同生亦同死慶又禮謝而去後又僧問羅山同生不同死時如何山云如牛無角又問同生亦同死時如何山云如虎戴角欲了從上來事當以此段因緣時時在念然不得著意穿鑿穿鑿卽錯

永嘉集卷九

五

莫愛諸方奇言妙句宗師各自主張密室傳授底古人公案之類此等雜毒收拾在藏識中劫劫生生取不出生死岸頭非獨不得力日用亦被此障礙道眼不得明徹古人不得已見汝學者差別知解多而背道泥語言故以差別之藥治汝差別之病令汝心地安樂到無差別境界今返以差別語言爲奇特執藥爲病可不悲夫

古德云佛是衆生藥有衆生病卽用無衆生病用藥卽藥返爲病甚於有病者前所云雜毒不可收拾在藏識中亦此之謂也

日用塵勞中種種不如意事是衆生病一念回光返

照是佛藥苟能於佛於衆生直下不生分別則病瘥藥除始契得龐公所謂日用事無別唯吾自偶諸頭頭非取捨處處勿張乖之語矣

學此道未得箇入頭處時覺得千難萬難聞宗師舉覺愈覺難會蓋以取證求歇底心不除返被此作障礙此心纔歇方知非難非易亦非師家可以傳授知迷不悟是大錯執迷待悟其錯益大何以故爲不覺故迷執迷待悟乃不覺中又不覺迷中又迷決欲破此兩重關請一時放下著若放不下迷迷悟悟盡未來際何時休歇

永嘉集卷九

五

學道人日用空境易而空心難境空而心不空心爲境所勝但空心而境自空矣若心已空而更起第二念欲空其境則是此心未得空復爲境所奪此病不除生死無由出離不見龐公呈馬祖偈云十方同聚會箇箇學無爲此是選佛場心空及第歸此心既空矣心外復有何物而可空耶思之

但得本莫愁末空却此心是本既得本則種種語言種種智慧日用應物隨緣七顛八倒或喜或怒或好或惡或順或逆皆末也於隨緣處能自覺知則無少無剩

古人入門便棒便喝唯恐學者承當不性燥况切切怛怛說事說理說玄說妙草裏覓耶近年已來此道

袁微據高座爲人師者只以古人公案或褒或貶或密室傳授爲禪道者或以默然無言爲威音那畔空劫已前事爲禪道者或以眼見耳聞舉覺提撕爲禪道者或以猖狂妄行擊石火閃電光舉了便會了一切撥無爲禪道者如此等既非却那箇是著實處片有著實處則與此等何異具眼者舉起便知

此道無限劑世間塵勞亦無限劑但看當人日用所向如何爾故華嚴經云於諸世間心如虛空無所染著普觀諸法真實之相發大誓願滅衆生苦永不厭捨大乘志願滅一切見修諸菩薩平等行願所謂平等行願乃亦無限劑心所向處無障無疑是也

六六六六六六

五五

學世間事用心不到則學不成學出世間法無你用心處纔擬用心推求則千里萬里沒交涉矣雖然如是無用心處無摸捺處無着力處正好著力莫見恁麼道又節外生枝云既無用心無摸捺無著力却如何趣向若作此見轉沒交涉矣

示妙證居士

永聶

無常迅速生死事大衆生界中順生死底事如麻似粟撥整了一番又一番到來若不把生死兩字貼在鼻尖兒上作對治則直待臘月三十日手忙脚亂如落湯螃蟹時方始知悔則遲也若要直截請從而今便截斷

學世間法須要理會得分曉學出世間法却全要理會不得方有趣向分既理會不得却如何趣向但恁麼究取

佛是衆生界中了事漢衆生是佛界中不了事漢欲得一如但佛與衆生一時放下則無了無不了故古德云但於事上通無事見色聞聲不用聾

僧問趙州栢樹子還有佛性也無州云有僧云幾時成佛州云待虛空落地僧云虛空幾時落地州云待栢樹子成佛看此話不得作栢樹子不成佛想虛空不落地想畢竟如何虛空落地時栢樹子成佛栢樹子成佛時虛空落地定也思之

六六六六六六

五五

佛是無事底人住世四十九年隨衆生根性應病與藥權實頓漸半滿偏圓說一大藏教皆無事法也衆生無始時來爲心意識之所流轉流轉時渾不覺知故佛在般若會上說諸法空相謂眼耳鼻舌身意色聲香味觸法皆空徒有名字而已到究竟處名字亦空空亦不可得若人夙有善根種性只向不可得處死却心意識方知釋迦老子道始從鹿野苑終至跋提河於是二中間未嘗說一字是真實語

禪不在靜處不在鬧處不在思量分別處不在日用應緣處然雖如是第一不得捨却靜處鬧處日用應緣處思量分別處叅忽然眼開都是自家屋裏事

今時士大夫學道多是半進半退於世事上不如意則火急要參禪忽然世事遂意則便罷參為無決定信故也禪乃般若之異名梵語般若若此云智慧當人若無決定信又無智慧欲出生死無有是處

音釋

嬾落阜切 驀莫白切 崇雖遂切 撕先齊切 譴去戰切
也鰓普活切 咬交五切 嚼巧切 螃步光切 齧才詣切
對在爵切

大慧普覺禪師法語卷第二十

示無相居士

至

徑山能仁禪院住持嗣法慧日禪師臣蘊聞上進

示無相居士

子立

欲學此道須是具決定信逢逆順境心不動搖方有趣向分佛言信能末滅煩惱本信能專向佛功德信於境界無所著遠離諸難得無難又云信能超出眾魔路示現無上解脫道如上所說教有明文佛豈欺人耶若半明半暗半信半不信則觸境遇緣心生疑惑乃是於境界心有所著不能於此道決定無疑滅煩惱本遠離諸難者為無決定信被自己陰魔所撓若能一念緣起無生則不越此念即時超出魔

路所謂魔路亦非他物乃是昧却此心於此心外妄生差別諸見而此心即隨差別妄念流轉故成就魔境若能直下信此心決定本來成佛頓亡諸見即此魔路便是當人出生死菩提路也

參禪人看經教及古德入道因緣但虛却心不用向聲名句義上求玄妙求悟入若起此心即障却自己正知見未劫無有入頭處盤山云譬如擲劍揮空莫論及之不及不可忽淨名云法過眼耳鼻舌身意欲徹此法先須屏除六根門頭使無少過患何為過患被色聲香味觸法所轉而不能遠離於教及古德入言句上求知見覓解會者是苟能於經教及古德入

示無相居士

至

道因緣中不起第二念直下知歸則於自境界佗境界無不如意無不自在者德山見僧入門便棒臨濟見僧入門便喝諸方尊宿喚作劈面提持直截分付妙喜喚作第一等沘泥帶水直饒向一棒一喝下全身擔荷得已不是丈夫漢被佗驀頭澆一杓惡水了也況於一棒一喝下求奇特覓妙會乃是不啣啗中又不啣啗者

上士聞道如印印空中士聞道如印印水下士聞道如印印泥此印與空水泥無差別因上中下之士故有差別耳如今欲徑入此道和印子擊碎然後來與妙喜相見

示真如道人

火宅塵勞何時是了安樂得一日便是千萬日樣子也於一日中心不馳求不妄想不緣諸境便與三世諸佛諸大菩薩相契不著和會自然成一片矣世尊說火宅喻正爲此也經云是舍唯有一門而復狹小諸子幼稚未有所識戀著戲處或當墮落爲火所燒我爲說怖畏之事具在經中是舍唯有一門而復狹小謂信根狹劣在火宅中無智慧而戀著塵勞之事爲樂不信有出火宅露地而坐清淨妙樂故也若在其中信得及識得破不戀著幼稚戲處心不馳求不妄想不緣諸境卽此火宅塵勞便是解脫出三界

大慧普覺禪師語錄

手

之處何以故佛不云乎於一切境無依無住無有分別明見法界廣大安立了諸世間及一切法平等無二故遠行地菩薩以自所行智慧力故出過一切二乘之上雖得佛境界藏而不住魔境界雖超魔道而現行魔法雖示同外道行而不捨佛法雖示隨順一切世間而常行一切出世間法此乃火宅塵勞中真方便也學般若人捨此方便而隨順塵勞定爲魔所攝持又於隨順境中彊說道理謂煩惱卽菩提無明卽大智步步行有口口談空自不責業力所牽更教人撥無因果便言飲酒食肉不礙菩提行盜行姦無妨般若如此之流邪魔惡毒入其心腑都不覺知欲

出塵勞如潑油救火可不悲哉塵勞之儔爲如來種教有明文譬如高原陸地不生蓮華卑濕淤泥乃生此華在火宅塵勞中頭出頭沒受無量苦忽於苦中而生厭離始發無上菩提之心塵勞之儔爲如來種正謂此也俗人學道與出家兒迥然不同出家兒自小遠離塵勞父母不供甘旨六親固以棄離身居清淨伽藍目覩紺容聖相念念在道心心無間所觀底書無非佛書所行底事無非佛事不見可欲受佛禁戒佛所讚者方敢依而行之佛所訶者不敢違紀有明眼宗師可以尋訪有良朋善友可以咨決縱有習漏未除者暫時破佛律儀已爲衆所擯斥以俗人較

大慧普覺禪師語錄

手

之萬不及一俗人在火宅中四威儀內與貪欲瞋恚癡爲伴侶所作所爲所聞所見無非惡業然若能於此中打得徹其力却勝我出家兒百千萬億倍打得徹了方可說煩惱卽菩提無明卽大智本來廣大寂滅妙心中清淨圓明蕩然無一物可作障礙如太虛空一般佛之一字亦是外物况更有塵勞煩惱恩愛作對待耶在火宅中打得徹了不須求出家造妖捏怪毀形壞服滅天性絕祭祀作名教中罪人佛不教人如此只說應以佛身得度者卽現佛身而爲說法應以宰官身得度者卽現宰官身而爲說法乃至應以比丘比丘尼優婆塞優婆夷身得度者卽皆現之

而爲說法又云治生產業皆順正理與實相不相違背但只依本分隨其所化其同類同入此門便是報佛深恩也但念念不要間斷莫管得不得便是夙與般若無緣今生未打得徹臨命終時亦不被惡業所牽於日用二六時中亦不被塵勞所困後世出頭來亦得現成受用學道無佗術以悟爲則今生若不悟儘崖到盡未來際常存此心今生雖未悟亦種得般若種子在地地上世世不落惡趣生生不失人身不生邪見家不入魔軍類况忽然心華發明耶當此之時三世諸佛證明有分諸大祖師無處安著非是彊爲法如是故真如道人欲學此道但只依此做工

永嘉集卷十

五九

夫久久自然撞著矣如上所說乃一期應病與藥耳若作實法會又却不是也古人云見月休觀指歸家罷問程寫至此興雖未已而紙已盡且截斷葛藤更數日真如道人又連黏此軸來致謝曰聞前日老師興尚未已更望鋪華錦上不識可否予應之曰已展不縮復爲續此葛藤云歸到家了自然不問程途見真月了自然不看指頭矣佛說一大藏教大喻三千小喻八百頓漸偏圓權實半滿無不是這箇道理淨名云依於義不依語依了義經不依不了義經佛只說因語入義不說因義入語禪家千差萬別種種言句亦如是今時學道人不問僧俗皆有二種大病一

種多學言句於言句中作奇特想一種不能見月亡指於言句悟入而問說佛法禪道不在言句上便盡撥棄一向閉眉合眼做死模樣謂之靜坐觀心默照更以此邪見誘引無識庸流曰靜得一日便是一日工夫苦哉殊不知盡是鬼家活計去得此二種大病始有參學分經云不著衆生所言說一切有爲虛妄事雖復不依言語道亦復不著無言說又云觀語與義非異非不異觀義與語亦復如是若語異義者則不因語辨義而以語入義如燈照色所以云依義不依語依了義經不依不了義經語默二病不能除決定障道不可不知知得了始有進修趣向分第一莫

永嘉集卷十

六

把知得底爲事業更不求妙悟謂我知佗不知我會佗不會隨我見網中爲我相所使於未足中生滿足想此病尤重於語默二病良醫拱手此病不除謂之增上慢邪見人除夙有靈骨方能到這裏得轉身一路既能轉身即能轉物既能轉物方謂之了義人既了其義即了此心既了此心試於了處微細揣摩元無可了於無可了處剔起便行有時拈一莖草作丈六金身有時將丈六金身却作一莖草種種變化成就一切法毀壞一切法七顛八倒皆不出此無所了心正當恁麼時不是如來禪不是祖師禪不是心性禪不是默照禪不是棒喝禪不是寂滅禪不是過頭

禪不是教外別傳底禪不是五家宗派禪不是妙喜老漢杜撰底禪既非如上所說底禪畢竟是箇甚麼到這裏真道別人理會不得妙喜老漢亦自理會不得真如道人請自看取

示空慧道人

擔荷此事直是具決定志一棒打不回頭底若半進半退似信不信縱得箇入頭處亦禁大鑪鞴烹鍛不得況欲向千差萬別處作主宰耶妙喜這般說話如在鬧市裏颺石頭著者方知空慧道人不須疑著乍得心身寧靜切須努力不得便向寧靜處探根教中謂之解脫深坑可畏之處須教轉轆轤如水上葫蘆自由自在不受拘牽入淨入穢不礙不沒方於衲僧門下有少親近分若只抱得不哭孩兒有甚用處空慧思之

大慧普覺錄卷下

空一

大珠和尚云心逐物爲邪物從心爲正雖一期應病與藥未免塲生招箭而今未了底聞此語而不疑則大珠空費老婆心已了底聞此語而不疑則心與物俱是剎法畢竟如何不許夜行投明要到

既有箇趣向徇子無佛性話冷地裏謾提撕則箇若道知是般事便休我說此人智眼未明在妙喜雖似平地起風雷然亦不出雪峯道底

五通仙人問佛佛有六通我有五通如何是那一通

佛遂召五通仙人五通仙人應諾佛云那一通汝問我今時有一種弄泥團漢往往多在那一通處錯認定盤星

國師三喚侍者話瑞巖喚主人公話睦州擔板漢話投子漆桶話雪峯輞毬話風穴佛話這六箇老古錘各欠悟在妙喜恁麼道大似掉棒打月旁觀看之不分爲分外

示廓然居士

謝機

學世間法全仗口議心思學出世間法用口議心思則遠矣佛不云乎是法非思量分別之所能解永嘉云損法財滅功德莫不由茲心意識蓋心意識乃思

大慧普覺錄卷下

空一

量分別之窟宅也決欲荷擔此段大事因緣請猛著精彩把這箇來爲先鋒去爲殿後底生死魔根一刀斬斷便是徹頭時節正當恁麼時方用得口議心思著何以故第八識既除則生死魔無處棲泊生死魔無棲泊處則思量分別底渾是般若妙智更無毫髮許爲我作障所以道觀法先後以智分別是非審定不違法印得到這箇田地了儘作聰明儘說道理皆是大寂滅大究竟大解脫境界更非佗物故盤山云全心卽佛全佛卽人是也未得如是直須行住坐卧勿令心意識得其便久久純熟自然不著用力排遣矣思之

龐居士一日在草庵中獨坐。驀地云：「難難！十碩油麻樹上攤。」龐婆聞得接聲云：「易易！百草頭上祖師意。」女子靈照云：「也不難，也不易。飢來喫飯，困來睡。」妙喜曰：「此三人同行，不同步；同得不同失。若以心意識搏量，卜度非獨不見三人落著處。十二時中，亦自昧却自己。本地風光，不見本來面目，未免被難，易不難。易牽挽不得，自在欲得自在，請將此三人道底作一句看。妙喜已是拖泥帶水下註脚了也。古德有言：『但辦肯心，必不相賺。』只恐當人信不及於日用應緣處，被外境所奪，不能純一做工夫，則成間斷。當間斷時，未免方寸擾擾。正擾擾時，却是箇好底。時節佛言：『居一切』」

大慧普覺禪師語錄卷三

三

時不起妄念於諸妄心，亦不息滅住妄想境，不加了知於無了知，不辨真實，便是這箇道理也。這箇道理說似人，不得唯證悟者舉起，便知落處。

梁武帝問達磨：「朕造寺度僧，不可勝數，有何功德？」達磨曰：「無功德。」帝曰：「云何無功德？」達磨曰：「此但人天小果，有漏之因，如影之隨形，雖有而非實。」曰：「如何是真功德？」答曰：「淨智妙圓，體自空寂，如是功德，不以世求。」帝始問如何是聖諦第一義？答曰：「廓然無聖。」曰：「對朕者誰？」答曰：「不識。」帝不契達磨，遂渡江之魏。如今要見真功德，不用別求，只向不識處薦取，若透得此二字，一生參學事畢。

祖師云：「心隨萬境轉，轉處實能幽。隨流認得性，無喜亦無憂。真實契此心者，內不見有能證之人，外不見有所證之法。祖師說箇轉處，與隨流皆為迷。此心向外取證之者，赴箇程限耳。佛說一大藏教，大喻三千小喻八百，只是說程限底文字而已。若謂如來實有恁麼事，則是謗佛法僧。」

心火熾然，熒熒不息，貪欲瞋恚癡繼之，如鈎鎖連環，相續不斷。若無猛烈志氣，日月浸久，不覺被五陰魔所攝持。若能一念緣起無生，不離貪欲瞋恚癡，倒用魔王印，驅諸魔侶，以為護法善神，且非彊為法如是。故故淨名云：「佛為增上慢人說離。」離癡癡為解脫耳。

大慧普覺禪師語錄卷三

三

若無增上慢者，佛說「離癡癡性」，即是解脫。增上慢謂大闢提敗善根，非器眾，生不信有佛乘，生死岸頭可憑可仗者如此輩人，雖不信然亦於平等法無所欠少。

龐居士問馬大師云：「如水無筋骨，能勝萬斛舟，時如何？」祖云：「我這裏無水，亦無舟，更說甚麼筋骨？」居士於言下頓息。諸緣遂回南嶽，見石頭和尚。一日石頭問居士：「自見老僧後，日用事作麼生？」居士云：「若問某甲，日用事直是無開口處。」頭云：「知子恁麼，方始問子。」居士遂述一偈曰：「日用事無別，唯吾自偶諧。頭頭非取舍，處處勿張乖。朱紫誰為號，丘山絕點埃。神通并妙。」

用運水及搬柴這箇是俗士中參禪樣子決欲究竟此事請依此老法式彼既丈夫我寧不爾不可忽勉之勉之

示覺空居士唐通判

以斯道覺斯民儒者之事也吾佛亦曰性覺妙明本覺明妙又佛者覺也既已自覺而以此覺覺諸羣迷故曰大覺又德山曰捫空追響勞汝心神夢覺覺非覺亦非覺彦舉道友儒釋俱學而不偏故取是義而名其所居曰覺軒以此軸來求法語仍書尾囑之曰覺軒之義是大神呪是大明呪是無上呪是無等等呪彦舉既知是義大神大明無上無等等矣又何必

六六

六五

妙喜再下註脚然彦舉之意非獨欲發明是義以自覺而已蓋因是義以覺諸未覺者法施之普亦佛菩薩之用心也予嘉其志故直書以示之凡登是軒者當見其義而亡軒可也苟執軒以爲義則非獨不其義而亦未覩其軒也軒義俱亡覺心獨朗始可與言覺也矣覺義深遠言不能盡繼之以偈曰覺空空覺空空覺覺空空亦空欲識無窮好消息都盧只在此軒中信筆信意一揮以塞來命而已

示新喻黃縣尉

妙喜與如是老人素昧平昔紹興丙子暮春邂逅渝川江亭一見便得之詞色之間雖未相酬酢而心已

許之既而來驛舍吐露若合符契自慶驗人之眼不讓古人又喜般若社中得一箇英靈漢可以扶此大法幢然此大法炬爲吾家內外護次日同赴任宰飯飯罷復坐兀齋如是老人盡發所蘊字字句句皆有落著不似今時士大夫說世之所謂口鼓子禪因說夢一巡到這裏方信三世諸佛說夢六代祖師說夢天下老和尚說夢卽今妙喜與如是老人在夢中說夢忽然有箇沒量大漢夢裏覺來方信三世諸佛所說者不是夢六代祖師所說者不是夢天下老和尚所說者不是夢何以故夢與覺一語與默一說與無說一所以云二由一有一亦莫守一心不生萬法

六六

六六

示羅知縣孟

聰明利智之士往往多於根脚下蹉過此事蓋聰明利智者理路通纔聞人舉著箇中事便將心意識領

覽了及乎根著實頭處黑漫漫地不知下落却將平昔心意識學得底引證要口頭說得到心裏思量計較得底疆差排要教分曉殊不知家親作崇決定不從外來故未嘉有言損法財滅功德莫不由茲心意識以是觀之心意識之障道甚於毒蛇猛虎何以故毒蛇猛虎尚可回避聰明利智之士以心意識爲窟宅行住坐卧未嘗頃刻不與之相酬酢日久月深不知不覺與之打作一塊亦不是要作一塊爲無始時來行得這一路子熟雖乍識得破欲相遠離亦不可得故曰毒蛇猛虎尚可回避而心意識真是無你回避處除是風有靈骨於日用現行處把得住作得主

大慧普覺禪師語錄

卷二

識得破直下一刀兩段便從脚跟下做將去不必將心等悟亦不須計較得在何時但將先聖所訶者如避毒蛇猛虎如經蠱毒之鄉滴水莫教入口然後却以三教聖人所讚者茶裏飯裏喜時怒時與朋友相酬酢時侍奉尊長時與妻兒聚會時行時住時坐時卧時觸境遇緣或好或惡時獨居暗室時不得須臾間斷若如此做工夫道業不成辦三教聖人皆是妄語人矣士大夫平昔在九經十七史內娛嬉興亡治亂或逆或順或正或邪無有一事不知無有一事不會或古或今知盡會盡有一事不知一事不會便被入喚作寡聞無見識漢佗人屋裏事盡知得盡見得

盡識得下筆做文章時如鉗注水引古牽今不妨錦心繡口心裏也思量得到口頭亦說得分曉佗人行履處佗人逆順處佗人邪正處一一知得下落一一指摘得無纖毫透漏及乎緩緩地問他你未託生張黃李鄧家作兒子時在甚麼處安身立命卽今作聰明說道理爭人爭我縱無明使業識檢點佗人不是能分別邪正好惡底百年後却向甚麼處去既不知來處卽是生大既不知去處卽是死大無常迅速生死事大便是這些道理也儒者亦云死生亦大矣棒打石人頭曝曝論實事臘月三十日無常殺鬼到來不取你口頭辦不遷怒不貳過孔子獨稱顏回謂聖

大慧普覺禪師語錄

卷二

人無怒無怒則不爲血氣所遷謂聖人無過無過則正念獨脫正念獨脫則成一片成一片則不二矣邪非之念纔干正則打作兩極作兩極則其過豈止二而已不遷怒不貳過之義如是而已不必作玄妙奇特商量士大夫學先王之道止是正心術而已心術既正則邪非自不相干邪非既不相干則日用應緣處自然頭頭上明物物上顯心術是本文章學問是末近代學者多棄本逐末尋章摘句學華言巧語以相勝而以聖人經術爲無用之言可不悲夫孟子所謂不揣其本而欲齊其末方寸之木可使高於岑樓是也孟弼正是春秋鼎盛之時瞥地得早能回作塵

勞惡業底心要學出生死法非夙植德本則不能如是信得及把得住作得主宰時時以生死在念真火中蓮華也既以生死事在念則心術已正心術既正則日用應緣時不著用力排遣既不著排遣則無邪非無邪非則正念獨脫正念獨脫則理隨事變理隨事變則事得理融事得理融則省力纔覺省力時便是學此道得力處也得力處省無省力省力處得無限力得如此時心意識不須按捺自然怙怙地矣雖然如是切忌墮在無言無說處此病不除與心意識未寧時無異所以黃面老子云不取衆生所言說一切有爲虛妄事雖復不依言語道亦復不著無言說

大慧普覺禪師語錄卷二

五

纔住在無言說處則被默照邪禪幻惑矣前所云毒蛇猛虎尚可回避心意識難防便是這箇道理也日用隨緣時撥置了得靜處便靜雜念起時但舉話頭蓋話頭如大火聚不容蚊蚋螻蟻所泊舉來舉去日月浸久忽然心無所之不覺噴地一發當恁麼時生也不著問人死也不著問人死不死底也不著問人作如是說者也不著問人受如是說者也不著問人如人喫飯喫到飽足處自不生思食想矣千說萬說曲說直說只爲羅孟弼疑情不破佗時後日驀然失脚蹋著鼻孔妙喜怱怱爲許多惡口却向甚處安著妙喜自云因地而倒因地而起起倒在人畢

竟不干這一片田地事寫至此一軸紙已盡且截斷葛藤

大慧普覺禪師法語卷第二十

校訛 六十葉 始誤作如 今改正

音釋

儘即忍切 縮所角切 鍛丁貫切 塚村果切 擾而沼切
也 熠弋入切 捫莫奔切 酢疾各切 酬射明切 賓賓切 蠱公戶切

大慧普覺禪師語錄卷二

五



大慧普覺禪師法語卷第二十一

宋徑山能仁禪院住持嗣法慧日禪師臣蘊聞上進

示鄂守熊祠部

雅叔

近世士大夫多欲學此道而心不純一者病在雜毒入心雜毒既入其心則觸途成滯觸途成滯則我見增長我見增長則滿眼滿耳只見佗人過失殊不能退步略自檢察看逐日下得牀來有甚利佗利已之事能如是檢察者謂之有智慧人趙州云老僧逐日除二時粥飯是雜用心餘外更無雜用心處且道這老漢在甚處著到若於這裏識得佗面目始可說行亦禪坐亦禪語默動靜體安然未能如是當時時退

步向自己脚跟下子細推窮我能知佗人好惡長短底是凡是聖是有是無推窮來推窮去到無可推窮處如老鼠入牛角驀地偷心絕則便是當人四楞塌地歸家穩坐處妙喜不得已說這惡口於了事漢分上看來正是不識好惡撒屎撒尿忽然撞著箇皮下有血底爛推一頓也怪佗不得今既無其人不妨教這漢恣意亂說已是不識好惡不免向泥裏洗土說些沒滋味話然第一不得向我說處會此是士大夫作聰明底第一義也世間出世間法不得言一不得言二不得言有不得言無一二有無於光明藏中亦謂之毒藥亦謂之醍醐醍醐毒藥本無自性作一二

大慧普覺禪師法語錄卷二

有無之見者對病醫方耳光明藏喻太虛空一二有無喻日月晝夜夜暗時太虛空未嘗暗晝明時太虛空未嘗明日月晝夜自相傾奪如一二有無之見相傾相奪於光明藏無異可中有箇英靈漢不受這般惡水潑一念緣起無生只這相傾相奪底皆是當人逐日受用底家事前所云醍醐毒藥是也士大夫學此道多求速效宗師未開口時早將心意識領解了也及乎緩緩地相著一似落湯螃蟹手忙脚亂無討頭處殊不知問家老子面前受鐵棒吞熱鐵圓者便是這領解求速效者更不是別人所謂希得返失務精益麤如來說為可憐愍者近世士大夫千萬人中

覓一箇半箇無此病者了不可得紹興丙子秋經由鄂渚邂逅熊使君叔雅一見傾倒便以此道相契却能退步向實頭處著到如說而行不似泛泛者彊知彊會彊領略直要到古人腳踏實地處不疑佛不疑孔子不疑老君然後借老君孔子佛鼻孔要自出氣真勇猛精進勝丈夫所爲願猛著精彩努力向前說處行處已不錯但少噴地一下而已若有進無退日用二六時中應緣處不間斷則噴地一下亦不難然第一不得存心在噴地一下處若有此心則被此心障却路頭矣但於日用應緣處不昧則日月浸久自然打成一片何者爲應緣處喜時怒時判斷公事時

大慧語錄二十一

三

與賓客相酬酢時與妻子聚會時心思善惡時觸境遇緣時皆是噴地一發時節千萬記取千萬記取世間情念起時不必用力排遣前日已曾上聞但只舉僧問趙州狗子還有佛性也無州云無纔舉起這字世間情念自怙怙地矣多言復多語由來返相誤千說萬說只是這些子道理驀然於無字上絕却性命這些道理亦是眼中花

示徐提刑

教

此事如青天白日皎然清淨不變不動無減無增各各當人日用應緣處頭頭上明物物上顯取之不得捨之常存蕩蕩無礙了了空虛如水上放葫蘆拘牽

佗不得惹絆佗不得古來有道之士得之向生死海內頭出頭沒全體受用無欠無餘不見有生死塵勞之狀如析旃檀片片皆是將甚麼作生死塵勞生死塵勞從甚麼處起收因結果時却向甚麼處著既無著處則佛是幻法是幻三界二十五有十二處十八界空蕩蕩地到得這箇田地佛之一字亦無著處佛之一字尚無著處真如佛性菩提涅槃何處有也故傳大士有言恐人生斷見權且立虛名學道人理會不得一向去古人入道因緣上求玄求妙求奇特覓解會不能見月亡指直下一刀兩段永嘉所謂空拳指上生實解根境法中虛捏怪於五蘊十二處十八

大慧語錄二十一

四

界二十五有塵勞中妄自囚執如來說爲可憐愍者不見巖頭和尚有言汝但無欲無依便是能仁都來只有一箇父母所生底肉塊子一點氣不來便屬佗人所管肉塊子外更有甚麼把甚麼作奇特玄妙把甚麼作菩提涅槃把甚麼作真如佛性士大夫要究竟此事初不本其實只管要於古人公案上求知求解直饒你知盡解盡一大藏教臘月三十日生死到來時一點也使不著又有一種纔聞知識說如是事又將心意識搏量卜度云若如此則莫落空否士大夫十箇有五雙作這般見解妙喜不得已向佗道你未曾得空何怕之有如船未翻先要跳入水去見伊

不領略不惜口業又爲打葛藤一上云只這怕落空底還空得也無你眼若不空將甚麼觀色耳若不空將甚麼聽聲鼻若不空將甚麼知香臭舌若不空將甚麼嘗味身若不空將甚麼覺觸意若不空將甚麼分別萬法佛不云乎無眼耳鼻舌身意無色聲香味觸法乃至十二處十八界二十五有乃至聲聞緣覺菩薩佛及佛所說之法菩提涅槃真如佛性及說此法者聽此法者作如是說者受如是說者皆悉無有得如是了喚作空耶喚作不空耶喚作佛耶喚作菩薩耶喚作聲聞耶喚作緣覺耶喚作菩提涅槃耶喚作真如佛性耶道我聰明靈利不受人謾試向這裏

六金語錄二

五

定當看若定當得出止宿草菴且在門外若定當不出切忌開大口說過頭話大丈夫漢決欲究竟此一段大事因緣一等打破面皮性燥豎起脊梁骨莫順人情把自家平昔所疑處貼在額頭上常時一似欠了人萬百貫錢被人追索無物可償生怕被人耻辱無急得急無忙得忙無大得大底一件事方有趣向分若道我世間文字至於九經十七史諸子百家古今興亡治亂無有不知無有不曾只有禪一般我也要知我也要會自無辨邪正底眼驀地撞著一枚杜撰禪和被佗狐媚如三家村裏傳口令口耳傳授謂之過頭禪亦謂之口鼓子禪把佗古人糟粕遞相印

證一句來一句去末後我多得一句時便喚作贏得禪了也殊不肯退步以生死事在念不肯自疑愛疑佗人纔聞有箇士大夫要理會這事先起無限疑了也謂渠要做美官又有聲色之好如何辦得這般事似這般底比比皆是無一人真實把做一件未了底事晝三夜三孜孜矻矻茶裏飯裏喜時怒時淨處穢處妻兒聚頭處與賓客相酬酢處辦公家職事處了私門婚嫁處都是第一等做工夫提撕舉覺底時節昔李文和都尉在富貴叢中參得禪大徹大悟楊文公參得禪時身居翰苑張無盡參得禪時作江西轉運使只這三大老便是箇不壞世間相而談實相底

六金語錄三

六

樣子也又何曾須要去妻孥休官罷職咬菜根苦形劣志避喧求靜然後入枯禪鬼窟裏作妄想方得悟道來不見龐居士有言但自無心於萬物何妨萬物常圍遶鐵牛不怕師子吼恰似木人見花鳥木人本體自無情花鳥逢人亦不驚心境如如只這是何慮菩提道不成在世俗塵勞中能不忘生死事雖未卽打破漆桶然亦種得般般若種智之深異世出頭來亦省心力亦不至流落惡趣中大勝耽染塵勞不求脫離謂此事不可容易且作歸向信敬處似此見解者不可勝數士大夫學道與我家兒大不同出家兒父母不供甘旨六親固以棄離一餅一鉢日用應緣

處無許多障道底冤家一心一意體究此事而已士大夫開眼合眼處無非障道底冤魂若是箇有智慧者只就裏許做工夫淨名所謂塵勞之儔爲如來種怕人壞世間相而求實相又說箇喻云譬如高原陸地不生蓮華卑濕淤泥乃生此華若就裏許如楊文公李文和張無盡三大老打得透其力勝我出家兒二十倍何以故我出家兒在外打入士大夫在內打出在外打入者其力弱在內打出者其力彊彊者謂所乖處重而轉處有力弱者謂所乖處輕而轉處少力雖力有彊弱而所乖則一也方外道友徐敦濟乃妙喜三十年前夷門道舊纔一邂逅便以此道相期

六本義錄三

七

與令弟敦立時時來園悟先師處激揚箇事決欲臘月三十日四大分散時要得這一著子有下落非如佗人要資談柄紹興初予住徑山因持鉢吳門再得一見又二十年復在鄂渚相遇因此軸求指示信意一揮寫至此不知前面所說何事而一軸已終千說萬說直說曲說只是爲徐敦濟生死疑根未拔只教就未拔處看箇話頭僧問趙州狗子還有佛性也無州云無行住坐卧但時時提掇焉然噴地一發方知父母所生鼻孔只在面上勉之勉之

示鮑教授

諸佛出世祖師西來隨衆生根器所宜應箇時節而

已據實而論無說無示無聞無得故巖頭有言若以實法繫綴人莫道受佗信施只土亦銷不得以是觀之諸佛諸祖亦只作得箇證明底主人耳不見舍利弗問文殊師利曰諸佛如來不覺法界耶文殊答曰諸佛尚不可得云何有佛而覺法界法界尚不可得云何法界爲諸佛所覺如是則亦不見有師亦不見有弟子亦不見有說法者亦不見有聽法者亦不見有說如是義者亦不見有受如是義者亦無文殊亦無舍利弗亦無諸佛亦無祖師亦無法界爲諸佛所覺亦無諸佛而覺法界亦不曾有鮑居士此軸子亦無來處妙喜亦不曾引筆行墨旣是一切皆不曾有

六本義錄三

八

卽今怱怱怱怱一絡索惡口却安頓在甚麼處咄若有安頓處則有也鮑居士但恁麼觀作是觀者名爲正觀作佗觀者名爲邪觀如或尚作邪正見也怪妙喜不得

示妙淨居士

趙觀使

旣已知有此段大事因緣決定不從人得則便好頓捨外塵時時向自己脚跟下推窮推來推去內不見有能推之心外不見有所推之境淨保保赤灑灑沒可把如水上放葫蘆無人動著常蕩蕩地拘牽佗不得惹絆佗不得撥著便動觸著便轉如是自在如是瞥脫如是靈聖不與千聖同途不與衲僧借借直能

號令佛祖佛祖號令佗不得當人知是般事便好猛著精彩向百尺竿頭快進一步如進得這一步則不異善財童子於普賢毛孔刹中行一步過不可說不可說佛刹微塵數世界如是而行盡未來劫猶不能知一毛孔中刹海次第刹海藏刹海差別刹海普入刹海成刹海壞刹海莊嚴所有邊際似這般境界亦不是外邊起心用意修證得來只是當人脚跟下本來具足底道理耳不見德山和尚有言汝但無事於心無心於事則虛而靈空而妙若毛端許言之本末者皆為自欺何故毫釐繫念三塗業因瞥爾情生萬劫羈鎖聖名凡號盡是虛聲殊相劣形皆為幻色汝

六六慧語錄三十一

九

欲求之得無累乎及其厭之又成大患怎麼說話棒打石人頭曝曝論實事前所云內不見有能推之心外不見有所推之境便是這箇道理也這箇道理向事上觀則疾若向意根下思量下度則轉踈轉遠矣所以釋迦老子在法華會上只度得箇八歲底女人華嚴會上只度得箇童子涅槃會上只度得箇屠兒看佗這三箇成佛底樣子又何曾向外取證辛勤修學來佛亦只言我今為汝保任此事終不虛也只說為佗保任而已且不說有法可傳今汝向外馳求然後成佛幸有如此體格何故不信苟能直下信得及不向外馳求亦不於心內取證則二六時中隨處解

脫何以故既不向外馳求則內心寂靜既不於心內取證則外境幽閑故祖師云境緣無好醜好醜起於心心若不彊名妄情從何起妄情既不起真心任徧知當知內心外境只是一事切忌作兩般看記得瀉山問仰山妙淨明心子作麼生會仰山云山河大地日月星辰瀉山云汝只得其事仰山云和尚適來問甚麼瀉山云妙淨明心仰山云喚作事得麼瀉山云如是如是觀使師重身生富貴之家不為富貴囚執而夙植德本自然知有此段不可思議事可以於生死岸頭為舟為航為憑為仗故時時退步肯向脚跟下推究乃為立道號曰妙淨居士師重勉之行住坐

六六慧語錄三十一

十

卧造次顛沛不可忘了妙淨明心之義妄念起時不必用力排遣只舉僧問趙州狗子還有佛性也無州云無舉來舉去和這舉話底亦不見有只這知不見有底亦不見有然後此語亦無所受驚地於無所受處不覺失聲大笑一巡時便是歸家穩坐處也多言多語返相鈍置且截斷葛藤

示呂機宜

是人知得世間有為虛妄不實底道理及至對境遇緣驀地撞在面前不隨佗去則被伊穿却鼻孔定也蓋無始時來熟處太熟生處太生雖暫識得破終是道力不能勝佗業力且那箇是業力熟處是那箇是

道力生處是然道力業力本無定度但看日用現行處只有一箇昧與不昧耳昧却道力則被業力勝却業力勝則觸途成滯觸途成滯則處處染著處處染著則以苦為樂故釋迦老子謂滿慈子曰汝以色空相傾相奪於如來藏而如來藏隨為色空周徧法界是故於中風動空澄日明雲暗衆生迷悶背覺合塵故發塵勞有世間相這箇是昧道力而被業力勝者釋迦老子又曰我以妙明不滅不生合如來藏而如來藏唯妙覺明圓照法界是故於中一為無量無量為一小中現大大中現小小不動道場徧十方界身含十方無盡虛空於一毛端現寶王刹坐微塵裏轉大

法華經卷三

三

法輪這箇是現行處不昧道力而勝業力者然兩處皆歸虛妄若捨業力而執著道力則我說是人不合諸佛方便隨宜說法何以故不見釋迦老子曰若取法相卽著我人衆生壽者若取非法相卽著我人衆生壽者是故不應取法不應取非法前所云道力業力本無定度是也若是有智慧丈夫兒借道力為器仗攘除業力業力既除道亦虛妄所以道但以假名字引導於衆生未識得破時千難萬難識得破後有甚難易龐居士曰凡夫智量狹妄說有難易離相如虛空盡契諸佛智戒相亦如空迷人自作持病根不肯拔只是弄花枝要識病根麼不是別物只是箇執

難執易妄生取捨者這箇病根拔不盡生死海裏浮沈直是無出頭時昔張拙秀才纔被尊宿點者病源便解道斷除煩惱重增病趣向真如亦是邪隨順世緣無罣礙涅槃生死是空花要得直截不疑佛祖不疑死生但常放教方寸虛豁豁地事來則隨時撥置如水之定如鑑之明好惡妍醜到來逃一毫不得信知無心自然境界不可思議近世叢林有一種邪禪執病為藥自不曾有證悟處而以悟為建立以悟為接引之詞以悟為落第二頭以悟為枝葉邊事自己既不曾有證悟之處亦不信他人有證悟者一味以空寂頑然無知喚作威音那畔空劫已前事逐日墮

法華經卷三

三

却兩頓飯事事不理會一向背廬都地打坐謂之休去歇去纔涉語言便喚作落今時亦謂之兒孫邊事將這黑山下鬼窟裏底為極則亦謂之祖父從來不出門以己之愚返愚他人釋迦老子所謂譬如有人自塞其耳高聲大叫求人聞此輩名為可憐愍者有一種士大夫末上被這般雜毒入在心識中縱遇真正善知識與說本分話返以為非此輩正如世之所謂虎兇者不獨被伊害却性命又返為之用殊不知覺除非夙有願力常以生不知來處死不知去處二事貼在鼻孔尖上茶裏飯裏靜處鬧處念念孜孜常似欠却人萬百貫錢債無所從出心胃煩悶回還

無門求生不得求死不得當恁麼時善惡路頭相次絕也覺得如此時正好着力只就這裏看箇話頭僧問趙州狗子還有佛性也無州云無看時不用博量不用註解不用要得分曉不用向開口處承當不用向舉起處作道理不用墮在空寂處不用將心等悟不用向宗師說處領略不用掉在無事甲裏但行住坐卧時時提撕狗子還有佛性也無無提撕得熟口議心思不及方寸裏七上八下如咬生鐵橛沒滋味時切莫退志得如此時却是箇好底消息不見古德有言佛說一切法爲度一切心我無一切心何用一切法非但祖師門下如是佛說一大藏教盡是這般

本意錄三

三

道理衆生惡業障重逐日下得牀來便心識紛飛思量名利擔却人我妄想顛倒從旦至暮如鈎鎖連環相續不斷都不厭惡乍起一念向此箇門中著意思量便要我會心意識安排不到便生煩惱早要罷休有著甚來由之說如此者不可勝數舜元道友卽不然既知缺憾界中種種虛妄一心一意向自己脚跟下理會生從何處來死向何處去既不知來處又不知去處現今歷歷孤明與人分是非別好醜底決定是有是無是真實是虛妄直待到如人飲水冷暖自知不向他人口頭受處分忽然噴地一發到究竟安樂大休大歇處方始自肯以此軸來求指示掇筆信

一揮遂成一段葛藤然則事不孤起必有由若一向作葛藤會又爭得不見昔日子胡和尚有言祖師西來也只箇冬寒夏熱夜暗日明只爲你徒無意立意無事生事無內外疆作內外無東西謾說東西所以奢摩不能明了以至根境不能自內以是評量舜元不曾來妙喜處求法語妙喜元不曾寫一字冬寒夏熱夜暗日明內外中間東西南北元不曾移易增減一絲毫許何以故我宗無語句亦無一法與人既無一法與人卽今寫底是箇甚麼說冬寒夏熱內外中間者又是箇甚麼東西南北不曾移易一絲毫者又是箇甚麼咄有也不可得無也不可得冬寒夏

大慧語錄三

十四

熱也不可得內外中間也不可得作如是說者亦不可得受如是說者亦不可得一絲毫亦不可得舜元亦不可得妙喜亦不可得不可得亦不可得不可得中只麼得舜元到這裏合作麼生參只這作麼生參亦無著處然後此語亦不受此語既不受妙喜決定無說舜元決定無聞無說處是真說無聞處是真聞如是則妙喜卽是舜元舜元卽是妙喜妙喜舜元無二無二分無別無斷故嘉州大像喫黃連陝府鐵牛滿口苦苦不苦分明覩見沒可觀

大慧普覺禪師法語卷第二十一

音釋

鄂五各切 醉在各切 酬酢謂帖也 協切 乞苦切
淤依據切 濁泥也 掇提挈也 聲也 覷七慮切 覷視也 噉音煙 喫也

大慧普覺禪師法語卷第二十二

示快然居士小徑山能仁禪院住持嗣法慧日禪師臣蘊聞上進

快然居士羅宗約紹興丁丑暮春得來鄮山見妙
喜欲究竟此段大事因緣屢隨衆到室中呈伎倆逞
解會都與列下忽一日喜見眉宇知渠管中窺豹轉
身動腦袖間已有頌子雖未拈出妙喜即時與撥轉
關板子渠雖未能赤骨體地跳出葛藤窠然却知得
飯是米做麪在麥裏正好著力之際薦來相別云要
急歸嫁女以此軸來乞做工夫底道理昔龐居士有
言有男不婚有女不嫁大家團圓頭共說無生話後

來元豐間有箇士人謂之無爲居士姓楊名傑字次
公嘗參前輩於宗門中有真實得力處曾和龐公此
偈云男大須婚女長須嫁討甚閒工夫更說無生話
這兩箇俗漢子將他十方常住一片田地不向官中
印契各自分疆列界道我知有而時時向無佛處稱
尊當時亦有箇不平底謂之海印信禪師時住蘇州
定慧因見無爲此偈亦有一偈曰我無男婚亦無女
嫁困來便打眠誰管無生話這三箇老漢說此三偈
快然居士開眼也著合眼也著不開不合也著妙喜
只得冷地看看則不無畢竟快然居士向開眼處著
到耶合眼處著到耶不開不合處著到耶若在開眼

處著到則落在龐公圈積裏在合眼處著到則落在
楊無爲圈積裏在不開不合處著到則落在海印禪
師圈積裏快然見恁麼說定道總不恁麼若總不恁
麼又落在妙喜圈積裏要出三老圈積則易要出妙
喜圈積則難快然畢竟如何出得待歸延平嫁了女
却緩緩地來爲你說破因記得古德一偈併書其後
庶幾快然不在中途探根亦老婆心之切耳偈曰學
道如鑽火逢煙且莫休直待金星現歸家始到頭更
有一箇問頭且那裏是快然歸底家若透得這一問
男婚女嫁都在裏許若未識得家且業識茫茫儘在
外邊走亦怪妙喜不得

示妙心居士

孫通判長文

決欲究竟此事應是從前作聰明說道理文字語言上記持於心意識內計較搏量得底颺在他方世界都不得有絲毫頭許頓在胷中掃除得淨盡也然後向心思意想不及處試進一步看若進得這一步便如善財童子於普賢毛孔剎中行一步過不可說不可說佛剎微塵數世界如是而行盡未來劫猶不能知一毛孔中剎海次第剎海藏剎海差別剎海普入剎海成剎海壞剎海莊嚴所有邊際亦不能知佛海次第佛海藏佛海差別佛海普入佛海生佛海滅所有邊際亦不能知菩薩衆海次第菩薩衆海藏菩薩

六六六

七

衆海差別菩薩衆海普入菩薩衆海集菩薩衆海散所有邊際亦不能知入衆生鬼界衆生根教化調伏諸衆生智菩薩所住甚深自在菩薩所入諸地諸道如是等海所有邊際信知無念無作有如是功德這一步雖曰難進若夙曾種得善根種子只向信得及處看看來看去內無所住外無所緣不覺不知打失布袋當恁麼時方知龐居士道無念清涼寺蘊空真五臺對境心無垢當情心死灰妙理於中現優曇空裏開無求真法眼離相卽如來若能如是學不動出三災是真語實語不誑不妄然雖如是莫見恁麼道便向無作無爲處閉眉合眼做死模樣謂之默而常

照硬捉住箇猢猻繩子怕他教跳古德作落空亡外道魂不散死人真實要絕心生死浣心垢濁伐心稠林須是把這猢猻子一棒打殺始得若一向緊緊地把定繩頭將心調伏我說是人執之失度真可憐愍正眼觀之盡是天魔外道魍魎妖精非吾眷屬此事要得渾鋼打就生鐵鑄成底擔荷若有心擔荷則又蹉過也古人不得已見你迷却路爲你作箇指路頭主人而已亦無禪道佛法可以傳授縱說有傳有授便是邪法何以故不見金剛經中道若言如來有所說法卽爲謗佛是不解我所說義又云法尚應捨何況非法著實而論說真如佛性說菩提涅槃說

六六六

大

理說事說邪說正盡是非法那堪更說有玄有妙可以傳可以授乎不見先德有言說箇學道早是接引之辭耳又何曾教你起模畫樣特地馳求來所以云擬將心意學玄宗狀似西行却向東臨濟云你但歇得念念馳求心則與釋迦老子不別七地菩薩求佛智心未歇謂之法塵煩惱既有決定志必有決定得入手時且那箇是得入手時噴地一發心意識滅絕氣息時是佛言理則頓悟乘悟併銷事非頓除因次第盡要識這此道理便是善財聞彌勒彈指之聲樓閣門開善財心喜入已還閉香嚴聞擊竹作聲忽然契悟便解道一擊亡所知更不假修治動容揚古路

不隨悄然機之類是也自家悟處自家安樂處自家得力處他人不知拈出呈似人不得除已悟已安樂已得力者一見便默默相契矣疑情未破但只看箇古人入道底話頭移逐日許多作妄想底心來話頭上則一切不行矣僧問趙州徇子還有佛性也無州云無只這一字便是斷生死路頭底刀子也妄念起時但舉箇無字舉來舉去驀地絕消息便是歸家穩坐處也此外別無奇特前所云難進底一步不覺驀然過矣

示永寧郡夫人

府兩宅

既知無常迅速生死事大決欲親近善知識孜孜矻

不捨晝夜常以生死二字貼在額頭上茶裏飯裏

九

坐時卧時指揮奴僕時幹辦家事時喜時怒時行時住時酬酢賓客時不得放捨常常恰似方寸中有一件緊急未了底事礙塞決欲要除屏去教淨盡方有少分相應也若見宗師說時方始著急理會不說時又却放緩則是無決定之志要得生死根株斷則無有是處此事不在男之與女僧之與俗若於宗師一言之下啐地折曝地斷便是徹頭處也佛說火宅喻直是為衆生開方便門示真實相痛的的地其中有言是舍唯有一門而復狹小諸子幼稚未有所識謂衆生根器狹劣無決定志戀著生死塵勞於塵勞中

頭出頭沒於三界火宅不能捨離故設種種方便令衆生捨方便直出火宅露地而坐此是釋迦老子徹底老婆心凡看經教及古德入道因緣當見月亡指切不得泥在言語中若於語上尋玄妙言中求奇特落處如此做工夫則失方便矣妙喜從來無實法與人直是據欵結案將平生悟得底開口見膽明白直說與人有信得及底依而行之雖乍聞說似難承當若當人無始時來種得般若種子纔聞舉著便兩眉卓豎眼睛定動矣老僧頃年初住此山常州許宅有箇無著道人法名妙總三十歲便打硬修行徧見諸方尊宿皆蒙印可然渠真實畏生死苦故要真實理

元本意語錄三

三

會本命元辰下落去處特來山中度夏時同夏者一千七百衲子馮濟川少卿亦在此山不動軒隨衆一日因老僧陞座舉藥山和尚初叅石頭問石頭云三乘十二分教某甲粗亦研窮曾聞南方有直指人心見性成佛實未明了乞師指示石頭云恁麼也不得不恁麼也不得恁麼不恁麼總不得藥山不契石頭云你往江西問取馬大師去藥山依教到馬大師處如前問馬大師曰有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是藥山於言下大悟更無伎倆可呈但低頭禮拜而已馬大師曰子見箇甚麼道理便禮拜山

曰某在石頭和尚處如蚊子上鐵牛相似馬大師然之是時陞座纔再提撕無著於言下忽然省悟下座後亦不來通消息時馮濟川隨老僧後上方丈云某甲理會得老僧問伊居士如何濟川云恁麼也不得蘇盧娑婆訶不恁麼也不得噫娑婆訶恁麼也不得麼總不得蘇盧噫娑婆訶老僧亦不向他道是亦不向他道不是却以濟川語舉似無著無著云曾見郭象注莊子識者云却是莊子注郭象老僧見他語異亦不問他却舉巖頭婆子話問之無著遂作一偈云一葉扁舟泛渺茫呈撓舞棹別宮商雲山海月俱拋棄贏得莊周蝶夢長老僧亦休去後一年濟川疑

大慧語錄三

三

他不實得得自平江招無著到他船中問婆生七子六箇不遇知音只這一箇也不消得便棄在江中老師言道人理會得且如何會無著云已上供通並是詣實濟川大驚又嘗到室中老僧問他古人不出方丈爲甚麼却去莊上喫油糍無著云和尚放妙總過妙總方敢通消息老僧向伊道我放你過你試道看無著云妙總亦放和尚過老僧云爭奈油糍何無著喝一喝便出去是時一衆皆聞渠如此祇對看他纔得一滴水便解興波作浪蓋渠脫離世緣早信得這一著子及雖嘗被邪師印破面門却能退步知非決定以悟爲則故纔見善知識提撕便於言下千了百

當永寧郡夫人曹氏善因聰明靈利有智見知有此段大事因緣決定可以出生入死不被世間塵勞中事牽絆雖在富貴中而不被富貴所羅籠亦要退步親近善知識決擇生死大事但未遇真知識激發耳屬者在城中因即使公請就渠菴園說法善因聞老僧提持此段大事因緣遂熏起種性當下身心寧帖雖未能十成透脫已識得火宅塵勞中許多虛妄不實底事臘月三十日到來恩愛也使不著勢力也使不著財寶也使不著性氣也使不著官職也使不著富貴也使不著眼光落地時唯有平昔造善造惡兩路境界一一現前作惡多作善少則隨惡業流浪將

大慧語錄三

三

去作惡少作善多則隨善業生人天十善之家去既知得這兩路子皆屬虛幻然後發勇猛精進堅固不退之心決欲超情離見透脫生死臘月三十日善惡兩路拘執我不得既知有如是殊勝事恐在火宅之中不能得時時親近善知識故得得上徑山住旬日隨衆聽法滋浸善緣發大誓願永不退轉臨行以此軸求指示要在火宅中時時以此自警自覺老僧嘉其志趣勇猛不與泛泛者同故引無著道人一段入道因緣令其見賢思齊他日妙喜社中出二無著豈不爲末世光明種子作大利益乎勉之勉之示妙智居士

力勸文
務德

從上諸佛諸祖真實爲人處先教立決定志所謂決定志者決欲此生心地開通直到諸佛諸祖無障礙大休歇大解脫境界無決定之志則無決定信矣佛不云乎信爲道元功德母長養一切諸善法又云信能增長智功德信能必到如來地如來地卽大休歇大解脫境界是也在昔歸宗拭眼禪師曾有僧問如何是佛宗云我向汝道汝還信否僧云和尚誠言焉敢不信宗云只汝便是僧問宗語諦審思惟良久曰只某便是佛却如何保任宗曰一翳在目空華亂墜其僧於言下忽然契悟這僧初無決定信聞歸宗直指之言猶懷疑惑欲求保任方能自信歸宗老婆心

大慧普覺禪師語錄

三

切向他所乖執處以金剛王寶劔用事劈面便揮這僧方在萬仞崖頭獨足而立被歸宗一揮始肯放身捨命又羅山法寶大師嘗致問於石霜普會曰起滅不停時如何石霜云直須寒灰枯木去一念萬年去函蓋相應去全清絕點去羅山不契復持此語問巖頭問聲未絕被巖頭震威一喝曰是誰起滅羅山於言下大悟又教中說菩薩修行從初地入第八不動地爲深行菩薩難可知無差別離一切相一切想一切執著無量無邊一切聲聞辟支佛所不能及離諸誼諍寂滅現前乃至入滅盡定一切動心憶想分別悉皆止息謂從初地至菩薩第八不動地卽捨一切

功用行得無功用法身口意業念務皆息謂不起第二念又怕人理會不得更引喻云譬如有人夢中見身墮在大河爲欲度故發大勇猛施大方便以大勇猛施方便故卽便寤寤既寤寤已所作皆息菩薩亦爾見衆生身在四流中爲救度故發大勇猛起大精進以勇猛精進故至不動地既至此已一切功用靡不皆息如生梵世欲界煩惱皆不現前住不動地亦復如是一切心意識行皆不現前第八地菩薩佛心菩薩心菩提心涅槃心尚不現起况復起於世間之心世間心既滅寂滅心卽現前寂滅心既現前則塵沙諸佛所說法門一時現前矣法門既得現前卽是

大慧普覺禪師語錄

三

寂滅真境界也得到此境界方可與慈運悲作諸饒益事是亦從決定志乘決定信成就者也若無決定志則不能深入如來大寂滅海無決定信則於古人言句及教乘文字中不能動轉如六祖大師爲江西志徹禪師說常無常義徹問祖曰弟子嘗覽涅槃經未曉常無常義乞師慈悲略爲宣說祖曰無常者卽佛性也有常者卽善惡一切諸法分別心也白和尚所說大違經文祖曰吾傳佛心印安敢違於佛經曰經說佛性是常和尚却言無常善惡諸法乃至菩提心皆是無常和尚却言是常此卽相違令學人轉加疑惑祖曰涅槃經吾昔者聽尼無盡藏讀誦一遍便

為講說無一字一義不合經文乃至為汝終無二說
曰學人識量淺昧願和尚委曲開示祖曰汝知否佛
性若常更說甚麼善惡諸法乃至窮劫無有一人發
菩提心者故吾說無常正是佛說真常之道也又一
切諸法若無常者即物物皆有自性容受生死而真
常性有不徧之處故吾說常者正是佛說真無常義
也佛比為凡夫外道執於邪常諸二乘人於常計無
常共成八倒故於涅槃了義教中破彼徧見而顯說
真常真樂真我真淨汝今依言背義以斷滅無常及
確定死常而錯解佛之圓妙最後微言縱覽千徧有
何所益此亦徹禪師決定志中乘決定信而感報祖

六義錄王

王

師決定說之一也又記得安楞嚴看楞嚴經至知見
立知即無明本知見無見斯即涅槃處不覺破句讀
了曰知見立知即無明本知見無見斯即涅槃沉吟
良久忽然大悟後讀是經終身如所悟更不依經文
此亦決定志中乘決定信依義而不依文字之一也
妙智居士有決定志而乘決定信於此一段大事因
緣矻矻孜孜以徹證不疑為決定義但未得噴地一
下耳因此此軸求指示故引祖師為志徹禪師巖頭
為羅山安楞嚴破句讀楞嚴經悟道數段葛藤且作
他時噴地一發之契券云耳

示張太尉

之

佛言若有欲知佛境界當淨其意如虛空遠離妄想
及諸取令心所向皆無礙佛境界即當人自心現量
不動不變之體也佛之一字向自心體上亦無著處
借此字以覺之而已何以知之佛者覺義為眾生無
始時來不信自心現量本自具足而隨逐客塵煩惱
流轉三界受種種苦故苦相現時自心現量之體隨
苦流蕩故諸佛愍眾生流蕩之故借佛字以覺之既
已覺則佛之一字亦無用處佛是眾生藥眾生病除
則佛藥無用凡看經教及古德因緣當如是學
眾生日用現行無明順無明則生歡喜逆無明則生
煩惱佛菩薩則不然借無明以為佛事為眾生以無

六義錄王

王

明為窟宅逆之則是破他窟宅順之則隨其所著而
誘導之淨名云塵勞之儔為如來種永嘉云無明實
性即佛性幻化空身即法身便是這箇道理也
此事不可以有心求不可以無心得不可以語言造
不可以寂默通於此四句無用心處方始可以提撕
此箇消息也佛說世出世間功德無如無心功德最
大而不可思議不見釋迦老子在般若會上問文殊
師利菩薩云汝入不思議三昧耶文殊云弗也世尊
我即不思議不見有心能思議者云何而言入不思
議三昧我初發心欲入是定如今思惟實無心想而
入三昧如人學射久習則巧後雖無心以久習故箭

發皆中我亦如是初學不思議三昧繫心一緣若久習成就則更無心想常與定俱得到這箇田地地方始可說那伽常在定無有不定時所以佛說無心功德直是殊勝直是無較量處今說無心非如世間土木瓦石頑然無知之無心差之毫釐失之千里不可不諦審觀察也

佛說一百二十種菩提心說一百二十箇譬喻其中有一喻云譬如有人依附於王不畏餘人菩薩摩訶薩亦復如是依菩提心大勢力王不畏障蓋惡道之難世間有人得近一至尊而不畏餘人則有之肯依菩提心大勢力王不畏障蓋惡道之難者殊未見也

又本義三

三七

又有一喻云譬如摩訶那伽大力勇士若奮威怒於其額上必生瘡疱瘡若未合閭浮提中一切人民無能制伏菩薩摩訶薩亦復如是若起大悲必定發於菩提之心心未捨來一切世間魔及魔民不能爲害如上一二種譬喻皆爲出世間大心有力量者說何以故二種譬喻非世間常得之法故佛說此以啓迪過量奇特丈夫欲其擔荷大乘擔子耳

士大夫不曾向佛乘中留心者往往以佛乘爲空寂之教戀著箇皮袋子聞人說空說寂則生怕怖殊不知只這怕怖底心便是生死根本佛自有言不壞世間相而談實相又云是法住法位世間相常住寶藏

論云寂兮寥兮寬兮廓兮上則有君下則有臣父子親其居尊卑異其位以是觀之吾佛之教密密助揚至尊聖化者亦多矣又何嘗只談空寂而已如洛陽李老君說長生之術正如硬茶排佛談空寂之法無異老子之書元不曾說留形住世亦以清淨無爲爲自然歸宿之處自是不學佛老者以好惡心相誣謗爾不可不察也愚謂三教聖人立教雖異而其道同歸一致此萬占不易之義然雖如是無智人前莫說打你頭破額裂

示曾機宜

又本義三

三七

雪峯三上投子九到洞山緣法不契末後得巖頭掃屏從前零碎所得方得心地開通巖頭云若欲他時播揚大教須是一一從自己骨髓流出蓋天蓋地始是大丈夫所爲巖頭之語非特發明雪峯根器亦可作學此道者萬世規式所謂骨髓流出者乃是自己無始時來現量本自具足纔起第二念則落比量矣比量是外境莊嚴所得之法現量是父母未生前威音那畔事從現量中得者氣力羸從比量中得者氣力弱氣力羸者能入佛又能入魔氣力弱者入得佛境界往往於魔境界打退鼓不可勝數此事不在聰明靈利亦不在鈍根淺識據實而論只以噴地一發爲準的耳纔得這箇消息凡有言句非離真而立處

立處即真所謂曾襟流出蓋天蓋地者如是而已非是
是做言語求奇特他人道不出者錦心繡口意句失
新以為曾襟流出也十回被師家問著九回祇對不
得不妨只怕向髑髏前彊作主宰纔見宗師開口動
舌便領將去似這般底佛出世亦救他不得叔遲根
性雖鈍却得便宜真實要敵生死故矻矻孜孜心心
念念不肯放捨前所云得便宜便是這些鈍底家風
也既有決定志得之入手自有時節亦莫管得在何
時老僧常與衲子輩說要參妙喜禪須是辦得一生
不會始得若要速效則定是相誤何以故只為從
來無法與人但為人做得箇指頭路底漢子耳古德

大慧普覺禪師語錄

三九

云有所得是野干鳴無所得是師子吼佛是通變底
人於四十九年中三百六十餘會說法隨其根性而
引導之故於十法界內一音演說衆生隨類各獲饒
益譬如東風一拂萬卉齊敷佛所說法亦復如是若
有意於十法界內作饒益則是我說法欲使衆生
隨類得度不亦難乎不見舍利弗在般若會上問文
殊曰諸佛如來不覺法界耶文殊曰弗也舍利弗諸
佛尚不可得云何有佛而覺法界法界尚不可得云
何法界為諸佛所覺看他兩人恁麼激揚又何曾著
意來從上諸佛諸祖為人皆有如是體裁自是後來
兒孫失其宗旨遂各立門戶造妖捏怪耳叔遲既於

世間灰心則已省得無限事了也不壞世間相而談
實相佛佛授手祖祖相傳無差無別自是學此道者
錯認方便故傳習將去殊不本其源流耳如何是不
壞世間相而談實相妙喜為你說破奉侍尊長承順
顏色子弟之職當做者不得避忘然後隨緣放曠任
性逍遙日用四威儀內常自檢察更以無常迅速生
死事大時時提撕無事亦須讀聖人之書資益性識
苟能如是世出世間俱無過患矣

校訛

二十七 奮誤作奪從 ○ 二十八 業誤作示從

業十二行南改正

三

音釋

鄭莫候切 候郎計切 歷力秋切 麴莫旬切 麴莫旬切 麴莫旬切

圈積同 積積同 積積同 積積同 積積同 積積同 積積同 積積同 積積同 積積同

大慧普覺禪師法語卷第二十三

宋徑山能仁禪院住持嗣法慧日禪師臣蘊聞上進

示中證居士

郭如縣仲堪

天台智者大師悟法華三昧以空假中三觀該攝一大藏教無少無剩言空者無假無中無不空言假者無空無中無不假言中者無空無假無不中得斯旨者獲旋陀羅尼是知從上諸佛諸祖莫不皆從此門證入故大師證入時因讀法華經至是真精進是名真法供養如來乃見釋迦老子在靈山說此經儼然未散或者謂之表法唯無盡居士張公因閱首楞嚴經至是人始獲金剛心中處忽思智者當時所證見

三

三

靈山一會儼然未散非表法也嘗謂余曰當真實證入時全身住在金剛心中李長者所謂無邊刹境自他不隔於毫端十世古今始終不離於當念智者見靈山一會儼然未散唯證是三昧者不待引喻而自默默點頭矣衆生境界差別不等所見不同互有得失除夙有靈骨不被法縛不求法脫於經教及古德入道因緣捨方便而自證入則亦不待和會差排自然見月亡指矣昔藥山和尚初發心求善知識時到南嶽石頭和尚處遂問三乘十二分教某甲粗亦研窮承聞南方有直指人心見性成佛實未明了乞師指示石頭云恁麼也不得不恁麼也不得恁麼不恁

麼總不得藥山聞而不領良久無言石頭云會麼藥山云不會石頭云恐子緣不在此往江西問取馬大師去藥山依教直至江西見馬師以問石頭話端依前問之馬師曰我有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是藥山問馬師語便獲金剛心中更無奇特玄妙可通消息但作禮而已馬師知其已證入亦無別道理傳授只向他道汝見箇甚麼使禮拜藥山亦無道理可以呈似馬師但云某在石頭如蚊子上鐵牛相似馬師亦無言語與之印可一日忽見便問子近日見處如何山曰皮膚脫落盡唯有一真實馬

三

三

師曰子之所得可謂協於心體布於四肢既然如是將三條篋束取肚皮隨處住山去藥山云某甲又是何人敢言住山馬師云未有長行而不住未有長住而不行欲益無所益欲爲無所爲宜作舟航無久住此遂辭馬師去住山此亦獲金剛心中之效驗者仲堪道友妙喜與之素昧平昔紹興丙子冬邂逅宛陵一見風采未語而心已許之嘗過其舍遂蒙傾倒因而詰之自言於中字法門而有趣向自爾每與對談未嘗一語及世間事古人隔江橫趨時節亦有之矣爲政不苛不察而姦蠹爲之膽落此亦證中字法門效驗也別來恰九箇月忽專介以此軸來求道號因

思無盡張公之言頗與仲堪所入門戶略相似故不覺引前葛藤仍爲立道號曰中證居士中證之義在吾佛則曰金剛心心至中曰忠中無定方見於行事而利他自利世出世間了無遺恨矣中證不偏而上下相應如析旃檀片片非別木非如他人說得盛水不漏於行事時手足俱露如此等輩欲入中字法門大似掉棒打月不亦難乎中證居士勉之妙喜異日忽地撞到面前那時相見更若守著這一字則不中矣

示徐提刑

立

士大夫多以有所得心求無所得法何謂有所得心

大慧錄王

王

聰明靈利思量計較者是何謂無所得法思量不行計較不到聰明靈利無處安著者是不見釋迦老子在法華會上舍利弗殷勤三請直得無啓口處然後盡力道得箇是法非思量分別之所能解此是釋迦老子初悟此事開方便門示真實相之椎輪也昔雪峯真覺禪師爲此事之切三度到投子九度上洞山因緣不相契後聞德山周金剛王化遂造其室一日問德山從上宗風以何法示人德山云我宗無語句亦無一法與人後又問從上宗乘中事學人還有分也無德山拈拄杖便打云道甚麼雪峯於棒下方打破漆桶以是觀之思量計較聰明靈利於此箇門中

大慧錄王

王

一點也用不著古德有言般若如大火聚近之則燎却面門擬議尋思便落意識永嘉云損法財滅功德莫不由茲心意識故知心意識非獨障道亦使得人七顛八倒作諸不善既有究竟此道之心須有決定之志不到大休大歇大解脫處誓畢此生不退不墮佛法無多子久長難得人世間塵勞中事無盡無窮撥置了一重又一重來如連環如鉤鎖相續不斷志意下劣者往往甘心與伊作侶伴不覺不知被伊牽挽將去除是當人夙有願力方肯退步思量永嘉云無明實性卽佛性幻化空身卽法身法身覺了無一物本源自性天真佛若如是思量驚然向思量不及處見得無一物底法身卽是當人出生死處前所云無所得法不可以有所得心求便是這箇道理也士大夫一生在思量計較中作活計纔聞善知識說無所得法便心裏疑惑怕落空去妙喜每見如此說者卽問他只這怕落空者還空也無上箇有五隻分疎不下蓋平時只以思量卜度爲窟宅乍聞說著不得思量底話便茫然無討巴鼻處殊不知只這無討巴鼻處便是自家放身命底時節也敦立道友靖康中在吳門相會時春秋鼎盛便知有此段大事因緣可以脫離生死與乃兄敦濟時來扣問圓悟先師但妙年身心未能純一專志理會箇事別來忽地過

了三十餘年紹興己卯秋予因到育王經由越上時
敦立提總憲綱始獲再會握手劇談坐間只以此一
段因緣爲未了更不及世間塵勞之事非百劫千生
曾承事真善知識種得般若種子藏在藏識中則不
如是把得定作得主宰信得諦當不退初心真火中
蓮華也但以博極羣書於九經十七史內入得太深
聰明太過理路太多定力太少被日用應緣處牽挽
將去故於脚跟下不能得啐地折曝地斷耳若時時
正念現前怕生死之心不變則日月浸久生處自熟
熟處自生矣且那箇是熟處聰明靈利思量計較底
是那箇是生處菩提涅槃真如佛性絕思惟分別搏

大慧普覺禪師語錄

三

量卜度不到無你用心安排底是驀然時節到來或
於古人入道因緣上或因看經教時或於日用應緣
若善若不善若身心散亂若逆順境界現前若暫得
心意識寧靜時忽地蹋翻關捩子不是差事

示陳機宜

仲明

佛說一切法爲度一切心我無一切心何用一切法
法本無法心亦無心心法兩空是真實相而今學道
之士多怕落空作如是解者錯認方便執病爲藥深
可憐愍故龐居士有言汝勿嫌落空落空亦不惡又
云但願空諸所有切勿實諸所無若覩得這一句子
破無邊惡業無明當下瓦解水銷如來所說一大藏

教亦注解這一句子不出當人若具決定信知得有
如是大解脫法只在知得處撥轉上頭關捩子則龐
公一句與佛說一大藏教無異無別無前無後無古
無今無少無剩亦不見有一切法亦不見有一切心
十方世界空蕩蕩地亦莫作空蕩蕩地見若作是見
則便有說空者便有聞說空者便有一切法可聽便
有一切心可證既可聽可證則內有能證之心外有
所證之法此病不除教中謂之以我說法亦謂之謗
佛法僧又教中云若取法相卽著我人衆生壽者若
取非法相卽著我人衆生壽者前所云內有能證之
心外有所證之法便是這箇道理也佛弟子陳惇知

大慧普覺禪師語錄

三

身是妄知法是幻於幻妄中能看箇趙州狗子無佛
性話忽然洗面摸著鼻孔有書來呈見解試手說禪
如虎生三日氣已食牛其間通消息處處雖似吉撩棒
打地有著處則入地數寸不著處則全無巴鼻然大
體基本已正而大法未明亦初心入道之常病耳苟
能知是般事撥向一邊却把諸佛諸祖要妙門一時
塞斷向威音那畔討箇生涯處方於法得自在矣釋
迦老子云若但讚佛乘衆生沒在苦信知如是事以
我所證擴而充之然後不被法縛不求法脫恁麼也
得不恁麼也得恁麼不恁麼總得凡有言句凡所受
用如壯士展臂不惜他力箭旣離弦無返回勢非是

疆爲法如是故得如此了始可言無善無惡無佛無衆生等事而今大法未明若便說怎麼話恐墮在未嘉所謂豁達空撥因果莽莽蕩蕩招殃禍中不可不知也但得本莫愁末久久淹浸得熟不愁不成一片勉之勉之

示空相道人

黃通判

佛是凡夫鏡子凡夫却是佛鏡子凡夫迷時生死垢染影像全體現佛鏡子中忽然悟時真淨妙明不生不滅佛影像却現凡夫鏡子中然佛本無生滅亦無迷悟亦無鏡子亦無影像可現由凡夫有若干故隨凡夫發明耳而今欲除凡夫病與佛祖無異請打破

大慧錄

三

鏡來爲你下箇註脚

示方機宜

美

祖師云心地隨時說菩提亦只寧事理俱無礙當生卽不生欲知此箇道理但將平昔坐禪處得底看經教處得底語錄上記得底宗師口頭言下領覽得底一時掃向他方世界却緩緩地子細看他德山何故見僧入門便棒臨濟何故見僧入門便喝若識二大老用處則於日用觸境逢緣處不作世諦流布亦不作佛法理論既不著此二邊須知自有一條活路不見臨濟一日侍立德山德山良久驀回顧云老漢今日困臨濟云這老漢寐語作甚麼德山擬拈拄杖要

打臨濟便掀倒禪牀你看他了事漢等閑驀路相逢

自然各有各出身之路後來雲峯悅禪師云此二員作家一撈一捺略露風規大似把手上高山雖然如是未免旁觀者觀且道誰是旁觀者良久喝一喝據妙喜所見雲峯亦未免和泥合水好與這兩箇老漢一狀領過一坑埋却且道過在甚麼處吳吾士夙植德本信得此段大事因緣及雖在塵勞中法目省察雖未得一刀兩段直下坐斷報化佛頭然却已有箇信入處如虎生三日氣已食牛欲行千里一步爲初最初一步已進得不錯直須擴而充之決定如得三世諸佛敗關處六代祖師敗關處妙喜敗關處

大慧錄

三

然後打開自己庫藏運出自己家財拈濟一切豈非在家菩薩之用心哉勉之勉之

示妙圓道人

省

欲超生死越苦海應當堅起精進幢直下信得及只這信得及處便是超生死越苦海底消息故釋迦老子曰信爲道元功德母長養一切諸善法又云信能遠離生死苦信能必到如來地要識如來地麼亦只是這信得及底既信得及不須起心動念求出生死但十二時中念念不離決定要得入手方爲勇猛之士若半信半疑則不相續矣此事不論男之與女貴之與賤大之與小平等一如何以故世尊在法華會

上只度得一箇女子成佛涅槃會上亦只度得一箇廣額屠兒成佛當知此二人成佛亦別無功用亦只是直下信得及更無第二念便坐斷報化佛頭徑超生死亦別無道理妙圓道人雖是女流立志不在成佛底女子下又能知有此段奇特因緣決定要出生死因此紙乞指示撥筆揮汗書此示之仍令看箇話頭僧問馬祖如何是佛祖云卽心是佛妙圓道人日用只如此看祝祝

示太虛居士

師直殿伯海

利根上智之上身在富貴中而不被富貴所折困能於富貴中作大饒益利樂有情非夙願力則不能如

大慧錄王

五九

是信得及既信得及當於信得及處乘自願力隨緣應用則自然頭頭上明物物上顯矣昔普賢菩薩在華嚴會上入一切諸佛毗盧遮那如來藏身三昧普入一切佛平等性能於法界示衆影像廣大無礙同於虛空法界海旋靡不隨入出生一切諸三昧法普能包納十方法界三世諸佛智光明海皆從此生十方所有諸安立海悉能示現含藏一切佛力解脫諸菩薩智能令一切國土微塵普能容受無邊法界成就一切佛功德海顯示如來諸大願海一切諸佛所有法輪流通護持使無斷絕如此世界中普賢菩薩於世尊前入此三昧如是盡法界虛空界十方三世

微細無礙廣大光明佛眼所見佛力能到佛身所現一切國土及此國土所有微塵一一塵中有世界海微塵數佛刹一一刹中有世界海微塵數諸佛一一佛前有世界海微塵數普賢菩薩皆亦入此一切諸佛毗盧遮那如來藏身三昧從三昧起時在會聽法之衆皆獲此三昧皆得此三昧力無不被其饒益者太虛居士鄧伯壽身處富貴又與常人不同日侍至尊所聞所見皆不可思議事與普賢菩薩於如來前入毗盧遮那藏身三昧又何異哉但恐中忘此意十

大慧錄王

四

故有傳有授是無明法是有爲法非智慧法非無爲法巖頭和尚有言若以實法繫綴人土亦難消昔南印土彼國之人多信福業十四祖龍勝特往化之彼曰人有福業世間第一徒言佛性誰能觀之龍勝曰汝欲見佛性先須除我慢彼曰佛性大小龍勝曰非大非小非廣非狹無福無報不死不生此乃直示心要也彼一衆聞之皆悟正理然悟在當人不從他得前所云諸佛出世祖師相傳皆無實法便是這箇道理也佛法無多子久長難得人伯壽正是春秋鼎盛之時於日用應緣處能自警覺回世間惡業底心要學無上佛果菩提非百劫千生曾承事無邊諸佛諸

善知識熏習般若種智則不能如是精進如是清淨如是自在如是正直孜孜矻矻以此段大事因緣在念既有是心莫管得在何時若卒討巴鼻不著但只看箇古人入道底話頭僧問趙州如何是祖師西來意州云庭前栢樹子僧云和尚莫將境示人州云我不將境示人僧云既不將境示人却如何是祖師西來意州只云庭前栢樹子其僧於言下忽然大悟伯壽但日用行住坐卧處奉侍至尊處念念不間斷時提撕時時舉覺驀然向栢樹子上心意識絕氣息便是徹頭處也前所云普賢菩薩於世尊前入毗盧遮那如來藏身三昧從三昧起在會諸菩薩皆獲是

本義錄五

聖

益願伯壽於至尊前亦時時入是三昧忽然從三昧起其益與普賢菩薩無二無別勉之不可忽

示妙明居士

李知省伯和

道由心悟不在言傳近年以來學此道者多棄本逐末肯正投邪不肯向根脚下推窮一味在宗師說處著到縱說得盛水不漏於本分事上了沒交涉古人不得已見學者迷頭認影故設方便誘引之令其自識本地風光明見本來面目而已初無實法與人如江西馬祖初好坐禪後被南嶽讓和尚將輒於他坐禪處磨馬祖從禪定起問磨輒何為讓曰欲其成鏡耳馬祖笑曰磨輒豈得成鏡耶讓曰磨輒既不成鏡

坐禪豈得成佛蓋讓和尚嘗問馬祖坐禪何圖馬祖以求成佛答之教中所謂先以定動後以智拔馬祖聞坐禪豈得成佛之語方始著忙遂起作禮致敬曰如何卽是讓知其時節因緣已到始謂之曰譬牛駕車車若不行打牛卽是打車卽是又曰汝學坐禪爲學坐佛若學坐禪禪非坐卧若學坐佛佛非定相於無住法不應取捨汝若坐佛卽是殺佛若執坐相非達其理馬祖於言下忽然領旨遂問如何用心卽合無相三昧讓曰汝學心地法門如下種子我說法要譬彼天澤汝緣合故當見其道又問道非色相云何能見讓曰心地法眼能見乎道無相三昧亦復然矣

本義錄五

聖

曰有成壞否讓曰若以成壞聚散而見道者非也前所云方便誘引此是從上宗乘中第一箇樣子妙明居士請依此參

昔大珠和尚初參馬祖祖問從何處來曰越州大雲寺來祖曰來此擬須何事曰來求佛法祖曰自家寶藏不顧拋家散走作甚麼我這裏一物也無求甚麼佛法珠遂作禮問那箇是慧海自家寶藏祖曰卽今問我者是汝寶藏一切具足更無欠少使用自在何假外求珠於言下識自本心不由知覺後住大珠凡有扣問隨問而答打開自己寶藏運出自己家財如盤走珠無障無礙曾有僧問般若大否珠曰般若大

曰幾許大曰無邊際曰般若小否曰般若小曰幾許小曰看不見曰何處是何處不是你看他悟得自家寶藏底還有一星兒實法傳授與人否妙喜常常說與學此道者若是真實見道之士如鐘在庑如谷應響大扣大鳴小扣小應近代佛法可傷為人師者先以奇特玄妙蘊在胃襟遞相沿襲口耳傳授以爲宗旨如此之流邪毒入心不可治療古德謂之謗般若人千佛出世不通懺悔此是宗門善巧方便誘引學者底第二箇樣子妙明居士決定究竟當如此樣子

參

既辦此心要理會這一著子先須立決定志觸境逢

大慧語錄卷二十三

四三

緣或逆或順要把得定作得主不受種種邪說日用應緣時常以無常迅速生死二字貼在鼻孔尖頭上又如欠了人萬百貫債無錢還得被債主守定門戶憂愁怕怖千思萬量求還不可得若常存此心則有趣向分若半進半退半信半不信不如三家村裏無智愚夫何以故爲渠百不知百不解却無許多惡知惡覺作障礙一味守愚而已古德有言研窮至理以悟爲則近年以來多有不信悟底宗師說悟爲誑誨人說悟爲建立說悟爲把定說悟爲落在第二頭披却師子皮作野干鳴者不可勝數不具擇法眼者往往遭此輩幻惑不可不審而思思而察也此是宗師

指接羣迷令見月亡指底第三箇樣子妙明居士欲跳出生死窟作是說者名爲正說作他說者名爲邪說思之

怕怖生死底疑根拔不盡百劫千生流浪隨業受報頭出頭沒無休息時苟能猛著精彩一拔淨盡便能不離衆生心而見佛心若夙有願力遇真正善知識善巧方便誘誨則有甚難處不見古德有言江湖無礙人之心佛祖無謾人之意只爲時人過不得不得道江湖不礙人佛祖言教雖不謾人只爲學此道者錯認方便於一言一句中求玄求妙求得求失因而透不得不得道佛祖不謾人如患盲之人不見日月

大慧語錄卷二十三

四四

光是盲者過非日月咎此是學此道離文字相離分別相離語言相底第四箇樣子妙明居士思之疑生不知來處處死不知去處處底心未忘則是生死交加但向交加處看箇話頭僧問趙州和尚狗子還有佛性也無州云無但將這疑生不知來處處死不知去處處底心移來無字上則交加之心不行矣交加之心既不行則疑生死來去底心將絕矣但向欲絕未絕處與之厮崖時節因緣到來驀然噴地一下便了教中所謂絕心生死止心不善伐心稠林浣心垢濁者也然心何有垢心何有濁謂分別善惡雜毒所鍾亦謂之不善亦謂之垢濁亦謂之稠林若真實得噴地

一下只此稠林卽是栴檀香林只此垢濁卽是清淨
解脫無作妙體此體本來無染非使然也分別不生
虛明自照便是這些道理此是宗師令學者捨邪歸
正底第五箇樣子妙明居士但只依此叅久久自築
著磕著也

道無不在觸處皆真非離真而立處立處卽真教中
所謂治生產業皆順正理與實相不相違背是故龐
居士有言日用事無別唯吾自偶諧頭頭非取捨處
處勿張乖朱紫誰爲號丘山絕點埃神通并妙用運
水及搬柴然便恁麼認著不求妙悟又落在無事甲
裏不見魏府老華嚴有言佛法在你日用處行住坐

云云

里

卧處喫粥喫飯處語言相問處所作所爲舉心動念
又却不是也又真淨和尚有言不擬心一一明妙一
一天真一一如蓮華不著水迷自心故作衆生悟自
心故成佛然衆生本佛佛本衆生由迷悟故有彼此
也又釋迦老子有言是法住法位世間相常住又云
是法非思量分別之所能解此亦是不許擬心之異
名耳苟於應緣處不安排不造作不擬心思量分別
計較自然蕩蕩無欲無依不住有爲不墮無爲不作
世間及出世間想這箇是日用四威儀中不昧本來
面目底第六箇樣子也

本爲生死事大無常迅速已事未明故叅禮宗師求

解生死之縛却被邪師輩添繩添索舊縛未解而新
縛又加却不理會生死之縛只一味理會閑言長語
喚作宗旨是甚熱大不緊教中所謂邪師過謬非衆
生咎要得不被生死縛但常教方寸虛豁豁地只以
不知生來不知死去底心時時向應緣處提撕提撕
得熟久久自然蕩蕩地也覺得日用處省力時便是
學此道得力處也得力處省無限量省力處却得無
限力這些道理說與人不得呈似人不得省力與得
力處如人飲水冷暖自知妙喜一生只以省力處指
示人不教人做謎子搏量亦只如此修行此外別無
造妖捏怪我得力處他人不知我省力處他人亦不

云云

里

知生死心絕他人亦不知生死心未忘他人亦不知
只將這箇法門布施一切人別無玄妙奇特可以傳
授妙明居士決欲如妙喜修行但依此說亦不必向
外別求道理真龍行處雲自相隨況神通光明本來
自有不見德山和尚有言汝但無事於心無心於事
則虛而靈空而妙若毛端許言之本末者皆爲自欺
這箇是學此道要徑底第七箇樣子也

如上七箇樣子佛病法病衆生病一時說了更有第
八箇樣子却請問取妙圓道人又代妙圓道人下一
轉語云大事爲你不得小事妙明居士自家擔當
大慧普覺禪師法語卷第二十三

校訛

四十三葉 定南作

音釋

可胡歌切析先擊切掉徒弔切劇竭戰切軌職職切
也煩細也禱呼訝切磕相築也謎莫計切

大慧普覺禪師法語卷第二十四

宋徑山能仁禪院住持嗣法慧日禪師臣蘊聞上進

示成機宜季恭

佛言若有欲知佛境界當淨其意如虛空遠離妄想
及諸取令心所向皆無礙決有此志學無上菩提常
令方寸虛豁豁地不著言說不墮空寂無言無說兩
頭俱勿依怙善惡二事無取無捨日用二六時中將
思量計較之心坐斷不於空寂處住著內不放外
不放入如空中雲如水上海潑然而有忽然而無只
向這裏翻身一擲抹過太虛當恁麼時安排他不得
餒飢他不得何以故大法本來如是非是彊為不見

釋迦老子有言不取衆生所言說一切有為虛妄事
雖復不依言語道亦復不著無言說今時士大夫學
此道者平昔被聰明靈利所使多於古人言語中作
道理要說教分曉殊不知枯骨頭上決定無汁可覓
縱有聞善知識所訶肯離言說相離文字相又坐在
無言無說處黑山下鬼窟裏不動欲心所向無礙無
室不亦難乎既為無常迅速生死事大決定有志直
取無上菩提世間種種虛妄不實底事一筆勾下却
向不可取不可捨處謾觀捕看是有是無直得無用
心處無開口處方寸中如一團熱鐵相似時莫要放
却只就這裏看箇話頭僧問雲門殺父殺母向佛前

宋本無字

宋人

懺悔殺佛殺祖時却向甚處懺悔雲門云露若有矣
定志但只看箇露字把思量分別塵勞中事底心移
在露字上行行坐坐以此露字提撕日用應緣處處
喜或怒或善或惡侍奉尊長處與朋友相酬酢處讀
聖人經史處盡是提撕底節驀然不知不覺向露
字上絕却消息三教聖人所說之法不著一一問人
自然頭頭上明物物上顯矣佛不云乎菩薩摩訶薩
以無障無礙智慧信一切世間境界是如來境界古
德云入得世間出世無餘便是這箇道理也只怕無
決定信決定志耳無決定信則有退轉心無決定志
則學不到徹頭處且那箇是有決定信而無退轉心

有決定志而學到徹頭處者昔牛頭山第二世智嚴禪師曲阿人也姓華氏弱冠智勇過人身長七尺六寸隋大業中爲郎將常以弓挂一濾水囊隨行所至汲用累從大將征討頻立戰功唐武德中年方四十遂乞出家入舒州皖公山從寶月禪師爲弟子後一日晏坐觀異僧身長丈餘神姿爽拔辭氣清朗謂嚴曰卿八十生出家宜加精進言訖不見又嘗在谷中入定水瀑漲巖怡然不動其水自退有獵者過之因改過修善復有昔同從軍者二人聞嚴隱遁乃共入山尋之既見謂嚴曰郎將狂耶何爲住此嚴曰我狂欲惺君狂正發夫嗜色淫聲貪榮冒寵流轉生死

大慧普覺禪師語錄

卷二

何由自出二人感悟歎息而去貞觀中歸建鄴入牛頭山謁懶融禪師發明大事懶融謂嚴曰吾受信大師真訣所得都亡設有一法過於涅槃吾說亦如夢幻夫一塵飛而翳天一芥墮而覆地汝今已過此見吾復何云山門化導當付於汝遂爲牛頭山第二世祖師此乃有決定信而無退轉心有決定志而學到徹頭處底樣子也三教聖人所說之法無非勤善誠惡正人心術心術不正則姦邪唯利是趨心術正則忠義唯理是從理者理義之理非義理之理也如尊丈節使見義便爲逞非常之真勇乃此理也圭峯禪師云作有義事是惺悟心作無義事是狂亂心狂亂由

情念臨終被業牽惺悟不由情臨終能轉業亦此理也佛云理則頓悟乘悟併銷事則漸除因次第盡亦此理也李長者云圓融不礙行布即一而多行布不礙圓融即多而一亦此理也未嘉云一地具足一切地一法徧含一切法一月普現一切水一切水月一月攝亦此理也華嚴云佛法世間法若見其真實一切無差別亦此理也其差別在人不在法也忠義姦邪與生俱生忠義者處姦邪中如清淨摩尼寶珠置在淤泥之內雖百千歲不能染汙何以故本性清淨故姦邪者處忠義中如雜毒置於淨器雖百千歲亦不能變改何以故本性濁穢故前所云差別在人不在法便是這箇道理也如姦邪忠義二人同讀聖人之書聖人之書是法元無差別而姦邪忠義讀之隨類而領解則有差別矣淨名云佛以一音演說法衆生隨類各得解是也忠義之士見義則本性發姦邪之人見利則本性發如磁石遇鐵而火逢燥薪雖欲禁制不可得也如尊丈節使雄烈過人唱大義於萬衆之中聳動時聽亦本性忠義而見義則發非造作非安排教中所謂譬如摩訶那伽大力勇士若奮威怒於其額上必生瘡疱瘡若未合閭浮提中一切人民無能制伏佛以此喻發菩提心者菩提心則忠義心也名異而體同但此心與義相遇則世出世間一

大慧普覺禪師語錄

卷二

網打就無少無剩矣予雖學佛者然愛君憂國之心與忠義士大夫等但力所不能而年運往矣喜正惡

邪之志與生俱生末嘉所謂假使鐵輪頂上旋定慧圓明終不失予雖不敏敢直下自信不疑季恭志趣不凡春秋鼎盛正是奔走塵勞之時能以此時回來學無上菩提非夙植德本焉能信得及把得定作得主宰願堅固此心終始如一觸境遇緣不變不動方名有力大人無常迅速生死事大若念念以此一段大事因緣爲未了未說直下超證且省得日用應緣處許多障道底惡業况一念相應轉凡成聖耶但辦肯心必不相賺古來自有爲善底樣式博極羣書只

六本義書

五

要知聖人所用心處知得了自家心術卽正心術正則種種雜毒種種邪說不相染汙矣季恭立志學儒須是擴而充之然後推其餘可以及物何以故學不至不是學學至而用不得不是學學不能化物不是學學到徹頭處文亦在其中武亦在其中事亦在其中理亦在其中忠義孝道乃至治身治人安國安邦之術無有不在其中者釋迦老子云常在於其中經行及坐卧便是這箇消息也未有忠於君而不孝於親者亦未有孝於親而不忠於君者但聖人所讚者依而行之聖人所訶者不敢違犯則於忠於孝於事於理治身治人無不周旋無不明了行看專文節使

立大功凱旋而歸季恭一躍青雲之上成氏之門有武有文無可疑者季恭勉之

示莫宣教

附

爲學爲道一也爲學則學未至聖人而期於必至爲道則求其放心於物我物我一如則道學雙備矣士大夫博極羣書非獨治身求富貴取快樂道學兼具擴而充之然後推已之餘可以及物近世學者多棄本逐末背正投邪只以爲學爲道爲名專以取富貴張大門戶爲決定義故心術不正爲物所轉俗諺所謂只見錐頭利不見鑿頭方殊不知在儒教則以正心術爲先心術既正則造次顛沛無不與此道相契

六本義書

五

前所云爲學爲道一之義也在吾教則曰若能轉物卽同如來在老氏則曰慈曰儉曰不敢爲天下先能如是學不須求與此道合自然默默與之相投矣佛說一切法爲度一切心我無一切心何用一切法當知讀經看教博極羣書以見月亡指得魚亡筌爲第一義則不爲文字語言所轉而能轉得語言文字矣不見昔有僧問歸宗和尚初心如何得箇入處宗以火箸敲鼎蓋三下云還聞否僧云聞宗云我何不聞宗又敲三下問還聞否僧云不聞宗云我何以聞僧無語宗云觀音妙智力能救世間苦潤甫道反夙植德本信得此段大事因緣及念念無間斷但於一切

文字語言上未能見月亡指得魚亡筌爾苟於歸宗
示誨處領略方知觀音悟圓通與歸宗聞與不聞之
義無二無別何以知其然也初於聞中入流亡所所
入既寂動靜二相了然不生動相不生則世間生滅
之法滅矣靜相不生則不爲寂滅所留係矣如於此
二中間不住動相亦不爲靜相所困則觀音所謂生
滅既寂寂滅現前得到這箇田地始得身心一如身
外無餘頭頭上明物物上顯矣非是彊爲法如是故
潤甫勉之

示導璞禪人

十三祖迦毗摩羅訪十四祖龍樹於山窟中龍樹預

大慧普覺禪師語錄

五十一

知其來卽出迎接纔見便云深山孤寂龍蟠所居大
德至尊何枉神足摩羅曰吾非至尊來訪賢者龍樹
默念曰此師得決定性明道眼否是大聖繼真乘否
摩羅曰汝雖心語吾已意知但辦出家何慮吾之不
聖樹聞示誨卽投出家古來尊宿以法求人師勝資
彊動絃別曲一言一句一語一默並不虛施可謂心
眼相照膠漆相投也今卽不然爲人師者卒歲窮年
與學者打葛藤終不知其到不到明不明學者亦不
別其師是邪是正蓋緣初學心癡師授莽鹵以故正
宗淡泊邪法橫生如此等輩欲報先德莫大之恩所
謂明道眼繼真乘者不亦難乎叅禪學道不爲別事

只要臘月三十日眼光落地時這一片田地四至界
分著實分明非同資談柄作戲論也近世此道寂寥
師資不相信須假一片故紙上放些惡毒不材不淨
付與學者謂之禪會子苦哉苦哉吾道喪矣不見昔
日臨濟和尚辭黃檗檗問子甚處去濟曰不是河南
便是河北檗便打濟約住棒與一掌檗呵呵大笑喚
侍者將百丈先師禪板來濟亦召侍者將火來檗曰
汝但將去已後坐却天下人舌頭去在後瀉山舉此
話問仰山臨濟莫辜負他黃檗麼仰山曰不然瀉山
曰子作麼生仰山曰知恩方解報恩看他過量人等
閑露異類中些子頭角便與常人不同後臨濟果與

大慧普覺禪師語錄

五十二

江西宗旨於河北此所謂龍象蹴蹋非驢所堪也
導璞禪人昔嘗侍園悟老師於蔣山與祥雲曇懿
長老爲道伴二人俱在老師處得少爲足點曾自
許鼻孔遼天以謂世莫有過之者甲寅春予自江
左來閩懿已開法於莆中浩浩談禪衲子輻輳璞
亦從其行相爲表裏予知其未穩當恐誤學者以
書致懿令告假暫來懿以畏得失遲遲其行遂因
小參痛斥其非揭榜于門以告四衆懿聞之不得
已乃破夏來詰其所證只如舊時無少異者至誠
以語之曰汝恁麼見解何敢嗣園悟老人果欲究
竟此事便退却院來懿曰然夏末歸菴懿果不食

言與璞繼至二人同到室中久之皆未造其實一日問璞三聖興化出不出爲人不爲人話你道這兩箇老漢還有出身處也無璞於予膝上打一拳予曰只你這一拳爲三聖出氣爲興化出氣速道速道璞擬議予劈脊與一棒仍謂之曰你第一不得忘了這一棒久未之入一日因聽別僧入室予問僧曰德山見僧入門便棒臨濟見僧入門便喝雪峯見僧入門便道是甚麼睦州見僧入門便道現成公案放你三十棒你道這四箇老漢還有爲人處也無僧曰有予曰劄僧擬議予便喝出璞聞之忽然脫去從前許多惡知惡解今遂成箇灑灑地衲僧雖向上眼未開徹而了知從上來事果無限量茲可喜耳懿亦相繼於一言之下脚踏實地今皆勇銳向前方知予平昔用心不在世諦也乙卯上元後璞來告假歸長谿省母且乞法語因信筆書前語以遺之建善有佛眼和尚得法上首藏六翁彼上人者訶佛罵祖具擇法眼不減龐老子試以此呈似此老必有批判矣仍請此老相與作證夏前復歸究竟末後一段大事因緣切勿秤鎚落井道人分上千里同風更不果作藏六翁書也示妙道禪人

定光大師妙道問雲門此心此性迷悟向背如何乞

六六集錄三十四

五五

省要處指示雲門良久不答妙道再問雲門笑曰若論省要處則不可指示於人若可指示則不省要矣妙道曰豈無方便令學人趣向雲門曰若論方便則心無迷悟性無向背但人立迷悟見執向背解欲明此心見此性而此心此性卽隨人顛倒錯亂流入邪途以故佛魔不辯邪正不分蓋不了此心此性之夢幻妄立二種之名言以向背迷悟爲實認此心此性爲真殊不知若實若不實若妄若非妄世間出世間但是假言說故淨名云法不可見聞覺知若行見聞覺知是則見聞覺知非求法也又古德云若取自己自心爲究竟必有他物他人爲對治又佛謂富樓那曰汝以色空相傾相奪於如來藏而如來藏隨爲色空周徧法界我以妙明不滅不生合如來藏而如來藏唯妙覺明圓照法界如來藏卽此心此性也而佛權指色空相傾相奪爲非以妙明不滅不生爲是此兩段是藥語治迷悟二病非佛定意也爲破執迷悟心性向背爲實法者之言耳不見金剛藏菩薩曰一切三世唯是言說一切諸法於言說中無有依處一切言說於諸法中亦無依處苟迷悟見亡向背解絕則此心洞明如皎日此性寬廓等虛空當人脚跟下放光動地照徹十方觀斯光者盡證無生法忍到恁麼時自然與此心此性默默相契方知昔本無迷合

六六集錄三十四

五五

本無悟悟卽迷迷卽悟向卽背背卽向性卽心心卽性佛卽魔魔卽佛一道清淨平等無有平等不平等者皆吾心之常分非假於他術旣得怎麼亦是不不得已而言之不可便以爲實若以爲實則又是不識方便認定死語重增虛妄展轉惑亂無有了期到這裏無你用心處不若知是般事撥置一邊却轉頭來看馬大師卽心是佛非心非佛不是心不是佛不是物趙州庭前栢樹子雲門須彌山大愚鋸解秤鎚嚴陽尊者土塊汾陽莫妄想俱胝豎指頭畢竟是何道理此乃雲門方便也妙道思之

示智嚴禪人

六六集錄十四

五

道不可學學而得之非實得也道亦不可不學不學亦無得期學與不學得與不得於此道了無交涉請快著精彩向無交涉處轉身一擲則學心無學心得心非得心如湯沃雪始知從前作祟皆是本自家親總不干他閑神野鬼之事所以睦州纔見僧入門便云現成公案放你三十棒趙州見僧入門便云辜負老僧二老如金翅擘海直取龍吞懵懂之流如何商量如何湊泊還有爲人底道理麼不可聞怎麼道了便只恁麼休去歇去還歇得也未古人訶爲落空亡底外道魂不散底死人要得直截無事但於不可學處試進一步看若進得這一步三乘十二分教天下

老和尚橫說豎說直說曲說讚說毀說隨俗說顯了說當甚熱煞鳴聲嚴禪還信得及麼莫記吾語

示知立禪人

昔靈雲和尚因見桃華忽然悟道有偈曰三十年來尋劍客幾回葉落又抽枝自從一見桃花後直至如今更不疑爲山和尚詰其所悟與之符契乃印可曰從緣悟達未無退失又雪峯和尚自作壽塔銘序曰夫從緣有者始終而成壞非從緣得者歷劫而常堅此二尊宿所見且道是一般是兩般若道是一般一人以從緣而得爲是一人以從緣而得爲非若道兩般不可二大老各立門戶疑惑後人

六六集錄十四

五

夷鵝王擇乳素

非鴨類知立禪人還知二大老落處麼若不知雲門直爲你說破二由一有一亦莫守一心不生萬法無咎已上兩段不同收歸上科○

示妙詮禪人

衲子參禪要明心地秀才讀書須當及第讀書五車而不及第終身只是箇秀才喚作官人卽錯參禪衲子心地不明則不能了生死大事終身只是箇破凡夫喚作佛卽錯只這兩錯實有怎麼事實無怎麼事言實有則讀書人及第做官者時時見之言實無則參禪人作佛未嘗目擊以此易彼八兩半斤耳此說至淺近而至深遠往往學者以有所得心參向無所

得處墮坑落壑多矣雲門此語遂成虛設真所謂醍醐上味爲世所珍遇斯等人翻成毒藥昔智常禪師至曹谿見祖師舉大通和尚所示心要祖師據其所疑爲說偈曰不見一法存無見大似浮雲遮日面不知一法守空知還如太虛生閃電此之知見瞥然與錯認何曾解方便汝當一念自知非自己靈光常顯現常聞偈當下疑情頓釋大悟祖師方便乃述一偈呈祖師末云不入祖師室茫然趣兩頭妙詮禪人要知實有恁麼事實無恁麼事落處麼莫管凡夫與佛秀才與官人但識取雲門方便苟能識得潮陽去曹谿不遠其或未然脚跟下且照顧大顛和尚

示冲密禪人

大慧語錄五

五九

辯龍蛇眼擒虎兇機非超越格量不繫塵緣之士卽以是說爲戲論故臨濟宗風難其繼紹近世學語之流多爭鋒逞口快以胡說亂道爲縱橫胡喝亂喝爲宗旨一挨一拶如擊石火似閃電光擬議不來呵呵大笑謂之機鋒俊快不落意根殊不知正是業識弄鬼眼睛豈非謾人自謾誤他自誤耶不見臨濟侍立德山次山回顧曰有事相借問得麼濟云老漢寐語作甚麼山擬拈棒濟便掀倒禪牀山便休去且道二老漢恁麼激揚還有商量處否信知龍象蹴蹋非驢所堪非真實具如是眼得如是用未免向得失中轉

量卜度又臨濟同普化在鎮州赴施主家齋次濟問毛吞巨海芥納須彌爲是神通妙用爲是法爾如然普化便趯倒飯牀濟云太麤生化云這裏是甚所在說麤說細濟休去次日又同赴一施主齋濟復問今日供養何似昨日化又趯倒飯牀濟云是則是太麤生化云瞎漢佛法說甚麤細濟又休去且道臨濟兩次休去還有商量分也無若有且如何商量冲密禪人在叢林最久往往都商量得講說得批判得自謂千了百當後始知非逐一時撥置就無商量處做工夫今始覩得見信得及方知此事傳不得學不得計較不得商量不得待吾南來相從於寂寞之濱閱四

大慧語錄五

六

載因吾舉先師爲寂壽道人舉不是心不是佛不是物話薦向火爐邊拾得一粒燭豆喫了自此香積妙供亦無心趣向但烝餅不托少渠一頓不得耳因來別吾暫歸浙江攜此軸求指示仍贈二偈云

蓋天蓋地那一著

無今無古絕承當

謾將分付密禪者

一任諸方亂度量

瞎驢城却正法眼

臨濟宗風始大張

可憐裨販如來者

盡將蓋覆錯商量

示道明講主

昔馬祖問亮座主曰聞汝大講得經論是否曰不敢祖又問將甚麼講曰將心講祖曰心如工技兒意如

大慧語錄二十四

六十一

大慧語錄二十四

六十一

古聖云道不假修但莫汙染山僧道說心說性是汙染說玄說妙是汙染坐禪習定是汙染著意思惟是汙染只今恁麼形紙筆是特地汙染降此之外畢竟如何是著實得力處金剛寶劔當頭截莫管人間是與非總禪但恁麼叅

大慧普覺禪師法語卷第二十四

校訛

音釋

餛

餒 都豆切
 釘 定切
 瀘 音慮
 皖 胡管切
 惺 音星
 鄴 音業

地磁疾之切引筌此緣切詰溪吉切沃澆也酷切崇

[illegible]

也兕角獸也似牛趯他歷切燭切殺切與炒攜圭

也切 推
禪 販 禪 顛 禪 滿 切
販 力 願 切

1

1000

大慧普覺禪師書卷第二十五

宋徑山能仁禪院住持嗣法慧日禪師臣蘊開上進

答曾侍郎天○問書

開頃在長沙得園悟老師書稱公晚歲相從所得甚是奇偉念之再三今八年矣常恨未獲親聞緒餘惟切景仰開自幼年發心叅禮知識扣問此事弱冠之後卽爲婚宦所役用工夫不純因循至今老矣未有所聞常自愧歎然而立志發願實不在淺淺知見之間以爲不悟則已悟則須直到古人親證處方爲大休歇之地此心雖未嘗一念退屈自覺工夫終未純一可謂志願大而力量小也向

六六六六六六

六六六六六六

者痛懇園悟老師示以法語六段其初直示此事後舉雲門趙州放下著須彌山兩則因緣今下鈍工常自舉覺久久必有入處老婆心切如此其奈鈍滯太甚今幸私家塵緣都畢閑居無他事政在痛自鞭策以償初志第恨未得親炙教誨耳一生敗闕已一一呈似必能洞照此心望委曲提警日用當如何做工夫庶幾不涉他途徑與本地相契也如此說話敗闕亦不少但方投誠自難隱逃良可慙也至扣

承叙及自幼年至仕宦叅禮諸大宗匠中間爲科舉婚宦所役又爲惡覺惡習所勝未能純一做工夫以

此爲大罪又能痛念無常世間種種虛幻無一可樂專心欲究此一段大事因緣甚愜病僧意然既爲上人仰祿爲生科舉婚宦世間所不能免者亦非公之罪也以小罪而生大怖懼非無始曠大劫來承事真善知識熏習般若種智之深焉能如此而公所謂大罪者聖賢亦不能免但知虛幻非究竟法能回心此箇門中以般若智水滌除垢染之穢清淨自居從腳下去一刀兩段更不起相續心足矣不必思前念後也旣曰虛幻則作時亦幻受時亦幻知覺時亦幻迷倒時亦幻過去現在未來皆悉是幻今日知非則以幻藥復治幻病病瘥藥除依前只是舊時人若別有

六六六六六六

六六六六六六

人有法則是邪魔外道見解也公深思之但如此崖將去時時於靜勝中切不得忘了須彌山放下著兩則語但從脚下著實做將去已過者不須怖畏亦不必思量思量怖畏卽障道矣但於諸佛前發大誓願此心堅固永不退失仗諸佛加被遇善知識一言之下頓亡生死悟證無上正等菩提續佛慧命以報諸佛莫大之恩若如此則久久無有不悟之理不見善財童子從文殊發心漸次南行過一百一十城叅五十三善知識末後於彌勒一彈指頃頓亡前來諸善知識所得法門復依彌勒教思欲奉觀文殊於是文殊遙伸右手過一百一十由旬按善財頂曰善哉

善哉善男子若離信根心劣憂悔功行不具退失精勤於一善根心生住著於少功德便以爲足不能善巧發起行願不爲善知識之所攝護乃至不能了知如是法性如是理趣如是法門如是所行如是境界若周徧知若種種知若盡源底若解了若趣入若解說若分別若證知若獲得皆悉不能文殊如是宣示善財善財於言下成就阿僧祇法門具足無量大智光明入普賢門於一念中悉見三千大千世界微塵數諸善知識悉皆親近恭敬承事受行其教得不忘念智莊嚴藏解脫以至入普賢毛孔剎於一毛孔行一步過不可說不可說佛剎微塵數世界與普賢等

六六 大慧菩薩王五

六五

諸佛等剎等行等及解脫自在悉皆同等無二無別當恁麼時始能回三毒爲三聚淨戒回六識爲六神通回煩惱爲菩提回無明爲大智如上這一絡索只在當人末後一念真實而已善財於彌勒彈指之間尚能頓亡諸善知識所證三昧况無始虛偽惡業習氣耶若以前所作底罪爲實則現今目前境界皆爲實有乃至官職富貴恩愛悉皆是實既是實則地獄天堂亦實煩惱無明亦實作業者亦實受報者亦實所證底法門亦實若作這般見解則盡未來際更無有人趣佛乘矣三世諸佛諸代祖師種種方便翻爲妄語矣承公發書時焚香對諸聖及遙禮菴中而後

遣公誠心至切如此相去雖不甚遠未得面言信意信手不覺切怛如許雖若繁絮亦出誠至之心不敢以一言一字相欺苟欺公則是自欺耳又記得善財見最寂靜婆羅門得誠語解脫過去現在未來諸佛菩薩於阿耨菩提無已退無現退無當退凡有所求莫不成滿皆由誠至所及也公既與竹椅蒲團爲侶不異善財見最寂靜婆羅門又發雲門書對諸聖遙禮而後遣只要雲門信許此誠至之劇也但相聽只如此做工夫將來於阿耨菩提成滿無疑矣

又

公處身富貴而不爲富貴所折困非夙植般若種智

六六 大慧菩薩王五

六六

焉能如是但恐中忘此意爲利根聰明所障以有所得心在前頓放故不能於古人直截徑要處一刀兩段直下休歇此病非獨賢士大夫久參衲子亦然多不肯退步就省力處做工夫只以聰明意識計較思量向外馳求乍聞知識向聰明意識思量計較外示以本分草料多是當面蹉過將謂從上古德有實法與人如趙州放下著雲門須彌山之類是也巖頭曰却物爲上逐物爲下又曰大統綱宗要須識句甚麼是句百不思時喚作正句亦云居頂亦云得住亦云歷歷亦云惺惺亦云恁麼時將恁麼時等破一切是非纔恁麼便不恁麼是句亦刻非句亦刻如一團火

相似觸者便燒有甚麼向傍處今時士大夫多以思量計較爲窟宅聞恁麼說話便道莫落空否喻似舟未翻先自跳下水去此深可憐愍近至江西見呂居仁居仁留心此段因緣甚久亦深有此病渠豈不是聰明宗杲嘗問之曰公怕落空能知怕者是空耶是不空耶試道看渠佇思欲計較祇對當時便與一喝至今茫然討巴鼻不著此蓋以求悟證之心在前頓放自作障礙非干別事公試如此做工夫日久月深自然築著磕著若欲將心待悟將心待休歇從脚下參到彌勒下生亦不能得悟亦不能得休歇轉加迷悶耳平田和尚曰神光不昧萬古微猷入此門來莫

△金鑑卷五

五

存知解又古德曰此事不可以有心求不可以無心得不可以語言造不可以寂默通此是第一等入泥入水老婆說話往往參禪人只恁麼念過殊不予細看是甚道理若是箇有筋骨底聊聞舉著直下將金剛王寶劔一截截斷此四路葛藤則生死路頭亦斷凡聖路頭亦斷計較思量亦斷得失是非亦斷當人脚跟下淨保保赤灑灑沒可把豈不快哉豈不暢哉不見昔日灌谿和尚初參臨濟濟見來便下繩牀驀曾擒住灌谿便云領領濟知其已徹卽便推出更無言句與之商量當恁麼時灌谿如何思量計較祇對得古來幸有如此勝樣如今人總不將爲事只爲

心灌谿當初若有一點待悟待證待休歇底心在前時莫道被擒住便悟便是縛却手脚遶四天下控一遭也不能得悟也不能得休歇尋常計較安排底是識情隨生死遷流底亦是識情怕怖惶惶底亦是識情而今參學之人不知是病只管在裏許頭出頭沒教中所謂隨識而行不隨智以故昧却本地風光本來面目若或一時放得下百不思量計較忽然失脚踏著鼻孔卽此識情便是真空妙智更無別智可得若別有所得別有所證則又却不是也如人迷時喚東作西及至悟時卽西便是東無別有東此真空妙智與太虛空齊壽只這太虛空中還有一物礙得他

△金鑑卷五

五

否雖不受一物礙而不妨諸物於空中往來此真空妙智亦然生死凡聖垢染著一點不得雖著不得而不礙生死凡聖於中往來如此信得及見得徹方是箇出生入死得大自在底漢始與趙州放下著雲門須彌山有少分相應若信不及放不下却請擔取一座須彌山到處行脚遇明眼人分明舉似一笑

又

老龐云但願空諸所有切勿實諸所無只了得這兩句一生參學事畢今時有一種剃頭外道自眼不明只管教人死鴛鴦地休去歇去若如此休歇到千佛出世也休歇不得轉使心頭迷悶耳又教人隨緣管

帶忘情默照照來照去帶來帶去轉加迷悶無有了期殊失祖師方便錯指示人教人一向虛生浪死更教人是事莫管但只恁麼歇去歇得來情念不生到恁麼時不是冥然無知直是惺惺歷歷這般底更是毒害瞎却人眼不是小事雲門尋常見此輩不把做人看待彼既自眼不明只管將冊子上語依樣教人這箇作麼生教得若信著這般底永劫叅不得雲門尋常不是不教人坐禪向靜處做工夫此是應病與藥實無恁麼指示人處不見黃檗和尚云我此禪宗從上相承以來不曾教人求知求解只云學道早是接引之辭然道亦不可學情有學道却成迷道道無

大慧語錄卷五

六

方所名大乘心此心不在內外中間實無方所第一不得作知解只是說汝而今情量處爲道情量若盡心無方所此道天真本無名字只爲世人不識迷在情中所以諸佛出來說破此事恐你不了權立道名不可守名而生解也前來所說瞎眼漢錯指示人皆是認魚目作明珠守名而生解者教人管帶此是守目前鑑覺而生解者教人硬休去歇去此是守忘懷空寂而生解者歇到無覺無知如土木瓦石相似當恁麼時不是冥然無知又是錯認方便解縛語而生解者教人隨緣照顧莫教惡覺現前這箇又是認著觸情識而生解者教人但放曠任其自在莫管生

心動念念起念滅本無實體若執爲實則生死心生矣這箇又是守自然體爲究竟法而生解者如上諸病非干學道人事皆由瞎眼宗師錯指示耳公既清淨自居存一片真實堅固向道之心莫管工夫純一不純一但莫於古人言句上只管如疊塔子相似一層了又一層枉用工夫無有了期但只存心於一處無有不得底時節因緣到來自然築著磕著噴地省去耳不起一念還有過也無云須彌山一物不將來時如何云放下著這裏疑不破只在這裏叅更不必自生枝葉也若信得雲門及但恁麼叅別無佛法指似人若信不及一任江北江南問王老一狐疑了一

大慧語錄卷五

七

狐疑

又

細讀來書乃知四威儀中無時間斷不爲公冗所奪於急流中常自猛省殊不放逸道心愈久愈堅固深恆鄙懷然世間塵勞如火熾然何時是了正在鬧中不得忘却竹椅蒲團上事平昔留心靜勝處正要鬧中用若鬧中不得力却似不曾曾在靜中做工夫一般承有前緣駁雜今受此報之歎獨不敢聞命若動此念則障道矣古德云隨流認得性無喜亦無憂淨名云譬如高原陸地不生蓮華卑濕淤泥乃生此華老胡云真如不守自性隨緣成就一切事法又云隨緣

赴感靡不周而常處此菩提座豈欺人哉若以靜處爲是鬧處爲非則是壞世間相而求實相離生滅而求寂滅好靜惡鬧時正好著力驀然鬧裏撞翻靜時消息其力能勝竹椅蒲團上千萬億倍但相聽決不相誤又承以老龐兩句爲行住坐卧之銘箴善不可加若正鬧時生厭惡則乃是自擾其心耳若動念時只以老龐兩句提撕便是熱時一服清涼散也公具決定信是大智慧人久做靜中工夫敢說這般話於他人分上則不可若向業識茫茫增上慢人前如此說乃是添他惡業擔子禪門種種病痛已具前書不識曾子細理會否

又

主

承諭外息諸緣內心無喘可以入道是方便門借方便門以入道則可守方便而不捨則爲病誠如來語山野讀之不勝歡喜踊躍之至今諸方漆桶輩只爲守方便而不捨以實法指示人以故瞎人眼不少所以山野作辯邪正說以救之近世魔彊法弱以湛入合湛爲究竟者不可勝數守方便不捨爲宗師者如麻似粟山野近嘗與衲子輩舉此兩段正如來書所說不差一字非左右留心般若中念念不間斷則不能洞曉從上諸聖諸異方便也公已捉著欄柄矣既得欄柄在手何慮不捨方便門而入道耶但只如此

又

主

做工夫看經教并古人語錄種種差別言句亦只如此做工夫如須彌山放下著狗子無佛性話竹篋子話一口吸盡西江水話庭前柏樹子話亦只如此做工夫更不得別生異解別求道理別作伎倆也公能向急流中時時自如此提掇道業若不就則佛法無靈驗矣記取承夜夢焚香入山僧之室甚從容切不得作夢會須知是真入室不見舍利弗問須菩提夢中說六波羅蜜與覺時同別須菩提云此義幽深吾不能說此會有彌勒大士汝往彼問咄漏逗不少雪竇云當時若不放過隨後與一劄誰名彌勒誰是彌勒者便見水消瓦解咄雪竇亦漏逗不少或有人問只如曾待制夜夢入雲門之室且道與覺時同別雲門卽向他道誰是入室者誰是爲入室者誰是作夢者誰是說夢者誰是不作夢會者誰是真入室者咄亦漏逗不少

又

來書細讀數過足見辦鐵石心立決定志不肯草草但只如此崖到臘月三十日亦能與閻家老子厮抵更休說豁開頂門眼握金剛王寶劔坐毗盧頂上也宗杲嘗謂方外道友曰今時學道之士只求速效不知錯了也却謂無事省緣靜坐體究爲空過時光不如看幾卷經念幾聲佛佛前多禮幾拜懺悔平生所

作底罪過要免閻家老子手中鐵棒此是愚人所爲而今道家者流全以妄想心想日精月華吞霞服氣尚能留形住世不被寒暑所逼况回此心此念全在般若中耶先聖明明有言喻如太末蟲處處皆泊唯不能泊於火燄之上衆生亦爾處處能緣惟不能緣於般若之上苟念念不退初心把自家心謬緣世間塵勞底回來抵在般若上雖今生打未徹臨命終時定不爲惡業所牽流落惡道來生出頭隨我今生願力定在般若中現成受用此是決定底事無可疑者衆生界中事不著學無始時來習得熟路頭亦熟自然取之左右逢其原須著撥置出世間學般若心無

六六集錄五

七三

始時來背違乍聞知識說者自然理會不得須著立決定志與之作頭抵決不兩立此處若入得深彼處不著排遣諸魔外道自然竄伏矣生處放教熟熟處處放教生政爲此也日用做工夫處捉著欄柄漸覺省力時便是得力處也

答李參政

老○問書

邨近扣籌室伏蒙激發蒙滯忽有省入顧惟根識暗鈍平生學解盡落情見一取一捨如衣壞絮行草棘中適自纏繞今一笑頓釋欣幸可量非大宗匠委曲垂慈何以致此自到城中著衣喫飯抱子弄孫色色仍舊既亡拘滯之情亦不作奇特之想

其餘風習舊障亦稍輕微臨別叮嚀之語不敢忘也重念始得入開而大法未明應機接物觸事未能無礙更望有以提誨使卒有所至庶無玷於法席矣

示諭自到城中著衣喫飯抱子弄孫色色仍舊既亡拘滯之情亦不作奇特之想宿習舊障亦稍輕微三復斯語歡喜躍躍此乃學佛之驗也儻非過量大人於一笑中百了才當則不能知吾家果有不傳之妙若不爾者疑怒二字法門盡未來際終不能壞使太虛空爲雲門口草木瓦石皆放光明助說道理亦不奈何方信此段因緣不可傳不可學須是自證自悟

六六集錄五

七四

自肯自休方始徹頭公今一笑頓亡所得夫復何言黃面老子曰不取衆生所來說一切有爲虛妄事雖復不依言語道亦復不著無言說來書所說既亡拘滯之情亦不作奇特之想暗與黃面老子所言契合卽是說者名爲佛說離是說者卽波旬說山野平昔有大誓願寧以此身代一切衆生受地獄苦終不以此口將佛法以爲人情瞻一切人眼公既到恁麼田地自知此事不從人得但且仍舊更不須問大法明未明應機礙不礙若作是念則不仍舊矣承過夏後方可復出甚愜病僧意若更熱荒馳求不歇則不相當也前日見公歡喜之甚以故不敢說破恐傷言語

今歡喜既定方敢指出此事極不容易須生慙愧始得往往利根上智者得之不費力遂生容易心便不修行多被目前境界奪將去作主宰不得日久月深迷而不返道力不能勝業力魔得其便定為魔所攝持臨命終時亦不得力千萬記取前日之語理則頓悟乘悟併銷事則漸除因次第盡行住坐卧切不可忘了其餘古人種種差別言句皆不可以為實然亦不可以為虛久久純熟自然默契自本心矣不必別求殊勝奇特也昔水潦和尚於採藤處問馬祖如何是祖師西來意祖云近前來向你道水潦纔近前馬祖攔臂一踢踢倒水潦不覺起來拍手呵呵大笑

大慧語錄卷五

五

祖曰汝見箇甚麼道理便笑水潦曰百千法門無量妙義今日於一毛頭上盡底識得根源去馬祖便不管他雪峯知鼓山緣熟一日忽然驚覺擒住曰是甚麼鼓山釋然了悟了心便亡唯微笑舉手搖曳而已雪峯曰子作道理耶鼓山復搖手曰和尚何道理之有雪峯便休去蒙山道明禪師赴盧行者至大庾嶺奪衣鉢盧公擲於石上曰此衣表信可力爭耶任公將去明舉之不動乃曰我求法非為衣鉢也願行者開示盧公曰不思善不思惡正當恁麼時那箇是上座本來面目明當時大悟通身汗流泣淚作禮曰上來密語密意外還更有意旨否盧公曰我今為汝說

老郎非密意汝若返照自己面目密却在汝邊我若說得郎不密也以三尊宿三段因緣較公於一笑中釋然優劣何如請自斷看還更別有奇特道理麼若更別有則却似不曾釋然也但知作佛莫愁佛不解語古來得道之士自己既充足推已之餘應機接物如明鏡當臺明珠在掌胡來胡現漢來漢現非著意也若著意則有實法與人矣公欲大法明應機無滯但且仍舊不必問人久久自點頭矣臨行面稟之語請書於座右此外別無說縱有說於公分上盡成剩語矣葛藤太多姑置是事

大慧語錄卷五

五

那比蒙誨答備悉深旨那自有驗者三一事無逆順隨緣即應不留胃中二宿習濃厚不加排遣自爾輕微三古人公案舊所茫然時復瞥地此非自昧者前書大法未明之語蓋恐得少為足當擴而充之豈別求勝解耶淨除現流理則不無敢不銘佩

信後益增瞻仰不識日來隨緣放曠如意自在否四威儀中不為塵勞所勝否寤寐二邊得一如否於仍舊處無走作否於生死心不相續否但盡凡情別無聖解公既一笑豁開正眼消息頓亡得力不得力如人飲水冷暖自知矣然日用之間當依黃面老子所

言創其正性除其助因違其現業此乃了事漢無方便中真方便無修證中真修證無取捨中真取捨也古德云皮膚脫落盡唯一真實在又如栴檀繁柯脫落盡唯真栴檀在斯達現業除助因剗正性之極致也公試思之如此說話於了事漢分上大似一柄臘月扇子恐南地寒暄不常也少不得一笑

大慧普覺禪師書卷第二十五

校訛

七十五則漸南作非頓

音釋

獶獶古達切獶獶當割切駁北角切色不純也喘昌充切喘息也獶獶必駕切獶也

二六人筆錄卷二十五

主

兩音其剗音中也



二六人筆錄卷二十六

大慧普覺禪師書卷第二十六

宋徑山能仁禪院住持嗣法慧日禪師臣縕聞上進

答江給事

明

人生一世百年光陰能有幾許公白屋起家歷盡清要此是世間第一等受福底人能知慚愧回心向道學出世間脫生死法又是世間第一等討便宜底人須是急著手脚冷却面皮不得受人差排自家理會本命元辰教去處分明便是世間出世間一箇了事底大丈夫也承連日去與參政道話甚善甚善此公歇得馳求心得言語道斷心行處滅差別異路覩見古人脚手不被古人方便文字所羅籠山僧見渠如

此所以更不曾與之說一字恐鈍置他直候渠將來
自要與山僧說話方始共渠眉毛厮結理會在不只
恁麼便休學道人若馳求心不歇縱與之眉毛厮結
理會何益之有正是癡狂外邊走耳古人云親近善
者如霧露中行雖不濕衣時時有潤但頻與參政說
話至禱至禱不可將古人垂示言教胡亂穿鑿如馬
大師遇南嶽和尚說法云譬牛駕車車若不行打車
即是打牛即是馬師問之言下知歸這幾句兒言語
諸方多少說法如雷如霆如雲如雨底理會不得錯
下名言隨語生解見與舟峯書尾杜撰解註山僧讀
之不覺絕倒可與說如來禪祖師禪底一狀領過一

六六

二

道行遣也來頌子細看過却勝得前日兩頌自此可
已之頌來頌去有甚了期如參政相似渠豈是不會
做頌何故都無一字乃識法者懼耳間或露一毛頭
自然抓著山僧痒處如出山相頌云到處逢人驀面
欺之語可與叢林作點眼藥公異日自見矣不必山
僧註破也某近見公頌然改變爲此事甚力故作此
書不覺縷縷

答富樞密

中季

示諭參歲知信向此道晚年爲知解所障未有一悟
入處欲知日夕體道方便既荷至誠不敢自外據欵
結案葛藤少許只這求悟入底便是障道知解了也

更別有甚麼知解爲公作障畢竟喚甚麼作知解知
解從何而至被障者復是阿誰只此一句顛倒有三
自言爲知解所障是一自言未悟甘作迷人是一更
在迷中將心待悟是一只這三顛倒便是生死根本
直須一念不生顛倒心絕方知無迷可破無悟可待
無知解可障如人飲水冷暖自知久久自然不作這
般見解也但就能知知解底心上看還障得也無能
知知解底心上還有如許多般也無從上大智慧之
士莫不皆以知解爲儔侶以知解爲方便於知解上
行平等慈於知解上作諸佛事如龍得水似虎靠山
終不以此爲惱只爲他識得知解起處既識得起處

六六

三

卽此知解便是解脫之場便是出生死處既是解脫
之場出生死處則知底解底當體寂滅知底解底既
寂滅能知知解者不可不寂滅菩提涅槃真如佛性
不可不寂滅更有何物可障更向何處求悟入釋迦
老子曰諸業從心生故說心如幻若離此分別則滅
諸有趣僧問大珠和尚如何是大涅槃珠云不造生
死業是大涅槃僧云如何是生死業珠云求大涅槃
走生死業又古德云學道人一念計生死卽落魔道
一念起諸見卽落外道又淨名云衆魔者樂生死菩
薩於生死而不捨外道者樂諸見菩薩於諸見而不
動此乃是以知解爲儔侶以知解爲方便於知解上

行平等慈於知解上作諸佛事底樣子也只爲他了達三祇劫空生死涅槃俱寂靜故既未到這箇田地切不可被邪師輩胡說亂道引入鬼窟裏閉眉合眼作妄想邇來祖道衰微此流如麻似粟真是一盲引衆盲相牽入火坑深可憐愍願公硬著脊梁骨莫作這般去就作這般去就底雖暫拘得箇臭皮袋子住便以爲究竟而心識紛飛猶如野馬縱然心識暫停如石壓草不覺又生欲直取無上菩提到究竟安樂處不亦難乎宗杲亦嘗爲此流所誤後來若不遇真善知識幾致空過一生每每思量有見以耐以故不惜口業力救此弊今稍有知非者若要徑截理會須

全集卷五

四

得這一念子曝地一破方了得生死方名悟入然切不可存心待破若存心在破處則末劫無有破時但將妄想顛倒底心思量分別底心好生惡死底心知見解會底心欣靜厭鬧底心一時按下只就按下處看箇話頭僧問趙州狗子還有佛性也無州云無此一字子乃是摧許多惡知惡覺底器仗也不得作有無會不得作道理會不得向意根下思量卜度不得向揚眉瞬目處操根不得向語路上作活計不得颺在無事甲裏不得向舉起處承當不得向文字中引證但向十二時中四威儀內時時提撕時時舉覺狗子還有佛性也無云無不離日用試如此做工夫看川

十日便自見得也一郡千里之事都不相妨古人云我這裏是活底祖師意有甚麼物能拘執他若離口用別有趣向則是離波求水離器求金求之愈遠矣

又

竊知日來以此大事因緣爲念勇猛精進純一無雜不勝喜躍能二六時中熾然作爲之際必得相應也未寤寐二邊得一如也未如未切不可一向沈空趣寂古人喚作黑山下鬼家活計盡未來際無有透脫之期昨接來誨私慮左右必已耽著靜勝三昧及詢直闇公乃知果如所料大凡涉世有餘之士久膠於塵勞中忽然得人指令向靜默處做工夫乍得冒中

全集卷五

五

無事便認著以爲究竟安樂殊不知似石壓草雖暫覺絕消息奈何根株猶在寧有證徹寂滅之期要得真正寂滅現前必須於熾然生滅之中驀地一跳跳出不動一絲毫便攪長河爲酥酪變大地作黃金臨機縱奪殺活自由利他自利無施不可先聖喚作無盡藏陀羅尼門無盡藏神通遊戲門無盡藏如意解脫門豈非真大丈夫之能事也然亦非使然皆吾心之常分耳願左右快著精彩決期於此廓徹大悟覺中皎然如百千日月十方世界一念明了無一絲毫頭異想始得與究竟相應果能如是豈獨於生死路上得力異日再秉鈞軸致君於堯舜之上如指諸掌耳

又

示論初機得少靜坐工夫亦自佳又云不敢妄作靜見黃面老子所謂譬如有人自塞其耳高聲大叫求人不聞真是自作障礙耳若生死心未破日用二六時中冥冥蒙蒙地如魂不散底死人一般更討甚閑工夫理會靜理會閑耶涅槃會上廣額屠兒放下屠刀便成佛豈是做靜中工夫來渠豈不是初機左右見此定以為不然須差排渠作古佛示現今人無此力量若如是見乃不信自殊勝甘為下劣人也我此門中不論初機晚學亦不問久參先達若要真箇靜須是生死心破不著做工夫生死心破則自靜也先

全集卷三

六

聖所說寂靜方便正為此也自是末世邪師輩不會先聖方便語耳左右若信得山僧及試向閑處看狗子無佛性話未說悟不悟正當方寸擾擾時謾提撕舉覺看還覺靜也無還覺得力也無若覺得力便不須放捨要靜坐時但燒一炷香靜坐坐時不得令昏沈亦不得掉舉昏沈掉舉先聖所訶靜坐時纔覺此兩種病現前但只舉狗子無佛性話兩種病不著用力排遣當下怗怗地矣日久月深纔覺省力便是得力處也亦不著做靜中工夫只這便是工夫也李參政頃在泉南初相見時見山僧力排默照邪禪瞎人眼渠初不平疑怒相半驀聞山僧頌庭前柏樹子話

忽然打破漆桶於一笑中千了百當方信山僧開口見膽無秋毫相欺亦不足爭人我便對山僧懺悔此公現在彼請試問之還是也無道謙上座已往福唐不識已到彼否此子參禪喫辛苦更多亦嘗十餘年入枯禪近年始得箇安樂處相見時試問渠如何做工夫曾為浪子偏憐客想必至誠吐露也

答李參政別紙

七

富樞密頃在三衢時嘗有書來問道因而打葛藤一上落草不少尚爾滞在默照處定是遭邪師引入鬼窟裏無疑今又得書復執靜坐為佳其滯泥如此如何參得徑山禪今次答渠書又復縷縷葛藤不惜口

全集卷三

七

業痛與剷除又不知肯回頭轉腦於日用中看話頭否先聖云寧可破戒如須彌山不可被邪師熏一邪念如芥子許在情識中如油入麪永不可出此公是也如與之相見試取答渠底葛藤一觀因而作箇方便救取此人四攝法中以同事攝為最彊左右當大啓此法門令其信入不唯省得山僧一半力亦使渠信得及肯離舊窟也

答陳少卿

八

承諭欲留意此段大事因緣為根性極鈍若果如此當為左右賀也今時士大夫多於此事不能百了千當直下透脫者只為根性太利知見太多見宗師纔

開口動舌早一時會了也以故返不如鈍根者無許多惡知惡覺驀地於一機一境上一言一句下撞發便是達磨大師出頭來用盡百種神通也奈何他不得只爲他無道理可障利根者返被利根所障不能得啐地便折曝地便破假饒於聰明知解上學得於自己本分事上轉不得力所以南泉和尚云近日禪師太多覓箇癡鈍人不可得章敬和尚曰至理亡言時人不悉彊習他事以爲功能不知自性元非塵境是箇微妙大解脫門所有鑑覺不染不礙如是光明未曾休廢業劫至今固無變易猶如日輪遠近斯照雖及衆色不與一切和合靈燭妙明非假鍛鍊爲不

大慧普覺禪師語錄卷五

了故取於物象但如捏目妄起空華徒自疲勞枉經劫數若能返照無第二人舉措施爲不虧實相左右自言根鈍試如此返照看能知鈍者還鈍也無若不回光返照只守鈍根更生煩惱乃是向幻妄上重增幻妄空華上更添空華也但相聽能知根性鈍者決定不鈍雖不得守著這箇鈍底然亦不得捨却這箇鈍底參取捨利鈍在人不在心此心與三世諸佛一體無二若有二則法不平受教傳心俱爲虛妄求真覓實轉見參差但知得一體無二之心決定不在利鈍取捨之間則便當見月亡指直下一刀兩段若更遲疑思前算後則乃是空拳指上生實解根境

法中虛捏怪於陰界中妄自囚執無有了時近年以來有一種邪師說默照禪教人十二時中是事莫管休去歇去不得做聲恐落今時往往士大夫爲聰明利根所使者多是厭惡鬧處乍被邪師輩指令靜坐却見省力便以爲是更不求妙悟只以默然爲極則某不惜口業力救此弊今稍有知非者願公只向疑情不破處參行住坐卧不付放捨僧問趙州狗子還有佛性也無州云無這一字子便是箇破生死疑心底刀子也這刀子欄柄只在當人手中教別人下手不得須是自家下手始得若捨得性命方肯自下手若捨性命不得且只管正疑不破處崖將去驀然自

大慧普覺禪師語錄卷五

九

肯捨命一下便了那時方信靜時便是鬧時底鬧時便是靜時底語時便是默時底默時便是語時底不著問人亦自然不受邪師胡說亂道也至禱至禱昔朱世英嘗以書問雲菴真淨和尚云佛法至妙日用如何用心如何體究空慈悲指示真淨曰佛法至妙無二但未至於妙則互有長短苟至於妙則悟心之人如實知自心究竟本來成佛如實自在如實安樂如實解脫如實清淨而日用唯用自心自心變化把得便用莫問是之與非擬心思量早不足也不擬心一一天真一一明妙一一如蓮華不著水心清淨超於彼所以迷自心故作衆生悟自心故成佛而衆生

卽佛卽衆生由迷悟故有彼此也如今學道人多不信自心不悟自心不得自心明妙受用不得自心安樂解脫心外妄有禪道妄立奇特妄生取捨縱修行落外道二乘禪寂斷見境界所謂修行恐落斷常坑其斷見者斷滅自心本妙明性一向心外著空滯禪寂常見者不悟一切法空執著世間諸有爲法以爲究竟也邪師輩教士大夫攝心靜坐事事莫管休去歇去豈不是將心休心將心歇心將心用心若如此修行如何不落外道二乘禪寂斷見境界如何顯得自心明妙受用究竟安樂如實清淨解脫變化之妙須是當人自見得自悟得自然不被古人言句轉

六六六六六六

十

而能轉得古人言句如清淨摩尼寶珠置泥濘之中經百千歲亦不能染汙以本體自清淨故此心亦然正迷時爲塵勞所惑而此心體本不曾惑所謂如蓮華不著水也忽若悟得此心本來成佛究竟自在如實安樂種種妙用亦不從外來爲本自具足故黃面老子曰無有定法名阿耨多羅三藐三菩提亦無有定法如來可說若確定本體實有怎麼事又却不是也事不獲已因迷悟取捨故說道理有若干爲未至於妙者方便語耳其實本體亦無若干請公只恁麼用心日用二六時中不得執生死佛道是有不得撥生死佛道歸無但只看狗子還有佛性也無趙州云

無切不可向意根下卜度不可向言語上作活計又不得向開口處承當又不得向擊石火閃電光處會狗子還有佛性也無無但只如此叅亦不得將心待悟待休歇若將心待悟待休歇則轉沒交涉矣

又

示諭自得山野向來書之後每遇鬧中鞞避不得處常自點檢而未有著力工夫只這鞞避不得處便是工夫了也若更著力點檢則又却遠矣昔魏府老華嚴云佛法在日用處行住坐卧處喫茶喫飯處語言相問處所作所爲處舉心動念又却不是也正當鞞避不得處切忌起心動念作點檢想祖師云分別不

六六六六六六

七

生虛明自照又龐居士云日用事無別唯吾自偶諸頭頭非取捨處處勿張乖朱紫誰爲號丘山絕點埃神通并妙用運水及搬柴又先聖云但有心分別計較自心見量者悉皆是夢切記取鞞避不得時不得更擬心不擬心時一切現成亦不用理會利亦不用理會鈍總不干他利鈍之事亦不干他靜亂之事正當鞞避不得時忽然打失布袋不覺拊掌大笑矣記取記取此事若用一毫毛工夫取證則如人以手撮摩虛空只益自勞耳應接時但應接要得靜坐但靜坐坐時不得執著坐底爲究竟今時邪師輩多以默照靜坐爲究竟法疑誤後昆山野不怕結怨力詆之

以報佛恩救末法之弊也

答趙待制

夫道

示諭一一備悉佛言有心者皆得作佛此心非世間塵勞妄想心謂發無上大菩提心若有是心無不成佛者士大夫學道多自作障礙為無決定信故也佛又言信為道元功德母長養一切諸善法斷除疑網出愛流開示涅槃無上道又云信能增長智功德信能必到如來地示諭鈍根未能悟徹且種佛種子於心田此語雖淺近然亦深遠但辦肯心必不相賺今時學道之士往往緩處却急急處却放緩龐公云一朝蛇入布襪試問宗師其時節昨日事今日尚有

六本善錄卷五

十三

記不得者况隔陰事豈容無忘失耶決欲今生打教徹不疑佛不疑祖不疑生不疑死須有決定信具決定志念念如救頭然如此做將去打未徹時方始可說根鈍耳若當下便自謂我根鈍不能今生打得徹且種佛種結緣乃是不行欲到無有是處果每為信此道者說漸覺得日用二六時中省力處便是學佛得力處也自家得力處他人知不得亦拈出與人看不得盧行者謂道明上座曰汝若返照自己本來面目密意盡在汝邊是也密意者便是日用得力處也得力處便是省力處也世間塵勞事拈一放一無窮無盡四威儀內未嘗相捨為無始時來與之結得緣

深故也般若智慧無始時來與之結得緣淺故也乍聞知識說著覺得一似難會若是無始時來塵勞緣淺般若緣深者有甚難會處但深處放教淺淺處放教深生處放教熟熟處放教生纔覺思量塵勞事時不用著力排遣只就思量處輕輕撥轉話頭省無限力亦得無限力請公只如此崖將去莫存心等悟忽地自悟去叅政公想日日相會除圍碁外還曾與說著這般事否若只圍碁不曾說著這般事只就黑白未分處掀了盤撒了了却問他索取那一著若索不得是真箇鈍根漢姑置是事

答許司理

壽源

六本善錄卷五

十三

黃面老子曰信為道元功德母長養一切諸善法又云信能增長智功德信能必到如來地欲行千里一步為初十地菩薩斷障證法門初從十信而入然後登法雲地而成正覺初歡喜地因信而生歡喜故也若決定堅起脊梁要做世出世間沒量漢須是箇生鐵鑄就底方了得若半明半暗半信半不信決定了不得此事無人情不可傳授須是自家省發始有趣向分若取他人人口頭辦求劫無有歇時千萬十二時中莫令空過逐日起來應用處圓陀陀地與釋迦達磨無少異自是當人見不徹透不過全身跳在聲色裏却向裏許求出頭轉沒交涉矣此事亦不在久

叅知識徧歷叢林而後了得而今有多少在叢林頭
白齒黃了不得底又有多少乍入叢林一撥便轉千
了百當底發心有先後悟時無先後昔李文和都尉
叅石門慈照一句下承當便了了百當嘗有偈呈慈
照云學道須是鐵漢著手心頭便判直取無上菩提
一切是非莫管但從脚下崖將去死便休不要念後
思前亦不要生煩惱煩惱則障道也祝祝

又

左右具正信立正志此乃成佛作祖基本也山野因以湛然名公道號如水之湛然不動則虛明自照不勞心力世間出世間法不離湛然無纖毫透漏只以

大慧語錄卷二十六

十四

此印於一切處印定無是無不是一一解脫一一明
妙一一實頭用時亦湛然不用時亦湛然祖師云但
有心分別計較自心見量者悉皆是夢若心識寂滅
無一動念處是名正覺覺既正則於日用二六時中
見色聞聲嗅香了味覺觸知法行住坐卧語默動靜
無不湛然亦自不作顛倒想有想無想悉皆清淨既
得清淨動時顯湛然之用不動時歸湛然之體體用
雖殊而湛然則一也如折梅檀片片皆梅檀今時有
一種杜撰漢自己脚跟下不實只管教人攝心靜坐
坐教絕氣息此輩名爲真可憐愍請公只恁麼做工
夫山野雖然如此指示公真不得已耳若實有恁麼

做工夫底事卽是汙染公矣此心無有實體如何硬收攝得住擬收攝向甚處安著既無安著處則無時無節無古無今無凡無聖無得無失無靜無亂無生無死亦無湛然之名亦無湛然之體亦無湛然之用亦無怎麼說湛然者亦無怎麼受湛然說者若如是見得徹去徑山亦不虛作此號左右亦不虛受此號如何如何

大慧普覺禪師書卷第二十六

2-11-12

抓
住
也
交
七

痒欲搔也 縷力主切 躄丁可切 褊音

大慧語錄卷二十七

法

大慧普覺禪師書卷第二十七

宋徑山能仁禪院住持嗣法慈日禪師臣蘊聞上進

答劉寶學

第 11 卷

卽曰烝薄不審燕處悠然放曠自如無諸魔撓否日用四威儀內與狗子無佛性話一如否於動靜二邊能不分別否夢與覺合否理與事會否心與境皆如否老龐云心如境亦如無實亦無虛有亦不管無亦不拘不是聖賢了事凡夫若真箇作得箇了事凡夫釋迦達磨是甚麼泥團土塊三乘十二分教是甚麼熱盆鳴聲公旣於此箇門中自信不疑不是小事要須生處放教熟熟處放教生始與此事少分相應耳

往往士大夫多於不意中得箇瞥地處却於如意中打失了不可不使公知在如意中須時時以不如意中時節在念切不可暫忘也得本莫愁末但知作佛莫愁佛不解語這一著子得易守難切切不可忽須教頭正尾正擴而充之然後推已之餘以及物左右所得既不滯在一隅想於日用中不著起心管帶枯心忘懷也近年已來禪道佛法衰弊之甚有般杜撰長老根本自無所悟業識茫茫無本可據無實頭伎倆收攝學者教一切人如渠相似黑漆漆地緊閉却眼喚作默而常照彥冲被此輩教壞了苦哉苦哉這箇話若不是左右悟得狗子無佛性徑山亦無說處

二六

六

千萬將下面皮痛與手段救取這箇人至懇至禱然有一事亦不可不知此公清淨自居世味澹薄積有年矣定執此為奇特若欲救之當與之同事令其歡喜心不生疑庶幾信得及肯轉頭來淨名所謂先以欲鉤牽後令入佛智是也黃面老子云觀法先後以智分別是非審定不違法印次第建立無邊行門令諸衆生斷一切疑此乃為物作則萬世楷模也況此公根性與左右迥不同生天定在靈運前成佛定在靈運後者也此公決定不可以智慧攝當隨所好攝以日月磨之恐自知非忽然肯捨亦不可定若肯轉頭來却是箇有力量底漢左右亦須退步讓渠出一

頭始得比時禪歸錄得渠答紫巖老子一書山僧隨喜讀一徧讚歎歡喜累日真是好一段文章又似一篇大義末後與之下箇謹對不識左右以謂如何昔達磨謂二祖曰汝但外息諸緣內心無喘心如牆壁可以入道二祖種種說心說性俱不契一日忽然省得達磨所示要門遽白達磨曰弟子此回始息諸緣也達磨知其已悟更不窮詰只曰莫成斷滅去否曰無達磨曰子什麼生曰了了常知故言之不可及達磨曰此乃從上諸佛諸祖所傳心體汝今既得更勿疑也彥冲云夜夢盡思十年之間未能全克或端坐靜默一空其心便慮無所緣事無所託頗覺輕安讀

二六

七

至此不覺失笑何故既慮無所緣豈非達磨所謂內心無喘乎事無所託豈非達磨所謂外息諸緣乎二祖初不識達磨所示方便將謂外息諸緣內心無喘可以說心說性說道說理引文字證據欲求印可所以達磨一一列下無處用心方始退步思量心如牆壁之語非達磨實法忽然於牆壁上頓息諸緣即時見月亡指便道了了常知故言之不可及此語亦是臨時被達磨拶出底消息亦非二祖實法也杜撰長老輩既自無所證便遂旋捏合雖教他人歌讚自心大如爛草夜不停如欠二稅百姓相似彥冲却無許多勞攘只是中得毒深只管外邊亂走說動說靜說

語說默說得說失更引周易內典硬差排和會真是爲他閑事長無明珠不思量一段生死公案未曾結絕臘月三十日作麼生折合去不可眼光欲落未落時且向閻家老子道待我澄神定慮少時却去相見得麼當此之時縱橫無礙之說亦使不著心如木石亦使不著須是當人生死心破始得若得生死心破更說甚麼澄神定慮更說甚麼縱橫放蕩更說甚麼內典外典一了一切了一悟一切悟一證一切證如斬一結絲一斬一時斷證無邊法門亦然更無次第左右既悟狗子無佛性話還得如此也未若未得如此直須到恁麼田地始得若已到恁麼田地當以此

六六六

大

法門興起大悲心於逆順境中和泥合水不惜身命不怕口業拯拔一切以報佛恩方是大丈夫所爲若不如是無有是處彥冲引孔子稱易之爲道也屢遷和會佛書中應無所住而生其心爲一貫又引寂然不動與土木無殊此尤可笑也向渠道欲得不招無間業莫謗如來正法輪故經云不應住色生心不應住聲香味觸法生心謂此廣大寂滅妙心不可以色見聲求應無所住謂此心無實體也而生其心謂此心非離真而立處立處卽真也孔子稱易之爲道也屢遷非謂此也屢者存也遷者革也吉凶悔吝生乎勸屢遷之旨返常合道也如何與應無所住而生其

心合得成一塊彥冲非但不識佛意亦不識孔子意左右於孔子之教出沒如遊園觀又於吾教深入閭域山野如此杜撰還是也無故圭峯云元亨利貞乾之德也始於一氣常樂我淨佛之德也本乎一心專一氣而致柔修一心而成道此老如此和會始於儒釋二教無偏枯無遺恨彥冲以應無所住而生其心與易之屢遷大旨同貫未敢相許若依彥冲差排則孔夫子與釋迦老子煞著買草鞋始得何故一人屢遷一人無所住想讀至此必絕倒也

答劉通判

冲彥

六六六

九

今兄寶學公初未嘗知管帶忘懷之事信手摸著鼻孔雖未盡識得諸方邪正而基本堅實邪毒不能侵忘懷管帶在其中矣若一向忘懷管帶生死心不破陰魔得其便未免把虛空隔截作兩處處靜時受無量樂處鬧時受無量苦要得苦樂均平但莫起心管帶將心忘懷十二時中放教蕩蕩地忽爾舊習瞥起亦不著用心按捺只就瞥起處看箇話頭狗子還有佛性也無無正恁麼時如紅鑪上一點雪相似眼辦手親者一連連得方知懶融道恰恰用心時恰恰無心用曲談名相勞直說無繁重無心恰恰用常用恰恰無今說無心處不與有心殊不是誑人語昔婆修盤頭常一食不卧六時禮佛清淨無欲爲衆所歸二

十祖闍夜多將欲度之問其徒曰此徧行頭陀能修梵行可得佛道乎其徒曰我師精進如此何故不可闍夜多曰汝師與道遠矣設苦行歷於塵劫皆虛妄之本也其徒不憤皆作色厲聲謂闍夜多曰尊者蘊何德行而譏我師闍夜多曰我不求道亦不顛倒我不禮佛亦不輕慢我不長坐亦不懈怠我不一食亦不雜食我不知足亦不貪欲心無所希名之曰道婆修聞已發無漏智所謂先以定動後以智拔也杜撰長老輩教左右靜坐等作佛豈非虛妄之本乎又言靜處無失闍處有失豈非壞世間相而求實相乎若如此修行如何契得懶融所謂今說無心處不與有

永嘉集卷五

十

心殊請公於此諦當思量看婆修初亦將謂長坐不卧可以成佛纔被闍夜多點破便於言下知歸發無漏智真是良馬見鞭影而行也衆生狂亂是病佛以寂靜波羅蜜藥治之病去藥存其病愈甚拈一放一何時是了生死到來靜閑兩邊都用一點不得莫道闍處失者多靜處失者少不如少與多得與失靜與閑縛作一束送放他方世界却好就日用非多非少非靜非閑非得非失處略提撕看是箇甚麼無常迅速百歲光陰一彈指頃便過也更有甚麼閑工夫理會得理會失理會靜理會閑理會多理會少理會忘懷理會管帶石頭和尚云謹白衆人光陰莫虛度

這一句子開眼也著合眼也著忘懷也著管帶也著狂亂也著寂靜也著此是徑山如此差排想杜撰長老輩別有差排處也咄且置是事

又

左右做靜勝工夫積有年矣不識於開眼應物處得心地安閑否若未得安閑是靜勝工夫未得力也若許久猶未得力當求箇徑截得力處方始不辜負平昔許多工夫也平昔做靜勝工夫只爲要支遣箇閑底正閑時却被閑底聒擾自家方寸却似平昔不曾做靜勝工夫一般耳這箇道理只爲太近遠不出自家眼睛裏開眼便刺著合眼處亦不欠少開口便道

永嘉集卷五

五

著合口處亦自現成擬欲起心動念承當渠早已蹉過十萬八千了也直是無你用心處這箇最是省力而今學此道者多是要用力求求之轉失向之愈背那堪墮在得失解路上謂閑處失者多靜處失者少左右在靜勝處住了二十餘年試將些子得力底來看則箇若將棒棒地底做靜中得力處何故却向閑處失却而今要得省力靜閑一如但只透取趙州無字忽然透得方知靜閑兩不相妨亦不著用力支撐亦不作無支撐解矣

答秦國太夫人

謙禪歸領所賜教并親書數頌初亦甚疑之及詢謙

子細方知不自欺曠劫未明之事路爾現前不從人得始知法喜禪悅之樂非世間之樂可比山野爲國太歡喜累日寢食俱忘兒子作宰相身作國夫人未足爲貴糞掃堆頭收得無價之寶百劫千生受用不盡方始爲真貴耳然切不得執著此貴若執著則墮在尊貴中不復興悲起智憐愍有情耳記取記取

答張丞相

恭惟燕居阿練若與彼上人同會一處娛戲毗盧藏海隨宜作佛事少病少惱釣候動止萬福從上諸聖莫不皆然所以於念念中入一切法滅盡三昧不退菩薩道不捨菩薩事不捨大慈悲心修習波羅蜜未

三金剛經

三

嘗休息觀察一切佛國土無有厭倦不捨度衆生願不斷轉法輪事不廢教化衆生業乃至所有勝願皆得圓滿了知一切國土差別入佛種性到於彼岸此大丈夫四威儀中受用家事耳大居士於此力行無倦而妙喜於此亦作普州人又不識還許外人插手否聞到長沙卽杜口毗耶深入不二此亦非分法如是故願居上如是受用則諸魔外道定來作護法善神也其餘種種差別異旨皆自心現量境界亦非他物也不識居士以爲何如

答張提刑

老居士所作所爲冥與道合但未能得因地一下耳

若日用應緣不失故步雖未得因地一下臘月三十日闍家老子亦須拱手歸降况一念相應耶妙喜在漢雖未目擊觀其行事小人折中無過不及只此便是道所合處到這裏不用作摩勞想亦不用作佛法想佛法塵勞都是外事然亦不得作外事想但回光返照作如是想者從甚麼處得來所作所爲時有何形段所作既辦隨我心意無不周旋無有少剩正恁麼時承誰恩力如此做工夫日久月深如人學射自然中的矣衆生顛倒迷已逐物耽少欲味甘心受無量苦逐日未開眼時未下牀時半惺半覺時心識已紛飛隨妄想流蕩矣作善作惡雖未發露未下牀時

三金剛經

三

天堂地獄在方寸中已一時成就矣及待發時已落在第八佛不云乎一切諸根自心現器身等藏自妄想相施設顯示如河流如種子如燈如風如雲剎那展轉壞躁動如猿猴樂不淨處如飛蠅無厭足如風火無始虛偽冒氣因如汲水輪等事於此識得破便喚作無人無我知天堂地獄不在別處只在當人半惺半覺未下牀時方寸中並不從外來發未發覺未覺時切須照顧照顧時亦不得與之用力爭著則費力矣祖不云乎止動歸止止更彌動纔覺日用塵勞中漸漸省力時便是當人得力之處便是當人成佛作祖之處便是當人變地獄作天堂之處便是當

入穩坐之處便是當人出生死之處便是當人致君於堯舜之上之處便是當人起疲氓於凋瘵之際之處便是當人覆蔭子孫之處到這裏說佛說祖說心說性說玄說妙說理說事說好說惡亦是外邊事如是等事尚屬外矣况更作塵勞中先聖所訶之事耶作好事尚不肯豈肯作不好事耶若信得此說及永嘉所謂行亦禪坐亦禪語默動靜體安然不是虛語請依此行履始終不變易則雖未徹證自己本地風光雖未明見自己本來面目生處已熟熟處已生矣切切記取纔覺省力處便是得力處也妙喜老漢每與箇中人說此話往往見說得頻了多忽之不肯將

六念錄卷十七

三

爲事居士試如此做工夫看只十餘日便自見得省力不省力得力不得力矣如人飲水冷暖自知說與人不得呈似人不得先德云語證則不可示人說理則非證不了自證自得自信自悟處除曾證曾得已信已悟者方默默相契未證未信未悟者不唯自不信亦不信他人有如此境界老居士天資近道現定所作所爲不著更易以他人較之萬分中已省得九千九百九十九分只欠噴地一發便了士夫學道多不著實理會除却口議心思便茫然無所措手足不信無措手足處正是好處只管心裏要思量得到口裏要說得分曉殊不知錯了也佛言如來以

一切譬喻說種種事無有譬喻能說此法何以故心智路絕不思議故信知思量分別障道必矣若得前後際斷心智路自絕矣若得心智路絕說種種事皆此法也此法既明即此明處便是不思議大解脫境界只此境界亦不可思議境界既不可思議一切譬喻亦不可思議種種事亦不可思議只這不可思議底亦不可思議此語亦無著處只這無著處底亦不可思議如是展轉窮詰若事若法若譬喻若境界如環之無端無起處無盡處皆不可思議之法也所以云菩薩住是不思議於中思議不可盡入此不可思議處思與非思皆寂滅然亦不得住在寂滅處若住

六念錄卷十七

三

在寂滅處則被法界量之所管攝教中謂之法塵煩惱滅却法界量種種殊勝一時蕩盡了方始好看庭前栢樹子麻三斤乾屎橛狗子無佛性一口吸盡西江水東山水上行之類忽然一句下透得方始謂之法界無量回向如實而見如實而行如實而用便能於一毛端現寶王刹坐微塵裏轉大法輪成就種種法破壞種種法一切由我如壯士展臂不借他力師子遊行不求伴侶種種勝妙境界現前心不驚異種種惡業境界現前心不怕怖日用四威儀中隨緣放曠任性逍遙到得這箇田地可說無天堂無地獄等事永嘉云亦無人亦無佛大千沙界海中漚一切

聖賢如電拂此老若不到這箇田地如何說得出來此語錯會者甚多苟未徹根源不免依語生解便道一切皆無撥無因果將諸佛諸祖所說言教盡以爲虛謂之誑惑人此病不除乃莽莽蕩蕩招殃禍者也佛言虛妄浮心多諸巧見若不著有便著無若不著此二種便於有無之間搏量卜度縱識得此病定在非有非無處著到故先聖苦口叮嚀令離四句絕百非直下一刀兩段更不念後思前坐斷千聖頂顛四句者乃有無非有非無亦有亦無是也若透得此四句了見說一切諸法實有我亦隨順與之說有且不被此實有所礙見說一切諸法實無我亦隨順與之

大慧錄三

五

說無且非世間虛豁之無見說一切諸法亦有亦無我亦隨順與之說亦有亦無且非戲論見說一切諸法非有非無我亦隨順與之說非有非無且非相違淨名云外道六師所墮汝亦隨墮是也士大夫學道多不肯虛却心聽善知識指示善知識纔開口渠已在言前一時領會了也及至教渠吐露盡一時錯會正好在言前領略底又却滯在言語上又有一種一向作聰明說道理世間種種事藝我無不會者只有禪一般我未會在當官處呼幾枚杜撰長老來與一頓飯喫却了教渠恣意亂說便將心意識記取這杜撰說底却去勘人一句來一句去謂之廝禪末後我

多一句你無語時便是我得便宜了也及至撞著箇真實明眼漢又却不識縱然識得又無決定信不肯四楞塌地放下就師家理會依舊要求印可及至師家於逆順境中示以本分鉗鎚又却怕懼不敢親近此等名爲可憐愍者老居士妙年登高第起家所在之處隨時作利益事文章事業皆過人而未嘗自矜一心一意只要退步著實理會此段大事因緣見其至誠不覺切怛如許非獨要居士識得這般病痛亦作勸發初心菩薩入道之資糧也

答汪內翰

章

承杜門壁觀此息心良藥也若更鑽故紙定引起藏

大慧錄三

五

識中無始時來生死根苗作善根難作障道難無疑得息心且息心已過去底事或善或惡或逆或順都莫思量現在事得省便省一刀兩段不要遲疑未來事自然不相續矣釋迦老子云心不妄取過去法亦不貪著未來事不於現在有所住了達三世悉空寂但看僧問趙州狗子還有佛性也無州云無請只把閑思量底心回在無字上試思量看忽然向思量不及處得這一念破便是了達三世處也了達時安排不得計較不得引證不得何以故了達處不容安排不容計較不容引證縱然引證得計較得安排得與了達底了沒交涉但放教蕩蕩地善惡都莫思量亦

莫著意亦莫忘懷著意則流蕩忘懷則昏沉不著意不忘懷善不是善惡不是惡若如此了達生死魔何處摸捺一箇汪彥章聲名滿天下平生安排得計較得引證得底是文章是名譽是官職晚年收因結果處那箇是實做了無限之乎者也那一旬得力名譽既彰與匿德藏光者相去幾何官職已做到大兩制與作秀才時相去多少而今已近七十歲位公伎倆待要如何臘月三十日作麼生折合去無常殺鬼念念不停雪峯真覺云光陰條忽暫須更浮世那能得久居出嶺年登三十二入閩早是四旬餘他非不用頻頻舉已過還須旋旋除爲報滿城朱紫道閭王不

大慧語錄卷七

三

怕佩金魚古人苦口叮嚀爲甚麼事世間愚庸之人飢寒所迫日用無他念只得身上稍煥肚裏不飢便了只是這兩事生死魔却不能爲惱以受富貴者較之輕重大不等受富貴底身上既常煥肚裏又常飽既不被這兩事所迫又却多一件不可說底無狀以故常在生死魔網中無由出離除宿有靈骨方見得徹識得破先聖云瞥起是病不續是藥不怕念起唯恐覺遲佛者覺也爲其常覺故謂之大覺亦謂之覺王然皆從凡夫中做得出來彼既丈夫我寧不爾百年光景能得幾時念念如救頭然做好事尚恐做不辦况念念在塵勞中而不覺也可畏可畏近收呂居

仁四月初書報曾叔夏劉彥禮死居仁云交遊中時復抽了一兩人直是可畏渠邇來爲此事甚切亦以瞥地回頭稍遲爲恨比已作書答之云只以末後知非底一念爲正不問遲速也知非底一念便是成佛作祖底基本破魔網底利器出生死底路頭也願公亦只如此做工夫做得工夫漸熟則日用二六時中便覺省力矣覺得省力時不要放緩只就省力處崖將去崖來崖去和這省力處亦不知有時不爭多也但只看箇無字莫管得不得至禱至禱

又

伏承杜門息交世事一切闊略唯朝夕以某向所舉

大慧語錄卷七

三

話頭提撕甚善甚善既辦此心當以悟爲則若自生退屈謂根性陋劣更求入頭處正是舍元殿裏問長安在甚處爾正提撕時是阿誰能知根性陋劣底又是阿誰求入頭處底又是阿誰妙喜不避口業分明爲居士說破只是箇汪彥章更無兩箇只有一箇汪彥章更那裏得箇提撕底知根性陋劣底求入頭處底來當知皆是汪彥章影子並不干他汪彥章事若是真箇汪彥章根性必不陋劣必不求入頭處但只信得自家主人公及並不消得許多勞攘昔有僧問仰山禪宗頓悟畢竟入門的意如何山曰此意極難若是祖宗門下上根上智一聞千悟得大總持此根

人難得其有根微智劣所以古德道若不安禪靜慮到這裏總須茫然僧曰除此格外還別有方便令學人得入也無山曰別有別無令汝心不安我今問汝汝是甚處人曰幽州人山曰汝還思彼處否曰常思山曰彼處樓臺林苑人馬駢闐汝返思思底還有許多般也無曰某甲到這裏一切不見有山曰汝解猶在境信位卽是人位卽不是妙喜已是老婆心切須著更下箇注脚人位卽是汪彥章信位卽是知根性陋劣求入頭處底若於正提撕話頭時返思能提撕底還是汪彥章否到這裏間不容髮若佇思停機則被影子惑矣請快著精彩不可忽不可忽記得前書

大慧語錄三十七

三十一

中嘗寫去得息心且息心已過去底事或善或惡或逆或順都莫理會現在事得省便省一刀兩段不要遲疑未來事自然不相續矣不識曾如此覷捕否這箇便是第一省力做工夫處也至禱至禱

又

伏承第五令嗣以疾不起父子之情千生百劫恩愛習氣之所流注想當此境界無有是處五濁世中種種虛幻無一真實請行住坐卧常作是觀則日久月深漸漸消磨矣然正煩惱時子細揣摩窮詰從甚麼處起若窮起處不得現今煩惱底却從甚麼處得來正煩惱時是有是無是虛是實窮來窮去心無所之

要思量但思量要哭但哭哭來哭去思量來思量去抖擻得藏識中許多恩愛習氣盡時自然如水歸水還我箇本來無煩惱無思量無憂無喜底去耳入得世間出世無餘世間法則佛法佛法則世間法也父子天性一而已若子喪而父不煩惱不思量如父喪而子不煩惱不思量還得也無若硬止遏哭時又不敢哭思量時又不敢思量是特欲逆天理滅天性揚聲止響發油救火耳正當煩惱時總不是外事且不得作外邊想永嘉云無明實性卽佛性幻化空身卽法身是真語實語不誑不妄等語怎麼見得了要思量要煩惱亦不可得作是觀者名爲正觀若他觀者

大慧語錄三十七

三十一

名爲邪觀邪正未分正好著力此是妙喜決定義無智人前莫說

答夏運使

示諭道契則霄壤共處趣異則覲面楚越誠哉是言卽此乃不傳之妙左右發意欲作妙喜書未操觚拂紙已兩手分付了也又何待堅忍究竟以俟他日耶此箇道理唯證者方默默相契難與俗子言延平乃閩嶺佳處左右能自調伏不爲逆順關捩子所轉便是大解脫人此人能轉一切關捩子日用活潑潑地拘牽惹絆他不得苟若直下便恁麼承當自然無一毫毛於我作障古德有言佛說一切法爲度一切心

大慧普覺禪師書卷第二十七

音釋

[illegible]

大慧普覺禪師書卷第二十八

宋徑山能仁禪院住持嗣法慧日禪師臣蘊聞上進

答呂舍人
仁居

千疑萬疑只是一疑話頭上疑破則千疑萬疑一時
破話頭不破則且就上面與之廝崖若棄了話頭却
去別文字上起疑經教上起疑古人公案上起疑日
用塵勞中起疑皆是邪魔眷屬第一不得向舉起處
承當又不得思量卜度但著意就不可思量處思量
心無所之老鼠入牛角便見倒斷也又方寸若鬧但
只舉狗子無佛性話佛語祖語諸方老宿語千差萬
別若透得箇無字一時透過不著問人若一向問人

佛語又如何祖語又如何諸方老宿語又如何末劫
無有悟時也

答呂郎中
體隆

令兄居仁兩得書爲此事甚忙然亦當著忙年已六十從官又做了更待如何若不早著忙臘月三十日如何打疊得辦聞左右邇來亦忙只這著忙底便是臘月三十日消息也如何是佛乾屎橛這裏不透與臘月三十日何異措大家一生鑽故紙是事要知博覽羣書高談闊論孔子又如何孟子又如何莊子又如何周易又如何古今治亂又如何被這些言語使得來七顛八倒諸子百家纔聞人舉著一字便成卷

八
大
意
錄
十
八

三

念將去以一事不知爲耻及乎問著他自家屋裏事並無一人知者可謂終日數他寶自無半錢分空來世上打一遭脫却這殼漏子上天堂也不知入地獄也不知隨其業力流入諸趣並不知若是別人家裏事細大無有不知者士大夫讀得書多底無明多讀得書少底無明少做得官小底人我小做得官大底人我大自道我聰明靈利及乎臨秋毫利害聰明也不見靈利也不見平生所讀底書一字也使不著蓋從上大人丘乙巳時便錯了也只欲取富貴耳取得富貴底又能有幾人肯回頭轉腦向自己脚跟下推窮我這取富貴底從何處來卽今受富貴底異日却

向何處去既不知來處又不知去處便覺心頭迷悶
正迷悶時亦非他物只就這裏看箇話頭僧問雲門
如何是佛門云乾屎橛但舉此話忽然伎倆盡時便
悟也切忌尋文字引證胡亂搏量註解縱然註解得
分明說得下落盡是鬼家活計疑情不破生死交
加疑情若破則生死心絕矣生死心絕則佛見法見
亡矣佛見法見尚亡況復更起衆生煩惱見耶但將
迷悶底心移來乾屎橛上一抵抵住怖生死底心迷
悶底心思量分別底心作聰明底心自然不行也覺
得不行時莫怕落空忽然向抵住處絕消息不勝慶
快平生得消息絕了起佛見法見衆生見思量分別

六六三

三四

作聰明說道理都不相妨日用四威儀中但常放教
蕩蕩地靜處閑處常以乾屎橛提撕日往月來水牯
牛自純熟矣第一不得向外面別起疑也乾屎橛上
疑破則恒河沙數疑一時破矣前此亦嘗如此寫與
居仁比趙景明來得書書中再來問云不知離此別
有下工夫處也無又如舉手動足著衣喫飯當如何
體究爲復只看話頭爲復別有體究又平生一大疑
事至今未了只如死後斷滅不斷滅如何決定見得
又不要引經論所說不要指古人公案只據目前直
截分明指示剖判斷滅不斷滅實處觀渠如此說話
返不如三家村裏省事漢却無如許多糞壤死也死

得瞥脫分明向他道千疑萬疑只是一疑話頭上疑
破則千疑萬疑一時破話頭不破則且就話頭上與
之厮崖若棄了話頭却去別文字上起疑經教上起
疑古人公案上起疑日用塵勞中起疑皆是邪魔眷
屬又不得向舉起處承當又不得思量卜度但只著
意就不可思量處思量心無所之老鼠入牛角便見
倒斷也寫得如此分曉了又却更來忉忉怛怛地問
不知許多聰明知見向甚處去也不信道平生讀底
書到這裏一字也使不著而今不得已更爲他放些
惡氣息若只恁麼休去却是妙喜被渠問了更答不
得也此書纔到便送與渠一看居仁自言行年六十

六六三

三五

歲此事未了問渠未了底爲復是舉手動足著衣喫
飯底未了若是舉手動足著衣喫飯底又要如何了
他殊不知只這欲了知決定見得死後斷滅不斷滅
底便是閻家老子面前喫鐵棒底此疑不破流浪生
死未有了期向渠道千疑萬疑只是一疑話頭若破
死後斷滅不斷滅之疑當下冰銷瓦解矣更教直截
分明指示剖判斷滅不斷滅如此見識與外道何異
平生做許多之乎者也作何用渠既許多遠地放
這般惡氣息來熏人妙喜不可只恁麼休去亦放些
惡氣息却去熏他則箇渠教不要引經教及古人公
案只據目前直截分明指示斷滅不斷滅實處昔志

道禪師問六祖學人自出家覽涅槃經近十餘載未明大意願師垂誨祖曰汝何處未了對曰諸行無常是生滅法生滅滅已寂滅為樂於此疑惑祖曰汝作麼生疑對曰一切衆生皆有二身謂色身法身也此同居色身無常有生有滅法身有常無知無覺經云生滅滅已寂滅為樂者未審是何身寂滅何身受樂若色身者色身滅時四大分散全是苦苦不可言樂若法身寂滅即同草木瓦石誰當受樂又法性是生滅之體五蘊是生滅之用一體五用生滅是常生則從體起用滅則攝用歸體若聽更生即有情之類不斷不滅若不聽更生即木歸寂滅同於無情之物如是則一切諸法被涅槃之所禁伏尚不得生何樂之有

六祖集卷三

三

是則一切諸法被涅槃之所禁伏尚不得生何樂之有一可與居仁狀領過祖師到這裏不能臨濟德山用事遂放些氣息還他云汝是釋子何習外道斷常邪見而議最上乘法據汝所解即色身外別有法身離生滅求於寂滅又推涅槃常樂言有身受者斯乃執客生死耽著世樂汝今當知佛為一切迷人認五蘊和合為自體相分別一切法為外塵相好生惡死念念遷流不知夢幻虛假枉受輪回以常樂涅槃翻為苦相終日馳求佛愍此故乃示涅槃真樂剎那無有生相剎那無有滅相更無生滅可滅到此請是則寂滅現前當現前時亦無現前之量乃謂常樂此樂無有受者

亦無有不受者猶較豈有一體五用之名何況更言涅槃禁伏諸法令永不生此乃謗佛毀法居仁亦有聽吾偈曰不分疎無上大涅槃圓明常寂照凡愚謂之死外道執為斷諸求二乘人目以為無作盡屬情所計六十二見本妄立虛假名何為真實義居仁更見此有過量人未見通達無取捨居仁更見以知五蘊法及以蘊中我居仁在裏許外現衆色像莫眼一一音聲相賺殺平等如夢幻教得不起凡聖見不作涅槃解亦未見二邊三際斷常應諸根用而不起用想分別一切法不起分別想劫火燒海底風鼓山相擊真常寂滅樂涅槃相如是吾今彊言說令汝捨

六祖集卷三

三

邪見只是居仁汝勿隨言解居仁許汝知少分只道也不志道聞偈忽然大悟葛藤只這一絡索便是直截分明指示居仁底指頭子也居仁見此若道猶是經論所說尚指古人公案若尚作如此見入地獄如箭射

答呂舍人

承日用不輟做工夫工夫熟則撞發關候子矣所謂工夫者思量世間塵勞底心回在乾屎橛上令情識不行如土木偶人相似覺得昏怛沒巴鼻可把捉時便是好消息也莫怕落空亦莫思前算後幾時得悟若存此心便落邪道佛云是法非思量分別之所能

解著卽禍生知得思量分別不能解者是誰只是箇
呂居仁更不得回頭轉腦也前此答隆禮書說盡禪
病矣諸佛諸祖並無一法與人只要當人自信自肯
自見自悟耳若只取他人人口頭說底恐誤人此事決
定離言說相離心緣相離文字相能知離諸相者亦
只是呂居仁疑他死後斷滅不斷滅亦只是呂居仁
求直截指示者亦只是呂居仁日用二六時中或瞋
或喜或思量或分別或昏沉或掉舉皆只是呂居仁
只這呂居仁能作種種奇特變化能與諸佛諸祖同
遊寂滅大解脫光明海中成就世間出世間事只是
呂居仁信不及耳若信得及請依此註脚入是三昧
忽然從三昧起失却孃生鼻孔便是徹頭也

永嘉書錄

三

又
令弟子育經由出所賜教讀之喜慰可知無常迅速
百歲光陰如電閃便是收因結果底時節到來也乾
屎橛如何覺得沒巴鼻無滋味肚裏悶時便是好底
消息也第一不得向舉起處承當又不得颺在無事
甲裏不可舉時便有不舉時便無也但將思量世間
塵勞底心回在乾屎橛上思量來思量去無處奈何
伎倆忽然盡便自悟也不得將心等悟若將心等悟
未劫不能得悟也前此答隆禮書說盡措大家病痛
矣承只置在座右若依此做工夫雖未悟徹亦能分

別邪正不爲邪魔所障亦種得般若種子深縱今生
不了來生出頭現成受用亦不費力亦不被惡業牽
將去臨命終時亦能轉業況一念相應耶逐日千萬
不要思量別事但只思量乾屎橛莫問幾時悟至禱
至禱悟時亦無時節亦不驚羣動衆卽時怙怙地自
然不疑佛不疑祖不疑生不疑死得到不疑之地便
是佛地也佛地上本無疑無悟無迷無生無死無有
無無無涅槃無般若無佛無衆生亦無怎麼說者此
語亦不受亦無不受者亦無知不受者亦無怎麼說
不受者居仁如是信得及佛亦只如是祖亦只如是
悟亦只如是迷亦只如是疑亦只如是生亦只如是
死亦只如是日用塵勞中亦只如是死後斷滅不斷
滅亦只如是在朝廷作從官亦只如是官觀在靜處
亦只如是住徑山一千七百衆圍遶亦只如是編管
在衡州亦只如是居仁還信得及麼信得及亦只如
是信不及亦只如是畢竟如何如是如是如是亦只
如是

永嘉書錄

三

答汪狀元聖錫

左右妙年自立便在一切人頂額上不爲富貴所籠
羅非百劫千生願力所持焉能致是又能切切於此
一大事念念不退轉有決定信具決定志此豈淺丈
夫所能老耄雲云唯此一事實餘二則非真請著鞭

不可忽世間事只這是先聖豈不云乎朝聞道夕死可矣不知閻底是何道到這裏豈容眨眼不可更引吾道一以貫之去也須自信自悟說得底終是無憑據自見得自悟得自信得及了說不得形容不出却不妨只怕說得似形容得似却不見却不悟者老瞿雲指爲增上慢人亦謂之謗般若人亦謂之大妄語人亦謂之斷佛慧命人千佛出世不通懺悔若透得狗子無佛性話這般說話却成妄語矣而今不可便作妄語會呂居仁比連收兩書書中皆云夏中答隆禮書常置座右以得爲期又聞嘗錄呈左右近世貴公子似渠者如優曇鉢華時一現耳頃在山頭每與

大慧語錄三

甲

公說這般話見公眼目定動領覽得九分九釐只欠因地一下爾若得因地一下了儒卽釋釋卽儒儒卽俗俗卽僧凡卽聖聖卽凡我卽你你卽我天卽地地卽天波卽水水卽波酥醅醅醅攪成一味餅盤釵釧鎔成一金在我不在人得到這箇田地由我指揮所謂我爲法王於法自在得失是非焉有罣礙不是彊爲法如是故也此箇境界除無垢老子他人如何信得及縱信得及如何得入手左右已信得及已覩得見已能分別是邪是正但未得入手耳得入手時不分老少不在智愚如將梵位直授凡庸更無階級次第永嘉所謂一起直入如來地是也但相聽決不相誤

又

某萬緣休罷日用只如此無煩軫念左右分上欠少箇甚麼在世界上可謂千足萬足苟能於此箇門中翻身一擲何止腰纏十萬貫騎鶴上揚州而已哉昔楊文公大年三十歲見廣慧璉公除去礙膺之物自是已後在朝廷居田里始終一節不爲功名所移不爲富貴所奪亦非有意輕功名富貴道之所在法如是故也趙州云諸人被十二時使老僧使得十二時此老此說非是彊爲亦法如是故也大率爲學爲道一也而今學者往往以仁義禮智信爲學以格物忠恕一以貫之之類爲道只管如搏謎子相似又如象

大慧語錄三

甲

盲摸象各說異端釋不云乎以思惟心測度如來圓覺境界如取螢火燒須彌山臨生死禍福之際都不得力蓋由此也楊子云學者所以修性性卽道也黃面老子云性成無上道圭峯云作有義事是惺悟心作無義事是狂亂心狂亂由情念臨終被業牽惺悟不由情臨終能轉業所謂義者是義理之義非仁義之義而今看來這老子亦未免析虛空爲兩處仁乃性之仁義乃性之義禮乃性之禮智乃性之智信乃性之信義理之義亦性也作無義事卽背此性作有義事卽順此性然順背在人不在性也仁義禮智信在性不在人也人有賢愚性卽無也若仁義禮智信

在賢而不在愚則聖人之道有揀擇取捨矣如天降兩擇地而下矣所以云仁義禮智信在性而不在人也賢愚順背在人而不在性也楊子所謂修性性亦不可修亦順背賢愚而已圭峯所謂惺悟狂亂是也趙州所謂使得十二時被十二時使是也若識得仁義禮智信之性起處則格物忠恕一以貫之在其中矣肇法師云能天能人者豈天人之所能哉所以云為學為道一也大率聖人設教不求名不伐功如春行花木具此性者時節因緣到來各各不相知隨其根性大小方圓長短或青或黃或紅或綠或臭或香同時發作非春能大能小能方能圓能長能短能青

六金錄下

聖

能黃能紅能綠能臭能香此皆本有之性遇緣而發耳百丈云欲識佛性義當觀時節因緣時節若至其理自彰又讓師謂馬師曰汝學心地法門如下種子我說法要譬彼天澤汝緣合故當見其道所以云聖人設教不求名不伐功只令學者見性成道而已無垢老子云道在一芥則一芥重道在天下則天下重是也左右嘗升無垢之堂而未入其室見其表而未見其裏百歲光陰只在一刹那間刹那間悟去如上所說者皆非實義然既悟了以為實亦在我以為非實亦在我如水上葫蘆無人動著常蕩蕩地觸著便動捺著便轉轉地非是強為亦法如是故也趙州

狗子無佛性話左右如人捕賊已知窩盤處但未捉著耳請快著精彩不得有少間斷時時向行住坐卧處看讀書史處處修仁義禮智信處侍奉尊長處提誨學者處喫粥喫飯處與之厮崖忽然打失布袋夫復何言

答宗直閣

示諭應緣日涉差別境界未嘗不在佛法中又於日用動容之間以狗子無佛性話破除情塵若作如是工夫恐卒未得悟入請於脚跟下照顧差別境界從甚麼處起動容周旋之間如何以狗子無佛性話破除情塵能知破除情塵者又是阿誰佛不云乎衆生

六金錄下

聖

顛倒迷已逐物物本無自性迷已者自逐之耳境界本無差別迷已者自差別耳既日涉差別境界又在佛法中既在佛法中則非差別境界既在差別境界中則非佛法矣拈一放一有甚了期廣額屠兒在涅槃會上放下屠刀立地便成佛豈有許多忉忉怛怛來日用應緣處纔覺涉差別境界時但只就差別處舉狗子無佛性話不用作破除想不用作情塵想不用作差別想不用作佛法想但只看狗子無佛性話但只舉箇無字亦不用存心等悟若存心等悟則境界也差別佛法也差別情塵也差別狗子無佛性話也差別間斷處也差別無間斷處也差別遭情塵惑

亂身心不安樂處也差別能知許多差別底亦差別
若要除此病但只看箇無字但只看廣額屠兒放下
屠刀云我是千佛一數是實是虛若作虛實商量又
打入差別境界上去也不如一刀兩段不得念後思
前念後思前則又差別矣玄沙云此事限約不得心
思路絕不因莊嚴本來真靜動用語語笑隨處明了更
無欠少今時人不悟箇中道理妄自涉事涉塵處處
染著頭頭繫絆縱悟則塵境紛紜名相不實便擬疑
心歛念攝事歸空閉目藏睛隨有念起旋旋破除細
想纔生即便遏捺如此見解卽是落空亡底外道覓
不散底死人冥冥漠漠無覺無知塞耳偷鈴徒自欺

六本義錄卷三

四四

誑左右來書云云盡是玄沙所訶底病默照邪師埋
人底坑子不可不知也舉話時都不用作許多伎倆
但行住坐卧處勿令間斷喜怒哀樂處莫生分別舉
來舉去看來看去覺得沒理路沒滋味心頭熱鬧時
便是當人放身命處也記取記取莫見如此境界便
退心如此境界正是成佛作祖底消息也而今默照
邪師輩只以無言無說爲極則喚作威音那畔事亦
喚作空劫已前事不信有悟門以悟爲誑以悟爲第
二頭以悟爲方便語以悟爲接引之辭如此之徒謾
人自謾誤人自誤亦不可不知日用四威儀中涉差
別境界覺得省力時便是得力處也得力處極省力

若用一毫毛氣力支撐定是邪法非佛法也但辦取
長遠心與狗子無佛性話廝崖崖來崖去心無所之
忽然如睡夢覺如蓮華開如披雲見日到恁麼時自
然成一片矣但日用七顛八倒處只看箇無字莫管
悟不悟徹不徹三世諸佛只是箇無事人諸代祖師
亦只是箇無事人古德云但於事上通無事見色聞
聲不用聾又古德云愚人除境不忘心智者亡心不
除境於一切處無心則種種差別境界自無矣而今
士大夫多是急性便要會禪於經教上及祖師言句
中搏量要說得分曉殊不知分曉處却是不分曉底
事若透得箇無字分曉不分曉不著問人矣老漢教

六本義錄卷三

四五

士大夫放教鈍便是這箇道理也作鈍勝狀元亦不
惡只怕挖白耳一笑

答李參政

秦

示諭華嚴重重法界斷非虛語旣非虛語必有分付
處必有自肯處讀至此嗟歎久之士大夫平昔所學
臨死生禍福之際手足俱露者十常八九考其行事
不如三家村裏省事漢富貴貧賤不能汨其心以是
較之智不如愚貴不如賤者多矣何以故生死禍福
現前那時不容僞故也大參相公平昔所學已見於
行事臨禍福之際如精金入火愈見明耀又決定知
華嚴重重法界斷非虛語則定不作他物想矣其餘

七顛八倒或逆或順或正或邪亦非他物願公常作此觀妙喜亦在其中異日相從於寂寞之濱結當當來也香火因緣成就重重法界以實其事豈小補哉更須下箇註脚卽今這一絡索切忌作寓言指物會一笑

答曾宗丞隱天

左右天資近道身心清淨無他緣作障只這一段離人能及又能行住坐卧以老僧所示省要處時時提撕休說一念相應千了百當便是此生打未徹只恁麼崖到臘月三十日閻家老子也須倒退三千里始得何以故爲念念在般若中無異念無間斷故只如

大慧普覺禪師語錄

四六

道家流以妄心存想日久月深尚能成功不爲地水火風所使況全念住在般若中臘月三十日豈不能轉業耶而今人多是有將有所得心學道此是無妄想中真妄想也但放教自在然不得太緊不得太緩只恁麼做工夫省無限心力左右生處已熟熟處已生十二時中自然不著枯心忘懷將心管帶矣雖未透脫諸魔外道已不能伺其便亦自能與諸魔外道共一手同一眼成就彼事而不墮其數矣除公一人可以語此餘人非但不能如公行履亦未必信得及也但於話頭上看看來去看去覺得沒巴鼻沒滋味心頭悶時正好著力切忌隨他去只這悶處便是成佛作

祖坐斷天下人古蹟處也不可忽不可忽

大慧普覺禪師書卷第二十八

校訛

三十七底誤作底○四十五七南作○四十六葉志
誤作想從
南皮正

音釋

曉盧谷切 窩烏禾切 挖記何切

大慧普覺禪師書卷第二十九

宋徑山能仁禪院住持嗣法慧日禪師臣蘊聞上進

答王教授授大

不識左右別後日用如何做工夫若是曾於理性上得滋味經教中得滋味祖師言句上得滋味眼見耳聞處得滋味舉足動步處得滋味心思意想處得滋味都不濟事若要直下休歇應是從前得滋味處都莫管他却去沒撈摸處沒滋味處試著意看若著意不得撈摸不得轉覺得沒撈摸可把捉理路義路心意識都不行如土木瓦石相似時莫怕落空此是當人放身命處不可忽不可忽聰明靈利人多被聰明

所障以故道眼不開觸途成滯衆生無始時來爲心意識所使流浪生死不得自在果欲出生死作快活漢須是一刀兩段絕却心意識路頭方有少分相應故未嘉云損法財滅功德莫不由茲心意識欺人哉頃蒙惠教其中種種趣向皆某平昔所訶底病知是般事颺在腦後且向沒巴鼻處沒撈摸處沒滋味處試做工夫看如僧問趙州狗子還有佛性也無州云無尋常聰明人纔聞舉起便以心意識領會搏量引證要說得有分付處殊不知不容引證不容搏量不容以心意識領會縱引證得搏量得領會得盡是鬪體前情識邊事生死岸頭定不得力而今普天之

△本卷錄三九

四八

下喚作禪師長老者會得分曉底不出左右書中寫來底消息耳其餘種種邪解不在言也密首座宗杲與渠同在乎普融會中相聚盡得普融要領渠自以爲安樂然所造者亦不出左右書中消息今始知非別得箇安樂處方知某無秋毫相欺今特令去相見無事時試令渠吐露看還契得左右意否八十翁翁入場屋真誠不是小兒戲若生死到來不得力縱說得分曉和會得有下列引證得無差別盡是鬼家活計都不干我一星事禪門種種差別異解唯識法者懼大法不明者往往多以病爲藥不可不知

答劉侍郎高季

示諭臘月三十日已到要之日用當如是觀察則世間塵勞之心自然銷殞矣塵勞之心既銷殞則來日依前五春猶寒矣古德云欲識佛性義當觀時節因緣此箇時節乃是黃面老子出世成佛坐金剛座降伏魔軍轉法輪度衆生入涅槃底時節與解空所謂臘月三十日時節無異無別到這裏只如是觀以此觀者名爲正觀異此觀者名爲邪觀邪正未分未免隨他時節遷變要得不隨時節但一時放下著放到無可放處此語亦不受依前只是解空居士更不是別人

△本卷錄三九

四九

吾佛大聖人能空一切相成萬法智而不能卽滅定業况博地凡夫耶居士既是箇中人想亦常入是三昧昔有僧問一老宿世界恁麼熱未審向甚麼處回避老宿曰向鑊湯鑪炭裏回避曰只如鑊湯鑪炭裏作麼生回避曰衆苦不能到願居士日用四威儀中只如此做工夫老宿之言不可忽此是妙喜得効底藥方非與居士此道相契此心相知亦不肯容易傳授只用一念相應草湯下更不用別湯使若用別湯使令人發狂不可不知也一念相應草不用他求亦只在居士四威儀中明處明如日黑處黑如漆若信手拈來以本地風光一照無有錯者亦能殺人亦能

活人故佛祖常以此藥向鑊湯鑊炭裏醫苦惱衆生生死大病號大醫王不識居士還信得及否若言我自育父子不傳之祕方不用向鑊湯鑊炭裏回避底妙術却望居士布施也

答李郎中

表似

士大夫學此道不患不聰明患太聰明耳不患無知見患知見太多耳故常行識前一步昧却脚跟下快活自在底消息邪見之上者和會見聞覺知爲自己以現量境界爲心地法門下者弄業識認門頭戶口斂兩片皮談玄說妙甚者至於發狂不勒字數胡言漢語指東畫西下下者以默照無言空空寂寂在鬼

六六集錄五九

五十一

窟裏著到求究竟安樂其餘種種邪解不在言而可知也冲密等歸領所賜教讀之喜慰不可言更不復叙世諦相酬酢只以左右向道勇猛之志便入葛藤禪無德山臨濟之殊法眼曹洞之異但學者無廣大決定志而師家亦無廣大融通法門故所入差別究竟歸宿處並無如許差別也示諭欲妙喜因書指示徑要處只這求指示徑要底一念早是刺頭入膠盆了也不可更向雪上加霜雖然有問不可無答請左右都將平昔或自看經教話頭或因人舉覺指示得滋味歡喜處一時放下依前百不知百不會如三歲孩兒相似有性識而未行却向未起求徑要底一念

子前頭看看來看去覺得轉沒已鼻方寸轉不寧帖時不得放緩這裏是坐斷千聖頂顙處往往學道人多向這裏打退了左右若信得及只向未起求徑要指示一念前看看來看去忽然睡夢覺不是差事此是妙喜平昔做底得力工夫知公有決定志故挖泥帶水納這一場敗闕此外別無可指示若有可指示則不徑要矣

答李實文

茂

向承示論性根昏鈍而龜勉修持終未得超悟之方宗杲頃在雙徑答富季申所問正與此問同能知昏鈍者決定不昏鈍更欲向甚處求超悟士大夫學此

六六集錄五九

五十一

道却須借昏鈍而入若執昏鈍自謂我無分則爲昏鈍魔所攝矣蓋平昔知見多以求證悟之心在前作障故自己正知見不能現前此障亦非外來亦非別事只是箇能知昏鈍底主人公耳故瑞巖和尚居常在丈室中自喚云主人公又自應云喏惺惺著又自應云喏他時後日莫受人謾又自應云喏喏古來幸有恁麼勝樣謾向這裏提撕看是箇甚麼只這提撕底亦不是別人只是這能知昏鈍者耳能知昏鈍者亦不是別人便是李實文本命元辰也此是妙喜應病與藥不得已略爲居士指箇歸家穩坐底路頭而已若便認定死語真箇喚作本命元辰則是認識神

爲自己轉沒交涉矣故長沙和尚云學道之人不識真只爲從前認識神無量劫來生死本癡人喚作本來人前所云借昏鈍而入是也但只看能知得如是昏鈍底畢竟是箇甚麼只向這裏看不用求超悟看來看去忽地大笑去矣此外無可言者

答向侍郎恭伯

示諭悟與未悟夢與覺一段因緣黃面老子云汝以緣心聽法此法亦緣謂至人無夢非有無之無謂夢與非夢一而已以是觀之則佛夢金鼓高宗夢傳說孔子夢奠兩楹亦不可作夢與非夢解却來觀世間猶如夢中事教中自有明文唯夢乃全妄想也而

六本義錄元

五

衆生顛倒以日用目前境界爲實殊不知全體是夢而於其中復生虛妄分別以想心繫念神識紛飛爲實夢殊不知正是夢中說夢顛倒中又顛倒故佛大慈悲老婆心切悉能徧入一切法界諸安立海所有微塵於一一塵中以夢自在法門開悟世界海微塵數衆生住邪定者入正定聚此亦普示顛倒衆生以目前實有底境界爲安立海令悟夢與非夢悉皆是幻則全夢是實全實是夢不可取不可捨至人無夢之義如是而已來書見問乃是宗杲三十六歲時所疑讀之不覺抓著痒處亦嘗以此問圓悟先師但以手指曰住住休妄想休妄想宗杲復曰如宗杲未睡

著時佛所讚者依而行之佛所訶者不敢違犯從前依師及自做工夫零碎所得者惺惺時都得受用及乎上牀半惺半覺時已作主宰不得夢見得金寶則夢中歡喜無限夢見被人以刀杖相逼及諸惡境界則夢中怕怖惶恐自念此身尚存只是睡著已作主宰不得況地水火風分散衆苦熾然如何得不被回換到這裏方始著忙先師又曰待汝說底許多妄想絕時汝自到寤寐恒一處也初聞亦未之信每日我自顧寤與寐分明作兩段如何敢開大口說禪除非佛說寤寐恒一是妄語則我此病不須除佛語果不欺人乃是我自未了後因聞先師舉諸佛出身處熏

六本義錄元

五

風自南來忽然去却凝膺之物方知黃面老子所說是真語實語如語不誑語不妄語不欺人真大慈悲粉身沒命不可報凝膺之物既除方知夢時便是寤時底寤時便是夢時底佛言寤寐恒一方始自知這般道理拈出呈似人不得說與人不得如夢中境界取不得捨不得承問妙喜於未悟已前已悟之後有異無異不覺依實供通子細讀來教字字至誠不是問禪亦非見詰故不免以昔時所疑慮處吐露願居士試將老龐語謾提撕但願空諸所有切勿實諸所無先以目前日用境界作夢會了然後却將夢中底移來目前則佛金鼓高宗傳說孔子奠兩楹決不是夢

矣

答陳教授身

此道寂寥無出今日邪師說法如惡義聚各各自謂得無上道咸唱邪說幻惑凡愚故某每每切齒於此不惜身命欲扶持之使光明種子知有吾家本分事不墮邪見網中萬一得衆生界中佛種不斷亦不虛受黃面老子覆蔭所謂將此深心奉塵刹是則名爲報佛恩然亦是不知時不量力之一事也左右旣是箇中人不得不說箇中事因筆不覺及此耳

答林判院身

示諭求一語與信道人做工夫旣看圓覺經經中豈

三六六語錄三九

五四

止一語而已哉諸大菩薩各隨自所疑處發問世尊據所疑一一分明剖析大段分曉前所給話頭亦在其中矣經云居一切時不起妄念於諸妄心亦不息滅住妄想境不加了知此語最切於無了知不辯真實老漢昔居雲門菴時嘗頌之曰荷葉團團團似鏡菱爭尖尖尖似錐風吹柳絮毛毬走雨打梨花蛺蝶飛但將此頌放在上面却將經文移來下面頌却是經經却是頌試如此做工夫看莫管悟不悟心頭休熱忙亦不可放緩如調絃之法緊緩得其所則曲調自成矣歸去但與冲輩相親遞相琢磨道業無有不辦者祝祝

答黃知縣身

收書知爲此一大事因緣甚力大丈夫漢所作所爲當如是耳無常迅速生死事大過了一日則銷了一日好事可畏可畏左右春秋鼎盛正是作業不識好惡時能回此心學無上菩提此是世界上最第一等難容靈利漢五濁界中有甚麼奇特事過如此段因緣趁色力彊健早回頭以臨老回頭其力量勝百千萬億倍老漢私爲左右喜前此寫去法語曾時時覩看否第一記取不得起心動念肚裏熱忙急要悟纔作此念則被此念塞斷路頭末不能得悟矣祖師云執之失度必入邪路放之自然體無去住此乃祖師吐

三六六語錄三九

五五

心吐膽爲人處也但日用費力處莫要做此箇門中不容費力老漢常爲人說此話得力處乃是省力處省力處乃是得力處若起一念希望心求悟入處大似人在自家堂屋裏坐却問他人覓住處無異但把生死兩字貼在鼻尖兒上不要忘了時時提撕話頭提來提去生處自熱熱處自生矣此語已寫在空相道人書中請同此書互換一看便了得也

答嚴教授身

真實到不疑之地者如渾鋼打就生鐵鑄成直饒千聖出頭來現無量殊勝境界見之亦如不見况於此作奇特殊勝道理耶昔藥山坐禪次石頭問予在這

裏作甚麼藥山云一物不爲石頭云怎麼則閑坐也藥山云閑坐則爲也石頭然之看他古人一箇閑坐也奈何他不得今時學道之士多在閑坐處打住近日叢林無鼻孔輩謂之默照者是也又有一種脚跟元不曾點地認得箇門頭戶口光影一向狂發與說平常話不得盡作禪會了似這般底喚業識作本命元辰更是不可與語本分事也不見雲門大師有言光不透脫有兩般病一切處不明面前有物是一又透得一切法空隱隱地似有箇物相似亦是光不透脫又法身亦有兩般病得到法身爲法執不忘己見猶存坐在法身邊是一直饒透得法身去放過卽不

大慧語錄三九

五五

可子細檢點來有甚麼氣息亦是病而今學實法者以透過法身爲極致而雲門返以爲病不知透過法身了合作麼生到這裏如人飲水冷暖自知不著問別人問別人則禍事也所以云真實到不疑之地者如渾鋼打就生鐵鑄成是也如人喫飯飽時不可更問人我飽未飽昔黃檗問百丈從上古人以何法示人百丈只據坐黃檗云後代兒孫將何傳授百丈拂衣便起云我將謂汝是箇人這箇便是爲人底樣子也但向自信處看還得自信底消息絕也未若自信底消息絕則自然不取他人口頭辦矣臨濟云汝若歇得念念馳求心與釋迦老子不別不是欺人第七

地菩薩求佛智心未滿足故謂之煩惱直是無你安排處著一星兒外料不得數年前有箇許居士認得箇門頭戶口將書來呈見解云日用中空豁豁地無一物作對待方知三界萬法一切元無直是安樂快活放得下因示之以偈曰莫戀淨潔處淨潔使人困莫戀快活處快活使人狂如水之任器隨方圓短長放下不放下更請細思量三界與萬法匪歸何有鄉若只便怎麼此事大乖張爲報許居士家親作禍殃豁開千聖眼不須頻禱禳偶晨起稍涼驀然記得子卿道友初得箇入頭時尚疑恐是光影遂將從來所疑公案拈照方見趙州老漢敗闕處不覺信筆葛藤

大慧語錄三九

五五

如許

答張侍郎子韶

左右以自所得瞥脫處爲極則纔見涉理路入泥入水爲人底便欲掃除使滅蹤跡見宗果所集正法眼藏便云臨濟下有數箇菴主好機鋒何不收入如忠國師說義理禪教壞人家男女決定可刪左右見道如此諦當而不喜忠國師說老婆禪坐在淨淨潔潔處只愛擊石火閃電光一著子此外不容一星兒別道理真可惜耳故宗杲盡力主張若法性不寬波瀾不闊佛法知見不亡生死命根不斷則不敢如此四楞著地入泥入水爲人蓋衆生根器不同故從上諸

祖各立門戶施設備衆生機隨機攝化故長沙岑大
蟲有言我若一向舉揚宗教法堂前須草深一丈倩
人看院始得既落在這行戶裏被人喚作宗師須備
衆生機說法如擊石火閃電光一著子是這般根器
方承當得根器不是處用之則擷苗矣宗杲豈不曉
瞥脫一推便七穿八穴是性燥所以集正法眼藏不
分門類不問雲門臨濟曹洞瀝仰法眼宗但有正知
正見可以令人悟入者皆收之見忠國師大珠二老
宿禪備衆體故收以救此一類根器者左右書來云
決定可刪觀公之意正法眼藏盡去除諸家門戶只
收似公見解者方是若爾則公自集一書化大根器

大慧普覺語錄卷二九

五八

者有何不可不必須教妙喜隨公意去之若謂忠國
師說挖泥帶水老婆禪便絕後則如巖頭睦州烏臼
汾陽無業鎮州普化定上座雲峯悅法昌遇諸大老
合兒孫滿地今亦寂然無主化者諸公豈是挖泥帶
水說老婆禪乎然妙喜主張國師無垢破除初不相
妨也

答徐顯謨

山雅

左右頻寄聲妙喜想只是要調伏水牯牛捏殺這猢
猻子耳此事不在久歷叢林飽叅知識只貴於一言
一句下直截承當不打之遶爾據實而論間不容髮
不得已說箇直截已是紆曲了也說箇承當已是蹉

過了也况復牽枝引蔓舉經舉教說理說事欲究竟
耶古德云但有纖毫卽是塵水牯牛未調伏猢猻子
未死縱說得恒沙道理並不干我一星兒事然說得
說不得亦非外邊事不見江西老宿有言說得亦是
汝心說不得亦是汝心決欲直截擔荷見佛見祖如
生冤家方有少分相應如此做工夫日久月深不著
起心求悟水牯牛自調伏猢猻子自死矣記取記取
但向平昔心意識湊泊不得處取不得處捨不得處
看箇話頭僧問雲門如何是佛門云乾屎橛看時不
用將平昔聰明靈利思量卜度擬心思量十萬八千
未是遠莫是不思量不計較不擬心便是麼咄更是

大慧普覺語錄卷二九

五九

箇甚麼且置是事

答楊教授

侯彥

左右彊項中却有不可思議底柔和致一言之下千
了百當此事殊勝若不問於彊項中打發得幾人佛
法豈到今日非有般若根性則不能如是盛事盛事
示喻欲來年春夏間棹無底船吹無孔笛施無盡供
說無生話要了無窮無始不有不無巴鼻但請來與
這無面目漢商量定不錯了這話又承需道號政欲
相塗糊可稱快然居士故真淨老人云快然大道只
在目前縱橫十字擬而留連便是此義也某在長沙
作久住計左右他日果從此來則林下不寂寞也

答樓樞密

不識別後日用應緣處不被外境所奪否視堆案之文能撥置否與物相遇時能動轉否住寂靜處不妄想否體究箇事無雜念否故黃面老子有言心不妄取過去法亦不貪著未來事不於現在有所住了達三世悉空寂過去事或善或惡不須思量思量則障道矣未來事不須計較計較則狂亂矣現在事到面前或逆或順亦不須著意著意則擾方寸矣但一切臨時隨緣酬酢自然合著這箇道理逆境界易打順境界難打逆我意者只消一箇忍字定省少時便過了順境界直是無你回避處如磁石與鐵相偶彼此

六書錄五

字

不覺合作一處無情之物尚爾況現行無明全身在裏許作活計者當此境界若無智慧不覺不知被他引入羅網却向裏許要求出路不亦難乎所以先聖云入得世間出世無餘便是這箇道理也近世有一種修行失方便者往往認現行無明爲入世間便將出世間法彊差排作出世無餘之事可不悲乎除風有誓願即時識得破作得主不被他牽引故淨名有言佛爲增上慢人說離姪怒癡爲解脫耳若無增上慢者佛說姪怒癡性卽是解脫若免得此過於逆順境界中無起滅相始離得增上慢名字恁麼方可作入得世間謂之有力量漢已上所說都是妙喜平昔

經歷過底卽今日用亦只如此修行願公趯色力彊健亦入是三昧此外時時以趙州無字提撕久久純熟驀然無心撞破漆桶便是徹頭處也

又

日用工夫前書已葛藤不少但只依舊不變不動物來則與之酬酢自然物我一如矣古德云放曠任其去住靜鑑覺其源流語證則不可示人說理則非證不了自證自得處拈出呈似人不得唯親證親得者略露目前些子彼此便默默相契矣示諭自此不被人謾不錯用工夫矣大槩已正櫛柄已得如善牧牛者索頭常在手中爭得犯人苗稼驀地放却索頭鼻

六書錄五

字

孔無撈摸處平田淺草一任縱橫慈明老人所謂四方放去休攔遏八面無拘任意遊要收只在索頭撥未能如是當緊把索頭且與順摩捋淹浸工夫既熟自然不著用意隄防矣工夫不可急急則躁動又不可緩緩則昏怛矣忘懷著意俱蹉過譬如擲劍揮空莫論及之不及昔嚴陽尊者問趙州一物不將來時如何州云放下著嚴陽云一物既不將來放下箇甚麼州云放不下擔取去嚴陽於言下大悟又有僧問古德學人奈何不得時如何古德云老僧亦奈何不得僧云學人在學地故是奈何不得和尚是大善知識爲甚麼亦奈何不得古德云我若奈何得則便拈

却你這不奈何僧於言下大悟二僧悟處卽是樓樞
密迷處樓樞密疑處卽是二僧問處法從分別生還
從分別滅滅諸分別法是法無生滅細觀來書病已
去盡別證候亦不生矣大段相近亦漸省力矣請只
就省力處放教蕩蕩地忽然啐地破曝地斷便了千
萬勉之

答曹太尉顯功

宗杲雖年運而往矣不敢不勉彊力以此事與衲子
輩激揚一日粥後撥牌子輪一百人入室間有負命
者上鉤來亦有咬人師子以此法喜禪悅爲樂殊不
覺倦亦造物見憐耳左右福慧兩全日在至尊之側

大慧語錄五

三

而留意此段大事因緣真不可思議事釋迦老子曰
有勢不臨難豪貴學道難非百劫千生曾承事善知
識種得般若種子深焉能如是信得及只這信得及
處便是成佛作祖底基本也願公只向信得及處覷
捕久久自透脫矣然第一不得著意安排覷透脫處
若著意則蹉過也釋迦老子又曰佛道不思議誰能
思議佛又佛問文殊師利曰汝入不思議三昧耶文
殊曰弗也世尊我卽不思議不見有心能思議者云
何而言入不思議三昧我初發心欲入是定如今思
惟實無心想而入三昧如人學射久習則巧後雖無
心以久習故箭發皆中我亦如是初學不思議三昧

繫心一緣若久習成就更無心想常與定俱佛與祖
師所受用處無二無別近年叢林有一種邪禪以閉
目藏睛背虛都地作妄想謂之不思議事亦謂之威
音那畔空劫已前事纔開口便喚作落今時亦謂之
根本上事亦謂之淨極光通達以悟爲落在第二頭
以悟爲枝葉邊事蓋渠初發步時便錯了亦不知是
錯以悟爲建立既自無悟門亦不信有悟者這般底
謂之謗大般若斷佛慧命千佛出世不通懺悔左右
具驗人眼久矣似此等輩披却師子皮作野干鳴不
可不知某與左右雖未承顏接論此心已默默相契
多年矣前此答字極不如禮今專遣法空禪人代往
致敬故不暇入善思惟三昧只恁麼信手信意不覺
葛藤如許聊謝不敏而已

大慧語錄五

三

大慧普覺禪師書卷第二十九

校訛

四十八頌誤作令
第十行今改正

音釋

飯補過切 啞奴各切正作諧
承頌之辭也 握烏黠切按
苗心也

大慧普覺禪師書卷第三十

宋徑山能仁禪院住持嗣法慧日禪師臣蘊聞上進

答榮侍郎實茂

承留心欲究竟此一段大事因緣既辦此心第一不要急急則轉遲矣又不得緩緩則怠墮矣如調琴之法緊緩要得中方成曲調但向日用應緣處時時覷捕我這箇能與人決斷是非曲直底承誰恩力畢竟從甚麼處流出覷捕來覷捕去平昔生處路頭自熟生處既熟則熟處却生矣那箇是熟處五陰六入十二處十八界二十五有無明業識思量計較心識晝夜熠熠如野馬無暫停息底是這一絡索使得人流

六六集錄卷十

至四

浪生死使得人做不好事這一絡索既生則苦提涅槃真如佛性便現前矣當現前時亦無現前之量故古德契證了便解道應眼時若千日萬象不能逃影質應耳時若幽谷大小音聲無不足如此等事不假他求不借他力自然向應緣處活潑潑地未得如此且將這思量世間塵勞底心回在思量不及處試思量看那箇是思量不及處僧問趙州狗子還有佛性也無州云無只這一字儘你有甚麼伎倆請安排看請計較看思量計較安排無處可以頓放只覺得肚裏悶心頭煩惱時正是好底時第八識相次不行矣覺得如此時莫要放却只就這無字上提撕提撕

來提撕去生處自熟熟處自生矣近年以來叢林中有一種唱邪說爲宗師者謂學者曰但只管守靜不知守者是何物靜者是何人却言靜底是基本却不信有悟底謂悟底是枝葉更引僧問仰山曰今時人還假悟也無仰山曰悟則不無爭奈落在第二頭癡人面前不得說夢便作實法會謂悟是落第二頭殊不知爲山自有警覺學者之言直是痛切曰研窮至理以悟爲則此語又向甚麼處著不可爲山疑誤後人要教落在第二頭也曹閣使亦留心此事恐其被邪師輩所誤比亦如此書切切怛怛寫與此公聰明識見有大過人處決不到錯認方便語作實法會但某

六六集錄卷十

至五

未得與之目擊私憂過計耳聞老居士亦與之是道友因筆不覺葛藤無事相見時試問渠取書一看方知妙喜相期不在眼底彼此氣義相投又非勢利之交寫了一紙紙盡又添一紙不暇更事形迹此書亦如是前書託是箇中人故曰切不可道老老大大著甚來由若如此則好事在面前定放過矣寫時雖似率易然亦機感相投亦不覺書在紙上荷公信得妙喜及便把做事日用應緣處便慨張此箇法門以報聖主求賢安天下之意真不負其所知也願種種堪忍始終只如今日做將去佛法世法打作一片且耕且戰久久純熟一舉而兩得之豈非腰纏十萬貫騎

鶴上揚州乎

又

示諭鐘鳴漏盡之譏爲君上盡誠而下安百姓自有聞絃賞音者願公凡事堅忍當逆順境政好著力所謂將此深心奉塵刹是則名爲報佛恩平昔學道只要於逆順界中受用逆順現前而生苦惱大似平昔不曾向箇中用心祖師曰境緣無好醜好醜起於心若不彊名妄情從何起妄情既不起真心任徧知請於逆順境中常作是觀則久久自不生苦惱苦惱既不生則可以驅魔王作護法善神矣前此老老大大著甚來由之說言猶在耳豈忘之耶欲識佛性義

六六集卷三

全

當觀時節因緣以居士前十餘載閑自有閑時時節今日仕權在手便有忙底時節當念閑時是誰閑忙時是誰忙須信忙時却有閑時道理閑時却有忙時道理正在忙中當體主上起公之意頃刻不可暫忘自警自察何以報之若常作是念則鑊湯鑪炭刀山劒樹上亦須著向前況目前些小逆順境界耶與公以此道相契故不留情盡淨吐露

答黃門司節夫

收書并許多葛藤不意便解如此拈弄直是弄得來活鱖鱖地真是自證自得者可喜可喜但只如此從教人道這官人不依本分亂說亂道他家自有通人

愛除是曾證曾悟者方知若是聽響之流一任他鑽龜打瓦更批判得如來禪祖師禪好儘喫得妙喜拄杖也且道是賞伊罰伊一任諸方更疑三十年

答孫知縣

蒙以所修金剛經相示幸得隨喜一徧近世士大夫肯如左右留心內典者實爲希有不得意趣則不能如是信得及不具看經眼則不能窺測經中深妙之義真火中蓮也詳味久之不能無疑耳左右詆諸聖師翻譯失真而汨亂本真文句增減違背佛意又云自始持誦卽悟其非欲求定本是正舛差而習僞已久雷同一律豈得京師藏本始有據依復考釋天親

六六集卷三

全

無著論頌其義脗合遂泮然無疑又以長水孤山二師皆依句而違義不識左右敢如是批判則定嘗見六朝所譯梵本盡得諸師翻譯錯謬方始泮然無疑既無梵本便以臆見刊削聖意則且未論招因帶果毀謗聖教墮無間獄恐有識者見之却如左右檢點諸師之過還著於本人矣古人有言交淺而言深招尤之道也某與左右素昧平生左右以此經求印證欲流布萬世於衆生界中種佛種子此是第一等好事而又以某爲箇中人以箇中消息相期於形器之外故不敢不上稟昔清涼國師造華嚴疏欲正譯師說舛而不得梵本但書之于經尾而已如佛不思議

法品中所謂一切佛有無邊際身色相清淨普入諸趣而無染著清涼但云佛不思議法品上卷第三葉第十行一切諸佛舊脫諸字其餘經本脫落皆註之于經尾清涼亦聖師也非不能添入及減削止敢書之于經尾者識法者懼也又經中有大瑠璃寶清涼曰恐是吠瑠璃舊本錯寫亦不敢改亦只如此註之經尾耳六朝翻譯諸師皆非淺識之士翻譯場有譯語者有譯義者有潤文者有證梵語者有正義者有唐梵相校者而左右尚以為錯譯聖意左右既不得梵本便妄加刊削却要後人諦信不亦難乎如論長水依句而違義無梵本證如何便決定以其為非此

大慈普覺禪師語錄卷三

六

公雖是講人與他講人不同嘗參瑠璃廣照禪師因請益瑠璃首楞嚴中富樓那問佛清淨本然云何忽生山河大地之義瑠璃遂抗聲云清淨本然云何忽生山河大地長水於言下大悟後方披襟自稱座主蓋座主多是尋行數墨左右所謂依句而不依義長水非無見識亦非尋行數墨者不以具足相故得阿耨菩提經文大段分明此文至淺至近自是左右求奇大過要立異解求人從已耳左右引無著論云以法身應見如來非以相具足故若爾如來雖不應以相具足見應相具足為因得阿耨菩提為離此著故經言須菩提於意云何如來可以相成就得阿耨菩提

提須菩提莫作是念等者此義明相具足體非菩提亦不以相具足為因也以相是色自性故此論大段分明自是左右錯見錯解爾色是相緣起相是法界緣起梁昭明太子謂莫作是念如來不以具足相故得阿耨菩提二十二分中以此分為無斷無滅分恐須菩提不以具足相則緣起相後引功德施菩薩論末胎即知空寂多不住緣起相後引功德施菩薩論末後若相成就是真實有此相時即名為斷何以故以生故有斷又怕人不會又云何以故一切法是無生性所以遠離斷常二邊遠離二邊是法界相不說性而言相謂法界是性之緣起故也相是法界緣起

大慈普覺禪師語錄卷三

六

故不說性而言相梁昭明所謂無斷無滅是也此段更分明又是左右求奇太過彊生節目爾若金剛經可以刊削則一太藏教凡有看者各隨臆解都可刊削也如韓退之指論語中畫字為畫字謂舊本差錯以退之之見識便可改了而只如此論在書中何也亦是識法者懼爾圭峯密禪師造圓覺疏鈔密於圓覺有證悟處方敢下筆以圓覺經中一切衆生皆證圓覺圭峯改證為具謂譯者之訛而不見梵本亦只如此論在疏中不敢便改正經也後來泐潭真淨和尚撰皆證論論內痛罵圭峯謂之破凡夫臊臭漢若一切衆生皆具圓覺而不證者畜生求作畜生餓鬼

未作餓鬼盡十方世界都盧是箇無孔鐵鎚更無一人發真歸元凡大亦不須求解脫何以故一切衆生皆已具圓覺亦不須求證故左右以京師藏經本爲是遂以京本爲據若京師藏本從外州府納入如徑山兩藏經皆是朝廷全盛時賜到亦是外州府經生所寫萬一有錯又却如何改正左右若無人我定以妙喜之言爲至誠不必泥在古今一大錯上若執已見爲是決欲改削要一切人唾罵一任刊版印行妙喜也只得隨喜讚歎而已公旣得得遣人以經來求印可雖不相識以法爲親故不覺怗怗怗怗相觸忤見公至誠所以更不留情左右決欲窮教乘造奧義

六本集卷之三

主

當尋一名行講師一心一意與之參詳教徹頭徹尾一等是留心教網也若以無常迅速生死事大已事未明當一心一意尋一本分作家能破人生死窠窟者與伊著死工夫廝崖忽然打破漆桶便是徹頭處也若只是要資談柄道我博極羣書無不通達禪我也會教我也會又能檢點得前輩諸譯主講師不到處逞我能我解則三教聖人都可檢點亦不必更求人印可然後放行也如何如何

答張舍人狀元

國安

左右決欲究竟此事但常令方寸虛豁豁地物來卽應如人學射又又中的矣不見達磨謂二祖曰汝但

外息諸緣內心無喘心如牆壁可以入道如今人纔聞此說便差排向頑然無知處硬自過捺要得心如牆壁去祖師所謂錯認何曾解方便者也巖頭云纔恁麼便不恁麼是句亦剗非句亦剗這箇便是外息諸緣內心無喘底樣子也縱未得啐地折暴地破亦不被語言所轉矣見月休觀指歸家罷問程情識未破則心火熾熾地正當恁麼時但只以所疑底話頭提撕如僧問趙州狗子還有佛性也無州云無只管提撕舉覺左來也不是右來也不是又不得將心等悟又不得向舉起處承當又不得作玄妙領畧又不得作有無商量又不得作真無之無卜度又不得坐

六本集卷之三

主

在無事甲裏又不得向擊石火閃電光處會直得無所用心心無所之時莫怕落空這裏却是好處驀然老鼠入牛角便見倒斷也此事非難非易除是夙曾種得般若種子之深曾於無始曠大劫來承事真善知識熏習得正知正見在靈識中觸境遇緣於現行處築著磕著如在萬人最裏認得自家父母相似當恁麼時不著問人自然求覓底心不馳散矣雲門云不可說時卽有不說時使無也不可商量時便有不商量時使無也又自提起云且道不商量時是箇甚麼又怕人不會又自云更是甚麼近年以來禪有多途或以一問一答末後多一句爲禪者或以古人入

道因緣聚頭商推云這裏是虛那裏是實這語玄那語妙或代或別爲禪者或以眼見耳聞和會在三界唯心萬法唯識上爲禪者或以無言無說坐在黑山下鬼窟裏閉眉合眼謂之威音王那畔父母未生時消息亦謂之默而常照爲禪者如此等輩不求妙悟以悟爲落在第二頭以悟爲誑誨人以悟爲建立自既不曾悟亦不信有悟底妙喜常謂衲子輩說世間工巧技藝若無悟處尚不得其妙况欲脫生死而只以口頭說靜便要收殺大似埋頭向東走欲取西邊物轉求轉遠轉急轉遲此輩名爲可憐愍者教中謂之謗大般若斷佛慧命人千佛出世不通懺悔雖是

大慧語錄卷三十

七

善因返招惡果寧以此身碎如微塵終不以佛法當人情決要敵生死須是打破這漆桶始得切忌被邪師順摩捋將冬瓜印子印定便謂我千了百當如此之輩如稻麻竹箴左右聰明有識見必不受這般惡毒然亦恐用心之切要求速效不覺不知遭他染汙故信筆葛藤如許被明眼人覷見一場敗闕千萬相聽只以趙州一箇無字日用應緣處提撕不要間斷古德有言研窮至理以悟爲則若說得天華亂墜不悟總是癡狂外邊走耳勉之不可忽

答湯丞相

之進

丞相既存心此段大事因緣缺減界中虛妄不實或

逆或順一一皆是發機時節但常令方寸虛豁豁地日用合做底事隨分撥遣觸境逢緣時時以話頭提撕莫求速效研窮至理以悟爲則然第一不得存心等悟若存心等悟則被所等之心障却道眼轉急轉遲矣但只提撕話頭驀然向提撕處生死心絕則是歸家穩坐之處得到恁麼處了自然透得古人種種方便種種異解自不生矣教中所謂絕心生死伐心稠林浣心垢濁解心執著於執著處使心動轉當動轉時亦無動轉底道理自然頭頭上明物物上顯日用應緣處或淨或穢或喜或怒或順或逆如珠走盤不撥而自轉矣得到這箇時節拈出呈似人不得如

大慧語錄卷三十

七

人飲水冷煖自知南陽忠國師有言說法有所得是爲野干鳴此事如青天白日一見便見真實自見得底邪師走作不得前日亦嘗面言此事無傳授纔說有奇特玄妙六耳不同謀之說卽是相欺便好拽住劈面便唾書生做到宰相是世間法中最尊最貴者若不向此事上了却卽是虛來南閭浮提打一遭收因結果時帶得一身惡業去教中說作癡福是第三生冤何謂第三生冤第一生作癡福不見性第二生受癡福無慙愧不做好事一向作業第三生受癡福盡不做好事脫却殼漏子時入地獄如箭射人身難得佛法難逢此身不向今生度更向何生度此身學

此道須有決定志若無決定志則如聽聲卜者見人說東便隨人向東走說西便隨人向西走若有決定志則把得住作得主牢懶融所謂設有一法過於涅槃吾說亦如夢幻况世間虛幻不實之法更有甚麼心情與之打交涉也願公堅此志以得入手為決定義則縱使大地有情盡作魔王欲來惱亂無有得其便處般若上無虛棄底工夫若存心在上面縱今生未了亦種得種子深臨命終時亦不被業識所牽墮諸惡趣換却殼漏子轉頭來亦昧我底不得察之

答樊提刑

實茂

示論能行佛事而不解禪語能與不解無別無同但

六六六錄卷三

主

知能行者即是禪語會禪語而不能行佛事如人在水底坐叫渴飯籬裏坐叫飢何異當知禪語即佛事佛事即禪語能行能解在人不在法若更向箇裏覓同覓別則是空拳指上生實解根境法中虛捏怪如却行而求前轉急轉遲轉疎轉遠矣要得徑截心地豁如但將能與不能解與不解同與不同別與不別能如是思量如是卜度者掃向他方世界却向不可掃處看是有是無是同是別驀然心思意想絕當恁麼時自不著問人矣

答聖泉珪和尚

既得外護者存心相照自可撥置人事頻與衲子輩

作佛事久久自殊勝更望室中與之子細不得容人情不得共伊落草直似之以本分草料教伊自悟自得方是尊宿為人體裁也若是見伊遲疑不薦便與之下註脚非但瞎却他眼亦乃失却自家本分手段不得人即是吾輩緣法只如此若得一箇半箇本分底亦不負平昔志願也

答鼓山遠長老

專使來收書并信香等知開法出世唱道於石門不忘所從來為嶽長老拈香續楊岐宗派既已承當箇事須卓卓地做教徹頭徹尾以平昔實證實悟底一著子端居丈室如擔百二十斤擔子從獨木橋上過

六六六錄卷三

七五

脚蹉手跌則和自家性命不可保况復與人抽釘拔楔救濟他人耶古德云此事如八十翁翁入場屋豈是兒戲又古德云我若一向舉揚宗教法堂前草深一丈須倩人看院始得巖頭每云向未侗已前一觀便眼卓朔地晏國師不跨石門句睦州現成公案放你三十棒汾陽無業莫妄想魯祖凡見僧入門便轉身面壁而坐為人時當不昧這般體裁方不失從上宗旨耳昔為山謂仰山曰建法幢立宗旨於一方五種緣備始得成就五種緣謂外護緣檀越緣衲子緣土地緣道緣聞霜臺趙公是汝請主致政司業鄭公送汝入院二公天下士以此觀之汝於五種緣稍備

每有衲子自閩中來者無不稱歎法席之盛檀越歸向士大夫外護住持無魔障衲子雲集可以超色力未衰時頗與衲子激揚箇事垂手之際須著精彩不得莽鹵蓋近年以來有一種裨販之輩到處學得一堆一擔相似禪往往宗師造次放過遂至承虛接響遞相印授誤賺後人致使正宗淡薄單傳直指之風幾掃地矣不可不子細五祖師翁住白雲時嘗答靈源和尚書云今夏諸莊顆粒不收不以爲憂其可憂者一堂數百衲子一夏無一人透得箇狗子無佛性話恐佛法將滅耳汝看主法底宗師用心又何曾以產錢多少山門大小爲重輕米鹽細務爲急切來汝

大慧普覺禪師語錄卷十

七十六

既出頭承當箇善知識名字當一味以本分事接待方來所有庫司財穀分付知因識果知事分司列局令掌之時時提舉大綱安僧不必多用齋粥常教後手有餘自然不費力衲子到室中下刀要緊不得拖泥帶水如雪峯空禪師頃在雲居雲門相聚老漢知渠不自欺是箇佛法中人故一味以本分鉗錘似之後來自在別處打發大法既明向所受過底鉗錘一時得受用方知妙喜不以佛法當人情去年送得一冊語錄來造次顛沛不失臨濟宗旨今送在衆寮中與衲子輩看老漢因撥筆書其後特爲發揚使本分衲子爲將來說法之式若使老漢初爲渠拖泥帶

本說老婆禪眼開後定罵我無疑所以古人云我不重先師道德只重先師不爲我說破若爲我說破豈有今日便是這箇道理也趙州云若教老僧隨伊根機接人自有三乘十二分教接他了也老僧這裏只以本分事接人若接不得自是學者根性遲鈍不干老僧事思之思之

大慧普覺禪師書卷第三十

謝降賜大慧禪師語錄入藏奏劄

臣僧蘊聞昨於乾道七年三月中不懼天誅以先師大慧禪師臣宗杲語錄投進仍乞特旨送福州入藏伏准五月十九日聖旨已送福州東禪寺入

大慧普覺禪師語錄卷十

七十七

藏訖者冒昧上陳方虞罪戾恩光下逮俯賜矜俞梵釋重輝山澤增氣凡居聞見罔不歡欣恭惟皇帝陛下如天鑑觀得佛心法念微言之易泯參秘藏以並傳先師臣宗杲抗百劫之勝因逢千載之嘉會么微有幸得叨預於殊榮焚誦何功冀仰酬於大造臣無任瞻天望聖激切屏營之至乾道八年正月日徑山能仁禪院住持慧日禪師臣蘊聞奏劄

校訛

七十二眉誤作目
葉四行南改正

音釋

舛昌秀切 𦵏美順切 𦵐七政切 𦵑假何切

美

剩縣周汝登銀十兩萬曆庚辰汝登疏銀八兩
 費去加利吳江周之琦銀二兩周祖銀十五兩
 銀二兩
 周祇銀十五兩安寧州何元臣銀四兩華亭徐
 珩銀四兩聊城傅光宅銀四兩嘉興福善寺比
 丘文靜銀四兩八錢吳江吳氏銀五兩卜氏銀
 一兩六錢陳氏銀三錢比丘尼性禪銀三錢吳
 縣廣授銀三錢長洲徐氏銀二錢汝登等各施
 已財共刊茲錄伏願自利願利他願各得圓成
 如來禪祖師禪一交打徹成等正覺度盡眾生
 萬曆乙酉季夏謹志

附錄·大慧普覺禪師年譜



大慧年譜序

大慧禪師年譜序

禪人祖詠編大慧禪師年譜敬養黃汝霖以其先
 世入大慧室求余爲序余曰雲駛月運舟行岸移編
 年雲也舟也月與岸又在學人高著眼大慧之名震
 天駭地道傳其徒徧滿天下不待余序而後彰余聞
 大慧嫡孫安永頌曰何處覓行蹤大地無寸土敬以
 是題諸編年首淳熙癸卯四月望日蓮社居士張掄
 序

大慧普覺禪師年譜

哲宗皇帝元祐四年己巳

師宣州寧國縣人也姓奚氏其母初夢神人衛一
 僧黑頰而隆鼻造于卧室問其何所居對曰嶽北
 覺而有娠及誕之日白光透室舉邑歎異實是年
 十一月初十日巳時也按師答叅政湯公致遠書
 云大林嘉木大半爲國之棟梁願予樗散之材分
 甘朽腐於陰壑又按樞密樓公仲暉寄師詩云昔
 年同與長風煙別後生涯各信然霜雪豈應摧操
 節大林依舊勢參天蓋二公皆同己巳也又按示

大慧年譜

吳景山偈有己巳同庚大林木甲乙丙丁馬與祿
 今年太歲守未宮指上輪來五十足山僧自是出
 家兒陰陽豈可全拘束之句云

五年庚午

六年辛未

師三歲按其家語上祖光祿常示子孫云昔漢子
 公爲獄吏後曰余理獄多陰德子孫必有榮顯者
 預高其門間庶以容車馬往來吾建隆三年預旨
 收河東所至城邑保護生靈免塗炭者不可以數
 計後子孫當有享吾德者及師三歲其祖仲曰光
 祿屢記子孫享其所積之德今將百載未見吾宗

有符其語者余觀此子生吾家神儀秀發異事多顯但恐世間富樂不能羈絆耳

七年壬申

八年癸酉

紹聖元年甲戌

二年乙亥

師七歲形體岐嶷氣宇如神不喜戲玩語不妄發羣兒皆畏之有僧道至其家即侍父側客去記其談論片言不遺舉族異之按普說云余六七歲時每聞僧語唯喜視聽

三年丙子

四年丁丑

元符元年戊寅

師十歲師嘗謂侍者道先了德曰吾家因我生之後家道日微及十歲忽罹回祿一夕蕩盡父母以余命破祖業親族間以善財呼之余雖心知其戲實未審何等語後因閱華嚴經至入法界品不覺失笑耳

二年己卯

三年庚辰

徽宗皇帝建中靖國元年辛巳

師年十三入鄉校十有三日因與同牕戲以硯投

之誤中先生帽償金三百而去父責之師曰讀世間書曷若究出世法父曰吾欲置兒於空寂中久矣師願請行而母不允

崇寧元年壬午

二年癸未

三年甲申

師年十六父母知師無處俗意遂令寓質縣之西寺未幾鄰所聞見不就槽廐棄去於是年九月詣東山慧雲院禮慧齊為師按正續傳云院先於元豐戊午塑釋迦文像有異人丁生過焉語寺僧曰今日立像後當出一導師大興宗教照明濁世然去此一紀方生若像有難是人始至及像之毀是人嬰禍崇寧甲申果有盜穴像之腹取其所藏齊因追繹丁生之言謂像有難而人至符丁生之識非子而誰因以宗杲名之

四年乙酉

師年十七九月納僧服十月請具足戒于景德寺自爾智辯聰敏不假師承日親禪學按育王入院普說云雖在村院常買諸家語錄看便喜雲門睦州說話又為慈明大師普說云余十七歲便知有宗門事既落髮出去禮拜善知識惟恐這一件事不明了異時撞入驢胎馬腹中去也曾因看經得

大慧年譜

二

三

大慧年譜

三

三

箇歡喜處

五年丙戌

師十八歲按爲然侍者普說云我初爲僧發蒙在奉聖初和尚處入室教看僧問法眼如何是學人自己眼云是汝自己話初嗣昌擔版雲門下舉話師家須提撕三五番云是汝自己是年離受業述偈云古佛放光留不住鐵牛無脚也須行雖然未踏曹谿路且喜今朝離火坑

大觀元年丁亥

師年十九按爲妙圓居士普說余十九歲遊方尋知識師初至太平州遊隱靜杯渡菴王僧迎待甚

大慧年譜

四

五

厚且顧伽藍神而言曰昨宵將三鼓夢此人告以

今日雲峯悅禪師來且戒其爲待耳師謝不敏及

隱靜老宿以悅語爲示恍然過目成誦終不忘自

此人謂是雲峯後身按雲卧菴主書云丙子秋師

於潯渚舟中具言之故詳載紀談又按武庫曰武庫

題篇之說詳見師初依瑞竹紹理和尚乃琅琊之

的孫因請益雪竇拈古頌古理今自見自說師洞

達微旨理稱於衆曰果必再來人也又按爲慈明

大師普說云昔在衆看玄沙語見瑞巖喚主人公

因緣有歡喜處遂詣理通消息云云是年秋遊廬

阜而至郢州

二年戊子

師二十歲按爲錢承務普說云初行脚時曾參洞山微禪師二年之間曹洞宗旨一時參得又按武庫曰郢州大陽見元首座微和尚堅首座微在芙蓉楷會中首衆堅爲侍者十餘年師周旋三公座下盡得其旨趣於授受之際皆臂香以表不妄付授乃自惟曰禪有傳授豈佛但目證自悟之法遂棄之又爲方敷文普說云微却有悟門只是不合將功勳五位偏正回互五王子之類許多家事來傳被我一傳得了寫作一紙榜在僧堂前大丈夫參禪豈肯就宗師口邊喫野狐涎唾盡是閻老子

大慧年譜

五

三

面前喫鐵棒底

三年己丑

師二十一歲按爲真空道人普說云山僧大觀三年至舒州依海會從禪師乃羅漢南公嗣子也師未幾至寶峯挂搭受宣州化主十二月二十日離泐潭洞山廣和尚送師頌曰果公化主化宣陽彼處檀那盡吉祥回復祖師堂上獻生生世世末馨香

四年庚寅

師二十二歲持鉢宣州按爲然侍者普說四月八日遇奉聖初和尚上堂問話畢初顧視笑曰寶峯

化王何不出來我即出問承和尚有言金蓮從地湧寶蓋自天垂爲復是神通妙用爲復是法尔如然答口金蓮從地湧寶蓋自天垂進云鸞鳳不棲荆棘樹燕雛猶戀舊時窠答曰三年不相見便有許多般進云只如適來僧道昔日世尊今朝和尚又作麼生初便喝進云這一喝未有主在初回頭取拄杖稍遲我便云掣電之機徒勞佇思拍手一下歸衆你看我那時何曾安排來

政和元年辛卯

師二十三歲持鉢宣州師爲侍者曰寶峯作丐以一年爲限余以目錄未遂餘八箇月因館于兄之

大慧年譜

六

三

家一日夜至五鼓睡中見馬祖喚云起施王西門侯汝之久師盥沐罷將至奉聖寺前偶邑人周節夫與僕荷橐而至於旅亭少憩語次詰師此行師以實對節夫乃邀至其居出橐金以足目錄津遣回山乃是年八月也後師兩住徑山節夫往來無間師待之甚厚蓋不忘其往日之惠也

二年壬辰

師二十四歲居侍者寮按武庫曰湛堂一日至寮見看經次乃問看甚經對曰金剛經湛堂曰是法平等無有高下爲什麼雲居山高寶峯山低對曰是法平等無有高下湛堂曰你做得箇座主便下

一日侍次湛堂視師指几云想東司頭籌子不是汝洗師即承訓交代黃龍忠道者作淨頭九箇月按普說某自聞湛堂和尚此說終身不養几甲纔長一菽不剪湛堂和尚便於手指上出現此乃誠服其訓導也

三年癸巳

師二十五歲在淨頭寮因書雲峯悅和尚小叅語於座右一日廣道者至寮見之乃私語湛堂曰宣州杲兄以雲峯小叅爲警慕非碌碌餘子之比湛堂曰此子佗日必能任重致遠是年八月復歸侍者寮

大慧年譜

七

三

四年甲午

師二十六歲一日湛堂問曰你今日鼻孔爲什麼無了半邊對曰寶峯門下湛堂曰杜撰禪和又一日於樺十王處問曰此官人姓什麼對曰姓梁湛堂姓也湛堂以手自摩頭曰爭奈姓梁底少箇幞頭對曰頭雖不同鼻孔髻髻湛堂曰杜撰禪和又一日問曰杲上座我這裏禪你一時理會得教你說也說得教你做拈古頌古小叅普說你也做得只有一件事不是你還知麼對曰什麼事某甲不知湛堂曰因你欠者一解在你不得者一解我在方丈裏與你說時便有禪纔出方丈便無了惺惺思

量時便有禪纔睡著時便無了若如此如何敵得生死對曰正是某甲疑處

五年乙未

師二十七歲是年季夏湛堂示微恙及疾亟師問曰和尚若不起此疾教某甲依附誰可以了大事湛堂良久乃曰有箇川勤我亦不識他你若見他必能成就此事若見他了不得便修行去後世出來叅禪湛堂遷化後其平日說法語要不許抄錄大半師憶持誦出集成攜謁洪覺範以議編次覺範題其後云石門雲菴示衆之語多脫窠臼于時衲子視之如春在花木而不知其所從來余每謂

六慧年譜

八

此老人可以起臨濟之仆哲人逝矣切嗟悼之以謂世莫有嗣之者湛堂於余爲弟昆自其開法未嘗聞其舉揚歿後百餘日得此錄於果上人處讀之喟曰雲菴餘波乃發生此老種性耶按塔銘曰政和乙未七月二十二日洪州寶峯住山準公入滅闍維之得五色舍利無數目睛不壞建塔于南山之陽其徒志端宗杲與同志李彭等相與議曰孰能銘吾師之塔彭曰無盡張公於真淨父子有大法緣吾師行解相應非張公之文不足取信後世衆中有可往見公者乎彭願錄行狀以獻師曰某甲雖不識公聞公家風先行業而後機辯願請

以行

六年丙申

師二十八歲往兜率求照禪師書爲紹介之荆南求塔銘於無盡居士丞相張公天覺李商老以詩送師云落絮霏霏攪客心鳴鳩歷歷喚春陰未於蓮社添宗炳先向蘭亭減道林遠嶠雲屯鐘磬晚諸天目斷薜蘿深詩緣病廢苦無思爲子送將聊一吟相見次立而問曰上人祇麼著草屨遠來曰某數千里行乞來見相公公曰年多少曰二十八公曰水牯牛年多少曰兩箇公曰什麼處學得這虛頭來曰今日親見相公公笑曰且坐喫茶纔坐

六慧年譜

九

三月

復問遠來有何事師趨前曰泐潭準和尚示寂茶毗目睛牙齒數珠俱不壞舍利無數山中耆舊皆欲相公大手筆作塔銘激勵後學特遠來冒瀆釣嚴公曰被罪于茲未嘗爲人做文字今有一問問上人若道得即做若道不得與錢五貫裹足歸兜率叅禪去曰請相公問公曰聞準老眼睛不壞是否曰是公曰我不問者箇眼睛曰問什麼眼睛公曰問金剛眼睛曰若是金剛眼睛在相公筆頭上公曰老夫爲他點出光明令教照天照地去也師復趨前曰先師多幸謝相公作塔銘公笑而已又問曰汝草履行乞數千里通名以見余余師準

吾知之久矣尔不遠辛苦而來於準亦有得子對曰若有得則不來見大丞相也公曰咄者掠虛漢由是著之其序畧云舍利孔老之書無聞也先佛世尊滅度弟子收舍利起塔供養趙州從諗舍利多至萬粒近世隆慶開百丈肅煙氣所及皆成舍利大體出家人本爲生死大事若生死到來不知下落即不如三家村裏省事漢臨終付囑一分明四大色身諸緣假合從本以來舍利豈有體性若其梵行精潔白業堅固虛明靡微預知報謝不驚不怖則依正二報毫釐不失世間麤心於本分事上十二時中不曾照顧微細流注生大我慢此

大慧年譜

十一

大慧年譜

是業主鬼來借宅如此而欲舍利流珠諸根不壞其可得乎又按張德遠丞相作師塔銘曰湛堂歸寂師謁張公無盡求準塔銘無盡門庭高天下少許可見師一言而契下榻朝夕與語號之曰妙喜字之曰曇晦師既歸以道路之艱乃告於商老商老作清餓賦以戲師商老與師最爲莫逆往來石門歐阜追隨無間以師下急因作佩韋賦以贈之曰李子曩有下急疾中歲少愈夷粹自得唯妙喜公政尔無敵拽斷鼻繩因風奔逸念佩韋之戒作賦以勉之曰妙喜來前藥言甚力吾嘗折肱泛濫在昔邾子好潔而廢於爐魏妓授歌而取誅厥禍

衡持枕杖而大罵周公出火攻於下策袁彥道擲檣蒲而怒王藍田踐雞子於屐或逐蠅而拔劍或搗蜂而聚液是皆喪大真於俄頃蹈禍機於飄忽妙喜於是開懷以受盡言止乎是也乃曰此吾之三益盍書之以爲吾盤盂机杖之銘乎故李子夜呼燈醉索筆爲妙喜三令五申之而不惜也李作此賦乃是年六月二十五日夜也

七年丁酉

師二十九歲是年開大寧寬和尚語錄求序於覺範其畧曰余猶及見前輩能言老黃龍同時所遊從有若楊岐會翠巖真大寧寬皆一時號明眼而

大慧年譜

十一

大慧年譜

會真所得法子照映江左語言布寰宇獨寬公少見機緣有石門宗旨上人抗志慕古俊辯不羣遍遊諸方得此錄讀之喜曰雖無老成尚有典刑此語老成典刑也其可使後學不聞乎即唱衣鉢從余求序其所以命工刻之嗚呼杲之嗜好可謂與世背馳彼方尊事大名譽者傳受其語而杲獨取百年物故老僧之語欲以誇學者不亦迂乎雖然會有賞音者耳師在寶峯雖未參得禪先會汾陽十智同真愛他面目現在遂作頌云兔角龜毛眼裏栽鐵山當面勢崔嵬東西南北無門入曠劫無明當下灰因舉似覺範覺範歎曰作怪我二十年

做工夫也只道得到者裏

八年戊戌

師三十歲叅潛菴源禪師於豫章之章江按武庫
曰潛菴老源和尚退居章江師叅扣之久一日室
中舉僧在大愚會中誦金剛經至應如是知如是
見如是信解不生法相驀然有省遂白芝通所悟
芝遂指禪牀前狗子云狗子聲僧無語芝便打即
齊大師實錄嗣北塔祚和尚奉潛菴舉前話至不
劫住南華與雲峯悅和尚厚善生法相處芝云狗子聲你作麼生會師對曰狗子
潛菴大稱賞之謂其不生法相也師後曰大愚芝
禪師方便善巧如珠走盤不留影跡今以實法與

癸慧年譜

十一

三

人豈不孤佛祖之心乎時請海會從禪師住豫章
觀音師以親近故乃述疏云道須神會妙在空心
體之不假於聰明得之頓超於聞見無容擬議豈
用提撕長老從公心契一如道超三際白雲巖畔
紅蓮已散於秋風章水岸頭玉蕊再敷於春色念
羣生之擾擾嗟六趣之紛紛背正投邪迷源逐浪
不逢達士誰挑暗室之燈罕遇當人孰指示中之
寶願從勤請無用勞謙李商老手錄之仍題其後
曰妙喜爲觀音請竹靈叟疏作語奇峭若久致力
於斯文者乃知般若之靈驗如此何必讀四庫書
然後爲也

宣和元年己亥

師三十一歲依兜率照禪師席下嘗語侍者余宣
和改元二月自觀音而往龍安兜率至路中例經
改德士遂憇一山院以易冠裳山中卒無布賣遂
以被單製鶴氅草堂和尚時住黃龍靈源和尚退
居昭默堂江西法席以此爲冠師三至山靈源與
語不倦謂其徒曰杲禪神全似我晦堂老和尚莫
之挽留乃作四頌以贈師期爲叔世之舟筏而屢
造草堂室中堂嘗曰宣州杲兄見地明白出語超
邁乃吾家千里駒耳因陞座次師爲衆請益進語
有云拈得道旁芒草索翻身擊碎鐵圍山之句堂

癸大慧年譜

十二

三

深喜之時韓子蒼宰分寧洪覺範寓雲巖師與二
公從遊久之一日師作覺範頂相贊有種空花抽
暗楔之句二公擊節大稱賞之按子蒼送師詩云
憶昔分寧日逢師谿上頭裁書訪彭澤倚杖話荆
州時師得陳瑩中書欲再
往荆州訪無盡居士

二年庚子

師三十二歲是年春再謁無盡居士於荆渚同唐
子西館于府第之西齋爲法喜之遊一日居士問
曰佛具正徧知亦有漏網處師曰何謂也居士曰
吾儒尚云西方有大聖人不治而不亂不言而自
化然堯舜禹湯皆聖人也佛何故畧不言及之耶

師曰且堯舜禹湯與梵王帝釋有優劣否居士曰堯舜禹湯豈可比梵王帝釋哉師曰佛以梵釋爲凡夫餘可知矣居士曰何以知之師曰吾教備言佛出則梵王前引帝釋後隨居士擊節以爲高論居士又一日語師曰余頃在江寧戒壇院寓居再閱雪竇拈古至百丈再參馬祖因緣雪竇云大冶精金應無變色投卷曰審如是豈得有臨濟今日耶遂有頌曰馬師一喝大雄峯深入髑髏三日聾黃檗聞之驚吐舌江西從此立宗風因舉似平禪師平後致書云去夏閱臨濟宗派知居士得大機用懸諸方學語之流來求頌本乃成頌寄之曰吐

△大慧年譜

十四

四十九

舌耳聾師已曉槌曾只得哭蒼天盤山會裏翻筋斗到此方知普化顛今又數年諸方往往以余聰明博記少有知余者公自江西法窟來必辨優劣試爲老夫言之師曰居士見處與真淨死心符合近世得此機用獨二老矣居士曰真淨何謂師乃舉其頌云客情步步隨人轉有大威光不能現突然一喝雙耳聾那吒眼開黃檗面復舉死心拈提語云雲巖敢問雪竇既是大冶精金應無變色爲甚却三日耳聾諸人要知麼從前汗馬無人識只要重論蓋代功居士躍然撫几曰不因公語爭見死心真淨用處若非二老難顯雪竇馬師由是仰

而歎俯而悲歎則歎二老與我同志悲則悲真淨已歿而新老又不及識慨然久之乃述偈以示師云馬師喝下立宗風嗟我三人見處同海上六鼇吞餌去棲廬誰更問漁翁既而請達無盡囑師曰子必見圓悟吾助子往遂津致行李來京師師於是年十月離渚宮無盡乃十一月薨背按與唐立夫舍人書云某宣和庚子同尊丈居無盡書齋及八箇月從遊甚樂因作京師之行自茲分攜遂成契闊

三年辛丑

師年三十三歲按答關無黨書曰伏自渚宮作別

△大慧年譜

十五

三十四

徧遊襄沔取道南陽以冬春雨雪連作沒溺道塗其勞有不可勝言者二月十七日始至香嚴少此息肩偶天寧老子遣价相邀既是道舊初不苦辭因卷衲此來作度夏計又按爲鄭成忠普說云山僧往年行脚將入京師至鄧州天寧有一蔡州道士遣人至藏司借華嚴寶積二經余竊知其爲佳士翌日相見與語果然符合也

四年壬寅

師三十四歲初至京師擬依法雲佛照杲和尚會下適佛照退居景德鐵羅漢寺躊躇將半月未決去留因追繹湛堂遺訓時佛杲和尚居蔣山乃竟

欲往焉而同志勉之曰江淮豈此老久留都下有
闕必此來也遂依咸平普融平禪師法席按答王
大受書云密首座某與渠同在普融會中相聚盡
得其要領一日因上堂謝知客有語云三門頭忽
有箇無面目漢來又如何與伊相見師乃問僧今
日和尚上堂恁麼道你作麼生會不得道遠來不
易不得道且坐喫茶不得道後架洗脚不得道寮
舍不便你別著得甚語僧無語師乃舉似普融融
云你離却作麼生與伊相見師云且坐喫茶融云
我情知你跳不出師云和尚離却如何與伊相見
融云且坐喫茶師云猶較些子咸平乃太宰王公

大慧年譜

十六

三十一

大觀功德寺太宰往來無間而獨喜與師談論師
之酬酢闊畧主賓其徒有陰忌之者師頗無冀居
意太宰由是以府第後花園易菴遷師居之

五年癸卯

師三十五歲居太宰菴闔府敬事過於所親四事
豐美用適師意菴中不事煙爨二饌及賓客往還
凡有所須皆府中應給既親以道遂余佚居

六年甲辰

師三十六歲九月園悟有天寧之命詔既下乃私
自慶曰此老實天賜我也幸早屆都城速慰所願
屢以湛堂無盡妄寄之語以白太宰欲預往天寧

俟園悟之來其闔府挽留之意愈篤乃密令僕從
移行李於宅庫及園悟將次國門始託關無黨私
喻鑰吏獨竊祠部而往乃自惟曰當以九夏為期
其禪若不異諸方妄以余為是我則造無禪論去
也謾自枉費精神蹉跎歲月不若弘一經一論把
本修行庶他生後世不失為佛法中人也遂贖清
涼華嚴疏鈔一部齋之天寧

七年乙巳

師三十七歲四月抵天寧挂搭按為禮侍者普說
云五月十三日因張康國夫人請園悟禪師陞座
舉僧問雲門如何是諸佛出身處門云東山水上

大慧年譜

十七

三十二

行若是天寧即不然如何是諸佛出身處薰風自
南來殿閣生微涼向這裏忽然前後際斷雖然動
相不生却坐在淨俚俚處入室次園悟曰也不易
你得到這箇田地可惜死了不能得活不疑語句
是為大病不見道懸崖撒手自肯承當絕後再穌
欺君不得須信有這箇道理遂令居擇木堂作不
釐務侍者每日同士大夫入室只舉有句無句如
藤倚樹纔開口便道不是如是將半年一日同趙
表之方丈藥石次把筯在手忘了喫食園悟顧師
而語表之曰這漢叅得黃楊木禪也師遂引狗看
熱油鑊為喻園悟曰只這便是金剛圈栗棘蓬居

無何扣園悟曰聞和尚嘗問五祖此話不知記其
答否園悟笑而已師曰若對人天衆前問今豈無
知者耶園悟乃曰向問有句無句如藤倚樹時如
何祖曰描也描不成畫也畫不就又問忽遇樹倒
藤枯時如何祖曰相隨來也師聞舉乃抗聲曰某
會也園悟曰只恐你透公案不得云請和尚舉園
悟遂舉師出語無滯園悟曰今日方知吾不汝欺
也遂著臨濟正宗記以付之俾掌記室分座訓徒
師乃炷香爲誓曰寧以此身代衆生受地獄苦終
不以佛法當人情乃握竹篋爲應機之器於是聲
譽藹著叢林咸歸重之按園悟跋示師法語後云

大慧年譜

十八

杲首座昔遊叢林徧見大有道之士軒昂騰踏不
可羈縻曾於渚宮與無盡居士投契公雅重其器
每屬曰應須見佛果宣和中會余被旨領天寧渠
即先一日入堂已而造室中發語果異常陞座舉
諸佛出身處薰風自南來即大瞥然自余命於方
丈側寅夕與之鍛煉以白雲老師昔所示有句無
句渠盡伎倆百種開展悉列下幾乎以爲心伴移
換初無實地因志誠語之昔佛鑑與余正興是誘
使更絕意探賸當不較多後來驀然猛省盡脫去
機籌知見玄妙因爲渠云正好參禪也即踴躍向
前從頭一一加針錐始浩然大徹余不喜得人但

喜此正法眼藏有覩得透底可以起臨濟正宗遂
於稠人中指令分座訓徒久之會都下多故理瓶
錫出汴臨分書此以作別間年餘自平江虎丘得
得上歐阜再集至山之次日入首座寮闔山數百
衲子聳動屢作師子吼揭示室中金圈栗蓬大鉗
鎚本色久叅之流靡不欽服而德性愈恬穩洪無
諍之風怙怙不較勝負只欲深藏山谷勸古老火
種刀耕向鑊頭邊收拾攻苦食淡兄弟木食澗飲
草衣茅舍避世俟時清平即發悲願真大丈夫慷
慨英靈奇傑之人所跼步因再爲細書仍作是跋
焉又書送師持鉢頌後杲公妙喜宣和末投誠於

大慧年譜

十九

天寧密室四十二朝昏而於一言之下領畧尋掌
孟入廛市發意甚銳臨行作偈以餞之不惟以一
期小緣要欲結萬人之志洪荷此千二百斤擔子
既已了能事即入記室椎拂之下訓徒四方雲衲
駢臻遽遭金人渝盟彼彼拂衣出汴相分歲華事
會于雲居首衆即持舊語俾書之按此二跋師乃
是四月初一日挂搭園悟初二日入院五月十三
日悟道自四月初一日至五月十三乃四十二日
悟道後持鉢化緣畢入書記寮明矣

欽宗皇帝靖康元年丙午

師三十八歲居天寧記室分座訓徒按園悟舉師

立僧上堂曰鵲兒未出窠已有摩霄志虎子未絕乳已有食牛氣况復羽翼成况復爪牙備奮迅即驚羣八面清風起一條脊梁硬似鐵一條白棒掀天地相與建法幢展衲僧已鼻按祭園悟文云某宣和末謁無盡居士於渚宮是時年盛氣銳眼高四海公不惜推轂之力寅緣幸會始獲投足於汴都天寧之室咨决大事會陞堂舉諸佛出身處薰風自南來之句渙然冰釋尋以古今商確有句無句晨鍛夕煉了無凝滯蒙於稠人中指今分座有相與建法幢之語七會錄以相與建法幢爲雲居上堂非也一日徐師川同園悟至寮見園悟頂相師川指云這老漢脚

大慧年譜

三

三

跟未點地在師謂師川曰甕裏何曾失却鼈師川云且喜老漢脚跟點地師云莫謗佗好一日園悟問曰據虎頭收虎尾第一句下明宗旨如何是第一句對云此是第二句又問巖頭跨德山門便問是凡是聖德山便喝作麼生對云殺人須是殺人刀活人須是活人劍四月賜紫衣師號按塔銘曰師於有句無句言下得大安樂法縱橫踔厲無所疑於心大肆其說如蘇張之雄辯孫吳之用兵如建瓴水轉圜石於千仞之阪諸老斂衽莫敢當其鋒于時士大夫爭與之遊雅爲右丞相呂公舜徒所重奏賜紫衣師號佛日大師時女真之肆驕取

禪師十數師爲首選園悟遣惇上人侍行有西竺密三藏俱館金明池上日與論義密深敬服實前壯師不少屈由是一衆獲免其行師於是年八月出京按呂居仁送惇上人之雲居省師詩曰果公昔踏胡馬塵城中草木凍不春胡兒却立不敢問其誰從者惇上人袖手歸來兩無語而今且向江西住雲居老人費精神送往高安灘頭去

高宗皇帝建炎元年丁未

師三十九歲居楊州天寧十月同琳普明渡江省侍園悟于金山信宿而別偕隆藏主之吳門少憩寶華次虎丘遂館于前資按武庫曰園通秀禪師

大慧年譜

三

三

云雪下有三種僧余丁未冬在虎丘親見之不覺失笑乃知前輩語不虛耳

二年戊申

師四十歲居虎丘按爲錢子虛普說曰余昔請益湛堂映崛摩羅持佛語救產難因緣湛堂雖設方便余實不曉後因在虎丘看華嚴經至菩薩登第七地證無生法忍云佛子菩薩成就此忍即時得入菩薩第八不動地爲深行菩薩難可知無差別離一切相一切想一切執著無量無邊一切聲聞辟支佛所不能及離諸喧靜寂滅現前譬如比丘具足神通得心自在次第乃至入滅盡定一切動

心憶想分別悉皆止息此菩薩摩訶薩亦復如是住不動地即捨一切功用行得無功用法身口意業念務皆息住於報行譬如有人夢中見身墮在大河爲欲渡故發大勇猛施大方便以大勇猛施方便故即便寤寤既寤寤已所作皆息菩薩亦爾見衆生身在四流中爲救度故發大勇猛起大精進以勇猛精進故至此不動地既至此已一切功用靡不皆息二行相行皆不現前此菩薩摩訶薩菩薩心佛心菩提心涅槃心尚不現起况復起於世間之心師云到這裏打失布袋湛堂爲我說底方便忽然現前十月省觀圓悟於雲居道由金陵

大慧年譜

三

四

訪韓子蒼待制留五宿而別泛舟泝流以抵星渚至山次日入首座寮按子蒼答師書云邂逅金陵雖適我願然始不謂遽往廬山故對牀夜談不過四五自離岸至今不聞消息極以憂懸得書乃知到山旬日道路安穩又知便首衆僧與老和尚於座說法良深慰喜昨煩作覺範行狀及出世入寂月日欲爲作一銘託同安入石切不可緩也秉據畧曰夷門昔日呈家醜拈出無邊栗棘蓬今日歐峯孤頂上幸然無事又相逢相逢即且置其中事作麼生若有道得便請歸堂若道不得打爲藤屨你諸人去也

云

會中時多龍象以圓悟久虛座元

俟師之來頗有不平之心一聞提唱無不屈服及冬至秉拂昭覺元禪師出衆問眉間挂劔時如何師云血濺梵天圓悟時於座下以手約云住住問得極好答得更奇元乃歸衆叢林由是改觀三年己酉

師四十一歲雲居首座寮一日因遣火燒却簾次日告香拈狗子無佛性話云欲識佛性義當觀時節因緣雲門大師道若是得底人道火何曾燒著口遂作頌云趙州狗子無佛性道火何曾口被燒昨夜忽然簾上發南海波斯鼻孔焦時圓悟有歸蜀意師於中夏遣衆徒於雲居山後尋得古雲門

大慧年譜

三

四

舊址欲狃菴以居按圓悟與耿龍學書云果佛日一夏遣衆徒踏逐山後古雲門高頂欲誅茅隱遁其志可尚今令謙去山叟爲書數語及疏頭亦欲輟長財成之可取一觀渠正欲奉鋤更在高裁也圓悟是年閏八月退雲居復示師住菴法語云古德住山率刀耕火種不蓄長物蕭然布衲麤衣糲食將大有爲也慕義學道兄弟相從一切以寬量大度包納之不暴怒不峻阻慈悲喜捨以身帥之蓋菴居五七間不比叢林寬廣咳嗽動靜無不與耳目相接若一一責之以禮則久久生怨焉地類色相及便見參商即攪道義豈不見藥山數十年

牛欄菴只七八人其後皆為大法器風穴和尚草
丁久之只二三相從後來麟象駢集答問汪洋謂
之衆吼瀉山十年煮橡栗喫晚年大安來者著五
百衆大梅入深山幽谷初不與世接因鹽官僧採
拄杖乃逢之問酬徑截後半千人今既不得已作
避世隱遁正欲韜晦俟時清平然後行已之願豈
可以小忍而亂大謀哉一切但低細和合先防自
犯三業提向上那一著子教兄弟日有趣向自然
忘倦向前去也俗諺所謂相見易得好共住難為
人要須廓落寬容半見半不見且圖長久斷與常
流異矣教中道如為一人衆多亦然三家村裏數

大慈年譜

五

三

間茅屋立成箇本分規繩不嚴不緩凡百折衷
日便更多多益辦也古人佩韋佩紱各攻其偏惟
務中道而行况辯智過人不能照此細務但患逞
俊太過一色便自性久之便不好耳此去有人議
論應當回轉著亦令讚歎非常人所可及乃善更
有一箇急要最後句不免畧說之佛法無多子久
長難得人

四年庚戌

師四十二歲是年春遷海昏雲門菴時開善謙薦
福本東林顏雪峯空凡二十餘人侍師而往朝參
暮請聲譽謁著九月以盜賊猖獗避地湖湘抵長

沙訪佛性泰禪師於谷山師與之雖法門昆季而
未之識一見果合符契商今確古語必終日坐必
達旦佛性喜楊岐正宗有賴於師特揭振祖堂以
館之一日師曰香嚴悟道頌一擊忘所知五字曲
盡其妙後七句皆注脚耳佛性曰五祖師翁頌狗
子無佛性只消趙州露刃劍足矣餘皆剩語二人
欣慰各以為然邊境既肅遂作江西之行按子蒼
寄園悟書云妙喜菴于雲門方成法席以賊近境
散去近來豐城相見云過谷山見泰老甚安穩也
紹興元年辛亥

大慈年譜

五

三

師四十三歲登仰山邂逅東林珪禪師按東林跋
頌古云余靖康元年結茅分寧西峯建炎四年遷
仰山明年妙喜自湖外來一見相契遂定楊岐宗
旨二月復還雲門菴題高菴悟禪師語要示學徒
雲門舉起竹篋五頌

二年壬子

師四十四歲深山閑寂所處皆正因學道之士而
師不倦推拂日夕與之鍛煉一日為衆曰此事人
人具足各各圓成只向自己分上辦取世尊初生
下一手指天一手指地周行七步目顧四方云天
上天下唯我獨尊意在那裏意在鉤頭只要各各
自知獨尊只如長慶稜和尚悟道了有頌云萬象

之中獨露身唯人自肯乃方親昔年謬向塗中覓
今日看來火裏冰這箇須是自肯始得我說底盡
是塗中事去禪牀角頭覓說佛說法說妙說玄事
理心性盡是塗中事且那箇是獨露底身大丈夫
漢須是自肯始得那裏去古人舌頭上覓纔見人
道是你也道是道不是你道不是只在聲色上
走有什麼交涉又曰今時人盡是順顛倒不順正
理如何是佛即汝心是却以爲尋常及至問如何
是佛答云燈籠沿壁上天台便道奇特豈不顛倒
耶又曰我這裏禪如擊石火當一擊時拈起法燭
點著便行纔眨眼便蹉過也這些子不妨是難又

二六
大慧年譜

三六

三六

曰兄弟做工夫不消舉因緣只去近處看只如六
祖爲明上座云汝但善惡都莫思量當恁麼時一
切不思量還我明上座本來面目但恁麼看又曰
此事大段近因甚不會良久曰只爲分明極觀令
所得遲

三年癸丑

師四十五歲東林珪禪師自仰山來同居各作頌
古一百一十篇按東林書頌古後云紹興癸丑四
月余過雲門菴同妙喜度夏山頂高寒終日無一
事相從甚樂妙喜曰昔白雲端師翁謝事園通約
保寧勇禪師夏居白蓮峯作頌古一百一十篇有

大慧普覺禪師年譜

提盡古人未到處從頭一一加針錐之語吾二人
今亦同夏於此事跡相類雖劬瘁無媿也遂取古
公案一百一十則各爲之頌更互酬酢發明蘊奧
斟酌古人之深淺譏訶近世之謬妄不開知見戶
牖不涉語言蹊徑各隨機緣直指要津庶有志參
玄之士可以洗心易慮於茲矣臨川太守曾公紆
以廣壽虛席請師莫之得遂託待制韓公子蒼及
舍人呂公居仁以書勸論庶幾肯就而師堅志莫
屈按子蒼書云昨頗知藏歸附書奉勸以彼太閔
寂山下時有劫掠似非禪定之所不若與衆來此
或須卓庵極易事耳不知何故了不見聽今郡守

二六
大慧年譜

三七

三七

欽仰道德且采衆論特屈公高躅說法廣壽不肖
語之曰此公誓不出世雖堅請必不來然自聞議
定一方道俗無不延跂昔汾陽累請不出後來自
要住院乃知通人或出或處豈嘗固執況今禪道
頹壞所以圖悟望公振起楊岐之風若孤峯頂上
草衣木食終不爲人此則獨覺行也豈園悟之意
哉九月同珪禪師之臨川訪子蒼居仁謁草堂和
尚於疎山因館子蒼之西齋按普說云子蒼爲此
事甚切與某鼻孔厮拄者半年

四年甲寅

師四十六歲是年二月作七閩之行按子蒼贈別

詩其畧曰幻世吾方夢迷津子作舟禪心如密付
當爲少淹留又有還應雪峯老領衆待雲門之句
三月至長樂館于廣因寺因遊雪峯適建菩提會
真歇了禪師請爲衆普說其畧曰今夏在廣因開
箇燈心皂角鋪子隨分說此龐禪室中問一句子
不思量計較天真自然道得一句便與一拶擬議
不來劈脊一棒別無細膩工夫忽然打發一箇半
箇却教上來就大爐鞴事同一家按爲超明海三
大師普說云尼長老妙道號定光大師往年雪
峯諸處叅禪聞我在廣因遂破夏來求挂搭山僧
向佗道我自是客門取長老去長老諾之其時只

大慧普覺禪師年譜

三八

七十僧一日兩遍入室因爲光藏主舉話次道在
外面聽得有歡喜處便來吐露云適聞和尚舉不
是心不是佛不是物已理會得當是便問佗不是
心不是佛不是物你如何會云妙道只恁麼會道
聲未了山僧云因多了箇只恁麼會渠乃瞥地林
適可司法初菴於洋嶼延師居之時宗徒撥置妙
悟使學者困於寂默因著辨正邪說而攻之以救
一時之弊按示遵璞禪人法語云甲寅春余自江
左來閩有祥雲雲懿長老開法莆中衲子輻湊璞
亦從之爲表裏余知其未穩當恐誤學者以書致
懿令暫來懿畏得失遲其行遂因小叅痛斥其非

揭勝于門以告四衆懿不得已乃破夏來詰其所
證只如舊時遂語之曰恁麼見解何敢嗣圖悟便
退却院來懿夏末果不食言璞亦繼至一日入室
余問僧德山見僧入門便棒臨濟見僧入門便喝
雪峯見僧入門便道是什麼睦州見僧入門便道
現成公案放你三十棒這四箇老漢還有爲人處
也無僧曰有余曰劄僧擬議余便喝出璞聞之忽
然脫去從前許多惡知惡解遂成箇灑灑地衲僧
懿亦相繼於一言之下腳踏實地有彌光禪人叢
林號光狀元者蓋在洋嶼最初得法一日入室次
師問曰喫粥了也洗鉢盂了也燒香了也行道了

大慧普覺禪師年譜

三九

也去却藥忌道將一句來光云裂破師厲聲曰你
又來這裏說禪也光於言下契悟呈頌云當機一
拶怒雷吼驚起法身藏北斗洪波浩渺浪滔天拈
得鼻孔失却口師即撻鼓說偈以證云龜毛拈得
笑哈哈一擊萬重關鎖開慶快平生是今日孰云
千里賺吾來又昂需禪人入室師問曰內不放出
外不放入正當恁麼時如何需擬對師以竹篋打
至三下需忽大悟不覺叫曰和尚已是多也師又
打一下乃示一偈云頂門豎亞摩醯眼肘後斜懸
奪命符瞻却眼奪却符趙州東壁挂葫蘆又大悲
開長老年八十有四隨衆入室師問不與萬法爲

侶是什麼人閑曰扶不起師曰扶不起是什麼人
速道速道閑擬對師便打忽然大悟復示以頌一
棒打破生死窟當時凡聖絕行蹤返笑趙州心不
歇老來由自走西東菴居纔五十三人未五十日
得法者十三輩答曾天游侍郎吳元昭提刑問道
書示祖元禪人曇懿長老等十三頌以頌戲了然
居士鄭舉之作珪竹菴讚擬泉大道作蕊苴歌送
文紀道者持鉢闍士鄭昂早聰銳該洽三教粗見
尊宿所至談禪自若聞師力排默照為邪昂忿氣
可掬一日持香來聲色俱厲引釋迦掩室及達磨
魯祖面壁等語與師辯白師曰我只將你屋裏底
為你說莊子曰言而足終日言而盡道言而不足
終日言而盡物道物之極言默不足以載非言非
默義有所極孔子曰參乎吾道一以貫之曾子曰
唯此亦言而足處但措大多錯會肇論釋迦掩室
於摩竭四義是皆理為神御故口以之而默豈曰
無辯辯所不能言也何得向黑山鬼窟裏坐地先
聖訶為解脫深坑極可怖畏蒙莊座主尚不滯於
默然况祖師門下客纔開口便落今時有甚交涉
尚明不覺作禮師復徵以生死大事乃省悟悅服
是冬以浴司拾官夫所伐棄樹梢煇浴縣尉私意
追擾菴隣師即拂衣過蒲陽憲使督尉躬請不已

文惠年譜

子

蜀天

戲作偈寄檀越曰雲門燒浴盜官柴帶累傍人在
受災寄語嶼頭諸施主已成鮑老送燈臺

五年乙卯

師四十七歲正月赴蔡子應郎中天宮菴之命泉
南給事江公少明朔新菴於小谿之上延師以居
按韓子蒼答少明書云竊知草菴得妙喜師開山
不喜妙喜得此菴喜此菴得妙喜然此道人孤高
絕俗與世寡合此正其所長以故惡嫉者眾惟曠
懷偉度乃能期之於物外若得安居使園悟之風
焜耀泉南實叢林盛事又按師答郡王孟公仁仲
樞密徐公師川書云去春入閩憇廣因洋嶼及八

文惠年譜

三

四

箇月而蔡子應以莆中靈巖天宮菴見招坐席未
煖江少明復以今新菴遣人相延遂領長樂五十
三衲子卷械此來四月初一入菴見今內外度夏
者二百人皆叢林老成從遊士夫一時名士如李
叅政漢老江給事少明蔡子應郎中儲彥倫李端
友蔡春卿正卿諸公咨問扣擊拳拳不倦雖菴居
幽僻正拙者之所宜也一日因師示眾舉自頌趙
州庭前栢樹子話拈云庭前栢樹子今日重新舉
打破趙州關特地尋言語敢問大眾既是打破趙
州關因甚特地尋言語良久云當初將為茅長短
燒了元來地不平李叅政聞之忽然有省乃謂師

曰若無後語亦領畧不得別後以書與師曰近扣壽室伏蒙激發蒙滯忽有省入顧惟根識暗鈍平生學解盡落情見一取一捨如衣壞絮行草棘中適自纏繞今一笑頓釋欣幸可量非大宗匠委曲垂慈何以致此自到城中著衣喫飯抱子弄孫色色仍舊既亡拘滯之情亦不作奇特之想其餘夙習舊障亦稍輕微臨別叮嚀之語不敢忘也重念始得入門而大法未明應機接物觸事未能無礙更望有以提誨使卒有所至庶不玷於法席矣蔡子應郎中亦以書通所得於師畧曰某近看狗子無佛性一語恰似平地釘箇繫驢橛子一除除

二六 大慧年譜

三

四六

却頓覺廓然本無罣礙一切文字語言已沒交涉故見得竹篋子徹底分明信知從上佛祖切要爲人處尤無多子便見自己脚跟下一段大事明如皎日廓若太虛從本已來不生不滅不變不易赤骨歷地著一絲毫不得直饒千佛出世亦無摸索處善提煩惱真如涅槃皆爲剎法花梢柳眼種種勝妙境界盡是槩槿阿羅應時瓦解冰消慶快有不可勝言者因作頌曰雲門篋子逢人便舉有眼無睛徒勞下語二曰狗子無佛性截斷衲僧命打破趙州關識得雲門病樞此回若不遇老師空被從前一知一解以爲殊勝埋沒過此一生豈不可

惜也師之所答備於語錄

六年丙辰

師四十八歲住泉州雲門菴四月十六日圓悟和尚計音至舉哀拈香指真云這箇老和尚一生多口攪擾叢林近聞已在蜀中遷化了也且喜天下太平雲門昔雖曾親近要且聞他說著箇元字脚所以今日作一分供養點一盞茶燒此一炷香熏他鼻孔即非報德酬恩只要辱他則箇召大眾云旣不聞他說箇元字脚又無恩德可報何故特地作這一場笑具還委悉麼寃有頭債有主偶因失脚倒地至今怨入骨髓遂燒香祭文畧曰某近

二六 大慧年譜

三三

四六

蒙大丞相張公委僧祖秀報成都府昭覺圓悟先師去年八月初八日示寂閣維煙所及處五色舍利如菽道俗祖送悲動門蜀間關萬里計音不以時乃以是年四月戊戌朔十六日癸丑成服設伊蒲之饌用展哀思嗚呼先師道德高大麾斥八極顧其得法之由與夫平生出處大畧遭遇

明天子表帥叢林照映先烈上自宸扆公卿下逮閭里負販草木昆蟲戶知之矣寧復鉤棘叙致爲世俗文字不情之具乎獨念孤陋不肖蒙被剪拂之賜含悽哽塞其忍默然日叙重念先師眷眷如此其至者豈於某有所私也要之以付託之重俾

於鑊頭邊覓本分種草期得一箇半箇張臨濟已墜之宗開鑿後昆眼目貴不虛閱世實先師之志願也不肖安足以承遺訓區區圖報未知所從此其所以含悽哽塞不能自己傾倒底蘊先師實臨之至晚小叅舉僧問長沙南泉遷化向什麼處去沙云東家作驢西家作馬僧云未審意旨如何沙云要騎便騎要下便下師云今日忽有人問雲門園悟老師遷化向什麼處去只向佗道入阿鼻大地獄去也未審意旨如何飲煇銅汁吞熱鐵丸或問還救得也無云救不得爲什麼救不得是這老子家常茶飯十月李叅政漢老呂舍人居仁鄭

大慧年譜

三

四百六

編修尚明同訪師令莆田鄭元亮寫師頂相三公述讚書其上後錄師自題曰趙州云似則打殺老僧不似則燒却幘子盡謂此本逼真獨未見有下毒手者放過一著兩手分付鈍叟鈍叟尚明自號也作釋迦出山相讚趙州和尚園悟和尚真讚

七年丁巳

師四十九歲住小谿雲門菴按祭園悟和尚文曰大丞相張公德遠出蜀先師餞別臨分袂握手以不肖孤蹤囑之尋訪以至忍泣意欲推挽爲出世利物之事張公之在閩也以先師之故忘位兒之崇招以尺書偶緣疾疹不果一千曲謁然某素有

不出人前之戒業已退藏豈復有所覲覲哉又按塔銘曰浚在蜀時勤親以師屬謂真得法髓浚造朝遂以臨安府徑山延之恐師痛事輶晦必欲致師移書泉守劉公彥脩趣其行不得已幡然而起按題佛燈珣禪師祭文後云余紹興丁巳春赴臨安府尹之命主國一法席又按答泉守劉公書云五月初離泉南冒大暑艱苦備嘗七月方抵三衢呂丞相易疏帖遣人至衢相候超然居士趙表之曩與師同法席于大梁歐阜每以不宦遊出世爲戒時表之偶辟南外宗正司師赴徑山適會衢之官驛師述偈見意云超然妙喜兩同叅驀地相逢

大慧年譜

三

四百六

各負慚我去住山君躍馬前三三與後三三十七日至臨安二十一日開堂於明慶寺下座次少卿馮公檝問曰和尚常言不作這蟲豸爲什麼今日敗闕對曰盡大地是箇果上座你作麼生見馮公擬議師便掌之時羣僚失色馮大笑曰長老與檝佛法相見二十四日入院九月歸受業衆請小叅說偈山僧昔爲童子時一念知道出家好却因脫白此伽藍今日重來稱長老兵戈之後亡者多現前者宿喜無惱以尊就卑離我人咸請舉揚無上道後生當發勇猛心四海求師宜撥草徑山奉勸不虛施辯口維摩須靠倒次寧國衆道友請陞座

說偈只這些兒住處是吾生長之地別去二十七年日月疾如彈指政和元年辛卯持鉢至紹興七年丁巳計二十七年走徧天下叢林意圖出離生死報答父母重恩不是等閑遊戲平生得箇剛強方與佛祖出氣今朝依舊還鄉親戚百無一二道是昔人猶非道非昔人猶是莫作是非論量透過世間出世慇懃普勸諸人急著眼睛看取冬持鉢鄰郡訪雙槐居士鄭禹功於璉市作佛燈珣禪師真讚金華聖者畫像讚題

吳氏六湛堂

八年戊午

師五十歲乃入院之明年衆將一千皆諸方角立

大慧年譜

三六

四百五

之士師行首山令起臨濟宗憧憧往來其門如市學徒咨扣日入玄奧規繩不立而法社肅如也由是宗風大振號臨濟再興時給事馮公濟川無著道人妙總同坐夏山中馮館不動軒日只一食長坐不卧按示末寧郡夫人法語云一日因示衆舉藥山初叅石頭及馬祖因緣濟川無著纔聞提撕各有省悟下座濟川隨師上方丈云某甲理會得師曰居士如何濟川云恁麼也不得蘇噓娑婆訶不恁麼也不得噫哩娑婆訶恁麼不恁麼總不得蘇噓噫哩娑婆訶師曰梵語唐言打成一塊咄哉俗人得此三昧師遂至無著寮舉濟川語無著云

妙摠曾見郭象註莊子識者以爲莊子註郭象師乃舉巖頭婆子話問之無著遂作頌曰一葉扁舟泛渺茫呈撓舞棹別宮商雲山海月俱拋棄贏得莊周蝶夢長師以頌示之曰汝旣悟活祖師意兩段一刀直下了臨機一一任天真世出世間無剩少我作此偈爲證明四聖六凡盡驚擾休驚擾碧眼胡兒猶未曉按爲瑩上座普說云因遣道謙往零陵問訊紫巖居士謙中途打發大事及歸老僧半山亭望見便云這漢和骨都換了也謙聞之大驚這些驗人處設使釋迦達磨來亦不讓作不動軒記答樞密富公季申問道書冬行化吳門作慧

大慧年譜

三七

五八

日雅禪師真贊

九年己未

師五十一歲是年龍象駢集坐夏者一千七百有奇舉悟本道顏二座元分座訓徒按真讚曰一千七百癡衲子圍繞這箇無明叟以神龍未有封號敷奏于朝蒙賜侯曰廣潤廟曰靈澤謁丞相張公德遠于四安求園悟和尚塔銘按畫像讚曰初識公于京師後十五年再會吳之四安又按答佛性泰禪師書屬者訪張丞相弟九臈舟雪川爲數日之款已爲先師製得塔銘見刊石佗日尋便奉寄答陳季任少卿趙道夫待制劉彥脩寶文彥冲通

判問道書作布袋和尚臨濟和尚畫像讚贈醫師
王公繼先參政劉公大中頌題超然居士六法圖
作普照英禪師真讚祭韓子蒼待制江少明給事
文

十年庚申

師五十二歲初建千僧閣時侍郎張公九成狀元
汪公應辰登山問道於師張與師談格物之旨師
曰公只知有格物而不知有物格公擬議徐曰師
豈無方便邪師笑而已張曰還有樣子否師曰不
見小說所載唐有與祿山謀叛者其人先爲閬守
有畫像存焉明皇幸蜀見之怒令侍臣以劍擊像

大慧年譜

三

五

首其人在陝西忽頭落公聞之頓領厥旨乃題偈
于不動軒壁間曰子韶格物曇晦物格欲識一貫
兩箇五百又一日問曰前輩既得了何故理會臨
濟四料揀則甚議論問師曰公之所見只可入佛
不可入魔豈可不從料揀中去邪公遂舉克符問
臨濟至入境兩俱奪不覺欣然師曰余則不然公
曰師意如何師曰打破蔡州城殺却吳元濟公於
言下得大自在嘗曰某每聞徑山老人所舉因緣
豁然四達如千門萬戶不消一踏而開或與聯輿
接席登高山之上或緩步徐行入深水之中非出
常情之流莫知吾二人落處然九成了末後大事

實在徑山老人處此辦香不敢孤負佗也一日與
師坐於方丈偶僧持師頂相求師自讚師曰無垢
試爲題之公點筆疾書曰擊石揚沙驅雷逐電一
觸其鋒神飛膽戰未及領畧火蛇燒面公擲筆于
案自有得色師笑曰意未盡在公曰和尚如何師
應曰何不道此是阿誰徑山老漢公唯唯復書之
答劉大中參政張仲暘提刑許壽源司理問道書
作祭喻彌陀文佛燈珣禪師塔文讚草堂和尚像
十一年辛酉

師五十三歲千僧閣告成師遣介泉南求記於李
漢老參政其畧曰師於臨濟爲十二代孫其道大

大慧年譜

三

五

故其攝者衆其門峻故其登者難其旨的故其悟
者親其論高故其聽者驚且疑而同時者譏毀嫌
謗不勝其忿然四方學者或自謂親證或幾號罷
叅皆有摩袂屬沓來於座下而公所遇之未嘗假
詞氣接慙慙拒之而不去踈之而益親至於水洒
挺逐而戶外之屨常滿平時不喜者亦皆鉗喙結
舌歎息其不可及吾不知公之道自有以使之耶
院去城百里自唐國一禪師始斬蓬蘽驅龍蛇而
居之寺無常產山之神龍實助其緣化公至之始
衆纔三百二年法席大興衆將二千而院有僧堂
二不足以容初意於寺之東鑿山開址建層閣十

楹以盧舍那南向堯然居中列千僧案位於左右設連牀齋粥於其下經始於十年春越明年春告成余嘗問道於公聞之而歎曰非成是閣之難致其衆之難非致其衆之難道行而不能使其衆不至之難一閣之成在公何足道而循襲齷齪之者以爲奇特不亦陋甚矣哉獨喜其道行而衆從之故爲書其本末且以諭夫是年四月侍郎張公九成以父卒哭登山修崇師陞座因說園悟謂張微猷昭遠爲鐵剗禪山僧却以無垢禪如神臂弓遂說偈曰神臂弓一發透過千重甲子細拈來看當甚臭皮靴次日侍郎請說法台州了因禪客致問

大慧年譜

四

四百〇二

有神臂弓一發千重關鎖一時開吹毛劒一揮萬劫疑情悉皆破之語未幾遭論列以張坐議朝廷除三大帥事因及徑山主僧應而和之五月二十五日准

勅九成居家持服服滿別聽指揮徑山主僧宗杲追牒責衡州按張子韶答何中丞伯壽書曰九成忽棄老親此心痛割欲死無路四月十四奄經百日顧此冤苦無所舒豁徑山老人道眼明徹超然在生死之表而一衆凡千七百人皆不爲名聞精心學道宜飯此處可以少慰先考之心是日登山十八下山而除帥在月末事理昭灼當益安命義

按師答馮給事濟川書云張子韶四月十四日以父卒哭十六日請陞座十八下山除三大帥却在四月末今坐此得罪事體昭明豈偶然哉昔前報世中因緣會遇一切歡喜順受償足自定矣余太保韓公世忠少師張公俊充樞密使少保岳公飛充樞密副使先是元豐戊午慧雲塑釋迦文像有異人丁生語寺僧曰若像之毀是人嬰禍于時慧雲後昆忘丁生之識毀像新之正此日師責衡州七月至貶所時昭遠知臨川師以偈戲之曰小郡知州說大禪因官置到氣衝天常攜剗子勘禪客誰知不直半分錢昭遠亦戲以偈酬師曰小菴菴主放憨癡愛向人前說是非

大慧年譜

五

四百〇三

只因一句臭皮靴幾乎斷送老頭皮是年冬李參政泰發以絕句寄師其引云適衡聞州郡欲免旬呈師教然不可曰無以我累人此意豈流俗泛泛者所能窺之哉感歎成小詩曰十畝荒園旋結茅芥菰挑盡到同蒿聖恩未許還磨衲且向堦前轉幾遭按爲盧時用普說云初到衡陽諸處道友送錢來因遣兩侍者往嶽山瀉山散處齊僧衡人初不知是說因普說方與言宣律師問韋馱天神世間功德何者最大曰齊僧功德最大云云人即聽信稍知歸向焉

十二年壬戌

師五十四歲居衡州廖季繹通直之西園四方衲子雲委川會攬糧景從菴無以容來學散處花藥開福伊山遇小叅入室會集其所師則籃輿往而據丈室其年蘊聞禪師復至臨安見有以費孝先之術決前定休咎因試問焉其詩曰鴈回始覺瀟湘遠石鼓灘頭莫怨天一住十年秦楚隔木弓重續舊因緣蓋謂衡陽及移梅陽矣衡陽有回鴈峯辛酉至庚午移梅陽恰十是年接草堂禪師書慰年或云古者以梅木為弓問曰不續音問逾年常思慕矣遊入所傳徑山道旺安衆甚多拙者常憂古人云道旺則魔盛城高則衛生今年中夏忽聞難作將謂小捷秋來方得

大慧年譜

四三

四三

的音乃知有此禍患可謂教法凌遲叢林凋喪遂致禍及弘護者賴吾仁久煉真空頓明心地不以爲憂世諦如電光身心如夢幻樂然隨順那事無妨善惡業報今古難逃以此段靈光獨耀想所至處法法圓成必有神明知鑒互相安穩唯望寬懷一致度外昔黃檗勝雲居舜皆有此患後得歸源傳揚正法心契佛祖豈虛然耶如來成道魔難堅固老拙暮景相侵住世不久今守殘喘待盡而已汝正英銳莫忘初志料想此生難得再晤餘宜保愛以順世緣師答書各曰自到衡陽一向謝絕賓客四方書問一切闕畧獨於吾叔祖老師未能忘

懷雖欲具狀致起居問亦無由得達視覽然瞻仰教誨未始頃刻置念也本宗上座至蒙惠書種種安慰褒揚存撫不替昔時返覆數過不忍去手足認爲物作則曲折周旋之意下情感戴何時可忘願叔祖龍天密護法壽與趙州安國師輩齊年某打箇筋斗回來尚及依栽松道者例妄意如此不識老師那時肯放一線道否師仍以金帛屬去僧蘊聞曰恐汝到寶峯而此老去世可設盛饌以書讀而祭之既至草堂已園寂僧如所教也

十三年癸亥

師五十五歲按紀談云明禪師自辛酉隨侍過衡

大慧年譜

四三

四三

陽日化於市癸亥秋辭往浙西持鉢期明年上元回師送偈有云蕊萼明大禪孟浪絕方比識得玄中玄作得主中主赤脚走長街一日數百里色力既勇猛殊不畏寒暑如是二三年日日只如此又云甲子上元前却要到這裏其隨師者多効勞如此仍作畫像讚付之作丞相張公德遠向宣卿直閣畫像讚答內翰汪公彥章舍人呂公佐仁隆禮郎中夏志宏運使問道書跋草堂和尚語錄閱維摩經有感以頌示傳禪師

十四年甲子

師五十一歲示提舉李獻臣法語二十六段答汪

聖錫狀元小直閣問道書作富季申樞密妙高堂
銘延鴻寺鐘銘題蔡知縣小菴張昭遠微猷請作
維摩讚作六祖畫像讚祭衛寺丞文

十五年乙丑

師五十七歲正旦試筆題韓司諫樂谷蘭庭彥知
縣請作入定觀音讚作寂音尊者讚題魏邦達侍
郎淨心閣汪聖錫狀元燕坐軒示廖季繹知縣真
如道人空慧道人法語答林少瞻嚴子卿陳阜卿
問道書以頌代書謝張丞相惠兜羅綿戲題如如
菴曰契此如如理豈論皮與髓打破枯禪骸百花
生確肯

大慧年譜

四四

三

十六年丙寅

師五十八歲解空居士侍郎劉公季高手寫華嚴
經一部施師受持仍請為衆普說發明奧旨師以
永孟建閣於花藥寺之方丈設龕像以所施經奉
安其上真如道人請作補陀大士讚文殊問疾讚
作死心和尚普融平禪師佛性泰禪師真讚示陳
次仲通判法語作胡明仲侍郎徐明叔郎中畫像
讚答徐稚山侍郎曾天隱宗丞問道書等觀居士
廖季繹以書告疾示之頌云左心小腸肝膽腎右
肺大腸脾胃命於斯識得本來人七顛八倒那伽
定

十七年丁卯

師五十九歲侍者以師與衲子問答古今語句請
名按題篇首云余因罪居衡陽杜門循省外無所
用心間有衲子請益不得已與之語昨禪者中密
慧然隨手抄錄日月浸久成一巨軸持來乞名其
題欲昭示後來使佛祖正法眼藏不減余因目之
曰正法眼藏尋以印本寄曾文清公公欲作頌謝
但得二句曰摩醯太多臨濟少唯有雲門師恰好
因復書請續後句既啓封即曰爭如瞎驢滅却休
露柱燈籠皆絕倒公得師指示喜愜盈懷已而以
偈寄龍團茶與師曰蒼壁團團不暗投舌端有眼

大慧年譜

四五

四

似离婁莫言茗盞無三寸解問如何是趙州師答
之曰趙州傳語龐居士近日無端會喫茶却笑舊
來多鹵莽不將龍焙入脂麻作徐稚山侍郎畫像
讚題薌林居士向伯恭無熱軒時李漢老叅政薨
背師作文遣僧致奠偶曰泉南道友零落殆盡今
唯蔡郎中一人而已不若生祭之乃戲爲文曰致
祭于靈巖山下半風半顛大脫空居士之靈惟靈
鐵器市裏牙人脫空場中主將黑豆換人眼睛只
做這般伎倆將謂闔老不知一向起模畫樣而今
死去見渠看你有何憑仗鏤湯爐炭橫行劒樹刀
山逆上我儂聞說欣然歎漢攢眉惆悵人情敢不

周旋薄莫聊陳供養郭郎線斷俱休嗚呼哀哉尚
享僧未至而蔡公卒復系之以詞而祭之其畧曰
嗚呼始以前文與公相戲此意未達公已督地二
俱偶然初無實義公既去矣文焉敢棄就而祭之
是法如是性空道人築屋於城之西門外謂之廖
氏山堂遷師居之

十八年戊辰

師六十歲正旦書事寄無垢居士曰上苑玉池方
解凍人間楊柳又垂春山堂盡日焚香坐長憶毗
耶多口人示黃子餘知縣法語作李王見法眼畫
像讚普化和尚畫像長靈卓禪師真讚答劉季高

三六
大慧年譜

四六

三
百六十二

侍郎李彥嘉寶文問道書題喻子才郎中觀我菴
作李泰發參政轉物軒銘示幻住道人智常法語
作祭薦福本長老文云阿誰無生阿誰無死學道
參禪正要了此汝今既了吾復何憾付明眼人判
此公案

十九年己巳

師六十一歲答無垢居士論正法眼藏書向伯恭
侍郎問夢書李泰發參政似表郎中問道書示鄧
子立直殿法語跋周子充手書華嚴經作馬大師
龐居士讚路彥捷寺丞畫像讚祭劉彥脩寶文彥
禮直閣文題自頂相示繼明禪人曰光裕顯大迺

道之疣也背道而馳求迺其賊也疣之與賊若人
之身有螻蛄木之實有蠹蝎決欲血氣充盛而秀
出於林安得容此物於其間哉疣之與賊此之謂
也苟聞其道而晦其跡光裕顯大不馳求而自昭
者矣苟未聞其道而欲去其疣而亡其賊則疣之
疣賊之賊者也吾佛聖人設教亦如是而已吾雖
聞道矣而不能晦其跡而蹈禍機亦疣賊之謂也
繼明禪人學佛者也畫吾像而求自讚因作是說
以示明而自警非敢自談已德而復作疣之疣賊
之賊者也

二十年庚午

三六
大慧年譜

四七

三
百六十三

師六十二歲師自讚身著維摩裳頭裹龐公帽資
質似柔和心中實躁暴開口便罵人不分青白阜
編管在衡陽莫非口業報求世不放還方始合天
道爲趨時者巧加誣訕之語取憐勢位以是年六
月二十五日准

命移梅州取道郴陽抵曲江訪舍人朱公翊於西
園作雲門巨真禪師畫像讚七月十四日至曹谿
留信宿作曷禪師真讚按題其語錄云紹興庚午
夏自回鴈遷梅陽道過韶石禮老盧於空堵波下
適遇堂頭明姪禪師舉揚宗古二十六日至南海
館于光孝方丈之西軒凡三十二日示何文綬彭

彥祥鄭子壽顧廷美張彥清元覽等法語莊彥質未盡師像預以素縑求讚云只此便是妙喜真何用畫工更切但彥質搢眸子細看南無急性王菩薩八月二十九日離五羊九月十五日抵羅浮十月

月初三日至貶所按紀談師抵梅陽郡守謝朝議語僚屬曰朝廷編置所謂長老者但一僧耳兵馬東偏隙地從其居止既而僧行日至幾數百指施鉢鏤而平基址運竹木而縛屋廬聽其招呼無敢怠者守雖聞其服勤如此亦未知果何人也於是延見一二觀其能為南閩脩仰書記適承命乃與守從容彌日語論英發確古商今逢原左右守復

大慧年譜

四九

徵等伍更有蘊異能者否仰遂告以負大經論者有之博極書史者有之詩詞高妙者有之翰墨飄逸者有之其所以未能明徹則佛祖大事因緣而已是以不憚艱險隨侍而來得依仁政幸莫大焉守且駭異知其徒皆為法忘軀之士自是於師日益加敬

二十一年辛未

師六十三歲居梅州太守遣其子謝純粹求入道捷徑示之以法語八篇作雪堂行禪師語錄序祭安撫劉公方明文

二十二年壬申

師六十四歲示張觀察法語以頌代書寄張聖者賀福聖長老出世答不二居士注金剛經求印書華心居士杜撰水陸儀文書以頌滑稽敏棕皮歸蜀作覺明居士夏志宏畫像讚

二十三年癸酉

師六十五歲作送黎文晦歸龍川序南安嚴云畫像讚跋雪峯空禪師語錄書古寄婺女使君李公獻臣書古送立禪人歸雙林曰空手把鋤頭油瓮捉泥鰍步行騎水牛紙人火上遊人從橋上過猛虎當路坐橋流水不流高峯駕鐵舟立禪歸到雙林寺說與渠儂且罷休妙喜為君重說破咄且莫

大慧年譜

四九

三

瞌睡按雲卧書云師是年坐間凡有所說則法宏首座錄之自大呂申公執政至保寧末禪師四明人得五十五段而罷興宏遂以老師洋嶼眾寮勝其間有兄弟叅禪不得多是雜毒入心之語取稟而立為雜毒海今刊本名武庫者乃紹興十年春信無言等聞師語古道今聚而成編福清真兄戲以杜預傳中武庫二字為名及庚午師偶見是集曰其間亦有是我說話何得名為武庫以是知武庫之名實非師意也

一十四年甲戌

師六十六歲太守楊公王休建華嚴會請為眾普

說說偈畧曰紹興甲戌上元節自在居士興善利
梅民服化咸歡喜仁風惠澤家家至善哉奇特大
因緣不可思議絕倫比上祝吾 皇萬萬春當與
天地相終始示唐彦舉覺軒法語以頌代書答歸
宗華姪長老題園悟和尚所付楞伽經授跋山宗
逮長老題臨濟正宗法語跋古塔王語錄韋叅軍
以花圖建菴遷師居之

二十五年乙亥

師六十七歲正旦臨安淨空居士陳安常不空居
士張處俊各具一百問答遣价求印證師題其後
云自問自答自倒自起處俊安常各說道理一人

大慧年譜

五十

言今

搖頭一人擺尾蚊錐鐵牛賣弄口嘴賞伊膽大來
呈妙喜盡令而行埋入地底放過一著各自看取
若不放過打出骨髓且道是賞伊罰伊明明向你
道尚自不會豈况蓋覆將來師自衡遷梅六年之
間遐陬遠俗靡不從其攝化家繪其像敬事虔肅
有若臨淮之大士南安嚴之定光十二月蒙 恩
自便按龍王殿記云二十五年冬

天度清曠權綱獨攬 詔有司理冤打還之梅陽
梅為南方煙瘴之郡醫藥絕少多有不及東歸者
按答經畧方公務德書云往歲南遷參隨僧行零
落瘴鄉六十三人義難以忘今之所存于茲無幾

間或熏爐茗盞必異於衆蓋不忘南荒朝遊夕處
之義也按為張縣尉普說在梅陽六年受人供養
臨行菴中所有動使之物盡散與人平昔所收些
施利悉用辦齋遍請合郡僧道士庶并見任官云
二十六年丙子

師六十八歲正月二十一日離梅陽太守鄧公酢
賓禮委官兵津發居民扶老攜幼遮道和餞眷戀
有不勝情者蓋其道使之然也取道汀州二月至
贛川時無垢居士侍郎張公子韶自橫浦蒙 旨
守永嘉師維舟俟之用慰契闊既見留連款語遍
賞名山留題馬祖菴詩云中有奇道人機鋒如劈

大慧年譜

五十一

四三

箭謂師也公因以自畫像需讚師點筆疾書有貧
兒索舊債之句已而聯舟東下至廬陵衆信請說
法于祥符寺作廬陵米價頌次太和遊青原分袂
於臨江之新淦作湖湘之行按無垢贈別詩云相
別十七年其間無不有今朝忽相見對面成老醜
人生大夢耳是非安足究欲叙惓惓懷老大騰開
口公作湖南行我赴永嘉守重別是今日南北又
奔走已軟相過盟長沙不宜久邑宰黃公元綬迎
師館于東山寺三月十一日被 旨復僧謝恩陛
座有青氈本是吾家物今日重還舊日僧珍重聖
恩何以報萬年松上一枝藤之句示黃元綬如是

居士法語云渝川江亭一見心已許之既而來驛舍吐露若合符契自慶驗人眼不讓古人作黃世永主簿淨智菴銘至宜春憇于光孝寺方外道友錢子虛計議請爲衆說法時丞相和國張公德遠居長沙其母秦國夫人問道於師按殿記曰後竊惟先妣秦國太夫人晚問道于徑山佛日大師得自在無畏法果有忠君愛物之志非若聲聞獨覺之私厭生死而樂寂滅也是以浚與之遊或者迷惑世網循利背義排斥已異移怒於師有識者憤之秦國卧疾將亟曰妙喜老師此生無復見也老婆有私恩未報和公凡三走介之宜春趣師之行

大慧年譜

五十二

四十六

由是兼程而至秦國捐館矣和國公語師曰先妣願供養和尚一年爲報德之私今無復得某謹遵遺訓師幸少留以九夏之期盡其敬奉一慰先妣之願二伸人子之心師不可得而辭遂館于光孝寺之東堂六月却饒州薦福之命以偈遣四專使云萬死一生離瘴網前程來日苦無多收拾骨頭林下去誰能爲衆更波波題大瀉智禪師語錄後示羅孟弼法語七月秦國喪靈歸蜀師亦次舟至荆南和公力挽同往師無入蜀意遂作桑梓之行尼慧覺以師頂相求讚故有雖然未即過江東且隨覺禪看西蜀之句中書舍人唐公文若字立夫

於道自謂有所趣向每聞蜀僧言師有未語已前之驗立夫時召赴行在維舟謁師相見次曰莫是子西之後否立夫曰乃大人也師曰尊丈與某皆在無盡府第相從甚久不如公有箇無師自得底道理但未契得徑山手裏竹篋在立夫乃倪首感歎然後炷香以致謝誠遂連檣而之鄂渚按示太守祠部熊公叔雅法語有云近在渚宮見一破家散宅底漢欲操吾刀入吾室便要殺人放火被妙喜不動干戈即時擒下不必見賊而後知其爲賊蓋指立夫也又按立夫跋師示熊法語後云徑山贓物并案款上納異時鄂州有一點雜毒入心定

大慧年譜

五十三

四十七

却翻案也縛虎須急緩則噬人事不兩存要識方便若只旗鎗兩下又涉廉纖云別後以頌寄師云人皆養子防身老臨濟生兒不養家三尺竹篋千古今更無一物是生涯武當軍節度使李公師顏請說法于府第示徐敦濟提刑法語已而下赤壁次臨臯望東坡雪堂因作頌曰力將正說分邪說夢到黃州與惠州竹屋數椽容老兒大江千古只東流抵九江太守朱公請說法于能仁寺而以廬山園通敦請住持三辭而不獲因舉道顏長老補其處然後解維十月至宣城舘于敬亭山作普明琳禪師真讚謁方外道友太守樞密樓公仲暉作

顏簡卿簡室銘湯承事慶齡菴銘適明州阿育王
山專使至准 朝命住持十七日祇受次寧國入
山東安存悼往三宿而別十一月渡錢塘由會稽
雙槐居士鄭禹功叅議以詩迎師於旅亭有底事
病魔渾不染只將正見洗蠻煙之句帥座參政魏
公良臣請說法于能仁寺十三日就明州光孝寺
開堂十五日入院臘月訪天童覺禪師及諸隣峯
二十七年丁丑

帥六十九歲住育王紫糧問道者萬二千指百廢
並舉檀度響從冠於今昔雲巖典牛游禪師以頌
寄師云五濁海底輾屎猪躍出那邊三脚驢鐸聲

大慧年譜

五十四

既已喧四衢雲間騰踏天馬駒諦聽典牛一句子
世上有你何用余於是增修厨屋鑿二新泉曰妙
喜曰蒙按泉銘畧曰育王為浙東大道場地高無
水僧衆苦之紹興丙子佛日受請周旋其間令僧
廣恭穿穴茲地為大池鍬鍾一施飛泉盆湧知軍
事秘監姜公見而異之名曰妙喜無垢居士為之
銘末句有云謂余未然妙喜其□之師因說偈於
其後仍作蒙泉銘曰廣利東泉曰蒙源玲瓏萬竅
通聲淙淙出無窮良施工不落空銘泉者為誰山
僧妙喜翁寺以衆多食貧常住伏臘不給陳請海
岸閑地僅千頃命工開築以為南畝費緡錢十萬

餘師率八萬四千人結般若勝會人出緡錢餘竭
衣孟以成歲入用贍齋厨左丞相湯公思退敷奏
詔賜其莊名般若六月弔衡陽太守石公彥和于
新昌遷佛智禪師塔作正堂辯禪師語錄序廣福
寺鐘銘東坡先生畫像讚跋文殊道禪師偈頌答
樞密樓公仲暉節使曹公功顯侍郎曾公吉甫侍
郎榮公茂實妙德居士黃公節夫問道書示張晉
彥運使羅宗約叅議趙師厚觀使孫長文通判鮑
夢符教授呂舜元機宜郭仲堪知縣曾叔遲機宜
法語示內都知董德之入道頌作楊岐五世讚黃
龍忠道者天童覺禪師二老揖讓圖讚時有太學

大慧年譜

五十五

上舍生楊麟冠帶拜師於堂上垂泣云願從和尚
出家語未訖擲下巾帽袖中出剪刀自落其髮師
疾呼左右執手問其故乃以實對因攝授之次日
上堂云已著槽廠將錯就錯騎却聖僧不妨快樂
龍象蹴踏非驢所作堪笑諸方妄生穿鑿休穿鑿
祥麟只有一隻角十二月主天童覺禪師喪

二十八年戊寅

師七十歲正月初十日被 旨遷住徑山二月二
十八日就靈隱寺開堂三月初九日入院坐夏千
餘衆按塔銘師之再住此山道俗欽慕如見其所
親雖老引接後進不少倦一日忽厨屋傾仆蓋神

龍欲師興建之始師即撾鼓示衆云去歲育王方修了今日徑山又倒却雲堂大衆一時驚只有老僧渾不覺敢問大衆因甚不覺豈不見道不啞不聾不做大家公由是廣其址以新之重建乎佑王殿及嚴像設置東坡祠像於殿之右廡示佛照居士鄭提幹內都知張公一之鄧伯壽直殿未寧郡夫人善因法語作王德祖醫師榮茂實侍郎方務德侍郎畫像讚答蘇仁仲提舉問道書孫知縣擅改金剛經書以頌代書戲答繼明長老曰既作蟲豸又住鶴鳴如水入水似金博金夜聽水流巖下石曉看山起面前雲此境此時誰得意通得未後句則不孤

大慈年譜

五十六

僧老 九月遣叅徒之零陵求李佑王殿記於丞相張公德遠冬行化嘉禾次吳門弔方外道友信安郡王孟公仁仲設無礙會于虎丘以旌平日道義長老靈沼請作佛智裕禪師真讚抵無錫樞密巫公子先而次謂之錫山蓮社請說法于南禪寺陳阜卿侍郎撰疏有十七年現居士身不動本來面目幾萬里漂羅刹國還歸舊處風光之句孫尚書仲益爲前徑山訥老作塔銘訥之嗣法最老請師署名其後由是師致書仲益其答畧曰覲頃見佛果於開寶時公道價籍籍滿都國矣靖康以遠崎嶇兵亂偶然不死又罹罪罟流竄領海仰瞻一世

龍象如有仙凡之隔只自媿歎又曰公高風絕塵已出世外而非意之干同逐客放臣遷貶之例正如癡兒搏空捕影只堪一笑耳然佛法遇厄而後奇勝乃見所以化服同異也又曰僧最出所賜書開讀三反幸甚過望承欲移舟臨貲衰老至惠山旋棹僧伽危坐一塔之中有熟視而不見者一觀天人信有命也又曰自公入吳一佛出世矣侯王而下皆獲瞻禮獨觀尚未一詣遂無以藉口覲方欲上書謝事得請後書疏小間當由臨安入山樞衣聽法一洗塵陋又曰皇恐大雅姪歸依至道曲蒙與進庶幾班斤郢斲也訥老塔銘重辱書名其

大慈年譜

五十七

後表陋有光焉

二十九年己卯

師七十一歲正月泛太湖按示徐誠頌曰紹興己卯正月旦我因持鉢入太湖徐誠權攝婆施羅助我敷演此三昧長老元弗迎歸翠峯爲衆說法作雪竇明覺禪師真讚二月却福州西禪之命三月求退於朝纔進表即渡江之四明臨安府尹張侍郎稱致書於師其畧曰竊聞拂衣禪席再抗英回翩然清風已趣高駕此固不可以寵利勢力迎屈然豈不念 聖天子以公名德之盛增重名山以佛法護行闕幸爲小駐以副上意俯職在守上朝

命是依謹差衙校陳愈洧布區區萬冀深察使張
京兆異日爲白蓮社中人請自茲始矣師即答書
四月再歸徑山上堂有重理舊詞連韻唱之語

孝宗皇帝在普安潛藩七月二日遣內都監黃彥
節命師就山中舉揚般若說偈云人根大器大力
量荷擔大事不尋常一毛頭上通消息徧界明明
不覆藏獻上上嘉歎之是年重建庫院行堂西寮
倉院等處作寂室光禪師語錄序作維摩示疾九
祖伏馱尊者達磨面壁二祖立雪言法華畫像讚
示徐敦立提刑法語答丞相湯公進之舍人張公
安國問道書五月弔無垢居士於海昌作文以祭

大慧年譜

五八

四七

之六月持鉢雪川作端獅子讚示給事劉公行簡
入道頌莫閏甫法語題曹叔寶忘知軒作道場辯
禪師護國遠禪師真讚以頌代書寄張欽夫定叟
學士冬行化雲間作船子和尚讚內翰莫公儔請
爲衆普說于普照寺作三一堂銘跋呂居仁送范
司理序薛令人請題嗣法需長老真故有常憶首
山好言語新婦騎驢阿家牽之句示崑山張知縣
法語程詠之運使以無垢居士與三川道人論不
愁念起惟怕覺遲頌請師書其後無垢頌曰念是
賊子覺是賊魁捉殺賊魁賊子何歸堂堂大路惟
言獨之越南燕北遼東隴西撒手便到何處何疑

神劍在山鏢冷光寒魑魍魎莫之敢干此名真
覺秦時轆轤師說偈曰說覺說念翻背作面無念
無覺何處摸索起是誰起覺是誰覺豁開戶牖大
虛寥廓撒手前行不顧人秦時轆轤何時作跋喻
彌陀行實記示內都知李公伯和妙園道人善寶
成季恭機宜法語

三十年庚辰

師七十二歲三月丞相湯公請說法于靈芝寺以
偈送師育王開田次韻曰毛錘子上通消息大勝
新開百丈田居士不離香積界老僧贏得日高眠
孝宗皇帝居建鄴內都監黃彥節侍次誦於妙喜

大慧年譜

五九

三三

處所授祖師偈心隨萬境轉轉處實能幽隨流認
得性無喜亦無憂上聞之理與神遇欣懷盈懷委
內都監訪師請陞堂遂說偈以獻曰豁開頂門眼
照徹大千界既作法中王於法得自在上甚嘉納
焉尋復請爲衆說法親書妙喜卷三字及製真讚
題曰文園讚真呈妙喜師演成四偈其引曰宗杲
伏承文囿至人頒示妙讚人哉言乎而思惟所不
能及也宗杲雖不敏演成四章謹繕寫上呈伏乞
一目前擲之偈見前錄示顯德居士御帶黃公仲
威入道頌云空却十方三世去却千非一是目前
烜赫光明日用隨緣遊戲題知省張公宗元隨分

樓董公德之假山跋王日休龍舒淨土文汪養源
運使請作維摩居士讚作孫長文畫像讚道端禪
客端硯銘示法音首座暨刹竿法語以頌送鄧子
立直殿還都下明長老歸長蘆作祭超然居士趙
表之文冬行化宛陵次當途抵建鄴留守尚書韓
公仲通率僚屬請說法于保寧寺長老曇華請爲
衆普說於鍾山嗣法了明迎之葦江少休僕役題
呂文靖公影堂遺事次程子山侍講韻示可昇禪
人示留守韓公法語作達磨渡蘆讚

三十一年辛巳

師七十三歲正月舟次儀真太守徐公敦立請說

大慧年譜

六十一

四

法于天寧寺適州學文宣王殿建造未圓學徒告
師有以成就師以說法施利二十萬而助之次日
復攜軸求書法語以爲引導故有葫蘆必竟遭藤
纏之句至京口謁劉公信叔太尉訪吳傅朋郎中
請書法寶輪藏四字遊浮玉次海門作夢菴信禪
師真讚金壇謁叅政湯公致遠深陽訪方外道友
劉李高侍郎取道荆谿而歸跋顧凱之所畫維摩
像四月謝事徑山五月初一遂所請知省李公伯
和施錢重建明月堂爲師佚老之居秋往受業慶
懺輪藏按行記妙喜老師辛巳夏謝事徑山得請
于朝九月之山東歷陽張孝祥自宣城來致敬請

法要而別施永孟重建選佛堂作錢處和侍郎讚
三十二年壬午

師七十四歲居明月堂雖老而益健以法求人接
物爲已任學徒益親賢搢紳爲道而至者無虛日
二月之金陵謁丞相都督張公德遠按塔銘曰師
雖方外士義篤君親每及時事愛君憂時見之詞
氣晚自徑山來秣陵見某言先人不幸無後某之
責願乞一給使名藉公重庶有肯就者某爲惻然
興歎遂奏其族弟道源奉師親後

孝宗皇帝即位之九月 詔師問佛法大意適師
卧疾 特賜大慧禪師號以爲褒寵二十八日受

大慧年譜

五

三

命以頌謝招討李公顯忠施觀音像作祭榮侍郎
文

孝宗皇帝隆興元年癸未

師七十五歲正旦作鄭禹功雙槐堂記三月聞王
師凱旋作偈曰氛埃一掃蕩然空百二山河在掌
中世出世間俱了了當陽不昧主人公出永孟命
闔山清衆閱華嚴經七百餘部用祝

兩宮聖壽保國康民六月之寧國上冢葺治七月
初一日還山 上復取向所賜 宸翰以 御寶
識之曰賜大慧十二日師已示微恙大衆力請說
法於千僧閣以爲末後垂訓師委曲付囑老僧來

日無多汝等侍吾之久宜各隨所緣以佛法爲念
莫負初志實吾所願其語懇勵至切于時衆皆悲
感十四日夜有大星隕于寢室之後流光有聲師
聞微笑曰吾將行矣八月初二日凌晨法鼓震裂
初九日薄暮學徒識師無意於世環擁寢室師以
手搖曳曰吾翌日始行矣至五鼓親書遺奏曰臣
宗杲深荷 聖恩臣今年已衰遂辭 聖世伏願
陛下爲天下生靈保衛 聖躬力致太平永光佛
法臣宗杲上奏及作丞相張公德遠書以端石硯
寄別丞相湯公進之以外護吾宗爲囑仍書委曲
以示叅徒曰吾歿之後叢林自有常典切不可過

大慧年譜

卷三

四百五

儀小師不得披麻戴孝慟哭過情恐混世俗所蓄
書盡老僧平日至愛道友彥光各送一本庶以表
意口授委曲付諸嗣法云吾自夏及秋不美飲食
雖無甚疾苦而幻體日見羸劣蓋世緣止於此也
汝旣應緣一方宜更堅持願力以報佛祖深恩是
吾之望臨行以數語爲別各宜悉及了賢等請偈
師厲聲曰無偈便死不得也衆告旣切不得已而
書付了賢呈大衆云生也只恁麼死也只恁麼有
偈與無偈是甚麼熱大投筆就寢吉祥而逝按主
喪事臨安府察判羅公公旦祭文曰法鼓晨裂流
星夜墜刻尺紙以上奏則吉祥而飈逝度門弟子

淨初等八十四人嗣法自教忠彌光西禪出需東
禪思岳薦福悟本能仁祖元東林道顏西禪守淨
育王遵璞開善道謙伊山冲密瀉山法寶雪峯慧
日禪師蘊聞淨居妙道資壽妙總明因慧照而次
數過百十星分恭布列剎相望皆其的子親孫潛
通密證匿耀韜光唯恐有聞於世者殆不可勝數
士大夫恪誠扣道親有契證如參政李公邴侍郎
曾公開侍郎張公九成吏部郎中蔡公樞給事中
江公安常提刑吳公偉明給事中馮公樞中書舍
人呂公本中參政劉公大中直寶文閣劉公子羽
中書舍人唐公文若御帶黃公彥節兵部郎中孫

大慧年譜

卷三

四百六

公大雅編修黃公文昌楞伽居士鄭昂秦國夫人
計氏法真幻住道人智常超宗道人普覺握衣與
列佩服法言如內翰汪公藻叅政李公光樞密富
公直柔侍郎劉公岑侍郎曾公幾侍郎徐公林樞
密樓公炤尚書汪公應辰左丞相湯公思退侍郎
方公滋提舉李公琛侍郎榮公巖尚書韓公仲通
內都知昭慶軍承宣使董公仲永成州團練使李
公存約安慶軍承宣使張公去爲開府保信軍節
度使曹公勛中書舍人張公孝祥御帶寧遠軍節
度使黃公仲威直殿鄧公靖無住居士袁祖嚴其
餘空而往實而歸者衆矣是月二十日衆以全身

墓于明月堂之後申明於朝以所居為菴仍建層閣奉安宸翰按丞相湯公書云禪師道德

聖上所慕易菴建閣計皆得可塔名師號當為奏知按塔銘曰隆興元年八月十日大慧禪師示寂于徑山明月堂

皇帝聞之嗟惜詔以明月堂為妙喜菴賜謚普覺塔名寶光其徒以全身葬于菴之後卒被光寵表之無窮誠有以自致也所賜御書建閣藏於菴與茲山不磨矣其八處九會陞堂語要普說小叅讚偈機緣長牋法語無慮數十萬言叅徒道印編為六十卷奉置于菴宗璉雲密惟禪宗演淨智居

大慧年譜

六

四

士黃文昌哀其綱要離為五冊刊行于世蒙詔賜入大藏同聖教以求其傳師之愛人及物等之以慈怒為嬉笑得之天真機辯迅雷霆語言燦星斗具大眼目擒縱自如破諸方之異解死學者之偷心必令實證實悟得大自在而後已所以始從分園悟半座至於數領菴園一住鄧峯兩坐雙徑奔走天下奇衲悅服名公巨儒如優曇花一現於世以至上達天聽感動宸衷特垂廬語之褒旌以徽名之寵奎章寶墨雲漢昭回佛日重光真風普被其所攝化傾倉倒廩唾玉揮金誠心樂施唯恐其後而師喜濟惠隨得隨與况於細行毫髮無

虧雖遷遐裔龍象擁隨忍死不棄及其示寂如失恃怙龍神為之戴白龍王聖屬出現綠身鳥獸為之上與眾見其冠白之哀號賢士大夫寫詞致哀動逾百數此皆法雨之所潤恩人利物之大凡也若其荷佛祖重任恢臨濟正宗號令人天指呼凡聖殆非筆舌所能紀今以平生出處大畧列歲月而編次及前後之所聞見敬錄其實以為萬世標準云

大慧普覺禪師年譜終

大慧先師示現七十五年言行出處章章可法誄老集為年譜刊行於世有補來學但其間不能無誤脫宗演頃在衆時每覽之輒為嗟惜後得江西

大慧年譜

五

瑩雲卧書疊疊譏其闕失與昔所聞果若符契逮開禧乙丑青山無事始獲校訂刪入六十餘處粗得無差噫雲卧侍師於衡梅可謂親聞飫見與育王雙徑之會捨拙陋存亦無幾今若不正之則是非之辯不息由今而後學者閱繹無疑奮烈丈夫志追跨前作臨濟墜地之緒庶可起焉若真具大闡提火此書可也或未然毋忽龜鑑住華藏比丘宗演百拜敬書

嘉興包樗芳施銀拾兩刻
年譜壹卷

大慧禪師禪宗雜毒海

宋
•
法 大慧宗杲
宏 撰
等 編

祖慶嘗欲焚前錄俾學者自悟西來直指不滯文字
語言今復鑲此板何也正欲枷上著扭縛上增繩令
渠自透自脫靈利漢一見便知落處更於此錄求玄
妙尋言句一任鑽龜打瓦

淳熙戊申重陽日住鍾山小師 祖慶 謹書

大慧普覺禪師語錄卷上

參學比丘 法宏 道謙 編

洞山廣道者叢林號曰廣無心梓州人初游方問雲
蓋智和尚興化打維那意旨如何智下禪床展兩手
吐舌示之廣打一坐具智云此是風力所轉又將此
語問石霜琳和尚琳云你意作麼生廣亦打一坐具
琳云好一坐具只是你不知落處又問真淨淨云你
意作麼生廣亦打一坐具淨云他打你亦打廣於此
大悟真淨因作頌云丈夫當斷不自斷興化爲人徹
底漢已後從教眼自開棒了罰錢越出院

慈明琅瑯大愚等數人辭汾陽相讓不肯爲參頭汾
陽云此行不可以戒鴈推聽吾一頌天無頭吉州城

畔展戈矛將軍正馬林下過袁州城裏關歌歌慈明
出班云楚圓何人敢當此記前遂領衆禮拜

湛堂準和尚初參真淨淨問近離甚處準云大仰淨
云夏在甚處準云大潯淨云甚處人事準云與元府
淨展手云我手何似佛手準罔措淨云過來祇對一
一靈明天眞及乎道箇佛手便成空礙且道病在甚
處準云某甲不會淨云一切見成更教誰會

洪州黃龍山父子傳器當代新山主道眼明白但其
緣法與世不偶故衲子罕從之然鼎新一院皆合叢
林典刑或問其故新云自有說禪者來院成詣南昌
陳乞請積翠南禪師傳法住持那可其請後數年新
化去塔於山中南忽一夜夢見神人云乞去守塔寤
亦不經意一日坐於方丈又見前夢中人云願去守
塔遂詰之神云自有交代人來未幾果塑像人至乃
令別塑土地移舊者守新山主塔

遁道者久參雪竇欲舉住金鵝遙聞之夜潛書二偈
於方丈壁間即遁去偈曰不是無心繼祖燈道慚未
則嶺南能三更月下離嵩竇眷眷無言戀碧層又曰

三十餘年四海間尋師擇友未嘗閑今朝得到無心地却被無心趣出山遲後出世間先承嗣德山遠和尚續通雪竇書山前婆子見專使欣然問曰遲首座出世爲誰燒香專使曰德山遠和尚婆子語罵曰雪竇抖擻屎腸說禪爲你你待怎麼孤恩負德

雲居舜老夫常譏天衣懷禪師說葛藤禪一日聞懷遷化於法座上合掌云且喜葛藤椅子倒了也秀圓通時在會中作維那每見訶罵不已乃謂同列曰我須與這老漢理會一上及夜參又如前訶罵秀出衆厲聲曰豈不見圓覺經中道舜遽曰久立大衆伏惟珍重便歸方丈秀曰這老漢通身是眼罵得懷和尚也

湖南小景淳上座有才學曾著無縫塔銘大通本禪師用其語答無縫塔話云煙霞生背面星月遠簷楹淳居岳麓寺律身精進偶一夜經行殿陛失脚被擲傍僧掖起昏憒不辨人事至於平生所著文字亦不能曉兜率照禪師初遊方過岳麓聞老宿言淳事照驚曰我此生參禪不明心地亦如淳也偶一擲尙如

此況隔陰耶

蜀僧太瘤居衆時常嘆佛法混蓋異見鋒起乃曰我參禪若得真正知見當不惜口業遂發誓禮馬祖塔長年不輟忽一日塔放白光感而有悟後遍至叢林勘驗老宿過雪竇山前云這老漢口裏水漉漉地雪竇聞其語後相見竇云你不肯老僧那太云這老漢果然口裏水漉漉地遂據一坐具便行直歲不甘令人於中路毆打損太一足太後至都下放恣鄺市有官人請歸家供養每令侍妾奉事太屢告辭官人確留之愈加禮敬太一日伺官人至故意挑其妾官人以此改禮因得辭不數日於鬧市中端坐而化

大陽平侍者預明安之室雖肅得其道唯以生滅爲已任擠陷同列忌出其右者琅琊廣照公安圓鑑居衆時汾陽令探明安宗旨在大陽因平密授明安常云與洞上宗乘非遠即覺二人云有平侍者在明安以手指臂云平此處不佳又提拇指了又中示之云平向去當死於此洎明安示寂遺囑云瘞全身十年無難當爲大陽打供入塔時門人恐平將不利於師

遂作李和文都尉所施二黃白器物書於塔銘而實無之。平後住大陽果要開塔焚之。書宿切諫平曰：「我有妨遂發塔見明安顏貌如生，遂焚之，薪盡，儼然衆皆驚異。平以油餽薪，俄成灰燼。衆以事聞，官坐平謀塔中物不孝，還俗，自稱王秀才，謁琅琊云：「昔日平侍者，今朝王秀才。我在大陽時，便見你做處，遂不納。又謁公安安亦然。平流浪無所歸，竟不免大陽了。」又之記悲哉。

峨眉山白長老常云：「雪竇有頌古百餘首，其詞意不甚出人，何乃浪得大名於世？遂作頌千首，以多爲勝，自編成集，妄意他日名高雪竇，到處求人賞音。有大和山主遍見當代有道尊宿，得法於法昌遇禪師，不出世住大和，稱山主，氣吞諸方，不妄許可。白携頌謁之，求一言之證，欲取信後學。大和一見唾云：「此頌如人患鴆臭，當風立地，其氣不可聞。自此不敢出，似人後黃鶩，直至寒寺，書于壁云：『峨眉山白老千頌自成集。』大和曾有言：『鴆臭當風立。』」

歸宗可宣禪師，漢州人，琅琊齊照之嗣，與郭功甫厚。

善南康守以事臨之，宣令人持書與功甫，且囑吳令縣君見功甫時，任星子尉，得書云：「某更有六年世緣，未盡，今日不奈抑逼，何？且托生君家六年，望君見顧。功甫得書，既驚且喜，中夜彷彿見宣入臥內，不覺失聲云：「此不是和尚來。」處妻問其故，功甫呼燈以宣書示之，果有娠及生，卽名宣。老纔周歲，記問如昔，逮三歲，白雲端和尚過其家，功甫令出相揖，纔見，便呼師姪。端云：「與和尚相別幾年？」耶宣屈指云：「四年。」端云：「在甚處相別？」宣云：「白蓮莊上。」喫油糍，端云：「以何爲驗？」宣云：「爹爹媽媽，明日請和尚齋。」忽門外推車過，端云：「門外甚麼聲？」宣作推車勢，端云：「過後如何？」宣云：「平地一條溝，後六歲無疾而化。」

海印信和尚，桂府人，嗣琅琊住蘇州，定慧時年八十餘，平日受朱防禦宅供養，屢到其家。一日，朱問云：「和尚後能來弟子家託生否？」信笑諾之。歸院小不快，數日而化。其化日，朱家生一女，圓照本禪師聞其事，往訪之，方出月一見，便笑圓照，喚云：「海印，你錯了也。」女子便哭，當時化去。

和州開聖覺長老參長蘆夫和尚久無所得聞五祖
法道徑造席下祖一日室中問釋迦彌勒猶是他奴
且道他是阿誰覺云胡張三黑李四祖然其語時圓
悟爲座元祖舉似之悟云好則好只恐未實不可放
過更於言下搜看次日入室祖如前問覺云昨日向
和尚道了祖云道什麼覺云胡張三黑李四祖云不
是不是覺云昨日爲甚麼是今日又道不是祖云昨
日是今日不是覺於言下大悟後出世開聖見長蘆
法席大盛乃嗣夫不原所得拈香時忽覺臂前如撻
遂於痛處發癰成竅常以乳香作餅塞之久而不愈
竟卒

長蘆福長老世緣頗稔而道眼不明常將所得施利
舟載往七江齋僧圓通秀禪師聞之往驗其虛實適
至遇上堂云入荒田不揀可殺顛預信手拈來草猶
較些子便下座秀大驚曰說禪如此誰道不會乃謂
諸方生滅遂射造方丈謁之具說前事請益提唱之
語福依文解義秀曰若如此諸方不謾道你不曾
開先還和尚爲歸宗南禪師作禪牀銘曰明珠產蚌

涼鬼懷胎觀此繩牀□道之媒南次爲開先作銘曰
著地便穩

荆公一日訪蔣山元禪師談論次元曰相公口氣逼
人想著述搜索勞役心氣何不坐禪體此大事公從
之又一日謂元曰坐禪實不虧人數年欲作胡笳十
八拍不成夜來坐間已就元大笑

荆公一日問張文定公曰孔子去世百年牛孟子亞
聖後絕無人何也文定曰豈無人恐有過孔孟者荆
公曰誰文定公曰江西馬大師坦然禪師汾陽無業
禪師雪峰巖頭丹霞雲門荆公聞舉意不甚解乃問
曰何謂也文定曰儒家淡薄收拾不住皆歸羅氏去
荆公欣然嘆服後舉似張無盡無盡撫几歎賞曰達
人至論也援筆記于案間

任觀察內貴中賢士 太上皇極眷之任傾心釋氏
遍參知識每自嘆曰幸得爲人而形體不全及不識
所生父母想前世輕賤於人招此報應遂發願遇休
沐還私第屏絕人事炷香禮佛刺血書華嚴經每一
字三禮願來生識所生父母忽一日有客相訪任出

少遲客怒曰。人客及門。何故不出任笑曰。在家中寫一卷敕書。客詰其故。任以實對。取經示之曰。此闍老子面前喫鐵棒吞鐵丸底敕書。客驚駭久之。還家亦自寫一部。

宣州興教坦禪師。温州牛氏子。世業打銀。因磨洗銀瓶。次忽有省。遂出家。受具遊方。爲琅琊廣照之嗣。懷禪師住興教坦。爲第一座。及懷受別請。欲舉坦繼住。時刁景純守宛陵。懷恐刁涉外議。乃於觀音前祝曰。若坦首座道眼明白。堪續住持。願示夢于刁學士。刁夜夢牛在興教法堂上。懷凌晨辭州刁舉所夢。懷大笑。刁問其故。懷曰。坦首座姓牛。又屬牛也。刁就座出帖請之。坦受請陞座。有雪竇化主省宗出問。諸佛未出世。人人鼻孔。遂天出世後。爲甚麼杳無消息。坦云。鷄足峯前風悄然。宗云。未在更道。坦云。大雪滿長安。宗云。誰人知此意。令我憶南泉。拂袖歸衆。更不禮拜。坦云。新興教今日失利。便歸方丈。令人請宗至云。適來錯祇對一轉語。人天衆前何不禮拜。蓋復却宗云。大丈夫膝下有黃金。爭肯禮拜無眼長老。坦云。我別

有語在。宗乃理前話。至未。在更道處。坦云。我有三十棒。寄打雪竇宗。乃禮拜。

眞淨禪師遊方所。主辯論。傾座衆目爲飽參。坐夏大溪夜間。僧誦雲門語云。佛法如水中月。是否。門云。清波無透路。因有省。到德山。遇應達磨小參。有六祖不及雲門之語。出衆詞之。還明即行。欲謁雲峯悅禪師。至湘鄉。聞悅化去。乃上雲居。時舜老夫預造壽塔。淨曰。這俗漢不宿出山。徑造黃蘗。見南禪師。南嘗問學者曰。鍾樓上念讚。脚下種菜。時如何。案下語。契乃問勝首座云。猛虎當路坐。南大稱賞之。遂退居積翠菴。令勝補其處。淨三到庵中。機緣不契。乃云。我自悟處。此老只是箇修行僧。不會我說話。遂下山。至翠巖。見順和尚。順問近離甚處。淨云。黃蘗。順云。菴頭老和尚安樂否。淨曰。安樂。順曰。甚處人。淨曰。關西。順曰。說話又不似關西人。淨曰。幼曾遊學。順曰。甚處爲僧。淨曰。北塔廣和尚。小師廣與秀同參。雙泉郁順即哭曰。頃訥祖印。參此二大老。不會渠說話。及乎我參得些禪。要見他已遷化了。因此號順婆婆。又問新

黃藥住得如何。淨曰甚好。順曰渠只下得一轉語好。便住黃藥禪也。未夢見在淨因此豁然見得。積翠用處。遂作數頌。因暫到先寄。積翠南閱頌。知之淨至南。問甚處來。淨曰翠巖。南曰恰值老僧不在。淨曰向甚處去。南曰天台。普請南嶽。遊山淨云。恁麼則學人亦得自在去也。南云。脚下鞋甚處得來。淨云。廬山七百錢。唱得南云。何曾得自在。淨指鞋云。何曾不自在南。異之一日。因侍者捲簾。次南問捲起簾時如何。者云。照見天下侍者。乃佛陀遜禪師。南曰放下簾時如何。者云。水泄不通。南曰不捲不放時如何。者云。無語。南舉似真淨。淨曰和尚須替侍者入涅槃堂。始得。南厲聲曰。關西人自來無頭惱。淨乃指旁僧。即雲居祐時爲藏主云。只這藏主也。未夢見在南大笑。

湛堂準和尚因讀諸葛孔明出師表。遂悟作文章有羅漢疏云。阿羅漢者梵語也。此云無生。出三界二十五有。塵勞超分。殺生。死受。如來付囑。應供人天福利。一切羣情。愷慈宜與供養。又有水磨記云。渤潭山即馬祖大寂禪師與普禪者輩。選佛大道場。雖年代深。

遠而佛法未嘗遠也。但其間善知識所見不同。玄有高下。故有遠矣。如僧問馬祖。如何是佛。祖云。卽心是佛。觀其所以。卽知衆生本來成佛。無有高下。其高下在人不在法也。而況末世有我說法者。是改選佛求師。不得不審也。大宋元符戊寅。有漢中沙門意中上人。尋師訪道。選佛參禪。竿木隨身。逢場作戲。然其場也。戲乎一時。以其功也。利益千古。於是革其舊制。鄧人猶迷。徇器投機。變通在我。豈以繩墨拘其大猷。而爲古人規矩之所限哉。是謂有子不可教。其可教者。語言糟粕。非心之至妙。其至妙之心。在我不在文字。語言也。縱有明師密授。不如心之自得。故曰得之於心。應之於手。皆靈然心法之妙用也。故有以破夢也。卽爲其礎。欲變米也。卽爲其礪。欲求麵也。卽爲其羅。欲去其糠也。卽爲其扇。而規模法則。總有關係消息。既通不撥。自轉以其水也。一波纔動。前波後波。波波應而無盡。以其體也。一輪既舉。大輪小輪。輪輪運而無窮。由是上下相應。高低共作。其妙用也。出之自然。故不假人力之所能爲。而奇絕可觀。玄之又玄。然後

左旋右轉。整去橫來。更相擊觸。出大梵音。皆演苦空。無常無我。諸波羅蜜。而聞者聞其心見者見其性。以至慧。皆知覺。盡獲法喜。禪悅之樂。又何卽以米麵諸所須物。供香積厨。而爲二饒飽禪者。輩往來選佛者歟。

圓悟禪師初在滄山。一日眞如和尚問曰。如何。悟云。起滅不停。如曰。可知。是博地凡夫。老僧三十年在裏許。履踐只得相似。次見晦堂。堂曰。我住院十二年。不會如今方會。脚尖頭也踢出箇佛。後住昭覺。有長老問劉鐵磨。到滄山并雪竇御街行。頌未審此意如何。悟曰。老僧更參四十年。也不到雪竇。處長老歎曰。昭覺尙如此。道況餘人耶。

劉宜翁嘗參佛印。頗自負甚薄。眞淨一日從雲居來。遊歸宗至法堂。見眞淨。便問長老寫戲得幾年。淨曰。專候樂官來。翁曰。我不入你這保社。淨曰。爭奈卽今在這場子裏。翁擬議。淨拍手曰。蝦蟆禪只跳得一跳。翁大服。又坐次。指其衲衣曰。喚作甚麼。淨曰。禪衣翁曰。如何是禪淨。抖擻曰。抖擻不下。翁無語。淨打云。你

伎倆如此。要勸老僧。

錢易郎中訪眞淨說話。久欲登瀛。淨令行者引從西邊延壽堂裏去。錢遽云。既是東司。爲甚麼却向西去。淨云。多少人向東邊討。

南康諸山相會佛印。後至眞淨。問云。雲居來何遲。印云。爲著草鞋從歸宗肚裏過。所以遲。淨云。却被歸宗吞了。印云。爭奈吐不出。眞淨云。吐不出。屙卽出。

眞淨和尚有時遽喚侍者。將老和尚眞來。侍者將南禪師眞至。展開淨以手加額云。不是這老和尚。豈能如此。輒輦蹙半餉。卽戒取之。每每如此。潛蒼源和尚每見南禪師眞。卽淚下。

眞淨罷參辭南禪師。南戒曰。你更須見英邵武淨稟。旨見英入室相契。英謂曰。子眞參得雲門禪。南常歎曰。英門戶廣大。吾所不如。其爲積翠所重如此。南示寂。偶勸潭席南昌移文。命英補處。英蹶然曰。黃龍之道。捨我而誰受之。不辭。一日執事者紛諍不已。英曰。吾領衆不肅。有媿先師。奄然告寂。

李文和都尉請琅琊覺和尚。注信心銘。琅琊大寫一

句下面小寫一句文和一見大稱服

雪竇在廬山羅漢林禪師會中一日同林看開池林問開池不待月池成月自來如今池成爲甚麼不見月竇以瓦片投池中林喜之一日上堂竇出問云法爾不爾如何指南林云只爲法爾不爾竇云大眾記取和尚答話拂袖歸衆知事忿其不禮拜欲挫辱之遂請至庫司問其故竇云和尚道甚麼一僧云法爾不爾竇云你道得不是却問次一僧亦云法爾不爾竇云這漆桶拂袖便行因作師子峯詩而去

舜老夫一日問秀圓通聞你見懷和尚是否秀云是舜云有何言句秀云有投機頌曰一二三四五六七萬仞峯前獨足立奪得驪龍領下珠一言勘破維摩詰舜云不好別有甚麼言句秀云一日有長老來參懷舉拂子云會麼長老云不會懷云耳朶兩片皮牙齒一具骨舜歎云真善知識秀從此服膺舜老夫洞山寶禪師嗣五祖戒和尚廬州人生於娼室無姓爲人廉謹嘗在五祖主寺事戒病令行者往庫司取生薑煎藥竇叱之行者白戒戒令將錢回買竇方取

薑付之後筠州洞山缺人郡守以書託戒舉所知者主之戒曰賣生薑漢住得遂令出世住洞山後移住歸宗一日扶杖出門見喝道者來問甚官吏云縣尉令避路竇立道左避之忽見馬跪不行竇曰畜生却識人尉再拜而去復還雲居一夜山神肩輿還寺行竇云擡你爺擡你娘擡上万丈去神復與歸万丈竇初行脚嘗宿旅邸一夕爲娼女所窘遂讓榻與之睡竇坐禪明發娼女索宿錢竇與之出門自燒被褥而去娼女以實告其父母遂請歸致齋以謝謂其眞佛子也嘗作達磨祖師贊大播叢林琅瑯覺和尚和之今載正法眼藏

大愚芝和尚會中有僧日誦金剛經二百遍芝問得令侍者請至問云聞汝日誦金剛經二百遍是否僧云是芝云汝曾究經意否僧云不曾芝云汝但日誦一遍參究佛意若一句下悟去如飲海水便知百川之味僧如教一口誦至應如是知如是見如是信解不生法相處焉然有省遂以白芝芝遽指禪床前狗子云狗子吟僧無語芝便打出潛菴源和尚退居豫

章之章江寺妙喜曾參扣之一日室中舉前話主不生法相處芝云狗子吟汝作麼生會妙喜云狗子潛菴大稱賞之謂其不生法相大愚芝禪師方便善巧如珠走盤不留影迹今以實法與人豈不孤佛祖之心乎

大申公執政時因休沐日預化疏請言法華齋翌旦至府第坐於堂上申公將出見之自念曰拜即是不拜即是言大呼曰呂老子你好勞攘快出來拜也好不拜也好申公拜而敬之齋畢問未來臧否言索筆大書亳州二字與之不言所以後罷相知亳州治臺文字次忽見二字在前始悟其爲識也

眞淨和尚退洞山游漸至滁州琅琊起和尚處因衆請小參眞淨貶剝諸方異見邪解無所忌憚下座見起和尚云堂頭在此賴是別無甚言語起云你也得也二人相顧大笑而去

葉縣省和尚嚴冷枯淡衲子敬畏之浮山遠天衣懷在衆時特往參扣正值雪寒省訶罵駢遣以至將水就日過潑之衣服皆濕其他僧皆怒而去唯遠懷併

疊敷具整衣復坐於旦過中省至訶曰你更不去我打你遠近前云某甲二人數千里特來參和尚禪豈以一杓水潑便去若打殺也則不去省笑曰你兩箇要參禪却去掛搭續請遠充典座衆苦其枯淡省偶出莊遠竊鑰匙取油麵作五味粥粥熟省忽歸赴堂粥罷坐堂外令請典座遠至自首云實取常住油麵羹粥情願乞和尚責罰省令筭所直估衣鉢還訖打三十拄杖出院遠舍於市中託道友解免省不允又云若不容歸院只乞隨衆入室亦不允一日出街見遠在旅邸前立乃云此是院門房廊你在此住許多時曾還租錢否今計所欠追取遠無難色持鉢於市化錢還之省又一日出街見其持鉢歸謂衆曰遠眞有心參禪令人呼其歸

汾陽無德禪師一日謂衆曰夜來夢亡父母覓酒肉紙錢不免徇俗置以祀之事辦於庫堂設位如俗間禮酌酒行肉化紙錢訖令集知事頭首散其餘盤知事輩却之無德獨坐筵中飲啖自若醉飽而去衆僧數曰噫酒肉僧豈堪師法耶盡包腰而去唯慈明大

愚泉大道六七人在焉。無德翌日上堂云。許多閑神野鬼。只消一盤酒肉兩陌紙錢。斷送去了也。豈不見法華經云。此衆無枝葉。唯有諸真實。便下座。

范文政公守鄱陽。薦福缺人力。致古塔主僧住持事。一日對食。次有廣侍者。宣州人。立其旁。古於盤中取甘蔗一片。度與廣接得。便去支牀。脚古笑謂文政公曰。此子已後須多得禪。廣竟不出世壽八十四。無疾而化。

眞淨和尚遊方時。與二僧偕行。到谷隱。薛大頭處。薛問云。三人同行。必有一智。如何。是一智。二僧皆無語。眞淨立下肩。應聲便喝。薛豎拳頭。作相撲勢。淨云。不勞再勸。薛拽拄杖。趨出。薛見石門慈照。

自慶藏主蜀人。叢林知名。偏參眞如晦堂。照覺諸大老。由廬阜入都城。見法雲圓通禪師與秀大師偕行。到法雲。秀得參堂。有以慶藏主名達圓通。圓通曰。且令別處掛搭。候此間單位空。卽令入堂。慶在智海。偶臥病。秀欲往問所苦。而山門無假。乃潛出智海。見慶慶以書白圓通。言秀越規矩。出入圓通。得書夜參大。

罵曰。此眞小人。彼以道義故。拚出院來。訊汝疾返。以此許。豈正人端士所爲。慶聞之。遂奄息。叢林竟謂慶遭圓通一詬而卒。

撫州明水遜禪師在法雲侍者。寮時道林林禪師掛搭方丈。特爲新到茶。遜躬至寮請之。適林不在。遜有同行僧與林聯案。僧曰。汝去俟渠來。我爲汝請。遜去。僧忽忘之。至齋退。鳴鼓會茶。林不至。圓通問曰。新到。在否。遜請之。林至。圓通令退坐。榻立衆前。責曰。山門特爲茶。以表叢林禮數。因何怠慢。不時至。林曰。適聞鼓聲。欲赴茶。忽內逼。遂去。登瀾。趨赴不逮。圓通曰。我鼓不是。巴豆。纔擊動。你便屎出。遜白曰。是某忘記。請某當出院時。同行僧出衆曰。不干侍者與新到事。是某不合。承受爲渠請。偶失記。某當代二人出院。圓通高其風義。併宥之。

大滄秀禪師在仰山。偉和尚會中爲首座。山門請供養主二十人。先一日以名赴堂司。令預知之。翌日乃方丈受曲。折及會茶。次輒失一人。偉問誰曰。隨州承秦上座。秀曰。未諭已前告假。乞以他僧備員。偉然之。

俄有告者曰。泰實在首座。匿之。偉亟令尋果。主送入寮。畢遂鳴鐘。集衆數秀。曰。汝爲領袖。帥表後昆。處心不公。何以勸勵學者。秀舌大而乾窘。無以對。竟杖逐之。叢林畏服。

諸方尊宿。示滅火浴。得舍利極多。唯眞淨和尚。舍利大如菽。五色晶瑩。而又堅剛。谷山祖禪師眞淨高弟也。多收歛之盛。以瑠璃瓶隨身供養。妙喜遊谷山。嘗試置於鐵砧。學鎚擊之。砧鎚俱陷。而舍利無損。豈非平昔履踐明白。見道超詣所致耶。

賢蓬頭。江州人。瀉山眞如會中角立者。見地明白。機鋒穎脫。有超師之作。但行業不謹。一衆易之。眞如結菴於方丈。後令賢獨處。唯通小徑。從方丈前過。不許兄弟往還。復二年。舉首衆立。僧秉拂說法。有大過人處。由是改觀。住鄂州興陽。數載。道大行。示寂。肉身不壞。圓悟和尚在瀉山。目擊其事。妙喜遊興陽。尚及見其肉身。

筠州黃蘗泉禪師。初習百法論。講肆有聲。更衣南詢。見眞淨和尚於洞山。有悟道頌。其略曰。一鎚打透無

盡藏。一切珍寶。吾皆有。機鋒迅發。莫有當其鋒者。眞淨嘗歎曰。惜乎先師不復見。後上堂說法。不起于座。而示寂。眞淨之言益驗。

湛堂準和尚。與元府人眞淨之的。嗣分寧雲巖。虛席。那牧命黃龍死心禪師。學所知者。以補其處。死心曰。準山主住。得某不識他。只見有趙州洗鉢。頌甚好。那牧曰。可得聞乎。死心舉云。之乎者也。衲僧鼻孔大頭。向下。禪人若也不會。問取東村王大姐。那牧奇之。具禮敦請。準亦不辭。平生律身。以約雖領徒。弘法不異。在衆時。晨興後架。只取小杓湯洗面。復用濯足。其他受用。率皆類此。纔放晚參。方丈行者。人力便如路人。掃地煎茶。皆躬爲之。有古人風度。眞後昆良範也。法雲佛照杲禪師。嘗退居景德鐵羅漢院。殿有木鍾。漢數尊。京師苦寒。佛照取而燒之。擁爐達旦。次日淘灰中。得舍利無數。諸座主輩皆目之爲外道。佛照乃丹霞輩流。非俗眼所能勘驗。

仰山偉禪師。服勤講肆。聲華藉甚。迨五十歲。方更衣入叢林。徑造筠州黃蘗參南禪師。抗志參問。久而未

有省發飲南洗脚水。舉行廊廡間見山中舊宿即禮拜垂淚曰。念行偉年老。教取行偉屏處一室設獨榻。燕坐有客。至則讓榻命就座。炷香又手立其傍。無他語。自爾無敢過門者。南知之。謂曰。汝忒驕絕。物不可如此。偉曰。行偉老矣。道業未成。何暇講人事。如趙州和尚云。我在南。方二十年。除齋粥二時。是雜用心處。行偉何人。輒敢宴逸。南不能奪其志。而心益奇之。延季陳了翁名。璣字。鑒中。自號華嚴居士。立朝骨鯁。指佞觸邪。有古人風烈。留神內典。議論奪席。獨參禪未大發明。禪宗因緣多。以意解。酷愛南禪師語。錄證釋殆盡。唯金剛與泥人指背。注解不行。嘗語人曰。此心有出處。但未有知之者。諺云。大智慧人面前有三赤暗。果不誣也。

佛照果禪師謝事法雲居景德寺鐵羅漢院。一日因曬麥次。問百法座主相語曰。禪和家多愛脫空。佛照造前曰。座主會講百法論。是否。座主曰。不敢。佛照曰。昨日雨。今日晴。甚麼法中。取座主無對。佛照以手中爬子打云。莫道禪和家脫空好。座主恚曰。和尚且道。

原本進下
臨人入
十二三
歲

昨日雨。今日晴。甚麼法中。收佛照云。第四十二時分。不相應法中。收座主屈。服妙喜住徑山上堂。拳前因緣乃云。昨日晴。今日雨。時分不相應。三日後看取。慈照聽禪師首山之嗣。咸平中。住襄州石門。一日太守以私意管辱之。謫歸。衆僧迎於道。首座遂前問訊曰。太守無辜屈辱。和尚如此。慈照以手指地曰。平地起骨堆。其地隨指湧一堆土。太守聞之。令人刻去。復湧如初。後竟不意於襄州有僧問。深山巖屋中。還有佛法也。無照云。有。進云。如何。是。深。山。巖。屋。中。佛。法。照云。奇怪。石頭形似虎。火燒松檜勢如龍。無照居士愛其語。而石門錄獨不載。二事皆妙喜親見。無照居士說。

廬山李商老因修造。犯土。舉家病。腫求醫不効。乃淨掃堂宇。背肉各令齋心。焚香誦懺。盛光呪以禳所忤。未滿七日。夜夢白衣老人騎牛在其家。忽地陷旋旋沒去。翌日。大小皆無恙。三誠所感。神速如影響。非解力能如是乎。

願華嚴圓照本禪師之嗣。初因登臺。突遭打破水瓶。

舜老夫住廬山棲賢槐都官守南康因私忿民其在
淨因大覺蓮禪師嘗入舜室聞舜還俗得得遣人取
歸淨因讓正寢以居之自處偏室仁宗數召蓮入
內問道竟不言舜事偶一日嘉王取旨出淨因飯僧
見蓮侍舜之傍甚恭歸奏仁宗召對便殿時富鄭
公爲宰相奏舜被刑不可登對只許朝見仁宗見
之嘆曰道韻奇偉真山林達士乃於巖頭上書云賜

曉舜依舊爲僧。仍賜紫衣銀鉢。孟特旨。再生棲賢。去棲賢。曰。以二莊力昇轎。主羅漢寺。前二力相讓。曰。既不是我院長。老不能遠去。奔轎於途中。而歸。暨舜再來。先令人慰諭。二莊力曰。你當時做得是。但安心。不必疑懼。舜入院上堂。舉頌曰。無端被謫。任遣還。半載有餘。作俗人。今日再歸三峽寺。幾多歡喜。幾多嘆。無盡居士。自左司出守南昌。年飢。乃開東湖以濟民。民困役死無數。時有寂禪師者。吳越錢氏之裔。住上藍。無盡令選一得力行者。取靈遺骸。滿千數。卽與度牒。寂差行者文溫。福州人。操閩音。作詩上無盡。曰。知府左司也大奇。教我東門南門西門北門。取死屍。願左司早入中書。生箇大男兒。更證阿彌多羅三藐三菩提。寂欲橫槌。無盡知之。令人傳語長老行者。詩好。休要打他。

舜老夫。夫一日舉鹽官和尚喚侍者。將犀牛。屬子來侍者曰。屬子破也。鹽官曰。屬子旣破。還我犀牛兒來。侍者無對。舜曰。時當三伏。正須屬子爲侍者。不了事。雖然如是。鹽官太絮。何不大家割捨。侍者當時若見鹽

官道扇子既破還我犀牛兒來便向它道已蠅在墻
墻堆頭了也

◆素尺音通

李康靖公徐州人微時嘗爲豪右門館東道善地理
愛其忠孝直亮以葬地遺之窆其父且謂曰若要身
爲三公卽低其穴若欲世世榮顯可高數赤雖高葬
公亦位至兩府初登第受文信縣主簿所得俸資除
供給家常外唯用教子讀書邯鄲公諱淑時方七歲
眞宗出幸楊內翰億備顧問邯鄲裹幘頭衣綠袍捧
書一封立於橋左眞宗望見令侍衛抱至讀其書
猶疑假手令別作太清橋賦卽於上前跪寫進呈上
大喜楊內翰奏曰此國家祥瑞當爲陛下賀送入館
三遷入翰林前後十六年仁宗惜其才嘗謂侍臣
曰李淑如一枝花恐不耐風霜若令作宰相是速其
死也邯鄲英俊過人數等讀書五行俱下古今罕有
其比名重一時當世鉅公薨背不得邯鄲銘其墓其
子爲不孝康靖後果入兩府今世世食祿於朝家聲
不墜實康靖陰德所致耳

翠巖眞點眉常罵舜老夫說無事禪石霜永和尙令

人傳語眞云舜在洞山悟古鏡因緣如此豈是說無
事禪你罵他自失却一隻眼舜聞之作頌曰雲居不
會禪洗脚上床眠冬瓜直儻侗瓠子曲彎彎永和尙
作頌曰石霜不會禪洗脚上床眠枕头撲落地打破
常住磚舜一日上堂云黃昏後脫襪打睡晨朝起來
旋繫行纏夜來風吹離倒曹請奴子劈篾縛起便下
座

五祖演和尙會中有僧名法閃入室次祖問不與萬
法爲侶者是甚麼人閃云法閃卽不然祖以手指云
住住法閃卽不然作麼生閃於言下有省後至東林
宣秘度和尙室中盡得平實之旨一日持一枝花遶
禪床一匝背手插於香爐上曰和尙且道意作麼生
宣秘累下語閃不諾經兩三月遂問閃曰你試說看
閃曰法閃只將花插香爐上是和尙自疑有甚麼事
圓悟和尙嘗參北鳥崖方禪師佛鑑和尙嘗參東林
宣秘度禪師皆得照覺平實之旨回到五祖室中平
生所得一句用不著久之無契會之緣皆謂五祖強
移換他出不遜語忿然而去祖曰你去遊浙著一頓

◆習忍記音

熱病打時。你方思量我在圓悟到金山。忽染傷寒。困極入重病。閣遂以平日參得底禪。試之無一句得力。追繹五祖之語。乃自誓曰。我病稍間。徑歸五祖去。佛鑑在定慧。亦患傷寒極危。殆圓悟病既愈。經由定慧。拉之同歸。淮西佛鑑尙固執。且令先行。圓悟亟歸。祖山祖喜曰。汝復來耶。卽日參堂。便入侍者寮。經半月。偶陳提刑解印還蜀。過山中。問道。因語話次。祖曰。提刑少年曾讀小艷詩否。詩有兩句。頗相近。頻呼小玉。元無事。只要檀郎認得聲。提刑應諾。祖曰。且子細圓悟。適自外歸。侍立次。問曰。聞和尚舉小艷詩。提刑會麼。祖曰。他只認得聲。圓悟曰。只要檀郎認得聲。他既認得聲。爲甚麼却不是。祖曰。如何是祖師西來意。庭前栢樹子。吟圓悟忽然有省。遽出去。忽見鷄飛上欄干。鼓翅而鳴。復自謂曰。此亦不是聲。遂袖香入室。通所悟。祖曰。此佛祖大事。非小根劣器所能造詣。吾助爾喜。遂引去。遍謂山中耆宿曰。我侍者參得禪也。佛眼和尚在五祖時。圓悟雲臨濟云。第一句薦得堪。與佛祖爲師。第二句薦得堪。與人天爲師。第三句薦

得。自救不了。佛眼一日忽謂圓悟曰。我舉三句。向你以手指曰。此是第二句。第三句已說了。便去。圓悟舉似五祖。祖曰。也好。吟乃辭。五祖參歸宗。眞淨和尚去後。祖謂圓悟曰。歸宗波瀾闊遠。到彼未必相契。未幾。月有書抵圓悟曰。比到歸宗。偶然漏網。聞雪居清首座。作晦堂眞贊曰。聞時富貴。見後貧窮。頗疑著他。友相見。果契合云云。踰年復還。祖山衆請秉拂。却說心性。禪祖曰。遠却如此。說禪也。莫管他。

洪州奉新縣惠安院門臨道左。衲子往還。渤潭黃龍洞山黃蘗。無不經由。偶法席久。虔太守移書寶峯眞淨禪師。命擇人主之。頭首知事耆宿輩皆憚其行時。有淵首座向北人孤硬自立。參晦堂眞淨。實有契悟。處泯泯與衆作息。人無知者。聞頭首知事推免不肯。應命淵曰。眞淨曰。慧淵去得否。眞淨曰。你去得。遂復書舉淵。淵得公文。卽辭去。時湛堂爲座元。問淵曰。公去如何。住持淵曰。某無福。當與一切人結緣。自肩栲栳打街供衆。湛堂曰。須是老兄始得。遂作頌。餞之曰。師入新吳。誘携群有。且收驢脚。先展佛手。指點是非。

分戰好戰。乘殺活。劒作獅子吼。應群生。機開布袋口。撒向南北東西。直教珠回玉走。咸令味已之流。頓出無明窠臼。阿呵呵。見三下三三三。如九祖祖相傳。佛授手。滿住慧安。逐日打化。遇暫到。即請歸院中歇泊。容某歸來。修供養。如此三十五年。風雨不易。鼎新。建佛殿。輪藏。羅漢堂。凡叢林所宜有者。咸備焉。黃龍死心禪師訪之。淵曰。新長老。汝常愛使沒意智。一著子。該抹人。今夜且宿。此待與公理會些細大法門。新憚之。謂侍者曰。這漢是真箇會底。不能與他。斲牙。擊齒。得不若去休。不宿而行。淵終於慧安閣。維後六根不壞者三。獲舍利無數。異香滿室。累月不絕。奉新兵火。殘破無子遺。獨慧安諸殿。巍然猶存。豈非願力成就。神物護持。使不壞耶。今諸方袖手領現。咸受用者。聞淵之風。得不愧於心乎。

呂居仁初筮仕。授楚州鹽城主簿。有謝秀才為診脉。曰。主簿二十年後。有急飢疾。後果如其言。再求之。醫謝曰。雖無害。已醫不得。仍不可服煖藥。常帶餅餌酒。自隨。遷起居舍人。一日登對。次忽飢。即奏曰。臣有

急飢疾。容臣退屏處服藥。上笑許之。

王荊公問真淨和尚曰。諸經皆首標時處。圓覺經獨不然。何也。真淨曰。願乘所演。直示衆生日。用日用現前。不屬古今。今山僧與相公。同入大光明藏。游戲三昧。互為賓主。非關時處。又問。一切衆生。皆證圓覺。而主峯易證。為具謂之譯者。之訛其義。是否。真淨曰。圓覺經。若可易。維摩經亦可易。維摩豈不曰。亦不滅受。而取證。不滅受。證而取證。與皆證之義。亦何異哉。蓋衆生現行無明。即是如來根本大智。主峯之說。非是。荊公脫服。

佛鑑和尚自浙中歸。祖山躊躇不肯掛搭。因悟曰。我與你相別。纔隔月。比今相見。時如何。佛鑑曰。我只疑你這些子。遂參堂。問悟話。問舉東寺和尚。問仰山。汝是甚麼人。山云。廣南人。寺云。我聞廣南有鎮海明珠。曾收得否。山云。敗得。寺云。何不呈似老僧。仰山叉手近前云。慧寂昨到。為山亦被索此珠。直得無言可對。無理可伸。東寺云。譬如蟻與蚊。子眼瞳上作案。向十字街頭大叫云。土曠人稀。相逢者少。謂佛鑑曰。

既云收得遺索此珠時又言無言可對無理可伸是
如何忽一日謂圓悟曰仰山見東寺因緣我有話也
東寺當時只索一顆仰山當下傾一栲栳圓悟深肯
之

法雲果和尚遍歷諸家門庭到圓通瑣道者會中人
室次希趙州問投子大死底人却活時如何投子云
不許夜行投明須到意作麼生果云恩大難酬瑣大
稱賞之後數日舉立僧秉拂機思遲鈍滿堂大笑果
有備色次日堂中特爲大眾茶安茶具在首座案案
上偶茶瓢子落地跳數跳忽悟得答話機鋒迅捷無
敗當者復至圓淨處因看祖師偈云心同虛空界示
等虛空法證得虛空時無是無非法豁然大悟後出
世上堂小參次常謂人曰和尚紹建三年十一月二
十一日悟得方寸禪 詔住法雲開堂日中使捧
御書至要語錄進呈時洪覺範在會下令侍者請來
編語錄云且看老和尚面覺範次呈之讀畢謂曰
若要了生死底禪須還和尚若是攬花籃錦山六文
章閑言長語須是我洪兄始得法雲平生氣吞諸方

孩撫時輩蓋所得有大過人處乃敢爾也

福嚴實和尚東川人初遊方見真如禪師發明正見
在洞山知客寮立僧因語言過失乞退作園頭以贖
其罪真如曰汝薄福事園供衆乃所宜也終二載求
替辭真如要參圓淨五祖去真如曰遍歷諸方元理
還範汝行勿遲直造洞山室中相契圓淨舉衆立
僧久之又至四祖宣和尚會中時時到五祖相見即
勸辯果有過人處五祖謂四祖曰真首座叢林達士
何不舉他首座四祖如其言五祖亦上堂稱其知見
作略有李修撰師長沙四祖以書薦之未幾福嚴直
席平善融復薦之李曰當先應酬四祖但尋書未見
因對客坐次有鼠於架上跑下一軸書送在面前取
視之乃四祖墨寶首座書李與之遂令出院結義
勸潭深和尚河東人圓淨之嗣有侍者偶在知客
寮見掉下火柴頭忽然有省直上方丈遂所悟
出自爾失心引繩於庭壽東司中自縊夜後常在
殿知客寮東司三處出沒或敲鑿或移人鞋履以度
淨水瓶一衆皆之湛堂和尚遊新羅國元首臣聞其

中夜故入延壽堂。束司抽脫壁燈微明。忽然撲滅。方脫衣。悟便提水瓶至湛堂曰。未要且待我脫衣。脫衣罷。接水瓶去。當時悟自縊間。抽脫須臾。又送籌子來洗淨了。喚云。接瓶去。悟纔接。乃捉住摸其手。或似軟。或似硬。問曰。汝是悟侍者麼。汝便是。當時在知客寮。見掉下火柴頭。有悟處底麼。參禪學道。只要知本命元辰下落處。汝在藏殿裏移端首座鞋履。豈不是你當時悟底。又在知客寮移椅子。豈不是當時悟得底。汝每夜在這裏與人提瓶度水。豈不是當時悟得底。因甚不知落處。只在這裏惱亂大眾。我明日勸大眾爲你看藏經裏錢設粥。追悼汝。汝當別求出離。參禪學道。弘揚佛法。不得滯著於此。言訖。乃推一推。如瓦礫塔子。倒索然有聲。由是絕跡。湛堂臂冷如水。踰年月方平復。蓋非人附陰而至。故冷氣侵人如此。許知可毗陵人。嘗獲鄉薦。省闈不利而歸。舟次吳江。平望夜夢白衣人謂之曰。汝無陰德。所以不第。知可曰。某家貧無資。可以遣人白衣者。曰。何不學醫。吾助汝智慧。知可輒寤。思踐其言。果得盧扁之妙。凡有病

者。無問貴賤。診候與藥。不受其直。病者日填門。無不愈者。後舉又中鄉。許赴春官。驪舟平望。夢前白衣人相見。以詩贈之。曰。施醫功普。陳樓間阻。殿上呼驢喚六作。五思之不悟。其意後登第。唱名本第六人。因上名殿試。罷不祿。遂升第五。乃在陳樓之間。方省前詩識也。

佛光無礙禪師。自蘇州承安赴詔。住大相國寺慧林禪院。惠恭皇后嘗於簾下見。登對罷。乘空而去。故日以太官所進御饌供養。復令取禪師所食之餘。遷官又以地錦製法衣。自綴禪牌。賜之以表奉法之誠。冬月賜紅錦帳子。乃至服飾器皿。皆官中所賜。法衣回施法雲佛照禪師。佛照復寄洪州寶峯湛堂和尚書云。地錦法衣與準師。弟行先師之道。湛堂示寂。留鎮山門交割至今。猶存。

照覺禪師。自潞潭移虎溪。乃赴王子淳觀文所請。開堂後百廢具舉。陞堂小參。入室無虛日。常言。梅堂真淨同門諸老。只參得先師禪。不得先師道。蓋照覺只以平常無事。不立知見。解會爲道。更不求妙悟。却將

諸佛諸祖。德山臨濟。曹洞雲門。真實頓悟。見生法門。爲建立楞嚴經中所說山河大地。皆是妙明心中所現物。爲高上語。亦是建立。以古人談玄說妙。爲禪誦。罔先聖靈。譬後昆眼裏無筋皮。下無血之流。隨例顛倒。恬不知覺。真可憐憫。圓覺經云。末世衆生。希望成道。無令求悟。唯益多聞。增長我見。又云。末世衆生。雖求善友。遇邪見者。未得正悟。是則名爲外道。種性邪師。過謬非衆生。答豈虛語耶。

眞淨和尚小參云。今時有一般漢。執个平常心是道。以爲極則。天是天地。是地。山是山水。是水。僧是僧。俗是俗。大盡三十日。小盡二十九。並是依草附木。不知不覺。一向迷將去。忽然問它。我手何以佛手。便道是和尙手。我脚何似驢脚。便道是和尙脚。人人有个生緣。那个是上座。生緣便道某是某州人。是何言歟。且莫錯會。凡百施爲。只要平常一路子。以爲穩當。定將去合將去。更不敢別移一步。怕墮坑落壑。長時一似生盲底人行路。一條拄杖子。寸步拋不得。緊把著。憑將去。晦堂和尚謂學者曰。你去廬山無事。甲裏坐地。

去今得道子孫。冰消瓦解。間有末流。門如死灰。謬云是真難滅。是假易除。信矣哉。

佛照杲禪師。初住歸宗。專精行道。未嘗少懈。深夜修敬。罷坐於僧堂。地爐中忽見二僧入堂。一人厯眉雪頂。一人年少。皆丰彩頎然。杲心喜。自謂曰。我坐下有如此僧。須臾二僧出堂。杲襲其後。見入佛殿中。杲亦隨入。燈影熒煌。爐中尙有火。杲炷香拜佛。二僧復出。亦襲其後。至佛殿前。偶失所在。自念忘却香合在殿內。回身取時。見殿門扁鎖。遂喚直殿行者守。守開門。舜取鎖匙開門。見爐中香煙未散。香合在壁堵上。自不喻其故。妙喜親見佛照說時。守舜在其傍。指以爲證。

大丞相呂公蒙正。洛陽人。微時生緒。牢落大雪。朔月。遍于豪右。少有周急者。作詩其略曰。十謁朱門九不開。滿身風雪却歸來。可想見也。塗中邂逅一僧。其窮窘延之歸寺。給糧與衣。遺鑑遺之。纔經月。又擊磬矣。再謁僧。僧曰。此非久計。可移家屬住寺中。房廊食時。隨衆給齋飯。庶幾可以長久。呂如其言。既不爲衣。

食所折困遂銳意讀書是年應舉獲鄉薦僧買馬雇僕備衣裝津遣入都下省闈中選殿試唱名爲大魁初任西京通判與僧相見如平時挈家赴官終任入館十年遂執政凡遇郊祀所有俸給並寄閣太宗一日問曰卿累經郊祀俸給不請何也對曰臣有私恩未報上詰之遂以實對上歎曰僧中有如此人令具名聞奏賜紫方袍加徽號以旌異之呂計所積俸數萬緡縣西京令僧請上件錢修營寺宇并供僧其寺元是鐵馬營太祖太宗二聖生處太祖朝已建寺其僧乃寺主也太宗別賜錢重建三門賜御書度僧呂公逐日晨興拜佛即祝曰不信二寶者願不生我家願子孫世世食祿於朝外護佛法猶子夷簡申國公每遇元日拜家廟罷即焚香發廣慧蓮禪師書一封申公之子公著亦封申國元日發天衣懷禪師書右承好問元日發圓照本禪師書右承之子用中元日發佛照果禪師書其家世忱信痛敬蓋有自來矣故錄之以警後世云

保寧勇禪師二上足處清虛凝同參白雲端禪師凝

在侍者寮最久端有肅氣疾凝常懷直難以信無時之須端作傳大士講金剛經因緣端曰大士何嘗經講經誌公方便且相成一揮案上都無用直得渠王督眼睛舉謂凝曰督底是甚麼此一句乃爲凝說老婆禪也凝以爲親聞故綴頌下凝後住舒州天柱山清住舒州太平有大機辯五祖演和尚敬長之清住謂凝曰吾弟禪乃姓爲老和尚懷蘆庵換得

政和初間有熊秀才鄱陽人游洪州西山過翠巖時長老諱思文嗣佛印元禪師亦鄱陽人遣二人力擔籃輿至淨相所經林壑陰翳偶見一僧負古拙形眉雪頂編髮爲衣坐於盤石如壁畫佛圖澄之狀能自謂曰今時無這般僧嘗聞亮座主隱于西山疑其猶在出輿跋踏而前問曰莫是亮座主否僧以手向東指能與二力隨手看回頭失僧所在而小雨初歇熊目登石視坐處猶乾躊躇四顧太息曰夙緣不厚遇猶不遇也

渤潭月禪師黃龍南禪師齊名叢林稱南有定力月有辯才常共飯而月卞急一舉而盡飲漱棄去不顧

他人遲速。南慶苦之上。蓋晉禪師月之甥也。待次親目之。告南曰。師伯欲少待。但舉楞嚴一二義。詰之。必忘所食。哀哀不已。南試之。果如晉言。

來山齡。石霜琳久依佛日。才禪師罷參後。同遊上江。至黃檗。見南禪師上堂。小參。琳不論其旨。遂求入室。齡怒之。爛歐一頓。而去。琳後大悟。機鋒脫略。凡說法。頗類真淨。而於真淨不相識。住石霜。以頌送僧見真淨。後句云。懂懂四海參禪者。不到新豐也是疑。

生肇融叔。乃羅什法師之高弟。另四依菩薩。曾問什釋維摩經。至不可思議品。皆闕筆。蓋此境界。非心思口議。遂不能措一詞。如李長者論人華嚴法界。詞分句解。皎如日星。泮然無疑。若非親遇了緣。安能如此。保寧勇禪師。四明人。初更衣。依雪竇明覺禪師問道。雪竇訶為央祥座主。勇不意。堂儀纔滿。即抽單望雪竇。山禮拜。竇曰。我行脚參禪。道價若不過雪竇。定不歸鄉。遂至長沙。雲蓋參見楊歧會和尚。與白雲端和尚為弟兄。後出世住江寧府保寧道場。叢林具如其言。

雲頂山敷禪師開堂日。有樂營將出。問云。一口吸盡西江水。即不問。遂回頭。墻前下馬。云。請和尚吞却。下馬。臺敷展兩手。云。細末。將來樂營。將於言下。有省。懷禪師嘗謂秀圓通曰。元青州慶福建并汝三人。充證吾宗。自餘皆是隨根受道。

須菩提解空第一。生時家室。盡空。世尊纔陞座。須菩提便出。衆云。希有世尊。且道。見箇甚麼道理。便恁麼道。天現菩薩。作無量偈。只贊希有二字。圓悟禪師云。一句是一箇鐵橛。改六祖問應無所住。而生其心。便悟去。

真淨和尚一日告南禪師曰。端和尚頌臨濟三頓棒。因緣與某見處一般。南云。汝如何會他底。淨纔舉。南喝云。端會你不曾。

五祖和尚初參圓照禪師。會盡古今。因緣。唯不會。問與化四方人。而來時如何。化云。打中問底。僧禮拜。化云。與化昨日赴箇村。齋半路。遇一陣卒風。暴雨。却去。禪廟裏。避得過。遂請益圓照。云。此是臨濟下門。風須是問他家兒孫。始得。祖乃參浮山遠和尚。具言。

此公案遠云。我有箇譬喻。你恰似三家村裏賣柴漢。夸一條衝檐了。却問人中書堂。今日商量甚麼事。祖云。恁麼地時。大段未在。遠因謂祖曰。汝來晚矣。老僧年邁耳背。汝可去參箇小長老。乃白雲端和尚。老僧雖不識他。見他頌臨濟三頓棒。因緣見得淨潔。祖遂參白雲。

五祖和尚嘗問白雲。摩尼珠人不識。如來藏裏覓收得。如何是珠。白雲便喝。祖大悟。

五祖和尚既入白雲之室。白雲令山前作磨頭。祖逐年磨下。收糠粃錢。典解出息。雇人工開供外。剩錢入常住。每被人於方丈鬧謔。是非云。磨頭逐日磨下。飲酒食肉。及非所賺。錢將使盡矣。一院紛紜。祖聞之。故買肉沽酒。懸於磨院。以手擲。掄與婦人語笑。無所忌憚。白雲一日喚至方丈。問其故。祖喏喏無他說。白雲劈面掌云。便去。退却。祖色不忤。云。候結了。請人交割。乃作禮而去。次日。至方丈。云。某在磨下沽酒買肉之餘。剩錢三百千。入常住。曰。雲大驚。方知小人嫉忌。時秀圓通作首座。受四面請。即請祖充第一座。及

秀遷住棲賢。祖復繼住四面。

白雲嘗問五祖。僧問洞山。如何是善知識。眼山云。紙撚無油。意作麼生。祖云。無摸索處。後出世住四面。白雲以頌送之。曰。無摸索處。病難除。放下蛇頭。持虎鬚。今日雙泉通一線。好看月上長珊瑚。

五祖和尚云。我這裏禪似個甚麼。如人家會作賊。有一兒既長成。忽自思惟。我爺在時。我爺養家。我爺老後。我却如何養家也。須學個事業。始得。遂白其爺。爺云。好得。一夜引至一富家。穿窬入其宅。開物帛櫃。謂兒曰。你取性入櫃中取物。兒纔入。爺便閉却櫃門。將鎖鎖了。故於廳上敲打。令人家驚覺。乃先尋舊窬而出。其人家起來。點火照上下。果是有賊。然又去了。賊兒在櫃中怪云。我爺何故如此。此正悶悶中。忽得一計。乃作鼠囓聲。其人家使婢點火。開櫃。櫃纔開。賊兒遂縱身突出。吹滅火。推婢倒。急走出。其人家趕至中路。賊兒忽見一井。乃推一巨石投井中。其人家却於井中覓賊。賊兒乃直走歸家。問爺何故鎖我在裏。許爺云。你且休說。你怎生得出。兒具說上事。爺云。你怎麼

地儘做得也

五祖一日謂圓悟曰。你也儘好。只是有些病痛。悟曰。不知有甚麼病。祖曰。禪式多。悟曰。本爲參禪。因甚麼却嫌人說禪。祖曰。但只尋常說話多少。好續有僧問。因甚麼嫌人說禪。祖曰。惡情。悵便是。

圓悟佛鑑。佛眼同在五祖。一日相謂曰。老和尚只是乾曝曝地禪。往往說心說性。不得因請益。佛身無爲。不墮諸數。祖曰。譬如清淨摩尼寶珠。映於五色。色是諸數。摩尼珠是佛身。圓悟謂二老曰。他大段會說我輩說時費力。他只一兩句便了。分明是个老大虫。五祖嘗云。若說心說性。便是惡口。又云。貓有歃血之功。虎有起屍之德。所謂彌耕夫之牛。奪飢人之食。若不如是。盡是弄泥團漢。

佛鑑和尚云。祖師西來。直指人心。見性成佛。如今諸方多是曲指人心。說性成佛。

圓悟和尚未出蜀時。已聞定慧信嗣山文石霜琳禪師名。出蜀聞琳已歸寂。因逗留滬山。真如會中六七輩。遂蹉跎竟不見三大老爲終身之恨。

師初遊方。見宣州明寂紹理禪師。理偏見前輩如琅瑯雪竇。天衣皆承事。請法出世嗣。興教坦和尚。後遷太平州瑞竹。退居西堂。師從之。請益雪竇拈古頌古。理令看因緣。皆要自見。自說不少。假其言語。師洞達先聖之微旨。理嘗稱於衆曰。果必再來人也。復遊鄂州大陽。見元首座洞山微和尚。堅首座微在芙蓉會中。首衆堅爲侍者十餘年。師周旋三公座下甚久而曹洞宗旨者。盡得其趣。授受之際。皆臂香以表不妄。付授師自謂曰。禪有傳授。豈佛祖自證自悟之法。棄之。依湛堂和尚。一日湛堂問曰。你今日鼻孔爲什麼無半邊對曰。寶峯門下湛堂曰。杜撰禪和。又一日於粧十王處問曰。此官人姓甚麼。對曰。姓梁。湛堂以手自摩頭曰。爭奈姓梁底。少个幞頭。對曰。幞頭雖無。鼻孔相似。湛堂曰。杜撰禪和。又看經次。問曰。看甚麼。經對曰。金剛經。湛堂曰。是法平等。無有高下。爲甚麼雲居山高。寶峯山低。對曰。是法平等。無有高下。湛堂曰。你却做得座主。使下湛堂。一日謂師曰。果上座。我這裏禪。你一時理會得也。教你說也。說得教你做拈古。

頑古小參曾說你也做得只是有一件事你還知麼
對曰不知甚麼事湛堂曰你欠田地一解在你不得
這一解我方丈與你說時便有禪纔出方丈便無了
惺惺思量時便有禪纔睡著便無了若如此如何敵
得生死對曰正是某甲疑處後因湛堂疾亟師問曰
和尚若不起此疾教某甲依附誰可以了此大事湛
堂曰有个勤爬子我亦不識他你若見之必能成就
此事若見他了不得便修行去後世出來參禪

師在寶峯時元首座極見喜因請告諸李商老約一
月便歸後四十日方歸元一見遽云噤野了也無常
迅速師不覺汗下

師因讀洞山悟道頌疑有个渠又有个我成甚麼禪
遂請益湛堂云你更舉看師再舉湛堂云你舉也
未會便推出

師因湛堂和尚示寂請洪覺範狀其行實又得兜率
照禪師書爲紹介特往荆南謁無盡居士求塔銘初
見無盡立而問曰公只恁麼著草鞋遠來對曰某數
千里行乞來見相公又問年多少對曰二十四又問

本姓牛年多少對曰兩箇又問甚麼處學得這道理
來對曰今日親見相公無盡笑曰念公遠來且坐
茶罷坐又問遠來有何事師曰澆淳和尚示寂茶罷
目睛牙齒數珠皆不壞得舍利無數山中耆宿皆欲
得相公大手筆作塔銘蓋願後學得得遠來目擊師
聽無盡曰某被罪在此不曾爲人做文字今有一問
問公若道得即做塔銘道不得即與伍貫錢是屬
兜率參禪去師曰請相公問無盡曰聞得進老眼晴
不壞是否師曰是無盡曰我不問這箇眼晴師曰相
公問甚麼眼晴無盡曰金剛眼晴師云若是金剛眼
晴在相公筆頭上無盡曰恁麼則老夫爲他點出光
明令他照天照地去也師曰先師多幸謝相公作塔
銘無盡唯唯而笑

圓悟問師達摩西來將何傳授師云不可道作野狐
精見解又問據虎頭敗虎尾第一句下明宗旨如何
是第一句師云此是第二句

圓悟問師亡僧遷化向甚麼處去師云開寶塔
園悟問師巖頭纔跨德山門便問是凡是聖德山便

喝意作麼生。師云。殺人須是殺人。刀活人須是活人。

劍
僧請益。圓悟僧問。投子如何。是十身調御。投子下禪牀立。又問。凡聖相去幾何。投子下禪牀立。意旨如何。圓悟曰。切忌復請。益師曰。恰好。

師謂趙巨濟曰。老和尚忽退去。後別有人來教你禪。這一轉因緣。怎生會那一轉。又如何。會便將熱屎潑。但記取。

師在雲居作首座。一日到西積莊。遇一僧到從圓通來。云。因看首座頌女子出定話。有箇悟處。特來求首座印證。師云。你去。你去。不是僧。云。某甲未說見處。爲甚麼道不是。師再三搖手。云。你去。不是。不是。其僧憤懣而退。

圓悟一日到首座寮。因說密印長老在金山陞座。乃云。四年前見他。恁麼地。及至來金山陞座。也只恁麼地打一箇回合了。又打一箇回合。只管無收殺。如何爲得人。恰如載一車寶劍。相似將一柄出了。又將一柄出。只要搬盡。若足本分手。段拈得一柄。便教人去。

那裏只管將出來弄。時有僧問得謂師曰。某前日因看他小參語錄。便知此人平昔做得輕膩工夫。所以對衆只要吐盡一段了。又一段不肯休。師云。事不如此。龍王得半盞水。便能興雲吐霧。降注大雨。那裏只管去大海裏覓。謂我有許多水也。又如會相殺底人。持一柄鎗。纔見賊馬。便知那個定是我底。近前一鎗殺了賊。跳上馬背。便教人去。須是怎麼爲人。始得。師因遣火燒簾次。日告香。舉狗子無佛性話。乃云。欲識佛性義。當觀時節。因緣。雲門大誨道。若是得底人。道火何曾燒著口。因作頌曰。趙州狗子無佛性。道火何曾口被燒。昨夜驚然簾上發。南海波斯鼻孔焦。師因舉趙州問僧。近離甚麼處。僧云。雪峰州。云。雪峰有何言句。僧云。雪峰道盡大地是沙門。一隻眼汝等諸人尋常向甚麼處覓。趙州云。汝更回去麼。僧云。即日便行。州云。我寄你个鐵子去。師云。如今諸方商量趙州寄鐵子與雪峯。便道剗却那柄底。當時若道寄个鉢盂去。不知又如何商量。

師因舉雪峯法師云。釋迦掩室於摩竭。淨名杜口於毗

耶須善提唱無說以顯道。釋梵絕聽而雨花斯皆理
爲神御。故口以之而默。豈曰無辯辯所不能言也。師
云。蓋以理爲神御。故不是默。然人多是去這裏死。却
不得活。只得口掛壁上。古人道。依無住本。立一切法。
雲門大師活得便。會道。扇子。踴跳上三十三天。盛著
帝釋鼻孔。東海鯉魚打一棒。雨似盆傾。英蓬頭曾下
四轉語云。釋迦掩室於摩竭。是諸佛無說而說。淨名
杜口於毗耶。是菩薩無說而說。須善提唱無說。以顯
道。是聲聞無說而說。釋梵絕聽。而雨花是凡夫無說
而說。此四轉語在他分上。則盡好。若是爲人。則不得。
李道山剃頭。請小參。山僧亦曾有四轉語。釋迦掩室
於摩竭。喪盡家財。淨名杜口於毗耶。守緊。驢。擬須善
提唱。無說以顯道。把髻投衙。釋梵絕聽。而雨花望空
啓告。

師因舉舊見一老宿上堂云。我在老師會中。得个末
後句。不免布施大衆。良久云。不與萬法爲侶者。是什
麼人。待汝一口吸盡西江水。卽向汝道。便下座。師云。
山僧卽不然。我在老師會中。得个末後句。不免布施。

大衆便下座

師因入室。退謂衆曰。今時兄弟。知見情解。多須要記
閑言長語。來這裏答。大似手中握無價摩尼寶珠。被
人問你。手中是甚麼。却放下了。拈起一个土塊相似。
可煞是癡。若恁麼。參到臘年也。則未省。

師云。如今一般宗師。爲人入室。三五遍。辨白學者。不
出却教他說見處。便問你見處如何。學者云。我見處
說不得。却云。你說不得。我如何見得。你去若恁麼地。
如何爲得人。不見泉。大道到慈明處。云。片雲橫谷口。
遊人何處來。泉云。夜來何處火。燒出古人墳。明云。未
在更道。泉作虎聲。明便打一坐具。泉推明向禪牀上。
明却作虎聲。泉云。我見八十四人。善知識。唯你
繼得臨濟宗風。看他恁麼問答數句。那裏是見他處。
須是如此始得。

師云。我這裏無法與人。只是據款結案。恰似你將得
箇琉璃瓶子來。護惜似箇甚麼。我一見。便與你打破。
你又將得箇摩尼珠來。我與你奪了。你相次只恁麼
來。我又和你一雙手截了。所以臨濟和尚道。逢佛殺。

佛逢祖殺祖逢羅漢殺羅漢你道既稱善知識爲什麼却要殺人且道是甚麼道理

師云如今兄弟做工夫不省者過在於何只爲要去明他只知道恁麼也不得不恁麼也不得恁麼不恁麼揔不得且作麼生明是你將一轉語去明他得麼永明他不得古人忒殺直截自是你不肯去直截處行可謂只爲分明極翻令所得遲

師云山僧待人至誠須是你實質是始得此是一超直入如來地參禪須是直心直行直言直語心言直故終始地位中間永無諸委曲相祖師西來只道直指人心僧問雲門如何是佛門云乾屎橛擬議思量早曲了也而況脫空乎

師云學道人如被人偷却一顆明珠相似須是先捉得賊始得若捉得賊然後緩緩地考將來自然尋得出也

師云你若會去過他万世界更他万世界又他万世

師云我這裏空手只是用你底

師云大凡參禪不必有機鋒便是昔雲蓋智和尚

●世與師問
原本快二十
行字話二十二

道眼明白因太守入山憩談空亭問如何是談空亭智云只是個談空亭太守不喜遂問本慕願本云只將庭說法何用口談空太守乃喜遷本住雲蓋若以本較智則大遠乃知眞實事不可以機鋒取人寶峯元首座亦有道之士答話機鋒鈍覺範號爲元五斗蓋開口取氣炊得五斗米熟方答得一轉語

師云張無盡見兜率悅却譏晦堂有頌曰久響黃龍山裏龍到來只是住山翁須知背觸拳頭外別有靈犀一點通當時諸方莫不嘆服山僧後來見得惜乎無盡已死彼云須知觸背拳頭外別有靈犀一點通若將此頌要見晦堂不亦遠乎

師云山僧在潞潭時未參得禪先會得汾陽十智同眞愛他道面目現在遊作頌曰兎角龜毛眼裏鑽山當面勢崔嵬東西南北無門入曠劫無明當下灰管學似洪覺範覺範歎曰作怪我二十年做工夫只道得到這裏

李參政漢老蔡郎中子應儲大夫彥倫李教授端友一日同會雲門菴因師小參舉趙州栢樹子話有頌

曰庭前栢樹子。今日重新舉打破趙州關。特地尋言。語政問諸人。既是打破趙州關。爲什麼却尋言語。良久云。當初將謂茹長短。燒了元來地不平。李參政聞之。豁然契悟。謂師曰。若無後語。某亦不省。李端友私謂蔡子應儲。彥倫曰。不是李漢老參得禪。乃是李參政參得禪。子應曰。不然。參政公不是三家村裏漢。須是他自肯始得。彥倫曰。子應之言是也。

烏龍長老訪馮濟川。話次。川云。昔有人問泗洲大聖。何姓州云。姓何。又問住何國。土州云。住何國。此意如何。龍云。大聖本不姓何。亦無國土。乃隨緣化度耳。川笑云。大聖姓何。住何國。如是往返數四。遂致書於師。乞爲斷此公案。師云。有六十棒。寄去三十棒。打大聖。當初不合道。姓何三十棒。打馮居士。不合道。大聖決定姓何。若是烏龍長老教他自領出去。師到明月堂。見壁畫枯骨。馮濟川頌云。形骸在此。斯人何在。乃知一靈不屬皮袋。師繼以頌云。卽此骸骨。便是其人。一靈皮袋皮袋一靈。因無礙請師讚法海。眞乃曰。上江老宿。大笑下江。

雲門下却不笑。覺印。蓋他曾見保寧。勇洎眞淨輩。衆秀圓通。曾見舜老夫。浮山遠。所以較別。其餘皆可笑也。蓋法海。圓覺。印覺。印。圓通也。其詞曰。廓圓通門。續雲門。派燕坐。胡牀。虎視百怪。佩毗盧印。摧伏魔外。一句當陽。電光匪快。不動道場。入三昧。贊毀二俱遣。白癡夫。是之謂法海。老人能於一毫端。而遊戲無邊之法界。

大慧普學禪師語錄卷上

大慧普學禪師語錄卷下

李參政跋

妙喜老人。頃由訓徒。凡舉揚次。必引古今異事。欲聞後學之未聞耳。門人覓書草軸。且爲記事。或好事傳于方冊。悉非老人著述之文。以故事無次序。文不飾詞。但一時據實直截明道而已。叢林中不知其詳者。往往以此品藻是非。永炭得失。於戲。今之學者。管天。

蠡海一致於斯。失其真而循其質。却其本而趨其末。誠亦夥矣。殊不知老人初無意於編集文墨。乎予不可默識。謾書於草本之後。辛酉上元日。無住居士李邨書于小溪草堂之上。

張丞相德遠

以大方便護持正法。巍巍實相。迥超生滅。江河洶湧。龍象蹴踏。我觀師容。作如是說。正令既行。天魔落膽。在在處處。法光照曜。有子弗識。謂師立我。看取太虛雷聲。電火沛爲法雨。均受其澤。以是觀師。自他莫隔。法眼傳心。俗眼傳形。惟形與心。二摠非真。要識大慧。青天白雲。

李丞相伯紀

聞佛日之名而未識其面。見佛日之相而未聞其言。心契神交。未識面可也。目擊道存。不聞言可也。如水中月。雖非實見。已有清涼之意。如獅子吼。雖未發聲。已生畏仰之心。自非真是。怎麼人辨。怎麼事。衆所推許。瞻能及此。雖然孤峯頂上。訶佛罵祖。彼佛日也。一

幅丹青。默然無說。此佛日也。孰是孰非。明眼人必有辨之者。咄。

李參政漢老

師之事。園悟如管仲之相齊。一則仲父。二則仲父師之辨邪。正如仲尼之尊周。知我者春秋。罪我者春秋。觀其說法。如雷如霆。要處如約如契。用處如日如月。合處如父如子。故一時英奇博達之士。皆重其道德。而從方外之游。四方羣孔。遼天分座。說法之流。亦服膺而稱弟子。嗚呼。所以起臨濟之正宗。光明盛大於世者。其有以也夫。

圓顯岳。從秀眸電。和氣春融。孤標霜潔。爲法梁樞。作世津筏。人天瞻仰。魔外震懾。更有一句。誰能辯別。道是則瞎。却汝眼道。不是則蹇。却汝舌。普化莫顯。筋斗趙州。休言打殺阿難。迦葉盡攢眉。未了吾今爲君訣。

李參政泰發

往年曾見老維摩。今朝忽著僧衣服。因甚丹青遯不成。只爲從來無面目。

錢參政處和

□□□□□天地不清寧此老滅天下太平好時節
海裏蹺足坐試問有何神通把住驀面便睡擬向金
輪風輪水輪欲界色界無色界東勝身洲西牛貨洲
南瞻部洲北俱盧洲遠天一十八遭尋這般列列罕
罕怪怪奇奇底尊慈元來更無兩箇咄

肚裏無一物眼前空做大座下千餘人從頭都罵過
一期快尊懷惡名遂遠播料想晉唐傳裏必無如是
之高僧景德傳燈錄中豈有這般底達磨英靈衲子
見之好與驀面便睡

馮給事齊川

要識徑山長老強項更無倫匹安却千五百衆常住
元無顆粒若論說禪說道果是縱橫難敵一味性氣
不常佛也理會不出隔江一見便回教保上上大吉
千五百人粥飯頭三百餘州善知識室中用箇竹篋
只要拗曲作直若能當下全提便見佛祖消息信得
及則立地成佛不費纖毫力
箇是徑山和尚道順千般萬樣喜時菩薩不如怒時

脩羅莫況信意七縱八橫一任時人背向虛空尚可
貓遶這漢從來無狀

徐侍郎稚山

世尊梵相不可雕誌公形容不可邈若要脫體渾相
似不用丹青兼斲削此身儼若禪定處又似談空句
非句謾將寫示世間人不如倒行出門去

趙郡王表之

未出頭時籠天蓋地纔垂手處驚天動地家風不尋
常談禪成差異識者望山贊揚疑者謂渠罵詈除非
曾向此山頂上行方解吞聲與飲氣

劉侍郎韶美

平生凌跨佛祖罵得半文不直被人描畫將來一句
何曾道得道不得聽不聞只這些子函蓋乾坤所以
四方學者雲集其門沒計頭處翻轉作視我與此老
素無冤結一回見面眼中釘概不須到處露渠醜拙
河清海晏秋天高誰家甕裏無明月

吳提刑元昭

英氣玉山橫慈容秋月滿道是徑山真謂似砂蒸飯

道非徑山真。夢中還有麵。除非誠心人。是非都不管。
滯貨百千年。秦時轆轤鑽。

重興臨濟正。宗杲柄須還。這漢從來海上橫。行莫怪。
平生擔板我。今隨喜贊揚。要且一期方便。更若回頭。
願渠瞎却天下人眼。

劉侍郎李高

瞿曇係四十九。此傑孫世希有姿。如天人仰如斗七。
十五年獅子吼。接物利生慈父母。寫之丹青傳不朽。

蔡郎中子應

這箇老阿師。平生無所證。面目不足觀。言談非可聽。
偏說大脫空。又愛使心行。攪擾天下叢林。訶罵古今。
賢聖如何當代宗。師却有許多疵病。就中一處可憐。
生解道。狗子無佛性。咄。

張微猷昭遠

稟奔雷掣電之機。負挾山超斗之氣。逢人說妙談玄。
本分全無巴鼻。或時吹沙走石。元來是他遊戲。若還。
不是具眼作家。管取落他這般圈穢。

氣宇軒昂。天資剷削。拔機鋒。雷奔掣電。格外鉗匙。

烹祖烹佛。可憐正法眼。藏向這瞎驢邊。敲。

鄭學士尚明

世道交喪。惡魔王長堯。日掃氣佛。日破妄江湖。亂離。
存脩衰微。師來求人說法。應機人住我去。人去我住。
鷄鸞何求。鷄鸞腐鼠。火種刀耕。若將畢生。水雲無滯。
山海任意。祖摧六宗。師辨正邪。只論一是不問。九家。
居今行古。不存規矩。起廢針育。只令一悟。久參禪子。
來不可磨。裏根服膺。何以使之。少與激發。若活鱗鱗。
放之叢林。莫爾敢遏。宗工大賁。其合也天。不見怒疑。
見之釋然。如休黃蘗。如愈大頭。方來未艾。突矣其傳。
道在論實。不汝競口。分塗揚鑊。各視長久。草偃風馳。
雷轟雨驟。話行不待三十年後。

鄭參議禹功

真箇臨濟兒。孫透徹三玄三句。拈出丹霞。嘆頭江北。
江南獨步。德山歌禾山。鼓雪峯。毬殿頭舞。平地骨堆。
做盡路布。爭如四海一閑人。襟領飄飄。袖輕舉。塞上。
將軍只識彪。辟易方知有真虎。

人言此老喜談禪。此事誰人敢授傳。少室峯前無刺。

語二祖風流遍大千。立雪齊腰茲事見。置明月堂前。又作麼生。熏風時時。今猶昔正。好披襟撫舜絃。

陳通判文仲

偉哉此老。有逼人之風韻。有如王之氣宇。以正知見。主張大法。以大力量。荷擔諸祖。縱口說禪。如雷如霆。恣意罵人。如風如雨。分別邪正。如正人端士。之在廟堂。臨機殺活。如謀臣猛將。之臨行伍。杜撰長老。嫉之如仇。讎本色。稱僧愛之如父母。楊岐一宗。歷五世而光明盛大者。賴此老。以爲法道之主。主其驢蹄。方來鉗鎚。後學道出常情。衆人莫得而擬議者。不過一條黑竹篦子。仁禪仁禪。切須薦取。

傅經幹忠厚

堂堂徑山人。中之傑。舉世背段我。獨面折人。謂汲黯不在朝。列下筆縱橫。雷轟風卷。人謂東坡不在翰苑。我知斯人人。天之師。威武不屈。貧賤不移。蒲團拄杖。笑視軒義。朝賢祭文。

特進尚書右僕射同中書門下平章事兼樞

密使榮國公湯思退

嗚呼道基。竺乾化流。普道世歷七祖。枝分五宗。諸方作者。角立爭雄。逮晦而微。必昌而隆。大哉禪師。佛佛我同。行解相應。人境俱融。仲尼之日。老子之龍。照曜萬里。乘雲馭風。七十五年。法施無窮。震於華夷。仰如衡嵩。果滿緣周。順世而終。人天咨嗟。山林改容。惟師道鑒夙契。宸聰載錫。命書恩殊。禮豐我近。逢師警皆發蒙。亦窺瓦礫。未遊其宮。師遽云亡。今將安從。拘縻朝絳。致奠莫躬。緘詞命友。以紓我悰。師今湛然。常寂光中。生無所著。死亦非空。而我何爲。拳拳于衷。尚享。

降授特進樞密使都督江淮軍馬魏國公張浚

嗚呼我之與師。本自心契。燕語從容。相忘物外。惟師之心。忠孝是依。憂國憂民。不落他岐。孰識眞僧。巧肆中毀。投之嶺隅。快已私意。惟彼太虛。纖塵何污。惟彼眞金。烈火何論。晚歲際遇。本自天理。師不少留。爲之出涕。尚享。

右朝請大夫直敷文閣知臨安軍府事賜紫金魚袋陳輝

佛法淺季。異見相攻。不有傑然。孰振其宗。猗歟大慧。道峻而通孔。老梵粹。內外混融。雄辯俊儀。如河決東。褰裳從之。靡求不供。下動閭里。上傾王公。駟載五十。莫嬰其鋒。晚歸龍井。談笑示終。師豈有逝。道俗所惆。饋奠之薄。聊寫我胷。尚享。

徽猷閣直學士左朝請大夫致仕劉岑

嗚呼大慧。示現於世。說法度人者七十五年。道大執擬。直與古佛黃面瞿曇並驅而齊肩。正法寂寥。誰與扶持。賴吾大慧振起。而復傳道眼如斯人。天歸。向方當一心恃賴。慈護如子念母。如病得藥。如徒得車。如涉得虹。衆生如雲。與師有緣。聽法未厭。云何忽焉。雖聞示寂。尚冀住世。竟不少留。而般涅槃。如師之高生死去。來夢幻泡影。皆示教而設權。天人之姿。今復何在。懷想警歎。猶了了於目前。唯是老朽識師。京都遇之澤木之堂。別之吳山之嶺。屈指于今幾五十年。心眼相照。無復世態爲衆生痛。徒想像於雲筵形。雖已

矣。隨緣赴感。當不離菩提座。而遍於三千大千。寓情斯文。如何可言。尚享。

敷文閣直學士左朝奉大夫提舉江州太平興國宮徐林

正教初傳。一花五葉。結果既成。枝分派別。楊歧正宗。圓悟是嗣。師子窟中。復生師子。哮吼奮迅。震動大千。魔軍潛伏。大用現前。群目瞻仰。噉日中天。師竄衡陽。我遷南土。移書相問。欣然心許。歲在己卯。始覲慈顏。欲傳其心。匪訓以言。款然示寂。返真歸源。雙林滅度。三昧火起。葱嶺西歸。獨存隻履。四衆纏悲。如失怙恃。我之於師。慕戀無已。何以寓哀。薦之明水。尚享。

降授左朝散大夫敷文閣待制江淮都督府

參贊唐文若

嗚呼是本無法。法法相承。得無法。法指空示人。謂菩提印。謂魔王軍。神而明之。萬物俱陳。咸音已前。誰鑒戶牖。迦葉一笑。符契相授。臨濟得師。棄而不守。龍吞鯨擲。意氣無前。反睨其母。慈孝熏然。巍巍堂堂。證大自在。散落語言。傾倒渤澥。爲汝說竟。信受匪親。禮樂

征伐若笑而鬻豈以障故而生怒。噴倒戈仗鉞。悉歸于仁。七十五年。俛仰如是。像教凋落。龍天憔悴。萬世一遇有。大聖人。堯思舜聰。契此道。真隆名。懿號茲焉。寵貴法。既不減。師豈長逝。我念時昔。與師無同。西家之西。東家之東。云何計來。裹飯無及。編曲鼓琴。明月其室。尚享。

左朝奉大夫提舉兩浙東路常平茶鹽公事

聖澤

大士達化理難兩全。或得佛法而無世緣。有據名山。其徒如雲。四衆雖仰。道價蔑聞。備是二者。曷惟導師。我不卽物。物咸從之。豎拂拈槌。訶佛罵祖。聲如雷。寢于東土。縱橫妙用。我不敢知。勢到佛力。尤爲魁奇。紙衣立脫。隱峯倒化。視彼死生。實同晝夜。我瞻徑山。浮圖巍巍。稽首遺範。後學攸歸。尚享。

左朝散大夫充敷文閣待制知福州軍州提

舉學事充福建路安撫使汪應辰

嗚呼臨濟之道。不絕如縷。剽竊神賊。紛紛自街道。不終晦。異人乃現。卓絕之識。縱橫之辯。乘鋒投機。間不

聖澤

容胸嬉笑。怒罵種種。方便如蠶。而雷如悶。而現一聞。正音不墮。邪見七十年間。更閱世變。持此噉噉。付之百鍊。生死亦然。夫豈流轉。我獨何爲。食不能咽。念昔從遊。開我迷眩。我方在朝。移書責善。今無復聞。吾以自。重。跼百舍。敬致茲奠。尚享。

左承議郎充集英殿修撰知平江府提舉學

事張孝祥

惟師道大德。脩爲人天師。細入微塵。妙周沙界。無呼不在。一以貫之言。語贊揚。其則彌遠。雙林告變。隻履云歸。海斷慈梁。人剽慧目。性路誰開。佛燈永滅。像法之替。夫孰不悲。孝祥辱登師門。見謂可教。一言之誨。鍼癰起死。仲夏委書。曰將來臨。日聽聖音。適以計至。惟日在天。人有明晦。我常與師。起居飲食。師存師亡。彼見如此。我辭薦羞。亦以彼故。尚享。

右朝議大夫直敷文閣新知鄂州兼管內安

撫使方滋

惟師妙辯。無方英標。間出承湛堂之三。曉文承。既彰契。圓悟之一言。靈光洞耀。德馨喧騰。於四海。禪徒奔

走於諸方。雖風波嘗不測之淵。然松栢凜後凋之節。言不可已。存記載以不遺。道常無名。非贊歎之可及。俯念衰傭之迹。夙論道義之交。記倒屣之云。初辱持孟而惠顧。過門頂謁。荐登衡嶽之蓮。蘆易地相忘。屢枉程江之書札。迫來歸於吳越。曾何間於歲時。獨無龐蘊之機緣。可入終南之閭奧。亦乃循誘鈍根之士。昭垂法語之言。中視歆然。愛忘厚矣。驚傳計問。越在客塗。想靈塔之已成。哭虛堂而無路。宗門閤建。觀隆棟之忽傾。苦海橫流。失慈航而安濟。肅陳薄供。聊寄私衷。尚享。

右奉直大夫直秘閣易

惟師昔以道法鳴於東南。領袖萬僧。聲名彌天。雖釋其衣而心實儒。貫穿百家。氣雄萬夫。以言近世。一跌幾年。生死窮達。如不動山。雖困其身。道則愈明。四海導師。斗南一人。昔寓衡嶽。時始見師。一見如舊。曾襟坦夷。生平自念。所遇孔艱。深中厚外。其徒實繁。與師一語。目明心開。西來妙旨。雖未究該。而其大節。荷師深知。今則已矣。誰其告之。嗚呼。子方病歸。幾臥九泉。

僧悅忽來報師之遷。捐枕失聲。揮涕咨嗟。知幾百歲復生。師耶。師固超然。我心則勤。此一瓣香。非師莫陳。洋洋湘江。萬折必東。我之懷師。豈有窮哉。尚享。

左朝奉大夫主管台州崇道觀黃鉞

堂堂惟師。道大如天。徒知其高。孰見其全。出現於世。聲震大千。奔走四方。釋縛解纏。王公大人。服膺拳拳。晚契皇明。恩旨屢宣。寶墨昭回。照耀林泉。万期入對。疏闕道源。師乎不留。遽順世緣。苦海茫茫。喪大法。紅正宗。淡薄君子憂焉。鉞識師晚。向獲周旋。疇昔之別。忽復累年。往見不能。俗慮所牽。書來自夏。計問忽傳。驚惶失聲。徒爾潛然。師如寶月。歷劫長圓。東升西沉。晝夜豈偏。此清淨輪。寧有變遷。緘詞千里。姑以告虔。山川雖隔。師常現前。尚享。

右朝散郎試將作監李端民

嗚呼。臨濟大用。楊岐正脉。不有偉人。孰探其頤。堂堂禪師。釋門標的。落髮受具。龍蛇混迹。周游四方。如玉蘊石。一見圓悟。機緣相直。狗子佛性。會其有極。全體現前。心融形釋。匪圈金剛。匪蓬栗棘。昔也黯黯。青天。

白日昔也鈍滯電光霹靂靈靈細碎窠白綿密光明
普照洞然明白宗風既振大闡法席坐斷雙徑魔外
辟易正令方行盡掃螭蟻彼何人斯乃俾遷斥投荒
萬里黃茅絕域身雖可抑其道不忒挈包來歸了無
一物 大君有命育王振錫學徒奔湊亘于阡陌旋
歸徑山坦塗再闢謂言住世永紹正嫡云胡不淑西
歸履隻嗚呼哀哉著舊凋零正音孤寂風穴之後石
腸鐵脊一朝去此悲慟奚益慨念晚歲盡夷畛域豈
莠之茂公亦匪斥縱心而行刊落餘癖浮誇川流往
往疑惑醴鷄夏虫有言昔昔豈識大慧一味眞實惟
彼至人本無欣感生非吾作死非吾息或是或非凡
情孰識逆行順行天亦莫測若毀若贊彼自揀擇嗚
呼哀哉惟我支離久仰名德中間相望雲海瀟灑豈
意東越獲拜履舄敘述曠昔情同莫逆竭來行朝會
面促膝出入四載俗累縈迫夢想名山跬步間隔時
因西風間奉書尺繼聞公病憂懣懣猶冀勿藥言
笑之適翩然告逝闕此和璧龍象既往憂心如怒法
乳其瘠慧峯其渤孰與揮斤以斲郢質側聞靈骨塔

廟奕奕臨風愴恨垂天闔翼虔修清供以寓痛盡焚
香遣价觀縷敘述用致神交傾寫膏臆明靈昭然鑒
于願力庶供善來以慰心惻嗚呼哀哉伏惟尚享

右監門衛大將軍昌州防禦使提舉佑神觀
趙不敏

嗚呼我未識師仰師之高每虞先願畢世莫交乃既
一見領略音旨脫座春容心目兩契師亦印可容我
入室呵呵大笑去礙膺物我實鄙鈍賴師發蒙際異
未幾拳拳于中此遭非辜自救不暇忽聞貽寂莫造
几下歲時晚晚人物眇然臨文哽塞老淚如川尙享

右奉議郎知臨安府臨安縣主管學事勸農

公事賜緋魚袋張巨卿

右修職郎臨安縣主簿莫海

右修職郎臨安縣尉周友諒

惟師警悟之識英特之資禪門棟榦後學宗師三昧
六通萬轍千歧如摩尼珠隨物應之詞鋒穎利觸處
投機破迷釋縛渙釋群疑酌而不竭用無盡時如東
海洋莫能測之淺識邪見人各異師執文害意泥矩

循規磨礪未悟卓錫何爲法雨普施一洗空之中遭
譴斥瘴嶺嶮巖一身間關萬里奔馳折而不撓恬然
自怡定力嶽峙孰可沮之能仁舊隱綱領荐持爰膺
宸命俯慰人思神龍助供草木生輝四方龍象驛然
從之維摩示病退息隨宜一彈指頃隻履西歸邈焉
逝矣我心則悲薄莫致誠庶幾鑒之尙享

右修職郎權臨安府觀察判官羅公旦

嗚呼哀哉師肩無意於茲世耶抑佛祖之道富平沈
而莫之繼耶何一病遽蛻人天欲挽而不可冀也師
之春秋七十有五不可謂不壽而大法所係學者宗
仰雖百年而猶未慰也自臨濟以來顯道設教者不
知其幾而光明俊偉未有如師之比也方其首衆京
師結菴洋嶼頭角未露於諸方靈震已驚於群耳蓋
師之所得盡先聖之淵秘而材力雄健又有絕乎其
類者矣觀其開闢道奧論議駁發浩乎如河海之莫
際及夫戲弄翰墨一落千字并孔老以爲言混三教
而一致世皆稱師聰明之過人博聞而強記而不知
此皆其細也握千聖之要機揭明鑑而洞視自凡學

道之徒有過乎前者不待片辭之徒而淺深洪纖皆
得其肝肺則師之服人有前輩之所未至故一時震
動四方響應魁不羣之士悉雲赴而川會一登鄧
嶺兩主徑山擢衣於座下者率二萬指名聲登微於
九重而王公以下莫不欽衽而欽事昔其未見於世
也衆欲正其師位而其得罪遷徙也日夜望其復歸
歸而既老矣羸癯影從者視所之而輒詣及其謝病
退臥而衆環繞弗散者猶幸其一言之誨嗚呼孰知
奄兮忽焉而不復見也法鼓晨裂流星夜墜刻尺紙
以上奏即吉祥而馳逝我生不淑習業蒙翳疏導
洗滌惟師之特今師已矣野干亂鳴蛙蠹嘈雜將何
所而止戾也薄莫敬陳繼以雪涕非獨悼一己之曷
從蓋將爲天下學者畏也尙享

左承直郎添差臨安府觀察判官王明登

惟師道滿四海萬禱一師坐斷今古不留一絲昭然
若揭日月而行而示人以不疑浩乎猶河漢之無極
而人莫測其涯所以能續佛命脉而起臨濟於中微
師今云亡天人嚙依聞者見者亦孔之悲嗚呼住也

無住去也何爲師於中間湛然不移嗟予小子器淺識卑。與其進不以遐遺修敬覺靈亦既後時滄若以莫姑寫我思尙享

清淨居士李琛

惟師道大德備識明行潔赫赫若大霆震一世皎皎若碧潭瑩秋月視生死如去來括造化於筆舌眞所謂臨濟之宗師佛乘之人傑也嗚呼予與師衡陽之相逢屢奉於從容握手露情實同契開心胷昭然發蔀屋而視光輝洒然執熱惱而濯清風歲在辛巳之春晚振錫凌空於陽羨予適值於造朝偶參差於一面迄偵伺以言還遂欣欣而獲見方將拔我於流俗之中慰我於生平之願夫何尺書遠寄九祖下被丹青儼然偈言疏示稠封而來足以見意遺墨未乾遽爾長逝感德惟勤豈不與涕謂師之亡神怪茫茫謂師之存白壁無痕或隱或顯其道彌尊聖金鎖而碎玄關取劍鈍而掩昆崙琛也辱在交舊輒致其勤備潔誠而盡意庶不忘於妙喜老人嗚呼哀哉伏惟尙享

淨智居士黃文昌

嗚呼我生遠方俗學所蔽區區見聞惟執文字役役世塗莫匪聲利不聞師名況復法味頗疑曩劫曾預佛記深禪妙句時感夢寐癸酉仲夏一病幾躋悚然驚悟回向眞諦始知有師道滿天地其後三載實始相值初瞻相好生大欣慰無怒一機偶發妙契師笑謂我何從得是勉哉弗媿成就法器闔宗歸仰父子兄弟下及兒童奔走承事師適長沙執別蕭寺我既潛然師亦出涕云何導師未免情累乃知緣會非止一世師居徑山我亦三至今春之來乃獲給侍師不少留泊然而逝純陀後供我則無愧結集法藏久出師意敢有不敬以貢大施師之道德本不容議或贊或毀空中飛蚋去來生滅非一非二我獨何爲感歎歔歔邪見崢嶸正宗凋弊臨濟法道寂寥誰寄唯是之憂日墮清淚尙享

無住居士袁祖嚴

嗚呼天地雖大有形斯彰日月雖明有數可量惟我大慧孰爲乎万若其有陳爲謗之端往歲瞻禮寓于

四安親授法語。盡平生歡。豈期道誨遠成。永訣波旬外道。罔不欣悅。從渠喧囂。如湯沃雪。孰知我師不用言說。本自無生。今則何滅。四方有知。涕淚哽噎。引脰長號。饋奠以別。尙享。

右修職郎新洪州司法參軍王中復

嗚呼極天下之明。不足以窺師之道。妙盡天下之口。不足以言師之盛德。其所以粗見於世者。至仁之功。如慈蔭妙雲。混元氣而覆三界。無礙之辯。如天潢之水。決萬仞而經九域。賢愚由是以知歸。狐狸於焉而屏息。方其身蹈世網。竄流夷貊。不陋而居。至者猶識彼魔。方熾執戰而克。萬里生還。槁項黃馘。

帝衷簡在。天章屢錫。寵以嘉號。麻光赫奕。歸老林泉。爲世所式。胡不百年。以休南國。嗚呼生死。去來雖如昨。夢在師處之固已無憾。其所可惜者。季世末學。將無所憑依。使野干夜號。正道滅熄。墮塗不見斗極。嗚呼哀哉。中復二十餘年。辱知甚厚。不鄙其愚。推挽是力。三年薄領。調官北來。登山頂謁。晝談至夕。約我西歸。從容數日。豈期三月遽返。而寂悵音容之

莫追歎山川之改色。陳薄奠以薦誠。寫忱辭之萬一。尙享。

左文林郎常州軍事判官趙文恪

惟師道尊。一代提法之宗。拔邪歸正。佛者知從教。闡宇內。罔不師崇。名起如日。破驚愚蒙。實大聲聞。達天之聰。大慧錫號。允諸僉同。百世之下。聞者嚮風。文恪久奉周旋。辱不鄙庸。知愛特至。洞察心胷。師去莫留。我念無窮。言雖在耳。曷瞻其容。徑縛于遠。修祭阻躬。覺靈不泯。領此素衷。尙享。

左文林郎充江淮都督府淮倫差遣蔡頤

嗚呼道有正傳。法無輕付。不落言詮。悉由心悟。死爲可樂。生也有涯。作如是觀。所見則差。惟大慧師。絕離倫類。晝夜晦明。混融一致。去來自我。戒定俱捐。闔廣湖江。身百億千。念昔先人。參同默契。時出禪機。與師游戲。我之識師。實自孩童。首辱受記。將謂擊蒙。乃者謁師于鄭之水。撞鐘迎門。萬二千指。昨秋邂逅西湖之山。豈意此別。終焉莫還。方外所期。曷悲永訣。有志于茲。疑將誰決。紛紛邪解。亦謂宗師。臨濟餘風。絲茲

懼衰不有克家孰能振起諸見掃除請從今始師雖往矣師則長存敢不歸依以實斯言尙享

右通直郎充江淮都督府幹辦公事羅博文

嗚呼楊岐之旨四葉而得園悟已大其門而起其宗矣五葉得師而其法益光明盛大惟師具襟迦維眼用劍鋒上事踏翻小艷之章透出薰風之句縱橫妙用卷舒自由如臨濟德山大機大用訶佛罵祖坐斷諸方於一竹篋頭鍛煉百千弟子隨其根器各得受用諸多上足皆叢林之樞柁法筵之龍象門庭之盛儼然如馬祖雪峯之當年也博文早服高風願扣茲事纔通消息許以針芥且言已發決定之志他日聚頭必無疑也師由回鴈復遷程江間關歲月始得南歸負笈謁師由杭走明乃獲相見於鄧峯之下以踐前言一聞法語即契初心然後知先覺之不吾欺則師於我實有解黏釋縛抽釘拔楔之力也唯當拗折竹筴如燒禪板庶可少報不爲我說破之恩耳得師遺墨豈勝愴然屬以王事遠適潁川哭師龍山阻造塔前迨乎歲晚始返淮塹謹遣伊蒲之供遙瞻雙徑

之巔嗟法幢之忽仆念祖道之難傳得法眼者可不著鞭惟靈光之不昧鑒誠欵之勤拳尙享

右通直郎知潭州安化縣事賜緋魚袋向

嗚呼我生雖後尙及老成惟師妙喜百世一人人天所宗如龍鳳麟方袍圓襴此特其形通萬物於一理孰知其真潯自幼歲已聞師名見師宜春如觀景星師曰可教朝夕是親以訓以誘以規之箴凡二十年幾登師門荷師不久而登勤願其鈍根頑冥弗靈不足以承師之誨而徒存此心今師往矣山摧川湮此道此法誰與主盟潯也無似身方埃塵聞師順寂失箸悲驚嗟太山之安仰歎此志之不伸嗚呼窮通離合去來死生師之視此如夕與晨潯復何言區區此情彈指東望爲師具陳情不自已師無我嗔嗚呼哀哉伏惟尙享

右奉議郎監行在左藏南庫路

惟師天之秀靈道之軌範以達磨法髓起臨濟宗風直截示人纖塵不立一有得者望而知之自古以來至今未見方羣生之咸賴何法梁之遽摧所謂師之

存也。於其可見之時。當見其不可見者。所謂師之亡也。於其不可見之時。當見其必可見者。乃知師非存亡之所能繫也。某夙承師訓。蒙獎提爲最。今也咫尺執掌。是拘爲此道。以興悲奉深心。以爲報伏惟尙享。

右迪功郎監潭州南嶽廟張伯厚

制行卓絕。處已剛方。其心金石。其操冰霜。早悟法眼。聲名四揚。空門領袖。學者梯航。曩自臨安。與先子游。匪勢利交。實臭味投。道同德合。情意綢繆。一罹讒網。同膺禍尤。安之若命。曾不爲憂。雖在貶所。書問相周。迨其俱還。契好愈休。先子早世。師爲痛苦。既致莫禮。又臨柩所。恤亡念存。德莫比數。恩懷于衷。圖報自許。師今云亡。一毫莫補。凶計遽聞。悲極肺腑。師之無恙。遠近是依。師既逝矣。人誰適歸。彼蒼者天。胡不憖遺。菲禮致勤。師其或知尙享。

左朝散郎直秘閣潼川府路提點刑獄公事

賜紫金魚袋何麒

咄大慧師肉骨身。無盡老佛雲門僧。作小閨梨已英。靈圓顧出世諸方。驚振海潮音爲發。噴自謂佛日開。

曾爲手書誤

群盲倒推臨濟拖雲門。踢翻晦堂喝東林。我爲童子居蠻荆。立老佛傍識其人。劫火熾然無不壞。師見我文張口駭。向道元來無盡在此。語示人當再拜。龍象奔騰越天海。末法禪和多蝦蟇。謂師不滅固捏怪。喚作師亡亦癡騷。二乘住世名應眞。捨死移生爲大乘。太虛不沒師長存。慧日杲杲元光明。

右承務郎守太府寺丞王之奇

嗚呼之奇。癸未窮臘有峴首之役。道經玉泉。見住持僧云。道顏西邇。且報佛日禪師下世。慨然悲愴。移日之奇初識師梅陽同憂患。四年久久相敬愛。不衰然窮冬盛夏團爐納涼談古今。論人物無一日不相從。及乎分首猶眷眷不忘。後雖再會徑山及輦下。亦猶前日。但各以事牽不如曩日之欸也。惟禪師津梁法海爲禪之宗盟。雖三尺童子皆能言之。然之奇迂疎未嘗及此。不敢妄議。惟公英明剛果出於天資。少日從諸大老游。能道前言往行。豐臺可聽。故下視後進學士大夫。又賦性狷急。故不相知者以不遜加之。嗟乎盛名之下難居。況以方內之事實。方外之人乎公。

名既爲天亦有疑似之謗。但之奇四年之中。款接既久。觀公細行。所謂瞿曇氏之戒者。則無毫髮遺恨。公今往矣。姑以平昔相與之義及世人所未知者。筆於紙而莫之不復爲世俗禮香茶蜜炬。亦徐孺子生葛之義也。尙享

僑與

佛日大慧普覺禪師游逾三紀矣。忽聞圓寂。不勝悲愴。天下獨步宗師云亡。孰不歎惜。自惟衰耄屏跡海濱。莫遑躬致茶果之奠。聊賦詩一首以寫我心云爾。一眞居士莫儔

竹筴常握振宗風。妙喜橫行四海中。喬嶽下覽衆山小。眞龍盡洗凡馬空。名標普覺白日並。塔曜寶光祥霽籠。居士幽棲身懶動。遙瞻明月恨何窮。

雙槐居士鄭績隆興改元十月九日致薄祭于大慧普覺禪師塔前。遂作五偈以道追慕之情

嶺外歸來又八年。舌頭無骨口翻鱗。有時穿透九流去。湧出楊岐頂額禪。

句裏呈機也。大奇箇中消息。不思議只緣心地明。如日識得飛龍或躍時。明月堂前月色新。青山過雨絕纖塵。松風淒斷碧雲合。不見堂中舊主人。殿角生涼得力句。縱說橫說河沙數。如今木倒藤亦枯。且道句歸何處去。八月十日五更鐘。吹毛用了匣藏鋒。想當殺活自由處。不羨沙場定遠功。

釋音

蝨莫交切 蝨徒得切 頤音盧 瘞於井切 嚇呼緣切 鑊音鹿 覲音鹿
奴見切 地徐也切 飲胡威切 剿正妙切 暗將吉切 怒奴歷切 偷音
余畫切 觀力和切 黃魯當切 莠音西切 潘余律切 鄧音
莫侯切 暑力水切 電音 姪他侯切 潛所姦切 熄音息 忱氏切
樓步遠切 棹汝鹽切 笈音 曉於阮切 愁魚觀切

讀方外道友

紫巖居士畫像讚并序

士君子學先王之道。必由孝敬忠信而入。雖曰未至。亦足以聳動時聽。誇示後來。予欲拔其尤揚於世。以厚風俗。捨紫巖而誰初。識公於京師時。爲奉常簿。公務之暇。來從園悟老人遊。神澄而量洪。志堅而氣正。目不妄視。心無他緣。非聖人之言不發。於口明靜淵默。淡然如止水。之不搖。未嘗謔浪笑。傲蓋天資也。後十五年。再會於吳之四安。時公身已貴名已大。功業以成。而明靜淵默與昔無異焉。又三年。予得譴來衡陽。公亦退身奉母太夫人。居長沙新第。名其堂曰盡心。蓋盡其心以事親而食息不忘於君。顯忠孝一而不偏也。孟子曰。盡其心者。知其性也。知其性則知天矣。存其心養其性。所以事天也。予曰。性者天性也。養性以事天。則不忘本也。公之盡心。苟異是說。非予所知也。衡陽廖侯繪公像來求予。讚予與公有方外之契。義不可辭。謹叙其略爲作讚曰。

偉哉紫巖昭代著龜。垂神天朝。恢張羽翼。功成歸休。韜藏光輝。自專一壑。甘旨庭闈。盡人子之心。以事其親。而造次必備。盡臣子之心。以報吾君。而顛沛罔欺。夫是之謂孝敬忠信之道。進退躬行而不息。深入淨名之不二者也。

侍郎胡公明仲畫像讚

剛健純粹。風度凝遠。弟昆王謝而不逸也。窮理盡性。得聖人之精微。心了其妙也。藏光匿德而不忘吾君。効葵傾於曜靈也。見義便爲。若迅雷之破巨石。仁者之勇也。攘斥瞿曇。綏除老氏。疏通闕里之正脉也。吞濤江藏五湖內。太虛其量綽然而有餘也。卽此而見之。歟。捨此而見之。歟。具眼者其鑒諸。

游運幹蕭卿畫像讚

揮袖拖筇。行而匪步。如春在花。粹然如煦。筆端風生。揮掃塵霧。是蕭卿耶。孰好非蕭卿耶。孰惡是非好惡俱不足。以私是公。唯疲癯之嘆喜而暴貪之吏懼。斯可以爲大君子之擇。

安撫劉公方明畫像讚

長沙開福宜禪師知妙喜與寶文公有一日之雅
遺僧惟覺持此像來衡陽求讚不得而辭爲之讚
曰

氣吐虹霓粹然平易袖活國已驗之方抱廊廡大成
之器筆端語言胥次忠義致吾君於四三王而六
五帝是皆韓吏部數百年遺風餘烈觀斯人而知斯
文之不墜

直閣向公宣卿畫像讚并序

公之學聖人也非誦其言而求其名稱者也臨大
節而不可奪而已公之爲政也非苛察而姦慝爲
之黜落者非使之然者也謂職分當然而身正而
已公之介廉非著意以矯世而効伯夷之清者也
於道不苟而已公之明白也非循私而取與若日
月之晝夜者也善善惡惡而已公之爲文也非鉤
章棘句而務華忘實者也落筆遺辭而盡意之所
欲言而已公之施設也非能捧土而塞飛湍之瀑
流者也行其義之可行止其義之可止而已然爲
學爲政介廉明白文章施設皆可得而形容若其

精義入神窮神知化居一室而發樞機於千里之
外善應而動天地者不可得而形容也予以是故
作公之讚而重其詞曰

頤然向公岌岌堂堂烈如夏日嚴如秋霜至剛而柔
至柔而剛孰謂却物能圓能方以是而見有而非有
郢匠揮鐮徒誇好手明鏡當軒孰逃妍醜賢德賢業
可大可久

又野服像讚并序

予罪居衡陽閱三載聞公守衡蒞政泊平昔出處
大略於衡民遇節必立應機必斷推經旨以行己
本仁義以及物事無大小剖判是非罔有顛倒公
以爲是則盡寰宇之口以非之而終不能非公之
是公以爲非則盡寰宇之口以是之而不能是公
之非故能活己卯歲之飢民數萬於垂死至今衡
民以吾父稱之則知公行己及物居是非之間無
遺恨矣衡民繪公像建生祠於青草野寺以奉香
火予因觀其像而作讚以慰衡民戀德之心而丹
青匪妙略無彷彿公之猶子深之出此本相示少

分似之予亟呼畫工。摸而易之以冠裳。書前讀於其上。以歸深之。抑留此本爲林下道伴。復作讀曰。野服幅巾而藏用於山林。兮。訥如也。分虎符爲眞明。洪道衛陽之守。兮。鑑如也。受命於急難之間。而袒肩荷負。兮。岳如也。正法奉公。以禦吏而柔明。兮。水如也。坐霜臺。掃險健之訟。而空囹圄於太湖之陽。兮。電如也。前讀未盡公之德。兮。今讀亦聊復爾耳。知公者。誰雲門村叟而已。

峴山居士徐顯謨畫像讚

我欲讀此公。此公不受讀。又欲痛罵之。亦復無可罵。讀之與罵之一筆且勾下。或曰。如水之清潔高廉聰。識通朗。與夫徐孺子郭林宗之流。又何以異哉。妙喜聞之而笑謂之曰。是亦跌蕩放言高談無畔岸。傲世之匹夫何足擬公。而嘆訝耶。其可責者。目送歸鴻。氣橫雲漢。自言不斷姪怒癡。而亦不與之俱。只這如意摩尼。畢竟無人耐。價且道。這一絡索。是讚耶。是罵耶。苟或於此狐疑。一任妍窮周易。遍推六十四卦。

同前

釋迦演化西竺。乾助揚金粟。何巍然達磨來茲東震旦。亦有龐老扶其顛。翻思命世寧乏賢。峴山居士超塵緣。一言定當諸佛祖。與二大士相摩肩。彼也此也有殊異。證也徹也無後先。太虛不受頤陸筆。火聚那容蚊蚋延。丹青一幅心手妙。卓犖氣宇凌雲煙。未是此公眞面目。更觀皎月凝秋天。

張徹猷昭遠畫像讚

悟徹諸法無我。果於諸法自在。談笑出入生死。敢與諸塵作對。世出世間大丈夫。一擊鐵圍百雜碎。

覺明居士夏運使畫像讚

覺明明妙處。不留元字脚。佛祖出頭來。一時都掃却。沒人情有禮樂。鐵脊梁硬。嚙堪任荷擔。這一著妙喜恁麼差。排大似助桀爲虐。

向侍郎畫像讚

佛道魔道兩俱掃。世出世間亦虛閑。箇是塵中了事。漢涅槃生死不相干。

劉通判彥冲畫像讚

財色功名一刀兩段。立地成佛。須是這漢。

郭縣丞畫像讚

神情淡然風骨粹然袖手儼然如春在花如意在絃如水在川文章事業遇物發宜晉而不偏夫是之謂二十四考中書令之遠孫雖我不負丞而無丞負予之歎者也

徐和仲畫像讚

神清而和氣勁而許文武雙資大巧若拙奉公勤廉賦性介潔於朋友信而誠可以託生死然頭戴碁盤好爲面折似虛舟而觸物若霜風而掃熱是讚耶是毀耶妙喜觀徐和仲之畫像掇筆代渠作如是說

徐明叔畫像讚

樸口秀目無依無欲落筆遣詞神驚鬼哭心造玄微如石藏玉勁氣橫秋不可攬觸還見麼夫是之謂徐明叔

同前

鷄籠山下滴瀝水邊燕窠城裏生得箇徐明叔不學瞿曇不學老聃不學孔丘而瞿曇老聃孔丘所有底悉自具足野服幅巾撐七尺之霜筇與張晚李細錢

嫩半醒半醉似利刀斫貓兒頭竹奇哉妙哉汪哉洋哉何莫由斯哉而乎文郁郁若道渠儂自有官業能書解篆吾說是人生身陷入阿鼻地獄

李總幹畫像讚

氣勁而和於物無忤內方外圓清簡儉素與朋友交也誠而謙奉公無私也勤而廉天不祐善若人云亡士林凋喪孰不感傷吾是觀斯像而作此讚乃公之實錄也可與日月而爭光

路檢法畫像讚

不斷煩惱入涅槃不離俗諦談真諦精金百煉出爐冶豈畏重將烈火試人言此乃如一公我道渠非渠卽是等閑步武清風生掃盡士林寒乞氣

本閑居士畫像讚

天邊月白本來白林下風清元自清幾人到此昏昏醉只有渠儂獨自醒因且莫強塗糊渠本不如此識之者是箇沒妻子底龐居士不識者乃無人情底王蠻子

榮侍郎畫像讚

謂渠似維摩耶。無佛病法病。謂渠似龐公耶。有男婚女嫁。超然透過兩翁畢。竟二邊俱化。夫是之謂榮二脚袖手。儼然神情閑暇者也。

方經略敷文畫像讚

岌岌堂堂七尺軀。無心合道暗相符。針鋒頭上天關透。世出世間真丈夫。

無相居士畫像讚

渾鋼打就脊梁骨。磊落塵中過量人。一去萬牛挽不住。箇是渠儂身內身。

太虛居士畫像讚

神清徹骨氣和如。春葦不入口酒不濡唇。正倫何也。太虛無雲。或謂妙喜。讀者爲誰。曰無相居士克家之子。忠孝兩全。底鄧伯壽之真。

趙觀察畫像讚

世味淡薄靈龜五。臧併臧其一鋒穎。莫當造次必於是。訓子以義。方輶袖携筇。步武頎然岌岌。堂堂是謂士林堅好木。乃釋門外護之金湯。

蘇知縣甫明畫像讚

棋口秀目心清寡。欲爲政不苟姦。蠹潛蚘我說是言。如響應谷。觀者譁曰。明甫實錄。

孟監場異夫畫像讚

手搗燕壁目送雲鴻。傲睨萬物之表。了無餘事於胃中。夫是之謂孟異夫。乃姚江之陶朱公。

徐御藥畫像讚

徐御藥畫像讚。看觀居士。頎然七尺大丈夫。胃次廓然如太虛。審觀名實兩相稱。堪與人間作畫圖。

歐陽總幹畫像讚

採石江邊李謫仙。醉中擎月上青天。今觀此士亦如然。飲酒一斗詩百篇。

張都監畫像讚

忠義果敢世無敵。鐵騎橫衝百萬兵。慣從五鳳樓前過。手握金鞭賀太平。

李光祖畫像讚

胃次坦夷仁義以字養之。體涉風素清癯髯以資之。爲政禦吏髮櫛而苗嫗之。於道不苟篤信而躬行之。夫是之謂李光祖。佩絃千百而愈緩。靠裏昏而無斷。

者也

陳迨迨畫像讚

傲睨萬物。袖手儼然。氣清神定。矯若飛仙。夫是之謂陳迨迨。慈儉躬行。而不敢爲天下先者也。

無相居士畫杜少陵像求讚

可憐能作詩。贏得肚中飢。終朝醉兀兀。騎驢何所之。

方敷文畫東坡先生像求讚二

道大德備爲□□。萬古東坡如是如是。

關里橫梁。顏波□□。喑鳴叱吒。驚天動地。

柯信甫畫像讚

曾次磊磊落落。舉止如山。如岳一生。只自修行。不管他人好惡。

覺苑冲長老求王承宣畫像讚

華陀歸去幾千年。此道世久失其傳。獨有是公達本源。可與此老相差肩。我初識公于大梁。時已氣槩摩秋霜。能生必死於膏肓。後無來者前無雙。覺苑求予讚。是公我今描畫太虛空。公術能攘造化功。酷熱之際塵東風。我本寡聞無似者。荷公道義不相捨。倒腹

空勝盡傾瀉。但看此讚卽知也。

盧宣教畫像讚

揮袖携筇步武歸。浩然之氣吐虹霓。不知除却神仙輩。更有何人得似伊。

歲寒居士張知府畫像讚

水柱兮摩空。藤蘿兮倚樹。兒古神色清氣平。心膽素貧無地卓。雖富有照乘珠。有問歲寒何似生。看取妙喜末後句。

孫郎中求羅先生畫像讚

烏髯鬚影碧眸閃。爍爍奪命方鍊不死藥。在塵出塵都無染著。夫是之謂羅赤脚。

傅□□畫像讚

風度凝遠清深。窅然如春在花。如意在絃。有廼祖遺風餘烈。爲儒林挺特之賢。雖彷彿丹青。其一二帝胃中蘊妙。而難傳。夫是之謂傅使君。行將拈摩匠山之雲煙。而中興拭目歸宗之禪者也。時將赴南康任。

妙心居士畫像讚

野服幅巾非假非真。元來這漢是我般人。渠常喜我

常嘖兩箇八兩定一斤

王校正畫像讚

莫論節義世希有。事業文章總罷休。只將一味無求法。坐斷三衢人舌頭。

王子正畫像讚

了達生死如夢事。夢中誰復論親疎。臨行一著超今古。堪作塵寰真丈夫。

王大授畫像讚

堂堂七尺身。言行兩相應。士林堅好木。特秀一枝春。是謂汪溪先生。字曰大授。志願未伸。若驛驢在凡馬之廐。死而不亡。謂之壽夭。將相斯文之不墜也。恢張尙期於有後。

唐主晉携先文畫像求讚

了相非相見實相。一念廓然無背向。八十四年如是修龜毛拂子。兔角杖。

傅□□畫像讚

孰其後。分孰其先。目送飛鴻。氣悠然。傲睨萬物。凌雲煙。飲酒一斗。詩百篇。

蘭廷彥畫像讚

携筇步武自徐徐。洒落風姿氣凜如。活計貧無置錫地。胸中富有五車書。

俞巡檢畫像讚

紫綬金章矍鑠翁。詩書萬卷在胸中。便宜從事非無意。每到詞窮卽詐聖。

歐陽提幹畫像讚

揮毫落紙鬼神泣。獨步橫拖七尺筇。文彩風流乃餘事。試問負盡了角童。

羅國信畫像讚

蕭然一枕臥長空。寶座蓮臺信已通。七十二年好消息。一時分付與春風。

錢計議畫像讚

一生咬菜根。清淨無倫比。臨行一著奇。猶如脫弊屣。要識錢子處。恁麼而已矣。

鮑知府畫像讚

野服幅巾矯若飛。仙神情閑暇。訪道參禪。夫是之謂。鮑使君。不被八風五欲之所纏者也。

張太尉畫像讚

顧虎頭傳難□□□□陀石上坐頤神孤松倒掛倚巖

□□□風搖清韻聲

又作僧像求讚

丹青在己已行年七十四雖然無度牒形儀十分似

董太尉畫像讚

不爲富貴所折困孤松之下坐磐陀撥轉上頭關振

子堪无震旦老維摩

湛淨居士畫像讚

坐石握拂不可輕忽湛淨如如臂中無物

妙觀居士畫像讚

飄袖拖筇步武清風燕巖谷之暇日無留事於臂中

李運使畫像讚

等閑示現宰官身便作儒林出格人野服幅巾歸舊

隱游戲寰中物外春

張侍郎畫像讚

透出天關抹過地戶斗轉星移日輪當午廓仁義道

德之門塞邪非鬼趣之路夫是之謂無垢老人慣向

百尺竿頭進步者也

趙知宗畫像讚

攬行奪市得人憎攬撓叢林罵葛藤妙喜退身三步

去諸方誰敢弄精魂

唐大夫畫像讚

一味讀經參禪臂中無物留連要識此公落處便是

妙喜齊年

徐侍郎畫像讚

謂是俗人世事全疎□謂是苾芻□有髮有鬚莫恠

臂中泥酒都盧而背癩糊不修戒定慧而求出世間

法不斷淫怒癡而不與之俱好箇人中癡鈍漢亦婆

羅門外道之徒歟

幻住道人畫像讚

有月上女之英氣而不逞機鋒似靈照之逸羣而不

誇作路鶻過邪師默照之深坑高出二人頂額上一

著生鐵鑄就脊梁渾鋼打成雙脚此是女流中真大

丈夫不爲八風五欲之所轉者也

楊太保畫像讚

人言此是楊太保。我道梅陽護法神。天資忠義不詔曲。一片精誠正直心。

孫參政畫像讚

窮理盡性入佛知。見七十八年空中閃電。

無垢居士張侍郎畫讚

攬遍三千大千界。都盧自買又自賣。而今本利一時空。却去貧兒處索債。渠活計我偏知。半疊半啞半歇。半癡猶自赤手討便宜。常將掃帚畫蛾眉。

雙槐居士鄭參議畫像讚

心□□□□觀瀑布溜外境無所緣。內亦無所受。坐石倚枯松。知音試窮究。世間出世間。一網都打就。

韓尙書畫像讚

野服幅巾携筇。袖目送征鴻。心無所受。實百代良吏之師。乃十世昌黎之後。只向是處行。不爲文所困。慷慨特達大丈夫處事。若日輪之當晝者。也。

錢侍郎畫像讚

不貪生死。諸欲快樂。不隨想倒。見倒心倒。夫是之謂世間出世間大丈夫。坐禪牀。握拂子。儼然在一切人。

眼睛中不須向別處尋。討作是說者爲誰。雙徑明月堂妙喜宗杲。

妙圓居士張知府畫像讚

曾中元有五車書。納江湖於度內。兮綽有餘。汪洋如萬頃之陂。兮未讓江夏牛。賢兒夫是之謂妙圓居士。學妙喜相期於此道兮。世所希者也。

讀佛祖

釋迦出山相

三十二相八十種好。道樹魔苑自起自倒。

文殊問疾二

只知贊不二。失却一隻眼。自號七佛師。去而不復返。俗漢自病無端。插觜引惹詞訟。至今未已。

入定觀音二

瞋目危坐。示那伽相。觀音妙智。一椎兩當。住寂靜地。應利應量。法如是故。無礙無障。

身不動搖。心入正受。一點靈光。如日常晝。

維摩居士二

佛病與法病。一掃兩俱盡。傳語老維摩。惜取窮性命。

空諸所有。深入不二。舉一針鋒。驚天動地。

觀音達磨相對像

達磨觀音觀音達磨。我即是你。你即是我。一身兩名。鼻孔耳朶。彼此無言。相對淡坐。坐不坐。當甚熱大。

九祖伏獸密多尊者

五十餘年打坐。不知等箇甚麼。直饒主伴交離。未免當頭踉蹌。

初祖達磨大師二

枯松之下坐磐陀。著意忘懷兩不疑。來者直須高著眼。據眸鷄子過新羅。

二祖

竺乾不容住。懺懺涉流沙。打落當門齒。猶言五葉花。換却頭顱骨。無端又易名。斷臂立深雪。笑殺那邊人。

六祖大鑑禪師

咄這老漢。且去碓米。傳甚瓦鉢衣。孟諸得四海鼎沸。今日見你形模。元來也只如此。

馬祖大寂禪師

卽心卽佛。非心非佛。透過兩重關。畢竟是何物。

龐居士二

多年曆日繫腰間。知與誰人作對談。策籬放下高叉手。應機何必口喃喃。

無生本無說。說著卽話墮。骨肉團圓。頭大虫看水磨。

布袋和尚四

稽首龍華補處佛。不肯安然住兜率。却來鄆市裏。尋人人間指作白拈賊。赤袒兩腮笑。臨坐賣弄麻鞋。逞奇特。口中時復自喃喃。唱言我是真彌勒。

葛苴不存。優軌亦無。將將濟濟。十方世界。虛空都在破布袋裏。蕭然關市。解開撒向街頭巷尾。南無彌勒世尊。家風如是而已。

枯按棒挑破席。倒街臥路求乞。誰知觀史陀天。元無這箇消息。

葛葛苴苴。直至無定度。十字街頭。遭人點污。

臨濟和尚三

色如淋了灰堆。喝似旱天震雷。雖有靈龜。慥慥却無限。限。毚毚咄咄。咄是甚麼。不得這箇道理。定依一枚賊魁。

面上少和氣。肚裏多骨董。可惜三頓棒。打這老漆桶。一句中具三立。一立中具二。要腦後見。腮村僧向上。更有一竅。

普化和尙

瞪開三角殺。人眼緊握拳。頭聳兩肩。佛祖位中留不得。却來廊市擊風顛。

雪峯真覺禪師

這箇漆桶也解爆。裂綻結案只得一槩。如何是那。一槩嶺上寒松。天邊白月。滅滅。

法眼李王相對像

人王法王有真偽。天眼法眼無纖翳。一幅丹青兩得之。究竟同歸第一義。

言法華

墓草全無儀軌。常走街頭巷尾。口頭雖誦蓮經。肚裏長思喫底人言。凡聖莫窺妙喜。獨識得你咄哉。破落村僧。脫却一雙木屐。

五祖和尙

賤賣橋板漢。貼秤麻三斤。多少參玄士。錯認定盤星。

說我元非我。言還不是真。直饒傳得似。猶未別其神。

圓悟禪師四

突出兩箇當門齒。舌本爛。似紡車。磬石火中呈醜。拙閃電光裏復周。巡捺却膝。篋却身。做模打樣。弄假像。真如今。終有這伎倆。擬將分付與何人。謗於佛。毀於法。十分墓草。一味孟八面目。可惜好與椎殺。正法眼滅。瞎驢邊。將此身心。奉塵刹。更不藏。覆開口。見膽學人。不會却成檐板。咄哉。墓草。川僧。偏要欺瞞。鴛子。盡用無限神通。未免歸鄉卒死。將謂有多少奇特伎倆。元來只如此。

覺範洪禪師

透得雲庵一字關。愛論曹山三種墮。筆端之上海濤。翻橫說。豎說。渾無過。贏得籍甚之名。幾取殺身之禍。文章未讓孔丘。談禪豈肯達磨。諸人還見麼。休尋無髮官人。且看僧中指大。

死心和尙

禪又不曾一味。羶醢是讚是罵。道道道道。

佛燈珣和尙

空却闔浮世難求此箇僧。若將言語會。直是得人憎。
罵佛又罵祖。誰知元不曾。請君抖擻精神看。莫認渠。
儀作佛燈。

南華吳和尚

平生頂門眼。照徹無纖翳。太平與南華。逢場使作戲。
七月十六朝。雷聲震天地。我觀法王法。法王法如是。

牧庵忠和尚

內心寂靜外緣屏。絕悟處諦當用處親切。一棒一條。
痕一摺一掌。血忠道者家風。須是妙喜說火裏烏龜。
飛上天六月紛紛飄瑞雪。

和山方和尚

伽梨教宰坐胡床。虎視叢林百恠藏。莫道死心今已。
死死心有子不曾亡。

普照英和尚

擊塗毒鼓說無味禪。以覺爲印。印覺羣情得佛祖之。
要妙。徹萬法之根源。於刀山劍樹上。奪納僧性命。向。
鑊湯爐炭裏。以此事流傳。是謂大法之梁棟。苦海之。
舟船。若也向這裏提撕。猶如掘地而覓青天。

普照欽和尚

擊碎滌山塗毒鼓。任運騰騰過此生。莫恠世人渾不。
識。常從佛祖那邊行。

佛日才和尚

佛日讚佛日。非眞卽是真。有問似不似。掛起便鍾陳。

普明和尚

證長靈般若之體。得圓悟大機之用。燕坐雪川三處。
道場。靜聖儼臨。半千之衆。念此道之凌遲。若一絲引。
千鈞之重。祖肩荷擔如山不動。夫是之謂普明老人。
如箭射的。而百發百中者也。

泉州勝和尚

大坐當軒膝橫。柳樨手不驅蚊脇。不至席有時象王。
回旋。或作獅子返嚮。燈籠與露柱交參。占波共新羅。
闍額。知師者謂六月黃河徹底冰。不知師者謂九秋。
霜月連天白。饒伊亂度量。總是韶州客。

妙空佛海訥和尚

妙相怡然耽耽虎視。恢雲門一字之玄風。圓三句爲。
人之巴鼻。掃浮非歸實。是把定佛祖要關。不許衲僧。

吐氣夫是之謂妙空佛海老人建法幢於大道顛危之際者也

含清照和尚

興化棒未折克賓話已行雲居雪峯老日午打三更

天王光和尙

真獅子兒耽耽虎視神定氣平身心不二悟祖師神腳踏實地橫按摸椰如是如是

開善護和尚

鐵面嚴稜全無柔和氣銳性剛不受折到貶剝瞿曇檢點達磨好與雲門一狀領過

南華明和尚

凜凜威風有規有矩起東山雲施曹溪雨一句當陽截斷露布我今讚之超今越古

南安嚴瑯和尚

雲庵的孫湛堂嗣子虎視耽耽無彼無此一擊塗毒聞之即死南安嚴昨曰高眠便是渠儀逸格禪

玄沙昭和尚

栗棘蓬金剛圈唯此老是真傳若也信不及且聽渠

說禪作麼生是渠說底禪猛火著油煎

慈雲祖和尚

參徹先師逸格禪知音不遇且如然而今老住慈雲寺贏得清聲播大千

國清遠和尚

這川羈直無真無假一條白棒佛來也打更有一股長處解向鉢盂裏走馬

潯山慧和尚

虎頭燕頰將軍相橫按霜笻物表高一口等閑吞佛祖有何魔外敢說謊

能仁敏和尚

形儀軟似綿脊梁硬似鐵冬不畏寒夏不怕熱夫是之謂敏和尚無窮福利而不自矜者也

正堂辯和尚

傳佛眼道說逸格禪不立窠臼不滯語言作自得之鼻祖爲叢林之美傳夫是之謂正堂老人乃得魚而忘筌者也

山東惠雲金師翁

有威有德人皆敬畏劈面上聞且不要諱

山東惠雲周師翁

磊磊落落如山如岳據坐五峯清風索索簡是惠雲

周大師稽首詳麟一隻角

鹽官慧生庵主

昔日生法師講得石頭點今日生庵主亦把家風展
畫得渾相似堂堂不可掩求我讚稱揚碧眸光閃閃

喻彌陀

箇是喻彌陀傳來不較多觀瞻如具眼靜處薩婆訶

萃長老寫宏智禪師與師相對像求讚

兩眼對兩眼各擔一片板合得無縫罅會悟非遲晚
傍觀有人敢定當許伊曾喫大虫膾

保寧秀和尚

坐鳳凰臺傳天童道自在快活不屬作造失鄉關者
方便指歸迷實所者引之令到一條渾圓杳梁鐵棒
打之不倒觀者高著眼且不得草草

夢庵信和尚二

住世七十八年提持向上一著鎮腳膝裏橫按八倒

以下原本
佚一篇

◆補入此題

七頌俱著

伽梨教軍生孤風迴絕攀頂額上一著不許稍僧參

大慧普覺禪師語錄卷下終

大慧先師以無量三昧辯才秉佛慧炬洞燭人心承
學之徒隨說抄錄散落諸方末後最庵道印法兄真
次編正總爲一集名曰廣錄前後頌末了然無遺昔
釋迦老子住世七十九年說法三百餘會臨涅槃時
於金棺中現露雙趺以示迦葉迦葉告諸比丘佛已
涅槃凡金剛舍利非我等事我等當結集法藏無令
斷絕道印法兄之用心與迦葉等然當時迦葉一言
之後阿難依教奉行佛之奧義徧滿沙界祖慶親炙
先師之日最久敢不盡承道印法兄之用心鑲版刊
行以廣其傳庶幾見者聞者同悟真如佛之慧命永
永不絕古語云自未得度先度人者菩薩發心學者
當有以亮祖慶附麗阿難之本意紹熙元年四月結
制日祖慶謹啟

古尊宿語要

宋・蹟藏主

編

序目錄
畧行狀
二張
一張

南泉語要
十五張

投子語錄
十六張

睦州語錄
廿一張

趙州語錄
上廿四張
中十五張
下十五張
都五十四張

第一卷總計一百九張

蹟藏主刊行古尊宿語錄二十
二家有補於宗門多矣惜不略
叙其始末爲闕典就中惟大隋
趙州有行狀樞使懶窩大居
士沈公來殿是邦權衡此道一
見謂住鼓山德最曰雖傳燈廣燈
續燈僧寶傳具載而衲子未暇
檢閱卒讀則惘然不知宜撮其
大槩標於卷首德最謹略具其始
終出處有不載者則闕焉學者
一覽便見是亦一助也淳熙戊
戌臘月望日

福州鼓山寺古尊宿語要全部目錄

一 南泉願 投子同 睦州蹤

趙州諗

二 南院顥 首山念 葉縣省

神鼎諶 三交嵩 石門聰

三 法華舉 大愚芝 雲峰悅

楊岐會 道吾真

四 大隋真 子湖蹤 國師晏

洞山初 智門祚

已上四策共二十家係蹟藏主刊在藏司印行

天字共一十四家 地字共一十六家

日字共一十一家 內楊岐家重出 月字共一十五家

星字共一十五家 辰字共一十家

已上六策總八十家係嘉熙戊戌歲續刊在

蒙堂印行逐策各有目錄具載

尊宿名字伏幸

衆悉

南泉和尚名普願鄭州人姓王氏大

隗山受業得法於馬祖一和尚壽八

十七臘五十八唐文宗大和中示寂

投子和尚名大同舒州人姓劉氏洛

下保唐寺受業得法於翠微無學和

尚壽九十六石頭第四世五代梁乾

化中示寂

睦州和尚名道蹤嚴州人姓陳氏受

業不載得法於黃檗運和尚馬祖第

四世唐宣宗懿宗時人

趙州和尚 已有行狀馬祖第三世

池州南泉普願和尚語要

上堂云、諸子、老僧十八上解作活計、有解作活計者出來、共你商量、是住山人始得、良久、顧視大眾、合掌曰、珍重無事、各自修行、大眾不去、師曰、如聖果大可畏、勿量大人、尚不奈何、我且不是渠、渠不是我、渠爭奈我何、他經論家說法、身為極則、喚作理盡三昧、義盡三昧、似老僧、向前被人教返本還源去、幾恁麼會稠事、兄弟、近日禪師太多、覓箇癡鈍人、不可得不道全無、於中還少若有、出來、共你商量、如空劫時、有修行人否、有無作麼不道、阿你尋常巧屑薄舌、及乎問著、總皆不道、何不出來、莫論佛出世時事、

南泉願

兄弟、今時人擔佛著肩上行、聞老僧言、心不是、佛智不是、道、便聚頭擬推老僧、無你推處、你若求得虚空、作棒打得、老僧著一任推、時有僧問、從上祖師至江西大師、皆云、卽心是佛、平常心是道、今和尚云、心不是、佛智不是、道、學人悉生疑惑、請和尚慈悲指示、師乃抗聲答曰、你若是佛、休更涉疑、却問老僧、何處有恁麼箇家疑佛來、老僧且不是佛、亦不曾見祖師、你恁麼道、自覓祖師去、曰、和尚恁麼道、教學人如何扶持得、師曰、你急手托虚空著、曰、虚空無動相、云、何托、師曰、你言無動相、早是動也、虚空何曾解道、我無動相、此皆是你情見、曰、虚空無動相、尚是情見、前造

某甲托何物、師曰、你既知不應言托、擬何處扶持他、曰、卽心是佛、既不得、是心作佛否、師曰、是心是佛、是心作佛、情計所有、斯皆想成、佛是智人、心是宋集主、皆對物時、他便妙用、大德、莫認心認佛、設認得是境、被他喚作所知、愚故江西木師云、不是心、不是佛、不是物、且教你後人恁麼行履、今時學人、披箇衣服、箇家疑恁麼閒事、還得否、曰、既不是心、不是佛、不是物、和尚今却云、心不是、佛智不是、道、未審如何、師曰、你不認心是佛、智不是道、老僧勿得心來、復何處著、曰、總既不得、何異太虛、師曰、既不是物、比什麼太虛、又教誰異不異、曰、不可無他、不是心、不是佛、不是物、師

南泉願

曰、你若認遮箇、還成心佛去也、曰、請和尚說、師曰、老僧自不知、曰、何故不知、師曰、教我作麼生說、曰、可不許學人會道、師曰、會什麼道、又作麼生會、曰、某甲不知、師曰、不知却好、若取老僧語、喚作依通人、設見彌勒出世、還被他縛却、頭毛曰、使後人如何、師曰、你且自看、莫憂他後人、曰、前不許某甲會道、今復令某甲自看、未審如何、師曰、冥會妙會、許你作麼生會、曰、如何是妙會、師曰、還欲學老僧語、縱說是老僧說、大德如何、曰、某甲若自會、卽不煩和尚、乞慈悲指示、師曰、不可指東指西、賺人、你當哆哆和和時、作麼不來問老僧、今時巧點、始道我不會圖什麼、你若此生出頭

來道、我出家作禪師、如未出家時、曾作什麼來、且說看、共你商量、曰、恁麼時、某甲不知、師曰、既不知、卽今認得可、可。定邪、曰、認得既不是、不認是否、師曰、認不認是什麼語話、曰、到遮裡、某甲轉不會也、師曰、你不會、我更不會、曰、某甲是學人、卽不會、和尚是善知識、合會、師曰、遮漢向你道、不會、誰論善知識、莫巧點看他、江西老宿在日、有一學士來問、如水無筋骨、能勝萬斛舟、此理如何、老宿云、遮裏無水、亦無舟、論什麼筋骨、他學士便休去、可不省力、所以教數向道、佛不會道、我自修行、用知作麼、曰、如何修行、師曰、不可思量、得向人道、恁麼修、恁麼行、大難、曰、還許學人修

南泉種

三

行否、師曰、老僧不可障得你、曰、某甲如何修行、師曰、要行卽行、不可專尋他背、曰、若不因善知識指示、無以得會、如和尚每言、修行須解始得、若不解、卽落他因果、無自由分、未審如何修行、卽免落他因果、師曰、更不要商量、若論修行、何處不去得、曰、如何去得、師曰、你不可逐背尋得、曰、和尚未說、教某甲作麼生尋、師曰、縱說、何處覓去、且如你從旦至夜、忽東行、西行、你尚不商量、道去得不得、別人不可知得你、曰、當東行、西行、總不思量、是否、師曰、恁麼時、誰道是不是、曰、和尚每言、我於一切處、而無所行、他拘我不得、喚作徧行三昧、普現色身、莫是此理否、師曰、若論修行、何

處不去、不說拘與不拘、亦不說三昧、曰、何異有法得菩提道、師曰、不論異不異、曰、和尚所說修行、迢然與大衆別、未審如何、師曰、不管他別不別、兼不曾學來、若論看教、自有經論、座主、他教家實大可畏、你且不如聽去好、曰、究竟令學人作麼生會、師曰、如汝所問、元只在因緣邊、看你且不奈何、緣是認得六門頭事、你但會佛那邊却來、我與你商量、兄弟、莫恁麼尋逐不住、恁麼不取古人語、行菩薩行、唯一人行、天魔波旬、領諸眷屬、常隨菩薩後、覓心行起處、便擬撲倒、如是經無量劫、覓一念異處不得、方與眷屬禮拜讚歎供養、猶是進修位、中下之人、便不奈何、況絕功用處

南泉種

四

如文殊普賢、更不話他、兄弟、作麼生、道、行是無覓、一日行底人、不可得、今時、傍家、從年至歲、只是覓、究竟作麼生空弄唇舌、生解、曰、當恁麼時、無佛名、無衆生名、使某甲作麼圖度、師曰、你言無佛名、無衆生名、早是圖度了也、亦是記他言語、曰、若如是、悉屬佛出世時事了、不可不言、師曰、你作麼生言、曰、設使言、言亦不及、師曰、若道言不及、是及語、你虛恁麼尋逐、誰與你爲境、曰、既無爲境者、誰是那邊人、師曰、你若不引教來、卽何處論佛、既不論佛、老僧與誰論遮邊那邊、曰、果難不住道、而道能爲因、如何、師曰、是他古人如今、不可不奉戒、我不是渠、渠不是我、作得伊、如狸奴

白拈行履却快活。你若一念異。卽難爲修行。曰云何一念異。難爲修行。師曰。繞一念異。便有勝劣二根。不是情見。隨他因果。更有什麼自由分。曰。每聞和尚說。報化非眞佛。亦非說法者。未審如何。師曰。緣生故非。曰。報化既非眞佛。法身是眞佛否。師曰。早是應身也。曰。若怎麼。卽法身亦非眞佛。師曰。法身是眞非眞。老僧無舌。不解道。你教我道。卽得。曰。離三身外。何法是眞佛。師曰。遮漢共八九十老人相罵。向你道了也。更問什麼。離不離。擬把楔釘他虛空。曰。伏承華嚴經。是法身佛說。如何。師曰。你適來道什麼語。其僧重問。師顧視歎曰。若是法身說。你向什麼處聽。曰。某甲不會。

南泉願

師曰。大難大難。汝看亮座主。是蜀中人。解講三十二本經。論於江西。講次來見開元寺老宿。宿問見說座主解講經。是否。主云。不敢。宿云。將什麼講。主云。將心講。宿云。心如工倣兒。意如和伎者。爭解講得。主云。莫是虛空講得。宿云。却是虛空講得。主拂袖便行。宿召座主。主回首。宿云。是什麼主。便開悟。兄弟看他快利麼。僧云。據和尚說。卽法身說法。師云。若如是會。早應身了也。僧云。既是應身。豈無說法者。師云。我不知。僧云。某不會。師云。不會却好。免與他分疎。問教中道。法身大士會處。卽見法身佛。地位菩薩。卽見報身佛。二衆唯見化身佛。莫是此理否。師云。我眼不曾看教。

兼無耳孔。不曾聽。你自看取。若如是憶持。卽已後始不奈何。如似弄珠說。珠光徧有金盤在。卽得。忽被拈却金盤去。何處弄珠。向什麼處尋他光徧與不徧。學人禮拜和尚笑云。大難大難。古人罵你。喚作田獵。漁捕。喚作搬糞人。好去珍重。

師示衆云。眞理一如。潛行密用。無人覺知。呼爲滲智。亦云無滲。不可思議。等空不動性。非生死流。道是大道無礙。涅槃妙用。自足。始於一切行處。而得自在。故云。於諸行處無所而行。亦云遍行。三昧。普現色身。只爲無人知他。用處無蹤跡。不屬見聞。覺知。眞理自通。妙用自足。大道無形。眞理

南泉願

六

無對。所以不屬見聞。覺知。無麤細想。如云。不聞。不聞是大涅槃道。者箇物。不是聞不聞。僧問。大道不屬見聞。覺知。未審如何契會。師云。須會眞契自通。亦云了因。非從見聞覺知有。見知屬緣。對物始有。着箇靈妙。不可思議。不是有對。故云。妙用自通。不依傍物。所以道。通不是依通。事須假物。方始得見。所以道。非明暗法。離有離無。潛理幽通。無人覺知。亦云眞會眞理。非見聞覺知。故云。息心達本源。故號如如佛。畢竟無依自在人。亦云本果。不從生因之所生。文殊云。惟從了因之所了。不從生因之所生。從上已來。只教人會道。更不別求。若思量。作得道理。盡屬句義。三衆五性。

義理無不喚作行履處處受用具足卽得若論道卽不是一向耽著被他識拘亦云世間智教云一向耽著三藏學者爲田獵漁捕爲利養故殺害大乘亦云貪欲成性所以云佛不會道我自修行我自妙用亦云正因了六波羅蜜空卽物拘我不得所以祖師西來恐你諸人迷著因果地位故來傳法救迷情頓悟花情已性是花種性亦云菩提花故江印老宿云不是心不是佛不是物先祖雖說卽心卽佛是一時閒語空拳黃葉止啼之說如今多有人喚心作佛喚智爲道見聞覺知皆是道若如是會者何如演若達多迷頭認影設使認得亦不是汝本來頭故大士呵

迦旃延以生滅心說實相法皆是情見若言卽心卽佛者如兔馬有角非心非佛牛羊無角汝心若是佛亦何用非他有無形相以何是道所以教中不許寧作心師不師於心心如工伎兒意如和伎者故云佛有道心不離見聞覺知皆屬因緣而有皆是焰物而有不可常焰所以心智俱不是道且大道非明暗法離有無數數不能及如空劫時無佛名無衆生名與麼時正是道只是無人覺知見他數不及他喚作無名大道早屬名句了也所以真理一如更無思想纔有思想卽被陰拘便有衆生名有佛名佛出世來喚作三界智人只如未出世時喚作什麼如云不得而

得有無而興大慈佛出世只令人會道體非凡聖喚作還源歸本體解大道今日旣如是會道卽無量劫來六道四生皆有去來是暫時行履處先聖本行集云我無所不行一切衆生雖在如是行處爲無了因故生貪欲名爲在纏不得自在暫時歧路雲駛月運舟行岸移衆生妄想物無不住豈況理能遷變今旣如是會却向裏許行履不同前時爲了因會本果故了陰界空六波羅蜜空所以得其自在若不向裏許行履如何摧挫得五種貪二種欲不守住聲聞隨於劫數所以諸佛菩薩具福智二嚴爲了因了六波羅蜜空體者箇受用所以不存知見始得自在若有知

見卽屬地位便有分劑心量被因果隔喚作酬因答果佛不得自在所以大聖訶他爲內見外見情量不盡二障二惑所以見河能漂香象真理無形如何知見大道無形理絕思量今日行六波羅蜜先用了因會本果故了此物是方便受用始得自由去住自在無障礙亦云方便懃莊嚴亦云微妙淨法身具相三十二只是不許分劑心量若無如是心一切行處乃至彈指合掌皆是正因萬善皆同無終始得自在所以天魔外道求我不得喚作無住心亦云無滲智不思議妙用自在菩提涅槃皆是修行人境界皆屬明句若會本來非是物卽水不能洗水何以故本來無

物故經云我王庫中實無如是刀又云功德夫黑暗女有智主人二俱不受所以道非明暗故云性海不是覺海覺海涉緣即須對物他便妙用無人覺知喚作極微細透金水色塵菩薩所因喚作受用具若水不洗水即體不是明暗亦云無滲智又云無礙智若如是即一切處拘我不得如今更別求建立義句竟勝負知解語言言衆生劣有佛聖殺衆生求佛菩提皆屬貪欲亦云破戒比丘與道懸隔大道無明未曾有暗非三界攝非去來今如來藏實不覆藏師子何曾枉屈五陰本空何曾有處所且法身無為不墮諸數法無動搖不依六塵故經云佛性是常心是無常

南泉頌

九

所以智不是道心不是佛如今且莫喚心作佛莫作見聞見知會者箇物且本來無許多名字妙用自通數量管他不得是大解脫所以道人心無住處蹤跡不可尋故云無滲智不思識智着他池州崔使君問五祖大師云徒衆五百何以能大師獨受衣傳信餘人爲什麼不得五祖云四百九十九人盡會佛法唯有能大師是過量人所以傳衣信崔云故知道非愚智便告大衆總須記取師云記得屬第六識不識無事珍重

示衆云空劫之時無一切名字佛纔出世來便有名字所以取相師又云只爲今時執著文字限量不等大道一

切實無凡聖若有名字皆屬限量所以江西老宿云不是心不是佛不是物且教後人與麼行履今時盡擬將心體會大道道若與麼學直至彌勒佛出世還須發心始得有什麼自由分只如五祖會下四百九十九人盡會佛法惟有盧行者一人不會佛法只會道不會別事若認心是佛心是三界衆集主若認智是道智是多矯詐若論佛出世時喚作三界智人說一切教義句理喚作暫時受用具若喚心是佛認智是道皆是處所所以道無心意而現行暫時披垢膩之衣來爲人說破不是凡聖物他家早晚與人爲因亦不曾與人爲果若與人爲因即不自在被因果所

南泉頌

十

拘不得自由佛未出世時無人會得若出世邊論還許少分會但以冥理自通無師自爾本自無物由是見聞覺知即是報化所以三十二相異體故若離彼即同如來報化佛總打却何處存立不是不許只如彌勒又作凡夫他熾然行六波羅蜜他家觸處去得因什麼使不許他不曾滯著凡聖所以那邊會了却來者邊行履始得自由分今時學人多分出家不肯入家好處即認惡處即不認爭得所以菩薩行於非道是爲通達佛道他家去住得自由且如何若知即被知處所拘若不恁麼爭得不許他他若箇定不曾變異若不定即屬造化也他那箇早晚曾變動所

以十二分教決定不是我，我即向十二分教中行履得若十二分教是我，即受變也。若論有滲果，是二衆位。若論無滲，是大衆名。所以得名爲大衆，若是者箇，不是拘繫底物。所以潛通密理，無人覺知，不是見聞覺知。問以意會得否。師云：若以意會，即思量得也。他教中亦云：種種生身，我說爲量，那箇不可思議，不是意會得底物。如水裏有水，即有影。若無水時，喚什麼作影。法身由對報化得名。若無報化，法身向那邊認。法身亦云是影。經論極則頭只到法身，實入理地。那箇早晚同於經論。經論不管伊如何排遣他，且不到者裏。大難大難。

南泉顯

上

師示衆云：佛出世來，只爲衆生不會道。若不因善知識聞名，無師自爾。若因善知識聞，忽引經論作證，若自作得主，不引經論，最省心力。若引經論，將他眼作自己眼，不得自由。大道一如，無師自爾。若能如如不變，故不曾迷。報化非真佛，莫認法身。凡聖果報皆是影。若認著，即屬無常生滅也。麤細而論，纖毫不立。窮理盡性，一切全無。如世界未成時，洞然空廓，無佛名，無衆生名。始有少分相應，直向那邊會了，却來者裏行履，不證凡聖果位。據本而論，實無少法可得。豈況三衆五性，差別名數。但是有因有果，盡屬無常生滅也。玆是出世，安立假名相說，非關本來事。道不是明

暗物，一切莫認著。大道冥通，智莫能測。故云：相逢不相識，共語不知名。好去，無事珍重。

師示衆云：自夏已來，不安，皆是罪過。死者已死，在者好自安排。如今學人，直須會取。佛未出世時，都無名字。密意潛通，無人覺知。喚作道人，佛出世，權說三衆五性。他不是三衆五性人，從那邊行履。他是自由人，會取今有本有，不從佛聞，與他爲緣。如今直須截斷兩頭，句透那邊，不被凡聖拘繫。心如枯木，始有少許相應。引經說義，皆是與他分疎。向他屋裏作活計，終無自由分。恰如水母得蝦爲眼，如何得自由。佛是受果報人。如今學人極則，只認得箇法身，猶

南泉顯

上

如水月空花影象，不中。兄弟直須會取，不從佛聞。無師自爾，報化非真佛。根本一如，無變異故。法過眼耳鼻舌身意，心以無心意而現行。如今知解，不是嚶囉漢。此物不是凡聖，不是愚智。強喚作愚智，本不是名字，不得道著。道著則頭角生，喚作如如，早是變也。兄弟直須向異類中行，始得大難大難。

師示衆云：佛出世來，只教會道，不爲別事。祖祖相傳，直至江西老宿，亦只教人會者箇道。佛法先到此土，五百年達磨西來此土，恐爾滯著三衆五性名相，所以說法度汝諸人迷情。且五祖下五百人，只盧行者一人，不會佛法，不識

文字，他家只會道如今學人，直須明其道，不論別智，決定不是物，大道無形，真理無對，等空不動，非生死流，三界不攝，非去來今，所以明暗自去來，虛空不動搖，萬象自去來，明暗實不鑑，如今有人，將鑑覺知解者是道，皆前境所引，隨他生死流，何曾得自由，若作此見解，實未有自由分，所以智不是道，可不難矣，云是什麼智，是什麼道，若論世間福智，只得喚作莊嚴具，亦云福智二嚴，亦云受用具，皆是對治，喚作什麼，佛出世只得喚作三界智人，未出世時，喚作什麼物，若論無滲，本自具足，妙用自通，無人覺知，潛行密用，蹤跡難尋，所以天魔波旬，將諸眷屬，久遠劫來，覓菩薩

南泉隱

十一

薩一念起處，不可得，天魔贊歎云，佛法至妙，我實難測，如今但會如如之理，直下修行，何不問如何修行，但會取無量劫來，性不變異，即是修行，妙用而不注，便是菩薩行，達諸法空，妙用自在，色身三昧，熾然行六波羅蜜空，處處無礙，游於地獄，猶如園觀，不可道伊不得作用，眾生無量劫來，迷於本性，不自了體，雲塵暫翳，若諸惡欲，雲駛月運，舟行岸移，暫時歧路，不得自在，種種受苦，不自覺知，乃至今日，會取從來性，與今日不別，若言卽心卽佛，如兔馬有角，若言非心非佛，如牛羊無角，所以如來藏，實不覆藏，五蘊本空，師子何在，窟亦云性水，亦云法水，法水如波，性水

如濕，水不洗水，佛不度佛，漬若達多迷頭認影，便道失却頭，傍家覓，縱覓得，又不是己頭，功德夫黑暗女，有智主人，二俱不受，直道性無住處，是築著物，亦云聞聞，是大涅槃道，若箇物不是聞，不聞，江西老宿只道，不是心，不是佛，不是物，直須體會，詣實修行，莫道我是禪師，知解傍家，舌上取辨，兩脚稍空，莫將爲是，共道不相應，兄弟，麤細想，念分別，但是貪求，皆屬境，三乘五性，麤細而論，不出情量，纖毫瞥起，精魅所附，他且不許見聞覺知，自似箇癡鈍人，少神人，百事不知，最好普賢其時，道我將心聞，文殊云，初心不能入，云何復圓通，被一棒粉碎，無事珍重。

南泉隱

十二

示衆云，然燈佛道了也，若心相所思，出生諸法，虛假皆不實，何以故，心尚無有，云何出生諸法，猶如形影，分別虛空，如人取聲，安置篋中，亦如吹網，欲令氣滿，故老宿云，不是心，不是佛，不是物，且教你兄弟行履，據說十地菩薩，住首楞嚴三昧，得諸佛秘密法藏，自然得一切禪定，解脫神通妙用，至一切世界，普現色身，或示成菩薩，正覺，轉大法輪，入涅槃，使無量入毛孔，演一句經，無量劫其義不盡，教化無量億千衆生，得無生法忍，尚喚作所知，愚極微細，所知愚與道全乖，大難大難，珍重。

南泉和尚語要 終

五老師真體道者也、所言皆透脫、無毫髮
知見解路、只貴人離見聞覺知、自透本來
底、方得自由、若著法報化、便是依他、無自
由、分是故發明、處行者、不會佛法、只是體
道、所以得衣鉢、此皆過量人行履處、千萬
人中、難得一箇半箇、真藥石諦當、直貴無
事行履處也

圓悟禪師

克勤

題

南泉願

十五

投子和尚語錄 并序

鄧山野叟

居素

述

投子和尚、王化舒州桐城、投子山寂、住院、師初參翠微、問
如何、是祖師西來意、微以目顧視、師欲進語、微云、更要第
二杓惡水潑、從此識通超、諸三昧、智辯由雷發、雲漢瀑瀉
懸崖、函蓋相應、諸方取則、而有昇堂、問答語要、盛行叢林
入道禪者、皆以師語參問、知識其有所歸、數亦多矣、予因
僧入室、舉師之語、訛舛衆矣、乃於閒暇、披閱詳究、內有繁
詞、不涉理者、與除之、後語不及初者、與刪之、以爲一集、庶
叢林學者、於郢匠前、無誚乳水、而失醍醐者也、時辛酉季

投子同

夏月、四明鄧山紫璘供奉、山堂刊定云耳

師示衆云、你諸人來者裏、覓言覓語、新鮮句、簇花四六、徒
口裏有可道、我老兒氣力稍衰、口齒遲鈍、亦無閒言語、與
你、你若問我、我便隨你問答、也無玄妙可及、你亦不教你
塚根、終不向上、向下、有佛有法、有凡有聖、亦不存坐繫縛
你、諸人、變現千般、總是你諸人生解、自擔帶將來、自作自
受、我若裏無物到你、也無表無裏、說似你、諸人有疑、更問
僧問、表裏不收、時如何、師云、你擬向者裏、塚根、問、大
藏教中、還有奇特事也無、師云、演出大藏教、問、如何是

佛向上人。師云現佛身。問如何是無情說法。師云啞。
問如何是眼未開時事。師云目淨脩廣如青蓮。問一切
諸佛阿耨菩提皆從此經出未審此經從何而出。師云已
有名字。你當奉持。問如何是諸佛出身處。師云惡人
問枯木裏還有龍吟也無。師云我道你觸露裏有師子吼。
問如何是密密不傳。師云你與麼問有什麼益。問如
何是不點污。師云啞。

師示衆云上祖周行七步目視四方一手指天一手指地
云天上天下唯我獨尊如今諸方道向上更有事在若言
道有道無卽是走作諸人未有了期若道有言有句卽同

投子同

夢幻無如許多名目爲你問故所以有言你若不問教光
漢向什麼處道若有一法與你卽是誑謬你所以古人圖
滿十方無一法可是可非有事請道。問請師說法。師云
教我說箇什麼。問一剎那頃珠在什麼處。師云啞。問
金鎖未開時如何。師云開也。問如何是露地白牛。師云
叱。學云飲嗽何物。師云喫喫。問國師三喚侍者意旨
如何。師云賺殺人。問一法普潤一切群生如何是一法
師云雨下也。問和尚講什麼經。師云樵鐺著。問如何
是佛語。師云對衆生說。問如何是佛法。師云佛法。問
如何是法中法。師云法中法。問如何是祖師西來意。師

云莫謔。問還鄉曲子什麼人唱得。師撫掌。問一塵含
法界時如何。師云早是數塵也。問如何是無相佛。師云
錯著名字。問纔問便知時如何。師云遲也。問如何是
沙門立足處。師云若有立足處不名沙門。學云如何是沙
門。師云沙門沙門。問切急相投乞師指示。師云緩緩問
來。

師示衆云你與麼問了也大好莫閒處脫不得相稱無量
劫來閒處著急向自己處却閒所以難得相稱蓋緣日夕
一切處路熟恰到自己緊急處便懈怠去便不欲得去所
以辛苦過在阿誰切莫因循各自辦事作麼生辨向一切

投子同

處辨今後不得取次過日莫待臨脫衣裳時忙不及也事
多之際各自取靜莫說閒話去。問三身如何分。師云一
二三。問請師一句塞斷衆人口。師放下拂子。問如何
是量外事。師云無你下口處。學云者裏事如何。師云不喚
量外事。問如何是投子實頭爲人處。師拽學人向前却
推向後。問金鷄未鳴時如何。師云無者音響。學云鳴後
如何。師云各自知時。問如何是大庾嶺頭提不起底。師
提起衲衣。學云不問者箇。師云看你提不起。問和尚如
何接人。師云你也近前。問最省心力處。請師一言。師召
學人名。學云與麼則千生萬劫不忘和尚也。師云費力。

問祖祖相傳未審傳箇什麼師云老僧不解妄語問學人擬欲修行時如何師云虛空不曾爛壞問如何是投子一源水師云一滴也無學云飲者如何師云絕飢渴問如何是語中骨師云無可露學云無可露是骨是語師云據你者一問毛也摸不著在問不逐境緣請師一句師云好問

師指菴前一片石謂雪峰云三世諸佛總在裏許雪峰云須知有不在裏許者師云不快漆桶師與雪峰遊龍眠路有兩條峯問云那箇是龍眠路師以杖子指之峯云東去西去師云不快漆桶雪峰一日哭入菴師便起身立

投子同

峯佇思被師推出問一槌便成時如何師云不是性懽漢學云不假一槌時如何師云漆桶雪峰又問此間還有人參也無師將饅頭拋向面前峯云與麼則當處掘去也師云不快漆桶雪峰一日辭師去師送出門召云某專甲峯迴首應諾師云途中好善為

趙州和尚出桐城路見師乃問云莫是投子菴主麼師云茶鹽錢布施我趙州先歸菴內坐師後攜一瓶油歸趙州云久嚮投子到來只見箇賣油翁師云汝只識賣油翁不識投子趙州云如何是投子師拈起油瓶云油油問出門不見佛時如何師云佛吟

投子同

五

奚山刈草次師送一盞茶與奚山云森羅萬象盡在裏許奚山接得茶潑却云森羅萬象在什麼處師云可惜一盞茶問故歲已去新歲到來還有不涉二途者也無師云有學云如何是不涉二途者師云元正啓祚萬物咸新問依稀似半月罔象若三星乾坤收不得師向何處明師云道什麼學云想師只有湛水之波且無滔天之波師云聞言語問如何道得不落唇齒圖度師云眼裏耳裏問類中來時如何師云人類中來馬類中來問大作業底人來師如何接師云你有什麼蓋覆處學云正與麼時合作麼生師云不合一切不共一切問如何是露刃劍師云殺一切人活一切人學云忽遇師來又作麼生師云鈍屢生問如何是入室則爺孃師云無所生問如何是徑截一踏師云無迂曲問如何是火焰裏藏身師云有什麼掩處問如何是炭庫裏藏身師云我道你黑似漆問知有不得時如何師云每日向你道學云如何道師云拈却口著問如何是祖佛未經歷處師云名邈不得學云正與麼時如何師云不是祖佛經歷處問的不明時如何師云明也問盡乾坤是箇什麼人師云不持名字學云不持名字如何體會師云體會卽開問如何是末後一句師云最初明不得問如何是寂住實

頭事。師云：「不向前，推不向後。」問：「十二時中，如何行履？」師云：「一念萬年。」學云：「瞥起時如何？」師云：「覺即失。」問：「只着箇什麼？」師云：「不隨時。」學云：「誰是不隨時者？」師云：「汝與麼？」問：「不得。」學云：「請師道。」師云：「不從千劫萬劫得。」學云：「與麼？」則天上人間，竟不得也。師云：「切忌作與麼知解。」問：「從苗辨地，因語識人，未審將什麼辨識？」師云：「引不着。」問：「古琴無絃時如何？」師云：「無絃琴最妙。」學云：「請師彈。」師云：「無音響。」問：「道人相見，令談何事？」師云：「我者裏無道人。」問：「不將一物來時如何？」師云：「着箇什麼處得來？」問：「如何是火焰裏轉法輪？」師云：「處處了却。」學云：「了後如何？」師云：「無法輪。」

指子問

六

可轉。問：「暫時不在時如何？」師云：「阿誰向你道？」問：「萬象未臻，即不疑，未審特立四天下，是什麼人？」師云：「現佛現祖。」問：「祖佛如何辨？」師云：「嘔吐未詳。」問：「如何是法祖？」師云：「閑言語。」問：「如何是大善知識？」師云：「毗盧也。」問：「不及。」問：「學人欠闕，請師接。」師云：「不現無盡藏。」問：「萬法從一法生，未審一法從何生？」師云：「你聽着。」問：「喚作如如，早是變也。」今時沙門，須向異類中行，如何是異類？師云：「恰似你與麼？」問：「我學云：『古人意旨如何？』」師云：「不與麼？」問：「我。」問：「歸根得旨，隨照失宗，如何是旨？」師云：「旨。」學云：「如何是失？」師云：「失。」問：「如何是伽藍？」師云：「已有名字。」問：「虛空喻不及時如何？」

師云：「恰是恰是。」問：「念念不錯時如何？」師云：「覆語。」問：「如何是孤峯頂上節操？」師云：「平地上着不得。」學云：「請師著。」師云：「啣。」問：「如何是無語？」師云：「不與麼？」問：「世間名言，即不問，如何出世事？」師云：「聽。」學云：「莫便是否？」師云：「幾曾向。」問：「請師道。」師云：「啣。」學云：「爭奈學人不會。」師云：「會即冰生。」問：「萬法從何生？」師云：「佛法僧。」學云：「法從何起？」師云：「聽着。」問：「舉目是犯，如何是不犯？」師云：「大有人覓過，覓過不得。」學云：「豈無指示也？」師云：「不可更將過與你。」問：「如何是沙門行？」師云：「不作模樣。」問：「承古有言，唯言不二，不二事如。」

指子問

七

何。師云：「你好問，我便道。」學云：「如何道？」師云：「唯言不二。」問：「明暗不掛時如何？」師云：「道什麼？」問：「如何是無礙一句？」師云：「與麼？」學云：「此猶是礙。」師云：「是是。」問：「如何是死人？」師云：「你道不得。」問：「如何是活人？」師云：「無暖氣。」問：「得座披衣時如何？」師云：「你有什麼蓋覆處？」問：「院中有三百人，還有不在數者也無？」師云：「一百年前五十年後看取。」問：「如何是不起模畫樣？」師云：「不誑誑你。」學云：「師意如何？」師云：「不可教你起模畫樣也。」學云：「與麼？」則誑誑人也。師便打。問：「能所俱忘時如何？」師云：「無與麼事，莫作與麼知解。」問：「抱璞再呈，請師彫琢。」師云：「不為棟梁材。」學云：「與麼？」則下和。」

無出身處也。師云：擔帶卽伶俜辛苦。學云：不擔帶時如何。師云：不教你抱璞再呈。請師彫琢。問：如何是學人本分事。師云：不遠處問人。問：那叱析骨還父析肉還妻如何。是那叱本來身。師放下拂子叉手。問：佛法二字如何辨得清濁。師云：佛法清濁學人不曾。師云：你適來問箇什麼。問：世間什麼物最先。師云：你問底。問：不作罪、不作業底人還有過也無。師云：喚伊出來。學人擬議次。師云：去不干你事。問：請師歷落道一句。師云：好。問：如何是毗盧師云：已有名字。問：如何是毗盧師。師云：未有毗盧時會取。問：大眾雲臻合談何事。師云：聽。問：妙觀察智誰是當

投子問

者。師云：不是你分上事。學云：雖然如此也要分明。師云：不妙也。問：大眾雲臻和尚如何祇待。師撫掌三下。問：和尚有什麼力抵當得許多人。師云：水性雖柔軟能乘萬斛舟。學云：忽遇大力者來時如何。師云：不消一盞水。問：開言長語卽不問。適來問底和尚道什麼。師云：開言長語。問：十二分教是有是無。師云：無與麼惡言語。問：共語不知音時如何。師云：與麼。學云：與麼時如何。師云：共語不知音。問：三乘教外別傳箇什麼。師云：一二三。學云：不會。乞師指示。師云：你問我不可將別語對你。學云：不將別語對請師道。師云：道道。問：學人有一問未曾有人答。時如

何。師云：你見者烏龜子縮頭縮尾爭奈者一塊子何。問：請師耳裏道道。師云：道道。問：貧子還家時如何。師云：無寶藏與你。學云：為什麼向外馳走。師云：誰遣你。問：毫釐不分時如何。師云：什麼處得者箇來。問：親手分付一去不來如何。師云：不可得。學云：却返時如何。師云：正好供養。問：如何是法王主。師云：四大本空五陰非有。問：大度德趁得及為什麼提不起。師云：不可向你道。祖師遺下一隻履。問：針頭不露時如何。師云：露也。學云：何似。師云：不喚作針頭。問：一息未分時如何。師云：卽今是幾息。問：不犯目前請師道。師云：早是犯了也。學云：若箇是犯不犯目

投子問

前。請師道。師云：不識好惡。問：貧子入門時如何。師云：不教汝除糞埽。學云：見師後如何。師云：不向你道。衣中有寶。問：請師一劍。師驀口擲。問：墮落三塗底人如何。師云：深達罪福相。問：如何是一句子。師云：兩句也。問：一念未生時如何。師云：得與麼護語。問：如何是不薦處。師云：汝與麼問不得。問：如何是動。師云：恰似你與麼問。學云：如何是靜。師云：也不嫌閑。問：如何是不道。師云：合取口。問：曙色未分時如何。師云：無與麼言語。問：天上天下唯我獨尊。如何是我。師云：推倒者老胡有什麼罪過。問：如何是和尚。師云：迎之不見其首。隨之罔眺其後。問：

如何是一代時教。師云：法華維摩楞伽思益。問：祖意與教意同別。師云：殊不得親不得。學云：親疎不得。請師道。師云：祖意教意。問：如何是逆行。師云：叱叱。問：一等是水。為什麼。海鹹河淡。師云：天上星地下木。問：不有不空時。如何。師云：說有說空。問：一人辨心。諸天辨供。未審辨什麼心。師云：今日請供養主了也。問：木人語。什麼人和師云：今人和學云：莫是和尚意旨也。無。師云：是什麼曲調。問：不凡不聖時如何。師云：立凡立聖。學云：總不與麼時如何。師云：你問箇什麼。問：如何是道。師云：道道。學云：如何用。師云：用用。

投子同

師在京日。往檀越家投齋。檀越將一盤草出。師前。師以兩手作拳。安頭上。檀越便將飯來。後有僧問。師在京投齋。意旨如何。師云：觀世音菩薩。問：一問便休時如何。師云：不了。問：鑄像未成時。身在什麼處。師云：莫造作。學云：爭奈不現何。師云：隱在什麼處。問：如何是佛法綱宗。師云：今日無錢借長官。問：古彌寒泉時如何。師云：不流於海。學云：飲者如何。師云：口也無。問：無目摩人。如何進步。師云：遍十方。學云：無目。為什麼遍十方。師云：還更著得目也。無。問：如何是一色。師云：不似銀盤裏盛白玉。問：照燭不破時如何。師云：習盡不是道。問：佛用工。得不得。師云：

投子同

大有人定當定當不得。學云：請師定當。師云：終不向你道。用工得。用工不得。問：石筍未抽條時如何。師云：爭合與麼問。學云：還解抽條也。無。師云：雖然不是石筍。抽條葉更多。問：密室內事如何。師云：無人知。學云：和尚還知也。無。師云：爭肯你亂道。問：日月未明。佛與衆生在什麼處。師云：見老僧。瞋便瞋。見老僧喜便喜。問：纔生便死時如何。師云：何生何死。問：破戒比丘。什麼處著。師云：不與罪福為主。問：一句子無人道得時如何。師云：屋子蓋了也。問：觀面事如何。師云：莫詔曲。問：如何是祖師西來意。師云：彌勒覓箇授記處不得。問：如何是玄中的。師云：不到。

你口裏道。問：亡僧向什麼處去也。師彈指云：與麼去也。問：諸佛出世。為一大事因緣。和尚出世。當為何事。師云：尹司空請我開堂。問：文彩未生時如何。師云：虛空合喫多少棒。問：和尚自住此山。有何境界。師云：丫角女子白頭絲。問：古人拈槌豎拂。還當不當。師云：不當。學云：為什麼不當。師拈起拂子云：只為着箇。問：未問已前事如何。師云：爭解開口。問：古人拈槌豎拂。意旨如何。師云：只為你問。學云：不問時如何。師豎起拂子。問：忘却將來時如何。師云：着箇除。

舒州太守尹建峰。送茶椀子與師云：着箇是某甲自將來。

底茶椀子。師接得了。召弟子。建峯應諾。師云。喫茶。問。不從葛有。如何覓心。師云。你從我。覓箇什麼。問。者裏是什麼所在。是人爭。師云。不知學云。為什麼不知。師云。爭箇什麼。問。放下不明時如何。師云。誰教你執。學云。不敢執。師云。放下不明。箇什麼。問。終日區區。為什麼不得成就。師云。無你用工處。學云。用工不得。請師接。師云。終日區區。問。默默無言。請師答話。師云。不是無言。不同默默。學云。不同默默。底事作麼生。師云。不與麼。學云。不與麼時如何。師云。苦哉。問。言不干舌時如何。師云。簷頭水滴滿地。問。和尚每日上堂。供養什麼人。師云。不可說不可說。問。不

投子問

十二

可以智知。不可以識識時如何。師云。不與麼。學云。不會。乞師指示。師云。不可以智知。不可以識識。問。未達道底人。如何接。師云。飢即喫飯。渴即飲水。問。三寸明不得。句下不從師時如何。師云。高聲問。老僧耳聾。學云。請師指示。師云。鈍屢生。問。有句無句。如藤倚樹。樹倒藤枯時如何。師云。將知你誑謬多少人來。問。凡聖相去幾何。師下禪床立。問。萬法從一法生。未審一法從何生。師云。迴首看。問。牛頭未見四祖時如何。師云。與人為師。學云。見後如何。師云。不與人為師。問。如何是沙門最苦處。師乃皺眉。問。未有言句已前。如何辨其尊貴。師云。已有句是尊是貴。

投子問

十三

問。靈松無異色時如何。師云。不是靈松。標不出。問。三拜已前事如何。師云。不知。學云。現問。次師云。三拜已前事作麼生。問。學人不別問。請師不別答。師云。奇怪。問。古人密用如何。師云。不從疎處起。學云。合從什麼處起。師云。疎也。有座主參師。師云。近前來。座主便近前。師云。去。問。未有此身。作箇什麼來。師云。無所不經。無所不歷。問。如何是千年石上古人蹤。師云。磳碣上著不得。問。干祖斷臂當為何事。師云。粉骨碎身。問。收攝不得時如何。師云。無可拋撒。問。劫火洞然時如何。師云。寒威威地。問。累劫來來無盡燈。不曾挑剔。鎮長明時如何。師云。累劫來來無盡燈。不曾挑剔。鎮長明。問。頭頭不到時如何。師云。你問什麼事。問。一問便休。休時如何。師云。太多也。問。暗裏得時如何。師云。不向你道。煩惱山是菩提。學云。與麼則雲遊塚根也。師云。雲遊則伶俜辛苦。塚根則禍患俱生。問。十二時中。如何行履。師云。不從一法。學云。如何報得四恩。三有。師云。莫受一法。問。玄中認得時如何。師云。得即失。問。曹谿一路。闍國知聞。未審投子意旨如何。師撫掌三下。問。萬仞拳頭時如何。師云。什麼處不是。問。如何是法身主。師撫掌三下。問。徑截一路。乞師指示。師云。會麼。問。如何是空王殿。師云。建立不得。問。句句相投。請

師接師云不接學云為什麼不接師云句句相投問如何是和尚師師云莫造次問有言有句皆有所歸無言無句事作麼生師舉起拄杖云者箇是什麼問如何是衲衣下事師云天不能蓋地不能載問古人道法不孤起仗境方生如何是境師敲禪床學云與麼則觸目是也師云是什麼問塵劫來誰為主師名僧名僧應識師云是什麼問蓮華未出水時如何師云隱隱地學云出水後如何師云蓋覆不得問諸佛師學人不識乞師指示師云天不能蓋地不能載問如何是和尚活計師提起衲衣云盡底呈似你學云為復只是者箇別更有在師云

投子問

古

不識好惡問六國未寧時什麼人作主師云自有本來者學云如何是本來者師以拂子驀口打問四山相逼時如何師云身在什麼處學云爭奈四山何師云這殺你問千里投師乞師一接師云老僧今日腰痛問和尚未見先師時如何師云通身不奈何學云見後如何師云通身撲不碎學云還從師得也無師云終不相辜負學云與麼則從師得也師云得箇什麼學云與麼則辜負先師也師云非但辜負先師亦乃辜負老僧問七佛是文殊弟子文殊還有師也無師云適來與麼道也大似問作什麼業來通身紅爛師云諸見不生問師子是獸中之

王為什麼被六塵吞師云不作大無人我問雷聲振地為什麼百草不抽芽師云芭蕉只麼長問僧錄為什麼遯志公真不得師云只為看他面孔學云不看他面孔時如何師云是什麼問達磨未來時如何師云通天遍地學云來後如何師云蓋覆不得問如何是空王佛師云不應量問雪覆蘆花時如何師云明白無邊際問如何是十身調御師下禪床立

投子問

十五

師不安時有李司徒令人送藥到傳語師云若斷得人間來往生彌勒內院若未斷人間來往却向弟子家中結緣師迴傳語云不如具正法眼好山下有婆子家中失却牛上山請師卜師乃召婆婆應諾師云牛在問如何是無情說法師云莫惡口師上堂示眾云他古人纔出來便一手指天一手指地道上天下下唯我獨尊十方世界無有過者如今更被諸方出來道向上別有事在若言道有道無即是走作學家未休時有什麼了期但莫著名言數句了諸事自然不著即無位次不同你一切法一切法攝不得本無得失夢幻如許多名目不可強與他安立誑誘你諸人得麼為你諸人問故所以有言你若不問我向你说什麼即得若有一法與你老僧罪過你若道無你諸人又問我箇什麼所以

道早不屬你巧言妙句若與麼會去卽第一不得擔帶你諸人幸是可憐生擔帶負物作什麼見卽便見你若不見一切不得作巧言妙句問老僧巧來妙去卽轉轉勿交涉驟殺人所以我儂尋常問你諸人佛前佛後不說別事你諸人道看是什麼見什麼問如何是無生曲師云無人唱得學云忽有人唱得時如何師云生也

師上堂云是你諸人口似刀子鑷子相似有什麼當處雖然如此莫趁俊道有不潦底打你在莫言不道問蓮花在水時如何師云千人萬人覩不見學云出水後如何師云應量恰好問法從何生師豎起一指

投子洞

十六

師示衆云人人總道投子實頭忽若下山三步外有人問你投子實頭底事你作麼生向他道問和尚年多少師云春風了又秋風問如何是截鐵之言師云莫費力

師問翠微二祖見達磨有何所得微云你今見吾有何所得師又問如何是佛理微云佛卽不理師云莫落空否微云真空不空

翠微有頌送師其有識矣佛理何曾理真空又不空大同居寂住數演我師宗

投子和尚語錄終

睦州和尚語錄 并序

師法嗣黃檗初住睦州觀音院常餘百衆得數十載後捨衆住開元寺房織蒲鞋鬻養母親時人號爲陳蒲鞋其機鋒語句今集之二三焉

上堂對後第一

上堂云你諸人還得箇入頭處也未若未得箇入頭須得箇入頭若得箇入頭不得辜負老僧又云明明向你道尚自不會豈況蓋覆將來問如何是學人自己師云觀世音菩薩進云學人不會師云大慈悲菩薩問如何是祖師西來意師云一隊衲僧來一隊師僧去問如何是展

睦州語

演之言師云量才補職進云如何是不展演之言師云伏惟尚饗問如何是向上一路師云你問將來我與你道進云便請道師云抖擻多年穿破衲襤褸一半逐雲飛問請師講經師云買帽相頭進云謝師慈悲師云拈頭作尾拈尾作頭還我第三段來問如何是徑截一路師云大衆久立速禮三拜進云請師道師云有頭無尾漢又云來來還我徑截一路來僧無語有座主問某甲雖講得經兼行脚不會教意時如何師云灼然實語當懺悔進云乞師指示師云你若不問老僧緘口無言你既問老僧不可緘口去也進云便請道師云心不負人面無慚色問

知時者是大沙門，如何是大沙門？師云：我向鼻孔裏問你。進云：作麼生問？師云：自領出去。又云：來來，我共你葛藤，你却問我，問如何是大沙門？師云：觀世音菩薩，會麼？進云：不會。師云：大慈悲菩薩。問：以一重去一重，即不問，不以一重去一重，時如何？師云：昨日栽茄子，今朝種冬瓜。問：一句道盡時如何？師云：義隨也。進云：什麼處是某甲義隨處？師云：三十棒教誰喫？問：祖意與教意是同是別？師云：青山自青山，白雲自白雲。進云：如何是青山？師云：還我一滴雨來。進云：學人不得，請師道。師云：法華峯前陣涅槃，句後收。

睦州

二

上堂，大眾雲集。師云：章表將來。時有僧出應諾。師云：據狀領過。問：佛法大意，請師舉唱。師云：我者裏不曾泥裏洗土塊，你諸方作麼生道？僧無語。有大德曾講法華經，來問和尚，某甲雖講，不會教家大意，極則處。師云：不得錯舉。問：如何是向上事？師指一僧云：那箇師僧，何不問？僧無語。有僧舉雪峯語，乞師指示。峯云：是什麼？學云：乞師指示。峯云：因什麼到與麼地？舉了，僧遂問：祇如雪峯和尚意作麼生？師便打。師看經次，僧問：看什麼經？師云：金剛經。僧云：六朝翻譯，次當第幾？師云：一切有為法，如夢幻泡影。問：如何是教意？師云：我不答你。進云：和尚為什麼不答？

師云：為你念來。問：如何是西來意？師云：那箇師僧，何不近前來？僧便近前。師云：我喚浙東人，干浙西人什麼事？問：如何是曹溪的的意？師云：路逢劍客須呈劍，不是詩人莫獻詩。有座主問：三乘十二分教，某甲粗知，未審宗門事。乞師提綱。師云：問著宗門事，有什麼難道？恰問著老僧鼻孔，你頭上漫漫，脚下漫漫，教家喚作什麼？主云：教家無這箇意旨。師以拄杖趁。

睦州

三

上堂云：汝等快與快，與老僧七十九也，看看脫去也。僧便問：師百年後向什麼處去？師云：三十年後有人舉在。問：迎葉上行衣，誰人合得披？師云：抖擻多年穿破衲，穩穩一半逐雲飛。會麼？僧云：不會。師云：有時掛向肩頭上，也勝時人著錦衣。問：終日著衣喫飯，如何免得著衣喫飯？師云：著衣喫飯，進云：不會。師云：不會，即著衣喫飯。有座主問：三乘十二分教，即不問，如何是宗門中事？師云：老僧入你鉢囊裡。主云：和尚為什麼在學人鉢囊裡？師云：有什麼橫榔豆蔻，速將來。主云：和尚欠少箇什麼？師云：這賊今日敗也。進云：學人乍入叢林，乞師指示。師云：量才補職，進云：學人咨和尚。師咄云：這扶籬摸壁漢，三家村裏保頭，也不能作得。

師因赴齋，遇有僧就師乞贖錢。師云：赴齋得三十文。僧云：

便請師云施者雖無厭受者應知足 問佛法大意請師提綱師云拈將來與你提綱進云便請和尚道師云拆東籬補西障 有僧名宗闡宗闡咨和尚師云住僧便住師咄云名也不識又云有闡卽判快道快道闡無對 有俗官問一氣還轉得一大藏經麼師云有什麼純純快將來問古人有言究竟一路如何是究竟一路師云吽吽你這腦子我這裏難過筆墨兩狀一時領過進云某甲有什麼過師便打趁 問從上已來老宿作家還有差別異路難會底道理麼師云有進云如何是差別異路難會底道理師云待你三生六十劫信去始得進云某甲乍入叢林

睦州錄

四

乞師指示師云你不解問進云和尚作麼生師云放你三十棒自領出去 問十方國土中唯有一乘法如何是一乘法師云你若不問我卽不知你若問我我卽知進云爲什麼如此師云吽吽什麼處得這箇問來僧無語 問說卽振動乾坤不說卽絲毫不掛說卽是不說卽是師云道什麼僧再舉師云這脫空謾語漢進云某甲話在師云說卽振動乾坤是你恁麼道僧云是師拈拂子便打云吽吽這裏嚇我來 問教意請師提綱師云但問將來我與你道進云便請道師云佛殿裏裝香三門頭合掌 問學人有問未審師還許也無師云灼然賊來須打客來須看進

云未審和尚作麼生道師云這賊不能打得你 問三乘十二分教從何而得師云對機故得 問請和尚答一轉語得麼師云得進云請便道師拽拄杖趁

上堂云不受護底人出來有僧出應讓師云被我挑一塊屎孽喉嚨塞却孽眼打也爭不受護 師因看金剛般若經僧問和尚看甚經師云無二無二分無別無斷故會麼僧云不會師云我念經也不得 有俗官問和尚依教不依教師云光剃頭淨洗鉢作麼生不依教

師因齋次有俗官問請師施食師云三德六味施佛及僧吽吽快將來老僧要喫俗官云請和尚施財師云弟子施

睦州錄

五

財和尚施法先到老僧後到佛 又俗官問弟子今日開藏經乞師一句提綱藏經師云此問難得官云便請提綱師云對牛彈琴 師因看經次僧問和尚看什麼經師云涅槃經茶毗品最在後 問如何是起佛越祖之談師薦拈拄杖示衆云我喚作拄杖你喚作什麼僧無語師再將拄杖示之云起佛越祖之談是你問麼僧無語 師因焦山借斧頭師喚童子取斧頭來童子取得來向師前云未有繩墨且斫麤師遂喝又喚童子來來作麼生是你斧頭童子遂作斫勢師云斫你屋裏老爺頭不得 師舉黃檗和尚語云天下老和尚一氣道在我若裏要放

你也在這裏、要不放你也在這裏、僧便問、如何是一氣道、師云、量才補職、僧云、如何是不放一氣道、師云、伏惟尚饗、問、如何是禪、師云、猛火著油煎、問、不擇一切、請師提綱佛法、師云、山河大地、畜生驢馬、進云、爲什麼不會、師云、你若被我把握住、直須百雜碎、僧云、和尚不可一向、師云、不信道百雜碎、問、近入叢林、乞師方便、師云、你近入叢林、進云是、師云、心不負人、面無慚色、進云、某甲不會、師云、近前來、與你注解、僧近前、師云去、上堂、大眾侍立、師喝出去、大眾不去、師又再喝、大眾茫然、師舉拄杖、一時趁下去、

睦州錄

師因看華嚴經、僧問、是什麼經、師云、大光明雲、青色光明雲、紫色光明雲、那邊是什麼雲、僧云、南邊是黑雲、師云、今日應有雨、又云、將爲是箇師子兒、元來是箇老鼠兒、上堂云、還有踏倒禪牀底出來、有僧出來應諾、師云、比來拋鉤釣鯨鯢、下場頭却釣得箇蝦蟆出來、問、如何是禪、師云、還我第二段來、進云、不會、師云、三段不同、萬里崖州、問、如何是佛、師云、掣轉鼻孔、問、如何是葛藤一句、師云、山河大地是你問、進云、如何提綱拈掇、師云、到我問、問、托卽乾坤大地、不托卽絲髮不逢、時如何、師云、叫吽、不會見此先跨跳三千里、倒退八百、你作麼生、學云、諾、師云、

先責一狀好打者漢、又云、來來、我共你葛藤、托卽乾坤大地、你且道、洞庭湖水深多少、進云、不曾量度、師云、是洞庭湖水、又作麼生、進云、祇爲今時、師云、這葛藤尚不會得、便打、問、大眾雲孫、合談何事、師云、作麼、問、華藏海卽不問、如何是向上一路、師云、好來好來、

睦州錄

師舉古人語次、問、大眾云、三乘十二分教、成得箇什麼邊事、有僧云、今日大眾普請不易、師云、不要將出來、僧云、打鼓喫藥食、師云、莫拈出、僧云、和尚得恁麼惓惓、師云、我也祇要你恁麼道、問、如何是觸途成滯底句、師云、不恁麼道、進云、作麼生道、師云、吽吽、箭過西天十萬里、向大唐國裏等候、僧打門問、已事不明、乞師指示、師纔開門、僧擬開口問、師便學口摑、問、如何是學人入頭處、師云、一不得了、進云、某甲不會、師云、這箇語話、三十年後大行、問、如何是禪、師云、摩訶般若波羅蜜、進云、不會、師云、抖擻多年穿破衲、襪襪一半逐雲飛、睦州僧正、并諸大德衆、請師上堂、師問僧正、僧正應諾、師云、監寺吟、正云不在、師云、都監聞衆吟、正云不在、師云上座吟、正云不在、師云、三段不同、今當第一、向下文長赴在來日、不詞謹退、便起、諸大德罔措、師舉古人語云、捏聚也在我、裂破也在我、僧問、如何是裂

開師云菩提涅槃真如解脫三九二十七還我第一等來
又云卽心是佛我且恁麼道你作麼生僧云某甲不恁麼
道師云蓋子落地椀子成七片僧云如何是捏聚師乃斂
手而坐

一日睦州刺史問如何是禪宗事師云近前來近前來史
近前師云得恁麼脫空妄語史無語師遂問曾見什麼人
來史云曾見恁麼老宿來師云更作麼生史云看經來師
爲打牀一下云教中喚這箇作什麼史云教中不說師云
教中道治生產業與正理不相違背又作麼生史無對師
又打牀一下云大凡喚這箇作什麼史云喚作牀師云這

喫飯粘漢

睦州錄

睦州陳操尚書因齋次尚書自行餅餌與僧僧遂引手接
尚書却縮手僧無語尚書與諸官在鎮樓上坐忽見有
數僧來官人云有幾箇衲僧來尚書云不是官人云爭知
不是書云待來到這裡與你勸其僧遂至尚書齋喚云上
座上座僧迴首無語書云不信道

上堂衆集師云忽然忽然有僧出來云却請大衆歸堂去
師拍繩牀一下云苦殺人僧遂迴頭師舉拄杖一時趁下
問如何是佛法徑截師云三人兩人不問進云便請和
尚道師云三人一狀領過問一言道盡時如何師云叫

叫藥著老僧當門齒進云已蒙和尚指示師云有頭無尾
漢錢唐去國三千里僧無語問一句淨盡時如何師云

摘却你眉毛換却你眼睫僧無語師云叫脫空謾語漢
問如何是向上一路師云朝看東南暮看西北問不

涉廉纖請師道師云三段不同今當第一向下文長赴在
來日問如何是教意師云還我一問來進云未審和尚
作麼生道師云叫叫不敢望你分外話也不領問如何
是量才補職師云不要補進云爲什麼不要補師云蝦蟇
之類別有一僧出來請和尚道師云不要攪擾百姓養
子方知父慈會麼僧云如何是養子方知父慈師云心不

睦州錄

九

負人面無慚色問如何是禪師云歸依佛法僧進云不
會師云咄這蝦蟇得與麼惡業問學人有疑請師一決
師云獨掌不浪鳴進云不會師云隻緣不成束自領出云
問徑截處乞師指示師云早朝有人問了也進云早朝
有人問了且致請師道師云三門頭市合金剛脚下小兒
子戴錢問如何是教意師云一問不再舉問如何是
一代時教師云上大人丘乙己問如何是急師云通你
一問進云如何是急中急師云朝向西瞿耶尼暮向北鬱
單越俗官問弟子廣陳供養師有何方便師云祇怕你
不問官云便請和尚道師云心不負人面無慚色問以

八不成、是何章句、師彈指一下云、會麼、進云、不會、師云、上來講讚無限勝因、蝦蟆蹲跳上天、蚯蚓過東海、問、如何是鷄子、師云、這死雀兒、進云、如何是鷄子之機、師云、昨日有師僧趁出去、你今日又來這裏、進云、過在什麼處、師云、敕、殿朝官、問、如何是機前一句、師云、老僧一問、教你摸、進云、莫便是麼、師云、對牛彈琴、問、正當說時時如何、師云、你為什麼話、進云、什麼處是話、師云、擔枷過狀、萬里崖州、自領出去、問、大眾雲集、合談何事、師云、那箇師僧置將一問來、學人舉頭、師便打云、老僧却不恁麼進云、未審和尚作麼生問、師云、佛殿裏裝香三門頭合掌

睦州歌

十

又云、你不解問、進云、未審作麼生問、師云、速禮三拜、放你三十棒、又云、後園生菜熟、水淘飯、問、如何是向上事、師云、向下文長、又云、慚愧解問、進云、請和尚道、師云、心不負人、面無慚色、問、如何是教眼、師云、十方國土中、唯有一乘法、進云、此是經文、師云、驢年會麼、進云、如何是教眼、師云、量才補職、問、如何是衲僧眼、師云、朝看東南暮看西

北

上堂云、觀自在菩薩、行深般若波羅蜜多時、信受奉行、問、僧、我適來念什麼、僧云、和尚念經、師便打云、此老古錘、心不負人、面無慚色、問、如何是諸佛師、師云、釘釘東東骨

低骨董、進云、乞師慈悲、師云、我問你第二句作麼生道、進云、不會、師云、灼然灼然、師坐次有僧慕然問、請師道、師云、蘇嚕嚕嚕婆娑訶、問、如何是向上關捩子、師云、新羅國裏坐朝、大唐國裏打鼓、

上堂云、爍電之機罕遇、且向填蜜村裏作活計、僧問、如何是填蜜村裏作活計、師云、歸依佛法僧、進云、如何是爍電之機罕遇、師云、灼然、問、三界唯心、萬法唯識時如何、師云、牙齒敲磕、更置將一問來、僧無語、師云、舌頭無骨、又拈拄杖一劃云、會麼、僧云、不會、師云、鵲鵲鳥、問、不落舒機、便請道、師云、老僧三十年来行脚、未曾置此一問、進云、

睦州歌

十一

請師答語、師云、這箇阿師什麼處得此一箇問頭來、問、高揖釋迦、不拜彌勒時如何、師云、到老僧這裏、竟箇什麼、這禮三拜、又云、近前來、早是教七教八、進云、也知和尚恐某甲不實、師云、拄杖不在、掃帚柄打三十下、問、古人點土成金、意旨如何、師云、老僧不與麼道、進云、和尚作麼生道、師云、金變為土、問、學人乍入叢林、乞師指示、師云、飽喫飯了、顛言倒語、作什麼、進云、與麼、即一切法不可得也、師云、你道我語作麼生、進云、一切法不可得也、師便打、問、學人近入叢林、乞師指示、師云、不得埋沒老僧、進云、乞師慈悲、師云、一箭過西天、一不成兩不是、有長講法華

經座主來問某甲雖講經不明教意乞師方便師云悟即實初三十下中九下七面前背後相去多少主云某甲不會乞師指示師云拈起著主再問師云摩訶般若波羅蜜進云某甲不會師云入鄉隨俗進云如何是教意師云妙法緊那羅王大法緊那羅王主云某甲不會師云真箇是無孔鐵樁近前來主便近前師以手空撈一轉却云會麼主云不會師云不在這裏

上堂云識賤即貴僧便問祇如長街裏還有貴也無師云有進云如何長街裏貴師云陳薑陳薑進云恁麼則學人買得也師云一兩二兩還我三文錢來僧無語師云叫

叫這脫空妄語漢

睦州錄

十二

師問僧什麼處來僧云天台來師云見說石橋作兩段是否僧云和尚什麼處得這箇消息師云將爲是華頂峯前客元來是平田莊裏人因見新到師云老僧不曾向第二句裏勘人近前來僧遂近前師云近離什麼處僧云請和尚辨師云今日雲色稍高問僧什麼處來僧云和尚合知師云我卽知僧云且道某甲從什麼處來師云猶跳圈不出問僧你是行脚僧是否僧云諾師云築著便蝦蟇叫僧云某甲未曾有語在師云來來作麼生道僧云還

曾過得住也無師便打問僧近離什麼處僧云老僧今日被你喝一喝僧又喝師云三喝四喝後作麼生僧無語師便打云這掠虛漢問僧什麼處來僧便喝師云你以古人作得主僧又喝師云話破也僧云某甲什麼處是話破處師便棒問僧什麼處來僧云請和尚鑒師拈起拄杖云你喚作箇什麼僧云請和尚鑒看師便打問僧什麼處來僧云知道和尚有此一問師云一破兩破三破作麼生僧云和尚什麼處得許多破來師云吽吽這箇阿師好與三十棒問僧夏在什麼處僧叉手退後師云鉢盂裏失却是箇草鞋根下失却一文古老錢僧云某甲

睦州錄

十三

不與麼師云共你葛藤尚自不會來來實道夏在什麼處僧云江西師云念你遠來放你三十棒問僧什麼處來僧云徑山來師云何得五戒不持僧云過在什麼處師云我這裏不著沙彌師見新到來參云剋尤匠耐僧周測一邊立師云什麼處得這一隊打野雞漢出去問僧什麼處來其僧瞪目視師云驢前馬後漢問僧什麼處來僧云適來有人問了也師云因什麼敗闕僧云莫錯師云自領出去問僧什麼處來僧云識得卽知來處師喝云這蝦蟇保老和尚作活計僧云莫錯師云放你三十棒自領出去問僧莫是從河北來麼僧云某甲近離江西師

云大屐坐具禮三拜著其僧禮拜了便出去師云不空不空僧迴首師云來來近前來結是黑正好辯僧無語問僧幾人新到僧云五人師云瓦解冰消僧云和尚未曾有問師云賊把賊為驗問僧近離什麼處僧云也知和尚有此一問師云脫空妄語漢僧云什麼處是妄語師云三十棒教阿誰喫問僧夏在什麼處僧云待和尚有箇住處師說似和尚師云孤非師子類燈非日月明問僧什麼處來僧云靈山來師云涅槃是第幾座僧無語師又問迦葉什麼處去僧云不知師云脫空妄語漢有時纔見新到云見成公案放你三十棒僧云某甲如是師云三門

睦州

古

頭金剛為什麼却舉起拳僧云金剛尚乃如是師便打問僧什麼處來僧云須知有不涉程途者師乃咄云開口便作屎鼻氣有僧參師師乃拈起針云一時穿過鼻孔僧云莫錯師云咄咄近前來你適來道什麼僧云和尚莫錯師云西天斬頭截臂這裏自領出去師有時見新到云何得五戒不持僧云某甲未曾入人事師云這沙彌問僧什麼處來僧云婺州來師云還見傳大士麼僧云某甲不見師云在雙林寺裏問僧什麼處來僧云婺州來師云鄉中偏出此人問僧什麼處來僧云適來途中早有

麼處師云擔枷過狀漢問僧什麼處來僧云那處來師云老僧屈僧云和尚知便得師云擔枷過狀便打問僧什麼處來僧云莫錯伸此一問師云嘎江西來僧云莫錯師云三十棒教阿誰喫問僧什麼處來僧便喝師拍手大笑僧罔措師便打問僧什麼處來僧云深知和尚有此一問師云七縱八橫老僧鼻孔在什麼處僧云和尚鼻孔為什麼却問某甲師云咄咄放你三十棒問僧什麼處來僧云靈泉來師云咄咄放你三十棒又云你適來住麼道吟僧云是師云三門頭金剛為什麼倒地僧無語師云將為是箇僧元來紇是蝦蟆問僧什麼處來僧云請

睦州

十五

和尚辨師云向你脚下辨僧無語師云咄咄什麼處並無主宰問僧什麼處來僧云洎錯祇對和尚師咄云將一條繩縛保老師著僧云某甲有什麼過師云去問僧什麼處來僧云靈山來師云近日打殺一門僧是否僧無語師云這死蝦蟆問僧什麼處來僧叉手近前師云太狼藉生僧無語師云這掠虛漢問僧什麼處來僧云江西來師云江西米貴賤僧云不曾入鄺師云念你遠來放你三十棒問僧什麼處來僧云江西來師云江西此去多少僧云不曾量度師云文彩已彰問僧什麼處來僧云江西來師云夏在什麼處僧云雲居師云有何言教僧云

卽今作麼師云、這箇師僧親從高處來、僧云和尚爲什麼與麼道、師云、本色打米餅、保老師、問僧、什麼處來、僧云江西來、師作打勢云、踏破多少草鞋、僧無語、師云、來來、你曾過楊嶺麼、僧云、過、師云、今日好秋涼、問僧、什麼處來、僧云、江西來、師云、還有不喫飯底麼、僧云、有、師云、這箇是噇飯底、問僧、你頭上一問爲什麼不道、僧云、什麼處不道、師云、且喜得你出頭來、問僧、什麼處來、僧云、雙林來、師云、途中事、借問得麼、僧云、和尚問什麼處、師云、你上大人、也未曾夢見、出去、

勘看經僧第三

睦州歌

十六

問僧看什麼經、僧云、般若經、師云、鼻孔裏藏身、鉢盂裏藏却是、眼睛裏換却、鬚髯、刪在什麼經裏、僧云、某甲不知、刪在什麼經裏、師云、來來、祇如大般若經、一切智智清淨是麼、僧云、是、師拈起拄杖云、見這箇麼、僧云、此是色法、師云、忽有人、供養看經僧、你也隨隊喫飯、問僧、曾看經是麼、僧云、是、師云、是、又云、不得謾我、僧云、和尚爲什麼不領話、師云、果然謾我、問僧、什麼處來、僧云、雙林寺來、師云、傳大士道什麼、僧云、他不問和尚、和尚又問他、作什麼、師云、什麼處得這老婆說話來、問僧、什麼處來、僧云、雙林寺來、師云、還見傳大士麼、僧云、不錯、祇對和尚、師云、吽吽

牢裏作活計、問僧、什麼處來、僧云、雙林寺裏來、師云、在

彼看經麼、僧云、和尚什麼處得這箇消息、師云、兩俱失、

有同學師兄來相看、喫茶次、師兄問、行腳事作麼生、師恰

遇沙彌過茶次、便與一擲、吐這沙彌、師兄云、是卽是你道

我作麼生、師云、蝦跳不出斗、問一僧、今日施主開經麼、

僧云、是、師云、好生著、莫教錯、僧云、某甲不教錯、師云、入地

獄如箭射、問僧、曾講經麼、僧云、不會、師云、去、問僧看

什麼經、僧云、涅槃經、師云、茶畧品、最在後、曾看麼、僧云、曾

看、師云、大喻三千、小喻八百、問僧、什麼處來、僧云、齋來、

師云、將曉錢來、僧云、和尚欠少什麼、師云、蝦蟇叫、問僧

什麼處來、僧云、齋來、師云、猴猴繫露柱、問僧、什麼處來、

僧云、齋來、師云、打草蛇驚、問僧、什麼處去來、僧云、齋來、

師云、施主還具眼麼、僧云、某甲罪過、師云、你爲什麼隨我

僧無語、問僧、什麼處來、僧云、齋來、師云、將什麼報答施

主、僧云、不用更言、師云、介不當兩、僧云、此是和尚分上事、

師云、吽吽、且放你三十棒、問僧、什麼處來、僧云、和尚莫

錯伸一問、師云、爭奈頭上一條繩、何、僧云、莫錯、師云、如

更著枉、問僧、什麼處去來、僧云、齋來、師云、施主眼瞎、

師見僧瞎視云、你大有年幾也、僧云、請和尚道、師云、四十

六也未、僧云、莫錯、師云、這死蝦蟇、問僧、今日喫得多少

睦州歌

十七

鹽醋僧拈起鉢盂師云可惜許鹽醋半欄裏作活計問

一上座何不覓箇住處座云盡大地覓箇住處不可得師云繩子爲什麼在我手裏座云和尚恁麼道卽得師云非但羈縻鼻孔也穿過問一覺上座見說在叢林裏多口把不住是闍黎麼覺云和尚什麼處得這箇消息師云一任踈跳覺云不可語不得師云咩咩轉見敗闕又云老僧若置一問教你老身失命覺云和尚不可押良爲賤師云蘇嚕蘇嚕婆訶又云來來是你曾看教麼教中道謗斯經改獲罪如是作麼生是教意覺云教中不說有意師云入地獄又拈起拄杖云這箇是什麼覺云拄杖師云這粘錢

鹽力顯

十八

湯漢問河北僧彼中有趙州和尚你曾到麼僧云某甲近離彼中師云有何言教示後徒僧云尋常問新到什麼處來僧云南方來州云喫茶去師乃呵呵大笑云慚愧又問祇如趙州意作麼生僧云此亦是方便師云趙州被你一杓屎潑僧無語師見僧辭去問什麼處去僧云往徑山去師云忽然有人問你作麼生道得一句語塞得伊口僧云某甲有語師云去問僧什麼處去僧云禮拜徑山去師云這老漢好打破羈縻着師見一僧云恰似箇律師一般驀然悟去一箭穿過羈縻三千里僧擬作問勢師云蘇嚕蘇嚕婆訶

勸講經論座主大師第四

師問僧正正應諾師云講唯識論座正云不敢小年曾讀文字來師拈起糖餅擘破作兩片你作麼生正無語師問僧正喚作糖餅是不喚作糖餅是正云不可不喚作糖餅師却喚沙彌來你喚作什麼沙彌云糖餅師云你也講得唯識論有紫衣大師來參師師見來便拈起帽子問大師京中喚作什麼大師云朝天帽師云恁麼則老僧不去也大師無語師問大德曾蘊何業德云小年曾習唯識論師云三界唯心萬法唯識是麼德云是師指門扇云這箇是什麼德云色法師云簾前賜紫對御談玄五戒不

趙州顯

十九

持德無語問座主講什麼經主云法華經師云與老僧講來主云某甲依章疏師云你不會講主云某甲實不會講却請和尚講師云你不是聽經人主云昨日蒙和尚慈悲爲某甲今日講師云三段不同今當第一主云此是古人章疏師云你見箇什麼道理主無語師云這喫夜飯漢不能打得你去有座主善解二十四家書師問你解二十四家書是否主云不敢師遂於空中作書勢云是什麼字主云不會師云咩咩這箇阿師脫空妄語道我解二十四家書永字八法也不識主無語師云來來曾講華嚴經否主云不敢師云不怪伸一問得麼主云和尚問什麼師

咄云、講得枕裏又云、你問我、主云、請和尚講、師云、心不負人、主云、不會、師云、對牛彈琴、問座主、講什麼經、主云、涅槃經、師云、開口便作屎臭氣、主云、爭奈古教何、師云、奴見婢慙慙、不肯休、主無語、師云、近前來、主便近前、師云、祇這也無主宰、便打、一日有座主來、師問、見說座主、講得經是否、主云、不敢、師云、咄咄、夜飯、保老師云、來來、講得什麼經、論主云、唯識法華經、師云、拈起鼻孔、將兩耳來、主云、鼻孔作麼生拈得、師云、這念言語漢、又云、法華經云、十方國土中、唯有一乘法、是否、主云、是、師云、佛殿裏、即不問你、三門頭、鷓鴣上道、將一句來、主云、此是玄機、師云、玄你

睦州敲

十

屋裡老爺、脫空妄語漢、有講論座主、來參師、師云、你爲什麼義隨、主云、和尚未曾問某甲、師云、西天則斬頭截臂、我這裏與你口喫飯、有一座主、講得七本經論、來參師、師云、你是講得七本經論、是否、主云、不敢、師拈起拄杖、著頭打一下、主云、某甲不因和尚、泊虛過一生、師云、道什麼、主擬開口、師便打、主云、謝和尚重重相爲、師云、依稀近佛、茶盞爲僧、有一座主、講得六本經論、來參師、師云、見經中有問、論中有主、主云、某甲依章疏講、不會玄機、師云、你講得枕裏、主云、某甲也未曾分外、師云、出去、有座主來參師、師問、莫便是講唯識論、是麼、主云、不敢、師云、朝去西

天暮歸唐土、會麼、主云、不會、師云、咄咄、五戒不持、問座主、講什麼經、主云、講華嚴經、師云、更有箇漢子、即不問你、文殊普賢、又作麼生、主云、不會、師云、近前來、主便近前、師便打一棒云、會麼、主云、不會、師云、飢逢王膳、不能冷病、遇醫王、爭得瘥、與你註解了、問僧、講什麼經、主云、金剛經、師云、曾講辨止論麼、主云、不敢、師云、五戒不持、又問、講金剛經、是否、主云、是、師拈拄杖云、是什麼、主云、此是色法、師云、講得枕裏、又云、經中道、凡所有相、皆是虛妄、若見諸相非相、即見如來、是否、主云、是、師云、這脫空妄語漢、墮夜飯、保老師、問座主、蘊何業、主云、唯講論、師云、教中言作麼

睦州敲

廿

生、主云、某甲祇是尋行數墨、却是禪門中不知、師云、實語當懺悔、問講金剛經座主、荷擔如來、即不問你、寺門前金剛爲什麼入你鼻孔裏去、主云、和尚什麼話、師云、你講得夢裏、問講楞嚴經座主、經中有八還四義、是否、主云、是、師以拄杖點一童子頂上、一下云、是什麼義、主無語、師云、此義文長、赴在來日、問如何是自己事、師云、老僧不解相怪、速禮三拜、又云、觀世音菩薩、進云、不會、師云、大慈悲菩薩、

睦州和尚語錄

終

趙州真際禪師語錄并行狀卷上

師卽南泉門人也。俗姓郝氏。本曹州郝鄉人也。諱從諗。鎮府有塔記云。師得七百甲子歟。值武王微沐。避地岨嶮。木食草衣。僧儀不易。師初隨本師行脚。到南泉。本師先人事了。師方乃人事。南泉在方丈內臥次。見師來參。便問。近離什麼處。師云。瑞像院。南泉云。還見瑞像麼。師云。瑞像卽不見。卽見臥如來。南泉乃起問。你是有主沙彌。無主沙彌。師對云。有主沙彌。泉云。那箇是你主。師云。孟春猶寒。伏惟和尚尊體起居萬福。泉乃喚維那云。此沙彌別處安排。師受戒後。聞受業師在曹州西。住護國院。乃歸院省覲。到後

趙州語上

本師令郝氏云。君家之子。遊方已迴。其家親屬。忻懌不已。祇候來日。咸往觀焉。師聞之。乃云。俗塵愛網。無有了期。已辭出家。不願再見。乃於是夜結束前邁。其後自攜瓶錫。遍歷諸方。常自謂曰。七歲童兒。勝我者。我卽問伊。百歲老翁。不及我者。我卽教他。年至八十。方住趙州城東觀音院。去石橋十里。已來住持枯槁。志効古人。僧堂無前後架。旋營齋食。繩床一脚。折以燒斷。薪用繩繫之。每有別制新者。師不許也。住持四十來年。未嘗賣一封書。告其檀越。因有南方僧來。舉問雪峯古澗寒泉時如何。雪峯云。瞪目不見底。學云。飲者如何。峯云。不從口入。師聞之曰。不從口入。從鼻

趙州語上

孔裏入。其僧却問師。古澗寒泉時如何。師云。苦學云。飲者如何。師云。死。雪峯聞師此語。讚云。古佛古佛。雪峯因此後不答話矣。厥後因河北燕王。領兵收鎮府。既到界上。有觀氣象者。奏曰。趙州有聖人。所居戰必不勝。燕趙二王。因展遊會。俱息交鋒。乃問。趙之金地。上士何人。或曰。有講華嚴經大師。卽行孤邈。若歲大旱。咸命往臺山祈禱。大師未迴。甘澤如瀉。乃曰。恐未盡善。或云。此去一百二十里。有趙州觀音院。有禪師。年臘高邈。道眼明白。僉曰。此可應兆乎。二王稅駕觀焉。既屆院內。師乃端坐。不起。燕王遂問曰。人王尊耶。法王尊耶。師云。若在人王。人王中尊。若在法王。法王中尊。燕王唯然矣。師良久。中間問阿那箇是鎮府大王。趙王應諾。弟子。緣趙州屬鎮府師云。老僧盪在山河。不及趙王。應諾。弟子。以表知重之禮師云。老僧盪在山河。不及趙王。應諾。弟子。請師爲大王說法。師云。大王左右多爭教。老僧說法。乃約令左右退。師身畔時有沙彌文遠。高聲云。啓大王。不是者箇左右。大王乃問。是什麼左右。對曰。大王尊諱多。和尚所以不敢說法。燕王乃云。請禪師去。諱說法。師云。故知大王。曩劫眷屬。俱是冤家。我佛世尊。一稱名號。罪滅福生。大王先祖。才有人觸著名字。便生瞋怒。師慈悲非。說法多時。二王誓首讚嘆。珍敬無盡。來日將迴。燕王下先鋒使。聞師不起。凌晨入院。責師傲亢。君侯。師聞之。乃出

迎接先鋒乃問曰昨日見二王來不起今日見某甲來因何起接師云待都衙得似大王老僧亦不起接先鋒聆師此語再三拜而去尋後趙王發使取師供養既屆城門閤城威儀迎之入內師才下寶輦王乃設拜請師上殿正位而坐師良久以手劬額云塔下立者是何官長左右云是諸院尊宿并大師大德師云他各是一方化主若在塔下老僧亦起王乃命上殿是日齋筵將罷僧官排定從上至下一人一間一人問佛法師既望見乃問作什麼云問佛法師云這裏已坐却老僧那裏問什麼法二尊不化此乃師之王乃令止其時國后與王俱在左右侍立國后云請

趙州語上

三

禪師爲大王摩頂受記師以手摩大王頂云願大王與老僧齊年_此是時迎師權在近院駐泊獲時適地建造禪宮師聞之令人謂王曰若動著一莖草老僧却歸趙州其時實行軍願捨菓園一所直一萬五千貫號爲真際禪院亦云實家園也師入院後海衆雲臻是時趙王禮奉燕王從幽州奉到命服鎮府具威儀迎接師堅讓不受左右昇箱至師面前云大王爲禪師佛法故堅請師著此衣師云老僧爲佛法故所以不著此衣左右云且看大王面師云又干俗官什麼事乃躬自取衣挂身上禮賀再三師惟知應諾而已師住趙州二年將謝世時謂弟子曰吾去世之後焚

燒了不用淨淘舍利宗師弟子不同浮俗且身是幻舍利何生斯不可也令小師送拂子一枝與趙王傳語云此是老僧一生用不盡底師於戊子歲十一月十日端坐而終于時實家園道俗車馬數萬餘人哀聲振動原野趙王於時盡送終之禮感歎之泣無異金棺匿彩於俱尸矣莫不高營鴈塔特豎豐碑謚號曰真際禪師光祖之塔後唐保大十一年孟夏月旬有三日有學者咨問東都東院惠通禪師趙州先人行化厥由作禮而退乃授筆錄之具實矣

趙州語上

四

師問南泉如何是道泉云平常心是師云還可趣向不泉云擬即乖師云不擬爭知是道泉云道不屬知不知知是妄覺不知是無記若真達不疑之道猶如太虛廓然蕩然豈可強是非也師於言下頓悟玄旨心如朗月南泉上堂師問明頭合暗頭合泉便歸方丈師便下堂云這老和尚被我一問直得無言可對首座云莫道和尚無語自是上座不會師便打又云這棒合是堂頭老漢喫師問南泉知有底人向什麼處去泉云山前檀越家作一頭水牯牛去師云謝和尚指示泉云昨夜三更月到窗師在南泉作爐頭大眾普請擇菜師在堂內叫救火救火大眾一時到僧堂前師乃關却僧堂門大眾無對泉乃拋鎖匙從

窻內入堂中師便開門師在南泉井樓上打水次見南泉過便抱柱懸却脚云相救相救南泉上棚梯云一二三四五師少時問却去禮謝云適來謝和尚相救南泉東西兩堂爭猫兒泉來堂內提起猫兒云道得即不斬道不得即斬却大眾下語皆不契泉意當時即斬却猫兒子至晚間師從外歸來問訊次泉乃舉前話了云你作麼生救得猫兒師遂將一隻鞋戴在頭上出去泉云子若在救得猫兒師問南泉異即不問如何是類泉以兩手托地師便踏倒却歸涅槃堂內叫悔悔泉聞乃令人去問悔箇什麼師云悔不剎與兩踏南泉從浴室裏過見浴頭燒火

趙州語上

五

問云作什麼云燒浴泉云記取來喫水牯牛浴浴頭應諾至晚間浴頭入方丈泉問作什麼云請水牯牛去浴泉云將得繩索來不浴頭無對師來問訊泉泉舉似師師云某甲有語泉便云還將得繩索來麼師便近前擣鼻便拽泉云是即是太麓生師問南泉離四句絕百非外請師道泉便歸方丈師云這老和尚每常口巴巴地及其問著一言不措侍者云莫道和尚無語好師便打一掌南泉便掩却方丈門便把灰圍却問僧云道得即開門多有人下語絲不契泉意師云蒼天蒼天泉便開門師問南泉云心不是佛智不是道還有過也無泉云有師云過在什麼處

請師道泉遂舉師便出去

師上堂謂眾曰此事的沒量大人出這裏不得老僧到潞山僧問如何是祖師西來意潞山云與我將床子來若是宗師須以本分事接人始得時有僧問如何是祖師西來意師云庭前柏樹子學云和尚莫將境示人師云我不將境示人云如何是祖師西來意師云庭前柏樹子師又云老僧九十年前見馬祖大師下八十餘員善知識箇箇俱是作家不似如今知識枝蔓上生枝蔓大都是云聖遙遠一代不如一代只如南泉尋常道須向異類中行且作麼生會如今黃口小兒向十字街頭說葛藤博飯噉

趙州語上

六

覓禮拜聚三百眾云我是善知識你是學人僧問如何是清淨伽藍師云丫角女子如何是伽藍中人師云丫角女子有孕問承聞和尚親見南泉是否師云鎮州出大蘿蔔頭問和尚生緣什麼處師以手指云西邊更向西問法無別法如何是法師云外空內空內外空問如何是佛真法身師云更嫌什麼問如何是心地法門師云古今勝攝問如何是賓中主師云山僧不問婦如何是主中賓師云老僧無丈人問如何是一切法常住師云老僧不諱祖其僧再問師云今日不答語師上堂云兄弟莫久立有事商量無事向衣鉢下坐窮理

好、老僧行脚時、除二時齋粥、是雜用心力處、餘外更無別用心處也、若不如、此出家大遠在、問、萬物中、何物最堅、師云、相罵、饒汝、接臂、相唾、饒汝、潑水、問、嗟、夜不停時、如何、師云、僧中無與麼、兩稅百姓、問、如何、是一句、師云、若守著一句、老却你、師又云、若一生不離叢林、不語十年、五載、無人喚你、作啞漢、已後、佛也不奈你、何、你、若不信、截取老僧頭去、

師上堂云、兄弟、你正在第三冤裏、所以道、但改舊時行履處、莫改舊時人、共你各自家出家、比來無事、更問禪、問道、三十二人、聚頭來問、恰似欠伊禪道相似、你喚作善、知

趙州論上

七

識、我是同受拷、老僧不是戲好、恐帶累他古人、所以東道西說、問、十二時中、如何用心、師云、你被十二時使、老僧使得十二時、你問那箇時、問、如何是趙州主人公、師咄云、這箇桶漢、學人應諾、師云、如法、箇桶著、問、如何是學人本分事、師云、樹搖鳥散、魚驚水渾、問、如何是少神底人、師云、老僧不如你、學云、不占勝、師云、你因什麼少神、問、至道無難、唯嫌揀擇、是時人寢底、師云、曾有問我、直得五年分疎不得、有官人問、丹霞燒木佛、院主為什麼眉鬚墮落、師云、官人宅中、變生作熟、是什麼人、云、所使、師云、却是他好手、問、昆目仙人、執善財手、見微塵佛、時如何、

師遂執僧手云、你見箇什麼、有尼問、如何是沙門行、師

云、莫生兒、尼云、和尚勿交涉、師云、我若共你打交道、堪作

什麼、問、如何是趙州主人公、師云、田庫奴、問、如何是

王索仙、陀婆、師云、你道、老僧要箇什麼、問、如何是玄中

玄、師云、說什麼、玄中玄、玄中玄、玄中玄、問、如何是仙陀

婆、師云、靜處、薩婆訶、問、如何是法非法、師云、東西南北

學云、如何會去、師云、上下四維、問、如何是玄中玄、師云

這僧若在、今年七十四五、問、王索仙、陀婆、時如何、師云

起打躬叉手、問、如何是道、師云、不敢不敢、問、如何是

法、師云、教教攝攝、問、趙州去、鎮府多少、師云、三百、學云

趙州論上

八

鎮府來、趙州多少、師云、不隔、問、如何是玄中玄、師云、玄

來多少時也、學云、玄來久矣、師云、賴遇老僧、洎合玄發、這

麼生、問、如何是學人自己、師云、還見庭前柏樹子麼、

師上堂云、若是久參底人、莫非真實、莫非亘古亘今、若是

新入眾底人、也須究理始得、莫趁者邊三百五百一千、傍

邊二眾叢林、稱道好箇住持、洎乎問著佛法、恰似炒沙作

飯、相似無可施為、無可下口、却言他非我是、面赫赤地、良

由世間出非法語、真實欲明者、意莫辜負老僧、問、在塵

為諸聖說法、總屬披搭、未審和尚、如何示人、師云、什麼處

見老僧、學云、請和尚說、師云、一堂師僧、總不會這僧語、話

別有一僧問、請和尚說師云、你說我聽、問、真化無跡、無師弟子、時如何、師云、誰教你來問、學云、更不是別人、師便打之、問此事如何辨、師云、我怪你、學云、如何辨得、師云、我怪你不辨、學云、還保任否、師云、保任不保任、自看、問如何是無知解底人、師云、說什麼事、問如何是西來意、師下禪牀、學云、莫便是否、師云、老僧未有語在、問佛法久遠、如何用心、師云、你見前漢後漢、把攬天下、臨終時半錢也無分、問時人以珍寶為貴、沙門以何為貴、師云、急合取只學云、合口還得也無、師云、口若不合、爭能辨得、問如何是趙州一句、師云、半句也無、學云、豈無和尚在、

趙州語上

九

師云、老僧不是一句、問如何得不被諸境惑、師垂一足、僧便出鞋、師收起足、僧無語、有俗官問、佛在日、一切眾生、歸依佛、佛滅度後、一切眾生、歸依什麼處、師云、未有眾生、學云、現問次、師云、更覓什麼佛、問、還有不報四恩三有者也無、師云、有、學云、如何是、師云、這殺父漢、算你只少此一問、問、如何是和尚意、師云、無施設處、師上堂云、兄弟、但改往修來、若不改、大有著你處在、老僧在此間、三十餘年、未曾有一箇禪師、到此間、設有來、一宿一食、急走過、且趁軟煖處去也、問、忽遇禪師到來、向伊道什麼、師云、千鈞之弩、不為鼯鼠而發機、師云、兄弟、若

從南方來者、即與下載、若從北方來、即與裝載、所以道、近上人問道、即失道、近下人問道者、即得道、兄弟、正人說邪法、邪法亦隨正、邪人說正法、正法亦隨邪、諸方難見易識、我者裏易見難識、問、善惡惑不得底人、還獨脫也無、師云、不獨脫、學云、為什麼不獨脫、師云、正在善惡裏、尼問、離却上來說處、請和尚指示、師咄云、煨破鐵瓶、尼將鐵瓶添水來、請和尚吞話、師笑之、問、世界變為黑穴、未審此箇落在何路、師云、不占、學云、不占、是什麼人、師云、田厓奴、問、無言無意、始稱得句、既是無言、喚什麼作句、師云、高而不危、滿而不溢、學云、即今和尚、是滿是溢、師云、爭奈你問

趙州語上

十

我、問如何是靈者、師云、淨地上廁一堆屎、學云、請和尚的旨、師云、莫惱亂老僧、問、法身無為、不墮諸數、還許道也無、師云、作麼生道、學云、與麼即不道也、師笑之、問、如何是佛、如何是眾生、師云、眾生即是佛、佛即是眾生、學云、未審兩箇那箇是眾生、師云、問問、問、大道無根、如何接唱、師云、你便接唱、云、無根、又作麼生、師云、既是無根、什麼處繫縛你、問、正修行底人、莫被鬼神測得也無、師云、測得、云、過在什麼處、師云、過在覓處、云、與麼即不修行也、師云、修行、問、孤月當空、光從何生、師云、月從何生、問、承和尚有言、道不屬修、但莫染污、如何是不染污、師云、檢校

內外云還自檢校也無師云檢校云自己有什麼過自檢校師云你有什麼事

師上堂云此事如明珠在掌胡來胡現漢來漢現老僧把一枝草作丈六金身用把丈六金身作一枝草用佛即是煩惱煩惱即是佛問佛與誰人為煩惱師云與一切人為煩惱云如何免得師云用免作麼

師示眾云老僧此間即以本分事接人若教老僧隨伊根機接人自有三乘十二分教接他了也若是不會是誰過毀已後遇著作家漢也道老僧不辜他但有人問以本分事接人問從上至今卽心是佛不卽心還許學人商量

趙州錄上

上

也無師云卽心且置商量箇什麼問古鏡不磨還照也無師云前生是因今生是果問三刀未落時如何師云森森地云落後如何師云迴迴地問如何是出三界底人師云籠罩不得問牛頭未見甲祖百鳥銜花供養見後爲什麼百鳥不銜花供養師云應世不應世問白雲自在時如何師云爭似春風處處開問如何是露地白牛師云月下不用色云食喫何物師云古今對不着云請師答話師云老僧合與麼

師示眾云擬心卽差僧便問不擬心時如何師打三下云莫是老僧辜負闍梨麼問凡有問答落在意根不落

意根師如何對師云問學云便請師道師云莫向者裏是非問龍女親獻佛未審將什麼獻師以兩手作獻

師示眾云此間佛法道難卽易道易卽難別處難見易識老僧者裏卽易見難識若能會得天下橫行忽有人問什麼處來若向伊道從趙州來又訪趙州若道不從趙州來又埋沒自己諸人且作麼生對他僧問觸目是語和尚如何得不諱去師云若道不諱早是諱了也問如何是正修行路師云解修行卽得若不解修行卽參差落他因果裏又云我教你道若有問時但向伊道趙州來忽問趙州說什麼法但向伊道寒卽言寒熱卽言熱若更問這

趙州錄上

上

不問者箇事但云問什麼事若再問趙州說什麼法便向伊道和尚來時不教傳語上座若要知趙州事但自去問取問不顧前後時如何師云不顧前後且置你問阿誰師示眾云迎葉傳與阿難且道達磨傳與什麼人問且如千祖得髓又作麼生師云莫訪千祖師又云達磨也有語在外者得皮在裏者得骨且道更在裏者得什麼問如何是得髓底道理師云但識取皮老僧者裏髓也不立云如何是髓師云與麼皮也摸未著問與麼堂堂豈不是和尚正位師云還知有不肯者麼學云與麼卽別有位師云誰是別者學云誰是不別者師云一任叫問上

上人一撥便轉、下人來時、如何。師云、汝是上上、下下、云諸和尚答話、師云、話未有主在、云某甲七千里來、莫作心行。師云、據你者一問、心行莫不得麼、此僧一宿便去。問、不紹傍來者如何。師云、誰。學云、惠延。師云、問什麼。學云、不紹傍來者、師以手撫之。問、如何是衲衣下事。師云、莫自瞞。問、真如凡聖皆是夢言、如何是真言。師云、更不道者。兩箇。學云、兩箇且置、如何是真言。師云、唵、嘛、嘛、問、如何是趙州。師云、東門、西門、南門、北門。問、如何是定。師云、不定。學云、為什麼不定。師云、活物活物。問、不隨諸有時如何。師云、合與麼。學云、莫便是學人本分事。師云、隨也隨也。

趙州錄上

主

問、古人三十年、一張弓、兩下箭、只射得半箇聖人、今日請師全射。師便起去。師示衆云、至道無難、唯嫌揀擇、才有言語是揀擇、老僧却不在明白裏、是你向什麼處見祖師。問、和尚既不在明白裏、護惜什麼處。師云、我亦不知。學云、和尚既自不知、為什麼道不在明白裏。師云、問事即得、禮拜退。師示衆云、法本不生、今則無滅、更不要道才語是生、不語是滅、諸人且作麼生、是不生不滅底道理。問、草是不生不滅麼。師云、者漢只認得箇死語。問、至道無難、唯嫌揀擇、才有言語是揀擇、和尚如何示人。師云、何不盡引古人。

語學云、某甲只道得到這裏、師云、只這至道無難、唯嫌揀擇。

上堂、示衆云、看經也在生死裏、不看經也在生死裏、諸人且作麼生出得去。僧便問、只如俱不雷時如何。師云、實即得、若不實、爭能出得生死。問、利劍鋒頭快時如何。師云、老僧是利劍、快在什麼處。問、大難到來、如何迴避。師云、恰好。

上堂、良久、大眾謦來也未。對云、總來也。師云、更待一人來。即說話。僧云、候無人來、即說似和尚。師云、大難得人。師示衆云、心生、即種種法生、心滅、即種種法滅、你諸人作麼生。

趙州錄上

十

問、僧乃問、只如不生不滅時如何。師云、我許你者一

師因參次云、明又未明、道昏欲曉、你在阿那頭。僧云、不在兩頭。師云、與麼、即在中間也。云若在中間、即在兩頭。師云、這僧多少時在老僧者裏、作與麼語話、不出得三句裏、然直饒出得、也在三句裏、你作麼生。僧云、某甲使得三句。師云、何不早與麼道。問、如何是通方。師云、離却金剛禪。師示衆云、衲僧家、直須坐斷報化佛頭始得。問、坐斷報化佛頭、是什麼人。師云、非你境界。

師示衆云、大道只在目前、要且難覩。僧乃問、目前有何

形段、令學人觀、師云、任你江南江北、學云、和尚豈無方便
爲人、師云、適來問什麼、問、入法界來、還知有也無、師云、
誰入法界、學云、與麼卽入法界、不知去也、師云、不是寒灰
死木、花錦成現、百種有、學云、莫是入法界處用也無、師云、
有什麼交涉、問、若是實際理地、什麼處得來、師云、更請
闍梨宣一遍、問、萬境俱起、還有惑不得者也無、師云、有
學云、如何是惑不得者、師云、你還信有佛法否、學云、信有
佛法、古人道了、如何是惑不得者、師云、爲什麼不問老僧、
學云、問了也、師云、惑也、問、未審古人與今人還相近也
無、師云、相近卽相近、不同一體、學云、爲什麼不同、師云、法

趙州錄上

十五

身不說法、學云、法身不說法、和尚爲人也無、師云、我向惠
裏答語、學云、爭道法身不說法、師云、我向惠裏教你阿爺、
他終不出頭、問、學人道不相見時、還迴互也無、師云、測
得迴互、學云、測他不得、迴互箇什麼、師云、不與麼是你自
己、學云、和尚還受測也無、師云、人卽轉近、道卽轉遠也、學
云、和尚爲什麼自隱去、師云、我今現共你語話、學云、爭道
不轉、師云、合與麼著

師示衆云、教化得底人是今生事、教化不得底人是第三
生冤、若不教化、恐墮却一切衆生、教化亦是冤、是你還教
化也無、僧云、教化、師云、一切衆生、還見你也無、學云、不見

師云、爲什麼不見、學云、無相、師云、卽今還見老僧否、學云、
和尚不是衆生、師云、自知罪過卽得

師示衆云、龍女心親獻、盡是自然事、問、既是自然獻時、
爲什麼、師云、若不獻、爭知自然

師示衆云、八百箇作佛、漢覓一箇道人、難得、問、只如無
佛無人處、還有修行也無、師云、除却者兩箇、有百千萬億
學云、道人來時、在什麼處、師云、你與麼、卽不修行也、其僧
禮拜、師云、大有處著你在、問、白雲不落時如何、師云、老
僧不會上象、學云、豈無賓主、師云、老僧是主、闍梨是賓、白
雲在什麼處、問、大巧若拙時如何、師云、悉却棟梁材

趙州錄上

十六

師示衆云、佛之一字、吾不喜聞、問、和尚還爲人也無、師
云、爲人、學云、如何爲人、師云、不識玄旨、徒勞念靜、學云、既
是玄、作麼生是旨、師云、我不把本、學云、者箇是玄、如何是
旨、師云、答你是旨

師示衆云、各自有禪、各自有道、忽有人問你作麼生是禪
是道、作麼生祇對他、僧乃問、既各有禪道、從上至今語
話爲什麼、師云、爲你遊魂、學云、未審如何爲人、師乃退身
不語

師示衆云、不得聞過、念佛念法、僧乃問、如何是學人自
己念、師云、念者是誰、學云、無伴、師叱者瞞

上堂示衆云、若是第一句、與祖佛爲師、第二句、與人天爲師、第三句、自救無療、有僧問、如何是第一句、師云、與祖佛爲師、師又云、大好從頭起、學人再問、師云、又却人天去、師示衆云、是他不是、不將來、老僧不是祇對、僧云、和尚將什麼祇對、師長吁一聲、云、和尚將這箇祇對、莫辜負學人也無、師云、你適來肯我、我卽辜負你、若不肯我、我卽不辜負你、

師示衆云、老僧今夜着話去也、解問者出來、有僧才出禮拜、師云、比來拋擲引玉、只得箇整子、問、狗子還有佛

趙州語上

七

性也無、師云、無、學云、上至諸佛、下至螻蛄、皆有佛性、狗子爲什麼無、師云、爲伊有業識性在、問、如何是法身、師云、應身、云、學人不問應身、師云、你但管應身、問、朗月當空、時如何、師云、關梨名什麼、學云、某甲、師云、朗月當空、在什麼處、問、正當二八時如何、師云、東東西西、學云、如何是東東西西、師云、覓不着、問、學人全不會時如何、師云、我更不會、云、和尚還知有也無、師云、我不是木頭、作麼不知云、大好不會、師拍掌笑之、問、如何是道人、師云、我向道是佛人、問、凡有言句、舉手動足、盡落在學人網中、離此外、請師道、師云、老僧齋了、未喫茶、馬大夫問、和尚還修

行也無、師云、老僧若修行、卽福事、云、和尚既不修行、教什麼人修行、師云、大夫是修行底人、云、某甲何名修行、師云、若不修行、爭得權在人王位中、錢得來、赤凍紅地、無有解出期、大夫乃下淚拜謝、

師示衆云、關梨不是不將來、老僧不是不祇對、又云、關梨莫擎拳合掌、老僧不將禪牀拂子對、問、思憶不及處、如何、師云、過者邊來、云、過者邊來、卽是及處、如何是思不及處、師豎起手云、你喚作什麼、云、喚作手、和尚喚作什麼、師云、百種名字、我亦道、云、不及和尚百種名字、且喚什麼、師云、與麼卽你思憶不及處、僧禮拜、師云、教你思憶得及者、

趙州語上

八

云、如何是、師云、釋迦敎祖、師教、是你師、云、祖與佛、古人道了也、如何是思憶不及處、師再舉指云、喚作什麼、僧良久、師云、何不當頭道著、更疑什麼、問、如何是和尚家風、師云、老僧耳背、高聲問、僧再問、師云、你問我家風、我却識你家風、問、萬境俱起時如何、師云、萬境俱起、云、一問一答是起、如何是不起、師云、禪牀是不起底、僧才禮拜次、師云、記得問答、云、記得、師云、試舉看、僧擬舉、師問、問、如何是目前佛、師云、殿裏底、云、若箇是相貌佛、如何是佛、師云、卽心是、云、卽心猶是限量、如何是佛、師云、無心是、學云、有心無心、還許學人揀也無、師云、有心無心、總被你揀了也、更

教老僧道什麼、卽得。問、遠遠投師、未審家風如何。師云、不說似人學云、爲什麼不說似人。師云、是我家風。學云、和尚既不說似人、爭奈四海來投。師云、你是海、我不是海。學云、未審海內事如何。師云、老僧釣得一箇。問、祖佛近不得底、是什麼人。師云、不是祖佛。學云、爭奈近不得何。師云、向你道、不是祖佛、不是衆生、不是物、得麼。學云、是什麼。師云、若有名字、卽是祖佛衆生也。學云、不可只與麼去也。師云、卒未與你去在。問、如何是平常心。師云、狐狼野干是。問、作何方便、卽得聞於未聞。師云、未聞且置、你曾聞箇什麼來。問、承教有言、隨色摩尼珠、如何是本色。師名僧

趙州錄上

十九

名僧應諾。師云、過者邊來、僧便過。又問、如何是本色。師云、且隨色走。問、平常心底人、還受教化也無。師云、我不歷他門戶。學云、與麼則莫沈却那邊人麼。師云、大好平常心。問、如何是學保任底物。師云、盡未來際、揀不出。問、如何是大修行底人。師云、寺裏綱維是。問、學人才到、總不知門戶頭事如何。師云、上座名什麼。學云、惠南。師云、大好不知。問、學人欲學、又諳於和尚、如何得不諳去。師云、你名什麼。學云、道皎。師云、靜處去者。米園子。問、如何是和尚大意。師云、無大無小。學云、莫便是和尚大意麼。師云、若有纖毫、萬劫不如。問、舊法本閑、而人自隔、是什麼人語

師云、出來便死。問、不是佛、不是物、不是衆生、這箇是斷語、如何是不斷語。師云、天上天下、唯我獨尊。問、如何是毗盧圓相。師云、老僧自小出家、不曾眼花。學云、和尚還爲人也無。師云、願你長見毗盧圓相。問、佛祖在日、佛祖相傳、佛祖滅後、什麼人傳。師云、古今總是老僧分上。學云、未審傳箇什麼。師云、箇箇總屬生死。云、不可埋沒却。祖師也。師云、傳箇什麼。問、凡聖俱盡時如何。師云、願你作大德。老僧是障佛祖漢。問、遠聞趙州、到來爲什麼不見。師云、老僧罪過。問、朗月當空、未審室中事如何。師云、老僧自出家、不曾作活計。學云、與麼卽和尚不爲今時也。師云、自

趙州錄上

二十

疾不能救、焉能救諸疾。學云、爭奈學人無依何。師云、依卽踏著地、不依卽一任東西。問、存心心不測時如何。師云、測阿誰。學云、測自己。師云、無兩箇。問、不見邊表時如何。師指淨瓶云、是什麼。學云、淨瓶。師云、大好不見邊表。問、如何是歸根。師云、擬卽差。問、不離言句、如何得獨脫。師云、離言句是獨脫。學云、適來無人教某甲來。師云、因什麼到此。學云、和尚何不揀出。師云、我早箇揀了也。問、非心不卽智、請和尚一句。師云、老僧落你後。問、如何是畢竟。師云、畢竟。學云、那箇畢竟是。師云、老僧是畢竟、你不解問者話。學云、不是不問。師云、畢竟在什麼處。問、不挂寸絲

時如何。師云：不挂什麼。學云：不挂寸絲。師云：大好不挂寸絲。問：如教頭然底人，如何。師云：便學。學云：什麼處。師云：莫占他位次。問：空劫中阿誰為主。師云：老僧在裏許坐。學云：說甚麼法。師云：說你問底。問：承古有言，虛明自照，如何是自照。師云：不稱他照。學云：照不著處如何。師云：你話隨也。問：如何是的。師云：一念未起時。問：如何是法王。師云：州裏大王是。云和尚不是。師云：你擬造反去。都來一箇王不認。問：如何是佛心。師云：你是心。我是佛。奉不奉。自看。學云：師即不無。還奉得也無。師云：你教化我看。問：三身中那箇是本來身。師云：關一不可。問：未審此去

趙州語上

廿一

誰為祖。師云：達磨來。這邊總是。學云：和尚是第幾祖。師云：我不落位次。學云：在什麼處。師云：在你耳裏。問：不棄本不逐末，如何是正道。師云：大好出家兒。學云：學人從來不曾出家。師云：歸依佛，歸依法。學云：未審有家可出也無。師云：直須出家。學云：向什麼處安排他。師云：且向家裏坐。問：明眼人見一切，還見色也無。師云：打却著。學云：如何打得。師云：莫用力。學云：不用力。如何打得。師云：若用力，即乖。問：祖佛大意，合為什麼人。師云：只為今時。學云：爭奈不得何。師云：誰之過。學云：如何承當。師云：如今無人承當得。學云：與麼即無依倚也。師云：又不可無却老僧。問：了

事底人如何。師云：正大修行。學云：未審和尚還修行也無。師云：著衣喫飯。學云：著衣喫飯尋常事。未審修行也無。師云：你且道我每日作什麼。崔郎中問：大善知識，還入地獄也無。師云：老僧未上入。崔云：既是大善知識，為什麼入地獄。師云：老僧若不入，爭得見郎中。問：毫釐有差時如何。師云：天地懸隔。云：問：如何是不睡底眼。師云：凡眼肉眼。又云：雖未得天眼，肉眼力如是。學云：如何是睡底眼。師云：佛眼法眼。是睡底眼。問：大座嶺頭，趁得及，為什麼提不起。師拈起衲衣云：你甚處得者箇來。云：不問者箇。師云：與麼即提不起。問：不

趙州語上

廿二

合不散如何辨。師云：你有一箇，我有一箇。云：者箇是合，如何是散。師云：便合。問：如何是不錯路。師云：識心見性，是不錯路。問：明珠在掌，還照也無。師云：照即不無。喫什麼作珠。問：靈苗無根時如何。師云：你從什麼處來。云：太原家。師云：大好無根。問：學人擬作佛時如何。師云：太煞費力。云：不費力時如何。師云：與麼即作佛去也。問：學人昏鈍，在一浮沈，如何得出。師只據坐。云：某甲實問和尚。師云：你甚處作一浮一沈。問：不在凡，不在聖，如何免得兩頭路。師云：去却兩頭來。答你。僧不審。師云：不審從什麼處起。在者裏時，從老僧起。在市裏時，從什麼處起。云：和尚為

什麼不定。師云：我教你何，不道今日好風。問：如何是大
闡提底人。師云：老僧答你還信否。云：和尚重言，却敢不信。
師云：覓箇闡提人，難得。問：大無慚愧底人，什麼處看得。
師云：此間著不得。云：忽然出頭爭何。師云：將取去。問：用
處不現時如何。師云：用卽不無，現是誰。問：空劫中，還有人
修行也無。師云：喚什麼作空劫。云：無一物是。師云：若箇
始稱修行，喚什麼作空劫。問：如何是出家。師云：不履高
名，不求垢壤。問：不指一法，如何是和尚法。師云：老僧不
說茅山法。云：既不說茅山法，如何是和尚法。師云：向你道
不說茅山法。云：莫若箇便是也無。師云：老僧未曾將者箇
示人。問：如何是目前獨脫一路。師云：無二亦無三。云：目
前有路，還許學人進前也無。師云：與麼卽千里萬里。問：
如何是毗盧向上事。師云：老僧在你脚底。云：和尚爲什麼
在學人脚底。師云：你元來不知有向上事。問：如何是合
頭。師云：是你不合頭。云：如何是不合頭。師云：前句辨取。
問：如何和尚的的意。師云：止止不須說。我法妙難思。問：
澄澄絕點時如何。師云：隨坑落壁。云：有什麼過。師云：你屈
着與麼人。問：未審出家誓求無上菩提時如何。師云：未
出家，被菩提使，既出家，使得菩提。有秀才見師手中拄
杖，乃云：佛不愛衆生願，是否。師云：是。秀才云：某甲就和尚

趙州錄上

廿三

乞取手中拄杖，得否。師云：君子不愛人所好。秀才云：某甲
不是君子。師云：老僧亦不是佛。

師因出外，見婆子插田。云：忽遇猛虎，作麼生。婆云：無一法
可當情。師云：除。婆子云：除。師云：猶有者箇在。有秀才辭
去。某甲在此，搭撲和尚多時，無可報答和尚，待他日作
一頭驢來報答和尚。師云：教老僧爭得鞍。
師到道吾處，纔入僧堂。吾云：南泉一隻箭來。師云：看箭。吾
云：過也。師云：中也。

趙州真際禪師語錄卷上 終

趙州錄上

廿四

廬山棲賢寶覺禪院住持傳法賜紫沙門 淨幾
重詳定

趙州真際禪師語錄卷中

師上堂示衆云、金佛不度爐、木佛不度火、泥佛不度水、眞佛內裏坐、菩提涅槃、眞如佛性、盡是貼體衣服、亦名煩惱、不問、卽無煩惱、實際理地、什麼處著、一心不生、萬法無咎、但究理而坐、二三十年若不會、截取老僧頭去、夢幻空花、徒勞把捉、心若不異、萬法亦然、既不從外得、更拘什麼、如羊相似、更亂拾物、安口中、作麼、老僧見藥山和尚道、有人問著、但教合取狗口、老僧亦道、合取狗口、取我是垢、不取我是淨、一似獵狗相似、專欲得物喫、佛法向什麼處著、一千人萬人、盡是覓佛漢子、覓一箇道人無、若與宰主爲第

趙州語中

子、莫教心病、最難醫、未有世界、早有此性、世界壞時、此性不壞、從一見老僧後、更不是別人、只是箇主人公、若箇更向外覓作麼、與麼時、莫轉頭換面、卽失却也、問、百骸俱潰散、一物鎮長靈時如何、師云、今朝又風起、問、三乘十二分教、卽不問、如何是祖師西來意、師云、水牯牛生兒也、好看取、云未審此意如何、師云、我亦不知、問、萬國來朝時如何、師云、逢人不得喚、問、十二時中如何、問、汰、師云、奈河水濁、西水流急、云還得見文殊也無、師云、若瞌睡漢、什麼處去來、問、如何是道場、師云、你從道場來、你從道場去、脫體是道場、何處更不是、問、萌芽未發時如何、師

云、艱著、卽腦裂、云不艱時如何、師云、無者閒工夫、問、如

何數量、師云、一二三四五、云數量不拘底事如何、師云、一

二三四五、問、什麼世界、卽無晝夜、師云、卽今是晝是夜、

云、不問、卽今、師云、爭奈老僧何、問、迦葉上行衣、不踏曹

溪路、什麼人得披、師云、虛空不出世、道人都不知、問、如

何是混而不雜、師云、老僧菜食長齋、云還得超然也無、師

云、破齋也、問、如何是古人之言、師云、諦聽諦聽、問、如

何是學人本分事、師云、與麼嫌什麼、問、萬法歸一、一歸

何所、師云、我在青州作一領布衫、重七斤、問、如何是出

家兒、師云、不朝天子、父母返拜、問、覲面事如何、師云、你

趙州語中

是覲面漢、問、如何是佛向上人、師云、只者牽耕牛底是

問、如何是急、師云、老僧與麼道、你作麼生、云不會、師云

向你道、急急著靴水上立、走馬到長安、靴頭猶未濕、問

四山相逼時如何、師云、無路是趙州、問、古殿無王時如

何、師咳嗽一聲、云與麼、卽臣啓陛下、師云、賊身已露、問

和尚年多少、師云、一串數珠數不盡、問、和尚承嗣什麼

人、師云、從諗、問、外方忽有人問、趙州說什麼法、如何祇

對師云、鹽貴米賤、問、如何是佛、師云、你是佛麼、問、如

何是出家、師云、爭得見老僧、問、佛祖不斷處如何、師云

無遺漏、問、本源請師指示、師云、本源無病、云了處如何

師云了人知云與麼時如何師云與我安名字著問純一無雜時如何師云太煞好一問問無為寂靜底人莫落在沈空也無師云落在沈空云究竟如何師云作驢作馬問如何是祖師西來意師云床脚是云莫便是也無師云是即脫取去問澄澄絕點時如何師云老僧者裡不著客作漢問鳳飛不到時如何師云起自何來問實際理地不受一塵時如何師云一切總在裏許問如何是一句師應諾僧再問師云我不惠聾問初生孩子還具六識也無師云急流水上打毬子問頭頭到來時如何師云猶較老僧百步問如何是和尚家風師云老

趙州語十

三

僧自小出家抖擻破活計問請和尚離四句道師云老僧常在裏許問扁鵲醫王為什麼有病師云扁鵲醫王不離牀枕又云一滴甘露普潤大千問如何是露地白牛師云者畜生問如何是大人相師側目視之云猶是隔階趨附在師云老僧無工夫趨得者閑漢問纔有心念落在人天直無心念落在眷屬時如何師云非但老僧作家亦蒼你不得問凡有施為盡落糟粕請師不施為答師叱尼云將水來添鼎沸問如何是般若波羅蜜師云摩訶般若波羅蜜問如何是咬人師子師云歸依佛歸依法歸依僧莫咬老僧問離却言句請師道師咳嗽

問如何得不訪古人不負恩去師云聞梨作麼生問如何是一句師云道什麼問如何是一句師云兩句問唯佛一人是善知識如何師云魔語問如何是菩提師云者箇是闍提問如何是大人相師云好箇兒孫問寂寂無依時如何師云老僧在你背後問如何是伽藍師云別更有什麼云如何是伽藍中人師云老僧與闍梨問二龍爭珠誰是得者師云老僧只管看問如何是離因果底人師云不因闍梨問老僧實不知問衆盲摸象各說異端如何是真象師云無假自是不知問如何是第一句師咳嗽云莫便是否師云老僧咳嗽也不得

趙州語十

四

問大海還納衆流也無師云大海道不知云因什麼不知師云終不道我納衆流問如何是毗盧師云毗盧毗盧問諸佛還有師也無師云有云如何是諸佛師云云阿彌陀佛阿彌陀佛問如何是學人師云雲有出山勢水無投澗聲云不問者箇師云是你師不認問諸方盡向口裏道和尚如何示人師脚跟打火爐示之云莫便是也無師云恰認得老僧脚跟問不行大道時如何師云者販私鹽漢云却行大道時如何師云還我公驗來問如何是本來身師云自從識得老僧後只者漢更不別云與麼師與和尚隔生去也師云非但今生千生萬生

亦不識老僧。問：如何是祖師西來意？師云：東壁上挂葫蘆多少時也。問：方圓不就時如何？師云：不方不圓，云與麼時如何？師云：是方是圓。問：道人相見時如何？師云：呈漆器。問：諦為什麼觀不得？師云：諦即不無，觀即不得。云畢竟如何？師云：失諦。問：行又不到，問又不到，時如何？師云：到以不到，道人看如涕唾，云其中事如何？師唾地。問：如何是祖師西來意？師云：如你，不喚作祖師意，猶未在。云本來底如何？師云：四目相覷，更無第二主宰。問：不具形儀，還會也無？師云：即今還會麼？問：如何是大無慚愧底人？師云：皆具不可思議。問：學人擬向南方學些子佛法。

趙州語中

五

云：如何？師云：你去南方見有佛處，急走過，無佛處不得住。云：與麼即學人無依也？師云：柳絮柳絮。問：如何是急切處？師云：一問一答。問：不藉三寸，還假今時也無？師云：我隨你道，你作麼生會？問：如何是和尚家風？師云：茫茫宇宙人無數，云請和尚不答話。師云：老僧合與麼？問：二龍爭珠，誰是得者？師云：失者無虧，得者無用。問：如何是大人相？師云：是什麼？有俗士獻袈裟，問：披與麼衣服？莫辜負古人也無？師拋下拂子云：是古是今。問：如何是沙門行？師云：展手不展脚。問：牛頭未見，四祖時如何？師云：飽柴飽水，云見後如何？師云：飽柴飽水。問：如何是學人自

己？師云：喫粥了也未？云：喫粥也。師云：洗鉢盂去。問：如何是毗盧師？師云：白駝來也未？云：來也。師云：牽去餵草。問：如何是無師智？師云：老僧不曾教闍梨。問：如何是親切一句？師云：話墮也。問：不借口，還許商量也無？師云：正是時。云：便請師商量。師云：老僧不曾出。問：二祖斷臂當為何事？師云：粉骨碎身，云供養什麼人？師云：來者供養。問：無邊身菩薩，為什麼不見如來頂相？師云：你是闍梨。問：畫是日光，夜是火光，如何是神光？師云：日光火光。問：如何是恰問處？師云：錯。云：如何是不問處？師云：向前一句裏辨取。問：如何是大人相？師以手摸面，叉手斂容。問：如

趙州語中

六

何是無為？師云：者箇是有為。問：如何是祖師西來意？師云：欄中失却牛。問：學人遠來，請和尚指示。師云：才入門，便好薦面唾。問：如何是直截一路？師云：淮南船子到也未？云：學人不曾。師云：且喜到來。問：柏樹子還有佛性也無？師云：有。云：幾時成佛？師云：待虚空落地。云：虚空幾時落地？師云：待柏樹子成佛。問：如何是西來意？師云：因什麼向院裏罵老僧？云：學人有何過？師云：老僧不能就院裏罵得闍梨。問：如何是西來意？師云：板齒生毛。問：貧子來將什麼過與師？云：不貧。云：爭奈覓和尚何？師云：只是守貧。問：無邊身菩薩，為什麼不見如來頂相？師云：如隔羅縠。

箇在。師云：是你有者箇。

師示衆云：老僧三十年前，在南方火爐頭，有箇無賓主話。直至如今，無人舉著。問：和尚受大王如是供養，將什麼報答？師云：念佛。云：貧子也。解念佛。師云：喚侍者，將一錢與候。問：如何是和尚家風？師云：屏風雖破，骨格猶存。問：如何是不遷之義？師云：你道者野鴨子，飛從東去，西去。問：如何是西來意？師云：什麼處得着消息來？問：如何是塵中人？師云：布施茶鹽錢來。問：木耳丰藏，第三度覓國師不見，未審國師在什麼處？師云：在三藏鼻孔裏。問：盲龜值浮木孔時如何？師云：不是偶然事。問：久居巖谷時，

如何？師云：何不隱去。問：如何是佛法大意？師云：禮拜著。

僧擬進話次，師喚沙彌文遠，文遠到。師叱云：適來去什麼處來？問：如何是自家本意？師云：老僧不用牛刀。問：久

響趙州石橋，到來只見掠豹子。師云：關梨只見掠豹子，不

見趙州石橋。云：如何是趙州石橋？師云：過來過來。又僧

問：久響趙州石橋，到來只見掠豹子。師云：你只見掠豹子，

不見趙州石橋。云：如何是石橋？師云：度鹽度馬。問：和尚

姓什麼？師云：常州有。云：甲子多少？師云：蘇州有。

上堂云：纔有是非，紛然失心；還有答話分也無。有僧出

撫侍者一下云：何不祇對和尚？師便歸方丈。後侍者請益

適來僧，是會不會？師云：坐底見立底，立底見坐底。問：如

何是道？師云：牆外底。云：不問者箇。師云：問什麼道？云：大道

師云：大道通長安。問：撥塵見佛時如何？師云：撥塵即不

無，見佛即不得。問：如何是無疾之身？師云：四大五陰。

問：如何是闡提？師云：何不問菩提？云：如何是菩提？師云：只

者便是闡提。

師有時屈指云：老僧喚作拳，你諸人喚作什麼？僧云：和尚

何得將境界示人？師云：我不將境界示人，若將境界闡梨即埋

沒闡梨去也。云：爭奈者箇何？師便珍重。問：一問一答，總

落天魔外道，設使無言，又犯他匡綱，如何是趙州家風？師

落天魔外道，設使無言，又犯他匡綱，如何是趙州家風？師

云你不解問云請和尚答話師云若據你合喫二十棒
師示眾云纔有是非紛然失心還有答話分也無有僧
出將沙彌打一掌便出去師便歸方丈至來日問侍者昨
日者師僧在什麼處侍者云當時便去也師云三十年弄
馬騎被驢子撲問與麼來底人師還接也無師云接云
不與麼來底人師還接也無師云接云與麼來從師接不
與麼來師如何接師云止止不須說我法妙難思
鎮府大王問師尊年有幾箇齒在師云只有一箇牙大王
云爭喫得物師云雖然一箇下下咬著問如何是學人
珠師云高聲問僧禮拜師云不解問何不高下即不問

趙州語中

九

如何是學人珠何不與麼問僧便再問師云泊合放過者
漢問二邊寂寂師如何闡揚師云今年無風波問大
眾雲集合談何事師云今日拽木頭豎僧堂云莫只者箇
便是接學人也無師云老僧不解雙陸不解長行問如
何是真實人體師云春夏秋冬云與麼即學人難會師云
你問我真實人體問如何是佛法大意師云你名什麼
云某甲師云舍元殿裏金谷園中問如何是七佛師師
云要眠即眠要起即起問道非物外物外非道如何是
物外道師便打云和尚莫打某甲已後錯打人去在師云
龍蛇易辨衲子難瞞

師見大王入院不起以手自拍膝云會麼大王云不會師
云自小出家今已老見人無力下禪牀問如何是忠言
師云你娘醜陋問從上至今不忘底人如何師云不可
得繫心常思念十方一切佛問如何是忠言師云喫鐵
棒問如何是佛向上事師便撫掌大笑問一燈燃百
千燈一燈未審從什麼處發師便趯出一隻履又云作家
即不與麼問問歸根得旨隨照失宗時如何師云老僧
不答者話云請和尚答話師云合與麼問如何是不思
處師云快道快道問夜昇兜率晝降閻浮其中為什麼
摩尼不現師云道什麼僧再問師云毗婆尸佛早留心直

趙州語中

十

至如今不得妙問非思量處如何師云速道速道問
如何是夜中寶師云者一問嫌什麼云者箇是問如何是
寶師云與麼即衣也失却問萬里無店時如何師云禪
院裏宿問狗子還有佛性也無師云家家門前通長安
問覲面相呈還盡大意也無師云低口云收不得處如
何師云向你道低口問如何是目前一句師云老僧不
如你問出來底是什麼人師云佛菩薩問靈草未生
時如何師云艱著即腦裂云不艱時如何師云如同立死
漢云還許學人和合否師云人來莫向伊道問祖意與
教意同別師云才出家未受戒到處問人問如何是聖

師云不凡云如何是凡師云不聖云不凡不聖時如何何師云好箇禪價問兩鏡相向那箇最明師云聞梨眼皮蓋須彌山問學人近入叢林乞師指示師云蒼天蒼天

問前句已往後句難明時如何師云喫作即不可云請師分師云問問問高峻難上時如何師云老僧不向高峯頂問不與萬法爲侶者是什麼人師云非人問請師宗乘中道一句子師云今日無錢與長官問學人不別問請師不別答師云奇怪問三乘教外如何接人師云有此世界來日月不曾換問三處不通如何離識師云識是分外問衆機來湊未審其中事如何師云我眼本

趙州錄中

上

正不說其中事問淨地不止是什麼人師云你未是其中人在云如何是其中人師云止也問如何是萬法之源師云棟梁椽柱云學人不會師云拱斗叉手不會問一物不將來時如何師云放下著問路達達道人不得語默對未審將什麼對師云人從陳州來不得許州信問開口是有爲如何是無爲師以手示之云者箇是無爲云者箇是有爲如何是無爲師云無爲云者箇是有爲師云是有爲

師示衆云佛之一字吾不喜聞問和尚還爲人也無師云佛佛問盡却今時如何是的處師云盡却今時莫

問那箇云如何是的師云向你道莫問云如何得見師云大無外小無內問離四句絕百非時如何師云老僧不認得死云者箇是和尚分上事師云恰是云請和尚指示師云離四句絕百非把什麼指示問如何是和尚家風師云內無一物外無所求問如何是歸根得旨師云答你卽乖問如何是疑心師云答你卽乖也問出家底人還作俗否師云出家卽是座主出與不出老僧不管云爲什麼不管師云與麼卽出家也問無師弟子時如何師云無漏智性本自具足又云此是無師弟子問不見邊表時如何師云因什麼與麼問澄而不清渾而不濁

趙州錄中

十二

時如何師云不清不濁云是什麼師云也可憐生云如何是通方師云離却金剛禪問如何是囊中寶師云幾什麼云用不窮時如何師云自家底還重否又云用者卽重不用卽輕問如何是祖師的意師涕唾云其中事如何師又唾地問如何是沙門行師云離行問真休之處請師指師云指卽不休問無問時如何師云非常語問四山相逼時如何師云無出處問到者裏道不得時如何師云不得道云如何道師云道不得處問但有言句盡不出頂如何是頂外事師喚沙彌去遠去遠應諾師云今日早晚也問如何是毗盧師師云莫惡口問

至道無難唯嫌揀擇如何得不揀擇師云天上天下唯我獨尊云此猶是揀擇師云田庫奴什麼處是揀擇問如何是三界外人師云爭奈老僧在三界內問知有不有底人如何師云你若更問即故問老僧

師示衆云向南方趨叢林去莫在者裏僧便問和尚者裏是甚處師云我者裏是柴林問如何是毗盧師師云性是弟子問歸根得旨時如何師云太慌忙生云不審師云不審從甚處起

劉相公入院見師掃地問大善知識為什麼却掃塵師云從外來問利劍出匣時如何師云黑云正問之時如何

趙州錄中

十三

辨白師云無者閒工夫云又手向人前爭奈何師云早晚見你又手云不叉手時如何師云誰是不叉手者問如何是沙門得力處師云你什麼處不得力問如何是和尚示學人處師云目前無學人云與麼即不出世也師便珍重問祖意與教意同別師作拳安頭上云和尚猶有者箇在師卸下帽子云你道老僧有箇什麼問心又不停不伴時如何師云是活物是者箇正被心識使在云如何得不被心識使師便低頭問道從何生師云者箇即生也道不屬生滅云莫是天然也無師云者箇是天然道即不與麼問祖意與教意同別師云會得祖意便會教

意問如何是異類中行師云唵嘛呢唵嘛呢問高峻

難上時如何師云老僧自住峯頂云爭奈曹溪路側何師

云曹溪是惡云今時為什麼不到師云是渠高峻問如

何是寶月當空師云塞却老僧耳問毫釐有差時如何

師云麓云應機時如何師云屈問如何是沙門行師展

手拂衣問祖佛命不斷處如何師云無人知問未審

權機喚作什麼師云喚作權機問學人近入叢林不會

乞師指示師云未入叢林更是不會問從上古德將何

示人師云不因你問老僧也不知有古德云請師指示師

云老僧不是古德問佛花未發如何辨得真實師云是

趙州錄中

十五

真是實云是什麼人分上事師云老僧有分闍梨有分

問如何是佛師云你是什麼人問驀直路時如何師云

驀直路問如何是玄中不斷玄師云你問我是不斷玄

問覺花未發時如何辨得真實師云已發也云未審是

真是實師云真即實實即真問還有不報四恩三有者

也無師云有云如何是師云者事恩負德漢問貧子來

將什麼物與他師云不欠少問如何是趙州正一師云

老僧是從誰有婆子問婆是五障之身如何免得師云

願一切人生天願婆婆永沈苦海問朗月當空時如何

師云猶是墻下漢云請師接上墻師云月落了來相見

師有時示衆云、老僧初到藥山時、得一句子、直至如今、麤
麤地飽。

趙州真際禪師語錄卷中 終

趙州語中

十五

趙州真際禪師語錄卷下 并對機、勘辨、偈、頌等

師因在室坐禪次、主事報和尚云、大王來禮拜、大王禮拜
了、左右問、列土王來爲什麼不起、師云、你不會、老僧着裏
下等人來出三門接、中等人來下禪牀接、上等人、禪牀上
接、不可喫大王、作中等下等人也、恐屈大王、大王歡喜、再
三請入內供養、師因問周員外、你還夢見臨濟也無、員
外豎起拳、師云、那邊見、外云、着邊見、師云、什麼處見、臨濟
員外無對、師問周員外、什麼處來、云、非來非去、師云、不
是老鷄、飛來飛去、

師示衆云、纔有是非、紛然失心、還有答話分也無、後有

趙州語下

僧舉似洛浦、洛浦扣齒、又舉似雲居、雲居云、何必僧舉似
師、師云、南方大有人、老身失命、僧云、請和尚舉、師纔舉、僧
便指傍僧云、着箇師僧、喫却飯了、作什麼語話、師休去、
師因看金剛經次、僧便問、一切諸佛、及諸佛阿耨菩提、皆
從此經出、如何是此經、師云、金剛般若波羅蜜經、如是我
聞、一時佛在舍衛國、僧云、不是、師云、我自理經、也不得、
因僧辭去、師云、聞梨出外、忽有人問、還見趙州否、你作麼
生祇對、云、只可道見、師云、老僧是一頭驢、你作麼生見、僧
無語、師問新到、從什麼處來、云、南方來、師云、還知有趙
州關麼、云、須知有不涉關者、師叱云、着、販私鹽漢、又云、兄

弟趙州關也難過云如何是趙州關師云石橋是 有僧從雪峯來師云上座莫住此間老僧者裡只是避難所在佛法盡在南方云佛法豈有南北師云直饒你從雲居雪峯來也只是箇擔板漢云未審那邊事如何師云你因什麼夜來尿牀云達後如何師云又是屎尿

示衆云我此間有出處師子亦有在處師子只是難得師子兒時有僧彈指對之師云是什麼云師子兒師云我喚作師子兒早是罪過你更行趂踏 師問新到離什麼處云離雪峯師云雪峯有什麼言句示人云和尚尋常道盡十方世界是沙門一隻眼你等諸人向什麼處屈師云聞

趙州錄下

二

梨若迴寄箇鐵子去 師因捨衣儀大衆次僧便問和尚總捨却了用箇什麼去師名云湖州子僧應諾師云用箇什麼

師示衆云未有世界早有此性世界壞時此性不壞 僧問如何是此性師云五蘊四大云此猶是壞如何是此性師云四大五蘊 定州有一座主到師問習何業云經律論不聽便講師舉手示之還講得者箇座座主茫然不知師云直饒你不聽便講得也只是箇講經論漢若是佛法未在和尚即今語話莫便是佛法否師云直饒你問得答得總屬經論佛法未在主無語 師因問一行者從什

麼處來云北院來師云那院何似者院行者無數有僧在邊立師令代行者語僧代云從那院來師笑之師又令文遠代之文遠云行者還是不取師語話 師問座主所習何業云講維摩經師云維摩經步步是道場座主在什麼處主無對師令全益代座主語全益云只者一問可識道場麼師云你身在道場裏心在什麼處速道取云和尚不是覓學人心師云是云只者一問一答是什麼師云老僧不在心所裏法過眼耳鼻舌身意而知解云既不在心數裏和尚為什麼覓師云為你道不得云法過眼耳鼻舌身意而不解作麼生道不得師云喫我涕唾 師問僧你曾

趙州錄下

三

看法華經麼云曾看師云經中道納衣在空閒假名阿練若誑惑世間人你作麼生會僧擬禮拜師云你披納衣來否云披來師云莫惑我云如何得不惑去師云自作活計莫取老僧語 師問座主所習何業云講維摩經師云那箇是維摩祖父云某甲是師云為什麼却為兒孫傳語主無對

師一日上堂僧纔出禮拜師乃合掌珍重 又一日僧禮拜師云好好問云如何是禪師云今日天陰不答話 問新到從何方來云無方面來師乃轉背僧將坐具隨師轉師云大好無方面 問新到從什麼處來云南方來師云

三千里外逢莫戲云不曾師云摘楊花摘楊花 豐干到五臺山下見一老人云云莫无文殊也無老人云不可有二文殊也丰便禮拜老人不見有僧舉必師師云豐干只具一隻眼師乃令文遠作老人我作豐干師云莫是文殊也無遠云豈有二文殊也師云文殊文殊 師問二新到上座曾到此間否云不曾到師云喫茶去又問那一人曾到此間否云曾到師云喫茶去院主問和尚不曾到教伊喫茶去卽且置曾到爲什麼教伊喫茶去師云院主院主應諾師云喫茶去 師到雲居雲居云老老大大何不覓箇住處師云什麼處住得雲居云前面有古寺基師云與

趙州語下

四

師見僧來扶火示之云會麼僧云不會師云你不得喫作火老僧道了也師挾起火云會麼云不會師却云此去舒州有投子山和尚你去禮拜問取因緣相契不用更來不相契却來其僧便去才到投子和尚處投子乃問近離什麼處云離趙州特來禮拜和尚投子云趙州老人有何言句僧乃具舉前語投子乃下禪牀行三五步却坐云會麼僧云不會投子云你歸舉似趙州其僧却歸舉似師師云還會麼云未會師云也不較多也 洞山問僧什麼處來云掌鞋來山云自解依他云依他山云他還指關梨也無僧無對師代云若允卽不違 普化喫生菜臨濟見云普化大似一頭驢普化便作驢啼臨濟便休去普化云臨濟小厮兒只具一隻眼師代云但與本分草料 保壽問胡釘鉸莫便是胡釘鉸否云不敢保云還釘得虛空麼云請打破虛空來保壽便打却云他後有多口阿師與你點破在胡釘鉸後舉似師師云你因什麼被他打云不知過在什麼處師云只者一縫尚不奈何更教他打破釘鉸便會師代云且釘者一縫 師因行路次見一婆子問和尚住在什麼處師云趙州東院西師舉問僧云你道使那箇西字一僧云東西字一僧云依栖字師云汝兩人總作得墮鐵判官 師與侍郎遊園見兔走過侍郎問和尚是大善知

趙州語下

五

識兔子見爲什麼走。師云：老僧好殺。師因見僧掃地，次遂問：與麼掃，還得淨潔也無？云：轉掃轉多。師云：豈無撥塵者也？云：誰是撥塵者？師云：會麼？云：不會。師云：問取雲居去。其僧乃去問雲居，如何是撥塵者？雲居云：者瞎漢。師問僧：你在此間多少時也？云：七八年。師云：還見老僧麼？云：見。師云：我作一頭驢，你作麼生見？云：入法界見。師云：我將爲你，有此一著，枉喫了如許多飯。僧云：請和尚道。師云：因什麼不道？向草料裏見。師問菜頭：今日喫生菜，熟菜，菜頭提起一莖菜。師云：知恩者少，負恩者多。有俗行者到院燒香，師問僧：伊在那裏燒香禮拜？我又共你在那裏話話。

趙州錄下

六

正與麼時，生在那頭？僧云：和尚是什麼？師云：與麼，卽在那頭也。云：與麼已是先也。師笑之。師與小師文遠論義，不得占勝，占勝者輸餚餅。師云：我是一頭驢，遠云：我是驢絃。師云：我是驢糞，遠云：我是糞中蟲。師云：你在彼中作麼？遠云：我在彼中過夏。師云：把將餚餅來。師因入內廨，路上見一童子，無一截。僧問云：童子一截，上天去也，入地去也？師云：也不上天，也不入地，云：向什麼處去？師云：撲落也。師坐次，僧纔出禮拜，師云：珍重。僧伸問次，師云：又是也。師因在簷前立，見燕子語。師云：若燕子喃喃地，招人言語，僧問：未審他還甘也無？師云：依稀似曲，纔堪聽，又被風

趙州錄下

七

吹別調中。有僧辭去，師云：什麼處去？云：闍中去。師云：闍中大有兵馬，你須迴避。云：向什麼處迴避？師云：恰好。有僧上參次，見師衲衣蓋頭坐次，僧便退。師云：闍梨莫道老僧不祕對。師問僧：從什麼處來？云：南方來。師云：共什麼人爲伴？云：水牯牛。師云：好箇師僧，因什麼與畜生爲伴？云：不異故。師云：好箇畜生，云：爭肯。師云：不肯且從，還我伴來。師問僧：堂中還有祖師也無？云：有。師云：喚來與老僧洗脚。堂中有二僧，相推不肯作第一座，主事白和尚。師云：總教他作第二座。云：教誰作第一座？師云：裝香著。云：裝香了也。師云：戒香定香。師問僧：離什麼處？云：離京中。師云：你還從潼關過麼？云：不歷。師云：今日捉得者，既私鹽漢，因送亡僧。師云：只是一箇死人，得無量人送。又云：許多死漢，送一箇生漢，時有僧問：是心生是身生？師云：身心俱不生。云：若箇作麼生？師云：死漢。有僧見貓兒，問云：某甲喚作貓兒，未審和尚喚作什麼？師云：是你喚作貓兒。因鎮州大王來訪師，侍者來報。師云：大王來。師云：大王萬福。侍者云：未在，方到三門下。師云：又道大王來也。因上東司，召文遠，文遠應諾。師云：東司上，不可與你說佛法也。因在殿上過，乃喚侍者侍者應諾。師云：好一殿功德，侍者無對。師因到廊下，方始洗脚，師濟便問：如何是祖師西來

意師云、正值洗脚、臨濟乃近前側聆、師云、若會便會、若不
會更莫啗啄、作麼、臨濟拂袖去、師云、三十年行脚、今日爲
人錯下注脚、師因到天台國清寺、見寒山拾得、師云、久
嚮寒山拾得、到來只見兩頭水牯牛、寒山拾得、便作牛鬪
師云、叱叱、寒山拾得、咬齒相看、師便歸堂、二人來堂內、問
師、適來因緣、作麼生、師乃呵呵大笑、一日、二人問師、什
麼處去來、師云、禮拜五百尊者來、二人云、五百頭水牯牛
尊尊者、師云、爲什麼作五百頭水牯牛去、山云、蒼天蒼天
師呵呵大笑、師行脚時、見二菴主、一人作丫角童、師問
訊、二人殊不顧、來日早晨、丫角童將一鑊飯來、放地上、分

趙州語下

八

作二分菴主、將席子近前坐、丫角童亦將席子近前相對坐、
亦不喚師、師乃亦將席子近前坐、丫童目顧於師、菴主云、
莫言慢早起、更有夜行人、師云、何不教詔這行者、菴主云、
他是人家男女、師云、泊合放過、丫童便起、顧視菴主云、多
口作麼、丫童從此入山、不見、師因看經、次沙彌才遠入
來、師乃將經側示之、沙彌乃出去、師隨後把住云、速道速
道、文遠云、阿彌陀佛、阿彌陀佛、師便歸方丈、因沙彌童
行參、師向侍者道、教伊去、侍者向行者道、和尚教去、師云、
沙彌童行得入門、侍者在門外、師行脚時、到一尊宿院、
才入門相見、便云、有麼、有麼、尊宿豎起拳頭、師云、水浸船

難泊、便出去、又到一院、見尊宿、便云、有麼、有麼、尊宿豎起
拳頭、師云、能縱能奪、能取能攝、禮拜便出去、師一日拈
數珠、問新羅長老、彼中還有者箇也、無、云、有、師云、何似者
箇、云、不似者箇、師云、既有、爲什麼不似、無語、師自代云、不
見道新羅大唐、問新到、什麼處來、云、南方來、師豎起指
云、會麼、云、不會、師云、動止萬福、不會、師行脚時、問太慈
般若、以何爲體、慈云、般若以何爲體、師便呵呵大笑而出、
太慈來日、見師、掃地次、問般若、以何爲體、師放下掃帚、
呵呵大笑而去、太慈便歸方丈、師到百丈、百丈問從什
麼處來、云、南泉來、百丈云、南泉有何言句示人、師云、有時

趙州語下

九

道、未得之人、亦須峭然、去百丈叱之、師容愕然、百丈云、大
好峭然、師便作舞而出、師到投子處、對坐齋、投子將蒸
餅與師喫、師云、不喫、不久下糊餅、投子教沙彌度與師、師
接得餅、却禮沙彌三拜、投子默然、因僧寫師真呈師、師
云、若似老僧、卽打殺我、若不似、卽燒却、師因與文遠行
次、乃以手指一片地云、這裏好造一箇巡鋪子、文遠便去
彼中立云、把將公驗來、師便打一擲、遠云、公驗分明、過
師問新到、近離甚處、云、臺山、師云、還見文殊也、無、僧展手、
師云、展手頗多、文殊誰觀、云、只守氣急殺人、師云、不觀雲
中鴈、焉知沙塞寒、問遠、遠投師、請師一接、師云、孫賓門

下因什麼鑽龜、僧拂袖出去。師云：將為當榮折他雙足。師與首座看石橋，乃問首座：是什麼人造？云：李膺造。師云：造時向什麼處下手？座無對。師云：尋常說石橋問著下手處也不知。有新羅院主請師齋，師到門首問：此是什麼院？云：新羅院。師云：我與你隔海。問僧什麼處來？云：雲居來。師云：雲居有什麼言句？云：有僧問：羶羊掛角時如何？雲居云：六六三十六。師云：雲居師兄猶在。僧却問：未審和尚尊意如何？師云：九九八十一。有一婆子日晚入院來，師云：作什麼？婆云：寄宿。師云：者裏是什麼所在？婆呵呵大笑而去。師出外逢見一箇婆子提一箇籃子，師便問：什麼

趙州語下

十

處去。云：偷趙州筭去。師云：忽見趙州，又作麼生？婆子近前打一掌。師因見院主送生飯，鷄子見便總飛去。師云：鷄子見你為什麼却飛去？院主云：怕某甲。師云：是什麼語話？師代云：為某甲有殺心在。師問僧：什麼處來？云：江西來。師云：趙州着在什麼處？僧無對。師從殿上過，見一僧禮拜，師打一棒。云：禮拜也是好事。師云：好事不如無。師因參潼關，潼關問師云：你還知有潼關麼？師云：知有。潼關云：有公驗者，即得過。無公驗者，不得過。師云：忽遇鑿駕來時，如何？關云：也須檢點過。云：你要造反。師到寶壽，寶壽見師來，遂乃背面而坐。師便展坐具，寶壽起立。師便出去。

師在南泉時，泉牽一頭水牯牛，入僧堂內，巡堂而轉。首座乃向牛背上三拍，泉便休去。師後將一束草安首座面前。首座無對。有秀才見師，乃讚嘆。師云：和尚是古佛。師云：秀才，是新如來。

有僧問：如何是涅槃？師云：我耳重。僧再問。師云：我不害耳聾。乃有頌。

騰騰大道者，對面涅槃門。但坐念無際，來年春又春。

有僧問：生死二路，是同是別？師乃有頌。

道人問：生死若為論？雙林一池水，朗月耀乾坤。喚他

趙州語下

十一

句上識，此是弄精魂。欲會箇生死，顛人說夢春。

有僧問：諸佛有難，火焰裏藏身，和尚有難，向什麼

處藏身？師乃有頌。

渠說佛有難，我說渠有災。但看我避難，何處有相隨？有無不是說，去來非去來。為你說難法，對面識得來。

見起塔，乃有頌。

本自圓成，何勞疊石。名邀雕鐫，與吾懸隔。若人借問，終不指畫。

因見諸方見解異途，乃有頌。

趙州南石橋北，觀音院裏有彌勒。祖師遺下一隻履，直至

如今覓不得

因魚鼓有頌

四大猶來造化功有聲全貴裏頭空莫怪不與凡夫說只為宮商調不同

因蓮花有頌

奇異根苗帶雪鮮不知何代別西天淤泥深淺人不識出水方知是白蓮

十二時歌

鷄鳴丑愁見起來還漏逗褊子襦衫箇也無袈裟形相些些有根無腰袴無口頭上青灰三五斗比望修行利濟人

趙州語下

十二

誰知變作不唧溜

平旦寅荒村破院實難論解齋粥米全無粒空對閑窓與隙塵唯雀噪勿人親獨坐時聞落葉頻誰道出家憎愛斷思量不覺淚沾巾

日出卯清淨却翻為煩惱有為功德被塵慢無限田地未曾埽攢眉多稱心少耐東村黑黃老供利不曾將得來放驢喫我堂前草

食時辰煙火徒勞望四隣饅頭餛子前年別今日思量空燕津持念少嗟歎頻一百家中無善人來者祇道覓茶喫不得茶嚙去又瞋

曷中已創髮誰知到如此無端被請作村僧屈辱飢饉受欲死胡張三黑李四恭敬不曾生些子適來忽爾到門頭唯道借茶兼借紙

日南午茶飯輪還無定度行却南家到北家果至北家不推註苦沙鹽太麥醋蜀黍米飯壘蒿苳唯稱供養不等閑和尚道心須堅固

日映未着回不踐光陰地曾聞一飽忘百飢今日老僧身便是不習禪不論義鋪箇破蒲日裏睡想料上方兜率天也無如此日炙背

晴時申也有燒香禮拜人五箇老婆三箇癩一雙面子黑

趙州語下

十三

皺皺油麻茶實是珍金剛不用苦張筋願我來年蠶麥熟羅睺羅兒與一文

日入酉除却荒涼更何守雲水高流定委無歷寺沙彌鎮長有出格言不到口枉續牟尼子孫後一條拄杖轟榔菜不但登山兼打狗

黃昏戌獨坐一間空暗室陽篋燈光永不逢眼前純是金州漆鐘不聞虛度日唯聞老鼠開嗽唧憑何更得有心情思量念箇波羅蜜

人定亥門前明月誰人愛向裏唯愁臥去時勿箇衣裳著甚蓋劉維那趙五戒口頭說善甚奇怪任佗山僧震壁空

問著都緣總不會

半夜子心境何曾得暫止思量天下出家人似我住持能有幾土榻牀破蘆簾老榆木枕全無被尊像不燒安息香灰裏唯聞牛糞氣

趙州真際禪師語錄卷下終

趙主與師作真讚

碧溪之月清鏡中頭我師我化天下趙州

哭趙州和尚二首

趙州錄下

十一

師離流水動王侯心印光潛塵尾收碧落霧縠松嶺月滄溟浪覆濟人舟一燈乍滅波旬喜雙眼重昏道侶愁縱是了然雲外客每瞻瓶杌淚還流

其二

佛日西傾祖印墮珠沈丹沼月沈輝影數丈室爐煙慘風起禪堂松韻微隻履乍來雷化跡五天何處又逢歸解空弟子絕悲喜猶自潸然對雪幃

廬山棲賢寶覺禪院住持傳法賜紫沙門 澄談
重詳定

福州鼓山重刊印行

趙州錄下

畧行狀 二張

南院語要 八張

首山語錄 廿五張

葉縣語錄 廿六張

神鼎語錄 十八張

承天語錄 十一張

石門鳳巖集 廿二張

第二卷總計一百十二張

○南院和尚 亦云寶應 名慧顯鄉貫姓氏受

業不載得法於興化獎和尚臨濟第

三世後唐莊宗明宗時人

○首山和尚名省念萊州人姓狄氏南

禪院受業得法於風穴昭和和尚壽六

十八臨濟第五世 本朝太宗淳化

中示寂

○葉縣和尚名歸省冀州人姓賈氏易

州保壽院受業得法於首山念和尚

臨濟第六世 本朝太宗真宗時人

○神鼎和尚名洪諲襄水人姓氏受業

不載得法於首山念和尚年八十餘

臨濟第六世與葉縣同時

○承天和尚名智嵩

亦云三交嵩亦云唐明嵩亦云鐵佛

嵩三交即承天也

鄉貫姓氏受業不載得法

於首山念和尚臨濟第六世與葉縣

同時

○石門和尚

亦住谷隱號慈照

名蘊聰南海人

姓張氏受業不載得法於首山念和

尚壽六十八臨濟第六世 本朝仁

宗天聖中示寂

汝州南院顯和尚語要

上堂云、赤肉團上壁立千仞、有僧問、赤肉團上壁立千仞、豈不是和尚語、師云是、僧便掀倒禪床、師云、你看這瞎漢亂做、僧擬議、師便打、趁出院、

上堂云、諸方只具啐啄同時眼、不具啐啄同時用、僧問、如何是啐啄同時用、師云、作家不啐啄、啐啄同時失、僧云、猶是學人問處、師云、你問處作麼生、僧云、失、師便打、其僧不肯、後到雲門會裏、舉前因緣、說不肯、其時有傍僧云、當時南院棒折那、僧聞此語、言下大悟、方見南院答話處、僧却來汝州省覲、值南院已遷化、却上風穴禮拜、風穴認得、便

南院顯

問上座是當時問南院啐啄同時話者否、僧云是、宋云、會也未、僧云、會也、宋云、當時作麼生、僧云、當時如在燈影裏行、相似宋云、你會也、問、大用不逢人時如何、師云、鷄鶻舞道引入千峯、問、十方通暢時如何、師云、八極連門禍、問、龍躍江湖時如何、師云、瞥瞋瞥喜、問、傾湫倒岳時如何、師云、老鷄無貲、問、從上古人、見不盡處、師還見也、無、師云、握髮吐餐、人不顧、滿朝盡道好周公、僧向口上打、師云、道者大煞瞎、僧云、有恁麼瞎、老漢恁麼道、師便打、問、從上諸聖、向什麼處去也、師云、不上天堂、卽入地獄、僧云、和尚作麼生、師云、你還知寶應老落處也無、僧擬議、師

便打一拂云、你還知喫拂子底麼、僧云、不會、師云、正令却是你行、又打一拂子、問、如何是第一句、師云、你試道看、

僧便喝、師拍手云、大眾、好喝、僧又喝、師便打、問、回旋空中時如何、師云、四面連架打、問、龍獸相交時如何、師云、

狗脊坡頭、問、丹霄獨步時如何、師云、日馳五百、問、金榜題名、請師印可、師云、日下搜脚、問、大震虹霓、請師引

驗、師云、日下三刻、問、黃巢過後、何處回避、師云、六韋旗

下、問、忽遇捉著時如何、師云、賊首頭犯、問、寶劍未出匣時如何、師云、泥乾踏宕、僧云、出匣後如何、師云、天魔唱快

問、楊朱泣岐時如何、師云、白狗臨刑莫怨天、問、人逢

南院顯

碧眼時如何、師云、鬼爭漆桶、問、獨步青霄時如何、師云、

四象圍遶、僧云、四象圍遶時如何、師云、梵音絕處行、問、寂寂無聲時如何、師云、打了拖聲勢、問、鳳栖不到處時

如何、師云、忽聞庭前撲殺老鷄臬、問、如何是歸宗理事、絕、師云、納襦處錯、問、如何是日輪正當午、師云、理事甚

分明、便打、問、如何是獨步四山頂、師云、深深海底行、

問、如何是自在如師子、師云、金鉤勒咽喉、索白棒、擁將行、

問、久在貧中、如何得濟、師云、滿掬摩尼、親自捧、學云、教人

眼睛、師云、眼裏無筋、一世貧、學云、挑筋了瞎、師便打、問、

奔流度刃、疾焰過風、時如何、師云、住、學云、住、卽瞎、師打禪

床僧便喝師拈棒僧云老和尚莫掣棒奪棒打老和尚去在師云今日被這瞎漢鈍置殺我僧云陣敗不禁苦毒掃問足馬單鏑來時如何師云且待我斫棒問如何是佛法大意師云無量大病源僧云請師醫師云世醫拱手問師唱誰家曲宗風嗣阿誰師云掌塔戴鵬冠口中更河海問如何是無相涅槃師云前三點後三點僧云無相涅槃請師證照師云三點前三點後三點僧云無相如何師云飢虎投崖問古殿重興時如何師云明堂瓦插簷僧云與麼則莊嚴畢債也師云斬草蛇頭落問二王相見時如何師云十字街頭吹尺八問如何是無相

南院殿

三

道場師云斫破鬼神村

上堂云是俗諸人盡曾向諸方去來不是不知不見還知老僧這裏有諱麼僧便問請和尚諱師云推筭決疑問如何是蒼筤林師云鬼厭箭問如何是不動尊師云邂逅到崖州問擬薦要津時如何師云灰糞堆問百了千當時如何師云未是好手問大義爭權時如何支擬師云光漆交社僧云將何奉獻師云切以生熟祭惟鹽羹問如何是乾坤主師云周人遺刀心剗九竅問麟閣圖形請師憐念師云纓拂面塵問如何是解脫漿師云苞茆滲血簋物不多問如何是金剛不壞身師云老

僧在佗脚底僧便喝師云未在不是僧又喝師便打問南宗北祖如何顯示師云大庾嶺頭雲太行山下賊僧云如何明會師云幽燕經劫殺吳越笑呵呵僧云畢竟如何師云莫言無法說最苦是新羅問薄地天龍如何辨識師云有什麼難辨僧云便請辨師云瘦眼生盲並毛獬索僧云如何醫治師云氣針扶舌上雷電震雲間僧云忽遇葉令時如何師云見假不知驚若否至今猶是眼翳天問日出扶桑時如何師云閭浮樹下過問凡聖同居時如何師云兩箇猫兒一箇獐問旃檀鬱密時如何師云獨柳樹下坐問近不得時如何師云冤家難解脫問

南院殿

四

萬仞龍門今朝透過時如何師云全存霹靂聲僧云恁麼則全承布雨去也師云泥人眼赤問如何是道師云鷹過長空無一物問獨遊滄海時如何師云雷震青空畜生燒尾問運足不知路時如何師云鳥道盲人過問中間不會時如何師云靜處蹀了打問投機不遇時如何師云足下全身去問金鎖斷時如何師云失僧云金鎖既斷為什麼却失師云崖州路上問行人問然燈前卽不問然燈後亦不問如何是正然燈師云寂僧從東過西邊立師云野狐精問不施寸刃便登九三時如何師云單杖控天街太白過後望問如何是無縫塔師云八

花九裂問如何是塔中人師云頭不梳面不洗問萬里無雲時如何師云寸步不可過問剪鐵鑊猶恨鈍鑊鐵當鋒事如何師云剪即死僧便喝師拍膝一下僧又喝師拈棒僧云老和尚莫盲枷瞎棒奪却棒來打老和尚去莫言不道師云今日無端黃面泚子鈍置一場僧云老和尚莫掣捺好問如何是佛師云如何不是佛問惜宗風護三乘如何是道師云更夢見什麼

上堂云過去祖佛盡皆恁麼道時有僧問道箇什麼師云大哉問上上根器人來師還接也無師云接僧云便請和尚接師云且喜共你平交問如何是佛師云我不曾

知僧禮拜師便打

南院題

五

上堂云有解問詰者出來時有僧出禮拜師云是者老漢罪過便下座問如何是和尚家風師云秋收冬藏問如何是寶應正主師云杓大橈小問如何是寶應水師云了云飲者如何師云了問牛頭未見四祖時如何師云今日不答話問擬伸一問師意如何師云是何公案僧應諾師云放你三十棒問如何是祖師西來意師云五男二女問如何是寶應劍師云天下老和尚答話了也將此語別處問去僧云用者如何師便打問祖意與教意是同是別師云黃尚書李僕射僧云不會師云牛頭

南馬頭北問萬代雷名時如何師云光漆郊社問如何是佛法大意師便喝僧云老和尚莫探頭好師又喝僧便禮拜師云放過即不可便打問如何是佛法大意師便喝僧便禮拜師云今夜兩箇俱是作家禪客與寶應老稱提臨濟正法眼藏若要一喝下辨賓主問取二禪客問學人有一問在和尚處時如何師云你問道什麼僧便喝師便休至明日上堂衆集師云昨日問話師僧在什麼處僧才出師拈棒便打問如何是佛師云待有即向你道僧云與麼則和尚無佛也師云正當好處僧云如何是好處師云今日是三十日

南院題

六

上堂云諸方盡是把蛇頭求歇終不敢向第二頭答賓家話若是本色衲僧便莫共語作麼生是本色衲僧良久云有輪有贏有防禦使問長老還具見聞覺知也無師與一踏踏倒

勘辨

問僧近離什麼處云襄州師云來作什麼僧云特來禮拜和尚師云恰遇寶應不在僧便喝師云向你道不在又喝作什麼僧又喝師便打僧禮拜師云這棒本是你打我我且打你要此話行瞎漢參堂去師見新到來豎起拂子

僧云敗闕師放下拂子僧云猶有這箇在師便打問園頭瓠子開花也未僧云開花已久師云還著子也無僧云昨日遭霜了也師云大眾喫箇什麼僧擬議師便打問風穴南方一棒作麼商量穴云作奇特商量穴却問和尚此間一棒作麼商量師拈拄杖云棒下無生忍臨機不見師問僧近離甚處云長水師云東流西流僧云總不恁麼師云作麼生僧珍宣師便打問僧近離什麼處僧云龍興師云發足莫離葉縣否僧便喝師云好好問你又惡發作什麼僧云喚作惡發師不得師便喝云你既惡發我也惡發近前來僧近前師云我也沒量大罪過瞎漢參堂

南院顯

七

去師有時把住一僧云作麼作麼僧無對師云三十年來弄馬騎有時把住一僧云會麼僧云不會師云牛頭南馬頭北問僧夏在什麼處僧云五臺師云文殊還說著老僧也無僧云不說著師云今日遇作家有時見僧來參便把住參頭云是什麼僧無語師云三十年弄馬騎今日被驢撲又自云大眾莫道閑處語問僧近離甚處云襄州師云什麼物恁麼來云和尚試道看師云適來禮拜底僧云錯師云錯箇什麼僧云再犯不容師云三十年弄馬騎今日被驢子撲瞎漢參堂去問大德講什麼經僧云維摩經師指云會麼僧云不會師云侍者點茶來

問僧夏在什麼處云湖南師云喫維那來上板頭安排著問僧名什麼云普參師云忽過屎橛作麼生僧不審師便打

南院顯和尚語要 終

南院顯

八

汝州首山念和尚語錄

師入院上堂云佛法付與國王大臣有力檀那令其佛法不斷絕燈燈相續至于今日大衆且道續箇什麼良久云今日須是迎葉師兄始得時有僧問靈山一會何異今朝師云墮坑落塹僧云爲什麼如此師云瞎問師唱誰家曲宗風嗣阿誰師云少室巖前親掌示僧云更請洪音和一聲師云如今也要大家知問如何是和尚家風師云一言截斷千江口萬仞峯前始得玄問如何是首山境師云一任衆人看僧云如何是境中人師云喫棒得也未僧禮拜師云喫棒且待別時問如何是佛法大意師

首山念

云。楚王城畔汝水東流。僧云。如何是學人親切處。師云。五
九盡日又逢春。僧云。畢竟事如何。師云。冬到寒食一百五。
問。司徒郎中臨座側。祖胤西來願舉揚。師云。王臣三請
今朝赴。萬民樂業普皆安。僧云。與麼則慈雲普潤處處皆
通也。師云。野老謳歌時人皆唱。師復云。諸上座。佛法無
多子。只是你諸人自信不及。若也自信得去。千聖出頭來。
你面前亦無下口處。何故。只為你自信得及。不向外馳求。
所以奈何不得。直饒釋迦老子到這裏也。與三十棒。然則
如此。初心後學。憑箇什麼道理。且問你諸人。還得恁麼也。
未。良久云。若得恁麼。直須恁麼。無事珍重。

上堂僧問從上諸聖向什麼處行履師云牽犁拽杷問
古人拈鎚豎拂意旨如何師云孤峯無宿客僧云未審意
旨如何師云不是守株人問如何是菩提道師云此去
襄縣五里僧云向上事如何師云往來不易問如何是
首山師云東山高西山低僧云如何是山中人師云恰遇
棒不在僧禮拜師便打問如何是道師云爐中有火無
心撥處處無蹤任意遊僧云如何是道中人師云坐看煙
霞秀不與白雲齊問諸聖說不到處請師提唱師云萬
里神光都一照誰人敢並日輪齊問學人身心聚散時
如何師云不聞天樂響僧云如何收攝師云莫逐四時移

金市相

問菩薩未成佛時如何。師云衆生。僧云成佛後如何。師云衆生衆生。問覺花未發時如何。辨真實。師云冬不寒臘後看。僧云莫便是也無。師云錯。問六國未寧時如何。師云什麼處去來。僧云寧後如何。師云大地火起。問寶劍未出匣時如何。師云怨阿誰。僧云出匣後如何。師云斬無罪之人。僧禮拜。師云執。問寶劍未出匣時如何。師云。你不想猶可。僧云出後如何。師云伏惟尚饗。僧云忽遇師子吼時如何。師云一任野干鳴。僧便喝。師云果然。僧又喝。師云放你三十棒。僧禮拜。師云這瞎漢。復云諸上座。不得盲喝亂喝。者裏尋常向你道實。則始終賓主。則始終。

主賓無二賓主無二主若有二賓二主卽是兩箇瞎漢所以我若立時你須坐我若坐時你須立坐則共你坐立則共你立雖然如是到這裏急著眼始得若也眼孔定動卽千里萬里何故如此如隔窓看馬騎相似擬議卽沒交涉諸上座既然於此留心直須子細不要掠虛好他日異時賺著你在諸人若也有事近前無事珍重

上堂僧問蓮花未出水時如何師云徧天徧地問出水後如何師云特地一場愁問殺父殺母佛前懺悔殺佛殺祖向什麼處懺悔師云水深一丈問離凡離聖請師一句師云不可錯怪老僧也僧云謝師指示師便打問魚

首山念

三

鼓未鳴時如何師云望天不見天僧云鳴後如何師云觀地不見地問和尚是大善知識爲什麼却首山師云不坐孤峯頂常伴白雲閒問四衆圍繞師說何法師云打草毬要蛇驚僧云未審怎生下手師云適來洎合喪身失命問不落三寸請師速道師云老僧到這裏却道不得聞梨道看僧云猶落三寸請師別道師云首山今日失利問如何是首山境師云千花迴秀一葉長芳僧云如何是境中人師云好事不如無問因緣未熟時如何師云進僧云熟後如何師云退問二龍爭珠誰是得者師云得者失僧云不得者又如何師云珠在什麼處僧擬議師

便打問維摩默然未審意旨如何師云平逢穿耳客多遇刻舟人問如何是首山出身路師云誰人障礙得僧云與麼則自在去也師云去卽打折你腰師乃云要得親切第一莫將問來問還會麼問在答處答在問處你若將問來問老僧在你脚底你若擬議則沒交涉時有僧出禮拜師便打僧問挂錫幽巖時如何師云錯僧云錯師便打

首山念

四

上堂僧問終日忙忙那事無效如何是那事師云孤峯頂上千花秀萬仞巉峨嶮處行僧云莫便是和尚爲人處也無師云大衆誦誦送千峯永不回僧云回來底事又作麼生師云粉骨碎身猶未報三年一度送錢財僧禮拜師云噓噓問一切諸佛皆從此經出未審此經從何而出師云低聲低聲僧云如何受持師云切不得添汙問作何行業報得四恩三有師云殺人放火僧云與麼則大作業底人也師云苦痛深問世尊滅後法付何人師云好箇問頭無人答得僧云如何是世尊不說說師云任從滄海變終不爲君通僧云如何是迦葉不聞聞師云瞋人徒側耳問古人言見色便見心諸法無形將何所見師云一家有事百家忙僧云學人不會乞師再指師云三日後看取問入京朝聖主只到潼關便却回時如何師云猶是

鈍漢 問路逢達道人、不將語默對、未審將什麼對、師云、
瞥爾三千界、僧云、與麼則目視不勞也、師云、天恩未過後
悔難追、問、仗鎧鉞劍、來取師頭時如何、師噓一聲、僧云、
苦痛深、師便打、問、得船便渡時如何、師云、猶是鈍漢、
問、權借一問、以為影草時如何、師云、放你三十棒、問、久
在貧中、請師賑接、師云、不接、僧云、為什麼不接、師云、契棒
得也未、隨聲便打、問、如何是古佛心、師云、鎮州蘿蔔重
三斤、問、龍宮海藏、當有何物、請師一別、師云、不掛三寸
舌、僧云、為什麼不掛三寸舌、師云、誰知句後親、問、不落
僧祇、如何修證、師云、近前來、與你道、僧近前、師便打、問、

首山念

五

丹霞掩耳、黃檗拄杖、意旨如何、師云、坐參都不問、暢殺子
平生、僧云、稀逢難遇、請師指示、師云、莫說鳴、問、虛空以
何為體、師云、老僧在你脚底、僧云、和尚為什麼在學人脚
底、師云、知你是瞎漢、問、祇和和尚道、老僧在你脚底、意
旨如何、師云、橫身不怕侵泥水、識者方知大作家、問、祇和
和尚道、知你是箇瞎漢、又作麼生、師云、將寶奉君君不識、
却令瞽叟隨生盲、問、如何是玄中的、師云、有言須道却、
僧云、此意如何、師云、無言鬼也瞞、問、如何是禪僧眼、師
云、此眼不當、僧云、當後如何、師云、堪作什麼、問、如何得
離眾緣去、師云、千年一遇、僧云、不離時如何、師云、立在眾

人前、問、諸佛未見時如何、師云、拈匙不把筯、僧云、見後
如何、師云、喫餅忘却匙、問、佛未出世時如何、師云、不可
錯怪老僧也、僧云、出後如何、師云、舉似天下人、問、如何
是超毗盧之句、稱釋迦之譚、師云、妙語無多子、親言舉似
誰、僧云、湛然時如何、師云、未明心地諦、難過首山關、僧擬
進語、師便打、問、如何是大安樂底人、師云、不見有一法
僧云、將何為人、師云、謝闍梨領語、問、如何是常在底人、
師云、亂走作什麼、問、一毫未發時如何、師云、路逢穿耳
客、僧云、發後如何、師云、不用更遲疑、問、無絃一曲、請師
音韻、師良久云、還聞麼、僧云、不聞、師云、何不高聲問著

首山念

六

問、大悲千手眼、那箇是正眼、師云、即便歡喜、僧云、歡喜後
如何、師云、撈天摸地、問、如何是和尚說法底口、師云、掛
在壁上、僧云、忽有人來問時如何、師云、待我取回來、即向
你道、問、學人此處不薦、擬向南方時如何、師云、速、僧云、
却不恁麼去時如何、師云、後會難逢、問、如何是離凡離
聖底句、師云、嵩山安國師、僧云、莫便是和尚極則處也、無
師云、南岳讓和尚、僧云、如何是和尚家風、師云、無絲傀儡
有人牽、僧云、牽後如何、師云、妙有無言不較多、僧云、如何
是妙有無言不較多、師云、有言須得句、僧云、如何是無絲
傀儡有人牽、師云、當明提祖道、方得後人棲、問、學人近

入叢林。乞師指示。師云：聞梨到老僧會裏得多少時？僧云：經冬過夏。師云：莫錯舉似人。問：有一人蕩盡來時。師還接也？無師云：蕩盡卽致。那一人是誰？僧云：風高月冷。師云：僧堂內幾人坐臥？僧無語。師云：賺殺老僧。問：學人求出世間時如何？師云：借水獻花。先供養。莫教落後。索香錢。僧云：死生事大。乞師一薦。師云：透漏遺蹤。無走路。僧云：恁麼則被他捉著也。師云：今日到長安。問：如來演說三乘教。未審是什麼教？師云：千言無一中。僧云：為什麼千言無一中？師云：不是上鉤人。問：一切法皆空。如何悟得真空理？師云：南地先抽筭。塞北著皮裘。僧云：莫落是非也。無。師云：

首山念

七

自家看取。問：青青翠竹。還有佛性也無？師云：南天北地。僧云：恁麼則推窮佛理也。師云：北地南天。問：鐘鼓未鳴時如何？師云：問前不鳴。問後打。僧擬議。師便喝。問：如何是迦葉門前一盞燈？師云：孤峯朗月。連天照性。似寒泉徹底清。僧云：勞而無功時如何？師云：日輪當午。無私照。自是時人見有移。問：寶劍未出匣時如何？師云：大洋海底澄心鏡。僧云：出匣後如何？師云：天外吒沙獨擺撥。師乃云：第一句薦得。堪與祖佛爲師。第二句薦得。堪與人天爲師。第三句薦得。自救不了。時有僧問：如何是第一句？師云：大用不揚眉。棒下須見血。僧云：慈悲何在？師云：送出三門。

外問如何？是第二句？師云：不打恁麼驢漢。僧云：將接何人？師云：如斯爭奈何？問：如何是第三句？師云：解問無人答。僧云：卽今祇對者是誰？師云：莫使外人知。僧云：和尚是第幾句薦得？師云：月落三更穿市過。問：維摩一默。文殊贊善。未審此意如何？師云：當時聽衆必不如是。僧云：既不如是。維摩默然。又且如何？師云：知恩者少。負恩者多。乃云：若論此事實。不掛一箇元字脚。便下座。

次住廣教語錄

師入院上堂。有僧問：曹溪一句。天下人聞。廣教一句。什麼

首山念

八

人聞？師云：不出三門外。僧云：為什麼不出三門外？師云：塞似天下人。僧問：如何是真如體？師云：徧乾坤。僧云：如何是真如用？師云：動天地。問：如何是大海？師云：出頭天外看。僧云：恁麼則包含不盡也。師云：不見本來身。問：如何是學人自己？師云：是你自己。問：黑豆未生芽時如何？師云：萬里崖州。君自去。臨行惆悵。怨他誰？僧云：有何罪過？師云：昨夜賊。文殊僧云：未審什麼時回？師云：專候天恩。僧云：天恩到時如何？師云：齊賀太平年。問：牛頭未見四祖時如何？師云：不唧喞。僧云：見後如何？師云：不唧喞。問：久負沒絃琴。請師彈一曲。師云：正值嚴凝久。披蓑帶雨歸。問：

觀身無相、觀法亦然。時如何？師云：晴天開水路。僧云：恁麼則埽地而盡去也。師云：孤月照高岑。問：萬機零盡時如何？師云：死水不藏龍。僧云：轉動後如何？師云：碧眼胡僧笑點頭。問：如何是正修行路？師云：貧兒不雜食。僧云：撒手歸家去也。師云：香臭不曾聞。僧云：三春無二月，十五正圓。師云：不是閨梨用心處。僧云：如何是學人用心處？師云：要行卽行，要坐卽坐。問：十二時中作何行業，卽免生死？師云：你喚什作生死？僧云：與麼則無生死可免。師云：大眾盡皺眉。問：如何是超佛越祖之談？師云：塞北風霜緊，江南雪不寒。問：承古有言，自從一見桃花後，直至而今更

首山念

九

不疑，意旨如何？師云：三尺杖子兩人舁。僧云：還許學人舁也無？師云：放下着。其時有化主問：學人與麼去時，將何稟受？師云：叉手奉賓德，舉似莫沈吟。僧云：恁麼還當也無？師云：物逐人興。僧云：今日點茶，當為何人？師云：去此無消息，無心永莫回。問：如何是真如體？師云：敲磚打瓦。僧云：此意如何？師云：切忌踏著。僧云：有一人，不會唐言梵，語來時，師還接也無？師云：舉意便知，有何勞側耳聽。問：學人不識文墨，拾得箇字來，未審喚作什麼字？師云：久爲雲水客，休作問禪賓。問：如何是現前三昧？師云：三更不閉戶。僧云：還許學人商量

也無？師云：切忌五更初。問：若能轉物，卽同如來，三門佛殿請師轉。師云：長安道上無私曲，縱遇知音到者稀。問：學人親到寶山，空手回時如何？師云：家家門前火把子。問：靈丹一粒，點鐵成金，至理一言，轉凡成聖，如何是至理一言？師云：更舉一徧。僧云：與麼則還身三步。師云：笑破大眾口。問：如何是學人自己？師云：放參三下鼓，喫粥五更鐘。問：久輔不逢時如何？師云：閨梨有問，老僧有答。僧云：如何得逢？師云：閨梨不問，老僧不答。問：維摩方丈，不以日月爲明，未審和尚方丈，以何爲明？師云：穿破天下人觸。問：久負無絃琴，請師彈一曲。師云：無言顯大道。僧云：

首山念

十

還許學人和也無？師云：更莫遲疑。問：十方薄伽梵，一路涅槃門，如何是一路？師云：龍蟠鳳舞子時前，日出崑崙照大千。問：塵塵見佛，刹刹聞經，如何是塵塵見佛？師云：好箇燈籠。僧云：學人不會，意旨如何？師云：還我話頭來。問：無邊身菩薩，爲什麼不見如來頂相？師良久云：卽今還見也無？僧擬議，師便打。問：如何是學人本來身？師云：牽牛不入市。僧云：如何是有相身中無相身？師云：泊合錯對關梨。問：萬仞峯前，如何卓立？師云：窄。僧云：意旨如何？師云：苦。問：巧說不得，只要心傳，如何是心傳底法？師云：有疑須假問。僧云：恁麼則巧說不得也。師云：無言正好聽。問：

如何是佛法的大意。師云：不將小意對闍梨。僧云：如何領會。師云：逢人莫錯舉。問：德山棒臨濟喝，未審明得什麼邊事。師云：你試道看。僧便喝。師云：瞎。僧又喝。師云：這瞎漢，只管亂喝作什麼。僧欲禮拜。師擬拈棒。僧約住云：莫亂打人好。師擲下拄杖云：明眼人難瞞。僧云：草賊大敗。問：如何是生滅法。師云：新羅喫冷淘。問：久處沈迷，請師一接。師云：老僧無恁麼閑工夫。僧云：和尚豈無方便。師云：要行卽行，要坐卽坐。僧云：臨機一句，截斷衆流。請師垂示。師云：棒下迸流星。僧云：恁麼則萬象顯然。師云：遣人拽出。問：世尊說法如雷吼，未審誰是不聞者。師云：無人敢定當。

首山念

十一

僧云：為什麼無人敢定當。師云：果然不聞。問：亡僧遷化，向什麼處去。師云：散關正望三泉路，厚朴花開始覺春。問：古人道東山西嶺青，意旨如何。師云：一回舉著一回新。僧云：謝師指示。師云：功不浪施。問：如何是佛。師云：苦。問：如何是然燈前。師云：諸佛在我前。僧云：如何是然燈後。師云：諸佛在我後。僧云：如何是正然燈。師云：青山無異路。問：有問有答，盡在魔界，無問無答事如何。師云：庭前罷舞，休思曲。僧云：大衆證明也。師云：野老謳謠正好音。問：如何是和尚截人之機。師云：三門前點燈。僧云：未審意旨如何。師云：佛殿後燒香。問：如何是佛。師云：新婦騎驢阿

家牽。僧云：未審此語什麼句中收。師云：三玄收不得，四句豈能該。僧云：此意如何。師云：天長地久，日月齊明。問：如

何是佛。師良久云：會麼。僧云：不會。師云：何不高聲問。僧再問。師云：瞎漢，顛言倒語作什麼。問：如何是寂寂惺惺底。

人。師云：莫向白雲深處坐，切忌寒灰煨殺人。師復舉與化示衆云：今日放諸人一線道，不用如何若何，便請單刀直入，興化爲你證明。有吳德長老出衆禮拜，起來便喝。興化亦喝。吳德又喝。興化又喝。德禮拜，興化却云：適來若是別人，三十棒一棒也不較。何故爲他。吳德會一喝不作一喝用。師云：看他興化與麼作用，爲什麼放得伊過。諸上座

首山念

十二

且道：什麼處是一喝不作一喝用，是前一喝，是後一喝。那箇是賓，那箇主。雖然如此，也須子細始得。良久云：二俱有過，二俱無過，珍重。

次住寶應語錄

師入院上堂，有僧問：盡大地人來，各各置一問，問問各別。未審寶應如何祇對。師云：好。僧禮拜。師云：見何道理。僧云：謝師答話。師云：賊是小人，智過君子。劉司徒問龍庭金口問：如何對玉機。師云：一輪迴脫三界外，當軒照破萬家門。司徒云：臨行一句，請師指示。師云：莫錯認定盤星。座

主問云、如從飢國來、忽遇王饒、未敢便餐、餐卽是不餐卽是。師云、名利已彰天下、播手中如意、有誰知。主云、與麼則珍重去也。師云、真師子兒、一發便轉。問、既是清淨伽藍、為什麼打魚鼓喫飯。師云、知恩者少、負恩者多。問、承師有言、金沙灘頭馬郎婦、意旨如何。師云、高梳雲鬢、恐人怪笑。問、得力處、乞師一言。師云、山高無異路、僧云、畢竟如何。師云、莫守白雲閒。問、向上一路、請師指示。師云、對面不相識。僧云、為什麼不相識。師云、問處分明、答處親。問、如何是觀音門入者。師云、超然一境、無異路。僧云、如何是音賢門入者。師云、野雲不向目前飛。問、有問有答、皆落

首山念

主

層吻、無問無答、請師道看。師云、不可錯怪老僧也。僧云、猶落層吻。師云、落在什麼處。僧無語。師便打。問、萬法歸於一體時如何。師云、三斗喫不足。僧云、畢竟歸於何處。師云、二斗却有餘。問、文殊贊維摩不二法門、意旨如何。師云、問前不明、問後瞎。僧云、未審此意、畢竟如何。師云、瞎。問、離聲離色、如何舉唱。師云、一點青霄異。僧云、如何是異。師云、透過萬重關。僧云、只這如何透。師便打。云、言前薦得辜負平生、句後投機、殊乖道體。離此二途、請師方便。師豎拂云、爭奈這箇何。僧云、與麼則太保證明。師云、你莫帶累太保。問、如何是佛。師云、朝看東南、暮看西北。問、德山棒

首山念

十

臨濟喝、意旨如何。師云、寶應今日、不用僧擬進語。師云、瞎。便打。問、疑則與賊為伴、不疑則野塚為家、時如何。師云、北邙山下、千丘萬丘、未審那箇是你家。僧以坐具、撼一撼。師云、洎不問過。問、如何是古佛心。師云、三箇婆婆排班拜。問、如何是清淨法身。師云、新羅人不裹頭。僧云、向上還有事也無。師云、有。僧云、如何是向上事。師云、新羅人不裹頭。安員外問、弟子不會、請師垂示。師云、水急浪開、漁父見錦鱗、透過碧波中。員外云、承教有言、是法住法位、世間相常住。如何是常住底法。師豎起拄杖、名員外云、且道、這箇是住底法、不是住底法。員外云、未曉之徒、如何。賈濟師云、依稀似曲、纔堪聽、又被風吹別調中。員外云、一物不將來時如何。師云、何得對衆妄語。員外擬議。師便喝。問、如何是祖師西來意。師云、風吹日炙。問、只如龍牙問德山、山乃引頸、此意如何。師云、德山引頸、寶應卽僵身縮項。問、祇如和尚道、新婦騎驢阿家牽、意旨如何。師云、百歲翁翁失却父。僧云、百歲翁翁豈有父。師云、汝會也。師復云、諸上座、不見興化老人道、直饒汝喝得興化、向虛空裏撲下來、一點氣也無、忽然甦息、却向汝道、未在、何故。我未向紫羅帳裏撒真珠、與你諸人、胡喝亂喝、作麼。師云、實為如斯。今時兄弟、只管橫喝豎喝、及至窮著、並無言說、看

他臨濟會下有僧出來禮拜臨濟便喝僧云老漢莫探頭好濟云汝道落在什麼處僧便喝又有僧問如何是佛法大意濟便喝僧禮拜濟乃召衆云你道適來這一喝好喝也無僧云草賊大敗濟云過在什麼處僧云再犯不容濟云要識臨濟賓主話問取堂中二禪客師云諸兄弟學般若菩薩直須諦當去始得雖然如是曉者還稀珍重

師一日上堂汾陽略和尚出問百丈卷席意旨如何答云龍袖拂開全體現進云未審師意如何答云象王行處絕狐蹤略於是言下大悟遂提起坐具顧視大衆云萬古碧潭空界月再三勞漉始應知禮拜歸衆時雲縣省和尚

首山念

十五

作首座纔退便問略兄你適來見箇什麼道理便與麼道云正是我放身捨命處省便休

小參示衆云老僧擬欲歸鄉什麼人隨得去時有僧問未審和尚什麼時去師云待有伴卽向你道僧云無伴底事作麼生師云盡日不逢人明明不知處僧云忽遇一人又作麼生師云迷子不歸家失却來時路僧云請師指箇歸鄉路師云枯木藏龍不存依倚僧云和尚什麼時節却回師云一去不知音六國無消息僧云正當歸鄉底事又作麼生師云獨唱胡家曲無人和得齊僧云忽遇知音在時如何師云上石人齊拍掌溪邊野老笑呵呵僧云歸

鄉回來底事又作麼生師云八國奉朝衣白相無遷改僧云未審居何位次師云文殊不坐金臺殿自有逍遙竹拂後問如何是梵音師云驢鳴狗吠問如何是截徑一路師云或在山間或在樹下問如何是和尚不欺人底眼師云看看冬到來僧云畢竟如何師云卽便春風至問遠聞和尚無絲可掛及至到來爲什麼有山可守師云道什麼僧便喝師亦喝僧禮拜師云放你三十棒久立衆慈伏惟珍重

首山念

十六

師出鏡清十二間荅洎翠巖代語師於一語下代三轉

問時至草菴無一物爲什麼却有盈餘清云要道何難

巖云適來道什麼師代云自不知又云洎成忘却又云

共語不知音

問盡乾坤不出一刹那今時人向什麼處辨明清云共語

商量巖云向你道什麼辨明師代云不問他別人又

云明眼人笑你又云用辨卽非

問無神通菩薩爲什麼蹤跡難尋清云波斯眼黑巖云

莫鬼語師代云不是用心處又云被他捉着又云不勞

舉步

問辨得親疎底人爲什麼却被親疎不意清云不平按劍

巖云當得也無、師代云莫守閒、又云大有人不解恁麼問、又云不可辨親疎、

問、明知生是不生之相、為什麼却被生之所流、清云、明知無力、巖云、不關老兄事、師代云、自領過、又云、喚什麼作生死、又云、爭得不知有、

問、人人具□□訪道人、道即是、不道即是、清云、頭上仙陀、

巖云、莫道乞辨明、師代云、分明舉似他、又云、莫道乞答語、又云、若不是寶應、洎合遭他毒手、

問、體本無瑕翳、為什麼坐施良藥、清云、却正道著、巖云、且放老僧過、師代云、知過人難得、又云、更教誰喫棒、又

首山念

十七

云、今日草賊大敗、

問、達者同遊一路行、為什麼不行、清云、已到平頭、巖云、老兄還達也未、師云、不爭先、又云、到了不知、又云、但請先行、

問、盡令提綱、為什麼不塞時人口、清云、自還得、巖云、老

兄還知明州米價麼、師代云、還曾失麼、又云、須知老兄、

又云、爭知今日、

問、無形本寂寥、為什麼有物、先天地、清云、竇公曲尺、志公剪刀、巖云、領過得也未、師代云、欺他作什麼、又云、阿

誰與麼道、又云、不是關梨置問、

問、十方薄伽梵、為什麼一路涅槃門、清云、家無二主、巖云、怪得人麼、師代云、到者方知、又云、一尚不可得、又云、常防此問、

問、同氣連枝、為什麼却根莖有異、清云、卻案逆彩、巖云、阿誰道有異、師代云、紹得麼、又云、見有前後、又云、今朝

二十五、

師出風木四賓主語、

僧云、如何是賓中賓、宋云、攢眉看白雲、師別云、去來長

自在、不與白雲齊、

問、如何是賓中主、宋云、入市雙瞳瞽、師別云、高聲唱叫

首山念

十八

遠街行、

問、如何是主中賓、宋云、回鑒兩耀新、師別云、定國安邦

賀太平、

問、如何是主中主、宋云、磨礮三尺劍、待斬不平人、師別

云、收番猛將寸草不雷、

師出四種照用語、

問、如何是先照後用、師云、南岳嶺頭雲、八行山下賊、問、

如何是先照後用、師云、太行山下賊、南岳嶺頭雲、問、如

何是照用同時、師云、收下南岳嶺頭雲、捉得太行山下賊、

問、如何是照用不同時、師云、昨日有雨、今日晴、

師出四賓主語

問如何是賓中賓師云青山綠水分 問如何是賓中主師云棒下取分明 問如何是主中賓師云退己讓人 問如何是主中主師云斬盡不留身

師出四料簡語

問如何是奪人不奪境師云人前把出遠遠送千拳 問如何是奪境不奪人師云打了不曾瞋冤家難解冤 問如何是人境兩俱奪師云萬人作一塚時人盡帶悲 問如何是人境俱不奪師云問處分明答處親 師出德山三轉語於一句中各下三轉

首山念

十九

問如何是函蓋乾坤句師云大地雪漫漫又云普天匝地又云海底紅塵起 如何是截斷衆流句師云不通凡聖又云消合放過又云橫身三界外 問如何是隨波逐浪句師云要道便道又云有問有答又云此去西天十萬八千

師舉僧問禾山如何是道山云耕人田不種僧云如何是道中人山云禾熟不臨場 因僧問師出語云耕人田不種意旨如何師云大勳不豎賞僧云禾熟不臨場意旨如何師云任從風雨爛

師出盤龍和尚問行者接待不易行者云開心椀子盛將

來無縫合兒合將去 師云橫擔拄杖登霄漢使煞農夫費粥人

師出僧問如何是祖師西來意答云風吹日炙 師又云多年塵土無人拂一身常在鎮天涯

勘辯語

師諱省念萊州人也姓狄氏受業於本部南禪纔具尸羅徧遊叢蓐晚造風穴會中密常勤誦蓮經衆咸謂念法華也偶知客退卽就請師一日風穴見師侍立次乃垂涕告之曰不幸臨濟之道至吾將墜于地矣師曰觀此一衆豈

首山念

二十

無人邪穴云雖教者多見性者少師曰如某者如何穴云吾雖望子之久猶恐耽著此經不能放下師曰此亦可事願聞其要於是風穴上堂舉世尊以青蓮目顧視大衆迎衆正當與麼時且道說箇什麼若道不說而說又是埋沒先聖且道說箇什麼師乃拂袖而退衆擲下拄杖便歸方丈侍者隨後入室請益念法華爲什麼不祇對和尚穴云念法華會也次日師與真園頭同上問訊次宋又問真曰作麼生是世尊不說說真曰鶡鳩樹頭鳴宋云你作許多癡福作什麼何不體究言句又問師曰汝作麼生師曰動容揚古路不隨情然機宋云你何不看法華下語 師受

風水印可之後，派迹韜光，人莫知其所以，因楚和尚初至汝州宣化，安下，風穴令師傳語，纔相見，展坐具次，便問：「展即是，不展即是？」楚云：「自家看取。」師便喝。楚云：「我曾親近知識來，未嘗輕敢恁麼造次。」師云：「草賊大敗。」楚云：「來日若見風穴和尚，待一一舉似。」師云：「一任一任，不得忘却。」師乃先回。舉似風穴，穴云：「今日又被你收下一員草賊。」師云：「好手不張名。」楚次日，纔到相見，便舉前話。穴云：「非但昨日，今日連驢捉敗。」於是師乃名振四方。遠近學者承風而溱，初住汝州首山，為第一世也。石門遣使馳開堂書至，師乃集眾於法堂上，使纔近前，人事師約住云：「是洞上宗乘，是雪」

首山念

世一

嶺家風，使云：「書中已載。」師云：「一不成，二不是，使無語。」師云：「且坐喫茶。」一日，師問僧：「近離甚處？」僧云：「襄州。」師云：「路上曾逢達磨也無？」僧云：「近前不審。」師云：「這箇是驢前馬後底。」僧云：「和尚又如何？」師云：「非公境界，且坐喫茶。」僧纔坐，師又問：「在什麼處過夏？」僧云：「石門。」師云：「水牯牛安樂麼？」僧云：「及時水草。」師云：「為什麼傷人苗稼？」僧云：「對和尚不敢造次。」師云：「放過即不可，便打。」師一日問僧：「是凡是聖？」僧云：「非凡非聖。」師云：「太不定生。」僧云：「離此二途，請師速道。」師云：「首山今日燒香，供養你去也。」僧云：「某甲特來禮拜。」師云：「滴水難消。」一日問僧：「近離什麼處？」僧云：「廣慧。」師云：「穿雲不渡水，渡」

首山念

世二

水不渡雲，離此二途，速道速道。」僧云：「某甲昨夜宿長橋，師云：你恁麼合喫首山棒？」僧云：「某甲未曾參堂。」師云：「兩重公案。」僧云：「恰是。」師云：「那那。」又一日，師見僧參次，乃問：「近離甚處？」僧云：「襄州。」師云：「夏在甚處？」僧云：「洞山。」師云：「還我洞山鼻孔來。」僧云：「不會。」師云：「却是老僧罪過。」又一日，問僧：「上人近離甚處？」僧云：「南方。」師云：「遠來不易，且坐喫茶。」又一日，問僧：「近離甚處？」僧云：「襄州。」師云：「有事相借問得麼？」僧云：「便請。」師云：「且喜沒交涉。」又云：「鷄子過新羅。」又問僧：「近離甚處？」僧云：「西京。」師云：「路上還逢達磨也無？」僧云：「適來已參見和尚了也。」師云：「為什麼築著鼻孔？」僧云：「已知痛痒。」師云：「打破大唐國裏，竟箇知痛痒底人了，不可得。」且坐喫茶。有僧來參，師乃問：「近離甚處？」僧云：「龍門。」師拽傍僧，搥一搥，喝出去。一日，有僧侍次，師乃喚僧名，僧應諾。師云：「且去。」別時來，為你說。僧云：「而今尚自不說。」別時決定不說。師云：「我也罪過，你也罪過。」僧一日入室，師云：「且去。」別時來，僧應諾。師便打。師每見僧來，便云：「恁麼來者是誰？」僧云：「問者是誰？」師云：「是老僧。」僧便喝。師云：「向道是老僧，又惡發作什麼？」僧又喝。師云：「恰遇棒不在。」僧云：「草賊大敗。」師云：「得便宜是落便宜。」有僧入室，師便喝。僧亦喝。師又喝。僧禮拜。師便打云：「伏惟尚饗。」一日，因僧入室，師喚僧名，僧應諾。

師云錯。僧云某甲有什麼敗闕處。師云錯。有新到相見。師問從什麼處來。僧云芭蕉來。師云芭蕉有何言教。僧云曾見有僧問牛頭未見四祖時如何。蕉云知。僧云見後如何。蕉云不知。後有僧舉問襄陽石門徹禪師。只如二尊宿意旨如何。徹云先行不到。末後為初。僧一日入室。師云怎麼來。者是誰。僧云某甲。師云莫道是別人。僧禮拜。師云適來見箇什麼道理。師禮拜。僧云今日大似因齋慶讚。師云我適來一期向你怎麼道。遠須吐却。僧云也知和尚曲為某甲。師云後有人問你向他道什麼。僧拂袖便出去。師召僧名。僧回首。師便喝。僧云這老賊。師乃以頌示之曰。四

首山念

廿三

門通一要。一要具三玄。在賓全正令。立主要須圓。又一

夜師行道次。見暗裏有僧。師乃問是誰。僧不對。師云我也識得你。僧大笑。師云你不得道。是別人。復作一頌示之。輕踏步恐人知。語笑分明更莫疑。智者只此猛提。取莫待天明失却鷄。

師次住寶安山廣教禪院。亦為第一世。後徇眾請入城下

寶應禪院。即南隱第三代三處法席。海眾常慕。淳化三年十二月

初四日午時。上堂示眾曰。今年六十七。老病隨緣。且違日。今年記却來年事。來年記著今朝日。果至四年十二月日。與時無爽。前記上堂辭眾。仍作偈曰。白銀世界金色身。情

與無情共一真。明暗盡時俱不照。日輪午後是全身。言訖安坐。日將暎而逝。壽年六十八。茶毗收舍利。

偈頌

靈雲見桃花

分明歷世三十春。因悟桃花色轉新。人人盡得靈雲意。不識靈雲是何人。

玄沙云。諦當甚諦當。

玄沙道處少人知。密密相逢更莫疑。今古相傳親的旨。少年多是白頭兒。

首山念

廿四

四賓主頌

悟了却從迷裏悟。迷悟從來無差互。始知本末至于今。今古相承無別路。無別路。莫問人說。今古問來事元是主。從他人問賓主。識得賓全是主。主中賓。賓中主。更互用。無差互。賓中賓。主中主。兩家用。莫讓主。把定乾坤大作主。不容擬議。斬全身。始得名為主。中主。

偈作三頌

我有一機。不假修持。若人問著。便喚沙彌。我有一著。不自棲泊。若人更問。劈口便著。我有一宗。勿示西東。若人擬議。別喚王公。

送化主四嘆

報你參禪實，人中有見親。若求端的旨，臘月望陽春。
臨行少語足人怜，莫辱家風汙舊賢。保護盡從今日去，靜
坐寒窓月那邊。

幾多眞子向西東，物外縱橫莫用功。隨處化緣皆是道，臨
行一句盡流通。

廓然無事少人聞，任意縱橫勿計程。步步登高看前路，莫
教失脚墮深坑。

示衆三首

背陰山子向陽多，南來北往意如何。若人問我西來意，東

首山念

廿五

海東面有新羅

咄哉巧女兒，攔校不解織。貪看鸚鵡兒，水牛也不識。

咄哉拙郎君，巧妙無人識。打破鳳林關，穿靴水上立。

首山念和尚語錄

終

新興院比丘尼興覺，捨財一十五貫文足，敬刊

首山念和尚語錄一帙。普願見聞發明心地，同

證菩提。紹興九年端午日題。

汝州葉縣廣教省禪師語錄

參學小師 智親 重錄

師初開堂日，纔昇法座，大衆雲集。師捻香示衆云：此一辦
香，不從他方得，卽汝州水土然。願 皇帝萬歲，重臣千秋。
文武百僚，常居祿位。但某道薄人，微觸事荒瑣。謝卽中巡
檢司，徒諸官員等，光揚佛日。野干說法，釋迦和南。梵王前
引，帝釋後隨。重法不重人。謝西州和尚遠發緘封，曲弊卑
能，悚惕無盡。兩院主首街市，檀越堂內僧衆，請某開堂說
箇什麼。卽得。若說三衆五性來，又有經律論座主宣揚。若
說仁義禮智信，又有夫子。夫子是儒童菩薩，入廊化俗。若

葉縣省

是闡揚宗旨，又有諸方宿德和尚，穿鑿了也。更教某甚處
運針芥，卽得便。有僧問：祖祖相傳，傳傳心心，卽卽啗親。師
今出世，法嗣何人。師云：寰中天子，塞外將軍。學云：汝海一
滴，蒙師指向上。家風事若何。師云：高祖殿前，榮噲怒。須知
萬里絕煙塵。問：昔日世尊說法，梵王親躬。此日朝騎臨
蓮，將何指教。師云：塞鴈過時聲咽咽，喜鵲喃喃悅殺人。進
云：與麼卽法雨洪傾。人天有賴也。師云：雲綻家家月，春來
處處花。問：不落諸緣，請便道。師云：落。問：如何是無縫
塔。師云：頭不梳，面不洗。問：如何是出家人。師云：緊裹頭。
進云：與麼卽在家出家。師云：鹿麻鞋。問：喫却施主食，將

何報答他師云老僧罪過進云與麼卽萬兩黃金亦消得
師云家醜不外揚問實劍未出匣時如何師云不可錯
怪老僧進云出匣後如何師云換手搥胸問如何是禪
師云文殊殿問如何是道師云法堂是老僧蓋進云釋道
相去多少師云汝問我答進云向上還更有事也無師云
有如何是向上事師云八棒對十三學家禮拜師云教休
不肯休直待雨霖頭問如何是清淨法身師云厠坑頭
籌子問臨機一句請師速道師云速進云與麼卽沙場
無朕跡也師云滴血驗身容師乃云達磨西來爲傳東
土直指人心見性成佛獨標萬像物外宣揚悟之者纖毫
不隔迷之者背覺合塵中下之機也須子細莫虛過時光
各各有之況以西來的意教外別傳道契一言縱橫自在
打破髑髏揭却腦蓋豈不是慶快僧問學人來日擬入
帝京帝王不顧時如何師尋時頌答云一年春盡一年春
觸目無私遍乾坤時人盡唱無私曲罕遇知音對者稀進
云與麼卽處處通身去也師云底事作麼生進云十方世
界盡是學人行履處師云真師子兒進云謝師證明師云
一翳在眼天花亂墜問如何是佛法大意師云麥賤米
貴問如何是當機一句師云有份驢漢問進云與麼卽
打鼓弄琵琶也師云捺對放屁聲問如何是隨色摩尼

葉縣省

二

珠師云開市散本進云未審意旨如何師云拍手唱歌行
問維摩丈室不以日月爲明和尚丈室以何爲明師云
眉分八字進云未審意旨如何師云雙耳垂肩問如何
是古佛心師云何不高聲問進云莫者便是也無師云是
卽錯進云如何得不錯師云千錯萬錯問如何是非非
法義師云十字路頭坐進云不會意旨如何師云一任衆
人看問如何是金剛不壞身師云百雜碎進云不會意
旨如何師云終是一堆灰問如何是出家人師云草深
不露頂進云露頂後如何師云榜殺塚頭蒿問無邊身
菩薩來還起也無師云水牯牛進云與麼卽頭上安頭師
云一頓五升料問蓮花未出水時如何師云競生頭角
進云出水後如何師云一場爐燂問承古有言未得入
頭直須入頭既得入頭不得孤負老僧意旨如何師云獨
脚蝦蟇能上樹進云未審意旨如何師云野鵲帶席帽
問如何是戒定慧師云破家具
師上堂良久云大衆夫行脚禪流直須著忖參學須具參
學眼見地須得見地句方始有相親分始得不被諸境惑
亦不落於惡道畢竟如何委悉有時句到意不到妄緣前
塵分別影事有時意到句不到如盲摸象各說異端有時
意句俱到打破乾坤界光明照十方有時意句俱不到無

葉縣省

三

目之人縱橫走忽然不覺落深坑問如何是道師云萬緣俱頓息夜半繡鴛鴦問如何是祖師西來意師以手劃一劃進云不會此意如何師云合掌靈山問世尊問如何是和尚心師云長三尺進云如何通信師云方圓二寸餘問學人未到來時如何師云疑殺老僧進云到來後如何師兩手搥胸問慈雲起處雷聲大廣教門下霹靂聲時如何師云今冬頻雨雪來年麥大熟進云恁麼即大衆有依倚也師云焰頭誇富貴今古化灰塵問起坐相隨爲什麼不識師以手劃一劃進云恁麼即直截根源也師云真真一去杳杳何知

葉縣省

四

師上堂良久云宗師血脈或凡或聖龍樹馬鳴天堂地獄鏝湯爐炭牛頭獄卒森羅萬像日月星辰他方此土有情無情以手劃一劃云俱入此宗此宗門中亦能殺人亦能活人殺人須得殺人刀活人須得活人句作麼生是殺人刀活人句道得底出來對衆道看若是道不得卽辜負平生珍重問忽遇大闢提人來還相爲也無師云西天出白氎進云未審此意如何師云東土波斯鼻孔大問十方薄伽梵一路涅槃門如何是一路涅槃門師云洞山見雲門進云未審意旨如何師云山僧是冀州人問如何是真道人師云露崖崖進云不會意旨如何師云莫遣外

葉縣省

五

人聞問心地法門與佛相去多少師云聞梨致問老僧有蒼進云未審意旨如何師云五九盡日春問如何是道師云家家門前長安路問如何是西來意師云齋後一椀茶問已事未明以何爲驗師云關市裏打靜槌進云意旨如何師云日午點金燈問如何是無縫塔師云破皮厚三寸進云未審意旨如何師云金剛題名天下傳問如何是清淨法身師云蝗蟲步螭驚人恐飡食苦終盡傷心進云爲什麼學人不識師云無心伏物賀太平師上堂有僧問纔上法堂來時如何師拍禪床一下進云未審此意如何師云無人過價打與三百問清淨伽藍爲什麼打魚鼓喫飯師云打草蛇驚問路絕煙塵時如何師云無手行者能打鉢進云恁麼卽傀儡人抽牽也師云無目之人不假燈師上堂云聞鐘聲卽尋聲而來如無鐘聲向甚處去卽得若是上來下去是何面目不來不去又濕地上坐了也作麼生是納僧出氣底鼻孔道得底出來道看直饒道得也是勿交涉若是道不得也卽墮坑落澗便下座問煞父煞母佛前懺悔煞佛煞祖向甚處懺悔師云長連城進云不會意旨如何師云天靈蓋問承古有言良由取捨捨卽是不捨卽是師云大洋海底鑽龜卜進云恁麼卽取

捨俱忘也。師云：遇明眼人舉似。問：如何是佛法大意？師云：春熟來年麥進云：不會意旨如何？師云：東收當年禾。學人禮拜。師云：彭祖壽年八百歲，莫忘却稀禾稊麥。問：如何是納僧活計？師云：城東太山廟進云：不會意旨如何？師云：割官手裡筆。問：如何是露地白牛？師云：破盆子進云：未審意旨如何？師云：堪作麼。問：不落言詮，請師便道。師云：西方極樂世界進云：恁麼卽滿口道不得也。師云：東土樹子大。問：如何是和尚受用處？師云：長三尺。問：如何是毗盧體？師云：寒時寒煞，熱時熱煞。進云：不會意旨如何？師云：冬天著火向，夏月取涼行。問：學人心病，請師一服。

葉縣省

六

妙藥。師云：破皮厚三寸。進云：未審意旨如何？師云：杖頭挑取。

師上堂云：廣教有驗人機，活人句還有人道得麼？若是道不得，辜負平生。問和尚朝也說暮也說，還接得幾人？師云：洎合疑殺老僧。問：靈山如畫月，曹溪如指月，如何是真月？師云：昨日擊金鐘告報天下聞。進云：恁麼卽山河大地也。師云：大眾齊合掌，香煙滿乾坤。問：無目人來請師指路。師云：坐滄都不問，莫作問禪賓。進云：不會此理如何？師云：紫羅袋裏盛官誥，金榜題名天下傳。問：大施門開，請師垂示。師云：腦後抽簪。進云：便恁麼會時如何？

師云：孤峯無宿客。進云：嗟嗟。師便打。問：如何是世尊不說說？師云：涅槃山側畔，香煙滿乾坤。進云：如何是迦葉不聞聞？師云：觀音勢至，引到西方。問：如何是學人親切處？師云：昨日十九，今日二十。問：如何是毗盧師法身主？師云：僧排夏臘，俗刈耆年。進云：向上還更有事也無？師云：有。進云：如何是向上事？師云：萬里崖州，君自去臨行，惆悵怨他誰。問：布鼓當軒，擊誰是知音？師云：眼中有一箇針，進云：未審此意如何？師云：喬翁賽南禪。

葉縣省

七

之輩，且云：涅槃堂內粥飯裏，將養始得。謂何如此？當言不避截舌。若是說禪禪是病，若是說道道亦非真，說佛被佛謾說，法被法障也。錯怪廣教，雖是善因，而招惡果，何不離此之外，試與廣教相見看。方有參學分，始得不被諸境惑，亦不落於惡道。還委悉得麼？直饒委得入地獄，如箭射無人替代，渠莫道不道珍重。問：遍歷寰中，未曾逢一人時，如何？師云：枕進云：恁麼卽碧霄雲外無依倚也。師云：未曾解開，謝僧云：錯。師云：尋時打二十棒，趁出院。問：如何是密密處？用心。師云：開市裏輓毬。進云：未審意旨如何？師云：一任衆人看。問：如何是涅槃門？師云：三更無忌諱。進云：

未審此意如何師云却忌五更時問西州和尚遷化向什麼處去師云寶塔元無縫靈骨鎮天涯問如何是涅槃路師云玄妙不出嶺寶壽不渡河問如何是正令一句師云古墓裏點燈猶作怪樹上叫喚聞梨意如何問六國來朝時如何師云南有雪峯北有趙州進云恁麼即萬里絕煙塵也師云目前無一物不換太陽春問遠遠相投請師一接師拈起火示云會麼云不會師云滿爐添炭猶嫌冷路上行人只守寒問維摩默然文殊讚善此意如何師云莫埋沒維摩進云恁麼即清淨道場師云莫錯認定盤星問春來萬物秀石頭為什麼不生芽師云

為報遐方參禪子只為養心致令廣教打二十進云又太不慈悲生師云禍福無門唯人自召

師上堂云說底法即便便是也十二時中行住坐臥喫粥喫飯合掌頂禮展言細語鬪打相爭揮拳掉臂是也不是若道不是即法有二見若道是為什麼不休去不歇去若約至理論須是待廣教與你打破彌體揭却腦蓋廓然山河無礙豈不慶快還委恁得麼直饒委悉得入地獄如箭射無人替代渠莫言不道珍重問彼自無瘡勿傷之也道合隨機請師應用師云今年頻雨水何人不傷心進云恁麼即雲散青天出山高眾岫歸師云日出天然異森羅觸

目真問忽逢大闢提人來師還相為也無師云法久成弊進云慈悲何在師云年老却成魔問如何是第一句師云失如何是第二句師云鼻肉來癢如何是第三句師云今日好晴云三句不分時如何師云來日到崖州問寶劍未出匣時如何師曰擘口著云出匣後如何師云拈却牙齒問如何是論頻不雷朕跡師云日午打三更石人側耳聽云如何是語漸遂常而合道師云問處分明觀面相呈問三災競起如何救之師云廣教不問伶來日喫鈴槌云不會師意如何師云涅槃山側念彌陀問如何是百骸俱潰散一物鎮長靈師云晴乾開水道無事設

曹司云未審此理如何師云雨下街頭濕晴乾便無泥問禁足九旬須藉無蟲之地甚處是無蟲之地師云趁熟人民亂縱橫五月麥熟盡息心云不知甚麼處立身師云夏月多毒熱行人盡休歇問雪山童子捨身為求諸行此行如何師云掉臂街頭走仰面看青天云恁麼即迷人尋著向城路也師云此人入地獄萬劫出應難問如何實中賓師云慙惶沒心情如何是賓中主師云相手觀前經如何是主中賓師云起坐甚分明如何是主中主師云大祭不雷身問如何起師之作師云老僧眉毛長多少問古人一言便悟和尚種種說學人為什麼不悟師云

草鞋無底云畢竟如何師云皮襪無根問如何是和尚
四無量心師云放火殺人云慈悲何在師云過明眼人舉
似

師上堂良久云總被須彌山塞却你諸人眼也還覺麼莫
不識痛痒若是去却須彌山方有參學分作麼生是去却
須彌山底句若是道得底試對衆道看若是道不得也且
莫亂磕便下座問師子吼時全意氣文殊仗劍意如何
師云飛砂走石人驚怪決定彎弓射尉遲問如何是佛
師云白馬馳經云如何是道師云善信扼喉問本來無
一物以何法示於人師云無法示於人問不施寸刃便

葉縣省

十

登九五時如何師云不封不樹云未審此意如何師云今
古不同且應時問承古有言藏身不吞炭意旨如何師
云莫遣外人聞云山雖枉遭傷此意如何師云天網恢恢
疎而不漏問夏終此日師意如何師云今年夏末去年
秋東京西洛任意遊問大用現前不存軌則時如何師
云虛空無筋骨金槌打不入進云恁麼即百雜碎也師云
彌陀佛前親聞玉偈問如何是塵中獨露身師云塞北
有千人帳江南有萬斛船進云恁麼即非塵也師云學語
之流一札萬行問如何是和尚深深處師云猫有縮血
之印虎有起屍之德進云莫便是也無師云確搗東南磨

推西北問承教中有言三人同坐解脫床如何是解脫

床師云有言須得句進云未審此意如何師云不用更遲
疑問萬法歸一一歸何處師云北邙山下進云未審意

旨如何師云千年中一過問世尊爲一大事因緣改出

現於世如何是一大事因緣師云梁園城裏丹鳳門進云

不會意旨如何師云襄州出大悲問行住坐臥如何用

心得不落於惡道師云莫用心問如何是文殊活人底

草師云須彌頂上雨霖霖進云如何是文殊殺人底草師

云錯問如何是功用智師云舉目千山秀大海徹底清

問疑情未息如何除遣師云確搗東南磨推西北問

葉縣省

十一

學人迷路請師直指師云三更不閉戶進云未審此意如
何師云日午不點燈問承古有言不在內不在外未審
在什麼處師云南斗六星北斗七問一物不將來時如
何師云放下著進云恁麼即纖毫不隔也師云且擔著
師上堂云諸苦所因貪欲爲本若滅貪欲無所依止若是
無貪欲心在處滂滂隨所碌碌山河大地不礙眼光不礙
眼光則且止你道雪山童子眉毛長多少衆中還有道得
者麼試對衆道看爲你證據若道不得辜負平生便下座
問學人不曉三玄義請師方便第一玄師云截舌三分
進云如何是第二玄師云沒證驢子夜三更進云如何是

第三玄。師云晴乾開水道無事設曹司。問美玉貴金門。

何異荆山體。師云錯進云。恁麼卽鳳飛在處祥雲聚龍行。

何慮少風雷。師云騎驢不把鞭。一世勿模樣。問如何是

第一要。師云全令提綱行正令却須當道與人看進云如

何是第二要。師云坐冷都不問莫作問禪賓進云如何是

第三要。師云包含大地人皆喜滿路謠謠賀太平。問如

何是西來意。師云骨崙背象示。問色身病法身病。師云

江山無阻滯日月鎮長明。問承聞一子出家九族生天

某甲兩人出家合作甚道理。師云截舌三分進云未審意

旨如何。師云開市裏臥街。問擬過青山時如何。師云金

州出好漆。問未殊云前三三後三三未審意旨如何。師

云昨夜風寒緊今日又溫和。問如何是百尺竿頭進步

底句。師云南瞻部洲北鬱單越。問如何是西來意。師云

冬無積雪夏無餘糧。問如何是古今無異路。師云俗人

盡髮頭進云未審意旨如何。師云聞梨無席帽。問得船

便渡時如何。師云鈍根阿師進云恁麼卽直截根源也。師

云下坡不走快便難逢。問如何是夤人不夤境。師云鼻

肉來蠅進云如何是夤境不夤人。師云沒鐙驢子夜三更

進云如何是人境兩俱夤。師云光漆無人識進云如何是

人境俱不夤。師云須彌頂上雨霖霖。問如何是一印印

空。師云今年夏末臘人冰進云如何是一印印水。師云未

逢秋草死爭忍下堦行進云如何是一印印泥。師云兩重

公案就萬里江山應不迴。問寂寂無依時如何。師云觀

身寶相進云與麼卽謝師指示。師云廓然無邊。問龍女

獻珠得成佛。學人無珠可獻還得成佛也無。師云好日多

同贈土不贈金進云恁麼卽謝師指示。師云恐魔逐我後

鎖壓在廳堦。問古路重開時如何。師云無目之人不假

燈進云恁麼卽七縱八橫沒去處也。師云拍手唱歌行

問師子吼時無意氣。文殊仗劍意如何。師云一送荒郊裏

千峯永不迴進云恁麼卽大衆齊合掌一時念彌陀。師云

不因寒食節餘日且難來。問香煙起處大衆側聆當爲

何事。師云專聽三下鼓喫粥五更時進云此理如何。師云

朝霞不出門暮霞行千里。問國師禮倒鐵天王意旨如

何。師云驚動十方刹進云此理如何。師云當言不避截舌

師上堂云僧堂入佛殿裏過佛殿入僧堂裏行須彌山騎

牛說話木人打鼓唱歌露柱每日擲筭捷推拍手笑他若

遇大乘根器不在於言下若是中下之機也須子細珍重

問未遇衆緣時如何。師云虛空無瑕翳到者盡息心進

云遇衆緣後如何。師云任你大恡變桑田。廣教誰能管得

你。問抱璞投師請師雕琢。師云把將來看進云恁麼卽

得遇和尚師云元來是箇糞穢 問古人有不了之句請

師為學人說師云破皮厚三寸 問自己面目終日不見

時如何師云拈却牙齒着進云見面後如何師云大眾盡

皺眉 問黑雲遮日時如何師云道士戴簪冠進云見日

後如何師云金剛眼睛大如拳 問生死事大如何免得

攀緣去師云喚什麼作生死進云與麼即是佛性也師云

又是七顛八倒 問看經即是不看即是師云青山無異

路東西任意遊進云太不定生師云自是盲者過非日月

答 問萬里無雲時如何師云今年大旱 問古鏡未磨

時如何師云磨他作什麼進云磨後如何師云堪作什麼

葉縣省

古

問古佛舍利為什麼拈不上來師云家藏利器盜者息

心 問路逢達道人不將語默對未審將什麼對師云將

拄杖對 問驪龍領下有珠如何取得師云用這糞穢作

什麼

師有時上堂大眾雲集師良久以手捶胸三兩下喚侍者

侍者應諾師云老僧今日頭痛珍重 問聞鐘聲只有這

箇聲為復別有師云腦後三介 問真性不隨緣如何得

正悟師云大洋海底紅塵起須彌頂上浪滔天 問如何

是大作業底人師云城外新屠兒進云不會此意如何師

云一介秤不住 問大衆以心能荷萬善時如何師云上

天無路入地無門進云不會此理如何師云沙門鳥裡望
家鄉

因汝州寶應馳開堂法嗣書來上堂有僧問花開五葉法

遍乾坤時如何師云九月重陽節菊花撲鼻香進云恁麼

即慈雲普潤也師云廓然無一物光明照十方 問如何

是第一玄師云平常道在語必幽玄如何是第二玄師云

有問有答日月長明如何是第三玄師云何勞龜卜問行

年 問鐘聲纔罷大眾臨筵向上宗衆請師舉唱師云僧

排夏臘俗刹者年進云恁麼即一雨普潤於大千也師云

日出天然異光明照十方 問善法堂中伸一問未審師

葉縣省

十五

還接也無師云蜀地錦觀陶綿進云恁麼即承和尚慈悲

也師云廓然無障礙縱橫任意游

師上堂云諸禪德衲僧是通變道人若遇鑊湯爐炭諸般

危難又如何免得若是免不得何名通變道人作麼生是

透脫諸般危難底句還有透脫得者麼試對衆道看為你

證據若是透脫不得即是萬人作一塚無人替代渠便下

座 問師登師子座祖意事若何師云行為佛事坐是道

場進云恁麼即橫身三界外也師云三界外底事又作麼

生僧便喝師云疑殺老僧這瞎驢 問向上一路千聖不

傳如何是不傳底事師云爐中添火猶嫌冷路上行人只

守寒進云未審此理如何師云冬無積雪夏無餘糧進云
恁麼卽謝師指示師云杖擲高聲唱棒頭頂見血學家禮
拜師云教休不肯休直待雨霖頭問承古有言盡日忙
忙那事無妨如何是那事師云大衆一時聞進云此理如
何師云行人盡帶悲問百丈昔時參馬祖豁然蕩盡更
無疑學人今日專請益乞師方便爲全提師云黃河有九
曲陝府出鐵牛進云大盡三十日小盡二十九已蒙師指
示向上機鋒又如何師云深領這一問擔枷過狀有辱先
宗進云恁麼卽學人禮拜有分也師云兩重公案就萬里
江山應不迴問衆手淘金誰是得者師云杖頭著眼看

葉縣省

十六

進云請師盡令師云酌然落深坑問足馬單槍離君獨
戰時如何師云腦後抽簪進云恁麼卽陣敗將軍馬空迴
也師云受領銀錢莫久停

廣教勸辯語并行錄

師勸一僧曰近離什麼處僧云東京師曰你因甚口上破
僧云和尚也須子細師云七棒對十三庫下喫茶去師
問僧曰暮投林朝離何處僧云新戒不曾學禪師云生身
入地獄下去後有僧舉到隨州智門明教大師大師云何
不道鎖鑰在和尚手裏因僧人事一箇書筒師問曰是

箇什麼僧云和尚識取好師云元來是箇漆桶僧云請和
尚收師云棺木裏努眼因聞童子念經聲乃問僧曰聞
念經聲麼僧云今日勘破師云作家僧云草賊大敗師云
老僧今日失利師勸五人新到云總是雪居供養主那
僧云是師云是卽一齊坐因僧入室請益趙州和尚柏
樹子話師云我不辭與汝說還信麼僧云和尚重言爭敢
不信師云汝還聞簷頭水滴聲麼其僧豁然不覺失聲云
唧師云你見箇什麼道理僧便以頌對云簷頭水滴分明
漚漚打破乾坤當下心息師忻然矣師因不安有僧問
四大本空病從何來師云口談藥方終不瘥僧云不會此

葉縣省

十七

意如何師云唯有醍醐心地涼師因與僧俗三五行
次師拄一條白棒一僧問云只是少一箇皮五指師遂豎
起展五指問曰會麼其僧俗云不會師云三輪指上放毫
光師因去將息寮看病僧僧乃問云和尚四大本空病
從何來師云從闍梨問處來其僧喘氣又進云不問後如
何師云撒手臥長空其僧云哪便命終矣師與僧行路
次因見死人僧便問車在這裡牛在什麼處師云你覺蹣
行僧云牛又無行箇什麼師云你既無牛因甚踏破脚僧
云恁麼卽親從葉縣來也師云莫亂走師因與僧摘藤
花次有僧問此日摘藤花他時還有果報也無師云有卽

錯僧云：恁麼即無果報也。師云：你却是箇作家。師在首山會裏，首山一日問云：喚作竹篋，即觸；不喚作竹篋，即背。合喚作什麼物，即得。師於言下豁然頓契，遂於手中掌得竹篋，拗折擲于塔下。却云：是什麼。首山云：瞎。師便禮拜。師後到襄州廣德，廣德垂示云：禪德直須是箇師子兒。始得。諸人總具箇師子兒。師便出問：承和尚有言，諸人總具箇師子兒，如何是和尚師子。廣德便作師子吼。師云：這箇猶是野干鳴。還我師子來。隨後便喝。撫一掌。德云：真師子兒。師云：是何語話。德云：好好問兄弟。師云：也不得放過。師到洞山，問洞山：廓然無依，法歸何處。山云：三藐羯磨。師云：恁麼即知音不和也。山云：知音不和底事，作麼生。師云：龜毛拂子長三尺。山云：你因什麼眉鬚墮落。師便禮拜。

葉縣省

十八

廣教歌行偈頌

塲卷

廣教塲巷廓然無邊，隨緣度日，任性癡憨。森羅萬像，凡聖共傳。有人到此，雪山西畔。

送僧往東京

攀送老兄入梁園，果日當軒不計年。為報我師林下偈，無心照破萬重關。

師有頌三首上監務祠部

祠部見處少人知，樓心歇地更無疑。有人借問平生事，日出東方月落西。

祠部見處處處通，山河大地是家風。任他前面花錦樹，無心伏物演真宗。

祠部見處廓然安，森羅萬像在目前。任他前面歡與樂，隨緣度日化人天。

先師有頌，師遂句下釋語

背陰山子日陽多。云：迥然無背面。南來北往意如何。云：不隨有無邊。有人借問西來意。云：從來無間斷。東海東頭有新羅。云：大地不奈何。

葉縣省

十九

師因不安有二頌

我今有病無見無聞，清虛之理日月長明。我今有病罕遇知音，直饒明得杳却平生。

年老有頌

幻身七十三，真性不隨緣。廓然無障礙，清虛獨湛然。

因僧不問語，乃述頌五首

是你不問語，山僧不答禪。日頭恰正午，笑破土地口。

是你不問語，山僧沒合殺。日午打三更，露柱夜說法。

是你不問語，山僧實驚訝。冬後一百五，廣南出象示。

是你不問語，山僧沒可把。鼻孔在這裏，拈來薦頭打。

是你不問話，山僧沒可誇。蕩蕩隨緣去，湖南出紆麻。

木魚詞

木魚詞。木魚詞。橫身三界臥。擺頭掉尾。瞬金鱗。凡聖縱橫。不奈何。老胡聞聳耳。聽聲振動古佛心。逍遙自在無私曲。蕩蕩行時任騰騰。指日月太山崩。踴躍躍魔軍驚。呀。吼吟時。雲隊隊大洋海底霹靂聲。

因共施主送羅漢供到南嶽有頌

風生慶幸。共結良緣。羅漢遺蹤。日月青天。松蘿鬱茂。取性巖邊。道人行處。滿目江山。露地白牛。廓然無伴。森羅萬像。只在目前。若人不會。何處相見。有人問著。直下看箭。

葉縣省

二十

因邀僧遊山頌

遊山日促。路險巖。結束行裝。莫駐疑。來日遍看山。有邑擬心棲處。隔山迷。

因山門供養主經過覓頌

諸方化主。往來多青山。綠水意如何。演若達多。應認影。不知鷄子。過新羅。

讚寶應第二代和尚真

師真師真。貌古稜層。言直訣烈。去住分明。森羅萬像。普濟羣心。往來禪子。大岳石巖。

我師之真。何用丹青。形如滿月。徧布乾坤。

送僧往東京有頌

奉送高僧入梁園。春去秋來不計年。蕩蕩行時無邪路。江山無滯笑西天。雪山童子言下喝。擬議中間萬萬年。

燈籠

一盞金燈號玲瓏。四方八面不施工。照破乾坤黑暗處。山河大地是家風。

送供養主

化主別仙。邑南北無西東。超然巖音外。縱橫處處通。明暗皆自爾。寂然天地空。萬緣俱頓息。呀。吼振乾坤。

先師三周年忌

葉縣省

廿一

師真似日。三周已畢。遍布乾坤。翹足七日。大展壇風。孤魁併跡。香茶供養。光漆誰識。

因與僧看榼子

榼子黑柳槽。無心是道場。高僧餐一頓。果熟自馨香。

送龜供養主

前程化道。莫辭辛。隨緣兀兀。任浮沈。雲去水來。為伴侶。時時呀。吼振乾坤。

因雪下有頌四首

此日好雪。誰言水潔。粟米白銀。新羅日月。此日好雪。萬民樂業。大展長空。凡聖路絕。

此日好雪何勞言說萬物無心江山日月
此日好雪廓然敗賊逼塞乾坤誰人分別

夏末送僧

高僧相伴過九旬誰人言說話宗乘離凡離聖縱橫妙何
人擬議落千峯

因僧親近云不知和尚門風師有頌

廣教無門風縱橫處處通大地紅塵起失却主人翁

因雨下

此日好雨乾坤無路日月長明西方淨土

因人事手中與史諫議述十頌

葉縣省

廣教手中無功無能觸目受用青山白雲

廣教手中亙古亙今寂寥虛廓打破乾坤

廣教手中不協衆情有人借問大岳石巖

廣教手中何勞心神明暗自爾青山白雲

廣教手中瞬目相呈露地白牛非凡非聖

廣教手中誰見誰聞直下便會空却平生

廣教手中日月長明縱橫自在新羅國人

廣教手中非功織成隨緣度日任性浮沈

廣教手中逼塞乾坤賢愚意解笑殺胡僧

廣教手中不用持論言前薦得翳却眼睛

廿二

因西禪深和尚有頌請齋

莫推延莫推延從來此事只如然臘雪霏霏兩度降不
由人主不由天

師有頌答

不推延不推延森羅萬像在目前臘雪霏霏天地黑露地
白牛通大千

因遊草菴頌

忽觀菴園任性癡憨有人到此如隔關山

因備茶筵送供養主師後逐句識

有鹽無醋釋云如酸入空屋有菜無油云無私可隔

葉縣省

隨緣兀兀云任性浮沈百味珍羞云觸類有得

因僧言話次乃有頌

一到仙州四十秋隨緣兀兀到此休幸遇高僧相伴後縱
橫不意到峯頭

因僧寫真呈師師遂成頌自識之

誰人寫真動用乾坤妙筆丹青詞華口吐明暗自爾乾濕同方

何勞心神任性浮沈吾真非假觸類有得圖畫非真數心即差

容顏陋質天不蓋能遍布乾坤應物現形

年邁乃有頌

廣教六十八凡聖俱歇滅有人相借問九月重陽節

廿三

廣教六十八誰人相體察直下便會得腦後三斤鐵

送供養主

一年春盡一年春相煩化道任浮沈森羅萬像無私曲一聲纔動斬乾坤

扇子

廣教一柄扇本來無背面有時在手中要丘無人見

拄杖

山僧一條杖縱橫無比量有時在手中應用遍十方

筇竹杖

筇竹九節縱橫無邪大屐長空凡聖路絕

葉縣省

頌兩堂上座下喝

兩堂上座齊下喝瞽目之人無分別凡言賓主句下分何勞龜卜問前程

示徒

廣教一言凡聖共傳直下便會萬里江山

因僧請益

兀兀隨緣任浮沈不拘春夏及秋冬關梨請益平生事問取寒山始知音

衲僧衲僧不用持論言前薦得腦後三斤

因李都尉問和尚生日述成十頌

山僧生日處處真隨緣兀兀任浮沈森羅萬像無私曲日

出天然照乾坤

山僧生處廓然寧不拘凡聖自在行任他前面歡與樂無心伏物賀太平

山僧生處碧雲中情與非情共一真明暗盡時無邪路明

明不隨聖凡前

山僧生處少知音任性隨緣過幾春有人借問平生事石人打鼓木人聽

葉縣省

山僧生處正令行野老謳詞盡傳名若人不識金剛用涅槃山側井中人

山僧生處亘古今誰人言說口宗乘離凡離聖縱橫妙腦後抽簪祭鬼神

山僧生處在林中碧澗虎聲騁英雄喝迴驚動十方刹萬里江山入千峯

山僧生處峯頂上迦葉聞鐘出洞門粉骨碎身千萬劫思量難報我師恩

山僧生處碧潭中不拘春夏及秋冬一刀兩段須休去何人擬議落千峯

因僧親近，乃有頌。

廣教一言，直下人嫌，若人借問，萬里江山。

因上堂有頌。

四十五年在仙州，凡聖縱橫任君遊，有人借問如何事，夜至三更到崖州。

葉縣廣教省禪師語錄終

葉縣省

廿六

潭州神鼎山第一代禪師語錄

開堂日，指法座云：未登此座，化緣已畢，諸人還委麼？若委悉，散去得也；若不散去，不免登於此座，入方便品第二去也。且不得怪山僧，便升座，拈香。此一炷香，奉為今上皇帝、聖壽無疆。第二炷香，為府主、學士、合郡尊官、伏願長光佛日、永佐明君。第三炷香，此香不是戒定慧香，亦非旃檀沈水，只是汝州土室，便燒云：供養首山和尚，以酬法乳。師遂敷座，顧視大眾云：摩竭陀國親行此令，大眾還知落處麼？一句子，該天拈地，迥超格外，在眾聖之前，所以五天和不齊梵夾，不持來，釋迦掩室於摩竭，淨名杜口於毗耶。三衆教外，一句別傳，敢問大眾：作麼生是別傳底？試對眾道看。遞相證明，良久云：直饒道得，亦未稱祖師意。且道如何稱得祖師意？諸兄弟，直須打辦精神，究徹根源，到這裏，不可說菩提涅槃，真如解脫，向上向下，坐禪入定，造橋梁，開義井，得麼？然則如是，不可無言也。山僧初行脚時，發足亦無正意，參禪學道，只欲東京聽一兩本經論，以資平生，不期行來行去到汝州襄城縣，恰遇汝州風發鼓上首山，就中見一老和尚，彼時蒙它劈頭一錘，直得決背汗流，當時不覺禮拜了，悔之不及。大眾且道：悔箇什麼？悔不搜下禪床，痛與一頓，雖然如是，官不容針，私通車馬，下座。

神鼎山

小參舉洞山云、貪瞋癡太無知、賴我今朝識得伊、行便打坐、便槌、分付心、王子細推、無量劫來不解脫、問汝三人知不知、師云、古人與麼道、神鼎則不然、貪瞋癡實無知、十二時中任從伊、行即往、坐即隨、分付心、王擬何為、無量劫來元解脫、何須更問知不知、舉資福三句語、第一句、祖師不知有、師云、無人解會、第二句、與祖佛為師、師云、鼻孔在山、僧手裏、第三句、稱提祖佛、師云、分明向你道、

舉僧問首山、如何是和尚家風、山云、一言截斷千江口、萬仞峯前始得玄、師云、首山只解說家風、不解用家風、僧問、如何是用家風、師云、整、乃云、首山老漢、若在、聞神鼎恁

神鼎語

二

麼道、必然大笑一場、且道、肯神鼎、不肯神鼎、試商量看、諸上座、夫參學須具參學眼、始得、若只愛它人語句、記在意識下、自不能截斷、俗士尚云、男兒不用分時財、衲僧家、合作麼生、著精彩、始得珍重、

舉僧問靈泉和尚、如何是靈泉印、泉云、不傳不受、曰、交代時如何、泉云、淮南船子看洛陽、師云、古人與麼道、意在於何、要會麼、不傳不受、珍重、

舉僧問靈泉、如何是靈泉曲、泉云、無絃琴有韻、絲竹動搖、又曰、還有知音也、無、泉云、有、曰、如何是知音者、泉云、山上石人齊撫掌、溪邊野老始知音、師云、神鼎即不然、僧便問、

如何是神鼎曲、師云、要唱便唱、曰、還有知音也、無、師云、有、曰、未審是什麼人、師云、無心意識者、師云、神鼎與麼道、與靈泉如何、試商量看、須知各各家風事不同、珍重、

小參、舉古金峯頌云、學道如鑽火、逢煙未可休、直待金星現、歸家始到頭、師云、神鼎即不然、學道如鑽火、逢煙即便休、莫待金星現、燒脚又燒頭、且道、神鼎恁麼道、為當遠古人、順古人、別有道理、汝道入麼、去底人好、入麼來底人好、到這裏、須具衲僧眼、始得、莫受人瞞、珍重、

神鼎語

三

云、古人恁麼道、句前明、句後明、會麼、未問已前會取好、小參、舉僧問趙州、黑豆未生芽時如何、州云、好合醬、師云、神鼎即不然、若問黑豆未生芽時如何、向伊道、堪作什麼、乃有頌曰、黑豆未生芽、誰道好合醬、本色衲僧聞、堪是甚模樣、華岳頭倒卓、須彌脚直上、莫言無法用、看取者相狀、乃云、古人與麼道、神鼎與麼頌、且道、違古人、順古人、還會麼、合醬也不中、是什麼道理了、取始得、珍重、

舉僧問香巖、如何是道、巖云、枯木裏龍吟、曰、如何是道中人、巖云、鶻鶻裏眼睛、後有僧舉問石霜、枯木裏龍吟時如何、霜云、猶有喜在、曰、鶻鶻裏眼睛時如何、霜云、猶有識在、

師云石霜一向打撲去空界裏作活計後有僧舉似曹山山云這石霜老聲聞作這見解曹山有頌曰枯木龍吟真見道觸體無識眼初明喜識盡時消息盡當人那辨濁中清師云入塵會取好

小參舉鳥窠和尚有小師辭窠問向什麼處去曰學佛法去窠云若是佛法我這裏也有些子小師便問如何是和尚佛法窠於身上拈起布毛示之隨後便吹小師忽然大悟師遂於身上拈起布毛呈大眾隨後與一吹云會麼久後不得辜負老僧珍重

小參舉令初上座領眾上石門門曰葛初峯前石牛乳穿

神鼎誼

四

雲渡水意如何初無對門云山僧住持事大參堂去石門後舉令僧下語曰久響和尚又云訪道尋師明的旨覺了根源顯異機門曰當時令初上座若下得遮語不將它作參學人師云不喚它作參學人喚作什麼人會麼把手共行無間路

舉古人曰游江海涉山川尋師訪道爲參禪自從認得曹溪路了知生死不相關作麼生是曹溪路有僧對云得者飲水之義向阿誰說之師曰知云某甲卽如是師意又如何師云出僧堂入佛殿便下座

小參舉紫胡有狗上取人頭中取人腰下取人脚你若擬

議卽喪身失命師云古人提唱一段因緣你道怎麼時下得什麼語神鼎當時若在他會裏便出云者畜生又云死不作退身勢白兆和尚亦云白兆有狗上不取人頭中不取人腰下不取人脚也不擬議咬得他死便得僧問如何是白兆狗兆作狗聲僧云猶是屎狗兆云作麼生是咬人狗僧把衲衣角便拂兆便打師云白兆道也不擬議咬得死便休且道其僧便拂兆便打誰得誰失白兆大似客直後掉藥袋亦有僧問如何是神鼎狗向伊道誰敢倚門傍戶僧禮拜向伊道神鼎也大險有僧便請益此語師云我當時要箇不惜身命底人直至如今無人稱得老僧意

神鼎誼

五

你兩箇吐露箇消息看僧擬議師云死

小參舉瀉山示眾云老僧百年後於山下作一頭水牯牛左肋下書瀉山僧某甲正當與麼時喚作瀉山僧又是水牯牛喚作水牯牛又是瀉山僧且作麼生商量師乃有頌不道瀉山不道牛認著何處有來由分明裂破應須會會得還同不繫舟

舉石門示眾云家山好家山好家山內有無根草澄源異草競芬芳春雷一震金仙道師云作麼生是春雷與大眾說破得麼喝一喝下座

小參舉南泉上堂僧問摩尼珠人不識如來藏裏親收得

珠郎不問如何是藏、泉云、與你往來者是、僧云、不往不來者、又如何、泉云、亦是藏、僧云、如何是珠、泉喚僧、僧應諾、泉云、你不會我意、師乃有頌、渠問摩尼珠、摩尼在何許、呼名應答聲、諸方莫錯舉、

小參、舉僧問、口穴、如何是第一句、宋云、三要印開朱點窄、未容擬議主賓分、師隨後一喝、如何是第二句、宋云、妙解豈容無著問、漚和爭赴、截流機、師著語云、未問已前錯、如何是第三句、宋云、但看棚頭弄傀儡、牽抽都在裏頭人、師著語云、明破即不堪、所以首山和尚道、第一句薦得與祖佛為師、第二句薦得與人天為師、第三句薦得、自救即不

神鼎經

六

可、又云、自救也不了、師云、神鼎亦有人問、如何是第一句、云、蒼天蒼天、如何是第二句、云、有恁麼驢漢、如何是第三句、云、近前來、向你道才近前、便打、若恁麼會得、也不辜負祖師西來、若是從頭一一問過、幾時得休、佛法不是磨殺合縫底道理、似這一脉說話、須是久在它門風來始得、直是嫌佛不作、嫌法不說、方可如是子細珍重、

小參、舉古人云、是日已過、命亦隨滅、如少水魚、思有何樂、師云、古人恁麼道、非有利益、非無利益、神鼎即不然、是日已過、命亦隨滅、如少水魚、有何不樂、且道、運古人順古人、試檢點看、珍重、

舉古

僧問首山、一毫未發時如何、山云、路逢穿耳客、曰發後如何、山云、不用更遲疑、曾有僧問神鼎、一毫未發時如何、神鼎只向伊道、白雲嶺上、云發後如何、師云、湖下水流、師乃云、若是前來兩轉語、有可咬嚼、東看西看、若是神鼎者語、如喫木札、瓦片相似、實無滋味、直是自見自悟、始得會麼、天高東南、地傾西北、

肅宗帝問忠國師、百年後所須何物、國云、與老僧作箇無縫塔、帝云、請師塔樣、國師良久云、會麼、帝云、不會、師云、吾有付法弟子耽源、却諳此事、已後但問此人、國師遷化後、

神鼎經

七

帝詔問耽源、源亦良久云、會麼、帝云、不會、源有頌、湘之南、潭之北、中有黃金充一國、無影樹下合同船、琉璃殿上無知識、師曰、前來國師如此作用、不能明了、次問耽源、源恁麼頌、且道、盡善不盡善、雖成方便、須體解始得、會麼、神鼎為你諸人下四轉語、湘之南、潭之北、師云、君臣有路、中有黃金充一國、師云、淨妙體常、無影樹下合同船、師云、千聖同歡、琉璃殿上無知識、師云、凡聖路絕、師云、若是恁麼會、云、必不相賺、神鼎恁麼注解、只是辜負國師、馬王請石門、蘆和尙、住夾山、鑾駕出接、自問如何是西來大道、經云、御駕六龍、千古秀王銜排杖出金門、師云、一等

是祇對王臣大哥三昧寬廓何也。怎麼祇對又不辜負西來大意。又善能回互。其中事理。縱然若有問神鼎如何。是西來大道。對云。行且道與古人是同是別。久參禪客。於神鼎語中。有箇見處。沒量大人。只怕往往錯過。

僧問大哥和尚。千鈞之弩。不為懸鼠而發機。忽遇大殺活底人來時。如何。哥云。漢三纜入鴻門。會項莊舞劍。始知難。又云。單雄解弄橐木。梨尉遲隨後唱。歌師云。如有問千鈞之弩。不為懸鼠而發機。忽遇大殺活底人來時。如何。神鼎即向他道。千鈞之弩。不為懸鼠而發機。亦曾有人問神鼎。千鈞之弩。不為懸鼠而發機。若他道阿刺刺。阿刺刺。其

神鼎語

八

僧擬議。劈脊便打。且問諸人。是什麼道理。須知各各家風事不同。究竟好。

忠國師問僧。近離什麼處。僧云。南方國云。南方知識以何法示人。曰。南方知識道。一朝風火散滅。如蛇脫皮。如龍換骨。本來真性。宛然無壞。國云。苦哉。苦哉。南方佛法。半生半滅。僧便問。未審和尚此間如何。國云。我此間。身心一如。身外無餘。僧云。何得將泡幻之身。同於法體。國云。你為什麼入於邪道。僧云。什麼處。是某入於邪道。國云。不見教中道。若以色見我。以音聲求我。是人行邪道。不能見如來。師云。若據者。僧恁麼道。傳語也不解。累它南方知識。據國師恁

麼。亦是龍頭蛇尾。前來身心一如。向什麼處去。試檢點看。珍重。

小參。舉瀉山與仰山行次。瀉問仰曰。前頭是什麼。仰云。枯樹子。瀉又問。芸田翁。翁亦云。枯樹子。瀉云。這田翁。他後亦匡五百眾。師云。為復意在芸田翁處。為在仰山處。為復終不恁麼。諸上座。一切諸法。縱然更不用生事。它是父子說話。同道者方知珍重。

僧問先德。遠遠投師。請師一接。德云。兩股金銀。鳴歷歷。如來寶杖。親蹤跡。要會麼。有問有答。罕遇知音。又問一先德。云。遠遠投師。請師一接。德云。地湧無源水。石人駕慈舟。師

神鼎語

九

云。此語為復與前來語同耶。別耶。雖然一箇門風。也須是知它尊宿發語處。始得。作麼生。是地湧無源水。石人駕慈舟。會麼。海闊無舟。往來不隔。珍重。

南泉云。我十八上。便會作活計。趙州云。我十八上。便會破家散宅。你道。破家散宅好。解作活計好。初機底人。且話。久參底人。道須破家散宅。更有一言。萬里崖州。

僧問石門。如何是和尚家風。門云。解接無根樹。能挑海底燈。後其僧入室。問學人不解挑燈意。請師方便接無根。門云。寶島筆頭挑古韻。下筆之處阿誰分。又云。雞過知音。神鼎當初問。如何是知音。門云。逢迎直言三歲子。唱起巴歌。

異路行。又頌無形無相大威神。為接羣生展手頻。鳥道不
遮。圖鑑體金鳥。常出海東門。師云。石門恁麼道。恁麼頌。還
會石門家風麼。良久云。金鳥常出海東門。珍重。

梁山觀和尚。悟道頌云。昔時珍寶被塵埋。何事今朝出教
懷。參道喜明無說句。通玄不是意中猜。一炷定光輝法界。
萬重塵鎖豁然開。超今異古終難況。幸感西胡特地來。師
云。諸上座。古人恁麼道。意在於何。且問諸人。作麼生是昔
時珍寶。試對眾道看。道得神鼎與你酬箇價數。若道不得。
猶如糞土。久立。

小參。風不鳴條。雨不破塊。即且止。作麼生打得箇翻車筋。

神鼎

十

斗到梵天去。若有出來作箇伎倆。有麼。莫教帝釋惡發。後
有僧入室。某甲當時出來左轉一轉。便歸眾。師云。莫教帝
釋發惡。又作麼生。僧云。知恩者少。負恩者多。師云。築著鼻
乳。

應機揀辨

問。如何是賓中賓。師云。瞎。如何是賓中主。師云。一似瞎。問。
如何是主中賓。師云。放你三十棒。問。如何是主中主。師云。
耶了。問。如何是接初機句。師云。山河大地。問。如何是辨
衲僧句。師云。七棒對十三。問。如何是正令行句。師云。不通
眨眼。云。如何是立乾坤句。師云。你擬作麼會。問。古人有

言。靈山話月。曹溪指月。如何是真月。師云。照破也。曰。照破

後如何。師云。還我話頭來。問。古人道。午前來者。木人喚
得回頭。午後來者。木人喚不回頭。正當午時。喚即是。不喚

即是。師云。臘月二十五。問。然燈前即不問。然燈後亦不

問。如何是正然燈。師云。一輪光灼灼。今古無虧損。問。諸

法未聞時如何。師云。風蕭蕭。雨颼颼。云。聞後如何。師云。領

話好。問。蓮花未出水時如何。師云。千山萬水。云。出水後

如何。師云。萬水千山。問。古帆未掛時如何。師云。到岸也。

云。到岸後如何。師云。猶是鈍漢。問。師子未出窟時如何。

師云。吼。曰。出窟後如何。師云。峭。問。魚鼓未鳴時如何。師

神鼎

十一

云。看天看地。云。鳴後如何。師云。捧鉢上堂。問。和尚未見

先德時如何。師云。東行西行。云。見後如何。師云。橫擔拄杖。

問。達磨未來時如何。師云。西天此土。云。來後如何。師云。

此土西天。問。寶劍未出匣時如何。師云。狼煙競起。云。出

後如何。師云。天下太平。問。牛頭未見四祖時如何。師云。

天知地知。云。見後如何。師云。猶較些子。問。和尚未見先

德時如何。師云。山河大地。云。見後如何。師云。日月星辰。

問。六國未寧時如何。師云。道什麼。云。寧後如何。師云。誨殺

人。問。內外追尋一物無時如何。師云。月似彎弓。少雨多

風。問。古澗寒泉時如何。師云。不是衲僧行履處。云。如何

是納僧行履處。師云：不見有古澗寒泉。問：家家門前火把子，意旨如何？師云：四時八節。問：問不轉時如何？師云：卽今是轉不轉？云：謝和尚點破。師云：通身覺路玄。問：輪回六道底人，畢竟如何？師云：不願成佛，曰：爲什麼不願成佛？師云：佛亦不究竟。云：請一言。師云：昨日猶記得，今朝話無門。問：不施寸刃，便登九五時如何？師云：海晏河清，曰：治化事如何？師云：萬戶無門，鎗鼓腹和太平。問：路逢達道人時如何？師云：勘破。問：學人擬入海時如何？師云：海生海，曰：恁麼則全承此恩力也。師云：黑風吹羅刹，回光却得妙。問：曉夜不停時如何？師云：是誰不停。問：倒戈卸甲

時經

十二

時如何？師云：大勳不暨賞，曰：請師原賜。師云：退。問：足馬單鎗時如何？師云：神鼎打退鼓，曰：畢竟事如何？師云：想你不是者手腳。問：菩提涅槃，卽不問戴角披毛，事若何？師云：不是上座分上事，如何是學人分上事？師云：待你到這田地，始向你道。曰：便恁麼時如何？師云：退身三步。問：二王相見時如何？師云：膝行肘步，曰：恁麼則全歸一主也。師云：天下浩浩。問：丹霄獨步時如何？師云：老僧只管看。問：撥塵見佛時如何？師云：佛亦是塵。問：覺花未發時如何？辨其真實。師云：冬寒夏熱，又云：天寒打撼戰。問：兩手獻尊堂時如何？師云：是什麼。問：學人到寶山空手回時

如何？師云：臘月三十日。問：戴角披毛，卽不開寶劍出匣事如何？師云：問處甚分明，曰：恁麼則盡法無民。師云：知時別儀堪作關梨。問：三車引不出時如何？師云：好，曰：意旨如何？師云：空應自忻慶。問：如何是和尚家風？師云：飢不擇食，又云：逢迎不展手，門外有三車。問：如何是接人之機？師云：齋後來，向你道，曰：卽今爲什麼不道？僧隨聲一喝。師云：好，僧禮拜，云：放你三十棒。問：如何是和尚爲人句？師云：拈柴擇菜，曰：莫只着便是也。無。師云：更須子細。問：如何是和尚辨納僧句？師豎起拳，曰：未審意旨如何？師云：你不妨辨得好。

神鼎經

十三

師在衆，曰：僧問：上座久後，唱誰家曲調？師云：手執無絃琴，騎牛脚打鼓。問：如何是道人活計？師云：山僧自小不曾入學堂。問：濟物利生事如何？師云：關梨有問，山僧有答。問：如何是和尚深深處？師云：柴門不掩，任聽往來，曰：還許人就近也。無。師云：且領前語。官人指木魚問：這箇是什麼？師云：驚回多少瞋瞋人。官云：泊不到此間。師云：無心打無心。問：古人道：解接無根樹，能挑海底燈，如何是無根樹？師云：日用不知，如何是海底燈？師云：微髓。問：如何是清淨法身？師云：灰頭土面爲什麼如此？師云：爭怪得山僧。曰：未審法身上還有事也。無。師云：有，曰：如何是向上事？

師云。昆盧頂上金冠子。問。殺父殺母。佛前懺悔。殺佛殺祖。什麼處懺悔。師云。水長船高。問。如何是真如體。師云。如如不動。云。如何是真如用。師云。斬。問。隔牆見角。早知是牛。隔山見煙。便知是火。隔牆不見角。是什麼。師云。不應問山僧。問。布以七淨花。浴此無垢人。既是無垢人。為什麼却浴。師云。清淨亦不立。問。菩提本無樹。何處得子來。師云。喚作無得麼。問。持地菩薩。修路等佛。和尚修橋等何人。師云。近後。又云。修橋未了。在。師行脚時。與數眷宿游南嶽。一僧舉論宗乘。頗敘會野飯山店中。供辦。而僧論說不已。師云。三界唯心。萬法唯識。唯

神鼎記

十四

識唯心眼聲耳色。是什麼人語。僧云。法眼語。師云。其義如何。僧云。唯心故。根境不相到。唯識故。聲色縱然。師云。舌是根境否。僧云。是師以筋挾菜置舌上。含胡而語。曰。可謂相入耶。坐者駭然。不能答。師云。路途之樂。終不到家。見解入。微不名見道。參須實參。悟須實悟。問。羅大主。不怕多口。僧問。首山。如何是佛。山云。新婦騎驢阿家牽。因僧請益。師乃有頌。新婦騎驢阿家牽。誰後復誰先。張三與李四。拱手賀堯年。又頌。從上諸聖。總皆然。起坐坐。諸沒兩般。有問。又須向伊道。新婦騎驢阿家牽。師復云。然雖如此。未盡首山大意。在。僧云。如何是首山大意。師云。天長地久。日

月齊明

靈雲桃花

傷嗟尋劍客。桃花遇春開。靈雲一見處。令我笑咍咍。

偶述三偈

長安甚樂到人稀。千聖到者須知不是歸。方可投。直道迴

超凡聖外。云有人不肯在。由是曹溪第二槌。無路。

自在神鼎寺。少豎簋無醋。內外推窮。一物無。雲水若到來。撒手空

回去。我宗無語句。亦無一法與人。

道下無一物。休言無著處。四大本空。佛依何住。釋流聞此說。不用更

重注。更莫切切。

神鼎記

十三

歲旦示眾。不下山。

今年六十九。到與麼田地。四大將衰朽。知自此不下山。外。白雲

且相守。寧寧。問。且怎麼過時。

僧見師舉話。略有揀辨。乃問。如何得似和尚去。師云。

闍黎受屈作麼。

一自學參玄。諸方不問禪。水聲流自響。舉目看青天。

有宰官問師。坐禪如何。師頌云。

寂寂無一事。醒醒亦復然。森羅及萬象。法法盡皆禪。

冬節頌

冬節年年事。世俗多般異。祖師門下客。長舒兩脚睡。食後

三巡茶以表山僧意、鼓聲若動時、敢望同來至、

師不赴玉莽山請、僧問、佛不違衆生之願、和尚爲什麼、有請不赴、師云、莫錯怪老僧好、頌曰、

一月普現一切水、一切水月一月攝、若人解了如斯意、大地衆生無不徹、

師在衆時、與汾陽昭和尚、共作拄杖頌、

昭頌

一條拄杖標揭、徑直螺文爆節、有時橫擔肩、大地乾坤挑括、

師頌

得處不在高峯、亦非深溪澗壑、如今幸得扶持、老病是爲依託、一朝卓在孤峯、一任諸方拈掇、

頌上玉泉和尚

一種輪回又一迴、入廂垂手化羣迷、智大豈留生死界、悲深不住涅槃壻、毗盧經卷塵中現、優鉢羅花火裏開、非但我今難比况、千佛誓首歎奇哉、

示初機

一步一登臨、無非般若心、逢人只麼道、終不悞他人、珍重何方去、家山一道光、箇中若不會、塵劫受忙忙、

送清首座

神峯寒露別知音、此後同誰話此心、出匣大聲驚宇宙、終得會衣襟、

比日登途去、煙雲氣色全、我無相憶語、更在蘊於言、

偶述八偈

淡薄且隨時、家風誰得知、有人來請益、搖頭未許俟、

神鼎有一機、不用更遲疑、日午打三更、白淨裏崙兒、

神鼎有一言、絕慮不忘緣、日頭恰正午、曉夜過西天、

神鼎有一約、不用更斟酌、分明向佗道、文殊問無著、

神鼎家風、水泄不通、禪客上來、換手樅胸、

神鼎一言、管爾三千、禪客上來、急急前行、

神鼎一說、不用分別、禪客上來、清風明月、

生緣裏水度歲華、偶攬鉢錫看天涯、路逢一人穿耳客、咄

我回頭得到家、自此端然無一事、今居神鼎臥雲霞、有人

若問西來意、遙指南山一段畬、

門人寫真求贊

神鼎真誰人寫、吾之相一如也、真相既爾、秋天月夜、瞻之寫之、摩訶般若、

神鼎謹禪師語錄 終

福州城居女弟子韓八娘、捨錢一十貫、刊刻
神鼎禪師語錄一編、報答恩友同圓種智、

并州承天高禪師語

上堂云、文殊仗劍五臺橫行、唐明一路把斷妖訛、三世諸
佛未出教乘、網底遊魚、龍門難渡、垂鈎四海、只釣鱗龍、格
外玄談、爲求知識、若也舉揚宗旨、須彌直須粉碎、若也說
佛說祖、海水便須枯竭、寶劍揮時、毫光萬里、教汝一路、通
方說話、把斷咽喉、諸人甚處出氣、問師唱誰家曲、宗風
嗣阿誰、師云、地連嵩嶽、水接伊川、云與麼則風穴一句、親明
旨、未審家風事、若何、師云、汝原無異路、寶應萬祥機、問
萬法還從一法生、一法從甚處生、師云、湘州起筭管陶綿
問、如何是學人的的用心處、師云、著衣喫飯自家事、云
與麼則和尚慈悲也、師云、寒溫冷暖大家知、問、如何是
承天家風、師云、胡餅日日新鮮、佛法年年依舊、云、只這便
是、爲別更有、師云、更有則錯、云、與麼則笑殺衲僧口也、師
云、不得不笑、云、泊合不問過、師云、苦痛蒼天、問、鈍根樂
小法、不自信作佛、作佛後如何、師云、水裏捉麒麟、云、與麼
則便登高座也、師云、騎牛上三十三天、問、古人東山西
嶺青、意旨如何、師云、波斯鼻孔大、云、與麼則西天迦葉東
土我師、師云、金剛手板闕、問、大悲千手眼、那箇是正眼
師云、開化石佛拍手笑、晉祠娘子解謳歌、問、如何是不
動尊、師云、鎮天涯、云、意旨如何、師云、或在山中、或在樹下、

問如何是佛。師云。金膀題名天下傳。云。與麼則承天鼓響。天下咸聞。師云。紫羅帳裏盛。莫遣外人聞。問。古人拈槌豎拂。意旨如何。師云。騎驢不著鞵。

上堂云。全衆生之佛性。寂寂涅槃。便得心心寂照。法法虛融。物物是道。佛佛密契。祖祖潛通。三世坦然。十方不泯。只爲衆生不了。迷己認它。便乃塵勞擾擾。妄想攀緣。卽相離真。迷己逐物。都爲一念不覺。便見空裏花生。不覺眼中有翳。此迷無本。性畢竟空。覺本無迷。似有迷覺。覺迷迷滅。覺不生迷。所以經云。諸法如是生。諸法如是滅。若能如是解。諸佛常現前。誰復耽廬釋迦。文殊普賢。是有是無。若道是

承天講

二

有作何面目。若道是無。諸上座。向什麼處行立。諸上座。何不外遺於法界。內脫於身心。心不繫身。身如虛空。身不繫心。心同法界。且道。喚作虛空。卽是。喚作法界。卽是。若喚作虛空。又不與諸人說話。若喚作法界。三界無法。何處求心。納僧分上。還怎生得。若於本分。猶是葛藤。問。有相卽不問。如何是無相。師云。忻州齊和尚云。如何會得。師云。代州鴈門關。問。牛頭未見四祖時。如何。師云。魚龍攪不轉。云。見後如何。師云。河枯水竭。問。未具胞胎時。還有語句也無。師云。百尺竿頭。揚眉瞬目。云。未審意旨如何。師云。路上行人。點頭嚙唾。問。六國未寧時。如何。師云。王令不在。云。寧

後如何。師云。獨坐無憂樹。自然見太平。問。隔關年深時。如何。師云。迷子不歸家。云。歸後如何。師云。誰肯問孫臏。

問。如何是一色。師云。九月嚴寒節。云。一色後如何。師云。家造寒食衣。問。臨濟推倒黃檗。爲什麼。維那喫棒。師云。正狗不偷油。鷄銜燈盞走。問。劍刀磨來久。請師握刀看。師云。鼎首鬪人。攢劍去。云。與麼。則喚九作十也。師云。國除三害定無逃。問。蓮華未出水時。如何。師云。隱隱地。云。出水後如何。師云。不礙衆人看。師掛紫衣。僧問。和尚是大善知識。不拘名利。爲什麼却著紫衣。師云。世尊賣金相老僧。紫磨身。云。與麼。則前佛後佛。同一字也。師云。過去梵王

承天講

三

引。現在釋迦欽。問。如何是貧人不貧境。師云。家鄉有路。無人到。云。如何是貧境不貧人。師云。暗傳天子敕。陪行一百程。云。如何是人境兩俱貧。師云。無頭蝦蟆。腳指天。云。如何是人境俱不貧。師云。晉祠南畔長柳巷。問。十二時中。如何用心。師云。鷄寒上樹。鴨寒下水。云。與麼。則不假修證。不尋佛祖。師云。省得山僧一半力。問。萬法歸一。一歸何所。師云。梁山城畔趙官家。云。與麼。則四海歸依也。師云。當今天子聖堯舜也。不如。師因開方丈門。不得。有僧問。石壁山河。無阻礙。此門鎖。爲什麼。開不得。師云。石壁山河。卽易就。中此門難開。云。開後如何。師云。是什麼。問。如何是此經

師云郭家剪子天下人聞問和尚能救世問苦還救得這箇也無師云喚什麼作這箇云與麼則漸漸地凍冬後數九師以手一劃云爭奈者箇何云和尚今日上堂師云只有牽船人不知有梢翁問如何是賓中主師云相逢不相識云如何是主中賓師云家貧永是貧路貧愁殺人云如何是主中主師云王言如絲其出如綸師因賀歲衣保問今日新歲已臨舊歲何在師云今日釘桃符保無語師云會麼云不會師云去年今日事保罔措乃有頌今日釘桃符權邪道自如誰人相委悉除是碧眼胡問三衆教外別傳一句如何是別傳一句師云高麗元是新羅

承天篇

四

國云法海之中得其用也師云波斯鼻孔長三尺新羅走馬大盾知問到此城幾里師云五里云往還不易師云賊打不防家問如何是吹毛劍師云好云用者如何師云棺木裏督眼問不在內不在外不在中問在什麼處師云露地白牛銜瑞草云未審意旨如何師云滿目溪山一帶煙

上堂云第一單鎗甲馬第二甲馬單鎗第三撒星排陣第四衣錦歸鄉有僧問如何是單鎗甲馬師云不是金牙作爭敢射尉遲云如何是甲馬單鎗師云金鏃馬前落婁樊塞臍魂云如何是撒星排陣師云陣雲橫海上未辨聖

明君云如何是衣錦歸鄉師云四海無消息回奉聖明君百法座主問百法千重鎖因明閉不開師云且出千重鎖云出後如何師云處處無障礙縱橫任意遊鄭二部入院見法座便問是什麼人位次師云老僧云自家爭敢師云二部莫壓良為賤云真箇師云不敢遂把手入方丈部云此室常出八未嘗有難得之法長老還有也無師以袖拂二部面云與麼則今日得清涼也師云且與後人為榜樣問如何是學人用心處師云光剃頭淨洗鉢云如何是學人行履處師云僧堂前佛殿後問如何是截人之機師云要用便用云請和尚用師云拖出着死漢有

承天篇

五

尼大德會四衆到院設齋乃脫羅綺服布素問卸却珍御照著弊垢衣入塵化導是維摩分上事是弟子分上事師云維摩會上誇天女今日聞梨決衆疑云今日不昧於當時也師云真師子兒一撥便轉文弟子問金剛經中六波羅蜜那箇第一師云長城齊崩倒方見本來人云學人不會請師直指師云白骨如山嶽滴血驗真容問如何是佛師云擬心卽差用心卽乖云畢竟如何師云大盡三十日小盡二十九問祖師西來三歲東被當明何事師云佛殿部署蓋僧堂老僧修云與麼則全明今日事也師云今日事作麼生僧便喝師云放汝三十棒鄭二部至

茶話次云汾陽有箇昭禪師愛看讀某甲雷一偈師云略請見示部舉云黃紙休遮眼青雲自有陰莫將閑學解埋沒祖師心師云部慣得其便部云者賊師云更不再勘部問百尺竿頭獨打毬萬丈懸崖絲繫腰時如何師云幽州著脚廣南廝撲部無語師云勘破這胡漢部云二十年江南界裏這回却見禪師師云瞎老婆吹火知那張侍郎與部署到見方丈割破問和尚有護法善神爲什麼却被惡人窺算師云賊是小人智過君子

上堂云辭親割愛拋離俗網來入寶所禮拜金仙爲師作釋種眷屬既離苦海已達彼岸長行般若之慈舟撈渡愛

承天高

六

河之溺子脚踏十方肩擔四海口說一乘之法眼識不二之門內無所有外無所依身如虛空虛空難比豈不號爲無著邪既到此地黃河爲酥酪須彌爲飯食大地爲臥具帝釋梵王執侍中親維摩爲侍者文殊普賢埽床摺被等妙二覺隨驢把馬所以經云一切衆魔及諸外道皆吾侍者諸德不教佗作鄉頭里正耆長大戶一箇箇作師子兒去成佛作祖去入如來藏去如來者諸法如義無所從來亦無所去故號如來豈不快哉諸德三界無法何處求心四大本空佛依何住莫袈裟下多藏毒藥自傷其身乃有頌曰苦哉苦哉寔苦哉萬劫千生金地來袈裟底下藏毒

藥却教佛身受沈埋問靈草未生芽時如何師云切忌動著云生芽後如何師云昨夜遭霜了問師子未出窟時如何師云衆獸潛藏云出窟後如何師云衆獸腦裂問二邊純莫立中道不須安未審意旨如何師云廣南出象牙云不會請師直指師云番國皮球八百價問如何是先照後用師云打動漢下鼓和起楚王歌云如何是先照後用師云龍沮解布千般計韓信能施堰水功云如何是照用同時師云長蛇偃月齊排出韓信張良唱大歌云如何是照用不同時師云霸王已歸烏江去豎起金鷄賀太平問不在內不在外不在中間在什麼處師云西天

承天高

七

白氎東土絲綿云未審此語如何師云南嶽五臺問寶所化城相去多少師云舉足下足問六塵境上施耽深方便門中爲指歸師云懷州牛膝天下人聞云與麼則慈音一唱開玄路頓使歸程直到家師云鎮州蘿蔔可重三斤問三句之中那句是極則師云偏地露形終不見云更有安身立命處也無師云一生長是鎮天涯

楊大年李駙馬與師問答問彌陀演化在西方達磨傳心來東土明來漢現水到渠成五臺鎮靜以崢嶸百谷朝宗而浩渺一靈之性託境而現形三有之中憑何而立命師云仙人無婦玉女無夫楊云尼剎頭不復生子師云陝

府鐵牛能哮吼嘉州大像念摩訶李云側跳上山巔師云
騎牛不著靴李問玄沙不出嶺保壽不渡河善財參知
識五十三頁慧遠結黑白一十八士雪峯三度上投子智
者九旬講法華這六箇漢爲復野干嗎爲復師子吼道道
師云水急魚行溢峰高鳥不栖楊云泗州大聖師云土上
加泥又一重李云上覆金錢師云半夜歌樂動誰人得
知音又問風穴提印南院傳衣昭公演化於西河嵩師
領徒於并壘南宗之旨北土大興且道二師承誰恩力師
云不入蓮池浴懶向雪山游楊云清涼山裏萬菩薩師云
維摩會中諸聖集李云背負乾薪遭野火師云口是禍門

承天篇

八

問初利透日月之上四禪免風火之災三交駕大牛之
車臨汝握金提之印彌猴有一面古鏡狸奴有萬里神光
直下承賞是何人也師云朝看東南暮看西北楊云狸奴
白牯却知有師云淹殺塚頭蒿李云月裏煮油鱸師云石
人腰帶又問一切諸佛盡在裏許動即卷身失命觀著
兩頭俱瞎擬議之時千山萬水直下會得也是炭庫裏坐
地有不惜眉毛者通箇消息來師云百雜碎楊云平生不
妄語師云也要道過李云出穴免遭罵師云東西無滯礙
南北得自在復有頌曰一言才出徹龍庭攪動須彌帝
釋驚三世諸佛齊坐了杖頭傀儡弄靈蹟楊答云今年桃

李味甘香一顆千金買得嘗貯藥葫蘆拖鼠尾穴門小窄
轉難藏師又答千年桃核未聞香幾度逢春難得嘗靈龜曳
尾除蹤跡沙中抱子更難藏楊又答五臺山裏有文殊羅
漢天台洞裏居爲問紫胡一隻狗何如普化一頭驢師又
答忽聞師子吼引出象王威把定聖凡路誰人敢揚眉擬
識塵沙劫動念隔千岐瞬目他方去早已著灰泥楊再答
蜘蛛網中坐蟲兒不敢過昨夜三尺雪百鳥盡遭餓果熟
樹低金鷄肥甕草破借問末山尼何如劉鐵磨師再答山
高人難上海深不見底樵夫謾踏鞋漁父休誇水言却超
百億收來維摩詰若覓同道人曠劫不相識師作宗本

承天篇

九

頌左顧右顧黃昏莽鹵展手回來早是彰露且道作麼生
是彰露底句楊云正殺人時督出頭師云兩脚梢空手又
胸李云左顧右髮隱文章師云名利已彰天下去丫角女
子倒騎牛師復云維摩一默文殊贊善若遇老僧在彼各
與三十棒且道這二老漢過在什麼處楊云頭破作七分
如阿梨樹枝師云迦葉不擎拳阿難不合掌李云似擣牛
兒未用角時師云忙屈拳打令師復云教有明文佛身充
滿於法界老僧今日充滿於法界侍郎卽今在什麼處楊
云布裙一截泥努出膝蓋子師云寬口布袴三八杖李云
河水一擔直三文師云只見鼻頭津不見頂後濕

部亡部到汾陽昭和尚處茶話次部云某甲雷一偈贈師
偈曰黃紙休遮眼青雲自有陰莫將閑學解埋沒祖師心
復云只將此偈驗天下長老汾陽云與麼則汾陽也在裏
頭部云擔枷過狀昭云更不再勘部云兩重公案昭云知
即得部良久昭喏一聲部云文寶文寶昭云在甚所在部
云不容某甲出氣爭得喚他道淹滯長老在此昭云是何
言歟部云寔昭云也不得放過部云請師一偈昭云不閑
紙墨遂上札荒草尋幽徑巖松迴布陰幾多玄學客失却
本來心

師在汝州先師會下因一日問如何是佛法的大意師

承天嵩

十

云楚王城畔汝水東流師於此有省悟頓契佛意乃作三
玄偈曰得用直須用心意莫定動三歲師子吼十方沒
狐種我有真如性如同幕裏隱打破六門關顯出毘盧
印真骨金剛體可誇六塵一拂永無遮廓落世界空爲
體體上無爲真到家時先師聞得乃請師喫茶問云這
三頌是汝作來部師云是先師曰或有人教汝現三十二
相時如何師云某甲不是野狐精先師云惜取眉毛師云
和尚落了多少師以竹篦頭上打云這漢向後亂做去在
師自後便辭先師以拄杖送師接得有頌曰和尚拄杖照
滅龍象臨濟家風落在我掌先師云莫相帶累師以坐具

便打先師云果然帶累師云今日捉敗這老賊先師云又
似得便宜又似落便宜

唐明高禪師語

畢

石門山慈照禪師鳳巖集 并序

夫能仁出現若秋月落於寒潭祖意西來似春雷開於蟄戶。鑿生靈之瞶耳指滄若之迷頭不必超凡唯能轉物得道者世無窮數結法者代有奇人師汝水投針首山立雪親傳祖印匣秘禪刀查太守致三請之書遠禪師付一衆之座揮倚天之寶劍外道魂亡振踞地之金毛野干腦裂縱卽立明方便互換主賓登卽坐斷乾坤誰論佛祖喝明四種棒顯三玄照出千差用非一句以此參徒遐集學者雲臻師既露於詞鋒禪子常親於語要編成二卷集號鳳巖光澤幸愧得聞實慚序引

石門路

師開堂日拈香云西天二十八祖唐土六祖過去聖人盡得傳衣付法至唐代六祖之後得道者如稻麻竹葦不傳其衣只傳其法皆以香爲信今日一瓣香爲什麼人通信某甲雖不言大衆已委悉茲此一炷香也僧問師唱誰家曲宗風嗣阿誰師云山連嵩嶺地近洛川問和尚開堂於此日先將何法報君恩師云撐天拄地云君恩如此祖意如何師云分明領話問如何是佛師云卽州多出九節杖云謝師指示師云莫作答佛話會却問如何是祖師西來意師云九里江上望船船云意旨如何師云市舶亭前人不識問寶劍未出匣時如何師云在匣裏云出

匣後如何師云放汝一線道僧禮拜師便打

上堂云上上之機人法俱遣中下之機但除其間猶有法在下下之機據問而行若是出格道人全體作用諸上座盡是出格道人老僧爭敢作用問如何是一著子師云明明似日連天照暗暗昏昏人自迷云如何得不迷師云千里萬里

早參示衆云且道昨日與今朝是同是別古人道昨日今朝事恰同又道昨日今朝事不同同與不同卽且止且道卽今一句作麼生波隨月照影逐日移

師入州看官路逢延慶長老問中路相逢一句作麼生道

石門路

師云某甲禮拜和尚有分明日到院茶話次昨日聞學士說新石門和尚和尚久在石門爲什麼說新去師云腦後合掌問來時無物去時空二路都迷如何得不迷去師云秤頭半斤秤尾八兩

上堂云十五日已前諸佛生十五日已後諸佛滅十五日已前諸佛生亦不得離我這裡若離我這裡我有鈎子鈎你十五日已後諸佛滅你不得住我這裏若住我這裏我有錐子錐你且道正當十五日用鈎卽是用錐卽是遂有頌云正當十五日鈎錐一時息更擬問如何回頭日又出問如何是無縫塔師云直下看云如何是塔中人師云

退後退後 問如何是古佛心師云踏著秤槌硬似鐵云
意旨如何師云明日向俗道 問青山綠水即不問急切
一句作麼生道師云垂手過膝兩耳垂肩 汝州先師忌
問先師還來也無師云三巡茶罷一炷香云齋後向什麼
處去師云風搖樹響人不顧葉落歸根始知音

上堂云鳳凰巖下鐘鼓喧轟石門家風朝朝舉唱問答賓
主甚是分明棒喝臨機誰人同道若是同道者對眾證據
良久云霜天冷徹骨雪路少人行 問如何是石門境師
云一任衆人看云如何是境中人師云明日來喫棒 問
嵩少地近汝海波深石門玄機請師指示師云幾時到汝

石門語

三

溪來僧無語師便打 問如何是和尚家風師云一句每
當機逢人直是道 問如何是賓中賓師云禮拜甚分明
云如何是賓中主師云觀地無回顧云如何是主中賓師
云往復問前程云如何是主中主師云萬里絕同侶 問
如何是賓人不奪境師云山河大地云如何是奪境不奪
人師云番人失繩帳云如何是人境俱奪師云有何佛祖
云如何是人境俱不奪師云問答甚分明 問如何是先
照後用師云突兀峯頭點巨火長安城裏不通風云如何
是照用同時師云突兀峯頭無巨火長安城裏絕人行云
如何是照用不同時師云昨日十五今日十六

張茂崇太保十問 問摩騰入漢已涉繁詞達磨單傳請
師指示師云冬不寒臘後看 問五目不覩其容二聽不
聞其響落聲色即是不落聲色即是不落聲色即是不落
瞻之在前忽然在後復是何物師云蔡著鼻孔 問若能
轉物即同如來萬象是物如何轉得師云喫了飯無些子
意智 問拈槌豎拂皆是止啼之說揚眉瞬目未為作者
之機如何是見前受用師云早衙放過晚後出來 問寸
絲不挂法網無邊為什麼却分迷悟師云兩桶一擔 問
心隨境轉境逐心生心境兩忘甚處即是師云待你悟始
得 問有情有用無情無用如何是無情應用師云獨扇

石門語

四

所子盡夜開 問法尚應捨何況非法如何是非法師云
喫粥喫飯 問愛河浮更沒苦海出還沈如何出得師云
錯

早參示衆云月未沒日已出萬象凝然什麼處不分明既
然分明分明一句作麼生道良久云日月照臨無影樹不
勞把住遶街行
示衆問答須教起倒全龍頭蛇尾自欺瞞如王棄劍由王
意似鏡當臺要絕觀開口早經千萬里低頭思慮萬重關
指人若也無正眼何啻前程作野干
上堂云朝朝鼓響夜夜鐘鳴聚集衆流復有何事過去諸

聖成就此門、諸上座、各各不久、少某甲已是不識好惡、諸上座、更要喫辛苦受苦。

上堂云、無事不要生事、歸堂。

上堂云、鐘鼓才罷、賓主已分、大眾齊來、照用俱了、若恁麼會得、繼紹古人、若會不得、寔為因橫、莫有會者麼、出來對眾證據。

上堂云、切忌踏過歸堂喫茶。

上堂云、第一句道得、石裏迸出、第二句道得、挨拶將來、第三句道得、自救不了、歸堂。

上堂云、但得本、莫愁末、如何是諸上座本、莫是上來下去。

石門題

五

禮佛禮塔、入室擺衣、歡娛笑樂、麼、若認得這箇是四、大五、超、莫是超、寂、息、念、不、出、不、入、不、聚、不、散、麼、會得認得箇精、魂、如何是上座本、良久云、歸堂。

上堂云、春景溫和、萬物蘇舒、山青水綠、真堪養道、遊方禪、子、甚是及時、祖師家風、且喜沒交涉。

僧侍立次、師云、已是撒沙著、諸人眼裏也、如今更不敢不、

識好惡、歸堂。問、寒時又寒、熱時又熱、寒底是熱、底是師、云、杖頭傀儡人長弄。問、逐日開單展鉢、以何報答施主之恩、師云、被這一問、和我愁殺、云、恁麼則謝供養也、師云、得什麼人氣力、僧禮拜、師云、明日更與一頓。

上堂云、春景溫和、春雨普潤、萬物生芽、什麼處不沾恩、且、道、承恩力一句、作麼生道、良久云、春雨一滴清如油。問、

如何是學人自己法身、師云、每日搬柴不易、云、此是大眾、底、如何是學人自己底、師云、三生六十劫。問、本悲千手、眼為什麼在此、師云、見箇什麼、云、恁麼則千百億化身、師、云、且領前話。乃云、上來下去、為什麼事、若有所得、埋沒、諸兄弟、若無所得、圖箇什麼、得與不得、且止、如何是見前、妙用底事、良久云、雲覆千山、不露頂、雨滴街前、漸漸深、歸、堂。

石門題

六

麼、却如此、師云、果然不修行。問、親切處、請師的旨、師云、莫忘却、云、莫忘却時如何、師云、一年三百六十日、云、恁麼、則不忘却也、師云、你見箇什麼道理、云、適來謝茶、師云、未、在、云、請師別道、師云、兩社一寒食。

早參、示眾、月未沒日又出、日月往來無間隔、奉勸禪流莫、追尋追尋、特地生疑惑。

上堂云、鳳凰山下、鐘鼓喧轟、石門家風、朝朝舉唱、大眾上、來、賓主已分開、口動舌照用俱了、若恁麼薦得、甚處有佛、祖、若未薦得、憑何過日、薦得薦不得、卽且致、作麼生是無、佛、祖、底、句、良久、敲禪床、下座。

小參早朝擊鼓法堂上聚會晚後鐘聲方丈裏相見法堂上聚會即不問作麼生是方丈裏相見底句自代云不通風問還有不報四恩三有者麼師云有云如何是不報四恩三有者師云撒手臥長街光音非旨趣問牛頭未見四祖時為什麼百鳥銜花獻師云果熟馨香鴉鳥啄云見後為什麼不銜花師云萬象頓息鬼神愁云見與不見是同是別師云山河不礙青霄路妙用縱橫處處通問親到寶山求寶時如何師云求得即不中云求得後如何師云不中不中乃云微心即差動念即乖不礙不動正在死水裏作活計作麼生是衲僧轉動一句良久云朝聞

石門路

七

鼓動暮聽鐘聲

上堂云三春景裏日暖風和水畔經行林間宴坐觀茲時景賓主已分開口動舌照用俱了若能如是心去會得賓中主作麼生是主中主良久云一條濟水透過新羅一日問直歲清涼壚從你壚若過洪水滔天時壚得麼云在裏頭師云與誰同伴歲無語却請和尚代云透過新羅問和尚若過洪水滔天時壚得麼師云上柱天下柱地云若過劫火洞然時作麼生師云橫出豎沒上堂云四山霧起大地黯黑日月收光正當與麼時如何辨主良久拍禪床下座

師浴出僧問三身中那身漂洗師云用送亡僧歸喫茶以問亡僧遷化向什麼處去師云風搖樹響葉落歸根學人良久師云會麼云不會師乃澆茶三滴問如何得人身去師云我常欲作驢身

上堂云上來下去參請不無作麼生是依時及節底句良久云朝聞鼓響夜聽鐘聲歸堂問門外三車學人欲上牛車時如何師云未是極則處云如何是極則處師云犬吠虛聲切癡人望太陽問三叉路頭未審教學人往何路師云莫錯

石門路

八

上堂云鐘聲才罷鼓聲喧鐘鼓相交會人天臨機妙用無

別法開口動舌顯三玄臨機照用須子細互換賓主疾如煙進前更欲求佛祖擬議早是隔西天

上堂云五白貓兒爪距獍養來堂上絕蟲行分明上樹安身法切忌遺言許外甥作麼生是許外甥底句莫錯舉上堂舉普化語僧便問大悲院裏有齋意旨如何師云日暖隈陽坐天寒不舉頭

上堂云聞鐘聲即尋鐘聲來無鐘聲向什麼處來若不來叢林何在既來是何面目直饒不來不去正在死水裏作活計作麼生是衲僧出氣一句良久云珍重問十二時中如何用心師云喫粥喫飯云與麼則打教去也師云打

軟去也。問：昨夜轉一位，今朝轉一位，兩頭俱轉時如何？師云：未是衲僧極處。云：如何是衲僧極則？師云：春末臨朱夏，云：畢竟了如何？師云：九九八十一。

上堂云：各各英雄丈夫兒，堂堂物我更何疑。見前歷歷明如日，展縮當人示疾時。超然不得長空路，獨脫禪光得自如。多聞方便談今古，濟物須彰閃電機。良久云：去。去。西天路，迢迢十萬餘。

上堂云：天地與我同根，萬物與我一體。諸上座，維那打鐘還覺心痛也無？若不覺痛，與古人相遠。若覺痛，為什麼含笑上來？直須子細。

石門錄

九

僧入室，問：正當與麼時，還有師也無？師云：燈明連夜照，甚處不分明。云：畢竟事如何？師云：來日是寒食。問：古人急水灘頭毛毯子，意旨如何？師云：雲開月朗，問：急水灘頭連底石，意旨如何？師云：屋破見青天。云：屋破見青天，意旨如何？師云：通上徹下。

小參，示眾云：學般若菩薩，須具般若眼，不具般若眼，即被般若瞞却你。云：作麼生是上座般若眼？出來對眾道看。良久云：沈却也珍重。問：如何是佛法大意？師云：出你口入你耳。云：莫祇這便是也無？師云：分明聞分明聽。問：為什麼朝朝風起，雨點全無？師云：只是龍王不動頭。云：畢竟事

如何？師云：待雨下了，向你道。云：雨下了，和尚為什麼不說？師云：老僧罪過。問：如何是人境兩俱棄？師展兩手，云：不會。師彈指三下。問：十二時中，如何辨主？師云：著衣喫飯，晝家第，云：辨得後如何？師云：作麼生是主？僧無語。

上堂云：擬心即差，動念即乖，不擬不動，正在死水裏作活計。作麼生是衲僧轉身處？只如古人與麼道，還有為人處也無？若言為人，依言縛殺你。若言不為人，意在什麼處？所以道：涅槃心易曉，差別智難明。又云：知見立知，即無明本。知見無見，斯即涅槃。若向這裏明得去，未具衲僧眼，直須子細。

石門錄

十

上堂云：三春景謝，朱夏將臨，是程子罷游之際，幽窓掛錫之辰。林下相逢，合談何事？良久云：擬指千差路，回光百萬程。問：牛頭未見，四祖時如何？師云：雲散見青天。云：見後如何？師云：澄潭月現。問：如何是道？師云：車碾馬踏，云：如何是道中人？師云：豎坐橫眠。

上堂云：香煙才起，是處皆知。大衆雲集，從上宗乘，只可如是。若能如是解，擊鼓奪旗，互換三賓，照用同時，棒喝齊彰，直饒你如是解，只是箇賓中主。作麼生是主中主？便有僧問：香煙才起，是處皆知。未審主山後如何？師云：向你道。還信麼？云：特伸請益。師便喝。云：和尚為什麼講人道者？師

云謗、僧禮拜。乃云、一句語中須具三玄、一玄門中須具三要、從上諸聖總具三玄三要、他若不具三玄三要、總屬盲用、既能如此、雷心直須子細、良久云、石門後輩、諸事寡拙、久立先參、歸堂憩歇。問、佛未出世時如何、師云、平、云、出世後如何、師云、平、云、未審出世與未出世是一是二、師云、妙用當機顯、回光只在人。問、大事未辦時如何、師云、切、云、辦後如何、師云、切。問、如何是玄談、師云、掉向牆南。問、如何是祖師西來意、師云、又手當胸、云、意旨如何、師云、打躬近前。問、一處火發、任從你救、八方齊發如何、師云、快、云、還承出也無、師云、若求出、卽燒殺你、僧禮拜、師云、直饒你不出、也燒殺你。

大雨上堂云朝陽垂掩夜月收光四山煙霧起大地絕纖埃正當與塵時什麼人作主雖然如是爭奈千江競注萬派流源被大海一時包了也莫道總包容了爭奈奔波濟水透過新羅

上堂云、金烏西墜、玉兔東升、晝夜循環有何了日、何不日
南午處、正位上看、半夜子時、長連床上偃息、正當與麼時、
可謂千聖情盡、影像全無、雖然如是、未是極則處、直須轉
動始得、直饒轉動、只是肯得、洛滴潭溪、未肯得他、三聖樂
化開口、動言早成病、棒喝臨機、構也難、眨眼直須行正念、

上堂云、晚看千家戶、不扁時、聽秋杵一聲聲、途中多少未歸客、却到家、中事怎生、請上座、休向途中、直須歸家、若得歸家、直得親於父母、不得教生其恩愛、直須殺却父母、既殺却父母、便須出家、既然出家、便能親於佛祖、雖然如是、須去却佛祖始得、既殺却父母、去却佛祖、方可有纖粟衲僧見解、猶未得衲僧全體受用、良久云、作麼生、是衲僧全體作用、殺父殺母、去佛去祖、未是衲僧極則處、進前更擬問如何、北邙山下有甚數、

上堂云、雪山聚會意為平生、挈杖諸方擬逃生死、何得空
過這日、為什麼不進步商量、若欲進步商量、特地爭違、便
言只恁麼休去、更辜負平生、終不如是、又向什麼處覓心、
良久云、歸堂、

上堂云、龍騰滄海、魚鼈潛蹤、虎嘯高巖、野狐屏跡、象王蹴
踏寶岸、皆崩、師子頻呻、百獸隱匿、鳳凰展翅、衆鳥迷巢、社
師家風、中下莫湊、用遠驚子、遠智運通、金色頭陀、瞬眸釋
主、聲聞莫測、十地寧知、空生才唱、天旱雨花、豈況繁詞、率
爾亂說、通一線道、直須滿口、道將來、道道、直饒道得、也是
順逆將來、

上堂云、參玄上士、遵方高人、直須具衲憎眼、良久云、開口直教千聖情盡、萬緣無繫、父母俱亡、賓主不立、若如是

解者猶是衲僧少許見解未是衲僧全體受用作麼生是全體受用良久云歸堂喫茶

上堂云諸上座各各氣宇如王須具衲僧眼目大地山河不礙眼光莫受人瞞且道于闐國王作何面目時有僧問承和尚有言山河大地不礙眼光未審于闐國王作何面目師云不出戶云未審與什麼人同道師云至切是家親

上堂云朝朝擊鼓夜夜聲鐘聚集禪流復有何事若言無事屈延諸德若言有事埋沒從上宗乘開口動舌終沒交涉雖然如是初機後學須藉言語顯道作麼生是顯道底

不門語

十二

良久云林中百鳥鳴柴門閉不扃

上堂問承古有言十五日已前用鈎十五日已後用錐卽今十五日和尚用什麼師云這一條拄杖是清化主捨云和尚莫盲枷瞎棒師云罪不重科乃云虛空有盡此道無窮如拳作手如手作拳皆是自己展縮絲不欠少不由他人各各具足不肯承當勸請諸上座承當埋沒諸上座直下承當去承當箇什麼歸堂喫茶

董侍郎問文殊是七佛之師未審文殊以何爲師師云獨鎮五峯頭查學士與師坐次弄筆客參士便問弄筆如何下手師云逢場作戲

問無情說法意旨如何師云朝朝樹響夜夜風鳴云如何委悉師云晝有日照夜有月明問德山棒臨濟喝如何是一喝下事師云我不作這活計云意旨如何師云非公境界問金鱗未出網時如何師云待汝出網來向汝道云卽今出也師意如何師云西海裏事作麼生僧便喝師

云瞎僧禮拜問若能轉物卽同如來未審三門佛殿如何轉師云我向汝道汝還信麼云和尚誠言安敢不信師云這漆桶僧禮拜問如何是衲衣下事師云露地不遙風云與麼則一百五日看也師云放你三十棒僧禮拜問不施寸刃便登九五時如何師云七縱八橫云與麼則

不門語

十四

簾卷扇開去也師云舌拄上齶僧禮拜問黑豎未生芽時如何師云正與麼云生芽後如何師云鬼門關外今官路萬里崖州獨自行問如何是吹毛劍師云鏖云用後如何師云伏惟尚饗僧侍立次師問什麼處坐云後架裏坐師云你向什麼處舉話云與主人公舉話師云主人公姓什麼云不得姓師云名什麼云不得名師云與麼則不識主人公也僧便喝師不對問如何是互換之機師云東邊立了西邊立云還相見也無師云相見事作麼生僧便喝師云瞎僧禮拜問師唱誰家曲宗風嗣阿誰師云汝水河邊曾對勝失却桃棹至于今云汝原一曲師親

唱向上宗衆事若何師云當處不留人劃時送千里

師勸僧云孤輪獨照深山裏近離何方到此來云近離白馬師云更不再勸僧無語師云且坐喫茶師問僧靜陽境土君知好歹木祖家風試道看僧無語師云却是石門罪過且坐喫茶

舉壁官和尚喚侍者將犀牛扇子來者云扇子破也官云扇子既破還我犀牛兒來者無語代云欄下舉僧問龍牙十二時中如何著力牙云如無手人行拳始得師云道即殺道只得一半云和尚作麼生師云如無舌人欲唱歌始得舉僧問石門徹和尚實際理地如何進步徹云鳥

石門

十五

道無前僧進語云幽谷白雲藏白雀擬心棲處隔山迷師別云栖心不住和心地物外縱橫任法閑舉徹和尚離谷隱有僧問師住襄陽去盡襄陽男女各置一問問問各別和尚如何支遣徹云一音剖出塵沙句豁達虛空應萬機師別云頭頭上活物物上具師問僧昔日業林親際會再登鳳嶺事若何云奉別和尚經今一年師云本分行脚僧僧無語師云坐喫茶

次住谷隱山太平寺語

陞座拈香云此一炷香供養十方諸佛人天大衆先願今上皇帝萬歲儲君千秋文武采僚咸崇祿位府主舍人

內佐聖明外揚佛教此一炷香十五年前已呈獻了也如今還有委悉者麼對衆商量時有僧問不施寸刃便登九五時如何師云罕逢此問云與麼則人天有賴大衆治恩師云是何言歟乃云問語且止欲得親切莫將問來問你擬進前早沒交涉了也豈況怛怛有何所益若論佛法不在問處雖然如是早是多途況久立尊官珍重上堂云襄陽蕩蕩廣闊而無際無涯漢水滔滔深遠而有終有始岷山一帶橫貫乾坤楚岫千峯暨談日月鳳林山下直透荆南來往遊人且無障礙諸上座盡是透關底人作麼生是透關底句試道看擬議千差路回光萬里程

石門

十六

問祖令未行時如何師云獨臥沙場云未審其中事作麼生師云寒灰不再煖問終日忙忙那事無效如何是那亭師云覓頭不見云為什麼如此師云三日後看僧禮拜師噓問如何是沙門行師云三三兩兩各不相知云畢竟如何師云截舌有分問一陽方啓天地咸知依時及節事如何師云午夜燈光連宵照云照後如何師云茶煙杳篆一時清問逐境不入流時如何師云早入了也云入流不逐境時如何師云未是極則處云如何是極則處師云七棒對十三問如何是養人不養境師云峴山亭邊好用功云如何是養境不養人師云雪消流水湧云如

何是人境俱憂。師云霜結滿亭寒。云如何是人境俱不憂。師云放你一線道。問。日往月來。還不覺年衰老。還有不老者麼。師云有。云作麼生是不老者。師云。虬龍筋力高聲叫。晚後精靈轉更多。問。如何是學人深深處。師云。烏龜水底深藏六。云未審其中事若何。師云。路上行人莫與知。問。如何是印空底句。師云。舌拄上齦。云如何是印水底句。師云。說話對聾人。云如何是印泥底句。師云。頭上喫棒。口裏喃喃。問。一句當機。請師說法。師云。莫妄想。云不妄想。後如何。師云。仙人禮枯骨。餓鬼打死屍。問。浩浩之中。如何辨主。師云。襄江競渡船。云未曉之人。如何領會。師云。且

石門錄

七

領前話。問。學人擬歸鄉。請師指路頭。師云。借人扶上馬。云。莫便是和尚為人處也無。師云。葛嶺那邊看。問。師子是獸中之王。為什麼却被六塵吞。師云。須知六塵好手。僧禮拜。師云。得便宜是落便宜。問。不斷塵纖句。如何絕朕迹。師云。絕迹即不好。云與麼去。如何。師云。瞎僧禮拜。問。咫尺之間。為什麼不親師顏。師云。折角泥牛無欄圈。云與麼則依而行之。師云。徧地閑田任意耕。問。承教有言。當觀法王法。法王法如是。如何是法王法。師云。如是。云畢竟如何。師云。我知你與麼道。問。王子未登九五時。如何。師云。六宮深處坐。云登朝後如何。師云。當殿不稱尊。問。世

尊說法。天雨四花。和尚說法。有何祥瑞。師云。莫碗鳴。問。有問有答。俱落魔境。無問無答。如何辨道。師云。舌拄上齦。云與麼則學人罪過。師云。放你三十棒。問。如何是先照後用。師云。外頭月明。屋裡黑。云如何是先照後用。師云。屋裏月明。外頭黑。云如何是照用同時。師云。今日好寒。云如何是照用不同時。師云。喫棒了呈款。問。如何是函蓋乾坤句。師云。好雪寒。云如何是截斷眾流句。師云。好怕你。云如何是隨波逐浪句。師云。今日立春。問。馬大師一喝。百丈直得三日耳聾。如何。師云。萌芽未出土。枯葉已遭風。僧擬議。師便喝。僧云。喝即任喝。某甲不耳聾。師云。罪不重科。

石門錄

十八

問。海晏河清。為什麼龍王不現。師云。待有即現。云。即今為什麼不現。師云。疎田不貯水。龍王不奈何。問。若人有福。曾供養佛。未審佛曾供養什麼人來。師云。明月照臨山。谷裏背巖陰樹。不招風。云。恁麼則早晨燒香。晚後禮拜。師云。苦痛蒼天。伏惟尚饗。問。承古有言。只這如今誰動口。意旨如何。師云。莫認驢鞍橋作阿爺下領。問。伯牙過子期時。如何。師云。夜靜更深彈一曲。云。過後如何。師云。琴破絲斷一時休。問。承教有言。如我按指。海印發光。汝暫舉心。塵勞先起。如何是海印發光。師云。青霄無異路。問。說通行不通時。如何。師云。莫以己妨人。云。行通說通時。如何。

師云未信你在。問不施寸刃便登九五時如何。師云南面事作麼生。云才施小刃便獲大功也。師云大好不施寸刃。問如何是和尚不涉眾詞底句。師云我向你道。還信麼。云與麼則鐵卵生兒樹上飛。師云一任捏怪。

上堂云二年前葛藤今日再舉。知有者已暢平生。不知有者對面千里。諸上座。盡是知有者。二年前事作麼生道。良久云。顏回不知何處去却教朱子淚漣漣。

上堂云道安巖下朝朝鐘鼓聲喧。傘蓋山前日日煙霞覆地。猿啼嶺上魚躍淵中。山高則九夏花開。谷深則三冬積雪。知有者暢快於平生。不知有者空愛好山好水。諸上座。

石門題

上

盡是知有者。不喚作山。不喚作水。且道喚作什麼。開口即邀。擬議即差。

上堂次遇狂風起。乃曰狂風忽起。拔樹鳴條。祖令正行。誰人當抵。善戰者不顧其首。善鬪者必獲其功。莫有善戰妙鬪者麼。出來。山僧為你證明。良久云。陣雲橫海上。拔劍攪乾坤。

上堂云寶花王座。獨有慈尊。旃檀林中。別無異黨。狐非師子。類燈非日月。明知有者已暢平生。未知有者直須子細。上堂舉仰山三生話次。僧問古人且致和尚。即今第幾生中。師云快活快活。云與麼則隨流認得無礙去也。師云縛

繫不自在。

上堂云若據對答。如撒砂相似。若約提綱宗乘。盡唱佛法。無一人半人。雖然如是。被箇衲子出來請師舉唱佛法。向伊道什麼。即得。若打他。即龍頭蛇尾。且道向伊道什麼。良久云。山僧與上座兩家不著便。

偈頌

歲旦示眾

一句為君宣今朝是大年。桃符已入土。漏地舊金錢。俗情多失位。山僧獨欣然。直饒不恁麼。塚上別鉗口。

石門題

上

冬日示眾

一句為君說諸法及時節。冬月是冬寒。夏熱是夏熱。甚是不周旋。何勞苦施設。施設不施設。言詞盡須決。更擬問如何。船底用鑽鐵。

僧請益湛山三生話。師以頌答。

昨夜三更得一夢。清涼河裏泥牛鬪。天明問取郭大翁。識得南莊李胡子。

拄杖

我有一條拄杖。亘日橫按膝上。大小節目分明。頭尾無非一樣。卓下大地豁開。豎起擎樓萬象。開市若遇知音。回頭

臂背便棒

照用

照時把斷乾坤路、驗破賢愚容、膽魂、饒君解佩、藕秦印也、須歸款候天恩、

用便生擒到命終、却令蘇息盡殘軀、歸款已彰天下報、放汝殘年解也無、

照用同時棒下玄、不容擬議轉愚賢、輪劍直衝龍虎陣、馬塞人亡血滿田、

照用不同時、人人會者稀、秋空黃葉墜、春盡落花飛、

總頌

石門語

卷二

一喝分賓主、照用一時行、會得箇中意、日午打三更、

三玄

報你諸方道、三玄句不分、欲明親的旨、臘月大陽春、

三句

第一句、照刻分明、莫弄幽、更擬進前問、如何西天移來安此土、

第二句、妙用臨機、無差互、開口動舌、勿交淺棒下、分明須薦取、

第三句、問答分明、有言諍、諸方盡有好商量、三歲孩兒皆白苦、

石門慈照聰禪師語 畢

石門語

畧行狀 二張

法華語要 十七張

大愚語錄 二十張

雲峯語錄 四十九張

楊岐語錄 十四張

道吾語要 十一張

第三卷總計一百十參張

○法華和尚名齊舉 一本名全舉 鄉貫姓氏

受業不載得法於汾陽昭和尚年七

十餘臨濟第七世 本朝真宗仁宗

時人

○大愚和尚名守芝太原人姓王氏潞

州承天寺受業得法於汾陽昭和尚

臨濟第七世 仁宗嘉祐中示寂

○雲峰和尚名文悅南昌人姓徐氏龍

興寺受業得法於大愚芝和尚壽六

十六臘五十九臨濟第八世嘉祐中

示寂

○楊岐和尚名文會袁州人姓冷氏筠

州九峯院受業得法於石霜圓和尚
臨濟第八世 仁宗慶曆中住雲蓋
道吾和尚名悟真鄉貢姓氏受業不
載得法於石霜圓和尚臨濟第八世
仁宗時人

舒州法華山舉和尚語要

師入院上堂示眾云夫第一義諦非智辯所詮心微所測
教外別傳不立文字既到這裏復且如何直須坐斷毗盧
不存凡聖還能如是麼若也未名山僧重說偈言云也不
結毗盧印那弘古佛心明月照幽谷寒濤助夜砵諸人參
悉麼各希發問 問昔日靈山分半座師今登陟意如何
師云你承當得麼 問如何是法華境師云後不構前如
何是境中人師云三日後看 問祖意西來事請師直拈
陳師云截耳臥街僧云見者盡攢眉師云非公境界 問
不落今時請師道師云落 問如何是佛師云蘆芽穿膝
僧云如何是道師云七縱八橫僧云如何是道中人師云
緊展頭僧云如何是和尚家風師云廣額旗陀羅 問如
何是祖師西來意師云朱唇皓齒僧云學人不會師云斜
墜搔首 問牛頭未見因祖時爲什麼百鳥銜花師云果
熟猿猱重僧云見後爲什麼不銜花師云疎林鳥不過
問雪覆千山時如何師云樵人迷古路漁父鎖孤舟 問
可來白雲裏教你紫芝歌如何是紫芝歌師云不是吳音
切須漢語 問數日不聞師謗語今朝陞座意如何師云
一年春盡一年春 師乃云夫參學須具擇法眼不得顛
覆若得正眼精明一切無滯不見古人道一句語中須具

三玄、一玄中須具三要、古人恁麼道、意在於何、鵝王擇乳、素非鴨類、

上堂云、卽心卽佛、黃葉止啼、非心非佛、驗病施方、你道、到這裏、作麼生、

上堂云、擬著卽垛生招箭、不擬著、卽三千里外、

上堂云、白眉不展手、長安路坦然、歸堂喫茶去、

上堂云、釋迦不出世、達磨不西來、佛法遍天下、談玄口不開、

上堂云、若開口、又成增語、不開口去、又成剩語、乃云、金輪天子、敕草店家風別、

法華舉

上堂云、菩提離言說、從來無得人、雖然如是不免口過、

上堂云、心不是佛、智不是道、且道、是什麼、刻舟求劍、膠柱調絃、

上堂云、三乘十二分教、只是箇藥方、且道治什麼病、乃云、

父母緣生口、

上堂云、鐘鳴鼓響、鷓鴣噪、為你諸人、說般若講涅槃了也、諸人還信得及麼、觀音勢至、向諸人面前作大神通、若信不及、却往他方救苦利生去也、

上堂云、三世諸佛、口掛壁上、天下老和尚、作麼生措手、你諸人到諸方、作麼生舉、山僧恁麼道、也是久日棒來唇、喝

一喝、

上堂云、古人有一轉、不了底因緣、舉似大眾、分明記取、

上堂云、諸高德、叢林規矩、朝晚二時、上來相見一回、卽不可、若約佛法、塵劫來未曾味、雖然如是、敗種且不發芽、

上堂云、大眾會麼、師子一滴乳、能破八斛鹽乳、記得僧問老宿、如何是佛、對云、不封不樹、大眾會麼、若不會、重下注脚去也、不封不樹、以棘藥、

上堂云、古人道、我若一向舉揚宗乘、法堂裏草深一丈、不可爲闍梨鎖、却僧堂門去也、雖然如是、也是烏龜陸地弄塵行、

法華舉

上堂、舉古人道、一塵起、大地收、師云、一葉落、天下秋、

上堂、舉南泉云、道箇如如、早是變也、今時師僧、須向異類中行、始得、且道、作麼生是異類、中行、乃云、石牛長臥三春霧、木馬嘶時秋後泉、

上堂、舉僧問曹山、如何是一不老、山云、枯木、僧云、如何是一老、山云、不扶持、有僧舉似九峯、峯云、三從六義、諸上座會麼、愛他年少婦、須是白頭兒、

上堂云、語漸也、這都合道、論頓也、不留朕迹、直饒論其頓、返其常、也是抑而爲之、

開爐示衆云、一二三四五、任君顛倒舉、露柱與燈籠、何曾

成佛祖、不惜眉毛者、直下便道取。僧問、未審道箇什麼。師云、潔己輕裝、外瓶盃共毳袍。僧云、正當與麼時、如何。師云、夜禪孤月冷、晨朝片雲高。僧擬議。師云、會麼。僧云、不會。師遂作頌示之云、三十五十、何須更舉、方圓變通、去除佛祖、他未彰名、余不能取。僧問、如何是賓中賓。師云、開口雖無力、吐氣却慚惶。僧云、如何是賓中主。師云、一條新竹、枝三事舊、麻衣僧云、如何是主中賓。師云、峻峴何人顧。坦然孰可聞。僧云、如何是主中主。師云、萬仞齊開、觀千峯露出顏。僧問、如何是主人不主人。師云、春生夏長、秋收冬藏。僧云、如何是主人不主人。師云、一朝權在手、看取令

法華經

四

行時。僧云、如何是人境兩俱奪。師云、寰中天子貴、塞外將軍雄。僧云、如何是人境俱不奪。師云、一等乾坤、日月俱明。問、如何是佛。師云、手不如脚。僧云、如何是諸佛家風。師云、荒田耕不罷、又被別人爭。問、自古及今、不從人得。六祖黃梅傳箇什麼。師云、德山棒。僧云、傳後如何。師云、那用臨濟喝。問、如何是佛。師云、紫雲常捧足、黑霧擁身行。問、法身無形、如何建立。師云、古廟香爐。問、牛頭未見、四祖時如何。師云、新靴鼓子、繫繫響。僧云、見後如何。師云、舊鼓皮寬打不鳴。問、生死事大、請師相救。師云、洞庭湖裏、失却船。問、如何是本源。師云、山高峯峻。問、語不投機、

請師提唱。師云、山藏海納。問、久居巖谷、一物全無、時如何。師云、脚瘦草鞋寬。問、不犯一切、請師提綱。師云、聾人遠聽。問、自知當作佛、未審什麼人證據。師云、諸公剪刀。問、如何是親切一句。師云、佛祖是新州人。問、如何是最初一句。師云、父母未生前。問、如何是不動尊。師云、今日遭逢。問、如何是透法身句。師云、三箇猫兒、一箇獐。僧云、如何是法身。師云、無過於此。問、不動根源、如何接物。師云、惡虎不如善猫兒。問、祖意教意、是同是別。師云、赤水求珠、孫賓打瓦。

法華經

五

僧云、多年枯木、今日重生。師自代云、紅絲曲裏、無金磨碧。旗歌外有文官。僧云、垂下綠絲、重著餌、必然釣得大金魚。僧入室、展坐具、始收。師云、一展一收、法法皆周。擬欲更問、著甚來由。遂問、會麼。僧云、不會。師便打。問、既是善知識、為什麼事、養生殺生。師云、生者自生、死者自死、未雨先驚蟄、只要小蛇知。問、師唱誰家曲、宗風嗣阿誰。師云、頭白海頭黑。僧云、汾陽的、子臨濟兒孫去也。師云、莫亂針。問、法華專使、伸三請、祖意西來、事若何。師云、天晴道路乾。問、德山棒、臨濟喝、意旨如何。師云、截舌三分。僧云、四海傳揚去也。師云、苦痛深。僧問、如何是賓中賓。師云、

冥然渡曉春。僧云。如何是賓中主。師云。莫謾窺門戶。僧云。如何是主中賓。師云。威靈濟滌淪。僧云。如何是主中主。師云。光寒星斗怖。問。如何是賓人不養境。師云。白菊乍開。重日曠百年。公子不逢春。僧云。如何是奪境不奪人。師云。大地絕消息。儵然獨任真。問。如何是人境兩俱奪。師云。草荒人變色。凡聖兩齊亡。問。如何是人境俱不奪。師云。清風伴明月。野老笑相親。僧問。承古有言。須彌爲槌。虛空爲鼓。還許學人打也無。師云。無你下手處。僧云。更不請鈍。師云。我不能打得你。遂頌云。鑿官有鼓高低辨。於此南泉便整齊。背面須來磨土聲。當頭不薦北番提。入番急磨腰。

法華舉

六

下劍出塞。須用自家才。珍重老師不轟破。我在江東君在。西。僧問。學人未遇大機。請師一喝。師云。是什麼機。僧云。大機。師云。若是大機。爭受一喝。僧便喝。師云。一潭綠水兩處洪波。僧有頌云。高提祖印。息狂機。坐臥應須鑑。看知却被明師全打破。外求佛祖豈爲奇。問。承師有言。一物不將來。放下箇什麼。意旨如何。師云。你是了因。放下箇什麼。僧云。佛法無多子。師云。欠我劈脊棒。你作麼生。僧云。元來無許多般。如今却作模樣。師以頌示云。汝錫高飛我。卽依。此生無事亦無憂。雲開任待風吹散。雷取碧潭月正秋。僧問。趙州東門。西門。南門。北門。意旨如何。師云。有問。

有答。僧云。不問不答時如何。師云。却被你道著。以頌示之。云。四般俱已息。六種豈能分。倚南開度日。徧北別無門。巧語從教設。玄辭謾共論。迴出威音外。不到是非垠。僧問。如何是雲門一竅。師云。開張閉合。遂以頌示之。云。雲門一竅坐開心。把斷游人更莫尋。任是有誰居壁上。也教無事訪知音。僧問。如何是本來宗。師云。密室不通風。却問你作麼生會。僧云。春日櫻桃朵朵紅。僧問。如何是本來宗。師云。不問不答。僧云。豈無方便。師云。明明向你道。僧云。謝師方便。師云。汝莫受方便。僧云。官不容針。私通車馬。師云。千山堆皓玉。萬木折寒梅。遂以頌示之。今古甚有。

法華舉

七

方便。是物頭頭露現。迥然萬樣千般。突兀無過有焰。未悟且須保惜。悟了便生厭賤。中下急急著眼。上士誰能顧盼。因僧參有頌。要接諸人向上坡。左手提攜右手過。太陽焰裏分八字。南溟波斯不較多。僧問。要接諸人卽不問。如何是向上坡。師云。意外月微曉。室中燈更明。僧云。左手提攜卽不問。如何是右手過。師云。放開非在手。却閉不從他。僧云。太陽影裏卽不問。如何是分八字。師云。舶主能藏寶。青巾蓋頂門。僧問。如何是西來的的意。師云。與我取拂子來。僧過拂與師。師便打。僧於此有省。遂以頌呈。家師一拂太多端。打破從來滿肚愁。別處不能求妙解。目。

前却覩自家顏。僧問久在途中請師一接。師云虛空烜赫無涯岸。海月圓時別有天。僧云不會。師云却是真箇。遂以頌示之。學道如行路途中未得休直到長安日方能見聖游。

嶺南熟和尚有頌示本禪人云林葉始經秋游雲出幽谷。禪人錫亂飛往復不往復往復不往復六六三十六。師因見乃問作麼生是往復不往復。本云歷歷乾坤外的的宇宙中。師云作麼生是六六三十六。本云今日既然煩道用得師坦蕩至無為。

法華舉

八

師游園見千葉蓮池乃問僧云池在這裏蓮在甚處。僧云白浪起時應難見未覩波澄別却逢。師云明向上事僧却問師池在此蓮在甚處。師云未至日藏青葦外時來透向碧波心。僧遂以頌呈。四海應難見五湖易得存綠波還有月白浪忽成紋柔柔分千葉數株共一根久在池中長誰人折上盤。問七星光彩天將曉不犯皇風試道看。師云將軍馬蹄紅。僧云錯。師便打。僧云灼然。師云七棒對十三僧禮拜。師嗟嗟。問法華曾演汾陽旨白雲今日事如何。師云誰知席帽下元是昔愁人。問驪珠逐月卽不問龍劍銜星事若何。師云寒光急急。問萬里無雲卽不問一條霜刃事如何。師云誰敢動著。僧禮拜。師云小慈妨大

慈便打。問智識不到處時如何。師云三門不曾開。僧云誰是知音者。師云口似鼻孔。問寶劍未出匣時如何。師云住。僧云出匣後如何。師云黑。僧禮拜。師云三三。問如何是佛。師云波斯倚夜臺。問古人道承言者來。滯句者迷。學人總不恁麼時如何。師云點檢舌頭看。僧云官不容針私通車馬。師云伶俐人難得。問明月海雲遮不得舒光直透水晶宮時如何。師云打破了來相見。問佛身充滿於法界未審向什麼處行履。師云眉毛重多少。僧云不離當處常湛然。師云滯殼迷封。問不落言詮請師端的。師云鐵門路峻。問驪龍含月卽且置龍劍銜天試用看。

法華舉

九

師云山河炭峇日月斗昏。僧禮拜。師嗟嗟。僧問如何是佛。師云老僧當門無齒。僧云為什麼如此。師云只爲老僧詢佛。

小參示衆云諸上座。禪僧家以寂住爲本。夫行脚者不在觀州觀府看山門景致。過時爲什麼事。蓋爲生死事大。從上古人凡到所在見一箇村院主也。須問過。如今晚學往還遇不肯遞相博問。記得龍牙問德山。學人仗鎧鉞劍擬取師頭時如何。德山便引頸。牙云師頭落也。德山便休。諸上座莫是德山無機鋒麼。爲當別有道理。乃云德山引頸龍牙劍斮。

小參示衆云、諸上座、佛法有什麼事、也莫見老和尚道、無事便無事去、法身無爲、不墮諸數、古德道、不信佛菩提、是則解空第一、所以道、說佛說祖、談玄談妙、皆屬增減語、既然如是、諸人又向什麼處參、須具行脚、眼始得、乃拈拄杖云、有人道得麼、出來相見、有麼、有麼、衆無對、師云、老僧今日失利。

師因入縣看官、岑員外問、文殊騎獅子、普賢騎象王、和尚爲什麼不乘騎、師云、院中無、外云、達磨乘蓋、渡龍慶江、和尚打轎、又且何妨、師云、山僧不捏怪。

師訪郡主、郎中云、舍弟屯田、不會祖師道、師云、屯田雖不

法華舉

十

會、刑部又且標格不同、中云、雖然如是、奈何心中未達、師云、文彩已彰、中云、不敢、師云、爭敢埋沒、中又云、今時參學人、好教他見德山、師云、見後如何、中大笑、師云、對觀不施、天使牛太保入寺、舉李都尉法身頌、請師指示、師云、天使甚處人事、使云、東京城裏人、師云、東京城裏說話、西京城裏應諾、使云、不會、乞師指示、師云、張公喫酒、李公醉、鍾馗解舞、十拍子、使云、弟子夙生多幸、作禮而去。

威殿入寺、游山行次、見栗種、遂問黃底是、白底是、師云、栗威公、令人提破、師云、今日遭皮剝、威云、也須點檢、師云、今日失利、威到清泉、又問、泉爲什麼太混、師云、昨日山

中大會、威云、今日事作麼生、師云、關從何處來、

手學士、同運使、到院、師云、請學士、祇應運使說話、山僧只知林下事、學云、未審林下事如何、師云、苦益菜羹粟米飯、又云、偏打不防家、

行錄

師至荆南、分金善和尚處、問、回互不回互、師云、總不恁麼、金云、爲什麼喫福昌棒、師云、一家有事、百家忙、金云、爲什麼脫空謾語、師云、事不孤起、金云、入水見長人、師云、調琴澄太古、琢句體全真、遂呈頌云、回互不讓前、當頭戶底閒、罕逢臨濟喝、蹉過老德山、世事從他到、鳥道絕人攀、個

法華舉

十一

儻天然、寂坐斷趙州關、到公安、遠和尚處、問、作麼生是伽藍、師云、深山藏獨虎、淺草露羣蛇、遠云、作麼生是伽藍中人、師云、青松蓋不得、黃葉豈能遮、遠云、道什麼、師云、少年歡盡天邊月、潦倒浮桑勿日頭、遠云、一句兩句、雲開月露、作麼生、師云、照破佛祖、師到荆南、延壽賢和尚、問、海竭人亡、作麼生、師云、毒蛇不咬人、賢云、爲什麼如此、師云、風引溪雲斷、泉銜石徑斜、師到夾山、入眞首座室、眞云、還見麼、師云、萬事全無、眞云、還不見麼、師云、千般皆在手、師遂問、首座、未見澄散聖時如何、座云、湖南江西、師云、見後如何、座云、江西湖南、師云、却共首座一般、座云、打草要

蛇驚師云某甲終不捏怪偶述頌呈 同往韶陽路行來
迴且殊南臺猶不顧北嶺豈能拘有語深藏却無言淺露
珠雖然名得免聲已振西塵 師到神鼎鼎問一朵峯巒
上獨樹不成林作麼生師云水分紅樹淺澗遠碧泉深鼎
云作麼生是回互之機師云盲人却無眼頌云 天曉不
明海既珠情無揆出背擎書劣形駢步愁長路絕念還同
上太虛 師到福嚴承和尚問作麼生是圖容相師云木
人嶺上休相覩石女溪邊更莫逢師遂問如何是和尚圖
容相嚴云老病尋常發踉蹌無較時師云容即不問如何
是圖嚴云法界廣無邊師云圖即不問如何是容嚴云消

法華經

卷十二

却了也嚴遂問不容不圖時如何師云虛空無背面鳥道
絕東西遂呈頌云 溢月流波灌紫微交羅紅淨海心飛
圖容妙相權施設個儻無門說向誰 師在福嚴入惠照
室問承古有言狸奴白牯却知有三世諸佛爲什麼不知
有照云只爲太惺惺師云狸奴白牯爲什麼却知有照云
爭怪得伊師却問如何是福嚴境照云漱泉秋鶴至蟬樹
夜猿過照却問作麼生是南嶽境師云風休林自直雲靜
月彌新照云作麼生是境中人師云草色青隨步藍光碧
照云 師到石霜入慈明室明云作麼生是向上一竅師
云二竅俱明霜云還見七十二峯麼師云有甚掩處霜云

道什麼師云今日觸忤和尚霜便打師云作麼生霜云將
謂收番猛將元來是小小長行師云雅淡呈秋色馨香噴
月華遂呈頌云 收番猛將彼方奇勢劣翻思握劍歸寒
外從教誇勇健寰中爭敢鬪龍威放開急著金牙竅更開
那叱擁節旗猛武英雄能透出張郎窓却目前機 到大
愚芝和尚處問古人見桃花意作麼生師云曲不藏直愚
云那箇且從者箇作麼生師云大街拾得金四隣爭得知
愚云上座還知麼師云路逢劍客須呈劍不是詩人莫獻
詩愚云作家詩客師云一條紅線兩人牽愚云玄洩道諦
當甚諦當又作麼生師云海枯終見底人死不知心愚云

法華經

卷十三

却是師云樓閣凌雲勢峯巒疊翠層遂呈頌云 鳳返自
騰霄漢去靈雲桃樹老鷗栖古今休領桃花意天上人間
不可陸 師到廬山羅漢祖印大師處即舉頌云北斗藏
身事已彰法身從此露堂堂雲門賺殺他家子直至如今
亂度量乃云老僧當時作此頌直得天下老和尚不肯上
座作麼生師云爭敢印云作麼生師云凌晨昇寶座應不
讓南熊遂呈頌云 北斗藏身事坦然法身無狀透何邊
後人不曉前人意水底撐船捉月天 師到栖賢入室問
如何是佛賢云張三李四師云意旨如何賢云餠餅討甚
汁遂呈頌云 去短求長本不移他人與汝未爲奇雖然

構得些些飽終久何曾元得饑。師到祖峯戒和尚處入室戒問作麼生是絕羈絆底人。師云。奮手把馬籠戒云。却是作家。師云。背邊打不著戒云。爲什麼却上來下去。師云。和尚向甚處見上來下去。戒便打。師云。一言無別路千古不來人。遂呈頌云。直上猶難到。回來轉更遲。若言禪與理特地隔須彌。師到蘇州翠峯素和尚處入室舉僧問風穴如何是佛。宋云。嘶風木馬緣無絆。背角泥牛痛下鞭。峯問背鞭一句作麼生道。師云。翻身師子威雄大。爭敢當頭露爪牙。峯云。放你一線道。師云。七顛八倒。峯云。收。師云。了。到翠峯顯和尚處問牛喫草草喫牛。師云。回頭一就

法華舉

古

尾宛轉萬重關。峯云。應知不背面。須教在目前。師云。驗在目前。峯云。自領出去。師到杭州興教入室舉僧問和尚如何是佛。十云。陳橋皮。師遂問意旨如何。教云。貓兒頭上雀兒窠。師遂呈頌云。問佛師言落橋皮。更無一法可相連。眉毛翻起應難見。背向終教是與非。復頌云。寸草密藏師子多。貓兒頭上雀兒窠。擬欲傾窠不卷令。直隨鷄子過新羅。到杭州西菴菴主曾見明招舉一頌云。絕頂西峯上。峻機誰敢當。超然凡聖外。瞥起兩重光。師問如何是兩重光。主云。月從東出日向西沒。師云。菴主未見明招時如何。主云。滿爐油難盡。見後如何。多心易得乾。師

到瑯琊問上座近離甚處。師云。兩浙。瑯云。船來。陸來。師云。船來。瑯云。船在甚麼處。師云。步下。瑯云。不涉程途。一句作麼生道。師云。杜撰長老。如麻似粟。便拂袖而去。瑯遂問侍者。此是什麼人。者云。舉上座。瑯云。莫是舉師叔麼。當時先師教我尋見伊。遂親下旦過堂問。上座莫是舉師叔麼。莫怪某甲適來相觸忤。師便喝。復問。長老何時到汾陽。瑯云。恁時到。師云。我在浙江。早聞你名。元來見解只如此。何得名播寰宇。瑯遂作禮。

頌首山西來意

法華舉

十五

風吹日炙少人知。頂仰先賢對此機。饒君曠劫生前會。耳胡僧也皺眉。

透法身二頌

人問透法身。隨空爲指陳。大地如膠漆。長江波楚聲。須彌起舞。天帝不瞋。一人之力。不如百人。

綱宗

兩刃交鋒事。嶮巖沙場六月雪花飛。如今更擬圖真實。眉應教入素闌。

十二時歌

夜半子。伊余靜坐寒堂裏。月圓日滿不曾虧。方朔由來悞

宮徵

鷄鳴丑、森羅萬象歸元首、一聲聲後九衢開、年光任你侵蒲柳、

平旦寅、烏龜穿破觸巖門、山伯不知何處去、扶桑天子笑忻忻、

日出卯、千門萬戶呈機巧、織成蜀錦與吳綾、到頭成壞行相撓、

食時辰、簾鉅將來不厭忻、寒則著衣飢喫飯、途中往往問疎親、

禺中巳、華藏已開見慈氏、驚起毗盧頂上人、拍手呵呵閑

闌裏、

正中午、髣髴乾城猶未許、金輪天子下閭浮、移却西天作

東土、

日昃未、石室老僧禪未起、門前時有問津人、樓臺擎拳先指示、

哺時申、柴門不掩去來人、石室丹霞謾費力、歷歷分明真不真、

日入酉、時擊疎鐘滿林吼、自他爽味各方圓、町被時人分好醜、

黃昏戌、才燭銀缸昏暗失、嘯魄山童速報來、金烏早向西

方出

人定亥、抖擻壞衣線長在、不羨羅執錦繡袍、迦葉師兄相笑待、

法華舉和尚語要 終

法華舉

十二

鼓山比丘普如、拾長財十千、刊刻

法華舉道者語錄一小編、普為恩有結增上緣、速證菩提同圓種智、

紹興九年八月

題

筠州大愚芝和尚語錄

師陞座。僧問：如何是和尚家風？師云：一言已出，駟馬難追。問：如何是城裏佛？師云：十字街頭石幢子。問：如何是

爲人一句？師云：四角六張，進云：意旨如何？師云：八四九凸。

問：不落三寸時如何？師云：乾三長，坤六短。進云：意旨如

何？師云：切忌地盤虛。問：昔日靈山分半座，二師相見事

如何？師云：記得麼？僧良久。師打禪床一下云：多年忘却也。

師云：且住且住，若向言中取則，句裏明機也。似迷頭認

影，若也舉唱宗乘，大似一場寐語。雖然如是，官不容針，私

通車馬，放一線道，有箇葛藤處，師遂打禪牀一下云：三世

大愚芝前

諸佛盡皆頭痛，且道大家還有免得底麼？若一人免得無

有是處，若免不得，海印發光，師乃豎起拂子云：着箇是印

那箇是光？着箇是光，那箇是印？掣電之機，徒勞佇思，會麼？

老僧說夢，且道夢見箇什麼？南柯十更，若不會，聽取一頌。

北斗挂須彌，枝頭挑日月。林泉好商量，夏末秋風切。

開堂升座。僧正宣疏，白禪罷。有僧問：大用現前，不存軌則。

請師揮劍。師云：點眼知人意，看取令行時。進云：腦後穿。師

云：齋後鐘。問：如何是佛法大意？師云：推天磕地。問：心

法無形，如何彫琢？師云：一丁兩丁。進云：未曉者如何領會？

師云：透七透八。問：如何是大愚境？師云：四面峯巒秀，公

江一帶清。進云：如何是境中人？師云：滿城公子貴，林下道

人棲。問：拈槌豎拂，卽不問，當機一句事如何？師云：焦頭

燎面。進云：雷音已徹青雲外，向上極則又如何？師云：且領

前話。乃云：問話且住，淨名杜口，猶涉繁詞。達磨西來，平

欺漢地，放一線道去也。放箇葛藤處，所以李長者云：有情

之本同智海，以還源抱識，合流總法身而爲體。諸仁者，既

是總法身而爲體，還知道須彌吞却法身，法身吞却須彌

麼？諸仁者，朝夕與古佛同參，與諸方老和尚同參，山僧今

日與大眾同參，且道參箇什麼？如是定當得，且認得箇着

衣喫飯，猶去衲僧半月程在。若定當不得，來年更有新條

大愚芝前

在，惱亂春風卒未休。

上堂。僧問：如何是道？師云：八斛四斗。進云：如何是道中人

師云：煮粥煨飯。問：寶劍未出匣時如何？師云：切忌道着。

進云：出匣後如何？師云：天魔腦裂。乃云：舉一步，須彌定

峇海水騰波，不舉一步，放微塵國土。助一切諸佛出興於

世，轉大法輪，還信得麼？若信得，西瞿耶尼喫飯去。

上堂。僧問：如何是祖師西來意？師云：白日燒地，眠夜間炙

地臥。問：既是清淨法身，爲什麼却染污？師云：頭出頭沒。

進云：爲什麼如此？師云：只爲如此。問：古鏡未磨時如何？

師云：照破天下人。問：磨後如何？師云：黑似漆。

上堂僧問洪鍾護學大衆雲臻祖意西來乞師垂示師云六丁六甲進云未曉者如何領會師云會卽錯問馬師未見讓師時如何師云緊進云見後如何師云切問如何是佛師云鋸解秤槌師云德山入門便棒臨濟入門便喝一棒一喝若雙拳而互出賓主未辨恁恁而萬里鄉關照用雙行擬擬而千差塞路諸上座到者裏如何話會乃云棒喝齊施早已賒古今皆贊出周遮二途不涉憑何說南海波斯進象牙

上堂僧問特上來伸三拜乞師分付拄杖子師云科進云恁麼則功不虛施也師云重

大愚芝

因請首座開堂僧問承和尚有言一人悟道三界平沈首座悟道三界還沈也無師云不淹不抑進云一言纔出大地全收師云落三落四師乃云爲衆竭力蓋爲衆救同肩一處喫飯莫是人各披一條同鍋喫飯麼此是分見還知道三世諸佛共披一條所以釋迦身長丈六留下袈裟與彌勒彌勒身長千尺披得恰好何故如此蓋爲長者長法身短者短法身要得易會麼古佛與露柱相交佛殿與天王鬪額若也不會單重交拆

上堂云有時一喝只作一喝用有時一喝作探竿影草有時一喝如踏地師子有時一喝如金剛王寶劍若是金剛

王寶劍不敢正眼觀光觀著一老身失命乃有頌云不是千將萬將關四氣吹匝內青蛇吼逢妖任便揮若得全提老當做豈失時狀虎驚得走大衆盡擡眉

上堂云大愚相接大雄孫五湖雲水競頭奔競頭奔有何門擊箭寧知枯木存枯木存一年還曾兩度春兩度春張裏真珠微與人微與人思量也是菓西秦

舉僧問汾州和尚如何是接初發句州云汝是行脚僧如何是辨納僧句西方日出卯如何是正令行句千里待來呈舊面如何是立乾坤句北俱盧州長鞭米食者無食亦無瞋師云將此四句語以驗天下衲僧子細思量將此四

大愚芝

句語被天下衲僧一時勘破

大愚芝和尚前錄

筠州大愚芝和尚語錄

府主李密諫請就上蓋開堂乃拈香恭為今上皇帝萬

歲太后千秋又拈香云此一瓣香奉為府主密諫洎闔

郡官僚常居祿位此一瓣香奉為施主檀那左建龍象

師乃云還有人爭得落處麼若爭得隨機利物應化無

方天上人間出沒卷舒縱橫自在若也未參落處釋迦老

子三世諸佛二十八祖天下老和尚一時拋在爐中從歸

老僧葛藤時有僧問如何是佛師云還記得麼僧云若

不請益爭知如是師擊禪牀一下云早是忘却了僧云放

和尚一線道師云一任踈眠問如何是洪州境答云膝

大愚之

三閣下千峯秀孺子亭前薄雲生僧云如何是境中人答

云出入敲金鐙朱衣對錦屏問如何是翠巖境師云洪

井泊泊急山高勢近人問如何是境中人師云朝去暮歸

師復云問話且止山僧道薄人微素無德行叨承密諫

諸官僚同伸堅請陞於此座上答皇恩國祚永安法輪

常轉且道法輪作麼生轉欲得會麼須彌山上倒翻身却

來堂中疊足坐阿呵呵是什麼鉢盂裏坐却受餓和泥合

水與麼過上士聞之熙熙下士聞之肯可子細思量却成

口過要會麼一六三四直言曲七一桃李火中開黃昏

候日出久立尊官伏惟珍重

上堂云翠巖路滑徒勞妙思又云翠巖路險巖舉步涉千

谿更有洪源水滔滔在嶺西擊禪牀下座

上堂云燕婦擔柴賣玉辨價藥多病甚便下座

上堂舉雪竇和尚云一問一答總未有事在假饒盡大地

乾坤草木叢林盡為衲僧異口同音致百千問難不消老

僧彈指一下此乃高低普應前後無差師云翠巖即不然

盡乾坤大地微塵化為衲僧各致一問問問各別却向伊

道你許多衲僧皮下還有血麼

上堂云為衆竭力禍出私門便下座

大愚之

多少人

上堂舉盤山頌云光非照境境亦非存光境俱忘復是何

物師乃豎起拂子云微塵諸佛光明總在這裏照破你諸

人心肝五臟脾胃肝膽衲僧面前不得道著切宜忌口擊

禪牀下座

小參示衆云一聲響玲瓏喧轟宇宙通知音繞側耳頃刻

過江東與麼會恰認得驢鞍橋作阿爺下領

小參示衆云僧中有奇人俗士中亦有奇人聖朝揚億侍

郎有頌云八角磨盤空裏走金毛師子變作狗擬欲藏身

北斗中應須合掌南辰後師云要會麼一偈播諸方塞斷

納僧只下座

上堂云、有句無句、如藤倚樹、樹倒藤枯、恰認得箇倒根處

上堂云、霧卷雲收、江山迴秀、不傷物義、波斯去帽

上堂云、蒼言及細語、皆歸第一義、諸上座、每日上來、老僧

說夢、誰嚇諸人、雖然如是、子承父業、賺殺多少人、下座

上堂云、十地驚心、二乘同測、銅頭鐵額、擊禪牀下座

上堂云、端然據坐、度脚買靴、左視右顧、不準一錢

上堂、舉先翠巖云、我一夏與師僧東說西話、你看我眉毛在麼、保福云、作賊人心虛、師云、何故如是、得人一牛、還人

一馬、下座

大愚

三

上堂云、大洋滂底、排班位從頭第二鬢毛斑、爲什麼不道

第一鬢毛斑、要會麼、金葉銀絲成玉露、高僧不坐鳳凰臺

下座

上堂云、豎窮三際、橫徧十方、拈起也、帝釋心驚、放下也、地

神膽戰、不拈不放、喚作什麼、自云、蝦蟇、下座

上堂云、若有仙陀者、更不待毫光、下座

上堂云、三世諸佛、不知有、狸奴白牯、却知有、乃拈起拂子

云、狸奴白牯、總在這裡、放光動地、何謂如此、兩段不同、下

座

上堂云、德山入門便棒、臨濟入門便喝、翠巖這裏、卽不然

三門前、好與三十棒、何謂如此、棒喝齊施、早已賒、古今皆

贊絕周遮、二途不涉、憑何說、南海波斯獻象牙、下座

上堂云、大眾集定、現成公案、也是打探不辦、下座

上堂、拈起香匣云、明頭暗合、道得天下橫行、若道不得、且

合却、下座

上堂云、砂裏無油事可哀、翠巖嚼飯、饒嬰孩、他時好惡知

端的、始覺從前滿面灰、擊禪牀下座

因筠州張十郎到、上堂云、久思張處士、相別十餘月、今日

上山來、鐵鉢煮山蕨、歸去到筠陽、但請與麼說

大愚

上堂、僧問、一切有爲法、如夢幻泡影、眞實事、請師舉、師云、

兩段不同、向下文長、問滿身是眼、口在什麼處、師云、三

跳、僧云、學人不會、特伸請益、師云、章底詞、秋罷歌、韻向春

生、師乃云、雲收霧卷、江山白、皎日凝波、又多途、下座

拈古

舉外道問佛、不問有言、不問無言、世尊據坐、外道云、世尊

大慈大悲、開我迷雲、令我得入、師云、大小世尊、被外道

當面塗糊、只如外道云、令我得入、要且不曾夢見、既不曾

夢見、爲什麼悟去

阿難問迦葉、佛傳金襴外、別傳箇什麼、迦葉名阿難、難應

諾、迦葉云、倒却門前剎竿著、師云、千年無影樹、今時沒

底靴

五通仙人問佛云、佛有六通、我有五通、如何是那一通、佛名五通仙人、仙人應諾、佛云、那一通你問我、師云、五通仙人、如是問佛、如是答、要且不會、那一通、

祖師問童子云、汝從何來、子云、我心非往、祖云、你住何所、子云、我心非止、祖云、汝無定也、子云、諸佛亦然、祖云、你非諸佛、子云、諸佛亦非、師云、祖師一問、童子一答、總欠會在、如今諸人作麼生會、

屬賓國王、仗劍問師子尊者云、師得蘊空否、者云、已得蘊空、王云、還離生死否、者云、已離生死、王云、既離生死、當施

大愚芝

三

我頭者云、身非我有、豈況於頭、王斬之、白乳高數尺、王臂自落、師云、當時尊者引頸、王便舉刃、當恁麼時、有人出來、諫得住麼、至今無人斷此公案、如今衲僧作麼生斷、傳大士云、夜夜抱佛眠、朝朝還共起、起坐鎮相隨、如身影相似、欲識佛去處、只這語聲是、玄沙云、大小傳大士、只認得箇昭昭靈靈、師云、認與不認、來年更有新條在、惜亂春風、卒未休、

寶公令人傳語、思大和尚云、何不下山來、教化眾生、一句目視雲漢、作什麼、思云、三世諸佛、被我一口吞盡、何處更有眾生可度、師云、思大只見錐頭利、不見鑿頭方、

臨濟見僧來、豎起拂子、僧便禮拜、濟便打、師云、這僧有理、不伸、死而不予、如今且作麼生、與這僧出氣、

思和尚問神會、從什麼處來、會云、曹溪來、思云、你在曹溪得何意旨、會振身而立、思云、猶帶瓦礫在、會云、和尚這裡莫有真金與人麼、思云、設有、向什麼處著、師云、真金瓦礫、錯下名言、如今喚作什麼、

思和尚令石頭送書與諶和尚、回來、與你一箇鉏斧子、住山、石頭才到、便問、不求諸聖、不問己靈、時如何、諶云、子問太高生、何不向下問、頭云、乍可永劫受沈淪、不從諸聖求解脫、便歸去、思云、書達否、頭云、書亦不達、信亦不達、云、

大愚芝

六

蒙和尚許箇鉏斧子、便請、思垂下一足、頭便禮拜、師云、思和尚垂足、石頭禮拜出去、要且不得他鉏斧子、且道後來石頭月箇什麼、

五渡到石頭、便問、一言相契、即住、一言不契、即去、石頭據坐、渡云、與麼則不相契也、便出、石頭名云、關梨渡、回首、頭云、從生至老、只是這箇、回頭作麼、渡忽然大悟、便拗折拄杖、洞山云、當時若不是五渡先師、也大難承當、雖然如是、猶涉途在、師云、石頭據坐、五渡便去、石頭占他、却成多事、

有尼參臨濟、要開堂、諶空勸云、你有五障、不得開堂、尼云、

龍女成佛有幾障空云龍女現十八變你試變看尼云不是野狐精變箇什麼空便打數下師云且道尼具眼麼只擔得箇斷貫索且作麼生會

僧問藥山學人有疑請師決山云晚間上來爲聞梨決疑至晚上堂大衆集定山云今日決疑僧在麼其僧便出來山下座把住云大衆這僧有疑與一推便歸方丈師云藥山決疑土上加泥然雖如是這僧也不得辜負藥山藥山尋常不爲師僧說話院主白云堂中師僧久思和尚示誨山云槌鐘著大衆集定便歸方丈院主隨後問云和尚許爲大衆說話爲什麼一言不措山云經有經師論有

論師爭怪得老僧師云藥山歸方丈當初院主怪藥山不爲他說話可謂誤他三軍

藥山示衆云智不到處切忌道著道著卽頭角生道吾便出去雲巖問藥山智師兄爲什麼不祇對和尚山云却是智頭陀會你未問取雲巖却去問師兄適來爲什麼不祇對和尚吾云我今日頭痛你問取和尚雲巖遷化了吾云雲巖不知有悔不當初向伊道雖然如是要且不違藥山之子師云雲巖不知有悔不當初向伊道只如道吾與麼道還有也無

大慈和尚云老僧一生不會答話只解識病時有僧出來

不慈便歸方丈師云這僧出來大慈便歸方丈甚無道理什麼處是識病處如今也須子細

僧參汝州南院纔到面前僧云敗也院引拄杖向僧面前僧無語院便打師云這僧只知頂上生光不知脚下有刺

觀和尚見新到來作勢引次以引示之其僧便去觀至晚間問首座新到在什麼處座云當時便去觀云是卽是得一極師云觀和尚道他得一極大似壓良爲賤何故爲他彼此是出家兒

南泉拈起蕨菜問杉山這箇大好供養山云非但者箇百味珍饈他亦不顧泉云雖然如是總須嘗過師云與麼道還免得麼若免得去未具眼在若免不得又違前言

魯祖見僧來便面壁師云魯祖何勞如此不用面壁若有僧來云見什麼知時好

鄧隱峯在襄州破威儀堂只著襯衣拈靜棹云道得卽不打道不得卽打衆皆默然峯便打師云此語有勘破處且道勘破阿誰

臨濟上堂有僧出立濟便喝僧禮拜濟便打師云臨濟也大正如今作麼生會

僧問洞山。時時勤拂拭。莫使有塵埃。爲什麼不得他衣鉢。
山云。直道本來無一物。也未得他衣鉢在。師云。總不得他衣鉢。與佛同參。且道參得阿誰。

同光帝問興化。朕收得中原之寶。只是無人耐價。化云。如何是陛下。中原之寶。帝引手展懷頭脚。化云。君王之寶。誰敢耐價。師云。興化下一著語。可謂耐耐。如今作麼生斷。靈雲悟桃花頌。三十年來尋劍客。幾回落葉又抽枝。自從一見桃花後。直至今更不疑。遂舉似瀉山。山云。從緣得入。永無退失。汝善護持。又舉似玄沙。沙云。諦當甚諦當。敢保老兄未徹在。師云。有人如今問玄沙。意作麼生。且道這

箇人還徹也未。

大愚之

九

師濟上堂。有僧出來。濟便喝。僧亦喝。便禮拜。濟便打。僧無語。師云。師濟也太心寬。好彩是這僧。若是今時衲僧。且作麼生出氣。

地藏問僧。什麼處來。僧云。南方來。藏云。南方有何言教示徒。僧云。彼中金屑雖貴。眼裏著不得。藏云。我道須彌山在你眼裏。師云。且道地藏還免得這僧眼麼。

僧問趙州。木耳三藏。第三度覓國師。不見。未審在什麼處。州云。在木耳三藏鼻孔裏。師云。只如三藏還免得國師鼻孔麼。

國師三喚侍者。侍者三應。國師云。將爲吾辜負汝。誰知汝辜負吾。師云。國師與侍者。總欠會。在。如今作麼生會。

欽山問德山云。天皇也與麼道。龍潭也與麼道。未審德山如何道。德山云。你試舉天皇龍潭底。欽山擬議。德山便打。師云。欽山只顧其前。不顧其後。如今作麼生與欽山出氣。

大愚之

一十

石鞏爲獵人。趁一鹿。從馬祖庵前過。問云。還見我鹿麼。祖云。你是甚人。鞏云。我是獵人。祖云。你會射麼。鞏云。解射。祖云。一箭射幾箇。鞏云。一箭射一箇。祖云。你不解射。鞏云。和尚莫解射否。祖云。我解射。鞏云。一箭射幾箇。祖云。一箭射一羣。鞏云。彼此生命。何用射他。祖云。你既。如何不自射。鞏云。若教某甲自射。直是無下手處。祖云。這漢無明煩惱。頓歇。鞏於是。以刀斷髮。在庵中執侍。師云。馬祖一箭射一羣。猶未會射。山僧一箭射盡動舍靈。無不中者。雖然如是。只道一半。留一半與後人道。

木禪佛參仰山。翹一足云。釋迦老子亦如是。西天二十八祖亦如是。和尚亦如是。某甲亦如是。仰山打四藤條。師云。此不得作賞。不得作罰。如今作麼生會。

香嚴示衆云。如人上樹。口銜樹枝。脚不踏樹。手不攀枝。人問西來意。擬欲酬他。又恐身失命。不對他。又違他所問。

師云問者答者俱不免喪身失命如今衲僧作麼生會

玄沙示衆云諸方老宿盡道接物利生忽遇三種病人作麼生接患盲者拈槌豎拂他又不見患聾者語言三昧他又不得患瘧者教伊說又說不得且道作麼生接若接此人不得佛法無靈驗師云早知燈是火飯熟也多時

玄沙上堂衆集定以拄杖一時趁下向侍者道我今日峻入地獄若箭射者云且喜和尚再復人身師云大小玄沙前不至村後不至店且作麼生道得出身路

龍牙問翠微如何是祖師西來意微云與我過禪板來牙取禪板微接得便打牙云打卽任打要且無祖師意又問

大愚

上

臨濟如何是祖師西來意濟云與我過蒲團來牙取蒲團濟接得便打牙云打卽任打要且無祖師意後住龍牙僧問和尚却時問二尊宿祖師意此二尊宿道明也未牙云明卽明矣只是無祖師意師云當初如是如今衲僧皮下還有甚麼

南泉歸宗麻谷禮拜國師到半路南泉於地上畫一圓相云道得卽去歸宗入內坐麻谷作女人拜泉云與麼則不去也宗云是什麼心行師云當初若見每人打一棒且得天下太平

法燈和尚示衆云某甲本欲居山藏拙養道過時奈緣先

師有不了底公案出來了却時有僧問如何是先師不了公案燈打一拄杖云祖禪不了殃及兒孫僧云某甲有什

麼過燈云過在我殃及你師云爲衆竭力福出私門

龍牙問德山學人收得鑊鉞擬取師頭時如何山云你向什麼處下手牙指地後到洞山纔人事了便舉前話洞山拽拄杖云還我德山頭來牙無語洞山便打師云當斷不斷如今作麼生斷

雲居齊和尚問僧從什麼處來僧云堂中來居云何得自誤師云若不如是爭知如是

豐干欲遊五臺謂寒山拾得云你若共我遊臺便是我同

大愚

上

流你若不共我遊臺不是我同流寒山云你去遊臺作什麼干云禮拜文殊中云你不是我同流師云豐干大似辯才遇蕭翼

瀉山問仰山甚處來仰山云田中來瀉山云田中多少人仰山插鋤叉手而立瀉山云南山大有人刈茆仰山拔鋤便行師云只得一板諸人別有會處麼

南泉一日兩堂爭貓兒泉遂提起云道得卽不斬衆無語泉便斬後舉似趙州州將草鞋戴頭上出去泉云子若在救得貓兒師云大小趙州只可自救

僧問六祖黃梅意旨什麼人得祖云會佛法人得僧云知

尚還得否。祖云：不得。僧云：和尚爲什麼不得。祖云：我不會佛法。師云：會得二頭，不會三首。作麼生道得出身路。僧問趙州：狗子還有佛性也無。州云：無。僧云：一切衆生皆有佛性，爲什麼狗子無佛性。州云：他有業識性在。師云：說有說無，也好兩彩一賽。如今作麼生道。

雲蓋問石霜：萬戶俱開，卽不問。萬戶俱閉時如何。霜云：堂中事作麼生。蓋云：無人接得。霜云：道也無道，只道得八九成。蓋云：却請師道。霜云：無人識得。師云：先行不到末後太過。

紫湖和尚夜於僧堂前叫捉賊。大衆皆驚，有一僧堂中出。

大意文

十三

紫湖攔胸抱住云：捉得也，捉得也。僧云：某甲不是。湖云：是卽是，只是你不肯承當。師云：紫湖買帽相頭。

趙州一日雪裏臥，吐云：相教相教，有一僧亦來邊臥。州便起去。師云：這僧在趙州園裏，還有人出得麼。

洞山普請次，巡察見一僧不出。山云：你何不出。普請僧云：某甲不安。山云：你尋常安時，又幾曾去。師云：且道此僧幾曾不去。

龍居士問大梅和尚：久響大梅，未審梅子熟也未。梅云：你向什麼處下口。士云：百華林。梅云：還我核來。師云：此二人前不至村，後不至店。

魯祖見僧來，便面壁。南泉云：我尋常不欲向師僧道，未具胞胎已前會取，尚不得一箇半箇。魯祖與麼驢年去。師云：大愚者裏卽不然。未具胞胎已前會得，打折你腰。

中邑和尚見僧來，乃拍口作和聲。仰山來，邑亦拍口。山從東過西，邑又拍口。山從西過東，邑又拍口。山當面而立。邑云：你從何得。山云：從過山得。山却問邑：師從何得。邑云：我從章敬得。師云：看兩箇老和尚，可煞漏逗對面相謾。耶云：慈人莫向慈人說。

大意文

十四

達磨臨順世時，謂子祖云：你在吾身邊得箇什麼。祖禮拜依位立。磨云：汝得吾髓。師云：二祖被達磨塗糊道得髓。

皮也未夢見，因什麼。紹嗣祖師位。

秘魔巖常持一叉，見僧來乃云：道得也，又下死，道不得也，又下死。後大禪佛來，跳向秘巖懷裏，巖便撫大禪背三下。大禪起來，斫手云：三千里外賺我來。師云：還有賺處也無。非但賺他大禪佛，大愚今日也賺大衆上來。耶云：雷聲浩大，雨點金銀。

仰山有僧來，辭山以手劃一劃，其僧不去。山又劃一劃，其僧乃去。師云：前爲什麼不去，後爲什麼却去。要會麼，待

爲注破前一劃與後一劃，都成兩劃。

佛在日，有一女子，旋遶世尊三匝，乃入定，世尊敕文殊出。

此女子定、文殊盡其神力、不能出得女子定、世尊云、下方去四十二恒河沙國、有闍維菩薩、能出此女子定、于時同明至女前、彈指三下、女子從定而出、師云、文殊是七佛之師、爲什麼出女子定不得、闍維具什麼神力却出得、要會麼、僧投寺裡宿、賊入不良家、

文殊問無著、近離什麼處、著云、南方、殊云、南方佛法如何、住持、著云、末法比丘、少奉戒律、殊云、多少衆、著云、或三百或五百、著却問、此間佛法如何、住持、殊云、龍蛇混雜、凡聖同居、著云、多少衆、殊云、前三三、與後三三、師云、文殊道前三三、後三三、作麼生會、要會麼、千年無影樹、今時沒底

大書史

十五

批

古人道、我有一句子、待橫牛生兒、卽向汝道、師云、我卽不然、橫牛生兒、也不向你道、何故如是、若向你道、何處更有王老頭、

道吾聞起州來、吾取豹皮褌著、將言瞭杖、於三門下、翹一足、州纔到、吾便唱諾、州云、小心、伏事著、吾又唱諾、師云、有人見得此二人落處、不妨具眼、若不知落處、未具眼在、乃擊禪牀一下云、若也不會、打與三百、

德山小參、示衆云、今夜不答話、有問話者、三十棒、有僧出禮拜、德山便打、僧云、某甲話也未問、和尚爲什麼打某甲、

德山云、你是甚麼人、僧云、新羅人、山云、未踏船舷、好與三十棒、師云、時人盡道、德山作家用得好、若與麼、還曾夢見麼、大愚道、德山被這僧一推、直得瓦解冰消、雖然如是、今時覓一箇尊宿、也大難得、

普賢菩薩入定、遍觀三千大千世界、覓普賢菩薩、不見、未審普賢在什麼處、佛言、汝但於靜三昧中、起一念、必見、普賢在空中、衆六牙白象、師云、諸人若且作麼會、普賢推倒世尊、世尊推倒普賢、你且道普賢在什麼處、

劍頌

大愚史

十六

耀日光勢還曾結衆疑、吹毛橫宇宙、擬把却施爲、瞥起和根去、擡眸早已遲、投機須得妙、何處覓牟尼、

筠州大愚芝和尚語錄 終

雲峰悅禪師語錄序

無為楊 傑 撰

祖師門下正令全提坐斷十方壁立千仞摩竭掩室已涉塵勞淨名杜辭自彰瑕謫別傳一句盜賊破家不失本宗狐狸戀窟

雲峯悅序

西山谷口南嶽峰前有大沙門曾行是令叢林學者輻湊景從報緣將終辭眾坐逝舍利充溢激射寶龕末後度人不可勝數後三十年黃梅齊曉山主求無為子序其錄云禪師諱文悅鍾陵人也

雲峯悅禪師初住翠巖語錄

門人 齊曉 編

師在同安受請陞座僧問師唱誰家曲宗風嗣阿誰師云新長老不答語進云恁麼則大愚的子弟汾陽親孫師云放你二十棒師乃云山僧今日平地喫交了你你等諸人還知敗闕麼然官不容針私通車馬拍禪牀下座

次夜小參僧問昔日靈山分半座二師今日意如何師云天高誰側首進云恁麼則昔日靈山今日翠巖也師云地濶少知音學人喝師便打僧問抱璞投師請師雕琢師云不雕琢進云為什麼不雕琢師云雲從龍風從虎僧

雲峯悅

問佛不化本國和尚為什麼歸鄉住持師云放過一著僧擬議師便打乃云莫更有作家禪客本分衲僧何妨出來共相證據有麼布袋裏盛錫子不出頭來也大好大凡扶豎宗衆亦須是箇人始得若未有奔流度刃石火電光底眼不勞拈出臨濟大師與德山坐次德山云今日因禪云老漢癡語作麼山擬拈棒濟便掀倒禪牀師云奇怪語禪德看此二員作家一撥一捺略露風規大似把手上高山然雖如是未免徇觀者哂且道誰是徇觀者喝一喝擊禪牀下座

離同安衆請上堂僧問今離鳳嶺將屆龍沙如何是不動

尊師云天寒雨至進云特地上來伸此問師爲如何不指南師云緊帽草鞋乃云山僧道慚荒薄德揣無堪豈謂使命遐飛僧徒雲謁此蓋堂頭和尚友于情深發揮道膺但勵履冰之志敢忘報德之誠而又翠巖一行專使附近四十餘人數日之間頗多喧聒其於感愧併集山懷兼此者一行參隨高德既結成人之美更敦尅志之心其如跋涉長途各希愛護然出家遠士以利人爲己任動若行雲止猶谷神豈有心於彼此情繫於動靜者哉既無心於彼此亦無象於去來所以紅紅自彼於我何爲如是則冀諸上人高樓金錫輕卷雲袍明日遂行胡往弗利

雲峯悅

二

在上藍開堂宣疏罷師指法座云還有不受人謾底麼有卽出來推倒禪牀喝散大眾然未是作家也且教得一半還有麼良久云既無人出來山僧今日不惜眉毛不免指鹿爲馬翻日作月去也三十年後莫錯怪人好便陞座祝聖畢又拈香云大衆此一瓣香天不能蓋地不能載塵沙諸佛天下老師未敢正眼覷著諸人向什麼處摸索然官不容針私通車馬奉爲先翠巖芝禪師乃加趺而坐維那白槌云法筵龍象衆當觀第一義師云祖稱不了殃及子孫事到如斯寧容分雪所謂出世利生之事呼爲第一義門但有言說都無實義諸人若也委悉山僧出

世事畢其或未然有疑請問僧問承教有言若有問法

者無一不成佛此日朝蓋麻筵如何是法師云劍遇遠矣爾方刻舟進云大愚山上曾施力豫章今日正宣揚師云

臨崖看潄眼特地一場愁問師唱誰家曲宗風嗣阿誰

師云識法者懼進云一言纔出駟馬難追師云放過一著僧撫掌師云自領出去問朝蓋已伸三請禮乞師一句

露尖新師云重言不當吃進云恁麼則雲散家秋月春來處處花師云所願望扶桑問師有衛天之略學人有入

地之謀兩陣交鋒如何卽是師云山僧打退鼓僧擬議師便喝學云相逢盡道休官去林下何曾見一人師云也出

雲峯悅

三

去乃云問話且止佛法正論非競辨而可求擊揚鉞鎗

以摧異學諸祖之道豈其然乎所以一大藏教不能自詮十方諸佛不能提唱輝騰今古迴絕見知圓滿十虛寧有

方所只爲情生智隔想變體殊雖終日行而不自覺是以勞他先聖迴首塵勞曲開方便方便卽有還證明得麼若

也證明得便能隨機利物應化無方出沒卷舒人間天上然雖如是卽不得向衲僧門下何故笑破他口

師入山大衆出接首座問德山宗乘卽不問作麼生是師濟大用師云你甚處去來首座擬議師便掌首座云勝三

閣又作麼生師喝云領衆歸去入院陞座僧問鼓聲絕

名香燕，聯濟德山請師決。師云：頭戴天腳踏地，進云：學人今日失利去也。師云：錢唐去國三千里，進云：真善知識。師云：放你一頓。問：知師久蘊囊中寶，今日當機事若何。師云：何不高聲問。進云：怎麼則學人退身去也。師云：還我話頭來。學云：諾。師云：杜撰。納僧。乃云：山僧昔年曾到，今日重來，非唯人事增歡，抑亦林泉如秀，且道不傷物義一句作麼生道。良久云：天高東南地傾西北，下座。

上堂，僧問：師登寶座，舉唱宗乘，學人上來請師垂示。師云：楚石不當玉，進云：相識滿天下，知心能幾人。師云：朽木不可雕。復云：此是普光明殿華嚴師子之座，人天普集，凡

雲峯院

四

聖共居，今日曲順人情，如何剖露。若以宗乘舉唱，直須大地荒涼，就下平高，未免遭他笑怪。且道不落化門一句，作麼生道。良久云：惜取眉毛好，便下座。

上堂，諸佛出世，平地陷人。祖師西來，承虛接響，一大藏教誑說閭閻，明眼衲僧，自救不了。諸人到這裏，憑何話會。良久云：為東場力，禍出私門。擊禪牀，下座。

上堂，寶劍已失，虛舟徒刻，買帽相頭。江南江北，擊禪牀，下座。

上堂，僧問：如何是道。師云：路不拾遺。進云：如何是道中人。師云：草賊大敗，僧禮拜。師座一聲。乃云：席濟先鋒，放過

一著。德山後令且在一邊，獨露無私一句，作麼生道。良久云：翠巖今日失利，以拂子擊禪牀，下座。

上堂，三轉法輪於大千，其輪本來常清淨。呼婆尸佛，在佗諸人眉毛眼睫上，放光動地，轉大法輪，看看見諸人不會，却向翠巖拂子頭上，般涅槃去也。擊禪牀，下座。

上堂，僧問：名喧宇宙，知師久翠巖家風。略借看。師云：滑石不打連底凍。僧便喝。師云：作什麼。僧擬議。師便打。問：鴻門未踏時如何。師云：拈進云：踏後如何。師云：裂進云：怎麼則天下歸漢去也。師座一聲。乃云：千人排門，不如一人踏關。一人踏關，千人萬人得到無疑安樂之地，豈不快哉。

雲峯院

五

如今還有踏關者麼。良久云：見義不為，何勇之有。擊禪牀，下座。

上堂，拈起拄杖云：金鱗不現，虛勞力收取。絲綸歸去來，擲拄杖，下座。

上堂，過去諸佛已滅，未來諸佛未生，正當今日，佛法委在翠巖。放行，則隨機利物，把住，則瓦解冰消。且道：把住好，放行好。良久云：咄，這野狐精，以拂子擊禪牀，下座。

上堂，觸磨常干世界，鼻孔摩觸家風。葛拈起拄杖云：玄沙老子穿過了也。會麼。復云：無人過價，打與三百。擊禪牀，下座。

上堂僧問實劍未出匣時如何師云在匣裏進云出匣後如何師云京三汴四問如何是和尚家風師云大木大皮裘進云忽遇客來將何祗待師云小木小皮纏問如何是祖師西來意師云解纜放船問如何是佛法大意師云天長地久進云恁麼則大盡三十日小盡二十九師云釋迦老子爲什麼失却鼻孔僧無語師云脫空謾語漢復云真不掩偽曲不藏直現在可驗固是護人眼不得且作麼生是諸人眼還驗得麼若也驗得翠巖瓦解水鎖若驗不得分付德山和尚便下座

四月八日上堂僧問如何是佛師云寸釘入木進云意旨

雲峯悅

六

如何師云三生六十劫復云教中道四月八是佛生之日故大光明照耀十方地湧金蓮華自然捧雙足東西及南北各行於七步分手指天地作師子吼聲上下及四維無能尊我者後來雲門太師舉了云老僧當時若見一棒打殺與狗子喫却且圖天下太平師云奇怪諸禪德雲門雖有定亂之謀且無出身之路若也辯得許你頂門具一隻眼便下座

上堂翠巖今日不惜眉毛向你諸人道一大藏教祖師西來天下老和尚橫說豎說並不是衲僧分上事且作麼生是衲僧分上事驀拈起拄杖云這一隊漆桶便下座

上堂竿木隨身逢場作戲然雖如是一手不獨拍衆中莫有作家禪客本分衲僧何妨出來共相唱和有麼時有僧出禮拜師云依倚似曲纔堪聽又被風吹別調中下座上堂僧問靈山拈花意旨如何師云一言纔出駟馬難追進云迦葉微笑意旨如何師云口是禍門問國師三喚侍者意旨如何師云有年有德復云不用愛聖聖是空名不用厭凡凡是妄立若得聖凡情盡喚作體露真常所以古者道但盡妄緣卽如如佛諸人還信得及麼若信得及止宿草庵且居門外三十年後鼻孔撩天莫錯怪人好擊禪牀下座

雲峯悅

七

上堂官不容針私通車馬今日不惜身命與大衆舉箇古人話良久云毗婆尸佛早雷心直至如今不得妙便下座上堂汝等諸人與麼上來大似刺頭入膠盆與麼下去也是平地喫交直饒不來不去朝打三千暮打八百便下座上堂一刀兩段未稱宗師就下平高固非作者翠巖到這裏口似匾擔你等諸人作麼生商量良久云欲得不招無間業莫謗如來正法輪便下座

上堂看風使帆諸方共用斬釘截鐵翠巖不然光吞萬象一句作麼生道良久云龍頭蛇尾漢下座

上堂未達境唯心起種種分別達境唯心已分別卽不生

知諸法唯心、便捨外塵相、諸禪德、只如大地山河明暗色空、法法現前、作麼生說箇捨底道理、於此明得、正在半途、須知向上更有一處在、便下座、

上堂、三界無安、猶如火宅、出身一句、作麼生道、良久云、雲在嶺頭閒不徹、水流澗下太忙生、下座、

上堂、若見諸相非相、卽山河大地、並無過咎、諸上座、終日著衣喫飯、未曾敲破一粒米、未曾挂著一條絲、便能愛大地、作黃金、攪長河爲酥酪、然雖如是、著衣喫飯、卽不無、衲僧門下、汗臭氣也、未夢見在下座、

解夏上堂、僧問、西天以蠟人爲驗、和尚此間、以何爲驗、師

雲峯悅

云、鐵彈子、進云、學人無用功處也、師云、學語之流、問如

何是、諸佛出身處、師云、十字街頭、進云、豈無方便、師云、千

重百匝、復云、日月流光、陰候忽、始見安居、又當自恣、

此夏喜得大衆、各各適體、慶安、然出家之流、曠達無礙、初

秋夏末、或東去、或西去、出一叢林、入一叢林、忽有人問上

座、畢竟和尚今夏如何、爲人被他一問、如何祇對、莫道九

九八十一、莫道但得雲消去、自然春到來、莫道日出東方

夜落西、莫道合取狗口、莫是下一喝、撫一掌、坐具、驀口撼

拂袖、便行、諸禪德、如斯布露、深屈、畢竟說不然者、別作麼

生披露、試對衆道看、還有道得底麼、衆無語、師云、若到諸

友、莫道我從翠巖來、便下座、

上堂、僧問、萬法歸一、一歸何所、師云、黃河九曲、進云、恁麼

則今古無間斷也、師云、可憐沙塞鴈、鳴咽與春期、問、如

何是第一句、師云、垂手過膝、問、如何是第二句、師云、萬里

崖沙、問、如何是第三句、師云、糞箕掃帚、問、巖山巖崖、還

有佛法也無、師云、有、進云、如何是巖山巖崖佛法、師云、御

孫倒上樹、復云、老儒道、仁者見之謂之仁、智者見之謂

之智、百姓日用而不知、是故君子之道鮮矣、登泮師亦謂

在天而天、處人而人、原夫能天能人者、豈天人之所能哉、

諸禪德、故知先聖垂範、理契必同、你等諸人、如何委悉、良

雲峯悅

久云、穿僧堂、入佛殿、北斗裏藏身、三門頭合掌、阿呵呵、是

什麼、擊禪牀下座、

上堂、僧問、學人心眼未通、乞師方便、師云、十字街頭、石幢

子、儘無語、師云、會麼、僧云、不會、師云、你豈不是洪州人、

問、達磨未來時如何、師云、流沙浪濶、進云、來後如何、師云、

熊耳山高、問、如何是禪、師云、軍期急遠、進云、有什麼交

涉、師云、日馳五百、復云、雲從龍風從虎、水流濕火就燥、

且道、納僧就箇什麼、豎起拂子云、忽在這裏、裂開也在我

捏、衆也在我、良久、喝一喝云、王令稍嚴下座、

寒食日上堂、諸上座、還會麼、冬至寒食一百五、家家塚上

添新土、翻思拾得與寒山、南北東西太莽鹵、南泉不打鹽
官鼓、以拂子擊禪牀、下座、

上堂、天明平旦、萬事咸辦、北俱廬州、長稜米飯、下座、

因入城、眾請上堂、僧問、如何是緣章境、師云、樹色遠分仙

尉宅、湖光寒浸昔賢亭、進云、如何是境中人、師云、朝看東

南暮看西北、問、如何是名無翼而長飛、師云、天上星、進

云、如何是道無根而永固、師云、地下木、有俗弟子問、如

何是佛、師云、著衣喫飯量家道、進云、恁麼則退身三步、又

手當胸去也、師云、解後添盃不如無、復云、語不投機、承

言者喪、直饒你說得、天雨四花、地搖六震、衲僧門下、總是

喫棒數、然事無一向理出多門、曲順機緣、豈無方便、所以

古者道、開市裏識取天子、百草頭上、薦取老僧、拘留孫佛

在、你諸人脚、跟下、放光動地、轉大法輪、乃豎起拂子云、看

看、見你諸人、不會、却向翠巖拂子頭上、入火光三昧去也、

擊禪牀、下座、

上堂、未離兜率已降王宮、未出母胎、度眾生畢、古人與麼

道、只見錐頭利、不見鑿頭方、下座、

上堂、僧問、承教有言、唯此一事實餘二、即非真、如何是此

一事、師云、鼻孔大頭向下、進云、與麼則晨朝有粥、齋時有

飯也、師云、惜取眉毛好、問、如何是無縫塔、師云、四稜著

地、如何是塔中人、師云、香風吹萎花、更雨新好者、問、如

何是衲衣下事、師云、皮囊骨、問、牛頭未見四祖時、如何

師云、菴內人、不知菴外事、見後如何、師云、水流澗下任縱

橫、問、丹霞燒木佛、意旨如何、師云、橫三豎四、進云、院主

爲什麼眉鬚墮落、師云、七通八達、復云、始從鹿野苑終

至跋提河、四十九年間、都來說一夢、你等諸人、還曾夢見

麼、所以道、眼若不睡、諸夢自除、且作麼生是不睡底眼、還

驗得麼、若也驗得、塵沙諸佛、天下祖師、總向上座眼裏、百

雜碎、若驗不得、翠巖今日死中得活、下座、

上堂、道是常道、法是常法、汝等諸人、切莫枉用身心、馳求

語句、所以道、但有纖毫、即是塵、舉意便遭魔境、境且道、不

涉廉纖、一句作麼生道、葛拈起拄杖云、放過一著、便下座、

上堂、看庭前落葉、遇當人、通褒貶、一句作麼生道、良久

云、不得春風花不開、花開又被風吹落、以拄杖卓一卓、下

座、

上堂、僧問、學人解問、說句、請師不答、訝人機、師云、髮長

僧貌醜、進云、恁麼則日日香煙、夜夜燈、師云、腦後合掌、

問、承教有言、但一月真、中間自無是月、非月、如何是真月

師云、瞎驢趁大隊、進云、恁麼則早知今日事、悔不慣當初

師云、脚頭脚尾、乃拈拄杖、示眾云、我喫這箇、作拄杖子

你諸人喚作什麼。若喚作拄杖子。蝦跳不出斗。若不喚作拄杖子。平地上喫交。還有道得底麼。良久云。翠巖今日失利。擲拄杖下座。

上堂。有佛處不得住。無佛處急走過。你等諸人。橫擔拄杖。向什麼處行脚。良久云。東勝身洲持鉢。西瞿耶尼喫飯。下座。

上堂。假使心通無量時。歷劫何曾異今日。且道。今日事作麼生。良久云。烏龜鑽破壁。以拂子擊禪牀。下座。

上堂。乾坤之內。宇宙之間。中有一寶。秘在形山。諸禪德。頭上是天。脚下是地。口裏有舌。面上有鼻。實在什麼處。良久。

喝一喝。下座。

雲峯悅

十二

上堂。見聞覺知。無障礙。聲香味觸常三昧。衲僧道會也。山是山。水是水。飢來喫飯。困來打睡。忽然須彌山踏跳入鼻。孔裏摩竭魚穿你眼睛中。作麼生商量。良久云。參堂去。

上堂。北轡正中宵閭浮。即當晝。輪迴如未惺。蒼筤何曾鷄。諸上座。還會麼。有智不假年高。無智徒勞百歲。

上堂。僧問。不涉廉纖。請師遠道。師云。須彌山。僧擬議。師便打。問。如何是第一要。師云。蛇穿鼠穴。如何是第二要。師云。糊餅上撒。如何是第三要。師云。村裏草鞋。問。如何是般若體。師云。箭穿楊葉。進云。如何是般若用。師云。李廣陷。

番。問。如何是清淨法身。師云。紫枝荻樹。云。向上更有事也無。師云。有。進云。如何是向上事。師云。風吹日炙。復顧視左右云。放憨作什麼。便下座。

上堂。謹白參玄人。是何言。懨。光陰莫虛度。雪上更加霜。下座。

上堂。道遠乎哉。觸事而真。聖遠乎哉。體之即神。所以娑婆世界。以音聲為佛事。香積世界。以香飯為佛事。翠巖這裡。祇於出入息內。供養承事。過去未來。塵沙諸佛。無一空過者。過現未來。塵沙諸佛。是翠巖侍者。無一不到。如一不到。三十拄杖。諸上座。還會麼。將此深心奉塵刹。是則名為報。

佛恩。擊禪牀。下座。

雲峯悅

十三

歲旦。上堂。僧問。大眾雲集。合談何事。師云。花須連夜發。進云。與麼則草偃風行也。師云。萬里望雲關。進云。入水見長人。師云。遠禮三拜。復云。三十六旬竟。今朝還復起。剎那不相知。諸法何曾爾。尊卑敘禮儀。歡戚同居止。廊或總持門。而人不能啓。玉兔金烏。歲頭露尾。以拂子擊禪牀。下座。冬至。上堂。晷運推移。日南長至。大家知有。何勞特地。日落三更。騎驢入市。參。

上堂。觸目不會道。猶較些子。運足焉知路。錯下名言。諸上座。翠巖今日將錯就錯。你等諸人。見已有眼。聞聲有耳。幾。

香有鼻了味有舌因什麼却不會去良久云武帝求仙不得仙手喬端坐却昇天以拂子擊禪牀下座

上堂門裏出身易身裏出門難冬行春令卽且置不涉程途一句作麼生道良久云渾家送上釣魚船便下座

上堂普賢行大殊智補陀巖上清風起瞎驢趁隊過新羅吉獠舌頭三千里

上堂觀色卽空成大智而不住生死觀空卽色成大悲而不住涅槃諸禪德還會麼東勝身洲走馬西瞿耶尼著摸看看不審維摩老子喝一喝擊禪牀下座

上堂天得一以清地得一以寧君王得一以治天下衲僧

得一旱地遭釘以拂子擊禪牀下座

上堂動客揚古路不隨悄然機師云古人與麼放開了也

還跳得出麼直饒你跳得出鼻孔也在翠巖手裏且道翠巖鼻孔在什麼人處良久云得人一牛還人一馬下座

上堂德山入門便棒臨濟入門便喝看這兩箇老漢一場敗闕然則事不孤起起必有因翠巖不著便蓋是爲衆竭

力你等諸人平地喫交過在阿誰良久云當斷不斷反遭其亂葛拄拄杖一時趁下

上堂摩竭掩室已不及初毗耶杜詞至今話禪向上一路千聖不傳是什麼熱要當衲僧門下壁立千仞也是賤過

後張弓是俗諸人心情憤口排排皮下還有血座總在這裏遞相埋沒有什麼了期以拄杖趁下

上堂卽今休去便休去若覓了時無了時此事若向言語上作解會意根下卜度天地懸殊大丈夫一刀兩段猶未相應豈況被人喚去方丈裏塗糊指法舉楞嚴聲論根塵色法向上向下有無得失他時後日死不得其地近世更有一般宗匠二三十年馳聲走譽只管教人但莫上他言句喚作透聲色便問東答西以爲格外之句將此狂解遞相公襲從此浪傷宗教誑惑後生苦哉苦哉我王庫中無如是刀總若似與麼行脚清風月下守株人涼免漸遙芳

草綠下座

上堂汝等諸人與麼上來大似拖却甜桃樹尋山摘醋梨大凡行脚人十二時中也須管帶些子始得豈可只與麼隨行逐隊虛生浪死看他先聖百般不奈何了向人道我今爲汝保任此事終不虛也你等諸人還信麼直饒向這裏信得及也是聽事不真喚鐘作甕以拂子擊禪牀下座到南嶽承天隆座僧問二師相見時如何師云石橋通大路進云恁麼則千里同風師云一字兩頭垂進云大眾證明學人禮謝師云鈍置殺人問寶座旣登於此日翠巖家風略借看師云雨來山色暗進云莫便是和尚家風也

無師云鐵山南面三千里 師乃云承天師兄早是瞞你
諸人了也翠巖乍到不可雪上更加霜然則一言纔出駟
馬難追事到如斯不免塗灰抹土蓋為祖禪不了殃及兒
孫三十年後鼻孔遶天莫錯怪人好下座

初住翠巖語錄 終

次住法輪語錄

初入寺陞座僧問法席久虛師子吼乞師方便震雷音師
云好生聽取進云與座則一音繞劫大衆沾恩師云雲綻
不須藏九尾怒君殘壽速歸丘僧便禮拜師乃云法不
孤起仗境方生道不虛行遇緣卽應然通方之士舉必知
歸滯涉之徒何妨進步有麼良久云釣竿斫盡重栽竹不
計功程得便休

開堂陞座僧問善法堂開於此日第一義諦請師宣師云
何不早問進云學人未曉師渡旨乞師方便再垂慈師云
去去西天路迢迢十萬餘 問如何是法輪境師云响嚶

峯高雲半出進云如何是境中人師云五湖來往任縱橫
問如何是和尚爲人一句師云雨來山色暗進云莫便
是和尚爲人處也無師云你眼在什麼處僧擬議師便打
乃云且住且住大象既消希音杳絕苟通實化開拓花
門於是三藏五乘對機設教猶國家兵器不得已而用之
爾後達磨西來單傳心印一花五葉分布寰中大似持鸞
作啞何故況你諸人各有一段事耀古騰今通廊等於太
虛明淨同乎皎鏡現在可驗固是瞞人眼不得且何者是
諸人眼還驗得麼若也驗得塵沙諸佛三乘十二分教六
代祖師天下老和尚盡向諸人眼裏百雜碎若驗不得前

是案山後是主山良久復拈香云此日一會固非小緣匪
地普天孰不欣慶更不敢祝贊皇風回向諸僚何故古人
道吾禱久矣豈況當今聖主賢臣者哉久立大衆伏惟珍
重

上堂一道直如弦家家當戶前有人爭共進至竟總論先
喝一喝擊禪牀下座

上堂觀色卽空成大智故不住生死觀空卽色成大悲故
不證涅槃焉拈拄杖云豎窮三際橫遍十方塵沙諸佛天
下祖師盡在拄杖頭上縱橫十字轉大法輪見麼見麼見
你諸人不會走入新羅國裏去也卓拄杖下座

上堂春日雨滋露薄逐根苗得門戶甜者甜兮苦者苦便下座

上堂相逢不擊出舉意便知有也是萬里望鄉關所以保權有言擊石火瞬電光透得透不得未免喪身失命而今還有透得底麼良久云為衆竭力禍出私門下座

上堂火熱風動搖水濕地堅固然於一一法依根葉分布所以雲從龍風從虎水流濕火就燥且道衲僧就箇什麼良久云千箇作團萬箇作隊因則一處睡夢則各自做便下座

上堂僧問久戰沙場為什麼功名不就師云誰遣你進云

雲峯院

十八

道泰不傳天子令時清休唱太平歌師云誰遣你復云元首明哉股肱良哉風以時雨以時王穀熟萬民安有什麼事但能隨順世緣自然合於正理不見祖師道入得世間出世無餘諸禪德還會麼良久云三邊若得渾無事四海何愁不太平下座

上堂直得地搖六震天雨四花祖師門下白雲千里萬里下座

上堂叮嚀損君德無言最有功任從滄海變終不為君通諸禪德還會麼口是禍門擊繩床下座

上堂拈起拄杖云掌鉢孟向香積世界為什麼出身無路

挑日月於拄杖頭上為什麼有眼如盲直得風行草偃響順聲和無纖芥可留猶是交爭底法作麼是不交爭底法以拄杖卓一卓下座

上堂舉教中道此見及緣元是菩提妙淨明體又道林木池沼皆演法音交光相羅如寶絲網奇怪諸禪德古聖與麼說話喚作回首塵勞曲開方便所以道如我按指海印發光汝暫舉心塵勞先起會麼拂子且將揮世界拄杖權為答話人以拂子擊禪牀下座

上堂僧問浩浩之中如何辨主師云波斯入關市進云與麼則不假披沙也師云學語之流僧便禮拜師云語不

雲峯院

十九

離巢道焉能出蓋纏片雲橫谷口迷却幾人源下座

上堂有情之本依智海以為源含識之流總法身而為體只為情生智隔想變體殊達本情亡知心體合諸禪德會麼古佛與露柱相交佛殿與天王鬪額若也不會重重交拆擊禪牀下座

上堂拂子吞却須彌山尋常言論德山卓牌開市裏作麼生商量良久云官不容針私通車馬下座

上堂僧問金烏未必常當午玉兔半夜不曾昏時如何師云點即不到僧無語師云會麼僧云不會師云到即不點問如何是心地法門師云莫從人覓進云不從人覓如

何得師云此去衡陽不遠乃云諸禪德既入叢林善參知識知識非他非他謾覓法性徧圓心源湛寂避尚無門求之何益君不見輩衆掩耳百丈卷席直下分明無別消息得失是非一時永釋喝一喝下座

上堂玄沙不出嶺保壽不渡河善財參知識五十三員慧遠結黑白一十八士雪峯三度上投子智者九旬談法華且道這箇漢是野干嗎師子吼喝一喝擊禪牀下座

上堂未離兜率已降王宮未出母胎度衆生畢法輪到這裏有口無用處你等諸人還相委悉麼若相委悉天下老和尚鼻孔總在你手裏若也不會啼得血流無用處不如

絨口過殘春下座

雲峯悅

二

上堂舉不顧卽差互擬思量何劫悟乃豎起拂子云如今舉了也你作麼生顧良久云擬思量何劫悟擊禪牀下座上堂舉教中道於三七日中思惟如是事我寧不說法疾入於涅槃師便喝云當時若有人出來下得這一喝塞却老胡咽喉豈不天下肅靜四夷蕩蕩而今放開了也是你諸人還皮下有血麼良久云爲衆竭力禍出私門拍禪牀下座

上堂古鏡照精其精自形古教照心其心自明諸禪德會麼心明諸法朗性味東嶽昏日月不到處特地好乾坤喝

一喝下座

上堂十方同聚會箇箇學無爲此是選佛場心空及第歸古人一期與麼道衲僧家還甘也無若甘去行脚眼在什麼處若不甘轉身一句作麼生道良久喝一喝拍禪牀下座

上堂聲色不到處病在見聞言詮不及處過在唇吻離却咽喉一句作麼生道還有人道得麼若道得坐却天下人舌頭若道不得法輪門下有粥有飯下座

上堂便與麼會也是雪上加霜更待鼓兩片皮白雲千里萬里擊禪牀下座

雲峯悅

三

上堂語不離巢道焉能出蓋纏片雲橫谷口迷却幾人源所以言無展事語不投機承言者老滯句若迷你等諸人到這裏憑何話會良久云欲得不招無問業莫詢如來正法輪珍重

上堂舉教中道林木池沼皆演法音交光相羅如寶絲網又道鐘鳴鼓響宣真實水綠山青爲舉揚諸禪德還會麼忽若有箇衲僧出來道話墮也且作麼驅遣良久云啼得血流無用處不如絨口過殘春

上堂舉古者道學道先須有悟由還如曾國快龍舟雖然舊開閒田地一度贏來方肯休古人與麼道大似貪觀白

浪失却手撓衆中還有檢點得出底麼若檢點得出救取古人若檢點不出法輪今日欠利去也擊禪床下座

次住法輪語錄終

後住雲峯語錄

雲峯

廿二

上堂古者道風動心搖樹雲生性起塵若明今日事暗却本來人今日事且置作麼生是本來人良久云鶴有九皋難翥翼焉無千里謾追風珍重

冬日上堂節令屆書雲山家何所論一輪纔出海萬類盡沾恩以拂子擊禪床下座

上堂舉明教大師示衆云初秋夏末莫道我不向你諸人道大家看火燭師云明教老人憐兒不覺醜蓋由土曠人稀是你諸人今夏在這裏老僧深不欲向你道惜取眉毛好便下座

上堂古者道古路若爲登金僊道可憑不勞平有物不物未全稱且道全稱一句作麼生道雲峯打退鼓以拂子擊禪床下座

上堂臨濟先鋒放過一著德山後令且在一邊獨露無私一句作麼生道良久云堪嗟楚下鐘離末以拂子擊禪床下座

上堂古人道動容揚古路不墮悄然機還會麼古人與麼和底離了也有般漢聞之如風過樹有什麼救處以拂子擊禪床下座

上堂舉樂化問克賓維那汝不久爲唱道之師克賓云我不入這保社化云你會了不入不會了不入克賓云我總不恁麼化便打遂罰錢三貫設饋飯了趁出院後來却法嗣樂化師云還會麼路遙知馬力歲久見人心以拂子擊禪床下座

上堂古人道言多去道轉遠祇如未言道在什麼處乃云欲得不招無間業莫謫如來正法輪以拂子擊禪床下座上堂教中道種種取捨皆是輪迴未出輪迴而辨圓覺彼圓覺性卽同流轉若免輪迴無有是處你等諸人到這裡且作麼生辨圓覺良久云荷葉團團似鏡菱角尖尖似錐以拂子擊禪床下座

雲峯

廿三

上堂、舉僧問法眼云、秋風繞動貧者何依、法眼云、若能知恩、卽解報恩、師乃云、還會麼、一葉飄空、便見秋、法身須透、開耿耿、來年更有新條、在、惱亂春風、卒未休、以拂子擊禪牀、下座、

上堂、僧房閑寂、夏修持、閉戶疎人、怪亦知、儂家自有同風事、千里無來、却肯伊、且作麼生、是同風事、還會麼、餲餅蒸作家常茶飯、一言半句、古人葛藤、雲峯與你、兩無交涉、下座、

上堂、舉教中道、歸源性無二、方便有多門、聖性無不通、順逆皆方便、還會麼、所以道、不浪階隨功、涉位經有經、師論

有論主、你道、衲僧門下、還有這箇消息麼、良久云、一言纔出、駟馬難追、下座、

上堂、聲色不到處、病在見聞、言詮不及處、過在唇吻、雖却咽喉、唇吻一句、作麼生道、還有人道得麼、若也道得、坐却天下老師、三世諸佛、舌頭、若道不得、但知隨例餐飽子、也得三文買草鞋、下座、

上堂、舉教中道、知幻卽離、不作方便、離幻卽覺、亦無漸次、大眾、還會麼、須彌踏跳入你鼻孔裏、卽且從你道、婆竭龍、主年多少、肉重千斤、智無鉢兩、下座、

室中舉古

師一日、謂侍者曰、汝問訊了一邊、立地、是什麼道理、答云、不會、師云、過這邊立、侍者便過、師云、無端無端、舉僧問雪峯、如何是佛、峯云、寐語作什麼、師云、古人與麼道、喚作應病與藥、放過卽不可、若不放過、你這裏下得什麼語、僧擬議、師以拂子罵口打、

舉法燈禪師、初開堂日、示衆云、山僧本欲踏棲巖、實隨來過時、又緣清涼老人、有不了底公案、今日出來、爲他分析、時有僧問、如何是不了底公案、燈便打云、祖禪不了、殃及兒孫、僧云、過在什麼處、燈云、過在我、殃及你、師云、這漢

一期與奪、也似光前絕後、反乎按著、又却龍頭蛇尾、如今莫有爲清涼作主底麼、

舉教中道、法身流轉於五道、是故衆生現時、法身不現、乃豎起拂子云、這箇是拂子、那箇是法身、又云、這箇是法身、那箇是拂子、會麼、法身吞却拂子、拂子吞却法身、於此若不會、十月仲陽春、

舉黃檗一日、問百丈云、從上相承底事、和尚如何指示於人、百丈據坐、檗云、後代兒孫、將何傳受、百丈云、我將謂你是箇人、便歸方丈、師云、憐兒不覺醜、然雖如是、盡法無氏、

舉玄沙和尚。一日見長生。乃作一圓相。生云。一切人出此不得。沙云。情知你向鬼窟裡作活計。生云。某甲只恁麼。和尚作麼生。沙云。一切人出此不得。生云。某甲適來與麼道。爲什麼不得。和尚便道得。沙云。我道得。你道不得。師云。道得。道不得。總在玄沙圈續裏。如今還有出得底麼。

舉僧問趙州。學人乍入叢林。乞師指示。趙州云。你喫粥了也未。僧云。喫粥了也。州云。洗鉢盂去。其僧大悟。後雲門拈云。且道。有指示。無指示。若道有指示。向伊道什麼。若道無指示。其僧因什麼悟去。師云。雲門不識好惡。恁麼說話。大似爲蛇畫足。與黃門裁髮。翠巖則不然。這僧與麼悟去。

入地獄如箭射。

雲峯院

舉雪峯示衆云。盡乾坤大地。撮來如一粒粟米大。拋向面前。漆桶不會。打鼓普請看。師云。雖然匹上不足。翠巖更與葛藤。拈拄杖云。還見雪峯麼。

舉黃檗在南泉會裏。爲首座。一日捧鉢盂。向南泉位上坐。南泉入堂見。乃問。長老什麼年中行道。檗云。威音王已前。泉云。猶是王老師兒孫在。下去。檗便過第二位坐。泉便休。師云。從來叢林。極有商量。或有道。須知黃檗有陷虎之機。又道。須知南泉有殺虎之威。若據與麼說話。誠實苦哉。殊不知。這般老賊。有年無德。一箇喫飯坐處。也不依本分。

若在翠巖門下。說什麼威音王已前。王老師更大道。須喫棒了。趁出。

舉雲門大師示衆云。佛法也大有。只是舌頭短。師云。雲門大師與麼道。也是秦州來。僧云。和尚作麼生。師便打。舉祖師道。泡幻同無礙。云。何不了悟。達法在其中。非今亦非古。師薦拈拄杖云。三世諸佛。六代祖師。天下衲僧。鼻孔。總在這裏。又打香臺一下云。南贛鄒淵。北鬱單越。舉汾州和尚示衆云。識得拄杖子。行脚事畢。師拈起拄杖云。這箇豈不是拄杖子。阿那箇是你行脚事。復云。柳樛橫擔。不顧人。直入千峯萬峯去。

雲峯院

七

舉古者道有物。先天地。無形本寂寥。能爲萬象主。不逐四時凋。且道是什麼物。又云。水長船高。

舉古者道過去諸如來。斯門已成就。現在諸菩薩。今各入圓明。未來修學人。當依如是法。師云。停因長智。養病。舉。師薦拈拄杖云。什麼處去也。

舉古者道。禪非意想。道絕功勳。汝等諸人。作麼生。參。舉。祖師道。如來一切法。爲度一切心。我無一切心。何用一切法。還信得及麼。若信得及。止宿草庵。且居門外。若信不及。長連牀上。有粥有飯。

舉摩訶法師道。智有窮幽之鑒。而無知焉。神有應會之用。而

無慮焉。古人與麼道，也大殺費力。爭如諸上座，寒即圍爐向火，熱即竹林溪畔坐。然雖如是，我且問你：畢竟事作麼生。

舉：祖師道，吾本來茲土，傳法救迷情。你道這漢還自救得也未。又道：一花開五葉，結果自然成。一人傳虛，萬人傳實。舉：古者道，剃髮著袈裟，空應行聖道。自餘閒雜事，俱為生死因。師云：汝等諸人，橫擔拄杖，撥草瞻風，遠天下行脚。且道：還曾踏著田地也無。僧無對。師云：虛生浪死漢。

舉：瑞巖空寂禪師，尋常方丈內，自名主人公。自云諾。又云：惺惺著。師云：鬼窟裏作活計，却問傍僧云：你還識瑞巖

雲峯悅

廿八

老漢麼。僧無對。師云：蒼天蒼天。

舉：教中云：有智若聞，則能信解。無智疑悔，則為永失。師云：釋迦老子，壓良為賤，你還甘麼。若甘去，行脚眼在什麼處。若不甘，轉身一句作麼生道。

舉：智門和尚道：何物苦求而不得，何物不求而自來。何物鐵椎打不破，何物晝合而夜開。若人會得，山僧意，琉璃殿上長青苔。師云：會麼。穿破你觸體，摸破你鼻孔。

師一日，僧侍立。次師忽召云：某甲，僧應諾。師云：過去諸佛也與麼，未來諸佛也與麼。僧云：和尚又作麼生。師便打。復云：來來，僧近前。師云：我早是無端入屎坑裏，是你屎臭氣

也不知。

舉：盤山和尚道：似地擎山，不知山之孤峻。如石含玉，不知王之無瑕。師云：這老漢，生來莽鹵，學處顛頑。似地擎山，如石含玉，什麼處得這消息來。

舉：教中道：此見及緣，元是菩提妙淨明體。祖師亦云：六塵不惡，還同正覺。師云：會麼。直饒你向這裏參見祖師了，更買草鞋，行脚三千里外，也被翠巖換却眼睛了也。還有不甘底麼。

舉：睦州見僧來云：見成公案，放你三十棒。師云：作賊人心虛。

雲峯悅

廿九

舉：古者道：虛堂閑寂，夏修持，開戶疎人，怪亦知。儂家自有同風事，千里無來却肯伊。師云：說什麼千里無來，直得萬里無來，鼻孔也在翠巖手裏。僧云：和尚只見錐頭利，不見鑿頭方。師呵呵大笑云：道什麼。僧擬議，師以拄杖趁出。舉：盤山道：心若無事，萬法不生。師云：會麼。僧云：不會。師云：賴遇你不會，山僧拾得口喫飯。

舉：睦州示眾云：放開也在我，捏聚也在我。師云：負入不負出。

舉：古人道：山河石壁不礙眼光。師云：作麼生是眼。又拈起拄杖，打禪牀一下云：須彌山百雜碎，即不問你，且道梁

竭羅龍王年多少

舉舍利弗問須菩提夢中說般若波羅蜜與覺時是同是別師遂喝云當時若下這一喝免見落三落四須菩提云此義幽深吾不能說此會有彌勒大士當往問之師云果然舍利弗遂迴首問彌勒彌勒云誰名彌勒誰是彌勒者師云什麼處去也

舉五洩初參石頭繞到門便問一言相契卽住一言不契卽去石頭據坐五洩拂袖便行石頭遂名關梨關梨五洩迴首石頭云從生至死只是這箇迴頭轉腦作什麼五洩因而有省師云石頭老坐不定把不住似這般擔板漢

雲峯院

三

教去便休又喚迴頭來却被他塗糊一上道我向這裡有箇悟處驢年未夢見在

舉古德云擬將心意學玄宗狀似西行却向東徒經累劫終難會會得還歸六道中僧云某甲不會師云苦瓠連根苦甜瓜微蒂甜

舉木平參洛浦問一漚未發時如何浦云移舟詣水脉舉棹別波瀾木平不契後參盤龍亦如前問龍云移舟不別水舉棹卽迷源木平於是大省師云這漢當初於洛浦言下悟去猶校些子却向盤龍死水裏淹殺後來有人問如何是木平答云不勞介斧師云果然只在這裏諸禪德

大凡發足超方也須甄別邪正識辨真偽帶些眼筋始得然雖如是賊過後張弓

舉趙州問南泉知有底人向什麼處去泉云山下作一頭水牯牛云州云謝和尚指示泉云昨夜三更月到窓師云若不是南泉洎乎打破蔡州

舉法眼示衆云識得凳子周匝有餘雲門道識得凳子天地懸殊師云官不容針私通車馬

舉僧問葉縣省和尚諸餘卽不問如何是當今施設省云有份這驢漢問僧云恁麼則打鼓弄琵琶去也省云捺眉放屁聲師云然則倚勢欺人爭奈事不孤起葉縣失却

雲峯院

三

一隻眼還有檢點得出麼若也檢點得出翠巖分坐與你若檢點不出橫按鎮鄧全正令太平寰宇斬癡頑

舉祖師示衆云吾有一物非青黃赤白男女等相汝等諸人還識麼師云當時忽有箇漢出來爲衆竭力不惜身

命便與掀倒禪牀喝散大衆子孫也未到斷絕却有沙

彌出來道某甲識祖云你旣識喚作什麼云是諸佛之本

源神會之佛性祖便打云吾喚作一物尚不中你更喚作本源佛性此子已後設有把茅蓋頭只成得箇知解宗徒

師便喝云祖禰不了殃及兒孫如今還有不甘底麼

舉僧問汾州如何是接初機句州云你是行脚僧如何是

驗納僧句。州云：西方日出卯，如何是正令行底句？州云：千里馳來呈舊面，如何是定乾坤底句？州云：北俱盧洲長粳米飯，食者無貪亦無瞋。州云：將此四轉語驗天下衲僧。師云：將此四轉語被天下衲僧勘破。

舉：保壽開堂，主聖為請主，纔陞座，聖推出一僧，保壽便打。眾云：似恁麼為人，瞎却鎮州一城人眼去在。壽擲下拄杖，便歸方丈。師云：臨濟一宗掃地而盡，因什麼到這裏，暮拈起拄杖云：什麼處去也。

舉：興化一日，與同光帝坐次，帝云：朕收下中原，獲得一寶，只是無人酬價。興化云：略借陛下寶看，帝以兩手舒開，懷

靈峯說

三三

頭脚化云：君王之寶，誰敢酬價。師云：會麼？真不掩偽，曲不藏直，有眼者辨取。

舉：睦州問僧：什麼處來？僧云：那邊剗。州云：老僧屈。僧云：和尚即得。州云：擔枷過狀，辱脊便打。師云：睦州何用繁詞，那邊剗辱脊便打。

舉：先地藏問修山主：甚麼處來？主云：南方來。藏云：南方近月佛法如何？主云：商量浩浩地。藏云：爭如我這裏插田博飯喫。師云：會麼？插田博飯喫，言中誰辨的？午後打齋鐘金剛，曾失色。

舉：睦州示眾云：裂開也在我，捏聚也在我，時有僧問：如何

是裂開？州云：三九二十七，菩提涅槃，真如解脫，卽心卽佛。我且恁麼道，你又作麼生？僧云：某甲不恁麼道。州云：蓋子落地，樣子成七片。師云：會麼？相罵饒你接紫柏唾饒你潑水。

舉：雪竇示眾云：要知真實相爲，但以上無攀仰下絕已躬，自然常光現前，箇箇壁立千仞。師云：雪竇與麼爲人，入地獄如箭。

舉：五通仙人問佛：佛有六通，我有五通，如何是那一通？佛召仙人，仙人應諾。佛云：那一通？你問我。師云：大小瞿曇，被這外道勘破了也，有箇不肯底出來，我要問你，如何是

靈峯說

三三

那一通。

舉：古人道：牽牛向水東，不免官中徭役；牽牛向水西，不免官中徭役。不如隨分納些子。師云：說什麼納些子？蓋乾坤大地，色空明暗，情與無情，總在翠巖這裡，放行則隨緣有地，把住則逃竄無門，且道：放行好？把住好？

舉：僧參南院，纔入方丈，以手指云：敗也。院乃拈起拄杖，度與僧，僧纔接，院便打。師云：這僧雖然頂上有光，爭奈脚下似漆，直饒十字縱橫，朝打三千，暮打八百。

舉：古人道：無邊剎境，自他不隔於毫端；十世古今，始終不離於當念。師云：手擎日月，背負須彌，卽不問，你新羅國

裏一句作麼生道

舉古人道開市裏識取天子百草頭上薦取老僧雲門道蝦蟆入你鼻孔裏毒地穿你眼睛中且向葛藤處會取師云雲門大師恁麼道大似和泥脫墜若無後語疑殺天下人翠巖今日因行不妨掉臂乃豎起拂子云還見雲門麼

舉世尊一日於涅槃會上八天普集以手摩胸告大眾云汝等善當觀我紫磨黃金身瞻仰令足莫令後悔若言吾滅非吾弟子若言吾不滅亦非吾弟子于時百千萬眾一時悟道師云然則膏肓之門不足以發藥翠巖且作死

雲峯悅

三五

馬醫你等諸人皮下還有血麼

舉南泉一日問菟癡定慧等學明見佛性此理如何癡云十二時中不依倚一物始得泉云莫是長老見處云不敢泉云漿水錢且致草鞋錢幾什麼人還癡便休師云若不同林臥焉知被裏穿

舉古者道露裸裸赤洒洒四維無遮障上下沒可把師云朝游羅浮暮歸檀特即不問你脚跟下一句作麼生道舉龐居士問馬祖不昧本來人請師高著眼祖直上觀士云一等無弦琴唯師彈得妙祖直下觀士禮拜祖便歸方丈士隨後云今日弄巧成拙師云且道賓家弄巧成拙

主家弄巧成拙還有人掠得出麼若掠得出三十棒一棒也較不得若掠不出來年更有新條存惱亂春風卒未休舉教中云有諍則生死無諍則涅槃師云直得風行草偃響順聲和不求諸聖不重己靈無纖芥可留猶是爭諍法且作麼生是無諍底法

舉古者道三世諸佛不知有師云如蟲蝕木狸奴白拈却知有師云雲上加霜

舉德山問龍潭久嚮龍潭及乎到來潭又不見龍又不現潭云子親到龍潭中便休師云你識龍潭老麼僧擬議師以拂子薦口打

雲峯悅

三五

僧入室舉僧問趙州萬法歸一一歸何所師便喝僧茫然師却問趙州道什麼僧擬議師以拂子薦口打

舉僧問智門祚和尚如何是佛門云踏破草鞋赤脚走如何是佛向上事門云拄杖頭上挑日月師乃問僧會麼僧云不會師乃以頌示之鞋穿赤脚走衲僧休大口日月杖頭挑面南看北斗僧便禮拜出師云來來僧乃迴

頭師云莫教撞著露柱

舉嵩山宿和尚方丈頌云嵩山方丈峭峻難上若人踏著氣如桀將師云作家宗師天然有在僧云和尚作麼生師有頌示之翠巖方丈曾無遮障衲子入來便見和尚

僧便禮拜起。師云：還見翠巖這箇老漢麼？僧擬議。師以拂子薦口撼。

寒僧問香林：如何是衲衣下事？林云：臘月火燒山。師乃

問僧：會麼？僧云：不會。師云：你爲什麼謾老僧？其僧良久云：

某甲也有箇會處。師云：香林亦須喫棒。

小參：舉先百丈。因歲暮示衆云：你一隊後生，經律論固是不知也。入衆參禪，禪又不會。臘月三十日，且作麼生折去？師云：灼然諸禪德，去聖時遙，人心淡薄，看却今之叢林，更是不得也。所在之處，或聚徒二百五百，浩浩地，只以飯食豐濃，寮舍穩便，爲旺化也。中間孜孜爲道者，無一人。設

重華集

三十六

有十箇五箇，走上走下，半青半黃，會卽總道。我會，各各自謂握靈蛇之寶，孰肯知非？洎乎接授鞭逼將來，直是萬中無一。苦哉苦哉！所謂般若叢林，歲歲凋，無明荒草，年年長就。甲今時後生，纔入衆來，便自端然拱手，受他別人供養，到處菜不擇一莖，柴不般一束，十指不露水，百事不干懷。雖則一朝快意爭奈三塗累身，豈不見教中道：寧以熱鐵縫身，不受信心人衣。寧以洋銅灌口，不受信心人食。上座若是去，直饒變大地作黃金，攪長河爲酥酪，供養上座，也未爲分外。若也未是，至於滴水寸絲，便須披毛戴角，牽犁拽杷，償他始得不見祖師道入道不通理，復身還信施。此

是決定底事，終不虛也。諸上座，光陰可惜，時不待人，莫待一朝眼光落地，繒田無一簣之功，鐵圍陷百刑之痛，莫言不道珍重。

偈頌

原居 二首

挂錫西原上，玄徒苦問津。千峯銷積雪，萬木白迴春。谷暖泉聲遠，林幽鳥語新。翻思遺隻履，深笑洛陽人。
挂錫西原上，誰同振此風。卷簾千嶂日，坐石一枝筇。雪嶺書無說，衡陽信不通。迴觀清景外，雲鳥自憧憧。

三印

雲山十說

三十七

一印印泥，賢愚共知，裂轉鼻孔，頂上金槌。
一印印水，徒張唇業，未涉流沙，洪濤競起。
一印印空，明月清風，爍迦羅眼，齋後之鐘。

春日閒居 四首

林下春時節，融融萬物新。睦茲和煦力，孰不謂通津。
林下春時節，幽居境倍清。曉雲分岳色，流水帶鶯聲。
林下春時節，遲遲日漸暄。不知詞有道，泉石自相便。
林下春時節，誰同狎此心。野花開不盡，巖樹冷森森。

布袋和尚 五首

散誕不拘儀軌終日拖泥帶水茫茫竟未知歸教伊從誰
雪恥

困來抱囊無語傍觀盡生疑慮未免開獻諸人是甚閒家
破具

貧道本無遮護舉目知君同措可憐二月三月是處蜂狂
蝶舞

莫訝衣裳破碎入廬且無忌諱橫身要道等人那箇便知
圈績

日暮愛游貧里豈是圖他小利分明報你諸人臘水冰霜
滿地

和泥合水

五首

三九

余有一道千聖不到北走南奔相頭買帽是何之道雲橫
碧巖

余有一冊風生岳面舉目千差知君不薦是何之辯僧堂
佛殿

余有一說善知時節若人會得眼裏添眉是何之說春寒
秋熱

余有一劍寒光若練虎嘯風生飛霞走電是何之劍灰頭
土面

余有一機聖凡共知拈却鼻孔舉起須彌是何之機淵明

皺眉

示學者 三首

赫日光中誰不了底事堂堂入荒草擔簦負笈苦勞心從
門入者非家寶演宗兼提祖教千年枯骨何堪咬南北東
西歸去來拈得鼻孔却却

經不看禪不會終日擁爐長瞌睡三湖禪子競頭來眠上
眉毛三門外

翠巖不會禪仰面看青天打破大唐國笑殺老南泉

因雪示眾 二首

雪雪片片交飛無暫歇萬里江山一樣平要津把斷底時

節

雲峯悅

三九

文殊印普賢訣果日當空還漏泄無言童子念摩訶憐梵
鉢提長吐舌

宗本義

宗本纔彰義已賒徒將心識話周遮漁人夜唱歸煙島樵
父春行踏落花

六相義

成壞總別同異帝網交參六義拈起大地山河透出過現
未世文殊夢裡揚眉普賢空中彈指三十年後自看且恁
和泥合水

頌古 十二首

灌水不滿卮，運雪不填井。吁哉碧眼人，迢迢涉葱嶺。絕粒既無功，負春寧有省。一花五葉開，猿嘯諸峯頂。入門何必辨來機，潦倒禪和不自知。柏樹庭前剛指注，甌令平地下針錐。

抱拙少林，已九年。趙州忽長庭前柏，可憐無限守株人。寥坐對千峯色。

平常心是道，舉步入荒草。翻嗟王老師，到底不能曉。玉兔金烏任飛走。

桃花見後，謂無疑。壯志由來本是伊，若問玄沙言未徹，現

前賊物自家知。

雲峯悅

四

趙州有語喫茶去，明眼衲僧皆賺舉。不賺舉未相許，堪笑

禾山解打鼓。

杖林山下竹筋鞭，頭尾拈來總一般。莫怪玄沙不出嶺，他家元是釣漁船。

言中辨的老禪和，驀直臺山路不蹊。勘破却回人莫問，岳陽船子洞庭波。

踏著秤槌硬似鐵，矇矓禪和猶未瞥。三冬嶺上火雲生六月，長天降大雪。

杜禪和杜禪和，一箇餠餅無奈何。禮拜任君頭著地，海東

船子過新羅。

洞山有語麻三介，衲子擎拳要問津。因憶舊年看草字，張顛顛後更無人。

休問藏身北斗，撩他露柱煩惱。踉蹌撞入燈籠，穿却湖南長老。

因僧舉泐潭頌，乃有頌示之。

北斗藏身事不孤，韶陽由是喪殘軀。而今澤國垂綸者，猶把腥膻誑懵夫。

雷僧

侍余函丈二三年，日損由來道未圓。何事解衣輕取別，鉢

雲峯悅

四

囊猶挂樹梢頭。

數珠

落落循環在手，茫茫未知出跳。雖然本自圓成，爭奈其中一竅。放行怛薩舒光，把住毗沙匿曜。有時捉向手中，實與衲僧取笑。

南峯師子山

狀糞西河，類英雄鎮北峯。爪牙終不露，狐兔自潛蹤。

雲門上菴

草堂危構若耶西，九夏幽居景物奇。簾卷亂峯初雨後，白雲流水自相隨。

送化士 二首

化門舒卷豈同時，出塞還須斬萬機。
道泰却旋林下日，卷簾閒看岳雲歸。

送文禪者

禪人別我訪南宗，吳楚山川去幾重。
莫謂臨岐無可贈，萬年松在祝融峯。

送寧首座

一語通諸密，開權涉化門。
當機如有路，北斗坐南垠。

送就維那

振錫歸韶石，重來款竹扉。
無言宣祖意，溢目太陽輝。

送華禪者

一字不出頭十字，不挑脚，可惜少林人。
端坐無斟酌，孰云錯金錫。
高擎返故鄉，清風浩浩生寥廓。

送聰山主

故國會不住，他鄉無暫留。
肩橫一枝錫，何處問蹤由。

寄慈濟大師

凜凜冰風臨晚景，環爐獨坐雙峯頂。
茫茫六合曾未知，月寫千江萬江影。

寄福嚴禪師 二首

跡遁寒巖雲鳥絕，陰崖流水花微發。
昨夜天風埽石床，寥

寥坐對三生月。

一葉落兮天下秋，古今人事謾悠悠。
皇恩三讓名還大千載，真風詠莫休。

寄雲蓋鵬禪師

情忘應許道相交，肯謂川途有所遙。
月皎五峯湘水白，雲蒸石廩露偏饒。

寄南華慈濟禪師

曹溪何幸示來書，忽憶當年在太愚。
堪笑堪悲無限事，甜瓜生得苦葫蘆。

握草爲金未足奇，韶陽風骨與誰知。
年來老大渾無用，應

對盧公獨斂眉。

寄木山長老

刊石休誇自點頭，武陵法道欲誰隣。
年來應是慵開眼，獨坐龍門見九州。

寄龍玉進長老

南北山居道不殊，不殊猶未得通途。
龍峯地暖花應秀，石廩雲寒萬仞孤。

與李君行者

辭家日久慕參禪，不憚崎嶇甚可憐。
報汝速須歸故里，閨冬耕取昔年田。

暮冬旅懷

雪壓怪松枝欲折，衰病畏寒長擁爐。添薪坐久眼忽瞑，偃臥不知山月曉。

瞻木平道人

岳頂雲披清風貌古，一漚未形萬機起縷。道極致津行敦亡矩，誓首木平不勞斤斧。

禪人寫余真，因命余贊

頂高頻拳，祖佛之怨。層尖鼻缺，禪庭之孽。天下人憎這箇老傑。

十五十六天輪地軸，日面月面神嘩鬼哭。少室從風竹馬。

年而今莫問胡家曲。

自詠一首

漫納曾披蒙雪頂，遠軒松竹冷相侵。虛堂夜永坐將半，花塔巖前知幾深。

山居四首

片片殘紅隨遠水，依依煙樹帶斜陽。橫筇石上誰相問，猿嘯一聲天外長。

靜聽涼颼遠洞溪，漸看秋色入冲微。漁人撥破湘江月，焦父踏開松子歸。

曉麥重重覆紫煙，太平時節見豐年。野雲忽散孤峯出，剡

派橫飛落瀾泉。

凍把巖根雪尚稠，暮雲閉鎖遠峯頭。地爐檮杌高燒起，石鉢烹茶時一甌。

答雲峯平大師二首

浴目江山雪正深，旅庭寒色尚沈沈。尤忻家外有良契，時以嘉言慰此心。

竹齋故枕病方理，春餞梅花忽寄來。珍重此恩何以報，稽顙時上石樓臺。

寄道友

散盡浮雲落盡花，到頭明月是生涯。天垂六幕千山外，何

處清風不舊家。

對菊

澹然金菊映秋光，底事無人泛玉觴。饒憶陶潛舊池上，肯教和草過重陽。

退居寄承永偶作五首

道薄常慙繼祖猷，退居巖谷任春秋。齋時自有孟羹飯，六合清風卒未休。

道薄常慙繼祖天，瞬眸金色已虛傳。而今猶舉僧伽服，端坐鷄峯誑後賢。

道薄常慙繼祖燈，老來林下笑盧能。抱腰特石長三尺，不

愧黃梅會裏僧。

道薄常慙繼祖心，九年何事絕知音。到頭無賴空回首，皮

隨紛拏直至今。
道薄常慙繼祖門，隨家豐儉且安貧。掌間日月須彌走，把

住南星對北辰
十二時歌

鷄鳴丑，朕兆之前還亂走。夢裏論量幾萬般，天明無是處

開口。
平旦寅，山河大地掌中擎。金剛焰裏空彈指，碧眼胡僧來

雲峯

四六

未能。
日出卯，烜赫威光無剩少。茫茫宇宙未知歸，競向途中圖

機巧。
食時辰，南北東西誰是親。鉢裏不逢香積飯，深慙枉作出

家人。
禺中巳，信手拈來無不是。迷却南街走北街，草鞋踏破因

證置。
日南午，跳出囊中無一縷。銅頭鐵額知未知，草履風行立

千古。
日昃未，休話真如論實義。官家不許夜行人，誰教醉酒街

頭睡。
哺時申，遊子前來問要津。鉢盂打破渾閒事，茶鹽少了却

生瞋。
日入酉，朝參暮請何曾有。不如靜坐念金剛，從他笑破衲

僧口。
黃昏戌，一點寒燈照幽室。鐘鼓喧轟開一場，摩訶般若波

羅蜜。
人定亥，啐啄之機遭晒怪。自從胡亂知幾年，不曾少人一

文債。
夜半子，開眼尿牀到如今。老胡猶自涉崎嶇，石塔空雷鎮

雲峯

四七

驚耳。
師壽祐七年七月，將示寂，上堂有頌。
住世六十五年，為僧五十七夏。玄徒休問指歸，鼻孔大頭

向下。

雲峯悅禪師語錄

悅禪師語者青山白雲開遮自在碧潭明月撈據方知鐵石崩崖霜弓劈箭不受然燈記前自提三印正宗假令古佛出頭也下一椎定當前則激惠南老子出泐潭死水而印慈明後則勸祖心禪師撥大愚寒灰而見黃檗看儂兩着須天下蒼客受先破此一塵

雲峯悅記

向四海禪宗點眼有懷疑者是不肯山谷道人擬欲全提且救取無爲居士黃庭堅題

潭州雲蓋山會和尚語錄序

湘中苾芻 文政 述

李唐朝有禪之傑者馬大師據江西泐潭出門弟子八十有四人其角立者唯百丈海得其大機海出黃檗蓮得其大用自餘唱導而已運出獎獎出顯顯出

楊岐會序

沼沼出念念出昭昭出圓圓出會會初住袁州楊岐後止長沙雲蓋當時謂海得其大機運得其大用兼而得者獨會師歟師二居法席凡越一紀振領提綱應機接誘富有言句不許抄錄衡陽守端上人默而記諸編成一軸愚仰會師

之名久矣。因就端求其編軸焚香啓讀
大矣哉。師之機辯也。若巨靈神擘開太
華首陽河流迅急。曾無凝滯。匪上上大
衆根器。曷能湊之乎。端命愚爲序。貴師
之道流傳天下。且會師之名與道深於
識者悉聞之。故不可辭飾。但實序其由。

楊岐會序

二

師袁妙空春人姓冷氏。落髮於潭州瀏
陽道吾山。俗齡五十四。卒於雲蓋山塔
存焉。皇祐二年仲春既望日序。

題楊岐會老語錄

無爲子楊傑

楊岐會老跨三脚驢入水牯牛隊中拽
杷牽犁種田博飯橫吹玉笛飽吞栗蒲
四十年來叢林以爲奇特。豈不聞三世
諸佛說夢。諸方老宿說夢。是楊岐當日
語。不知楊岐自作夢後還覺也。未若要
清風再振舊令重行。明眼底人。試將此
錄看。元祐三年立春日望。海樓書。

楊岐會序

三

袁州楊岐山普通禪院會和尚語錄

江寧府保寧禪院嗣法小師

仁勇

編

師在筠州九峯山受疏了披法衣乃拈起示衆云會麼若也不會今日無端走入水牯牛隊裏去也還知麼筠陽九曲萍實楊岐乃陞座時有僧出衆師云漁翁未擲釣蹊鱗衝浪來僧便喝師云不信道僧撫掌歸衆師云消得龍王多少風問師唱誰家曲宗風嗣阿誰師云有馬騎馬無馬步行進云少年長老足有機籌師云念你年老放你三十棒問如何是佛師云三脚驢子弄蹄行進云莫只者便是師云湖南長老問人法俱遣未是衲僧極則佛

楊岐會

一

祖雙亡猶是學人疑處未審和尚如何爲人師云你只要勘破新長老進云與麼則旋斫生柴帶葉燒師云七九六十三師云更有問話者麼試出衆相見楊岐今日性命在你諸人手裏一任橫拖倒拽爲什麼如此大丈夫兒須是當衆決擇莫背地裏似水底捺蘆相似當衆引驗莫便面赤有麼有麼出來決擇看如無楊岐失利師繞下座九峯勸和尚把住云今日喜得箇同參師云同參底事作麼生九峯云九峯牽犁楊岐拽杷師云正當與麼時楊岐在前九峯在前九峯擬議師托開云將謂同參元來不是

師入院上堂僧問如何是楊岐境師云獨松巖畔秀猿向

下山啼進云如何是境中人師云貧家女子攜籃去牧豎橫笛望源歸師乃云霧鎖長空風生大野百草樹木作

大獅子吼演說摩訶大般若三世諸佛在你諸人脚跟下轉大法輪若也會得功不浪施若也不會莫道楊岐山勢

嶮前頭更有最高峯

上堂云百丈把火開田說大義是何言歟楊岐兩日種禾亦有箇奇特語乃云達磨大師無當門齒

上堂楊岐一要千聖同妙布施大衆拍禪牀一下云果然失照

楊岐會

二

上堂楊岐一言隨方就圓若也擬議十萬八千下座

上堂楊岐一語呵佛叱祖明眼人前不得錯舉下座

上堂楊岐一句急著眼觀長連牀上拈匙把飯下座

上堂僧問急水江頭須下釣如何釣得巨鱈歸師云撒手

長空外時人總不知進云知底事作麼生師云雲生嶺上

進云作家宗師天然猶在師云念言語漢師乃云不見

一法是大過患拈起拄杖云穿却釋迦老子鼻孔作麼生

道得脫身一句向水不洗水處道將一句來良久云向道

莫行山下路果聞猿叫斷腸聲

上堂拍禪牀一下云只箇心心心是佛十方世界最靈物

釋迦老子說夢三世諸佛說夢天下老和尚說夢且問諸人還曾作夢麼若也作夢向半夜裏道將一句來良久云人間縱有真消息偷向楊岐說夢看參

上堂坐斷乾坤天地黯黑放過一著雨順風調然雖如是俗氣未除在僧問欲免心中開應須看古教如何是古教師云乾坤月明碧波澄澄進云未審作麼生看師云脚跟下進云忽遇洪波浩渺時如何師云放過一著十字縱橫又作麼生僧便喝撫掌一下師云看者一頁戰將進云打草蛇驚師云也要大家知師拈起拄杖云一卽一切一切卽一劃一劃云山河大地天下老和尚百雜碎作麼生是諸人鼻孔良久云劍為不平離寶匣藥因救病出金瓶喝一喝卓一下參

楊岐會

三

上堂秋雨洗秋林秋林咸翠色傷嗟傳大士何處尋彌勒上堂薄福住楊岐年來氣力衰寒風凋敗葉猶喜故人歸囉唻哩拈上死柴頭且向無煙火

上堂楊岐無旨的種田博飯喫說夢老瞿曇何處覓蹤跡喝一喝拍禪牀一下參

上堂凡聖不存佛祖何立大衆清平世界不許人攪奪行市

上堂楊岐乍住屋壁疎滿牀皆布雪真珠縮却項暗嗟吁

良久云龍憶古人樹下居

楊岐會

四

後住潭州雲蓋山海會寺語錄

舒州白雲峰嗣法小師

寺端

編

師於興化寺開堂府主龍圖度疏與師師纔接得乃提起云大衆府主龍圖駕部諸官盡爲你諸人說第一義諦了也諸人還知麼若知家國安寧事同一家若不知曲勞僧正度與表白宣讀且要天下人知表白宣疏了乃云今之日賢侯霧擁海衆臨筵最上上乘請師敷演師云若是最上上乘千聖側立佛祖潛蹤何故如此爲諸人盡同古佛還信得及麼若信得及大家散去若不散去山僧謾你諸人去也遂陞座拈香云此一瓣香祝延今上皇帝

聖壽無窮 又拈香云、此一瓣香、奉為知府龍圖駕部諸

官、伏願常居祿位、復拈香云、大眾、還知落處麼、若也不

知、却為注破、奉酬石霜山慈明禪師法乳之恩、山僧不免

薰天炙地、去也、便燒、淨行大師白槌云、法進龍象眾、當

觀第一義、師云、大眾、早是落二落三了也、諸人何不負

丈夫之氣、若不然者、有疑請問、僧問、昔日梵王請佛、天

雨四花、府主臨筵、有何祥瑞、師云、片雲收岳面、浪自靜瀟

湘、進云、大眾、霜恩學人禮謝、師云、斷頭船子下揚州、僧

問、埋兵掉鬪、即不問、今日當場事若何、師云、楊岐入界來、

未曾逢見者、作家、僧以手劃一劃、師云、分身兩處看、師

乃云、更有問話者、請出來、諸供養中、法供養最勝、若據祖

宗、令下、祖佛潛蹤、天下黯黑、豈容諸人在者裏立地、更待

山僧開兩片皮、雖然如是、且向第二機中、說些葛藤、繁興

大用、舉步全真、既立名真、非離真而立、立處即真、若輕須

會當處發生、隨處解脫、此喚作開市裏上竿子、是人認見

你、道金不博金、一句作麼生、道還有人道得麼、試出來踏

跳看、如無、山僧今日失利、但某此際榮幸、伏遇知府龍圖

通判駕部、消諸官僚、請住雲蓋道場、可謂諸官願弘深慶、

為國忘臣、建立法幢、上嚴帝祚、然願諸官、壽齊山岳、永住

明君、作大股肱、為佛施主、諸院尊宿、在會信心、世世生

生、共營大事、久立珍重、

上堂、春雨普潤、一滴滴不落別處、拈拄杖卓一下云、會麼、

九年空面壁、年老轉心孤、

歲旦上堂、僧問、舊歲已隨殘臘去、今日新春事若何、師云、

鉢盂裏滿盛、進云、與麼則三年逢一閏、九月是重陽、師云、

野火燒不盡、春風吹又生、進云、專為舉似諸方去也、師云、

你道雲蓋末後一句、作麼道、進云、七九六十三、師云、念言

語、師乃云、春風如刀、春雨如膏、律令正行、萬物情動、

你道脚踏實地、一句作麼生、道出來向東湧西沒處、道看

直饒道得、也是梁山學子、

上堂、寅朝清旦、古今總見、更問如何、也是癡漢、

上堂、一塵纔舉、大地全收、拈起拄杖云、如今舉也、卓、棒、

一下云、山河大地、塞却諸人眼睛、有不受人謾底、出處道

看、良久云、玉笛橫吹動天地、未曾逢著箇知音、參、

上堂、身心清淨、諸境清淨、諸境清淨、身心清淨、還知雲蓋

老人落地處麼、乃云、河裏失錢、河裏摸、下座、

上堂、雲蓋是事不如、說禪似吞栗蒲、若向此處會得佛法、

天地懸殊、

上堂、三春將杪、四海廓清、風恬浪靜、是人知有、且道將長

就短、一句作麼生、道、良久云、幾度黑風翻大海、未曾聞道

釣舟傾參

上堂拈拄杖卓一下云大衆達磨縱有真消息也落諸人第二機參

上堂景色乍晴物情舒泰舉步也千身彌勒動用也隨處釋迦文殊普賢總在者裏衆中有不受人護底便道雲蓋和鉄羅麵然雖如是布袋裏盛錐子

上堂有句無句如藤倚樹文殊維摩撒手歸去雲蓋與麼道也是看錮鑊更有後語不得錯舉下座

上堂呵呵呵是什麼僧堂裏喫茶去下座

上堂擲下拄杖云釋迦老子著跌偷笑雲蓋亂說雖然世

楊岐會

七

界坦平也是將勤補拙參

參駕部歸寺上堂釋迦老子爲先鋒彌勒大士爲殿後衆中還有著力者麼出衆來與雲蓋著力看如無雲蓋自逞神通也三五日出入相看首座大衆你且道於者裏還有隔礙底道理麼上座僧堂裏展鉢時與上座同展睡時與上座同睡立地時與上座同立地長者長法身短者短法身彌勒運用與去來何處有間隔雖然如是你且道雲蓋在船頭在船尾衆中還有靈利底衲僧覩得見麼良久云人人盡道平地險登樓方覺遠山青參

上堂雪雪處處光輝明皎潔黃河凍鎖絕纖流赫日光中

須迢烈須迢烈那吒頂上喫茱梨金剛脚下流出血下座
上堂踏著秤鎚硬似鐵啞子得夢向誰說須彌頂上浪滔天大洋海底遭火熬參

上堂雲蓋不會禪只是愛瞋眠打動震天雷不直半分錢
上堂拍禪牀一下云休憑江湖五六月收取絲絲歸去來
上堂舉古人一轉公案布施大衆良久云口只好喫飯
楊岐證老來師上堂拈花付囑有屈當人面壁九年胡言漢語當人分上把斷乾坤且道作麼生是把斷乾坤底句
還有人道得麼如無雲蓋失利

楊岐會

八

楊岐提利山下過師出接提利乃問和尚法嗣何人云志明本師楊云見箇什麼道理便法嗣他云共鉢盂喫飯楊云與麼則不見也師捺膝云什麼處是不見楊大笑師云須是提利始得師云請入院燒香楊云却待回來師乃獻茶信楊云着箇却不消得有甚乾曝曝底禪希見示些子師指茶信云着箇尚自不要豈況是乾曝曝底禪楊擬議師乃有頌示作王臣佛祖罔措爲指迷源殺人無數
楊云和尚爲什麼就身打劫師云元來却是我家裏人
楊大笑師云山僧罪過

萬壽先馳馳書至師問萬壽峯前師子吼當人逐獮事如

何僧云、踏跳上三十三天、師云、與麼則雲蓋直下、覷也、僧云、草賊大敗、師云、更不再勸、且坐喫茶、

龍興致老遷化、僧馳書至、師問、世尊入滅、櫛示雙趺、和尚歸真、有何相示、僧無語、師捶胸云、蒼天蒼天、

慈明遷化、僧馳書至、師集衆、掛真舉哀、師至真前、提起坐具云、大衆會麼、遂指真云、我昔日行脚時、被者老和尚將一百二十斤擔子、放在我身上、如今且得天下太平、却顧視大衆云、會麼、衆無語、師捶胸云、嗚呼哀哉、伏惟尚饗、慈明忌晨、設齋、衆集、師至真前、以兩手捏拳安頭上、以坐具劃一劃、打一圓相、便燒香、還身三步、作女人拜、首座云、

休捏怪、師云、首座作麼生、首座云、和尚休捏怪、師云、兔子喫牛糞、第二座近前、打一圓相、便燒香、亦退身三步、作女人拜、師近前、作聽勢、第二座擬議、師打一掌云、看漆桶也、亂做、

送武泉常老出門、乃問、出門便作還鄉計、到家一句作麼生、道泉云、和尚善爲住持、師云、與麼則身隨寒影去、脚大草鞋寬、泉云、和尚善爲開田、師云、兔子何曾離得窟、

一日、三人新到、師問、三人同行必有一智、提起坐具云、公頭上座、嘆者箇作什麼、僧云、坐具、師云、真箇那、僧云、是、師云、嘆作什麼、僧云、坐具、師顧視左右云、參頭却具眼、又問、

第二上人、欲行千里、一步爲初、如何是最初一句、僧云、到和尚者裏、爭敢出手、師以手劃一劃、僧云了、師展兩手、僧擬議、師云了、又問第三上人、近離什麼處、僧云、南源、師云、楊岐今日、被上座勘破、且坐喫茶、

一日、七人新到、師問、陣勢既圖、作家戰將、何不出陣、與楊岐相見、僧以坐具、便打、師云、作家、僧又打、師云、一坐具、兩坐具、又作麼生、僧擬議、師背面立、僧又打、師云、你道楊岐話頭、落在什麼處、僧指面前云、在這裏、師云、三十年後、遇明眼人、不得錯舉、且坐喫茶、

一日、道吾供養主、馳書至、師問、春雨霖霖、無暫息、不晴波、潤試還看、主云、邇來已通信了、師云、者箇是道吾底、却箇是化主底、主指云、春雨霖霖、師撫掌大笑云、不直半分錢、主便喝、師云、者瞎漢、向道不直半分錢、又惡發作什麼、主撫掌一下、師云、且坐喫茶、

一日、石霜供養主至、師問、征行戰將、假道經過、割寨既圖、何不與楊岐草戰、主云、昔時謬向途中覓、今日親逢老作家、師云、楊岐且輸、小捷去也、主便喝、師云、亂做作什麼、主將坐具、劃一劃、師云、齋後鐘、主云、噯、師云、只者箇、別更有在、主無語、師云、敗將不執、且坐喫茶、

師問、僧、楊岐踏高步、何來、僧云、和尚幸是大人、師云、嘆

僧云和尚幸是大人師云楊岐近日耳聾且坐喫茶

師問僧秋色依依朝離何處僧云去夏在上藍師云不涉程途一句作麼生道僧云兩重公案師云謝上座答話僧便喝師云那裏學得者虛頭來僧云明眼尊宿難設師云與麼則楊岐隨上座去也僧擬議師云念你鄉人在此放你三十棒

師問僧雲濤路僻高步何來僧云天無四壁師云踏破多少草鞋僧便喝師云一喝兩喝又作麼生僧云你看若老和尚師云拄杖不在且坐喫茶

師問僧敗葉堆雲朝離何處僧云觀音師云觀音腳跟下

一句作麼生道僧云適來已相見了也師云相見底事作麼生僧無語師云第二上座代參頭道看僧亦無語師云彼此相鉗置

一日八人新到師問一字陣圖作家戰將何不出陣與楊岐相見僧云和尚照廳話頭師云楊岐今日抱馬拖旗去也僧云新戒打退鼓師云道僧擬議師云道僧撫掌一下師云謝上座答話僧無語師云將頭不猛累及三軍且坐喫茶

袁州楊岐會和尚語錄

潭州道吾真禪師語要

開堂日表白宣疏罷乃云請和尚不勞謙讓為眾舉揚師云直饒與麼道也落第三筵便陞座上首白槌了師云便與麼觀得一時著便若論玄微見與不見一時默時有僧問承師有言明暗兩字截斷眾流請師便道師云作麼生道僧云作家師便喝僧撫掌師云恰是問三千劍客無施用便卷珠簾賀太平時如何師云這塞虛空內開張日月前途云怎麼則千花巖畔澄孤月玉鳳樓前急轟旗去師云白雲千里萬里僧拂袖歸眾師云暗問及馬軍饒請師布陣師云分為兩段僧撫掌師云你又作麼生僧無語師喝云瞎漢乃云一問一答未有休期直饒你問到未來際我也卷到未來際所以古人喚作無盡法藏亦喚作無礙辯門且道如今喚作無盡法藏是無礙辯門是還有道得底麼試出來道看如無拄杖子為你諸人道去也以拄杖劃一劃云一時領過下座

師在北禪上堂云青山峭峻白日如梭龍門無客關市人多諸人且道即今下策行頭有幾人納稅百姓時有僧出禮拜師云北禪寺裏却有一箇僧問不落二三請師道道師云前三點後三點僧便喝師亦喝僧禮拜師云有麼麼瞎漢

道吾真

師上堂舉洞山云三臺山上雲蒸飯佛殿階前狗尿天檐竿頭上煎餛飩子三箇胡孫夜播錢師云老僧卽不然三面狸奴脚踏月兩頭白牯手拏煙戴冠碧兔立庭柏脫殼烏龜飛上天老僧葛藤盡被汝諸人廝破了也洞山老人豈是奇特雖然如是只行得三步四步且不過七跳八跳且道說訛在什麼處老僧今日不惜眉毛一時布施良久云叮嚀損君德無言真有功任從滄海變終不爲君通

上堂云拗折秤衡將什麼定斤兩拈却鉢盂匙筴將什麼喫粥飯不如向三家村裏東卜西卜忽然卜著脫却鼻孔上堂拈拄杖卓一卓喝一喝云你還肯麼你若肯心肝五

道吾真

騰頭目髓腦一時屬老僧你若不肯心肝五臟頭目髓腦一時分付擲下拄杖便下座

上堂一切智智清淨無二無二分又道無法可說是名說法且道龍宮海藏甚處得來良久云三要点開天地眼一曲無私豁古今

上堂舉僧問首山如何是佛山云新婦騎驢阿家牽師乃有頌手提巴鼻脚踏尾仰面看天聽流水天明送出路傍邊夜靜還歸茅屋裏

上堂云直上直下如何指南十字縱橫作麼生提綱良久云風散亂雲長空靜夜深明月照窻前

上堂云師子兒哮吼龍馬駒蹄跳古佛鏡中明三山孤月皎乃作舞下座

上堂乃喚維那令昨日四人新到人事新到纔出師乃云雖是小過令人大怒新到纔展坐具師云當爲空王如來作禮便歸方丈

上堂云通界元正又逢令節問諸禪人是生是滅紅日長輝玉輪圓缺疾焰過鋒眼中電掣觸體常吟是決不決汝等諸人還拜父母墳塋也無良久云人行荒草裏鬼哭密林間

道吾真

上堂僧問凝然便會時如何師云老鼠尾上帶研槌問王老夜燒錢意旨如何師云白日看星月僧擬議師云會麼僧云不會師乃云王老夜燒錢白日看星月磕齋禮慈尊手把冥香爇

上堂拈拄杖卓一卓喝一喝乃云一喝一卓眼生八角鼻孔吃沙眉毛卓朔若也會得西山月落若也不會胡餅鉢鉢下座

上堂僧問如何是第一句師云直下衝雲際東山絕往來問如何是第二句師云面前渠不見背後稱冤苦問如何是第三句師云頭上一堆塵脚下三凡土問如何是佛師云洞庭無蓋問古人道來時不將絲頭來去時不將

絲頭去意旨如何師云三生六十劫未是長期僧無語師云會麼僧云不會師云洞庭八百里未是闊問如何是真如體師云夜叉屈膝眼睛黑問如何是真如用師云金剛杵打鐵山摧問如何是透出乾坤句師云棒下最分明僧無語師乃云透出乾坤句未語先剖陳屈躬來更問棒下取分明

上堂衆集師以拄杖擲下來隨後跳下衆擬截師乃召大衆衆回首師乃云爲老僧收取拄杖便歸方丈

上堂云開心椀子盛將來無縫合盤合取去擬思量何劫悟看取眉毛有幾許去

道吾異

四

上堂云夜來雷聲震地今朝細雨霏霏乾枯滋潤萬物萌芽且道嘉州大象鬚鬚長得多少還有道得者麼若也道得陝府鐵牛是常不輕菩薩若道不得土宿拽脫你鼻孔上堂若據祖令到這裏總須茫然放老僧一線且向眉睫裏覷覷西覷

上堂僧問如何是第一玄師云釋尊光射阿難肩如何是第二玄師云孤輪衆象攢如何是第三玄師云泣向枯桑淚漣漣問如何是第一要師云最好精觧照如何是第二要師云閃爍乾坤光晃耀如何是第三要師云夾路青松老問如何是先照後用師云語路分明說投針不迴避如

何是先照後照師云金剛覲面親分付話道分明好好陳

如何是照用同時師云祖佛道中行路異森羅影裏不留身如何是照用不同時師云清涼金色光先照峨帽銀界一時鋪乃云參須實參學須實學又須要明古人血脈且道作麼生是古人血脈良久云智不到處切忌道著上堂云寒風浩浩無時節浪打懸崖石頭裂洞庭湖裏釣船傾雪路行人山路絕清風月白透幽關畢竟以何爲妙訣下座

道吾異

五

得問羅老子眼目分明

上堂汝等諸人盡學佛法非即便言非是即便言是直須繼素分明不得錯認定盤星好珍重

上堂有僧問如何是常照師云針鋒上須彌云如何是寂照師云眉毛裏海水云如何是本來照師云草鞋裏踏跳

師乃云常照寂照本來照草鞋底下常踏跳要會針鋒上須彌眉中海水常渺渺

上堂云如天普蓋似地普擎三世諸佛總在你鼻孔裏三十年後不得辜負老僧

上堂普化明打暗打布袋橫撒豎撒石室行者踏碓因甚

忘却下脚。

上堂舉僧問大隋劫火洞然大千俱壞未審這箇壞不壞
隋云壞僧云與麼則隨他去隋云隨他去又問龍濟劫火
洞然大千俱壞未審這箇壞不壞濟云不壞僧云爲什麼
不壞濟云爲同大千此二老宿一人道壞一人道不壞且
道壞底是不壞底是會麼壞與不壞俱非內外不隔纖毫
尋常面對

上堂問如何是實人不實境師云菴中間打坐白雲起峯
頂如何是實境不實人師云閃爍紅霞數天童指路親如
何是人境兩俱實師云剛骨盡隨紅影沒苦節總逐白雲

道吾真

六

消如何是人境俱不實師云久旱逢初雨他鄉遇舊知
問如何是實中賓師云誰說有疎親如何是實中主師云
禮彌無回互對面與誰陳如何是主中賓師云瑞雲空裏
布霹靂震乾坤如何是主中主師云古皇令高舉巧辯徒
申吐問如何是正中來曰皎潔乾坤震地雷如何是正
中偏曰諸子投來見大仙如何是偏中正曰萬水千山明
似鏡如何是兼中至曰施設縱橫無所畏如何是兼中到
曰黑白未分已前過師乃云古人道主賓元不異問答
理俱全問安又云賓主睦時全是妄君臣合處正中邪一
等是出世尊宿接物利生言教有異爲復見處偏枯爲復

利生不普明眼底人通箇消息

上堂云有物先天地無形本寂寥能爲萬象主不逐四時
獨且道是什麼物還識得麼若識得乾坤大地森羅洞明
若也不識被物攖著轉身不得

上堂云古人道認著依前還不是實難會土宿領下髻鬚
多波斯眼深鼻孔大甚奇怪欬然透過新羅界

上堂云古今日月依舊山河若明得去十方薄伽梵一路
涅槃門若明不得詢斯經故獲罪如是

上堂云鋒刃上踏跳微塵裏走馬勞勞去復來箇是知音
者

道吾真

七

上堂云昨日三人新到出來人事僧才出禮拜師云不落
平常卦筮直述來情僧云和尚休得也師云此猶是落平
常僧云恰是歸家師云龍蛇易辨衲子難瞞下座

勘辨

師問僧先行不到末後太過僧擬提起坐具師指云誰却
坐具作麼生道僧云和尚那裏得這消息來師便打僧擬
提坐具師又打云瞎漢僧擬識師又打云且坐喫茶僧便
坐師云什麼處來僧云石霜師云怪得

師問僧有一事借問上座只是不得打老僧僧云若甚六

由師提起坐具云爭奈這箇何僧云莫亂做師便打僧云莫亂做莫亂做師又打云且坐喫茶僧云適來道著甚來由和尚爲什麼却打某甲師云你適來去什麼處來僧無語師乃捶胸一下

師問僧昨日莊上已相見了也今日人事又作麼生僧云合取狗口師云也是僧便打師云老僧過在什麼處僧云再犯不容師却云將謂是箇漢師便打云參堂去

數人新到禮拜師云總是浙裏師僧云胡孫向火師云路跳作麼僧云今日得見和尚師云伏惟尚饗僧無語師便打

道吾真

師在慈明會裏一日提螺螄一籃遶院云賣螺螄師令眾下語皆不契有一老宿揭簾見以目顧視師放身便臥師放籃子便行

師問僧什麼處來僧云堂中來師云聖僧道什麼僧近前不審師云東家作驢西家作馬僧云過在什麼處師云萬里崖州

師問僧甚處來僧云殿寮裏來師云釋迦老子作何面孔僧便喝師云作麼僧又喝師云恰是僧云一任路跳師便打

一日新到人事乃云請和尚相看師云不易道得且坐喫

茶

泐潭專使禮拜乃云德華禮拜師云是箇浙裏師僧云不消如是師云猶是舊時氣息僧云諾師云諾卽且致別作麼僧良久云一任路跳師撫掌一下

師一日不安僧問訊次乃云和尚近日尊位如何師云路飯頭不了事僧無語師鳴指一下

王提刑問璣三生云某甲四十年爲官作麼脫得此塵云生無對師代云一任路跳又看上峯路璣云這箇是上峯路提刑云寺在上頭那璣云是提刑云怎麼則不去也璣無語師代云今日勘破

道吾真

偈頌

瀉山水牯牛

水牯瀉山峭峻微分明人類顯幽奇兩途語出分明處夜鳥投林曉復飛

杖林山下竹筋鞭

杖林山下竹筋鞭搭索牽鉤火裏臺摸近不能推放後回旋却到使君前

北斗藏身

雲門透法身從此覓踪親盡道和風暖三春寒更新

百丈野狐

語路分明在憑君子細看和雨西風急近火轉如寒

麻三介

同袍參學問通津來扣宗師正佛因爲說三介麻最好三
介天下說尖新幾多匠者頻拈撥茶緣繃侶有疎親余今
更爲重秤過那吒太子析全身

興化問雲居何必話

何必不必一七二七龍樹鳥鳴焰光透出

庭前柏

趙州庭前柏眼裏電光掣雲水往來多村翁行步劣

靈雲桃花

靈雲桃花見親切英俊超越古今哲星簇孤輪明皎潔利
刃精輝用無絕玄沙敢保君未徹雲水休話箇生滅新羅
打鐵燒脚熱磨礱還用三尺雪

前三三後三三

前三後三是多少大事光輝明皎皎回頭不見解空人滿
目白雲臥荒草

僧請益三妙三訣師以頌示之

第一妙古老門風甚奇要縱去收來總不傷此箇蹤由堪

繼□

第二妙浩浩途中有多少子細推來對月華未了須明衲
僧竅

第三妙高高峯頂猿時嘯孤輪穿透碧潭心儼然自入清
平道

第一訣門風盡施設分明萬象分徒勞更立雪
第二訣過去現在說疾焰要須分評量還斷舌
第三訣巧拙定生殺頭頭總鋒銚休論箇生滅

潭州道吾真禪師語要 終

道吾真

上

畧行狀 二張

大隋語要 十七張

子湖語錄 九張

鼓山法堂玄要廣集 廿八張

洞山初語錄 廿九張

智門語錄 十六張

第四卷總計一百一張

四冊都四百參十五張

○大隋和尚已有行狀 馬祖第四世

○子湖和尚名利蹤澶州人姓周氏幽

州開元寺受業得法於南泉願和尚

壽八十一臘六十一馬祖第三世唐

僖宗廣明中示寂

○鼓山國師和尚名神晏大梁人姓李

氏衛州白鹿山受業得法於雪峯存

和尚壽七十七臘五十八石頭第六

世五代晉天福中示寂

○洞山和尚名守初鳳翔人姓傅氏渭

州崆峒山受業得法於雲門偃和尚

壽八十一臘六十五 本朝太宗淳

化中示寂

○智門和尚名光祚鄉貫姓氏受業不載得法於香林遠和尚雲門第三世
真宗時人

大隋開山神照禪師語錄序

開封郭

崇

述

元德上人。自蜀挈大隋老錄。欲登囊資。鏤板於杭。廣其說于天下。余曰。自老盧衣止不傳。逮數百年。枝分派別。披法衣。據座唱道者。不啻萬數。大抵穿鑿破裂。隨言取義。析文生解。求其直截根源。如古尊宿者。固未易得。今欲開其邪。而示之正。使知所趨嚮。不亦難哉。然世必有一覩斯錄。默契而獨得者。庶乎佛日重輝。慧命不絕。於是乎書。時崇寧四年。閏二月十五日也。

大隋神照禪師語要

西蜀臨邛沙門

元德

重編

上堂云、你不見道一塵含法界、所以道有一智人、破塵出經卷、量等三千大千世界、你欲破不破我今舉起、大家求此事三千世界、收在一微塵、四大海水歸一滴、須彌納芥子中、若求自己、祇在一毫毛、你若一毫毛處、見得三千大千、總成經卷、祇是自己、動這箇境界不得、所以真境不現、說什麼纖毫覺處、總是限刀避箭、懼境藏形、你喚這箇作什麼、兄弟、如石壓草相似、或然拈却石、依舊習氣祇在、須是隨處了却始得、與境為主、免塵境使喚始得、大難大難

大隋真

一

千難萬難、祇是般解他後銜鐵負鞍、阿誰苦、纔有些子覺觸處、便擬望與人為師、大錯、須說凡了却凡、須說聖了却聖、舉一例諸、無非恁麼不易不易、珍重珍重、下座、問如何是大隋一面事、師云、無東西南北、問如何是生死中事、師云、水上浮漚、內外不見、問如何是中理一句、師云、表裏不從、進云、師決志事如何、師云、言下知音、問如何是道用心處、師云、莫自護、問陀那微細識到此如何分、師云、你眼祇解觀色、還解聽聲否、問萬法歸一、一歸何處、師云、萬法元不歸、問六國未寧時如何、師云、臣灰功進云、直得君臣道合時如何、師云、不見有君臣、問如何

是自在、師云、不自在、進云、不自在時如何、師云、却自在

問、中雲瑤塔時如何、師云、不厭世境、問、曹溪一路事如何、師云、老僧道如不淨坑、進云、何以如此、師云、佛祖兩路了不相干、問、久處寒巖、何以日不照、師云、不照寒巖、寒巖終不出來、就你日光、問、離光影、如何是師性、師云、和光吐出、進云、莫鬼語、師便打、問、如何是最初一句、師云、是末是本、問、如何是大隋境、師云、不似學人進云、何故不道、師云、不然、問、如何是最初處、師云、莫妄想、問、隱隱不停波時如何、師云、敬禮常住三寶、進云、息浪停波、爲什麼沙石轉多、師云、爲你斷伊、問、學人祇如浮雲、以鏡

大隋真

二

捉光、何處安排、師云、與雲為主、問、寸草未生時如何、師云、老僧無米喫、終不下大隋山、問、祖意教意是同一是別、師云、不究始不顧末、問、路逢古佛時如何、師云、你或逢馳驢象馬、喚作什麼、師云、夫上代諸德、莫非求實、不自昧、豈比飛蛾投火、自傷自壞、他明白了、彼生死輪回、拘障不得、所以識不能識、智不能知、不聞道、釋迦掩室、淨名杜口、須菩提無說而說、釋梵絕聽而聽、此事大難大難、珍重

上堂、問、萬法從心起、未審心從何起、師云、石牛汾江走水底、火燒天、問、如何是大隋山、師云、耳不聞、眼不見、進云

如何是山中人師云千人眾裏萬人眾裏不向一人不肯一人問掘一丈見一丈空將一丈土填一丈空未審空歸何處師云莫將這箇道理爲佛法出去出去問佛法遍一切處未審教學人什麼處駐足師云大海從魚躍長空任鳥飛問撲碎驪龍珠請師明活寶師云明活寶且置作麼生是徐撲碎底珠僧無語問法報化三身佛亦非說如何是本來身師云海底如意珠始終無不應問如何是大人相師云肚上不貼胸

師問僧向什麼處去僧云西山住菴去師云我向東山喫汝汝便來得麼僧云不然師云汝住菴未得問生死到

大隋真

三

來時如何師云遇茶喫茶遇飯喫飯進云誰受供養師云合取鉢盂師菴側有一龜僧問一切衆生皮裹骨這箇衆生爲什麼骨裹皮師遂拈草履向龜邊著復云會麼僧無語問如何是諸佛法要師舉拂子云會麼僧云不會師云麈尾拂子問如何是學人自己師云是我自己進云爲什麼却是和尚自己師云是汝自己問如何是無縫塔師云高五尺進云某不會師云鶻鶻塔問如何是一切智空師云心空即是進云更有來時作麼生師云不是空進云還稱向上事也無師云不限問和尚百年後付法與何人師云露柱火爐進云還受也無師云火爐露

柱有一行者領衆到師處師問云參得底人喫東作什麼對云不可喚作東師咄云鳬驢漢又喚作什麼行者無語衆皆散問但有一法耳不聞眼不見皆是光影如何是光影中人師咄云莫無禮莫無禮問理不言論時如何師云言詮卽理問如何是和尙家風師云赤土畫數箕進云未審此理如何師云數箕有層米跳不出師問座主講什麼教主云百法論師拈拄杖云從何而起主云從緣而起師云苦哉苦哉師問僧什麼處去僧云禮普賢去師舉拂子云文殊普賢總在這裏僧作圓相拋向背後却展兩手師叫侍者云取一貼茶與這僧云問遠聞

大隋真

四

大隋水到來祇見箇漚麻池師云汝祇見漚麻池阿裏見大隋水進云如何是大隋水師云苦澀難下糞進云還喫得否師云喫著便死師因燒山次見一蛇以杖挑向火中咄云這箇形骸猶自不放捨你向這裏死如暗得燈遂有僧問正當恁麼時還有罪也無師云石虎叫時山谷響木人吼處鐵牛驚僧因馳書辭師問曰學人此去未審師將何言到彼中師云好爲通達再問臨岐參晚請師垂示師云無事早歸僧從五臺山來師問云五臺山何似大隋山僧問云如何是大隋山師云老僧耳背高聲問來僧高聲問如何是大隋

山師云、苦千山與萬山、問、魚遊陸地時如何、師云、拗不曲處、是關梨所貴、進云、却下碧潭時如何、師云、立足事難明、師勸僧云、從什麼處來、僧云、從蜀中來、師云、未入蜀時、在什麼處盤泊、僧云、無處所、師云、莫是處所有過耶、僧云、若有處所、鈍置人眼、師云、天堂地獄、有一坐具分、似落坑鼓相似、不鼓而自鳴、堪作什麼、問、生死到來時、還免得否、師云、飢時喫飯、寒則著衣、

上堂云、夫沙門釋子、見有如無、始得向一切時中、與凡聖等、與解脫等、方有少許出處、若不如、此大難大難、珍重、上堂、問、大地及日月、時至皆歸盡、未曾有一事、不被無常

大隋錄

五

吞、還有吞不得者也、無師云、汝喫什麼作無常、進云、不究竟為無常、師云、無常却究竟、自是汝不究竟、其僧不肯、師便打、師勸居士云、此身是什麼服創、士云、父母俱亡、師云、喫茶去、居士應諾出去、師喚回、咄云、你對老僧謾語、父母祇在、你莫說學無上道、自己父母尚乃不知、出去出去、問、如何是玄旨、師云、直須玄去、進云、如何是玄中玄、師云、不返去、問、古人立雪斷臂、為求何法、師云、古人不斷臂、進云、古人斷臂、因什麼道、却不斷臂、師云、自是向雪堆裏樂、問、金鷄未啼時如何、師云、失却威音王、進云、正當啼時如何、師乃笑、問、柴裏蟲、柴裏死、水裏蟲、合作麼生

師云、一切尋常、問、金鴈附書、為什麼不露翼、師云、不通虛信、問道場獻寶、誰人能辨、師云、虛空能辨、師忽示微疾、不見客、時有僧、隔簾問、咫尺之間、為什麼不相親、師云、如今相親、何不問來、僧便問、如何是相親底事、師云、老僧不安、有什麼心情對你、

上堂云、閒即遊天寂即歸地、問、上無片瓦、下無卓錫、時如何、師云、汝即今在什麼處居止、問、無常迅速、不與人期、忽若到來時如何、師云、速問速問、進云、便問、師云、太不道速生、問、啐啄同時、如何瞻覩、師云、是動是靜、問、出殼時如何、師云、是末是本、又云、見麼、問、普雨、為什麼不

大隋錄

六

潤、師云、普雨、問、滴水成冰、古人為什麼不許、師云、古人即如此、若是老僧道、向虛空裏挂破瑠璃鉢、問、既是師子、為什麼被木殊驢、師云、調伏自在、問、孤巖無紋、續特達事如何、師云、孤巖有紋、續特達事顯現、問、處水之魚、為什麼渴死、師云、祇為魚不親下口、問、父子至親、岐路各別時如何、師云、為有父子、俗士施師鉢盂、問、未施鉢時、師用什麼、師云、使最末後者、一僧欲下山、為衆化緣、辭師、師云、汝若道得一句、即放汝去、若未然、且歸堂休歇、辨取自己事去、師問、盡十方空界、是王老師檀越、未審化什麼人去、僧云、但請和尚疏頭來、便與師道、師云、汝且辨自

已事去。問毀佛謗僧時如何。師云。僧有何過。佛事負你箇什麼。你毀謗他。僧無語。

上堂云。今時沙門。向因中辨果。果裏辨因。始得。僧便問。有一人不屬因果。時如何。師近前捉定云。我。今時沙門。向因中辨果。果裏辨因。汝云。一人不屬因果。別道別道。僧無語。師便打出。

上堂。僧問。過去未來。師不問。如何是現在。師云。虛空遷著。得碾礮石塵。問。來時無阻隔。去時無滯礙。正當恁麼。乞師一句。師云。虛空無邊際。大海平如掌。般若性等等。

上堂。普告大眾云。汝等還知有三處不立質礙有緣。二際

大隋真

七

無分。豈知來去。三身四智。非聖不無。八解六通。非凡不有。雖則衆生。盡有佛性。不可將蠢蠢而對佛耶。然則高下無偏。爭奈途中有異。此身難得。胎卵易成。況是釋子之徒。又乃祖宗苗裔。三衣覆體。累劫修來。四事供須。非從今日。人前行相。總似高僧。乃至語言。不如俗子。稱名。便是傳法沙門。子細尋思。還傳箇什麼。一向毀他。經教有目如盲。純乃誦於祖宗有心也。祇如木石。不解付己德行。終日恣縱無明。以無慚愧之心。兀兀何曾覺悟。此身若失。永劫沈淪。非但却復人身有福底畜生也。難得。問。孤峯頂上。玩月輪時如何。師云。何不了却孤峯事。玩他月輪。作什麼。進云。豈

無內外明微事耶。師云。內外明微事。作麼生。進云。無有不照。師呵曰。這鈍驢也。擬學馬走。僧無語。師復云。問你諸

方雲水。聞梨莫道。老僧這裏有佛法。與你諸人說。向諸方行脚。參尋知識。說箇什麼。汝又領箇什麼。莫道禮三拜後。便起近前問。若也言下便契時。猶未是了底人。莫向口頭取俊。他時人天眼目者。非是一生兩生修來。盡是恆沙劫。功成果滿。始得如是。所以向你叢林裏。示現下來。祇圖你今時人。勤苦修行。祇恐你出家人。失却人身。莫等閒過日。老僧這裏有什麼佛法。與你諸人說。自是你諸人上得山來云。我修行學道。是佛向上人。且問你佛向下人。作什麼

大隋真

八

模樣。不可老僧這裏有佛。向上人有佛。向下人來。向諸人說。那。你若不言。我不可知你肚皮裏事也。你或若問老僧也。則隨汝根機。與汝說。不可教老僧亂道得麼。祇如老僧行脚時。不揀叢林。有供養無供養處。祇要看他眼目。相似根性。有些些器量。方欲過一夏。或一冬。若是根性鄙劣者。三朝兩日便行。算來參六十餘員大知識。有大眼目者。那無一二。餘者豈有真實知見。祇是圖你諸人供養。欲望福報。你又有什麼福報與伊。不可出家來。空趁聚頭喫飯耶。雖然如是。四大之身。誰免得。直饒心超聖境。身是凡夫。又乃假借增修。今時人便去向裏許。埋沒却人身。諸人莫謾

向口頭裏無礙。却成誦佛設法。見須實見。聞須實聞。始得。假饒說似斬釘截鐵。直須時中不護自己始得。一車芥子。猶未點著在。來時箇箇便道。我是不思議底人。縱然除得。身邊簍重。猶餘微細不知。簍重尚乃不知。豈可說於解脫之法。細中之細。佛尚不知。微愚凡夫。豈能測得。但是世間有者。從顛倒所生。欲得解脫塵勞。無過心中自省。摩訶般若。是解脫法身。子細尋思。復是誰有誰無。老僧也不是。醉凡詐聖。祇是習氣不除。上合諸佛心印。中合一切人天。下合蠢動含靈。師僧家。披如來法服。須求出離。時不待人。光陰頃刻。珍重珍重。

大隱典

九

上堂。僧問。真如法界。以三昧為香花。廊周沙界。亦同一家。龍門為什麼無宿客。灑水為什麼足蝦蟇。師云。真如法界。不以三昧為香花。廊周沙界。亦無家。目前問者。豈不是智辯座主耶。主云是。師云。祇這便是灑水足蝦蟇。師復云。拋却從前活計。認本源源。主無語。師云。經有經。師論有論。師律有律。師你十二時中。合談何事。還因箇什麼。做得模樣。不可三箇作隊。五箇成群。趁衣却食邪。到處不免撓他施主。坐臥心頭。難勝於檀越。直饒你跣跣向虛空裏行。也是國王管界。不可將持齋奉戒。隨時轉一卷經。用答四恩三有也。又爭報答得。自是諸人。時中事修行。到辟支佛。

地方能消得人天供養。博地凡夫。祇是異俗之形。喫了不知慚愧。空自趁說。已是他非出言。欲斷人命根。吐氣便作毒蛇之行。說著自己三界無過。毀挫他人。祇如蟲蟻。若是古佛有此標榜。如今欲微做些些。從上已來。或無此則因何所起。如此客縱。豈言清德。若也不達本源。未免滴瀝還他。改皮換骨。泥梨苦海。誰人替得。諸人大須竭力。不得因循過日。學禪學道。則不無。你諸人且道。禪有可參。道有可學否。若言有學者。無有是處。若言無學者。亦無有是處。不可顯然去也。因地還從此去。直須打底分明。了却生死根本。縱饒異類中受生也。終不昧己靈。始得。四大合成。祇是

大隱典

十

汝之窟宅。這邊脫去。那邊早生。那邊脫來。這裏早別。作箇模樣。汝不思量。看同那箇。是汝本來之身。須向彼中究取。莫謾走南州北州。終無了日。光陰迅速。珍重珍重。上堂云。此性本來清淨。具足萬德。但以隨緣淨二。纔而有差別。故諸聖悟之。一向淨用。而成覺道。凡夫迷之。一向淨用。沒溺輪迴。其體不二。故般若云。無二無二分。無別無斷。故時僧遂問。劫火洞然。大千俱壞。未審此箇性。壞不壞。師云。壞。進云。怎麼則隨他去也。師云。隨他隨他去也。僧無語。時會中三百餘僧。盡皆不肯。皆云。從上已來。祇說不壞之性。和尚何故。却云壞。那眾各惶然。時有一僧。上堂。頭

白師云、適來僧問和尚話和尚答他、其僧似不肯和尚答底話、師云、只有此一僧不肯為、如更有人不肯邪、僧云、只是一僧、師云、直得三千大千世界人、總不肯老僧、猶技些些子、非但這一僧、其僧後至投子和尚處、投子云、關梨近離甚處、僧云、遠離四川大隋、投子問云、彼中還有尊宿也無、僧云、有一禪師、住大隋山、見有三百餘眾、子云、有何言句接人、試與老僧舉看、僧云、某甲昨問大隋、劫火洞然、大千俱壞、未審此箇壞不壞、子云、大隋如何答、僧云、大隋答道、壞僧云、某更問、怎麼則隨他去也、大隋又答道、隨他隨他去也、子云、汝作麼生會、大隋語、僧云、某甲不肯此語、

大隋真

上

子云、關梨早錯了也、大隋怎麼道、隨他隨他去、汝又如何、僧云、至今未決、子遂呼侍者、令裝香、大辰坐具、望四川大隋山、遙禮三拜已、嘆曰、不是大隋和尚、伊是箇古佛、此乃真善知識、汝速往彼懷懷參取、老僧無如是法、與汝說、速去、速去、於是僧便回、大隋和尚已歸寂、復回投子、投子和尚亦乃歸寂、

蜀主、賜師紫衣師號、并遣內侍朱延簿侍奉師、師不受、師復云、山僧偶住、未經多時、屢蒙餽水、養道存真、何人虛譽、致令王者知斯異恩、謝使遠來勞煩、却送還王、老僧祇可布衣遮體、不須名服向身、王恩雖重、老朽何堪、於是天使

遂回奏、凡三次送來、不受、

師又云、老僧不為名利來此、須要得箇人、不可青山白雲中、趁份是非將來之世、捨一報身後草也、無喫多少金毛、師子問著、便作驢鳴馬嘶、諸人者、似老僧行脚時、到於諸方、多是一千、少是七百五百歲、或在其中、經冬過夏、未省時中空過、向瀉山會裏、做飯七年、於洞山會中、做茶頭三年、重處即便先去、祇是了得自己、時中干他人什麼事、如諸佛菩薩、盡是勤苦、不計劫數、捨金輪王寶位、及頭目髓腦所愛之物、國城妻子、不可算數、所以始得名為佛、似諸關梨、還會捨得箇什麼、作得箇什麼勤苦、便道、我會出世

大隋真

上

間法、世間法尚不會、些些子境界現前、便自張眉怒目、消容不得、說什麼解脫法、長連牀上坐、不搖十指、喫他信施了、合眼合口、便道、我修行修道、成果如是、合消得、祇是護自己、如百丈和尚、置於堂宇、祇要辦事底人、諸關梨還辨得箇什麼事、其中有不動身手、日消得萬兩黃金、若是消得者、豈可如此見解、不可從母腹中來如是邪、但會得世間法、是則名為出世間法、世間法尚乃不會、豈況佛法、祇如一大藏教、盡是金口所宣、如來秘密、汝口裏念將來、總成魔語、豈得了、為什麼不了、若了時、達磨不從西來也、祇如達磨未來此土時、還有佛法也無、又爭得道無、譬如人

有一寶墜在淤泥中、勤苦累劫尋求不得、或有一人善知寶所、直從泥中指出此寶、以示失寶之人、失寶之人一見便識、是我本物、了無得失、達磨西來亦復如是、不可祇是老僧是善知識、那通地眾生、總是善知識、祇是見覺未明、不可道伊無也、若言有時、諸人肯禮蓋蓋之徒、作佛麼、譬如明珠墮在泥中、未遇其人、豈有出期、有此眾生、比如無情、還同頑物、既在三衣之下、直須親近知識、早是幾生修來、始得如此、不可却入輪迴、六趣去也、若是得自在底人、論箇什麼、鑊湯爐炭、刀山劍樹、四生六道、於中如喫美食、若未得如是、便實受此報、一失人身、載求欲似如今者、甚

大隋真

十三

中無一、莫未得謂得、未證謂證、未聞謂聞、自謾自誑、失却光陰、虛延日月、展轉祇是無明擔重、乍可為俗、隨所任運、遣過時日、却乃無業、如今作沙門、每日有業、有什麼業、踏底是國王地、著底是檀信衣、喫底是檀信食、骨肉是父母之體、若也不了、將何酬答、所以言有業、祇如老僧、不可是了底人、捨此一報身、隨業而行、誰言定得、除佛與佛乃能知之、時有僧問、不假言句、如何得知、師云、假言句尚乃不知、僧無語、禮拜。

師忽一日上堂、眾集定、師乃作惡風勢、告眾曰、還有人賢得老僧口麼、眾僧競送藥、俗士聞之、亦多送藥、師並不受。

經七日後、師自擲口令正、復云、如許多時、鼓這兩片皮、至今無人賢得老僧口、於是齋前陞座、辭眾儼然端坐、告終。

大隋神照禪師語要 終

大隋真

十四

大隋開山神照禪師行狀

師諱法真、號古有威、眉垂覆睫、嘗聞老宿輩皆稱為定光佛、示蹟於劍南梓州鹽亭縣王氏家、生族本晉、纓妙齡夙悟、決志尋師於慧義寺、今護聖寺竹林院是也、師圓具後、遂遊南方、初見藥山道吾、雲巖先涓、次至嶺外、大瀉和尚會下、數載、食不至充、臥不求暖、清苦鍊行、履操不群、大瀉一見、乃深器之、一日大瀉問曰、關梨在老僧此中、不曾問一轉話、師云、數某甲向什麼處下口、瀉云、何不道如何、是一轉話、師云、便作手勢掩瀉口、瀉嘆曰、子真得其髓、從此名傳嶺外、聲振寰中、爾後奉旋西蜀、寄錫於天彭峒口山龍懷寺。

路傍煎茶普施三年忽一日往後山見一古院號大隋山
群峯轟秀澗水清冷中有一樹圍四丈餘根蟠劫石勢聳
雲霄南開一門裏面虛通不假介斧自然一菴師乃居之
比夫迦葉三峯維摩丈室不遠矣時人皆目之為木禪菴
師居十有餘年影不出山迹不入俗道德彌著聲聞遐彰
知者四方不遠千里櫛足函丈朝參暮請虛往實歸時蜀
王崇重師名凡三詔不從王慕師孤風無由一見遂於光
武元年十月十五日遣內侍賁紫衣師號寺額等賜師師
不受凡三度送至師確意却之王愈欽師德再遣使出敕
云寡人心願此回禪師如准前不受乃卿之罪也臣必誅

卿天使奉聖旨再往師處師亦不受天使慙慙拜禮告云
禪師此回若更不受君命某必受戮願師慈悲免某禍患
師不獲已受之師既受已使復告師求回表謝恩師云老
僧自住山來無紙墨汝隨我口傳語大王須善保治家治
國事無偏傾領取傳言無令忘失欲求相見是何年月使
依師言回闕奏王王深悅再令天使詣山中長生侍奉師
師亦不受復云老僧不為名利須得箇人作什麼天使茫
然師且權留之師於乾德元年己卯七月十五日齋前辭
衆端坐而化俗壽八十六僧臘六十六時王聞之哀慕師
心不勝慘怛急宣中書令王宗壽賁香燭供具等到山致

祭教葬歸塔神異頗多不可具述

祭文

維乾德元年歲次己卯十月乙未朔十五日己酉弟子扶
天佑命忠烈功臣開府儀同三司檢校太尉太子太傅兼
中書令食邑五千戶嘉王宗壽謹以香燭茶果之奠敬祭
于

故神照禪師之靈惟

靈大教著龜釋宗水鑑傳心印以悟道握智珠以譚空三
乘洞曉其真如四眾踴躍於精妙自攜瓶錫來駐靈山匡

驚嶺之高僧超人天之勝果雲臻士庶渴法如仰於醍醐
雨驟繼黃得旨似沾於甘露方化緣而大布何香火而或
虧蓋以諸行無常是生滅法爰歸真寂永斷沈淪弟子宗
壽幸以孱庸久欽德宇克慕出塵之益將隆難殆之能豈
料法舟俄登彼岸今則遷神已卜歸塔行期恨無繼地之
能併寫終天之訣敢陳蘋藻式表追攀

靈鑑澄明伏惟

尚饗

衢州子湖山定業禪院第一代神力禪師語錄序

第三代住持傳法賜紫 慧覺 撰

昔神力禪師諱文縱有奇行。藹然叢林。自唐迄今。僅于三百載。所居法席。廢來久矣。所示徒語言。亦無聞於世。其所傳者。惟大話耳。余自元豐三年。來主是席。遂探討其語。未之得也。一旦往太雲真師

子湖山

院。乃獲一小策。開覽翫味。見其言直其理深。若醍

醐之一滴。能散其六斛之鹽乳。真南泉之的嗣也。

文字訛舛固多。余遂逐一看詳改正。鏤板傳于世。

不獨顯當時之盛事。實有益於來者。時元豐六年

癸亥歲五月十有二日序。

子湖山第一代神力禪師語錄

師示衆云。諸法蕩蕩。何絳何拘。汝等於中。自生難易。心源一統。綿亘十方。上上根人。自然明白。不見南泉道如斯癡鈍。世且還稱。歷歷分明。有無不是。只少箇丈夫之志。致見如斯疲勞。汝今欲得易麼。自古及今。未曾有一箇凡夫聖人出現。汝前亦無有一箇善語惡語到汝分上。爲什麼故。爲善善無形。爲惡惡無相。既以無我。把什麼爲善惡。立那箇是凡聖。汝信否。還保任否。有什麼回避處。恰似日中逃影。相似還逃得麼。今之既爾。古之亦然。今古齊時。汝還諱得麼。佛法玄妙了得者。自相策發。無爲小緣。妨於大事。汝

子湖山

不見道。寧可終身立法。誰能一旦亡緣。仁者要徑會禪麼。各歸衣鉢下著。

僧問。如何是一心三觀。師云。我尚不見有一心。你喚什麼作三觀。進云。如何是三觀一心。法身還喫飯也無。師云。鉢盂鑊子。什麼人受持。進云。未曾。請師慈誨。師云。未曾。教許法身。

師示衆云。幸自可憐生。苦死向人前討些子聲色屑。吻作麼。我且問你。聲色兩字。作麼生討得。還會麼。我道聲色如泡。爲復爲你說破。爲當爲你討聲色。試商量看。莫生客易忘。剛用心。若了根源。終非他物。譬如圓鏡。男來男現。女來

女彰乃至僧俗青黃山河萬物隨其色相一鏡傳嘆不可是鏡有多般但能映物而露仁者還識得鏡未若不識鏡盡被男女青黃山河類等礙汝光明有什麼出氣處若識鏡去乃至青黃男女大地山河有想無想四足多足胎卵情生天堂地獄咸於一鏡中悉得其分劑長短劫數若色若空茲能了之更非他物汝豈不聞諸法如義光陰箭速莫誤悠悠大事因緣須了取 僧問如何是大圓鏡師云一切物著不得進云為什麼一切物著不得師云汝是一切物還著得汝否 僧問如何是南泉不變句師云道什麼進云如何領會師云道什麼 僧問一塵之內大千世

子湖

二

界如何是一塵師云即汝是進云如何是大千師云但識取一塵 師復云說得千般美食不如一頓糞食能奇能異省徑省心還假如是疲勞馳求趨逸也無本自非有誰強言無與麼道可謂虛空之心合虛空之理只少箇承受底漢子變弄接續得去能有利人之分也根劣之徒自益未圓焉能益彼著些子骨氣乘些子丈夫作麼生門風如何圖度須作難遭之想可懷負荷之心歷歷明明有什麼一錢事到汝意根下與汝為於彼此生滅仁者如世良醫隨方與藥先識彼病然後施方法法如斯心心若此須要作箇無繩自縛漢作麼莫去

師示衆云子湖一隻狗上取人頭中取人心下取人足僧便問如何是子湖一隻狗師乃吠三聲進云如何領覽師云縱饒領覽也只箇吠聲 僧問如何是祖師西來意師云你道祖師西來有意麼進云既無意用西來作麼師乃云祖師西來也只箇冬寒夏熱夜暗日明只為你徒無意立意無事生事無內外強作內外無東西說說東西所以著摩不能明了以至根境不能自由 僧問如何得不被諸境惑去師云你試點惑你境出看進云某甲不見師云你既不見惑境何來僧禮拜師云又見妄想去也師云心源朗朗無物莫疑直下承當不勞功用只少箇信

子湖

三

之一字然實不易信莫非風習之徒聞著便能承受若是登學之輩將三寸舌惑亂於人後進初機把他古聖言談向意根下測度直至頭白齒黃並無纖毫得力處仁者須打疊及時莫待臨終揮霍佛法因緣浩浩快須徹了無疑可中向這箇皮袋子內辨得者箇去坐却天下人咽喉性命盡被汝蓋覆乾坤盡被汝自由自在皎皎明白何勞汝上來下去仁者本性具足本自周備直教無纖塵法礙你眼光始得若有微塵底不盡不是一生半劫賺汝皮囊汝性命根境法中造諸妖怪山精鬼魅附汝行持得少為足鼓弄片皮於佛法却為毒害識禮塔廟毀彼持經師子

身中蟲自食師子身中肉、仁者恰莫向心田中認些子妄
想、將為極則、他上祖是什麼模樣、下去莫立、

問、未了根源、請師提獎、師云、還會麼、僧云、未會、師云、更問
千則萬則也無益、僧問、機不曉、如何得心地無疑去、師
云、心地有多少疑、僧云、如何是心地、師云、多少分明、

師示眾云、據仁者分上、何得一生一滅、一斷一常、與汝為
於拘繫、作其取舍是非、及諸顛倒、汝還知道諸聖門風、無
結縛麼、只欲仁者承當、還承當得麼、可惜光陰、莫令辜負
却仁者、豈不見目前太虛、還有纖毫欠少處麼、若也於中
體得者、箇消息、不妨出得凡聖境界、了得世間出世間之

子游歌

智一法既爾、萬法亦然、仁者還樂也無、僧問、如何是佛
師云、不重道、僧云、如何是法、師云、嫌什麼、

師示眾云、天上人間輪迴六道、乃至蠢動含靈、未曾於此
一分真如中、有些子相違處、還信麼、還領受得麼、大凡行
胸、也須具大信根、作箇丈夫始得、何處得與麼難信、他古
人、只見道箇卽心是佛、卽心是法、便承信去、隨處茅茨石
室、長養聖胎、只待道果成熟、汝今何不効他行取、仁者可
煞分明、並無參雜、治生產業、與諸實相、不相違背、僧問
如何是千聖不傳底事、師云、阿誰向你說、進云、與麼則信
受奉行去也、師云、信得及者、卽行之、信不及、恰莫強為、不

是口頭說信、便信得去、如人說食、終不得飽、縱然口頭說
飽、爭奈肚內飢何、仁者直須飽去、莫謾悠悠、僧問、如何
是古聖心、師云、汝是凡夫心、僧云、如何是信得、師云、信亦
不由汝、不信亦不由汝、僧云、信不信且置、作麼生、師云、是
你心、

師云、仁者還知子游親切相為麼、行時但行、坐時但坐、乃
至喫茶喫飯、種種施為、有甚麼相隱處、仁者作取、無別強
為、只是汝今無疑作疑、無事生事、於自心源、却生顛倒、譬
如百千澄清大海、棄之為認些子浮漚、目為全潮、亦認些
子螢光、作於日焰、還生慙恥麼、諸聖得道得果、數如恆沙、

子游歌

汝今却作箇凡劣凡夫著、恰莫因循、僧問、如何是無礙
底心、師云、恰是、

師云、莫道千聖同風、便當得本參事好、且問仁者、什麼處
是千聖同份處、行時坐時、起時臥時、試說看、還有法處麼
仁者、大道無邊、誰前誰後、真空絕際、是正是邪、乃至瞎目
青黃、作何形段、到汝分上、喚作百工、肆各逐營生、多少
分明、何煩造作、一切普備、無法不彰、了了現前、還講得麼
道、師問、如何是人人具足底事、師云、汝豈不是道、師
鐵磨、領眾至、師勸云、見說劉鐵磨、莫便是否、磨云、什麼處
得者、箇消息、師云、還在轉右轉、磨云、莫顛倒、被師打出、

師半夜巡堂，叫有賊。大眾皆驚動。師於僧堂見一僧，獨胸把住，叫云：捉得也。喚維那來，僧云：不是某甲。師云：是卽是你，自不肯承當。

勝光因在子湖，鏝地次，勝光鏝斷一條蚯蚓。問云：某甲今日鏝斷一條蚯蚓，兩頭俱動，未審性命在那頭。師提起鏝頭，向蚯蚓左頭打一下，右頭打一下，中心空處打一下，擲却鏝頭，便歸。

師又鏝地次，亞鏝頭回視勝光云：事卽不無，擬心卽差。勝光便問：如何是事。被師攔胸踏倒，從此省悟。

僧問：拈慶云：勝光被子湖一踏，意作麼生。拈慶云：古人

子湖歌

六

參玄，不消一踏。

師於門前下牀云：子湖一隻狗，上取人頭，中取人心，下取人足。往來好看。醉濟下有二僧，聞得遠遠來尋訪，繞到果見其牕，遂入門，以手揭簾，喚起未起。被師喝云：看脚下。犬僧近前禮拜，便問：承師有言。子湖有一隻狗，上取人頭，中取人心，下取人足，如何是子湖狗。師云：嗥嗥。僧無語。師便歸方丈。

後章州羅漢展和尚，聞舉云：者箇是喫屎狗。僧便問：如何是子湖狗。展云：學喋却。僧擬議。展云：早被我咬殺了也。

明招和尚在羅山，聞舉云：泊賺數兩草鞋，我本欲造章南，如今不用去也。休休。僧便問：如何是子湖狗。招以手按膝，放身近前云：嗟嗟。

子湖山下有陶家，爲無子，夫妻每日焚香發願，求一男子。師遂往其家，乞竹。先問：是汝夫妻，每日起心發願，擬作箇什事。云：切緣家內無子，願求一男。師云：我就汝乞一種物，還得否。云：和尚要甚物，但乞指揮。師云：不要別物，欲乞一擔竹。與汝一箇男子。其家忻喜云：此是小事，一任砍去。師斫大竹，近一千竿。陶公云：和尚只討一擔，何所許多。師云：只此一擔，尚未足在。遂將大竹長者，捻數竿破，相接作一束，將歸。其家當夜感夢，生得男子，因此遂號神力。

子湖歌

七

師嘗作頌云：

三十餘年住子湖，二時粥飯氣力震。每日上山三兩轉，問汝時人會也無。

又

從來事非物，方便名爲佛。中下競是非，上流始知屈。

臨行示頌，三首。

我聞過去佛，縱橫盡丈夫。示汝真歸處，千二月影孤。觀音與文殊，示我常飛動。吾今已歸真，觸處皆無用。

佛性本來無阻障、衆生不識難歸向、若見如來成佛時、莫向世間求取相、

讀神力禪師

住持傳法賜紫 慧覺 謨

欽哉神力、眞善知識、不住有無、寧拘頓、迸入門看天恩、量痛憤、上山見路、不妨徑直、三截取人、一言最的、左右轉時、湍流峻激、東西往來、庭趨愕立、清風千古、振叢林、萬里無雲、轟霹靂、

子湖山神力禪師語錄 終

子湖山

八

甌閩鼓山先興聖國師和尚法堂玄要廣集序

夫釋迦西現、張教網於多門、達磨東來、指人心於徑路、不由名相、頓悟眞乘、靡歷化城、直之寶所、而自少室之花開六葉、曹溪之胤布諸方、爰出石頭、號純金鋪、蓋以格高調古、言驗理幽、厥後子孫從宗行步、闊狹毫釐弗差矣、卽有

鼓山晏寺

先興聖國師法嗣雪峯乃石頭五葉也

師坐道場則三十二年、擁毳侶則一千餘眾、或抵牾學者、提唱宗乘、機鋒迅而金翅取龍、格致高而般若匠物、言如雷火、搓之而一點隨游、事比蟾輝、唱之而孤輪不墜、破空有而旋敲中道、話君臣而匪稱當人、排淨名而未是本參、斥圓常而非爲極

則往前所集漏落者多。漸邁金烏恐成水鶴。今以了宗本師昔推入室。今契傳衣。凡於樞要之言。並蘊胸襟之內。寫瓶傳器。分燈散明。慮有拋遺。再從編錄。總一十六會。偈頌次之。自量淺識之徒。獲覩未聞之教。揮毫承

命。聯述端由。時乾德三年乙丑。角黍後五日。紹文

序

鼓山先興聖國師和尚法堂玄要廣集

師上堂。大眾已集。時有學人繞禮拜。師云。高聲問。堂人。答和尚。師便喝出。問從上宗乘。如何體會。師叱之。問。擬將來。皆不相似。單刀直入。時如何。師云。失命漢。問。如何是學人自己親躬事。師云。還返仄麼。學云。卽今事如何。師云。不可瞎去也。問。如何是本參底事。師云。因什麼得到與麼地。師云。若是猛利底。擦着便休去。大蟲着由相似。有什麼近處。更有一格人。脚不跨石門。怪他得麼。不可事須踏前踏後。納箇如何。醉人相似。且宗門中事。作麼生降。茲已下。根性遲迴。事須從人決擇。方定紀綱。且作麼生決。不可問一句。答一句。喚作決也。若與麼驢年。去到這裡也。須是箇漢始得。大不容易。兄弟決擇之次。如履輕冰。將爲等閒。句裡相關。道我解問話。貴轉數多。合殺成得箇什麼邊事。只是箇識路中人。且無自由分。兄弟事本因人。因人立事。人達卽事。渾事渾卽無成。無成須得無成句。有人道得麼。出來。無事莫立。珍重。

師有時上堂云。實不敢欺兄弟。亦不敢昧兄弟。然且没人辨時。有學人問。和尚與麼道。還盡師本意。未。師云。放汝後生。問。從上宗乘。如何舉唱。師以拂薦口打。學人禮拜起。纔問。有問有答。師云。老兄不是這脚手。問。承師有言。

從門入者非實、黃梅行者傳何事、師云、道什麼、學人再問、師云、去不為汝、有僧繞禮拜起、師云、道什麼、學云、佛未出世時如何、師云、合取口、問、如何是從上來、不昧底事、師云、是什麼、問、繞施方便、蓋為今時、向上宗乘、復何言論、師云、搜出著、問、如何是正宗、師云、別日來商量、問、若將寂默為宗、維摩一生受屈、如何道即得不屈於維摩、師云、合取齋臂著、

師云、諸和尚盡道向諸方參學、未委參什麼、學什麼、還有參得者無、有即出來、對眾驗看、諸和尚為復參禪參道、參佛參法、參毗盧師法身主、參佛向上事、涅槃後句、若寔參

鼓山晏

二

此句得為大妄、喚作望上心不息、與諸和尚了無交涉、時有學人問、如何是佛法大意、師云、吐却著、問、凡有言句、盡是觸犯宗風、未審如何是宗門中事、師云、合取口、

問、眾星攢簇時如何、師云、覓什麼、

師云、大事未辦、宗脉不通、切忌記持言句、意識裡作活計、不見道、意為賊、識為浪、盡被漂淪沒溺去、無自由分、諸和尚、必若大事未通、不如休去、大歇去、身心純靜去好、時中莫駐著事、却易得露這箇、是事不得已、相勸之言、古人喚作死馬醫、若是箇漢、向他與麼道、如同癩語一般、且諸人分上作麼生、十二分教、還用得一字麼、諸方老宿語、還用

得一句麼、若十二分教、是兄弟在阿那教中、若諸方老宿語、當得兄弟、兄弟在阿那句中、所以道、十二分教唱不得、凡聖攝不得、今古流不得、言句該不得、與麼語、盡為刺頭、入在教門裏、且與伊拆開、若有箇漢、總未通這箇消息、向他與麼道、被伊驀口、擗、罵、涕作麼、不可怪得他也、兄弟大須甄別、莫吉凶不辨、有辨者出來、對眾驗看、時寒、久立珍重、

師別時上堂云、兄弟有什麼近前商量、若待這裏說、無好事及兄弟、牽經引論得麼、若有人問、但向宗乘中、致一問來、待今日與兄弟、答宗乘中話、時有學人繞禮拜、師云、

鼓山晏

三

大眾看、有與麼不識羞漢、其僧因指師便喝出、

師云、若也、宗脉未露、記著一字、如飲毒藥、恐身失命、為什麼故如此、都來是不具眼、如今更有一般底、大作群隊聚頭、念經念論、說圖說頓、披這衣服、作箇與麼語話、還羞麼、還返仄麼、還有些些子衲僧氣息麼、且問、圖為什麼人施、頓為什麼人設、還辨得端由麼、相共魯論、不識好惡、還知道十二分教、唱不起麼、且唱什麼不起、不可只與麼道、便休去也、豈不見古來丹霞石鞏、石室高僧、熏天炙地、登時端由、眾皆具委、道他在什麼經裏、披尋於阿那論中、討得古人道、西天一段事、總被今時人埋沒却、見箇出頭處、不

得更有老宿道、大唐國內盡是一隊滅胡種賊、卽者便是人家男女、乍入叢林、何處會得聞舉經、舉論、便刺頭入裏、許念言、念句、便遇着這般底、便是殺人賊、是汝一人、半人、猶可在惑、賺他多少人家男女、千生累劫、披枷帶鎖、於自己事、轉疎轉遠、如今奉勸諸兄弟、大丈夫漢、一等是離鄉、涉井、訪道、尋師、爲自己事、也須脫上眉毛、着些子精彩、於親躬事、有辨明處、確乎不拔、莫受人謾、莫受人惑、如今且不受謾、不受惑、底事、作麼生到這裏、也須是箇惡漢、殺人不眨眼、漢沒意智、漢始得、切不得掠虛、亂呈解數、被向脚、跟下尋着、就已築着沒去處、二十柳標棒、摩脊、搥鼓山打

鼓山晏

四

這般掠虛底、尋常人難得喫別處、卽放過、鼓山卽不得、若放過、到處轉見虛頭、曾打着一兩箇亂與底、聲鐘集衆、勸過一下下、交到所在、不是行棒、圖逞威風、同這行戶、有什麼惡心、悲他僧相圓備、只是事持掠虛、業次輕慢、上流與他整頓、插脊梁骨、圖他改悔、別換身心、遇着鼓山與麼、鎚鍛、也須慶幸、始得、有一兩處、將向頭頂上擎着、敢把指頭、指着、怕伊發去、無如是理、不是立兄弟、說這葛藤、然且理要區分、事須甄別、莫滅胡種、各歸堂珍室、

師上堂、大衆雲集、衆人盡皆罔測、於師、師乃云、南泉在日、亦有人舉南泉時事、要且不識南泉、還有識着麼、試出來

驗看、時有學人、纔禮拜起、師云、作麼生、學人空和尚、師云、不才謹退、師云、若是靈利底、撩着便休去、似這般漢、千里萬里去也、有什麼救處、進前退後、綯箇如何、醉人相似、有什麼納僧氣息、既然如此、且宗門中事、作麼生、諸和尚、到這裏、也須是箇漢、始得、大不容易、兄弟、鼓山不惜口業、向汝諸人道、不假記一字、亦不用一功、亦不用眨眼、亦不用呵氣、大坐着、便紹却去、諸和尚、且道、紹什麼爲復、紹佛紹法、紹禪紹道、紹佛向上事、涅槃後句、若紹此句、得爲大妄、喚作望上心不息、與諸兄弟了無交涉、於諸人分上、作麼生紹、普請驗看、是什麼、爲復是凡是聖、是臥虛師法

鼓山晏

五

身主、在什麼處居住、什麼年月、有渠方圓闊狹、長短大小、試道看、還有絲髮大物、解蓋覆得麼、還有分毫許間隔得麼、向阿那裏抄、向阿那裏寫、諸和尚、與麼顯露、與麼節要、何不直下、便承當取、又更刺頭、入他言句裏、意識中學、有什麼交涉、不見道、意爲賊識爲浪、走作馳求、終無歇分、若自不具眼、就人揀辨、卷子裏抄冊子裏寫、假饒百千萬句、龍宮海藏、一時吞納、盡是他入、不干自己、亦喚作識學、依通、猶如水母借蝦爲眼、無自由分、亦如盲者辨色、依他語故、實不能辨色之正相、若是學經律論、他自有人在、所以鼓山尋常道、經有經師、律有律師、論有論師、有函有號、有

部有帙、白日明窗、夜附燈燭、自有人傳持在、禪師作麼生、還有人道得麼、試出來道看、時有學人問、如何是目前顯現底機、師云、道什麼、學人再問、師喝出、問、四十九年前、師不問、四十九年後事如何、師云、句超方外、千聖難追、問、常辦無念者如何、師云、關關梨什麼事、學云、常辦於此、師云、莫受屈、學云、不屈者如何、師云、有什麼救處、問、擬心即差、不擬心如何體會、師云、待汝好心問、問、如何是向上一路、師云、即今是什麼路、學人無對、師云、去看汝不是這脚手、問、如何得不辜負於師、師云、汝有什麼罪過、師云、諸和尚與麼問、還會麼、還識辨、維摩、鼓山向

鼓山夢

六

前見一兩箇長老、被人問著維摩意作麼生、他便眼孔定、動地、恰似箇泥捏聖僧相似、有什麼交涉、還當得本參底事麼、若言當去、何不立取維摩傳大士、為祖師、問、取露柱聖僧即休、何故、更用達磨與麼來、所以鼓山道、凡聖不到、今古那追、不唱言前、寧談句後、他家諸聖興來、蓋為人心不等、遂展多門、為病不同、處方各異、在有、有居空、破空、二患、既除、中道須道、直道釋迦掩室、居士毗耶、大士梁時、童子當日、一問、二問、三問、盡有、也是衲僧分上事、作麼生、還有人道得麼、試出來道看、不可說、君說、臣說、父說、子得麼、諸和尚、古人是事不得已、立箇君臣父子外、進內、紹是

功紹得了、非功合、是功合得了、非功、蓋為中下之流、權施此句、所以鼓山道、君臣父子、蓋為成持、立事立功、以明維、素既隨中下、須合須同、得合得同、無人辨識、當與麼時、還有肯重者麼、有當荷者麼、有這邊那邊麼、若有、還是托開去也、更有一句作麼生、敢道托開麼、莫錯會好、到這裏、須是箇沒意致、漢殺人、不眨眼、漢始得、若是鈍根底、只向言句上脫去、爭能會得、時有學人問、得句忘言、時如何、師云、即今得什麼句、學云、不是西來、亦非自己、師云、吐却著、問、已事未明、以何為驗、師云、噯、學人再問、師云、一點隨流、食咸不重、問、如何是包盡乾坤底句、師云、近前來、學

鼓山夢

七

人便近前、師云、是什麼學云、不會、乞師指示、師云、去、鈍置人作麼、問、峭絕無依時如何、師云、病鳥栖簷、學云、直得醒醒、還有紹處也無、師云、亦不關關梨事、問、如何是真寶人體、師云、因什麼得到與麼地、問、未到玄源、如何究理、師云、相去多少、師云、更有作家、解問者出來、良久無入、師云、入到石門、何處得如許多疑來、歸堂、珍重、師別日上堂云、諸和尚、古人道、佛之與法、是建立化儀、禪道兩名、是止啼之說、名不干事、事不干名、依執滯名、於他玄隔、所以鼓山曾向兄弟說、句不當機、言非展事、承言者喪、帶句者迷、得魚忘筌、得意忘言、借網求魚、魚非網也、所

以道教排不到祖不西來盡乾坤人口到這裏百雜碎直道十二分教唱不得凡聖攝不得今古流不得言句該不得與麼道也只爲他向化門裏作活計事須與伊拆開若是箇漢總未通這消息向伊與麼道被伊罵口極暴沸作麼不可怪他也雖然如此據什麼道理所以鼓山道更有一人不跨石門不跨石門事作麼生諸和尚衆中亦有江西湖南幽燕魏府三千五千一萬里地盤山涉嶺既到這裏高山頂上終不爲看山飢水無非決擇萬劫千生事故委萬劫千生事也只在如今如今安卽如今便安微只如今便微忽若衆中有一人大肯去大安樂去是不虛食人

鼓山晏

之施不事於己不負於彼去住自由出入無難盡乾坤無敵宗風不墜後進有依所以古聖道若有一人悟道地神報虛空神虛空神報非想非非想天遞相告報云下界有人得道有濟人之分天上人間遞相慶賀盡是諸和尚分上更弱於阿誰既然未得如此便須兢兢惕惕如臨深泉如履薄冰時不可延命不可待似箇當風燭子歸地脫去也如今且不如休去歇去身心淳朴去似一亘長空去時中莫間但且與麼去鼓山所以道明道爲之德不間爲之行德行俱備今時稱斷稱斷是今時更有一人作麼生到這裏也須自有來由始得莫記他人言句就人揀辨終無

鼓山晏

自由分於諸和尚作麼生出來商量時有學人繞禮拜起云某甲咨和尚師云叱學人云輪中不轉時如何師云珍重師云諸和尚更有什麼事出來問良久無人師乃云總不出來蓋爲把他稍緊不相共扶持致令如此有江西湖南諸處參學師僧好織造底出來莫道鼓山口似匾擔只慮埋沒宗風走作兄弟但出來待與捏些子時有學人問心珠不曉已事未明請師一照師云乾坤不掩爾掌學云如何卽是師云錯也問萬機不湊本事何來師云傷機之患千聖難除問四面松林如何是直路師云岳秀千枝盲龍不辨問卽今如何唱師云洪雷一震整戶無私仁者作麼生問已事未明如何明得師云鏡中無影演若自迷問如何是鼓山師云衆岳難偕學云還許學人躡也無師云汝試下足看問如何是諸實一路師云一句迢然古今難辨問彼無消息如何知音師云汝自罪過我不將來學云還有爲人處也無師云與麼卽戒鼓無擊問巨海驪珠如何取得師云來言雖重不賞鋒珪問十二時中不涉緣塵如何據驗師云浪息千江孤輪不墜問如何是鼓山正主師云無不明根迷人自重問如何是目前一路師云耶舍掌不得問如何合

得諸聖位。師云：玄直，渠不踐千聖位，在什麼處？問：步步進前，如何得達祖意？師云：鼻地人難舉。問：古人卸臂，當爲何事？師云：方外之說，仁者難知。師云：諸和尚，鼓山與麼東道西道，亦不辜兄弟，只是教緩然。即如此奉勸諸和尚，莫學言句，走作兄弟，昧却兄弟，直饒通得也。只是箇識路中人，不見古人，喚作食瘡膿鬼，喫涕唾鬼，喫不淨鬼，未喚作人在。諸和尚，莫與切不得亂呈解數。若亂與被鼓山聲鐘集衆，向脚跟下尋着敲着，無去處二十榔揀棒擎着，莫道不道，更有什麼事出來，無事各歸堂珍重。

師上堂云：諸和尚，上來爲什麼？有什麼苦屈底事？有什麼

鼓山景

十

不了處，還有疑者麼？若有，即出來與兄弟定當。時有學人問：承古人有言，橫說豎說，未知有向上一重關，如何是向上關？師便打一棒。問：如何是宗門中事？師便側掌。問：如何是鼓山一路？師云：卽今是什麼路？問：承古人有言，妙旨迅速，師側掌云：住住，學云：和尚爲什麼不道？師云：且行脚去。問：目前一句，如何曉得？師云：什麼處不曉？學云：爭奈這箇何？師云：這箇是什麼？問：如何得成道去？師云：瞎顛作麼？學云：不瞎顛，如何得成道？師云：這鈍漢，問根性遲回，如何用功？師云：功卽不得，學云：爲什麼不得？師云：向什麼處功？問：從上宗衆，以何爲的？師云：無的。

鼓山景

十一

學云：學者憑何？師云：汝曾學得多少來？學云：與麼卽不從今日去。師云：從什麼處去？學云：待有去處，卽咨和尚。師云：有什麼交涉？問：如一燈燃百千燈，如何是一燈？師云：是什麼？問：如何是和尚家風？師云：莫少去就。問：古路無蹤，如何進步？師云：不是途中客，進什麼？學云：向去者如何？師云：無關，梨下足處。學云：總不與麼時如何？師云：莫自取。問：自古相傳，窮其際，師今妙旨示何人？師云：岳秀靈芝。異學云：異底事如何？師云：過也。問：如何是直下事？師云：莫自欺學云：不自欺事如何？師云：還逐及麼？師云：諸和尚，還會麼？此事不露，蓋爲塵沙劫來，多遊異徑，所以於自己事，却成違背。如今若欲得易會麼？但是從前記持食喫之事，一時瀉却，若身心純靜去，一片去，忽被道伴觸撥着此事，便發明去，所以鼓山曾向兄弟道：譬如一池沼，衆人共臨，但把杖攪其水，覓見形影了，不可得，轉渾轉濁，所以傍邊有一人，便問：汝與麼攪作麼？云：我要見形影，便被與一吐，這癡漢，汝與麼攪，越年去，任紅塵沙劫，無有見期，汝但一時放下杖着，各自休歇去，良久，中間波澄浪靜，沙土自沈，非但形影森羅萬象悉現其中，這裏便須問得這水始得。咄，這水還照也無？若道照亦是汝與麼道，若道不照亦是汝與麼道，水道什麼？雖然如此，纔問得水有水句，若

問不得問者無功這箇便是驗兄弟處還有人道得麼出來良久無人師乃云今日說這多多無事久立珍重

師上堂大衆已集時有學人問承古人有言寂是法王根動是法王苗如何是法王師云是什麼問承和尚有言直下猶難會尋言轉更賒如何是直下事師云賒也學云還許學人進步也無師便喝出問學人在麼還有出身處也無師云汝卽今在什麼處學云與麼卽任運隨流也師云莫鬼語問進者不明請師一撥師云近前來與汝撥學云謝和尚指示師云桺鳴聲作麼問如何是大悟底人師云不屬學云爲什麼不屬師云不向悟中收問

鼓山要

十二

不起于座請師掣電之機師云醉作麼問如何是無價珍師云莫妄想問如何是不假言說第一義師云放汝錢生問不辨古機如何建立師云不立學云如何卽是師云是卽非學云爲什麼如此師云虧閣梨什麼處問生先海廣如何得渡師云汝卽今在阿那邊問如何是妙旨師云如何不妙旨問如何是徑截一路師云這瞎漢學云與麼卽學人得問力師云畫篋不曾呈師云汝莫一向於途路上走無有了時一等行脚道須身心淳朴日夜懇苦救取徹始得莫只是問得一言半句便將當自己胸襟賺汝只如兄弟行脚來還曾遇什麼老宿發覺因

什麼道伴得入還得噴地大省也未若有出來便定得兄弟

諸兄弟不虛行脚底事只如盡乾坤撼不動作麼生下試出來道看若也未得如此奉勸兄弟直不得念言念語明朝後日寬箇歇處不得有事近前無事歸堂珍重

師有時上堂云當人分上各有與麼事爲什麼不承當取又更上來覓什麼近日多見師僧入叢林只是舉經舉論於自己事有什麼交涉時有學人問說不許看經又不許讀外書如何是大曉一句師便打一棒問己事不明乞師指示師云什麼劫中曾味問目前一路如何指的師

鼓山要

十三

云目前是什麼問如何是大道之源師云不屬學云爲什麼不屬師云不是源中事問古人道但得本不愁末如何是本師云是什麼問波澄浪息爲什麼摩尼不現師云汝且喚什麼作摩尼學云與麼學人退一步師云汝無端進前退後作麼問凡有言句盡是與蛇畫足如何是不盡足師云放汝二十棒學云今日得遇和尚師云莫鬼語問風不鳴條雨不破塊時如何師云闍梨分上作麼生學云却請和尚道師云屈汝什麼處問如何得不徇諸有師云關汝什麼事問欲出輪迴如何得出師云卽今在什麼處問如何是佛法大意師云佛法大意卽

且置 問如何是本來心 師云如今是什麼心 問如何是直下事 師云尋言轉更賒 問寂是法王根動是法王苗如何是法王 師云關關梨什麼事 學云為什麼不關 師云根苗俱不得 問無風為什麼往往波生 師云什麼處得來 學云即今有 師云把將來 問十二時中如何行履即得決定 師云我道乾坤不跨足 學云如何進向 師云若進向即跨足 學云畢竟事如何 師云咽中不踐 師云諸和尚問得百千句亦不干自己只如仁者自己事作麼生莫只向這邊那邊經冬過夏因循度日無有了時 塵沙劫來流浪生死如汲井輪路無停息 今生既得人身又是男子又得出家偕相圖備不窮講肆擁義入叢林這箇便是昇騰之時除疑殄惑之時得大無畏之時得大自在之時各自明白取更弱阿誰各自努力歸堂珍重

鼓山景 十四

請師直指 師云瞎却汝得麼 問生死沈淪如何得出 師云在裏許多少時 問盡令提綱猶是野干鳴如何是師子吼 師便劈口打 問六國不寧如何整葺 師云古殿不曾坐什麼處不寧 學云如何領會 師云是汝不會 問如何是大圓鏡 師云不會照 學云辨者如何 師云不會照辨什麼 問於當人分上如何發言 師云不是途中客發什麼言 學云還與麼道也無 師云是汝與麼道 問此座高廣吾不能昇未審什麼人昇得 師云得此病來多少時 學云便請和尚藥 師云這鈍漢 問己事未明如何明得 師云彼常不隱鏡指顏開 問從上諸聖還有不依師者無

鼓山景 十五

師云關梨因什麼人 師云兄弟諸聖興來蓋為人多錯會言佛演法祖唱玄微只為風味天機致使迷倒所以教排不到祖不西來仁者分上作麼生各自有與麼事莫自退屈莫只踏步向前覓若覓即失若親即疎 塵沙劫來未曾有一捻土解蓋覆得兄弟各自努力歸堂珍重

師於佛殿前上堂大眾雲集 師登座顧視大眾乃却起立頃間便歸法堂僧從師到法堂後師問僧投機不辨隔岸難明仁者作麼生其僧無對便問如何是不假言說第一義 師云驢年會得麼 問強弱即不問如何是平常之道 師云因什麼得到與麼地 學云還得平常也無 師云莫就

鳴聲。問宗乘中事，乞和尚提撕。師云：是什麼？師却喚近前。這箇是提撕，汝喚作宗乘中事，即不得。學云：未審宗乘中事如何？師便打一棒。問：如何是西來意？師云：石人筆下看。問：如何是作家？師云：你行脚為什麼？學云：與麼，即某甲不疑。師云：何處得作家？問：如何是最初一句？師云：什麼處收拾得來？問：如何是末後一句？師云：自鈍致作麼？問：如何是鼓山切急為人處？師云：謾汝得麼？問：臨行之際，乞師一言。師云：終不敢鈍致汝。問：千年松樹尚有偃枝，學人雖披入眾衣，未曉出塵路，乞師方便。師云：九霄雖異世，碧逕杳難同。問：堂堂地來時如何？師云：堂堂

鼓山晏

十六

不奈何。問：已事未明，如何為驗？師云：乾坤不掩，時人自迷。問：如何是學人立足處？師云：不從諸聖得。學云：便與麼去時如何？師云：猶是時人進向處。學云：不落進向事如何？師云：還返仄麼？諸和尚大凡行脚，須識辨宗風，莫只是尋言逐句，無有了時。雪峯和尚道：三世諸佛不能唱，十二分教載不起，所以鼓山道有一人與麼來，總未曾通這箇消息，向伊與麼道，被伊把黃泥裹口塞，還怪得他也無。恐人亂塞人口，所以道：鼓山有不跨石門句，作麼生道？這裏須是其人，莫亂道。時有學人問：如何是不跨底事？師以拂子驀口打。師却問：還會麼？學云：不會。師便咄云：不

是者脚手。師云：若已事未露，就人揀得，卷子裏抄冊子裏寫，有什麼用處？不如明取自己事，明道為之德，不問為之行，德行俱備，今時稱斷，更有一人作麼生？諸和尚也莫泥水不分，清濁不辨，末法時代，天下交馳，兄弟得共林泉，與道伴一處，啗嚙此事也。須慶幸始得，直須曉夜懇苦，莫虛度光陰，各歸珍重。

師於三門前上堂，問僧：有一人從水塘頭來，便轉去，汝作麼生？學云：和尚也須許他始得。師云：便擎茶棒，汝作麼生？學無對。師云：不才謹退，也是掠虛漢。問：如何是不假言說第一句？師云：放汝三十棒。問：不起于座，如何是掣電

鼓山晏

十七

之機。師云：醉作麼？問：凡有言句，盡落標指，如何是月？師云：還識羞麼？問：據何眼目，消得人天應供？師云：瞎漢。問：未達本源，如何履踐？師云：相去多少？學云：爭奈學人疑何？師云：阿誰罪過？問：只在途中，請師指示。師云：在途中多少時？學云：謝和尚指示。師云：莫塗污人好。問：苦澁處，請師道。師云：收取好。問：十二時中，如何履踐，即得不辜於自己？師云：直須不辜於自己。問：澄源浪靜，為什麼真形不現？師云：什麼處收拾得？學云：究竟如何？師云：非究竟，不與閻梨通。學云：豈無方便？師云：方便是什麼人分上？問：承和尚有言，不許學人揀話，又不許擇話，如何行履，即

得不違和尚所屬。師云：還自恥麼？問：九霄峯外月室內一輪燈，如何？是一輪燈。師云：岸谷無風，徒勞瞪目。問：名言妙句，教細所詮，不涉三科，請師直道。師云：肘後不曾傳。問：十二時中，如何究竟生死？師云：將生死來學云。與麼，即無究竟處。師云：似你與麼語話。問：參禪學道，須是其人學人與麼來？請師直道。師云：瞎顛作麼？學云：謝和尚指示。師云：放你二十棒。問：人人盡言請益，未審師如何拯濟？師云：鼻地人難肯。問：作何準則，即得不背於古？師云：不可諱去也。學云：謝師指示。師云：便被喫棒。問：千手千眼，阿那箇是正眼？師云：用正眼作麼？問：如何是目前機？

鼓山要

六

師云：即今是什麼機？學云：不會。乞師指示。師云：穀地人不踐。問：二邊不立，中道不存，是如何？師云：即今在什麼處？學云：竟無和尚為人處。師云：教我為阿誰？學云：屈什麼處？師云：乃與杖。問：古人道：相逢不寧出舉意，便知有，如何是舉意？便知有。師云：阿誰舉？問：如何是學人最親切處？師云：妄想作什麼？學云：還得當也。無師云：收取好，什麼語話？問：作麼生是木馬石人騎，不背空王印？師云：泥牛步處，盲者徒施。問：作麼生是動容揚古路？師云：不欲得商量。問：作麼生是別傳底事？師云：收取蝦蟆口不得。師云：諸和尚，各自有與麼事，莫受屈，未曾欠少，未曾有寸土。

解蓋覆得，汝為什麼却不會去？更踏步向前，竟途中踐土，不曉室中。且室中事作麼生？只欲得人說是汝自己事，為什麼却不會？唯是他人屋裏事，總會得，只是他家喫老師涕唾，向意識裏作解，有什麼交涉？行脚不遇其人，所以道：苦屈在初記著一字，歷劫作野狐精，若靈利底，不假老師，多多久立，各自努力珍重。

師有時上堂云：時時與麼打鐘打鼓上來，覓什麼？有什麼？昔屈底事，不見古人道：總是一隊喫酒糟漢，把棒一時趁下。鼓山如今直下老婆心有疑者，出來問。時有學人問：近入叢林，不會乞和尚慈悲指示。師云：我不敢誑誑汝。學

鼓山要

九

云：不誑誑事作麼生？師打一棒。問：如何是徑截之言？師云：最徑。學云：如何是不假言詮？師云：即今有多少？問：承古人有言，有相身中無相身，如何是有相身中無相身？師云：即今是什麼身？學云：如何是無明路上無生路？師云：即今是什麼路？問：學人單貧，請師拯濟。師云：有什麼事？學云：爭奈單貧何？師云：論劫受苦。問：承古人有言，巧說不得，只用心傳，如何是心傳？師云：道什麼？學云：不會。師便喝出。問：投機便轉，是如何？師云：作麼生轉？學人繞進前，師便喝出。問：大事未辦，時中以為驗？師云：時中不得步。學云：如何得相應？師云：不相應。學云：為什麼不相應？師云：

不爲汝。問急切處乞師一言。師云調達不得肯。問承古人有言大體寬無際小心塵不容如何是大體寬無際。師云大小學云如何是小心塵不容。師云因什麼到與塵地。問承古人有言一切衆生日用而不知如何是日用。師云這箇是什麼人語。問二龍爭珠誰是得者。師云珠在什麼處。問承古人有言一花開五葉結果自然成如何是自然成底果。師云卽今是什麼。問從上宗乘請師直示。師乃叱之。問諸聖未與以何爲眼。師云關梨眼在什麼處。問和尚慈悲如何體會。師打一棒。問只如僧問洞山云三身中阿那身不墮於諸數。洞山云吾常於

鼓山晏

十

此切只如洞山云吾常於此切是墮是不墮。師云汝又向這裏弄性命也。問終日動靜爲什麼不明自己。師云只爲終日動靜所以不明。學云不動靜時如何。師云是什麼。問山中和尚纔見師僧禮拜便喫棒意作麼。師云因什麼不行脚去。問南泉以手打膝云這裏卽易又云這裏卽難。僧問云只如却手豈不是舉唱宗乘。師便以手打膝云此不是舉唱宗乘作麼。學云只如却手意作麼生。師云汝自看。問如何是第一句。師便把杖作驀口刺勢。問深深無底淺淺無源時如何。師云得此病來多少時也。師云近來師僧只愛舉經舉論說圓說頓所以道纏有經

師論有論師律有律師有函有號有部有映白日明窗夜
燈燭自有人傳持在關汝衲僧什麼事汝且道圓爲什
麼人施頓爲什麼人設因偏說圓得成圓頓本自圓成不
因偏說這箇是圓頓教於衲僧分上作麼生各有區分莫
滅胡種各歸堂珍重

師勸僧語

問古人道噉鐵擬開口驢年亦不會。師云古人與麼道有損有益。

師問新羅僧上山來作什麼。對云禮拜和尚。師云盡世不

鼓山晏

十一

標向什麼處禮。對云向不標處禮。師云念汝是新羅人汝二十棒。

問徑山小師云徑山偈道迴首還家不得歸。師云歸是時人歸豈不是。對云是。師云他不得你箇歸豈不是。對云是。

師喚云嚴闍梨對云吽。師云是歸是不歸。

有僧製得雪峯實錄云師每至上堂良久顧視大眾遂云是什麼。師云雪峯只有此語爲當別更有僧云別更有師云案圓也下山去。

問學人纔施三拜便知有二十下鐵棒未審從上宗乘師當不謬本參乞師方便願垂決擇。師便與一下棒其僧歸

堂不肯。師云：令打鐘喚上勤。師云：沙道。繞施三拜。便知有二十下鐵棒。豈不是汝與麼道。對云：是。師云：還有過否。對云：有過。師云：有過。不打作麼。便與棒趁下山。

師問修訥維摩座主云：本殊讚淨名。乃至無有文字語言。是名真入不二法門。與麼讚還合得維摩意也。無對云：作麼不得。師云：維摩意作麼生。對云：語默平等。師云：這箇是座主與麼道。維摩意作麼生。座主道不得。方乃禮拜。

問：這上座從什麼處來。對云：從西院來。師云：西院還接上座也。無對云：接。師云：西院作麼生。接上座。對云：問某甲道：是什麼。師云：西院與麼問上座。對云：是。師云：識得上座也。

鼓山要

廿二

對云：與麼即不得。未審西院意作麼生。師云：是什麼。

問淨道者云：古人道：這裡即易。這裡即難。這裡即不問。這裡事作麼生。對云：還有這裡那裏也。無師云：此猶是這裡事也。道不得。契棒趁下山。師云：這漢向後覓箇死處不得。

容問諸院老宿語

師與困山上雪峯。困山問：共和尚歸行。師云：輸也。歸時下船問：共和尚歸船。師云：若道歸船。也是輸也。困山云：重重失利。

師與長慶入佛殿。見佛前鉢盂。拈起云：家常。師云：何得又。

更無厭。師却拈起問長慶。長慶云：飯未熟。師云：太恰惜生。長慶云：穩便。即收取。師云：恰是。

師問保福：古人道：是不是。非。非。非。是。即龍女頓成佛。非。即善星生陷墜。與麼道。還留是非。不留是非。保福云：未却是。非。師云：與麼是非。有什麼了時。

師見保福。共僧在茶堂說話。師云：莫葛藤。保福云：葛藤。即不得。商量佛法。還得也。無。師作擲勢。保福云：過在什麼處。師又行一擲。

問東使：只如仰山祇對潞山。於面前與一畫。意作麼生。東使云：作家麼。師云：兄真箇與麼作麼生。東使云：日可冷月。

鼓山要

廿三

可熱。被師攔胸與一托。

問翠巖：古人道：無端起。佛見聞法想。被佛威神力故。在降二鐵團間。作麼生。是二鐵團。翠巖云：起。佛見聞法想。師云：起什麼佛見。聞什麼法想。無對。

問大普云：於萬像中。還有自己否。老宿云：有。師云：這箇豈不是燈籠。云：是。師云：識得老兄也。

師共長慶困山。在道場院。見託真。即君來。長慶問：見說。即君是中塔。還是否。即君只在面前立。長慶云：何曾是中塔。師云：正是中塔。困山云：不是中塔。

保福指雪峯上院主山問長慶。教中云：妙峯頂。莫只這便。

是否長慶云是卽是可惜許問師只如長慶與麼道意作麼生師云若不與麼紅旗遍野白骨連山

前後帝王問訊語

忠懿王入萬歲寺見佛像指問師云是什麼佛師云請大王鑒王云鑒卽不是佛師云鑒卽不是佛是什麼

惠宗見師不安問莫是時節至否師云卽今是什麼時惠宗云與麼卽無來去也師云亦是聖躬與麼道

又因志上座說云昨夜見天王面前現惠宗問因什麼不問某甲面前現師云却是陛下見

鼓山晏

廿四

少帝遣內臣送書上山只乃封題而已師覽而袖之尋內臣拜辭師云聖人若問如何祇對師云但道盡乾坤有所依賴

師在雪峯日往泉州問盤龍侍中疾其時尹司徒聞到司徒令傳語云數日四大不安風勞發動師傳語云此是司徒句卽今司徒在阿那大中無對

清源王太尉問安國了院主云劫火洞然向什麼處迴避院主云這裏迴避太尉不肯自代云不迴避進云為什麼不迴避太尉云他不出頭迴避什麼師云什麼處見他道不出頭

師因與清源王太尉說話云但是世間一切雜學底事盡是網太尉云只如今還網得也無師云太尉吟太尉乃展手云卽今有什麼師云只這一網亦不少

太尉舉南陽吳侍者事趙州云如空中書字雖然不成而文彩已彰師云只如與麼道是宗國師不宗國師太尉云宗與不宗俱是彰也師云只如趙州意旨作麼生太尉云不辜負趙州師云此是句也趙州意作麼生太尉云作麼師云彰也趙州意作麼生太尉無對

偈頌七首

鼓山晏

廿五

直下猶難會尋言轉更賒擬論佛與祖特地隔天涯有曲無絃索宮商調不同若人纔和得拍拍盡驚龍絲竿除裝色更濃針挑瘡患理難同維摩昔日稱何事迷從西土却還東

何事最堪依巖中獨坐時路險人難到穩高鳥不飛白雲長滿洞論劫未曾虧不語曹溪旨爲干道者機石屋周圍慶已多有人不到復如何待封此樣呈諸友開時只好笑呵呵

十八郎殿下送絲毬上於方丈頂上便請偈衆絲裁成已工多妙最殊收歸方丈裏長翫一明珠

十八郎殿下，又送偈上國師，兼請和。

無形無本亦無名，日用驅驅不暫停。對面向人多不識，縱橫自在轉分明。權時來寄君家宅，萬種千般是事能。認取當來真本性，一時拋棄事皆行。

國師答

達化開遮假立名，無名之說亦難停。其中薦得非千識，朗月當空不自明。北京秀長稱爲澤南派，傳宗祖證能黃卷。曾詮呼作性教外，須參有別行。

鼓山先興聖國師和尚法堂玄要廣集 終

鼓山景

廿六

廣辯興聖國師語錄一小編，唱高和寡，後世禪學或不能知，舊本差大，難入包囊中帶行。今禪者守曠僧挺，重刊小本，以廣流通，禪衲有自江西湖南來者，知南方雪峯宗旨，則復少挫鋒銳，行規步矩，卷波瀾於性海也。紹興戊午三月晦日，住鼓山老禪 士進 書

襄州洞山第二代初禪師語錄

師上堂云：楚山北面，漢水南江，擊法鼓而會禪徒，舉宗風而明祖道。若以揚眉瞬目，豎拳豎指，聲歎咳嗽，是厨中拭鉢帛，道什麼會也。無也是衲僧破草鞋，看時漢者漆桶，是箇弄精魂鬼，總與麼，總不與麼，是東司頭廁籌子。以此稱提從上來事，盡是邪魔，所作謗大乘滅胡種，與你天地懸殊。且道衲僧據什麼道理，出來對衆道看，折脚鐺子，各出一隻手，貴得宗乘不斷，亦表叢林有人。有麼？若無，洞山不惜眉毛，打葛藤去也。葛藤之事，只在目前，萬象森羅，乾坤大地，百千諸佛，日月星辰，地獄三途，起心動念，每日經歷，皆是諸德自己，何不向這裏體當尋覓看。驀然覩得，個儻分明，不虛行脚也。自得箇安樂田地，洞山此語，且作死馬醫。若據明眼衲僧，將草鞋薦口，揷還怪得他也。無怪，即不怪，你道憑箇什麼捉得將來，腳跟下推尋毫末參差，捉折你脚，莫養心好，便下座。

洞山初

上堂良久，有僧問：刳祖昇堂，人天豎請，不昧宗乘，乞師指示。師云：頭髻聳耳卓朔，云一句流通，人天聳耳。師云：墨跡欄衫，日裏曬。進云：師唱誰家曲，宗風嗣阿誰。師云：重言不當吃。問：赤水求珠，猶是人間之寶，和雲唱出，猶非格外之談。未審今日，將何示人。師云：夜聞祭鬼鼓，朝聽上灘歌。

問言超象表青霄外出語幽玄事若何師云岸上行人
聲有韻船中漁父和不齊云幽玄事若何師云鈎長線短
問從上來事未有人當頭道得請師當頭道師云八十
翁翁不拄杖問聞師引出潭中意直透青霄事若何師
云甲己之年丙作首云今日事若何師云大好雪晴問
如何是佛師云麻三斤問海竭人亡時如何師云大難
得云便與麼去時如何師云雲在青天水在瓶問道本
無言如何理論師云十里鼓問如何是古佛心師云巢
知風穴知雨問牛頭未見四祖時如何師云柳標木柱
杖云見後如何師云實入布衫問佛法兩字即不問如

洞山初

二

何是從上來事師云眼裏瞳人吹木笛問百尺竿頭須
進步如何是進底步師云炎裏放木鷄問如何是諸佛
出身處師云寒山不語拾得笑問纔生便死時如何師
云鍾馗解舞十八拍問如何是正法眼師云紙撚無油
問智不落千差請師通不犯師云蒸餅搵錫問心未
生時法在什麼處師云池中荷葉動決定有魚行問不
當之言請師不發師云水流霧下云誠如是言師云人無
遠見必有近憂云與麼則因地而倒因地而起師云不當
之言不發問佛及涅槃豈為增語理既如此事又作麼
生師云釋迦老子誠實之言問如何是禪不禪師云胡

孫摘仙果問諸上善人皆說不二法門居士默然意旨
如何師云無目不畫眉問如何是學人入理之門師云
陽鳥啼時西嶺上問如何是學人本源師云山高雲峻
問心非意想道絕功勳如何是心師云鷺子不入楚云
如何是道師云還我話頭來問幻與非幻未是學人極
則處如何是入理之談師云八十翁翁牙不動問見境
不動時如何師云眉長三尺二云如何是見境不動底事
師云鼻孔占却三畝地

洞山初

三

商量還有委悉者麼明明地揀破明明地顯示明明地舉
唱明明地誦詠更無囊藏被蓋純說乾爆爆地種若是靈
利禪僧纔聞舉著便合眼卓朔地知箇落處豈不是自家
具眼其奈罕遇奇人蓋緣洞山這裏言無味食無味法無
味無味之句塞斷人口兄弟到這裏難為湊泊若向這裏
覷得分明天下尊宿到與不到徹與不徹總被你驗破何
故蓋智有邪正道有虛偽多只與麼心機意識認得門前
屋後底學得路布葛藤一堆一擔蘊在胸襟道我會禪會
道還夢見禪道也未喚作打底不過作家到老只成懵懂
待到明朝後日薦割地踏著正脉省前所行履處方始羞

見本命元辰下座

上堂時有僧問師登文殊座請師唱道情師云天晴開水路無事設曹司云謝師指示師云賣鞋老婆著隻履問隘路不通風如何通得信師云翻著襪衫戴席帽問如何是道師云啄云如何是道中人師云失啄問平常心是道如何是平常心師云路不拾遺問和尚百年後向什麼處去師云從上孔丘甲乙云此意如何師云不會即問人問如何是和尚撲不破底句師云親問劫火洞然大千俱壞未審這箇壞不壞師云天降蒲蓆紙方圓一尺餘問道華未出水時如何師云漢水正東流云出

洞山初

四

水後如何師云楚山頭倒卓問大通徹底人作何語語即得不傷物義師云道士登懸壇問澄而不清混而不濁時如何師云額裂懷頭問萬法歸一一歸何所師堅兩指云如何得歸一去師云學語之流問如何是清淨法身師云烏龜不入水陸地弄塵行問如何是洞山圓鏡師云人將語試水將杖試問不向心頭安了義如何達得祖師言師云六脚蜘蛛上板牀問動轉無私如何施設師云授問根本智中如何趣向師云把火照魚行問如何是正法眼師云郭郎鼻孔云還鑒照也無師云纖毫總見問言不投機請師提撕師云六七對夜月問

言無朕跡如何理論師云鐘馗不讀書問三界唯心萬法唯識即不問如何是心師云泥裏蝦蟇裏走旱地蛇師水底行問如何是透法身句師云兩箇布針三箇眼問如何是出家師云剃頭不持鉢

師乃云舉唱宗乘闡揚大教須得法眼精明方能鑒辨細素切緣真要一源水乳同器到此難分洞山尋常以心中眼觀身外相觀之又觀乃辨真偽若不如是何名善知識者夫善知識者驅耕夫之牛食飢人之食方名善知識即今天下那箇是真善知識諸德參得幾箇善知識來也不

洞山初

五

是等閒直須參教徹觀教透千聖莫能證明方顯大丈夫兒不見釋迦老子明星出時豁然大悟與大地眾生同時成佛無前後際豈不暢哉雖然如是若遇明眼衲僧也好摩脊棒便下座

問法不孤起仗境方生向上一路請師便道師云聽事不與喚鐘作甕問如何是道師云竹竿頭上禮西方問如何是洞山水師云雲裏電云云飲者如何師云大小問朕兆未生以何爲證師云烏龜背上紋問金鱗不點額時如何師云左眼半介右眼八兩問如何是免生死底人師云措大席帽問絕功勲處如何趣向師云蟻子不食鐵問如何是摩尼珠師云手攜針筒腰懸藥袋

問如何是大通徹人師云漢高大王 問文殊普賢來參
師時如何師云趁向水牯牛欄裏着云與麼則和尚入地
獄如箭射師云全憑子力 問乾坤休駐意字官不留心
時如何師云峴山亭起霧灘峻不留船 問佛法無形從
何建立師云神前木虎子 問諸方盡落絳模請師出窠
道師云十八女兒不繫裙云與麼則平地起骨堆師云自
領出去 問奔流渡刃疾焰過風時如何師云平常心是
道

上堂云言無展事語不投機承言者吞滯句者迷還得麼
你衲僧分上事到者裏須具擇法眼始得只如洞山與麼

洞山初

六

道也有一場過且道過在什麼處 僧問如何是透法身句
師云土星犯牛宿 問亡言事不到開口理相乖未審如
何即是師云釋迦老子頭白 問如何是衲僧本分事師
云雲裏楚山頭決定多風雨 問承教有言如人含一口
水自不能言萬法不出於心各各皆住本位當與麼時請
師接師云六隻骰子不成雙云畢竟如何師云插標嫌水
淺 問石門遷化向什麼處去師云麝香不合藥 問學
人未達本源時如何師云脚底毛生 問遠遠投師時如
何師云爭怪得老僧云終不敢造次師云恰似不齋來
問如何是頭頭物物盡底句師云三歲孩兒入戲場 問

路逢達磨時如何師云鼻孔大小 問四海無浪月輪孤

時如何師云眼裏眉鬚長二赤 問不落心機意識乞師

一句師云楚山入漢水云未會請師更道師云湖南橙子

問不惜時機用如何話祖宗師云三箇胡桃兩塊錫

問如何是洞山劍師云金州客云用者如何師云伏惟尚

餐 問離却心機意識請師道一句師云道士若黃鸞裡

坐 問如何是不動底心師云賜紫金魚袋 問生死海

中以何為津梁師云年盡不燒錢 問祖師西來唯傳一

心諸方為什麼各說異端師云貪觀白浪失却手橈 問

龍庭金口問如何對玉機師云海底紅塵起石裏瑞花生

洞山初

問智隔千重鎖如何摩得開師云波斯不戴帽 問三

乘十二分教即不問祖師西來意請師直指師云小兒不

著鞋 問如何是和尚臨機為人一句師云官差不自由

云與麼則得一失一也師云自知較多少 問大用現前

時如何師云天不長惡 問文殊問維摩以何為入不二

法門維摩默然未審意旨如何師云六隻骰子一時赤

問如何是當處常湛然師云淨手裝香云如何是覓即知

君不可見師云觸手拈經 問如何是竺土大德心師云

草鞋不入市 問鐵石之心如何去得師云張良下殿走

問如何是入不二法門師云眉長三赤二

上堂云語中有語名為死句語中無語名為活句諸禪德作麼生是活句到者裏實難得人若也不動一塵不撥一境見事便道答話長老下脚不得東西南北莫知多少要得去離泥水活人眼目舉唱宗風激揚大事不道全無其奈還少卽緣未達其源落在第八魔境界中識得箇不名不物無是非頭頭物物無不具足道我得安樂田地更不求餘凡有扣擊問難卽便敲床豎拂更不惜便施便設便行便用向惡水坑裏頭出頭沒弄箇無尾胡孫到臘月三十日鼓也打破胡孫又走却了手忙脚亂一無所成慘將何及你若是箇衲僧乍可凍殺餓殺終不著你鶻臬布

衫便下座

洞山初

八

問不犯一切請師提綱師云瘧子得夢問如何履踐卽得無謫訛師云見之不取思之千里問劫火洞然大千俱壞未審什麼人為主師云陳平不舉令問如何是和尚譬不破底句師云孫賓不入市問如何是真出家師云剝除鬚髮云只者莫便是也無師云因什麼五戒不持問言無展事意旨如何師云漢江不渡船問不落是非請師道師云責云慈悲何在師云苦口是良藥問如何是禪師云熊耳山下問如何是無縫塔師云十字路頭石師子問實際本無憑何建立師云新豐老人八十

洞山初

六

八問真源無朕兆如何話祖宗師云起席不謝坐問如何是清淨法身師云渤土裏雀兒問如何是佛法大意師云三日風五日雨問如何是露地白牛師云針筌不入云飲噉何物師云一任東西問如何是遍身一句師云月似彎弓少雨多風問萬緣俱息時如何師云變裏石人賣橐團問如何是道師云頭不梳面不洗問牛頭未見四祖時如何師云三山帽子大袖布衫云見後如何師云市食齋僧問一言道盡時如何師云吉凶不土卦問月不當戶時如何師云矮子騎馬問如何是真空妙用師云契書鐵券權爲用妙句無私也是問問絕點無蹤時如何師云尖斗量不盡問如何是學人佛性師云來日二十七問如何是衲僧本分事師云駱駝渡漢江問如何是親切一句師云達磨無當門齒上堂學須實學見須實見若未諦見當須克己參尋博問先達稍是不得且向洞山處討箇入路一切塵刹一切境界一切佛界一切衆生界盡十方界一切物類一時拈來手內在眼睛裏亦無來往等相不礙見聞覺知舉起一足乾坤一時震動行著一步海水盡皆波濤湧沸提起一足須彌山百雜碎唾一唾虚空撲落地諸德每日受用還自知也無洞山不獲已且作死馬醫對上機兄弟面前渾成

一場笑具。向他上機人前說箇什麼。卽得。挨一挨。挨一挨。喝一喝。棒一棒。得麼。指天指地。五言七字。得麼。好風好雨。得麼。如斯舉唱。遍大地。攪不轉。把掃帚。掃作一堆。將火燒。把箴縛。指江裏。從他流下去。且作麼。生去也。珍重。

問。如何是洞山境。師云。村裏人油葫蘆。問。身手作罪。橫羅口。舌時如何。師云。看錮錮著生鐵。云。知過後如何。師云。望煙尋食地。錯入燒皮家。問。將何指示。令學人得透金塵。師云。天子馬蹄鳴。問。心若無事。萬法不生。時如何。師云。風鈴有韻。真堪聽。聽得猶來。曲不成。云。正當與麼時。未殊音。賢在什麼處。師云。長者八十一。其樹不生斗。云。意旨

洞山初

如何。師云。一不成。二不是。問。如何是學人本來眼。師云。旋風不左轉。問。維摩掌擎四世界。未審維摩身在什麼處。師云。在閻梨後底。云。為什麼在學人後底。師云。還我話頭來。問。法無羈鎖。為什麼趣入却難。師云。波斯讀梵書。問。便與麼去。猶涉程途。省力處。乞師一言。師云。腰帶不著鞵。問。如何是大道之源。師云。天寬地窄。問。一切諸佛及諸佛法。從此經出。未審此經從什麼處出。師云。一字不著點。云。如何是一字不著點。師云。碧眼胡僧笑點頭。問。如何是離却生死底句。師云。掃地添瓶。問。長蛇偃月。卽不問。足馬單鎗事如何。師云。線大鼻孔小。問。口欲談

而詞卷。心欲緣。而慮忘。猶是生死邊事。如何是向上事。師云。阿難不持梵夾。問。但得本。莫愁末。如何是本。師云。手纖脚大。云。如何是末。師云。量不著。

洞山初

上堂云。洞山者。裏尋常方丈內。不似諸方。一箇上來。一箇下去。啾啾唧唧地。衷私說底。禪道佛法。盡是向你兄弟面前。滿口說滿口道。滿口拈提。滿口藥擦。無你左遮右掩處。一時和底。翻出諸德。作麼生。委悉。汝試對眾道看。譬如太末蟲。處處泊得。不能泊於火焰之上。被他諸方老秃。甜唇美舌。說作配當道。這箇是禪。這箇是道。這箇是菩提涅槃。者箇是真如解脫。被丈二釘。八尺楔。楔在眼裏。不知不覺。乍到洞山這裏。不知是何說話。會得麼。直饒會得。真如涅槃。菩提解脫。毫末無差。也被條繩子。於脚跟下繫却。不得出離。若是靈利衲僧。一咬咬斷。作箇脫洒衲僧。豈不快哉。若三咬兩咬。不斷。準前打入。惛惛社裏。有什麼出頭時。洞山事不獲已。傍地裏爲你着力。珍重。

問。如何是和尚接人一句。師云。雞啼不著時。隣人半夜行。云。如何領會。師云。一任東西。問。只與麼便。請益時。如何。師云。千斤秤不住。云。鳥道不存也。師云。錯數定盤星。問。說者聽者。二俱如幻。無說無聽時。如何。師云。馬趁不上。云。與麼則。信受奉行。師云。還我話頭來。問。如何理論。卽得。

不昧師宗。師云：天地玄黃。問：不變不動，是何境界。師云：臘月三十日。問：如何是一真境界。師云：衲僧破草鞋。問：離却有無。請師端的。師云：三脚鐺子無耳。問：兩處俱亡時如何。師云：把針失却線。問：不歷古今，句請師運。普音。師云：指大騎驢。云：與麼則學人側聆也。師云：手提巾子。問：即今心即不問，如何是本來心。師云：腰長腳短。問：不動智源如何接物。師云：大悲菩薩無手眼。問：面前三事變背後萬般形，如何。師云：那吒不識父。云：如何是那吒不識父。師云：眼裏瞳人築氣毬。問：匝地普天，即不問，應機不失事若何。師云：三白大眾。問：如何是正法眼。師

洞山初

十三

云：六祖愛喫和羅飯。問：未曾開口道十方佛已知時，如何。師云：不來諸比丘，說欲及清淨。問：生死事大，請師相救。師云：三家村人失却火。問：承古有言，利說衆生說三世一時說，即不無。未審爲什麼人說。師云：三頭兩面者，云爲即不無，還當也無。師云：蝦跳不出斗。問：如何是不從師邊得底事。師云：夜觀乾象。問：釋迦以何爲師，即得無上菩提。師云：三千條罪莫大於不孝。問：知有亦不立，妄有亦不生，正當與麼時，如何。師云：六耳不同謀。問：如何是大道本源。師云：赤脚上船。問：古鏡未磨時，如何。師云：三番羯磨。云：羯磨後如何。師云：爲什麼五戒不持。

問：只者猶不是，如何。師云：天性不喫酒。問：自古及今，不從人得。六祖黃梅夜闌何事。師云：忘公拄杖。云：得用時如何。師云：用那曲尺作什麼。問：如何是毛吞巨海。師云：六祖口唇大。問：如何是會佛法底人。師云：兩道行纏。問：青青翠竹盡是真如，此理如何。師云：朝遊山水暮宿草庵。問：已自肯己，常人知見，已不見己時如何。師云：看銅鑪著生鐵。問：纔伸一問，悔思不及，請師方便。師云：兩得便宜。問：如何是學人本分事。師云：三脚蝦蟆無後肉。問：目前無朕兆，如何顯真宗。師云：八十婆娑手擎鉢。問：如何是無心鏡。師云：水深三尺，云：還照學人心也無。師

洞山初

十三

云：徹膽見。問：一塵纔舉大地全收，如何。是一塵。師云：波斯上廟。問：只見龜毛長，不見兔角生，請師現兔角。師云：目裏瞳人築氣毬。問：絲盡停機，是諸佛權行之義，向上事請師直道。師云：多毋失愛。問：諸方即心即佛，未審和尚此間如何。師云：無底樣子七八片。問：如何是超昆盧越釋迦之談。師云：迦葉目視佛。上堂：法鼓纔動，大地全收。諸德，在鼓聲裏來往，還知也無。對衆道：看若道不得，被洞山熱瞞下座。上堂：即心即佛，破執二疑，非心非佛，止宿草庵，且居門外。向上一路，千聖不傳，葛藤言語，作麼生是衲僧分上事。良

久云拈得出來也是破草鞋便下座

問天堂地獄是什麼人居住師云洞山問如何是法身

師云穿靴水上行云莫便是否師云水上烏龜頭赫赤

問作止任滅猶是禪那之病如何免得師云梵僧不袒肩

問未問未答如何商量師云持鉢不得撲破鉢孟問

金烏出海耀天地與此光陰事若何師云崑崙渡海誇珍

寶渡斯門下騁驕多

上堂無邊刹境自他不隔於毫端洞山魚鼓聲動延慶白

馬驚嶺谷隱師僧盡隊隊入僧堂裏喫飯諸德識得幾箇

對眾道看若向這裡道得即有可良善不無行脚若道不

得問老微你草鞋錢有日在便下座

問起佛起祖人難得請師一句顯根源師云裁衫錯却領

問古寺清幽如何辨主師云責云作何方便得觀慈悲

師云焚香胡跪問不斷佛種請師一言師云犯著太白

星問遍地黃金便與麼用時如何師云滿天刈宿白日

雨下

上堂諸德提將鉢囊拄杖千鄉萬里行脚蓋為生死不明

要得達法悟道到處豈無親觀尊宿善知識若為你解粘

云縛道眼分明豈別是非堪為師匠即便拗折拄杖高掛

鉢囊取箇微頭莫愁不成辨或若開口動舌說向上向下

這邊那邊玄會妙會道出道入君臣父子明體明用盡是

謊般若埋沒宗風不識好惡尿牀鬼子帶累後人無有了

日拽下繩牀落脊樑趁出三門再教行脚與伊為岸上綠

也與宗門出得氣更向其中又手拉脚唱喏擇他野狐涎

唾自肯自重云得和尚為我揀為我說得箇安樂處還睡

覺也未還洒洒也未喚作病不過良醫悞服他毒藥認得

箇驢鞍橋喚作阿爺下領與你本分事有什麼交涉將知

你一生行脚只是踏破草鞋始終成得箇不啣啗漢下去

問尅己求真足修行人之大錯能辨邪正猶乖道體未審

如何修證師云六隻骰子一時赤問不在內不在外不

在中間未審在什麼處師云襦衫不蓋體問如何是學

人自己師云親人不著便問萬緣俱罷六戶齊寧時如

何師云天晴不肯去云便與麼去時如何師云須待雨霖

頭問盡大地人來問如何指示師云舌頭拄上唇問

請師出楨師云七顛八倒問心境未明時如何師云吐

舌至頂相問大藏教是一場是非學人親切請師道師

云有手不彈指問天皇打典座意如何師云喫酒不謝

座問如何是學人究竟事師云說云未審說箇什麼師

云泥裏撼棒問如何趣向師得至理無差師云垂釣水

上云與麼則謬向途中枉施功師云自知較一半問但

得本莫愁末如何是學人本師云草鞋無底問如何是
塵劫不昧底事師云脫衣不渡水問添一減一理歸何
所師云三年一問問真修道人不見世間過未審世間
有什麼過師云兩人著緋一人著皂問煙雲不到處喫
作什麼師云燒錢不及時云與麼則劃地作佛像去也師
云自屎不覺臭問三身中阿那身說法師云親言出親
口問如何是說底口師云還我話頭來問如何是撥塵
見佛底句師云楚山頭上捲紅旗問心不是佛智不是
道還有過也無師云知他大小問生死根源請師指箇
入路師云頭破額裂云學人不會乞師指示師云天上天
下問承古有言天得一以清地得一以寧君王得一以
治天下衲僧得一時如何師云五九四十五太陽來入戶
問佛法禪道是同是別師云梳頭不洗面問明月當
空如何鑒照師云量之不足問欠淘砂磧未覩真金請
師指示師云入水不濕脚云與麼則學人得用去也師云
爭奈脚板潤云一言可以喪邦師云不知是不是是即也
大奇問諸方盡在繩墨裏未審和尚此間如何師云高
箭射須彌問扶籬摸壁時人盡知諸佛正法眼請師直
指師云夢裏打三更問十二時中行住坐臥自省覺時
如何師云看人喫飯云爭奈樹影不斜何師云親言出親

口問一法若有毘盧墮在凡夫焉法若無普賢失其境
界未審如何即是師云眼裏瞳人築氣毬問森羅及萬
象皆從一法所印如何是一法師云要你眼作什麼云還
許學人受用也無師云可惜許問金鑰現前請師辨師
云兩脚蝦蟇吞却月問的言無證時如何師云牙疼灸
左耳云甘苦常言師云聽事不真喫鐘作響問如何是
不歷巨海復驪珠底人師云四手八臂問欠味衣珠請
師指示師云磁石不攝針問彎彎似月廓落三星西土
卽無此間事如何師云東南西北問十二時中如何得
與道相應去師云拍東摸西問從上宗乘請師指示師
云老鷄線斷問一念未生為什麼不見自己師云劃地
成牢問盡未來際遍法界中盡此一句時如何師云有
錢千里通無錢隔壁聾
上堂九丹一顆點鐵成金至理一言轉凡成聖世間法亦
復如是洞山且問諸德作麼生是轉凡成聖底道理試對
衆道看雖然不出頭肚裏道了也作麼生是轉凡成聖底
道理且道轉箇什麼莫瞋睡作麼生莫是一喝一棒麼如
此見解是街頭巷尾打鐵鑿輪木德數珠念喝囉怛那行
者輩見解在衲衲僧家合作麼生須是具眼方能辨邪正
莫只與麼過諸德時不待人切須努力睡一覺起來看取

是什麼道理、久立珍重。

問、不與萬法為侶底人、還有向上事也無。師云、道士頭戴冠。問、如何是佛。師云、灼然諦當。問、如何是三寶。師云、商量不下。問、如何是清淨法身。師云、菩薩裡蛆兒。問、一箭便中時如何。師云、過。云、過在什麼處。師云、著。

上堂、且如禪師者、須是己事分明、具擇法眼、遍參知識、方辯祖宗法胤、水乳岐分、若不然者、何名衲僧、行脚不遇師匠、最苦莫過於此、可惜許、大丈夫兒、莫隈隈陞陞地、禪德洞山尋常道、待我家園交熟、事持磨麵、作箇餽餽、屈取東西南北善知識、同共一筵、破除了盡、與伊出却釘、拔却橛。

洞山初

丈

拈却炙脂帽子、脫却鶻鼻布衫、作箇洒洒地、禪師後代學人、有可依倚、豈不俊哉。

問、如何是洞山劍。師云、問作什麼。云、也要知。師云、罪過。

問、如何是古佛劍。師云、何不問。云、用者如何。師云、鈐刀子。

問、承古有言、諸旋未息、彼物先住、尚不可得意、旨如何。

師云、虛空擲骰子。

上堂、莫捏目妄想、總不如是、道本無機、豈畱心法、諸德、且作麼生領會、莫錯會好、珍重。

問、承古有言、其中長者子、箇箇盡無親、如何是長者子。師云、只你是。云、是箇什麼。師云、貓兒打筋斗。問、如何是洞

山。師云、動則傾欹、倒缶不動、即天地黑暗。問、學人欲殺

父殺母、如何下手。師云、急。問、非時親觀、請師一句。師云、

對眾作麼生舉。云、據現定舉。師云、放你三十棒。云、有什麼

罪過。師云、罪不重科。問、風不鳴條、雨不破塊、是什麼人

分上事。師云、要道即道。云、便請道。師云、分付不著人、却令

道者怪。問、久居洞中、為什麼一物全無。師云、脚大木屐

小。云、如何領會。師云、直觀步。問、如何是室中人。師云、不

在外。問、壁上有一高僧、至時還說法也無。師云、來去不

住。問、大眾雲臻、請師略舉綱要。師云、水上浮漚、呈五色、

海底蝦蟆、叫月明。問、洞山鬱茂、為什麼無味。師云、驗在

洞山初

十九

目前。問、朗月當空、是什麼人境界。師云、關梨境界。云、為

什麼日用。不知。師云、非洞山過。問、如何是籠中鳥。師云、

在籠中多少時。云、只為籠中鳥。師云、却飛去。問、學人欲

伸一問、為自己不見時如何。師云、無背面。問、朗月當空、

為什麼不見自己。師云、近後。問、如何是沙門行。師云、不

損人。問、雲水是人遊、是什麼人能到峯頂。師云、無足

人能行、無手人能執。問、佛即不問、如何是法。師云、你為

什麼不出家。問、無佛無人處、法從何生。師云、你在什麼

處出家。云、現在目前、和尚自看。師云、王戒也不持。問、目

覩瞿曇、猶如黃葉、意旨如何。師云、襄州土室、不出別物。問、

量闊無邊爲什麼不容自己師云窄問曹溪一句卽不問如何是雲門一句師云天下人咬不著云還當得生死也無師云是何生死問佛佛相應祖祖相傳未審相傳底事如何師云此去韶州八百五十云與麼則有口不如無聲師云速須懺悔問壁破成狼藉浪淪又不戒藥病俱消處便請師商量師云雲生嶺上水出高原云與麼則師子吼也師云還我師子吼來問無心道人還有法示人也無師云黑地入漆甕云既是無法緣何得入師云到老惺惺問如何是動乾坤底人師云須彌山上打筋斗問乍可永劫受沈淪誓不將身求半偈師云官不容針

洞山初

三

私通車馬云與麼則和尚容許也師云且領前話問大藏教是箇切脚如何是字母師云瘧子上刀楊兵馬都監太保問眼處入正受諸塵三昧起此意如何師云洞山茶碗裏有太保太保茶碗裏有洞山太保無語將此話問尊宿各隱云不落無言說延慶云喚什麼作三昧

師問僧莫便是新到否僧云是師云夜來投柶處今朝事如何僧云今朝風較急青山背上行師云不是更道僧云珍重師便打問如何趣向師得至理無差師云垂釣水上云與麼則謬向途中枉施功師云自知者少問鼓聲

纔罷大衆雲臻學人與麼來請師速道師云撥雲看日暈坐水看山行問釋迦掩室於摩登淨名杜口於毗耶猶是中下之機向上一路請師說破師云玄玄無倚靠迴迴勿人知問輪王寶劍常露現前輪王卽不問如何是寶劍師云水裏無魚人皆信空裏行船笑殺人問諸佛非我道誰是最親者師云樓上打鼓聽聲在外問父旁非我親誰是最親者師云瘧子買甜瓜問真卽幻幻卽真離此二途如何道師云臨河照影云與麼則又手當胸退身三步師云若不同床臥焉知被裏穿問家魔到來如何支遣師云鍾馗解舞十八拍云還受厭穢也無師云信邪

洞山初

廿一

倒見死入地獄問自知當作佛未審什麼人證明師云寄婆賣針筒問寂寂無惺惺時如何師云波斯不逼江問藤蘿高萬丈身與白雲齊時如何師云昔時東海曾相識却向西山弄日頭問擬問和尚有煩尊重擬欲不問已事未明今日上來問卽是不問卽是師云今日敗闕云爲什麼如此師云虛空烜赫無涯岸海月圓時無別天問如何是透法身句師云千江有水千江月萬里孤舟萬里身問學人擬歸鄉請師指路頭師云楚山頭向東問如何是祖師西來意師云衣衫不整問以字不成八字不是未審是什麼字師云波斯入市問大海有珠

驪龍守護時如何師云因問如何是諸佛出身處師云楚山頭問心外無法不可所求法內無心不可所得離此二途如何是道師云紙上畫鐘虺問真空得之不容妙有得之不容納僧得之如何師云指匙不把筇云與麼則一切法常也師云只為不常問承師有言禪子相投西山月落未審落在什麼處師云手裏把釣問心外觀法法不際心心內觀法法源不達如何是本源師云面上眉長三尺二問停真罷想時如何師云水底弄傀儡云誰是看觀者師云停真罷想者云與麼則大盡三十日小盡二十九也師云你見什麼道理云某甲合喫和尚痛棒

洞山初

廿二

粒米不種一莖菜接待十方往來盡與伊出釘拔楔拈却炙脂帽子脫却鶻鼻布衫教伊洒洒地作箇衲僧豈不俊哉門云你身如椰子大開得許大口上堂洞山普樂無言展托終日現前誰知適莫無遮無障不知不覺更有一言乾乾爆爆

歌頌

隨物通真頌并序

至大莫若於道至廣莫若於法無言表而不顯於道無物象而不出於法且夫衆生浩浩窮本末以何歸處處

洞山初

廿三

忙忙據生死而何託洞山聊述一頌提舉大綱號隨物通真頌曰

現在目前何易何難將何指陳表法無言物之有物言之有言明明無礙了了無邊見之成道不用再三物物是我河沙體全法法無法言無可言眼見耳聞白日青天東西南北竺土大德印之可印燈之燈傳著衣喫飯文殊普賢手提巾子赤脚上船是水是火本絕諸緣禪僧座主庶民大官寬衣大神窄領布衫接延賓客對答語言高之與下不在詐言上徹天界下透黃泉不是別物古聖皆傳得之可保見之安然今之浪說出自無端更有一言好看好看

明道頌

大道怛然廓落無邊了了虛微寂然何安舍客妙用隨物
方圓自本心法衆生迷源道無別道玄無別玄向說不信
須要攀緣識心是佛了即是安心將何識識者何心心識
兩亡見道在先從古至今體自如然凡聖共有沙界同源
前賢後哲悟此而傳著衣喫飯語默言詮不是別物是箇
癡頑快須提取分放狂顛巧施妙句廣引多般揚眉瞬目
閃爍機關以此爲解千山萬山人迷逐物切要自看自看
得力諸聖準則行住坐臥皆承恩力成佛作祖越此不得
不得伊何要侬消廢坐看北斗立觀黃河天南海北於我
於何明明了了你何不曉惺惺皎皎於何不照世界根源
衆生祖老終日現在名名善巧說之已說聽亦甚好會與
不會任自長保

鼻讚

一巧一拙誰許甄別青山白雲兒孫皆說窈窕那身頭尖
鼻缺所賴看魚焚香祭獮

又

空生幻身公滅空存谷傳其聲鐘受其音取之寫遊號之
曰神一言纔發四驥難尋月之有水鏡之有塵不可虛傳
同山之眞

又

身不奇兮貌不揚語不異兮法不藏滿天星宿兮月
中日金烏兮海岳彰

又

我教不寫又被寫我教不圖又被圖可惜半疋青絲絹畫
了令人笑一場

又

月兔走入海日烏飛上山見此若不會虛度幾千年

色空頌

眼病生色空病仍存真空真色日月乾坤白日買賣交裡

洞山初

五、東西南北碧眼胡僧

示徒頌

孤山寂寞無可依託禪子相投西山月落

提綱頌

山月冷雪漫漫綠竹清風刮骨寒言談語句無滋味釋
迦達磨海東邊

投機頌

吾行道也天機我不會汝惺惺徧去界何不明開眼等語
即驚好問伊是阿誰共商量莫相悞快道取者衆生

剪商量頌

□非言說知真語卽是非、畫龍頭似馬、却箇得便宜、

指話會

洞山語孤孤言淡人難措、舉目會宗風、辜負西來祖、

指通機頌

洞山寂寞、一無可有、無味之句、塞斷人口、

明心頌

禪不禪、律不律、赤脚着靴、水上立、大洋海底黑雲生、回頭
西山日初出、

因事頌

五臺山上雲蒸、佛殿階前狗尿天、幡竿頭上煎餛飩、子三

洞山初

廿六

箇糊礪夜斂錢、

牛兒頌

自牧一牛兒、出入無欄圈、放在芳草中、毛色方能顯、朝去
無人趁、暮歸無人喚、其力不可當、有角無鼻纔、不使任從
伊、使着隨人轉、天下無荒田、盡是此牛變、有人若覓伊、走
去天涯畔、牽來似諸人、問汝見不見、

隨牛狗兒

家有一狗兒、駭小人難見、終日隨牛去、未省使人喚、見客
不作聲、見人偏能善、擬議上門來、早是輸他便、好好報禪
師、須著精神看、任汝靈利人不覺爲死漢、

法身頌

法身寥廓徧河沙、萬象森羅共一家、法法盡合真妙用、莫
將眼病見空花、

報身頌

報身具足無窮體、現用分明勿是非、悟了始知言無異、休
將巧妙用心機、

化身頌

化身來往任縱橫、隱顯諸緣應萬機、只這見心非不見、剛
須見外強生疑、

又述一頌

洞山初

廿七

洞山有一語、道得無用處、對面共商量、脫衫着却袴、

又

道本無言諍、言諍非本妙、對面共商量、誰人能得了、

又

洞山有一言、對答須提舉、瞠目若思量、若漢去去去、

彭殿直問和尚年多少、師乃有頌

一臘更一臘、相續已年高、住持無別物、化導勿劬勞、勸人
常有語、不用苦切切、只爲他不信、佛大卽泥多、

十心頌

心是春、普雨山河及大地、澀酸鹹淡甘與苦、盡受春功滋

助力

心是水、任器方圓與寬窄、或直隨人得、濁惡諸般皆盡法王法

心是火、熱得衆生煩惱果、枝枝葉葉皆榮開、得心蓮花一朶

心是秤、萬戶千門同共用、纖毫輕重自低昂、便合自知不高穩

心是尺、示與世人生條直、莫教指下有推却、地獄三塗難得出

心是斗、量盡天涯是非口、堆山積岳在心思、死後波吒親

洞山初

廿八

自受

心是燈、照見人間黑暗心、指教直行不能行、須作欺瞞地獄因

心是鏡、照破人間邪與正、對面言談恰似直、背後猶來黑似漆

心是道、凡聖同居月皓皓、只於開處證菩提、便合如來真正道

心是師、條貫六賊不暫離、時時呼喚在目前、纔使出門不奈伊

廓書狀上頌

十載學玄微、今朝方息機、洞山一句子、落處少人知、師却問、作麼生是洞山一句子、書云、遍塞虛空、師云、大好少人知、書却問、作麼生是洞山一句子、師云、峴山亭上無字碑

洞山初禪師語錄終

洞山初

廿九

僧紹雄奉為 在堂嚴父爰及自身 養還

心願拾錢刊刻

洞山禪師語錄一編以廣其傳普使見聞

洞明真際心願圓滿福慧莊嚴

智門祚禪師語錄 并序

門人住明州雪竇山資聖寺明覺本師賜紫 重顯 述

利生機要捨悲智無以立言暢道軌圍存中下無以臻極苟非曠發羣動越絕孤應則何以發續千燈芳騰三葉師韶陽的孫香林嗣子闢天人之深域振今古之洪謨建化度門高運震海既編聯而互出致流落以交參敢議窺班輒形刪定但貴其簡畧而已於戲祖胄之來星布攸廣或局一方一師之解玷漬先知蘊半禪半律之室如諸後進起異端於筆舌固狂狷於辭鋒譏圓明有三句接人指淨慧列三聚之語既非撫實頗共傳虛銜惑見聞盜求聲利

智門并

蓋叢室之巨壘也豈堪忍乎夫欲抑其宗必先入其奧儻未甄別徒自傷殘曾誥所謂君子非詩書不言非禮樂不勲故吾賢人三緘其口以誠于心況吾徒萌一意立一事得不務於弘濟而恣銷金銷骨之毀說寧不畏慎滅身之斧耶可為龜鑑矣庶知我者觀斯文而絕其謫閱于集而味其道則凜凜慧風無遠不及時辛未歲製寶月之五日上堂良久師顧視左右云莫有作家戰將出來雖然如是風不來樹不動時有僧問十地菩薩見性如隔羅縠祇如初地菩薩又隔什麼師云須彌山進云如何透得師云

三生六十劫 問一機未發如何辨其語脈師云大眾可驗僧云學人如何進向師云退後三步 問格卜私提請師舉唱師云你合作麼生進云與麼則承指示也師云莫妄想 問曹溪路上還有俗談也無師云六祖是盧行者問一切智智清淨還有地獄也無師云閻羅王是鬼作問如何是佛師云踏破草鞋赤脚走進云如何是佛向上亭師云拄杖頭上挑日月 問蓮華未出水時如何師云蓮華進云出水後如何師云荷葉 師乃云一法若有毗盧隨在凡夫萬法若無普賢失其境界正當與麼時末疎向什麼處出頭若也出頭不得金毛師子腰折又云幸好一盤飯莫待糝椒薑便下座

智門并

因舉僧問香林雲開親的旨今夜囑何人林云涅槃經僧云與麼則親的林云末後品 時有僧問師涅槃經意旨如何師云大喻八百小喻三千進云末後品意旨如何師云雖足三峯頭倒卓又云會麼僧云不會師云直待彌勒下生來 問師子返擲即不問虎頭生角時如何師云生得幾箇進云習麼則學人退身三步師云龍頭蛇尾 問如何是大衆修行師云擔枷帶鎖 問既是龍屈未審龍在什麼處師云眼下一帶青僧云學人未曉此意如何師云瞎

上堂云、汝若進一步、卽迷其理、若退一步、又失其事、若也寂然地、又同無性、作麼生、免得此過、所以古人道、明知與麼、故合不犯、正當與麼時、切忌傾倒、著便、下座。問、古人拈起拄杖、意旨如何、師云、看樓打樓、進云、放下拄杖、意旨如何、師云、百雜碎。問、聖僧爲什麼被大蟲咬、師云、不錯。問、如何是離却藥忌一句、師云、口是禍門、又云、又手當胸。問、魚游陸地時如何、師云、取死不遲、進云、却下碧潭時如何、師云、鑽泥刺土。問、牛頭未見四祖時如何、師云、天寬地窄、進云、見後如何、師云、地窄天寬。

智門評

三

用箇什麼、還有人委恁麼、不如歸堂向火珍重。

上堂云、三兩日來、好春雨、可謂霽沱、凡夫人見水是水、天人見水是琉璃、魚龍見水是窟宅、餓鬼見水是火、你衲僧家、喚作什麼、你若喚作水、又同凡夫見、若喚作琉璃、又同天人見、若喚作窟宅、又同魚龍見、若喚作火、又同餓鬼見、是你尋常、還作麼生、所以道、若是得底人、道火不燒口、道水不溺身、你每日喫飯、還少得一粒麼、又古人云、終日著衣喫飯、未曾咬著一粒米、未曾挂著一縷線、雖然如此、又須實到者裏、始得、若未到者田地、且莫掠虛。問、諸法寂滅相、不可以言宣、時如何、師云、好箇問頭、進云、潛麼、則市

地普天、師云、更是一堆。問、如何是無縫塔、師云、四楞著地、進云、如何是塔中人、師云、鼻孔三斤秤不起。問、威音三已前、是什麼人先悟、師云、何不問露柱、僧云、便潛麼、會時如何、師云、二頭三手。問、威音一響、妙色已彰、時如何、師云、兩重公案。問、既是普眼、爲什麼不見普賢、師云、弄巧成拙。問、學人有龜毛拂子、將奉師時如何、師云、无僧有、兔角拄杖與闍梨、進云、與麼、則進貢得賞也、師云、三十年後此話大行。

智門評

四

上堂云、詣上座、且得秋涼、正好進道、決擇、還有疑情出來對眾、大家共你商量、理長處就、所以趙州八十尚自行脚、祇是要飽叢林、又且不擔板、若有作者、但請對眾施呈、忽有騎牆察辨、呈中藏鋒、忽棒忽喝、或施圓相、忽家王迴旋、忽師子返擲、忽大作師子吼、忽拗折拄杖、忽掀倒禪牀、但請施設、還有麼、衆無對、又云、若是宗門中兒孫、須瞻祖師機、方可是祖師苗裔、不可喫却祖師飯、著却祖師衣、趁讀過日、便道、我是行脚僧、者箇祇喚作名字比丘、徒消信施、聞羅主、久後徵你草鞋錢、有日在、莫道我得便宜、忽然一日、眼光落地、入地獄如箭射、又圖箇什麼、各自著便宜、又不是憨漢也、久立。

因歲朝上堂云、斬新日月、特地乾坤、人人盡九一歲、你道

師云、不會且順朱

露柱年多少、還有人道得麼、對衆道看、若道不得、山僧與你註破也、祇是甲子會、時有僧問、大用現前不存軌則、時如何、師云、你爲什麼趨破脚指頭、問、日用而不知、常用事如何、師云、兩重公案、進云、潛麼則更不運步也、師云、草鞋底穿、問、金剛眼中、著得箇什麼、師云、一把沙、進云、爲什麼如此、師云、非公境界、問、如何是學人自己、師云、問底是誰、僧云、學人請益、師云、也是作賊人心虛、問、絕功勳處、如何履踐、師云、更買兩綱草鞋、進云、潛麼則退步也、師云、太少在、問、如何是如來禪、師云、橫擔拄杖緊繫草鞋、問、如何是祖師禪、師云、上大人、又云、會麼、僧云、不會

上堂云、是你諸人、橫擔拄杖、出一叢林、入一叢林、你道、叢林有幾種、或有梅檀叢林、栴檀圍繞、或有荆棘叢林、荆棘圍繞、或有荊棘叢林、栴檀圍繞、或有栴檀叢林、荊棘圍繞、祇如四種叢林、是你諸人、在阿那箇叢林裏、安身立命、若無安身立命處、虛踏破草鞋、問、羅王父後、徵你錢、有日在、問、衆生有難、炭庫裡藏身、諸佛有難、火袋裏藏身、衲僧有難、甚處藏身、師云、你不是衲僧、問、既是龍居、爲什麼不降甘雨、師云、疎田不貯水、進云、潛麼則衆生無賴也、師云、悲龍爭奈何、問、國師三喚侍者、意旨如何、師云、憐兒

不覺醜、進云、國師辜負侍者、意旨如何、師云、美食不中飽人餐、進云、侍者辜負國師、意旨如何、師云、粉骨碎身未足酬、問、三身中、那身說法、師云、闍梨鼻孔、進云、因什麼如此、師云、謾斯經、故獲罪如是、問、既是諸法寂滅相、爲什麼却有真說、云、話隨也、進云、寂滅相、又何在、師云、不在你口裏、問、如何是一大事、因緣、師云、問取目、健進、進云、學人不會、乞師再指、師云、舍利弗、當知、進云、未審如何領會、師云、大似不齊來、問、作麼生是和尚、歇人一句、師云、待闍梨不潛麼來、卽得、僧云、祇如潛麼來、還得休歇也未、師云、驢年、問、盡大地人、各道一問、問、問各別、未審和

尚、如何祇對、師彈指一下、進云、未審還副得他、問也無、師云、隋州紙貴、問、如何是一合相、師云、明鏡當臺、進云、如何是貪著底事、師云、胡是胡漢、問、從上古德、以何酬効於師承、師云、驗在目前、進云、潛麼則心不負人、面無慚色、師云、你爲什麼辜負我、僧云、和尚也須領話、師云、放你三十棒、問、承教中有言、譬如摩尼寶殿、三角常隱、一角常現、如何是常現底一角、師云、險

上堂云、數日好雨、且道、雨從什麼處來、若道從天降、那箇是天、若道從地出、喚什麼作地、若更不會、所以古人道、天地之前、徑時人莫強移、箇中生解會、眼上更安錫、又云、赫

日裏我人雲霧裏慈悲霜雪裏假渴電子裏藏身還藏身得麼若藏不得却被電子打破你體

上堂云茫茫宇宙人無數幾箇男兒是丈夫且道男兒與丈夫是同是別所以古人道佛法無多子其中難得人且道難得什麼人祇是難得不會佛法底人家中還有不會佛法人麼若有吐露箇消息來看所以黃檗七百眾却被行府傳衣付法去且道行者還會佛法麼故知等靈石室童子悟道又何關多口衲僧之事

上堂云雪峯親綫羅漢書字歸宗斬蛇犬隋燒舍且道明什麼邊事還有人明得麼試道看若明不得所以道斬蛇

智門禪

七

須是斬蛇手燒舍須是燒舍人瞥起情塵生妄見則裏無筋一世貧問如何是大通智勝佛師云言無再響進云如何是十劫坐道場師云禍不單行進云如何是佛法不現前師云金屑雖貴進云如何是不得成佛道師云眼裏若不得問久雨不晴時如何師云蘿蔔不生根進云既是久雨為什麼不生根師云一任叫皇天問如何是形山寶師云你有幾條袈裟進云請師指示師云一任亂走問如何是不變異句師云變也進云畢竟如何師云鬼脚長鶴脚短

上堂云若欲多求恐妨於道祇如諸上座還得道業成辦

也未若也未辦千般巧說不益其心萬種思量是何道理所以古人道你若無心我也休晴乾不肯去須待雨霖頭

問如何是般若體師云蚌含明月進云如何是般若用師云兔子懷胎問三春已去九夏又臨學人未明乞師直指師云打你頭破作七分僧云也知師為迷徒呵等茶學人未曉何師云非日月咎問經有方便學無人悟學人上來乞師直指師云見成公案進云未審學人過在什麼處師云放你三十棒問未有世界時還有佛法也無師云少一時不生剎一時不死問拈槌豎拂揚眉瞬目即不問向上一路請師舉唱師云你為什麼擔枷過狀進

智門禪

七

云與麼則謝師方便師云罪不重科問師唱誰家曲宗風嗣阿誰師云重疊關山路進云今日一會又奚為師云對牛彈琴問真源無昧兆如何話祖宗師云句裏明人進云潛麼則南山起雲北山下雨師云楊花得暖風問如何是透法身句師云胡孫繫露柱上堂云千人排門不如一人拔關僧便問如何是千人排門師云守株待兔進云如何是一人拔關師云你不是者手脚問如何是禪師云最苦是黃連進云如何是道師云甜底是甘草

上堂云鼓聲纔罷罕遇作家僧出禮拜師云打鼓為三軍

僧云長蛇偃月休施展匹馬單鎗設立功師云冰消瓦解
僧云諾師云蘇嚕蘇嚕問室王殿中以何爲侍者師云
樓至佛

上堂云南泉道自小養一頭水牯牛擬向谿東放不免食
他國王水草擬向谿西放不免食他國王水草不如隨處
納些些他總不見所以雲門大師道平地上死人無數過
得荆棘林是好手直饒你截斷凡聖及盡有無也祇是老
鼠入飯甕未知有向上一竅在便有僧問如何是向上
一竅師便打云我早是將一塊屎幕口抹了你更來咬我
手作麼僧擬議師便趁

智門評

九

上堂云神方秘術子父不傳山僧有箇藥方黑豆好合醬
便下座問如何是清淨法身師云滿眼是埃塵問如
何是色空師云蓮園裏賣蔥問應化非真佛亦非說法
者未審是什麼人說師云露柱口唇缺問如何是無底
鉢孟師云挂向壁上進云未審將何齋粥師云匙挑竹筴
問如何是佛師云抱賊叫屈問如何是祖師西來意師
云山雲野雉問如何是然燈前師云空劫無閒人僧云
如何是正然燈師云火星入牛斗進云如何是然燈後師
云衲僧天下走問古鏡未磨時如何師云也祇是箇銅
片進云磨後如何師云且收取問學人有一問未審師

還答也無師云南地鶻北地狐進云意旨如何師云三月
裏看問學財入樓閣是何時節師云末後殷勤進云畢
竟如何折倒師云不如退後三步僧云恁麼則古人不先
今人不後師云秦王擊缶問終日切切祇爲庭前綠雲
如何得雪消去師云相次春來進云恁麼則紅輪起處處
穿盡盡師云雪上更加霜問開門造車時如何師云還
得成就也未進云出門合轍時如何師云摩般門下問
承教有言一人發真歸源十方虛空悉皆銷殞既是虛空
云何銷殞師云歸源者合知進云恁麼則一漚生處處波
同師云細看前話

智門評

十

因李都尉奏師紫衣到日上堂僧問皇恩遠降紫服新披
未審師今將何報答師云頭戴天腳踏地進云恁麼則知
恩報恩也師云你也是老鼠喫鹽問照日絲綸自天而
降皇恩極大師將何報師云大好天涼進云與麼則雲龍
會合日月重明師云閒言語師乃云問話且止斯日皇
恩且道自何而降老僧本志弊衣遮幻質糲食補飢瘡無
何都尉聞天榮頒紫服著卽又還本志不著文負天心挂
不挂且教你道祖師挂什麼衣若也多恣許上座終日著
衣未曾挂著一縷絲終日喫飯未曾咬著一粒米若不恣
恣看老僧今日披衣去也遂乃披衣

師示眾云、智用記得在夢胎中有一則語、今日舉似大眾、諸人又不得作道理商量、還有人商量得麼、若商量不得、三十年後不得錯舉、或云、登天不假梯、徧地無行路、正當溜麼時、向什麼處安身立命、或云、千人排門不如一人拔關、還有人拔得關麼、試對眾道看、若道不得、且在門外、或云、日來月往、瘡痕轉多、你將什麼醫得、你若醫不得、作麼生奈者瘡痕何、或云、三十年前、即不問你、三十年後、不用將來、正當即今、還道得麼、若道不得、一處不通、兩處失功、或云、荆棘叢林、則不問你、出身一句、作麼生道、或云、頭上霹靂、則不問你、雲開雨散、道將一句來、

智門評

十一

或云、天下行脚、道我參禪、你道禪是什麼義、或云、日程來往、總不疑著、半夜裏、道將一句來、或云、橫擔拄杖、則不問你、針筒鼻孔裏、道將一句來、或云、鉢盂無底、成得箇什麼、或云、狂象無鉤、將何制勒、若制勒不住、莫教犯他苗稼、或云、天降時雨、爲什麼枯木不生花、或云、天地及日月、時至皆歸盡、作麼生是透脫一句、或云、出身一句、則不問你、三家村裏、道將一句來、或云、衲僧須是透得名身、身方可具得衲僧一隻眼、還有道得底麼、或云、滿口道不著底句、還道得麼、或云、仰面看天、爲什麼不識月、或云、低頭拾芥、爲什麼不見地、或云、初秋

夏末、還山觀水、且從你、爲劄一問、快道將來、或云、出門一句、不問你、萬里無雲、道將一句來、或云、險峻路上、則不問你、平田莊裏、道將一句來、或云、黃卷赤軸、則不問你、衲僧分上、一句作麼生道、或云、直得凡聖情盡、未是衲僧本分事、且作麼生是衲僧本分事、試通箇消息來、若也道不得、莫道龍居相埋沒好、

歌頌

綱宗歌

昆明池裏失却劍、曲江池內撈得鉤、鱸鱖斷斷且過時、

智門評

十二

莽鹵鹵河沙數、藕竭節搜路布、劍利衲僧道一路、師子不捉麒麟兒、猛獸那堪牀下顧、摩斯吒入水去、若回休吐黑雲霧、俊鷹俊鷂搏天飛、鈍鳥難籠根捱不去、佛祖言休更舉直饒格外猶未許、見成公案早多端、那堪更涉他門戶、夜烏雞誰捉去、天明戴雪遭指注、胡蜂不戀舊時窠、猛將那肯家中死、

三巴鼻

座主巴鼻、休誇不二、維摩一默、文殊失利、衲僧巴鼻、高原陸地、不生蓮華、豈容香氣、禪師巴鼻、師子遊戲、水漲船高、桶窄鼻頭、

示衆

何物苦求而不得何物不求而自來何物鐵槌打不碎何物夜合而晝開若人不會山僧意琉璃寶殿生青苔

因事二首

左轉復右轉身被摩訶衍放下構深泉不論深與淺

猛燄爐中看月輪急須著眼裏因循若未垂得勞生手如何出得燄光身

頌古

世尊一日陞座大衆雲集文殊從座而起白槌云

智門評

十一

諦觀法王法法王法如是世尊便下座

文殊白槌報衆知法王法令合如斯會中若有仙陀客不待眉間毫相耀

汾州美妄想頌

馬祖出得一汾州妄想如雷播九州參禪若無衲子眼多於海上覓浮漚

雪峯示衆云南山有一條鼈鼻蛇俗等諸人切須好看

鼈鼻事難提當陽薦者迷舉頭錯入草鑽上鷓鴣啼

雪峯輓毬頌

象骨輓毬孰辨機一千五百幾人知既起眉毛千萬里這是吾門師子兒

僧問雲門如何是吹毛劍門云祖頌

吹毛寶劍問雲門來者投機豈更存路逢劍客如何也說人攜首向南宗

僧問雲門如何是和尙家風門云有讀書人來報

在處叢林有家風且與雲門事不同門外若有讀書者任是顏回亦不通

僧問雲門如何是祖師西來意門云日裏看山頌

日裏看山也是常西來祖意謾商量金毛師子稀逢有多

智門評

十四

是狐狸喚作狼

雲門抽顧頌

雲門抽顧笑喚喚擬議遭他顧鑑嘆任是張良多計策到頭於此亦難施

僧問大隋劫火洞然大千俱壞未審者箇還壞也

無隋云壞僧云與麼則隨他去也隋云隨他去頌

切忌隨他不曾他大隋此語播天涯眞淨性中纔一念早是千差與萬差

大隋和尚看鳥龜在陸地僧便問一切衆生皮裏

骨者箇衆生爲什麼骨裏皮隋脫一隻鞋盡却鳥

龜便去

如龜藏六已彰名休向人前弄眼睛一隻皮鞋都蓋却直至如今猶未惺

僧問洞山如何是佛山云麻三斤

麻皮三斤不用秤秤頭那肯坐於繩一念纔生筋骨露徒勞更覓定盤星

僧問雲門如何是沙門行門云會不得僧云為什麼會不得門云祇守會不得

君問沙門行沙門行最高若教人會得業性卒難逃

僧問趙州久嚮趙州石橋到來祇見掠約州云你

智門評

十五

祇見掠約不見石橋僧云如何是石橋州云渡驢渡馬

趙州石橋本無星水急游魚不易停橋上祇觀驢馬跡誰人敢向御街行

趙州問南泉離四句絕百非請師道泉便歸方丈

州云者老漢尋常口吧吧地不消一問

離却四句絕百非作者相諳識得伊越下禪牀便歸去從他鷄子搏天飛

同光帝命諸禪師坐次云朕收得中原之寶祇是無人酬價興化云如何是陛下中原之寶帝以兩

手展幞頭脚化云君王之寶誰敢酬價

君王之寶實難酬興化形言下一籌兩手展開幞頭脚教音挂在鳳皇樓

南泉齋次自將生盤云首座前云出生杉山時為

首座云無生泉云無生猶是未便過杉山乃召長

老長老泉回首云作麼杉云莫道是未頃

古老巡堂親掠生渡水行舟不易耕莫道無生猶是未纖毫不了亂縱橫

僧問長慶有問有答賓主歷然不問不答時如何

慶云相逢盡道休官去林下何曾見一人頃

智門評

十六

人人盡道我心休問着何曾有地頭口說心違瞞自己業河迅速任漂流

僧問長慶衆手淘金誰是得者慶云有伎倆者得

僧云學人還得也無慶云大遠在頃

衆生淘金得者誰纖塵空礙豈能為洪波浩渺黃金遠一事無成空手歸

智門評禪師語錄終